

M. TVLLII CÆ CERONIS ORATI- ONVM

VOLUMEN PRIMVM,
a Ioan. Michaele Bruto emendatum.

Accesserunt breues animaduersiones ex doctissi-
morum hominum commentarijs, quibus ita loci
permulti explicantur, vt vulgo receptæ lectionis
vbique ratio habeatur.

*Quos autem in his simus auctores secuti
auersa pagella indicabit.*



LONDINI,
Excudebat Thomas Vautrollerius,
Typographus. 1579.
Cum Priuilegio Regiæ Maiestatis.





IOAN. MICHAEL

BRVTVS PHILIPPO TE-
BALDVICIO IACOMINIO
S. D.



VLTI quidem, Philippe Tebal-
duci, ex quo tempore eloquentia in-
ter homines esse aliquo in honore,
& gloria cœpit, cum eius studio in-
censi magnum suum nomen atq; il-
lustre ea excolenda apud posteros
fecissent, de illius laudibus præclare multa, & lucu-
lenter scripta reliquerunt. Itaque, vt eos mittam,
qui ita has partes præstiterunt, vt haud digni ipsi
maiore laude viderentur: ex ijs ipsis, qui magna in-
genij, atque eruditionis fama sunt in laudanda elo-
quentia versati, qui tamen illius magnitudinem sint
assecuti scribendo, plane constat ad hunc diem fu-
isse neminem. Atque in eo ipso, illud dignum sum-
ma admiratione est, cum doctissimi homines, atque
excellantissimis ingenijs, illius laudibus persequen-
dis, magno hominum consensu disertis ipsi, & elo-
quentes sint visi: nemini tamen vniquam materiam
ad scribendum, magna etiam cum spe laudis defu-
isse. Est hæc plane mirifica illius laus, cum vni laus
maxima debeatur, quæ illi tamen par sit, inueniri
laudem nullam posse. Et si autem multa sunt in ho-
mine ornamenta, & maxima, quibus illum natura
honestauit: at est illud vnum plane diuinum, quod
& intelligendo proxime illum ad Dei immortalis
vim, & magnitudinem accedere, & quæ intelligeret
explicando, quod diuinitatis cuiusdam esse, ac ma-

NOTE

This volume has
tight binding and
effort has been made
duce the centres,
result in de

acade
microforms

z has a very
nd while every
made to repro-
s, force would
damage

demíc

ms





IOAN. MICHAEL

BRVTVS PHILIPPO TE-

BALDVICIO IACOMINIO

S. D.



VLTI quidem, Philippe Tebal-
duci, ex quo tempore eloquentia in-
ter homines esse aliquo in honore,
& gloria cœpit, cum eius studio in-
censi magnum suum nomen atq; il-
lustre ea excolenda apud posteros
fecissent, de illius laudibus præclare multa, & lucu-
lenter scripta reliquerunt. Itaque, vt eos mittam,
qui ita has partes præstiterunt, vt haud digni ipsi
maiore laude viderentur: ex ijs ipsis, qui magna in-
genij, atque eruditionis fama sunt in laudanda elo-
quentia versati, qui tamen illius magnitudinem sint
assæcusi scribendo, plane constat ad hunc diem fu-
isse neminem. Atque in eo ipso, illud dignum sum-
ma admiratione est, cum doctissimi homines, atque
excellentissimis ingenijs, illius laudibus persequen-
dis, magno hominum consensu disertis ipsi, & elo-
quentes sint visi: nemini tamen vnquam materiam
ad scribendum, magna etiam cum spe laudis defu-
isse. Est hæc plane mirifica illius laus, cum vni laus
maxima debeatur, quæ illi tamen par sit, inueniri
laudem nullam posse. Etsi autem multa sunt in ho-
mine ornamenta, & maxima, quibus illum natura
honestauit: at est illud vnum plane diuinum, quod
& intelligendo proxime illum ad Dei immortalis
vim, & magnitudinem accedere, & quæ intelligeret
explicando, quod diuinitatis cuiusdam esse, ac ma-

ius, atque augustius potestate hominum videretur,
 efficere vnum in terris voluerit. Quis autē rationis,
 & mentis vsus in homine esset, si quidem cum inge-
 nij acie videre multa, atq; excogitare præclare pos-
 set, ratio illi certa deesset, quæ præclare inuenta ex-
 cogitataq; haberet, in hominum vitam, quo illum
 natura adduceret, conferendi? Nunc quidem, vt ex
 constanti, ac certo cæli motu, ex ortu, atque occasu
 siderum, quæ celeritate incredibili suos orbes con-
 ficiendo annorū conuersiones, tempestatumq; va-
 rietates efficiunt, vt deniq; ex tanta naturæ consen-
 sione, conuenientia rerum, decore, venustate, diui-
 nam esse mentē intelligimus, cuius admirabili pro-
 uidentia constituta omnia administrantur: sic quo-
 cumq; nos animo, menteq; conuertimur, maximam
 quidem rerum inuentricem in homine rationē,
 atq; adeo e diuina mente libatam, atq; haustam a-
 nimaduertimus: sed vnam illius administram elo-
 quentiam, earum rerum omnium effectricem, sine
 quibus nulla hominum vita futura sit, vnam eandem
 summam virtutem, quam sapientes, rerum dominā,
 lumen ingenij in homine, decus, sapiētiam vocant,
 cogimur admirari. Quod enim vitam honeste &
 cum laude ducimus, quod vni animantium omni-
 um, non aliorum causā effici, contra, omnia nostri
 causā effecta videantur, quod est nobis propositū
 laus, gloria, honos, decus, vt non solum sit nobis
 cum spe vitæ, cuius perexiguus est, ac brevis cur-
 sus, sed cum spe etiam immortalitatis viuendum, v-
 na sibi hanc laudem eloquentia totam sumit. At
 quanta res eloquentia sit, tum facile nobis fuerit in-
 telligere, si sine ea, cuiusmodi esset vita hominum
 futura, id quod facile fingere animo possumus, per-
 spectum, exploratumq; habeamus. Fuit hoc quidē
 homini a natura datum orto e diuino semine ani-
 manti, vt cum tantus esset, quantus sibi postea effi-
 visus est, non solum se esse præstantissimum omniū
 sciret.

sentiret, sed vt factus tandem admirator sui, ratione
 certam viamq; iniret, qua se dignam vitam, atque
 sua origine traduceret, quæ diuina & cælestis esset.
 Et si autem verisimile est, cum rudis adhuc vita ho-
 minum impolitæque esset, nonnullos semper existi-
 tisse, qui cum magnitudine ingenij excellerent, se-
 uocata interdum a mortali concretione mente,
 quanta esset homini dignitas a natura conciliata,
 ex contemplatione sui æstimare possent: at, vt mul-
 titudinem a fera vita, atque immani auocarent, vt
 a corporis contagione abducerent, vt ad cognitio-
 nem sui, ad immortalitatis spem, ad contemplatio-
 nem rerum cælestium excitarent, eloquente homi-
 ne fuit opus, & qui tamquam orationis faces admo-
 uendo incenderet animos ad earum rerum studi-
 um, a quibus, deprauata natura sui, essent maxime
 auersi. Quanta porro excitanda ingenij vis fuit, vt
 subire homines vnius imperium vellent, vt magi-
 stratum vereri, legum vim, iudiciorum seueritatem,
 vt ad vitæ constantiam, atq; æquabilitatem tradu-
 ci: cun elati virium ferocia, tenuitate imbecillio-
 rum ad iniusta imperia, ad vim, ad iniuriam abute-
 rentur? quanta autem eloquentiæ vis adhibenda, vt
 horrere ijdem tortorem, supplicia, cruces, secures,
 imminentem carnificem improborum scelerei assu-
 escerent, qui vitæ omne præsidium in robore viriū,
 atque immanitate haberent constitutum? At laudi-
 bus maximis afficiuntur, qui bello deuictas gentes
 sese dedere, leges accipere, imperata facere, pare-
 re hostium imperio armis coegerint: qui eloquen-
 tiæ subsidio, a vitæ impunitate, & licentia, homines
 volentes ad subeundas penas eorum quæ agerent
 impune, capite, & ceruicibus perducere, non illi
 videntur dei immortalis vim in terris potestatemq;
 assecuti? Vt autem diuinum hoc opus, atque admi-
 rabile, quem mundum sapiētes homines, illius spe-
 ciem eximiam pulchritudinemque admirati nomi-

narunt, ex diuersis inter se maxime, & pugnantis
 naturis immortalis deus consilio effinxit: ita distra-
 ctam, confusamque vitam hominum diuersis stu-
 dijs, cum in magna rerum impunitate corporis vi-
 res ad opprimendum, consilij vis, & ratio illis vsui
 ad fallendum esset, nullum posteritatis studium, qui
 certa connubij iura nulla haberent, certos liberos
 nullos agnoscerent: sapientium hominum, atq; elo-
 quentium dicendi facultas, & vis ad hanc rationem
 humanitatis, & vitæ coniunctionem, quæ hominis
 maxime propria est, conformauit. Hinc primum
 hominibus certa constituta domicilia, & sedes, cum
 in principio qua illos temere libido, & casus fer-
 ret, incerti vagarentur, conditæ ciuitates, scriptæ le-
 ges, magistratus, priuatorum iura instituta, agro-
 rum fines descripti, quorum nullus modus esset, de-
 finitæ regionibus prouinciæ, diuisus terrarum or-
 bis regnis, atque imperijs: hinc præclaræ omnes
 artes studiaque adiuuenta, quibus homines, exuta
 feritate, ad meliora vitæ instituta capeffenda incita-
 rentur. Quæ cum tanta sint, vt nihil fingi ad speciem
 præclarius, nihil ad vsum excogitari commodius,
 atque vberius potuerit, quanta eloquentiæ laus sit,
 quæ vna tantarum rerum effectrix, & moderatrix
 habeatur? An non illa merito inter cetera vitæ or-
 namenta, quibus homines brutis animantibus præ-
 stant, principem sibi locum vindicauit? Sunt hæc
 quidem per tot sæcula ex quibus esse homines cœ-
 perunt pæne obruta vetustate, sed in hominum me-
 moria, quamdiu in his ratio vigeat, nisi sui obliuisci
 plane velint, fixa testataque hærebunt: nullum
 vt vniquam tempus futurum sit, quin eloquentiæ
 laudes litteris, monumentisque doctorum homi-
 num consignatæ exstent. Atq; eo quidem poetarum
 fere inuenta spectant; cum vt veritatem fictis fabu-
 lis adumbrarent, dijs natos homines effingerent
 qui deleti hominum genere, e lapidibus deorum
 impe

imperio homines formatent: neque enim multo se-
 cus videntur fecisse, qui e dura atque immiti natura
 orationis lenocinio homines ad hanc humanita-
 tem delinitos traducere potuerunt. Hinc Hercules,
 Dionysij, ceteri, quos falsa opinio hominum in de-
 orum numero præclare de rebus hominum meri-
 tos, diuinis certe atque immortalibus dignos præ-
 mijs, collocauit. Atq; vt iam propius accedam, hinc
 in liberis ciuitatibus oratorum summa auctoritas,
 ingens nomen, existimatio, euecta eloquentia po-
 pulorum suffragijs ad summos honores, ad maxima
 regna, atque imperia: hinc in ciuilibus dissensionib-
 us iratis adempta arma, graues volentibus imposi-
 ta leges, erepta commoda, agrariæ leges, cum ro-
 garentur, antiquatæ: quæ prodigia verius, & portē-
 ta, nisi clarissima ad nostram memoriam monumen-
 ta eorum exstarent, videri possint. Itaque, vt cetera
 omittam Thucydidis, Herodoti, Xenophontis, tum
 qui ea quæ litteris mandarunt, in foro, in iudicijs,
 in concionibus, in summo ciuitatis consilio ege-
 runt, Demosthenis, Aeschinis, Hiperidis, quorum
 ingenia, atq; eloquentiam ex ijs quæ nobis scripta
 reliquerunt admiramur, quæ tuo nomini inscripta
 hoc tempore, Philippe, edimus, eius oratoris mo-
 numenta sunt, qui diuina quadam facultate ingenij,
 dicendi vbertate, & copia, grauitate sententiarum,
 cognitione maximarum rerum, omnibus orationis
 luminibus, & ornamentis, ea est in magna inimico-
 rum contentione affecutus, quæ nemo fere secun-
 dissimis suis rebus est vmquam ausus optare. Non
 est consilium singula enumerare, priuatis, publicis
 dicendis causis, auctoritatem, gratiam, potenti-
 am partam: detractos ex accusatorum sublellijs re-
 os atque iudicum seueritati ereptos: nouum ho-
 minem nullis maiorum monumentis, triumphis, i-
 maginibus nitentem, ad summum ciuitatis impe-
 rium euectum: disiectam, & fractam Catilinæ ma-

num, cum in vnus consulatum improborum ciuium consilia erupissent: a cædibus, vastitate, incendijs patriam liberatam, e fati ore, & faucibus ereptam: quibus vellet decretas prouincias, quibus vellet ademptas: ab eo qui inimicus, qui infestus iudex, qui cum summo imperio, summa cum potestate iudicaret, qui iam damnasset, vitam, incolumitatem, reditum exsulum impetratum: quanta illa sunt quæ, republica tyranni cæde liberata, gessit? Vtrum quidquam agi ad famam hominum illustrius, ad gloriam, ad immortalitatem magnificentius potuit, quam cum homine potentissimo inimicitias suscipere, cum armato, improbo eodem, audaci, impotenti animo, summam potestatem gerente dimicare, eundem hostem iudicandum, notandum decretis grauissimis, prouincia, imperio spoliandum, eiiciendum e ciuitate, deturbandumq; curare? Quis vero vnquam armatus, & clarissimarum gentium victor iustiores egit triumphum, quam is vnus togatus promereri est visus? Non enim hæc armis gesta, non vi, non consulari imperio: sed animi magnitudine, & consilio suscepta, studio, vigilantia, virtute administrata, vna eloquentiæ vi perfecta, & constituta. Itaque qui ea apud alios legunt, vt ab ijs tradita posteris sunt, facere non possunt, quin ita esse gesta arbitrentur: tantum vt tribuant vnus hominis eloquentiæ, quantum fidei scriptorum tribuunt, vix vlla ratione adduci possunt. At vbi quis dicendi genus quam acere sit, quam vehemens, quam concitatum, qui in vniuersa oratione aculei, quanta dicentis vis sit, animaduertat, haud magnopere miretur audacissimorum hominum animos fractos, improbos territos ac debilitatos metu, sceleratis extorta arma e manibus, tela intenta iugulis ciuium, comparatas faces ad vrbis incendium ereptas, liberatam ab interitu patriam, vno hæc togato agente, salutem

rem omnium, incolumitatem, libertatem, magna illius gloria constitutam. Facit quidem mihi copia eorum enumerationem difficilem, qui eloquentiæ laude maiorum memoria excelluerunt: quorum cum multi improbi, & nefarii facultate orationis ad fallendam multitudinem abuterentur, ut infamis eloquentia aliquando in liberis ciuitatibus haberetur, magno suo dedecore, & scelere perfecerunt. Neque vero accusanda eloquentia, sed plectendi ij fuerunt, qui qua re esse suis subsidio deberent, illis exitium pestemque importarent. Ita ignis tanta vis merito æque reprehendi possit, cuius est usus homini maxime ad vitam agendam necessarius: quoniam vrbes haustæ, prouinciæ, populi absumpti incendio, mala, atq; incommoda sunt hominum scelere in orbem terrarum per cum inuenta maxima, & grauissima. Itaque nobili illo Atheniensi iudicio, cum Hiperide defendente deserto homine, & magni nominis, Phrinem Areopagitæ magna ciuitatis infamia absoluisent: iudicum flagitum vindicandum seuerè, eloquentiæ præsidio ciues priuandi, quo vno maxime liberæ ciuitates stant, minime paucorum scelere fuerunt. Atque ut in alijs omnibus, ita & in hoc rectius populus Romanus: qui cum duo summi oratores, & in primis suorum clari ad vim ingenij dicendi copia adiuncta, perniciosas ciuitati leges populo suadere, aduersante senatu, instituissent, illos tollendos e medio, eloquentiæ usum vnus rei maxime vitæ hominum salutariis, non solum retinendum, sed augendū etiam præmijs notato scelere, atq; audacia hominū censuit. Itaq; Gracchorum inuidia neq; Q. Hortensio, cum longo interuallo consulatum in familiam retulisset, neq; Ciceroni, equitis Romani filio, cum per se homo cognitus competitores homines nobilissimos consulatu deiecisset, quo minus ad summos honores perueniret impedimento fuit. Quid vero?

iccircone abijcienda sunt arma, quod ad otium &
 pacem tuendam adinuenta, maximorum sæpe ma-
 iorum efficiētia hominibus fuerunt? Etsi enim Ma-
 rius, Sulla, Cinna, Octavius, civilibus bellis patri-
 am quam seruare deberent, affligerunt: perdidit
 Pompeius, Cæsar: at seruauit olim Camillus perdi-
 tam: Fabius, Marcellus, Claudius sustinuit laban-
 tem: ditione atq; imperio Scipiones auxerunt. Quin
 etiam vnde alij reprehendendi occasionem sump-
 serunt, maxime semper mihi laudanda eloquentia
 est visa. Quæ enim in mala causâ, & cum vires suas
 omnes, & copias improbo homini effudit, flectit ta-
 men animos, quo vult rapit, mouet, abijcit, erigit,
 diluit, refellit, difficillima quæque assequitur, neque
 iam sumit quod datur, sed quod vult eripit, adimit,
 extorquet: quantos illa clamores, admirationes,
 plausus in optima causâ est excitatura? Fuit hæc
 olim suscepta contentio inter duos suæ, superioris-
 q; ætatis omnium oratores maximos, atq; eloquē-
 tissimos Ciceronem, & Hortensium in vno accusan-
 do, & defendendo C. Verre. Quorum alter quantus
 fuerit futurus, vbi altera actione ad iudicium reus
 affuisset, ex ijs orationibus quæ ab illo scriptæ ad
 nostram memoriam peruenerunt, facile iudicari
 potest. Nihil autem est, siue id ab ingenio, siue a re-
 cōditiore quadam arte, & doctrina manat, quod ad-
 iumenti aliquid afferre ad dicendum possit, quin in
 ijs cumulate perfectum absolutumq; sit. Quidquid,
 inquam, est, quod excogitari ingenio, perpoliri ar-
 te, effici vsu, atque exercitatione possit, ornamenta
 omnia orationis, & lumina: quidquid in vilo genere
 orationis, admirationem hominum, & laudem ha-
 bet, siue inuehendum sit vehementius, siue callide,
 atq; acute disputandum, siue temperata oratione le-
 niter, remissè, æquabiliter agendum: copiosissima at-
 q; vberissima omnia in vnum congesta coaceruataq;
 conspiciuntur, quæ raro in multis atque ea quidem
 quæ sita

quæſita pertina ci ſtudio, numquam in vno ſunt poſt
 hominum memoriã animaduërſa. Neq; vero ipſe
 præcepta dicendi hauſiſſe ab alijs, ſed ſuppeditare
 ipſe vnde alij parata habeant, neque ex arte dicere,
 ſed conficere ipſe artem videtur: vnus in quo or-
 nando quidquid præclari natura habuit, raro ſui ef-
 fuſa videatur conſumpſiſſe. Alter qui neq; dixit pro
 reo, neq; quid eſſet dicturus, cum tantus eſſet, vt cū
 Cicerone conferretur, ſcriptum reliquit, veluti in
 perdita cauſa, & grauiffimis præiudicijs iugulata,
 magnitudine ingenij videtur potuiſſe efficere, vt cū
 iudicum voluptate, ſua magna cum laude audiretur:
 tum effugere nonnumquam atq; elabi e manibus, e-
 tiam ſi accuſator Cicero eſſet: aſſequi idem cum
 neque a cauſa, neque ab vlla honeſta ratione adiu-
 uaretur, obeſſet reus plurimum, cuius vita anteacta
 omnibus ſcleribus, & flagitijs eſſet cooperta, vt
 Cicerone accuſante abſolueretur, minime videtur
 facile potuiſſe Adiuuat cauſam oratoris eloquen-
 tia, ſed ita, vt oratorem adiuuet cauſa, non aduerſe-
 tur certe, ius, æquitas, leges quæ ſuſceperit defen-
 denda tueantur. Ac cum tantus eſt eloquentiæ vſus,
 in publicis cauſis, priuatis agendis, in dicenda ſen-
 tentia, vbi quid ſuadendum, diſſuadendum ſit, tum
 nulla eſt vitæ pars, quæ huius eſſe expers ſine mag-
 no incommodo poſſit. Quantum enim illa habet il-
 lecebræ ad conciliandos animos? quantam ad co-
 hortandum vim, ad deterrendum? quantum volu-
 ptatis, & lenocinij ad oblectandum? Quis porro eſt
 honeſto loco natus, ſiue is in libera ciuitate agat, ſi-
 ue in ea quæ vnius imperio pareat, quin illi aut pu-
 blicæ, aut priuatæ rei cauſa, cum magiſtratu agere,
 legari ad reges, præfici negotijs grauiffimis, multa
 obire necesse ſit, quæ neque adminiſtrari recte, neq;
 villo modo effici ſine eloquentiæ præſidio poſſunt?
 Quot autem ij ſunt, quibuſcum nobis eſt agendum,
 qui cum ſint ita affecti animo, vt nulla vi ſecti, nul-

lis armis possint, vnius commoda oratione, deliniri
 se, atque adduci in sententiam patiantur? Itaque
 optima ratione fit, vt, quemadmodum in foro qui
 oratores maxime eloquentia excellant, abhiben-
 tur ad defendendas causas: qui legationes obeant
 ad reges, & præpotentes populos, ij deligantur, qui
 ad summam prudentiam, & rerum vsum dicēdi vir-
 tutem & facultatem habeant adiunctam. Quæ om-
 nia, Philippe, cum pater tuus explorata haberet ex-
 cellenti vir ingenio, & quorum esset liberorum pa-
 rens non ignoraret: quamquam præter familiæ no-
 bilitatem multa se illis relicturum speraret, quibus
 traditum a maioribus locum in ciuitate honeste tu-
 erentur: cum alias artes quibus liberi adolescentes
 ad virtutem, atque honestatem excitantur, tum elo-
 quentiæ studia illos excolere, atque ea ipsa quidem
 intentissima cura, & studio acerrimo voluit. Quod
 illi tanto maiori laudi est dandum, quanto cum ille
 ea ingenij elegantia liberos, ea forma, ijs moribus
 suscepisset, vt paternam in ijs etiam indulgentiam
 excitarent, qui nulla ijs essent propinquitate con-
 iuncti, minus a tam laudabili instituto ijs incom-
 modis deterritus est, quibus grauissimis plurimisq;
 subeundis maximarum rerum cognitio, ac litteræ
 reconditiores comparantur. Ac te quidem, qui es
 ceteris natu maior, quamquam ea a natura adiun-
 ta habes, vt tua sponte, cum maxima semper specta-
 ris, & te digna, quo animum intendisses videreris
 peruenturus, quantum excolendo ornandoq; per-
 fecerit animaduertimus: magna quidem hoc cum
 illius laude, qui vt talis euaderes curarit, sed non
 minore tua tamen, qui parentis studium summum a
 primis tuis annis singulari assiduitate, alacritate a-
 nimi, constantia, quæ in ea ætate admiratione digna
 videretur, perpetuo adiuueris. Auertit te ab institu-
 to laudis cursu, non quidem patris voluntas (quid
 enim illi posset esse antiquius, quam te, eo cum lau-
 de

de confecto, virtutis præmium assequi, quod tibi
 proposuisses maximum, atque amplissimum?) sed
 rei familiaris ratio : cum patris ætati ingrauescenti,
 filium tanta ingenij indole quasi succrescētem, suc-
 cedere velut grauiori oneri ferēdo, domesticis ob-
 cundis negotijs æquum esset . Quo magis esse ipse
 laudandus videris, qui, cum nulla fere hora vacuum
 te a negotio habeat, ea legere non desistis, quorum
 fructus modo libero homini in otio cōstare, & pla-
 ne omni cura perfuncto potest. In quibus cum au-
 diissime Ciceronis scripta legas, quem vnum aucto-
 rem eloquentiæ tantum habes, qua vales plurimū,
 haud videar male meam operam posuisse, si eius o-
 rationes quas aut priuatus, aut in magistratu ante
 præturam habuit, tuo nomini a me emendatas in
 lucem edam. Nam vtrumque me assecuturum spe-
 ro, &, vt mihi grati animi fructus aliquis constet,
 meæ voluntatis in te illustri testimonio constituto,
 &, vt ipse Ciceronis scripta (qua in re plurimum a
 me elaboratum est) multo quam antea emendatiora
 legas. Quod tibi haud vereor quin gratissimum fu-
 turum sit. Nam, vt meum in te studium, beneuolen-
 tia, obseruantia quanta sit perspicui possit, nullo
 me genere officij vñquam assecuturum
 spero. Datum Lug. Kal. Ian.

1567.

* *

M Cicero sub aduentum Triumvirorum urbe cesserat pro certo habens, id quod erat, nō magis Antonio eripi se, quam Casari Casiū & Brutiū posse. Primo in Tusculanum fugerat: inde transuersis itineribus in Formianum, ut ab Caieta nāuim conscensurus, proficiscitur. unde aliquoties in altum prouectum, cum modo venti aduersi retulissent, modo ipse iactationem nāis cāco volente fluctu patinon posset: tadium tandem eum & fuga, & vita cepit. Regressus ad superisrem villam, quā paullo plus mille passibus a mari abest, Moriar, inquit, in patria sepe seruata. Satū constat seruos fortiter fideliterq; paratos fuisse ad dimicandum: ipsum deponi lecticā, & quietos pati, quod fors iniqua cogeret, iussisse. Prominenti ex lectica, praebentiq; immortam cēuicem caput praecisum est. Nec satū stolidā crudelitati militum fuit: manus quoq; scripsisse aliquid in Antonium exprobrantes, praeciderunt. Ita relatum caput ad Antonium: iussuq; eius inter duas manus in rostrū positum: ubi ille consul, ubi saepe consularis, ubi eo ipso anno aduersum Antonium, quanta nulla umquam humana vox, cum admiratione eloquentia, auditus fuerat, vix attollentes lacrymis oculos homines intueri trucidata mēbra eius poterant. Vixit tres & sexaginta annos: ut, si uiuisset, ne immatura quidem mors videri possit. Ingenium & operibus, & premiis operarum felix. Ipse fortuna diu prospera, & in longo tenore felicitatis, magnū interim illius vulneribus, exilio, ruina partium, pro quibus steterat, filia morte, exitu tam tristi, atq; acervo, omnium aduersorum nihil, ut viro dignum erat, tulit, praeter mortem: quā vere aestimanti minus indigna videri potuit: quod a victore inimico crudelius passus erat, quam quod eiusdem fortuna composito fecisset. Si quis tamen virtutis vitia pensarit, vir magnus ac memorabilis fuit: & in cuius laudes sequēdas Cicerone laudatore opus fuerit.

ORATIO-

ORATIONVM PRI- MI VOLVMINIS INDEX.

Pro P. Quinctio. Oratio I.

Pro Sex. Roscio Amerino. Oratio II.

Pro Q. Roscio Comædo. Oratio. III.

*Accusationis in C. Verrem liber primus, qui Di-
uinatio dicitur. Oratio IIII.*

*Accusationis in C. Verrem liber secundus. Ora-
tio V.*

*Accusationis in C. Verrem liber tertius. Oratio
VI.*

*Accusationis in C. Verrem liber quartus. Oratio
VII.*

*Accusationis in C. Verrem liber quintus. Oratio
VIII.*

*Accusationis in C. Verrem liber sextus. Oratio
IX.*

*Accusationis in C. Verrem liber septimus. Oratio
X.*

Pro M. Fonteio. Oratio mutilata XI.

Pro A. Cæcina. Oratio XII.


(::)



M. T. CICERONIS

PRO P. QUINCTIO.

ORATIO I.


 VAE res in ciuitate duæ plurimum
 possunt, hæ contra nos ambæ faciunt
 in hoc tempore, summa gratia, & e-
 loquentia: quarum alteram, C. A-
 quilli, vereor, alteram metuo. Elo-
 quentia Q. Horrensij ne me dicendo impediat, non-
 nihil commoueor: gratia Sex. Næuij ne P. Quinctio
 noceat, id vero non mediocriter pertimesco. Neque
 hoc tantopere querendum videretur, hæc summa in
 illis esse, si in nobis essent saltem mediocria. Verû i-
 ta se res habet, vt ego, qui neq; vsu satis, & ingenio
 parum possum, cum patrono disertissimo compa-
 rer: P. Quinctius, cui tenues opes, nullæ facultates,
 exiguæ amicorum copiæ sunt, cum aduersario gra-
 tiolissimo cõtēdat. Illud quoq; nobis accedit incō-
 modum, quod M. Iunius, qui hanc causam, Aquilli,
 aliquoties apud te egit, homo & in alijs causis ex-
 exercitatus, & in hac multum & sæpe versatus, hoc
 tempore abest, noua legatione impeditus: & ad me
 ventum est, qui vt summa haberem cetera, tempor-
 ris quidem certe vix satis habui, vt rem tantam, tot
 controuersijs implicatam, possem cognoscere. Ita,
 quod mihi consuevit in ceteris causis esse adiu-
 mento, id quoque * in hac causa deficit. Nam quo
 minus ingenio possum, subsidio mihi diligentiam
 comparavi: quæ quanta sit, nisi tempus, & spatium
 datum sit, intelligi non potest. Quæ quo plura
 sunt,

sunt, C. Aquilli, eo te, & hos, qui tibi in consilio ad-
 sunt, meliori mente nostra verba audire oportebit:
 ut multis incommodis veritas debilitata, tandem
 æquitate talium virorum recreetur. Quod si tui iu-
 dex, nullo præsidio fuisse videre contra vim, &
 gratiam, solitudini, atque inopiæ: si apud hoc consi-
 lium ex opibus, non ex veritate causa pendetur;
 profecto nihil est iam sanctum, atque sincerum in
 ciuitate: nihil, quod humilitatem cuiusquam graui-
 tas, & virtus iudicis consoletur. Certe, aut apud te,
 & eos, qui tibi adsunt, veritas valebit; aut ex hoc
 loco repulsa vi, & gratia, locum, ubi consistat, repe-
 rire non poterit. Non eo dico, C. Aquilli, quo mihi
 veniat in dubium tua fides, & constantia; aut quo
 non in his quos tibi aduocasti, viris * electissimis
 ciuitatis, spem summam habere P. Quinctius de-
 beat. Quid ergo est? Primum magnitudo periculi
 summo timore hominem afficit; quod vno iudicio
 de fortunis omnibus decernit. Idque dum cogitat,
 non minus sæpe ei venit in mentem potestatis, quam
 æquitatis tuæ: propterea quod omnes, quorum in
 alterius manu vita posita est, sæpius illud cogitant,
 quid possit is, cuius in ditione, ac potestate sunt,
 quam quid debeat facere. Deinde habet aduersa-
 rium P. Quinctius verbo Sex. Næuium, re vera hu-
 iusce ætatis homines disertissimos, * fortissimos,
 ornatissimos nostræ ciuitatis, qui communi studio,
 summis opibus Sext. Næuium defendunt; si id est
 defendere, cupiditati alterius obtemperare, quo is
 facilius, quem velit, iniquo iudicio opprimere pos-
 sit. Nam quid hoc iniquius, aut indignius, C. Aquil-
 li, dici, aut commemorari potest, quam me, qui ca-
 put alterius, famam, fortunasque defendam, priore
 loco causam dicere? cum præsertim Q. Hortensius
 qui hoc iudicio partes accusatoris obtinet, contra
 me sit dicturus: cui summam copiam facultatemque
 dicendi natura largita est. Ita sit, ut ego, qui tela

depellere, & vulneribus mederi debeam, tum id facere cogar, cum etiam telum aduersarius nullum iecerit: illis autem id tempus impugnandi detur, cum & vitandi illorum impetus potestas adempta nobis erit &, si qua in re, id quod parati sunt facere, falsum crimen, quasi venenatum aliquod telum, iecerint, medicinæ faciendæ locus non erit. Id accidit prætoris iniquitate, & iniuria; primum, quod contra omnium consuetudinem, iudicium prius de probro, quam de re, maluit fieri: deinde, quod ita constituit id ipsum iudicium, ut reus, ante quam verbum accusatoris* audiuisset, causam dicere cogeretur. quod eorum gratia & potentia factum est, qui, quasi sua res, aut honos agatur, ita diligenter Sext. Næuij studio & cupiditati morem gerunt: & in eiusmodi rebus opes suas experiuntur, in quibus, quo plus propter virtutem, nobilitatemq; possunt, eo minus, quantum possint, debent ostendere. Cum tot, tantique difficultatibus affectus atque afflictus, in tuam C. Aquilli, fidem, veritatem, misericordiam, P. Quinctius confugerit: cum adhuc ei propter vim aduersariorum non ius par, non agendi potestas eadem, non magistratus æquus reperiri potuerit, cum ei summam per iniuriam omnia inimica atque infesta fuerint; te, C. Aquilli, vosque, qui in consilio adestis, orat, atque obsecrat, ut multis iniurijs iactatam, atque agitatam æquitatem, in hoc tandem loco consistere, & confirmari patiamini. Id quo facilius facere possitis, dabo operam, ut a principio, res quemadmodum gesta & contracta sit, cognoscatis. C. Quinctius fuit P. Quinctij huius frater, sane ceterarum rerum paterfamilias & prudens, & attentus: vna in re paullo minus consideratus, qui societatem cum Sext. Nævio fecerit; viro bono, verumtamen non ita instituto, ut iura societatis, & officia certi patris familias nosse posset: non quo ei decesset ingenium: (nam neque parum facetus scurra

Sext.

Sext. Nævius, neque inhumanus præco est umquam existimatus) quid ergo est? cum ei natura nihil melius, quam vocem dedisset, pater nihil præter libertatem reliquisset; vocem in quæstum contulit: libertate usus est quo impunius dicax esset. Quare quod socium tibi eum velles adiungere, nihil erat, nisi ut in tua pecunia condiceret, qui pecuniæ fructus esset. tamen inductus consuetudine, ac familiaritate Quinctius fecit, ut dixi, societatem earum rerum, quæ in Gallia comparabantur. Erat ei pecuaria res ampla, & rustica, sane bene culta, & fructuosa. Tollitur ab atriiis Licintis, atque a præconum concessu in Galliam Nævius, & trans Alpes usque transfertur. fit magna mutatio loci, non ingenij. Nam qui ab adolescentulo quæstum sibi instituisset sine impendio; posteaquam nescio quid impendit, & in commune contulit, mediocri quæstu contentus esse non poterat. Nec mirum, si is qui vocem venalem habuerat, ea quæ voce quæsiuerat, magno sibi quæstui fore putabat. Itaque herculi, haud mediocriter de communi quidquid poterat, ad se in priuatam domum seuocabat. Qua in re ita diligens erat, quasi ii, qui magna fide societatem gererent, * arbitrium pro socio condemnari solerent. Verum his de rebus non necesse habeo dicere ea, quæ me P. Quinctius cupit commemorare: * tametsi causâ postulat; tamen quia postulat, non flagitat, præteribo. Cum annos iam complures societas esset, & cum sæpe suspectus Quinctio Nævius fuisset, neque ita commode posset rationem reddere earum rerum, quas libidine, non ratione gesserat; moritur in Gallia Quinctius, cum adesset Nævius: & moritur * repentine. heredem testamento reliquit hanc P. Quinctium: ut ad quem summus mæror morte sua veniebat, ad eundem summus honos quoque perueniret. Quo mortuo, nec ita multo post, in Galliam proficiscitur Quinctius, ibi cum isto Nævio familiariter vivit, an.

num fere vna sunt, cum & de societate inter se multa communicarent, & de tota illa ratione atque re Gallicana; neque interea verbum vllum interposuit Nævius, aut societatem sibi quippiam debere, aut priuatim Quinctium debuisse. Cum æris alieni aliquantulum esset relictum, quibus nominibus pecuniam Romæ curari oporteret; auctionem in Gallia P. hic Quinctius Narbone se facturum esse proscribit, earum rerum, quæ ipsius erant priuatæ. Ibi tum vir optimus Sext. Nævius hominem multis verbis de erret, ne auctionetur: cum non ita commode posse eo tempore, quæ proscripsisset, vendere. Romæ sibi nummorum facultatem esse; quam, si saperet, communem existimaret, pro fraterna illa necessitudine, & pro ipsius affinitate: nam P. Quinctij consobrinam habet in matrimonio Nævius, & ex ea liberos. Quia, quod virum bonum facere oportebat, id loquebatur Nævius, credidit Quinctius, cum, qui orationem bonorum imitaretur, facta quoque imitaturum, auctionem velle facere desistit, Romam proficiscitur. decedit ex Gallia Romam simul Nævius. Cum pecuniam C. Quinctius P. Scapulæ debuisset, per te, C. Aquilli, decedit P. Quinctius, quod liberis eius dissolueret. Hoc eo per te agebatur, quod propter ærariam rationem non satis erat in tabulis inpexisse, quantum deberetur, nisi a * quæstoribus quæsisset, quantum solveretur. Decidis, statuisque tu propter necessitudinem, quæ tibi cum Scapulis est, quid ijs ad denarium solveretur. Hæc omnia Quinctius agebat auctore, & consuasore Nævio. nec mirum, si eius utebatur consilio, cuius auxilium sibi paratum putabat. Non modo enim pollicitus erat in Gallia: sed Romæ quot die, simulatque sibi hic annuisset, numeraturum se dicebat. Quinctius porro istum posse facere, videbat: debere, intelligebat: mentiri, quia causâ cur mentiretur non erat, non putabat.

quasi

quasi domi numos haberet, ita constituit Scapulis se daturum. Nævium certiores facit, rogat ut curret, quod dixisset. Tum iste vir optimus, (vereor ne se decideri patet, quod iterum iam dico optimus) qui hunc in summas angustias adductum putaret, ut cum suis condicionibus in ipso articulo temporis adstringeret; alsem sese negat daturum, nisi prius de rebus, rationibusque societatis omnibus decidisset; & scisset, sibi cum Quinctio controuersie nihil futurum. Posterius, inquit, ista videbimus, Quinctius. nuac hoc velim cures (si tibi videtur) quod dixisti. Negat se alia ratione facturum. quod promississet, non plus sua referre, quam si cum * auctionem venderet, domini iussu quidpiam promississet. Destitutione illa perculsus Quinctius, a Scapulis paucos dies aufert: in Galliam mittit, ut ea quæ proscrisperat, venirent. deteriore tempore absens auctionatur: Scapulis difficiliore condicione dissoluit. Tunc appellat vltro Nævium, ut, quoniam suspicaretur aliqua de re fore controuersiam, videret ut quam primum, & quam minima cum molestia tota res transigeretur. Dat iste arbitrum M. Trebellium: nos communem necessarium, qui istius domi erat educatus, & quo utebatur iste plurimum, propinquum nostrum Sex. Alphenum. Res conuenire nullo modo poterat: propterea quod hic medicrem iacturam facere cupiebat: iste mediocri præda contentus non erat. Itaque ex eo tempore res esse in vadimonium cæpit. Cum vadimonia sæpe dilata essent, & cum aliquantum temporis in ea re esset consumptum, neque quidquam perfectum esset: venit ad vadimonium Nævius: Obsecro te, C. Aquilli, vosque qui adestis in consilio, ut diligenter attendatis, ut singulare genus fraudis, & nouam rationem insidiarum cognoscere possitis. Ait se auctionatum esse in Gallia: quod sibi videretur, se vendidisse; curasse, nequid sibi societas deberet se

iam neque vadari amplius, neque vadimonium promittere: si quid agere secum velit Quinctius, non recusare. Hic, cum rem Gallicanam cuperet reuiscere; hominem in praesentia non vadatur. ita sine vadimonio disceditur. Deinde Romae dies XXX. fere Quinctius commoratur: cum ceteris quae habebat vadimonia, differt, ut expeditus in Galliam proficisci posset, proficiscitur. Roma egreditur ante diem * IIII. Calend. Februarij, Scipione & Norbano coss. quæso ut eum diem memoriae mandetis. L. Albius Sext. filius Quirina, vir bonus, & cum primis honestus una profectus est. Cum venissent ad vada Volaterrana quæ nominantur, vident per familiarem Næuij, qui ex Gallia pueros venales isti adducebat, L. Publicium: qui ut Romam venit, narrat Næuij, quo in loco viderit Quinctium: quod nisi ex Publicio narratum Næuij esset, non tam cito res in contentionem venisset. * Tum Næuij ipse pueros circum amicos dimittit: ipse suos necessarios ab atrijs Licinijs, & a faucibus macelli corrogat, ut ad tabulam Sextiam sibi adsint hora secunda postridie, veniunt frequentes. testificantur * isti P. Quinctium non stitisse, & se stitisse: tabulae * maxime signis hominum nobilium consignantur: disceditur. postulat a Burrieno prætore Næuij, ut ex edicto bona possidere liceat: iussit bona proscribi eius, quicum familiaritas fuerat, societas erat, affinitas liberis istius viujs diuelli nullo modo poterat. Qua ex re intelligi facile potuit, nullum esse officium tam sanctum atque solenne, quod non auaritia comminueret, atque violare soleat. Etenim si veritate amicitia, fide societas, pietate, propinquitas colitur: necesse est, iste qui amicum, socium, affinem, famam, ac fortunam spoliare conatus est, vanum se, & perfidiosum, & impium esse fateatur. Libellos Sext. Alphenus procurator P. Quinctij, familiaris & propinquus Sext. Næuij deijcit: seruulum vnum quem iste pre-

prehenderat, abducit: denuntiat sese procuratorem esse: istum æquum esse famæ, fortunisque P. Quinctij consulere, & aduentum eius expectare. Quod si facere nolit, atque * inhibuerit eiusmodi rationibus illum ad suas condiciones perducere; sese nihil precari, &, si quid agere velit, iudicio defendere. Hæc dum Romæ geruntur, Quinctius interea contra ius, & consuetudinem, * edicto prætoris de saltu, agroque communi a servis communibus vi detruditur. * Existima, C. Aquilli, id modo, & ratione omnia Romæ Nævium fecisse, si hoc, quod per litteras istius in Gallia gestum est, recte, atque ordine factum videtur. Expulsus atque eiec-tus e prædio Quinctius, accepta insigni iniuria, confugit ad C. Flaccum imperatorem, qui tum erat in prouincia: quem, ut ipsius dignitas poscit, honoris gratia nomino. Is eam rem quam vehementer vindicandam putarit, ex decretis eius poteritis cognoscere. Alphenus interea Romæ cum isto gladiatore vetulo quotidie pugnabat: utebatur populo sane suo, propterea quod iste caput petere non desinebat. Iste postulat, ut procurator iudicatum solui satisfacere. negat Alphenus æquum esse, procuratorem satisfacere; quod reus satisfacere non deberet, si ipse a desset. appellantur Tribuni: quibus cum esset certum auxilium petatum; ita tamen disceditur, ut Idibus Septembribus P. Quinctium sisti Sex. Alphenus promitteret * Venit Romam Quinctius: vadimonium sistit. iste homo acerrimus bonorum possessor, expulsor, creptor, annum & sex menses nihil petit: quiescit conditionibus hunc, quoad potest, producit a Cn. Dolabella denique prætor postulat, ut sibi Quinctius iudicatum solui satisfacere ex formula, Quod ab eo petat: quoniam eius ex edicto prætoris Romani bona dies XXX. possessa sint. Non recusabat Quinctius quin ita satisfacere iuberet, si bona possessa essent ex edicto id ceruit: quam æquum mi-

hil dico: vnum hoc dico; nouum: & hoc ipsum tacuisse mallem, quoniam vtrumque quiuis intelligere potuisset. iubet P. *Quinctium sponfionem cum Sext. Næuio facere, *Si bona sua ex edicto P. Burrieni prætoris dies XXX. possessa essent. Recusabant qui aderant tum Quinctio: demonstrabant de re iudicium fieri oportere; vt aut vterque inter se, aut neuter satisfidaret: non necesse esse famam alterius in iudicium venire. clamabat porro ipse Quinctius, sese idcirco nolle satisfidare, ne videretur iudicasse, bona sua ex edicto possessa esse: sponfionem porro si istiusmodi faceret, se (id quod nunc euenit) de capite suo priore loco causam esse dicturum. Dolabella (quæ admodum solent homines nobiles; seu recte, seu perperam facere cœperunt, ita in vtroque excellūt, vt nemo nostro loco natus assequi possit) iniuriam facere fortissime perseuerat: aut satisfidare, aut sponfionem iubet facere; & interea recusantes nostros aduocatos acerrime submoueri. Conturbatus sane discedit Quinctius: neq; mirum; cui hæc optio tam misera, tamque iniqua daretur, vt aut ipse se capitis damnaret, si satisfidisset; aut causam capitis, si sponfionem fecisset, priore loco diceret. Cum in altera re causæ nihil esset, quin secus indicaret ipse de se: quod iudicium grauissimū est: in altera spes esset ad talem tamen virum iudicem veniendi, vnde eo plus opis auferret, quo minus attulisset gratiæ; sponfionem facere maluit: fecit: te iudicem, C. Aquilli, sumpsit. ex sponso egit. in hoc summa iudicii, causæque tota consistit. Iudicium esse, C. Aquilli, non de re pecuniaria, sed de fama, fortunisque P. Quinctij vides. cum maiores ita constituerint, vt qui pro capite diceret, is posteriore loco diceret: nos inaudita criminatione accusatorum, priore loco causam dicere intelligis: eos porro qui defendere consueverunt, vides accusare; & ea ingenia conuerti ad perniciem, quæ antea versabantur

bantur in salute, atq; auxilio ferendo. Illud etiam restiterat, quod hesterno die fecerunt, te ut in ius adducerent, ut nobis tempus quamdiu diceremus, praestitueres: quam rem facile a praetore impetrassent; nisi tu quod esset tuum ius, & officium, partesque, docuisses. Neq; nobis adhuc, praeter te, quicquam fuit; ubi nostrum ius contra illos obtineremus: neq; illis umquam satis fuit illud obtinere, quod probari omnibus posset. ita sine iniuria, potestatem leuem, atq; inopem esse arbitrantur. Verum, quoniam tibi instat Hortensius, ut eas in consilium; a me postulat, ne dicendo tempus absumam; queritur priore patrono causam defendente, numquam perorari potuisse: non patiar istam manere suspicionem, nos rem iudicari nolle. Nec illud mihi arrogabo, me posse causam commodius demonstrare, quam antea demonstrata sit: neq; tamen tam multa verba faciam: propterea quod & ab illo qui ante dixit, informata iam causa est; & a me, qui neq; excogitare, neq; pronuntiare multa possum, breuitas postulat; quae mihi metipsum amicissima est. Faciam, quod te saepe animaduerti facere, Hortensius: totam causae meae dictionem certas in partes diuidam. Tu id semper facis, quia semper potes; ego in hac causa faciam; propterea quod in hac videor posse facere. quod tibi natura dat ut semper possis, id mihi causa dat, ut hodie possim. Certos mihi fines, terminosque constituam; extra quos egredi non possim, si maxime velim: ut & mihi sit propositum de quo dicam; & Hortensius habeat exposita, ad quae respondeat; & tu, C. Aquilli, iam ante animo prospicere possis, quibus de rebus auditurus sis. Negamus te bona P. Quinctii, Sexte Naui, possedisse ex edicto praetoris. In eo sponsio facta est. Ostendam primum causam non fuisse, cur a praetore postulares, ut bona P. Quinctii, possideres; deinde, ex edicto te possidere non potuisse; postremo, non possedisse. Quaeso, C. Aquilli, vose;

qui estis in consilio, ut quid pollicitus sim, diligenter memoria mandetis. etenim rem facilius totam accipietis, si hæc memineritis; & me facile vestra extinctione reuocabitis, si extra hos cancellos egredi conabor, quos mihi ipse circumdedi. Nego fuisse causam cur postulare nego ex edicto pollicere potuisset: nego possedisse, hæc tria cum docuero, perorabo. Non fuit causa cur postulares. Qui hoc intelligi potest? quia Sex. Næui neque ex societatis ratione, neque priuatim quidquam debuit Quinctius. Quis huic rei testis est? idem, qui acerri- mus aduersarius. In hac re te, te inquam, testem, Næui citabo. annum, & eo diutius, post mortem C. Quinctij fuit in Gallia tecum simul Quinctius: doce te petijisse ab eo istam nescio quam innumerabilem pecuniam: doce aliquando mentionem fecisse; dixisse deberi; debuisset cōcedam. Moritur C. Quinctius, qui tibi, ut ais, certis nominibus grandem pecuniam debuit. heres eius P. Quinctius in Galliam ad te ipsum venit in agrum communem: eo deniq;, ubi non modo res erat, sed ratio quoque omnis & omnes litteræ. Quis tam dissolutus in re familiari fuisset? quis tam negligēs? quis tam tui, Sexte, dissimilis; qui cum res ab eo, quicum contraxisset, recessisset, & ad heredem peruenisset; non heredem cum primum vidisset, certiore faceret? appelleret? rationem afferret; si quid in controuersiam veniret, aut intra parietes, aut summo iure experiretur? Itane est? Quod* viri optimi faciunt, si qui suos propinquos ac necessarios* caros & honestos esse, atque haberi volunt; id Sex. Næuius non faceret? qui usque eo feruet, ferturque auaritia, ut de suis commodis nolit aliquam partem amittere, ne quā partem huic propinquo suo vllius ornamenti relinquat. & is pecuniam, si qua deberetur, non peteret; qui, quia quod debitum numquam est, id datum nō est; non pecuniam modo, verum etiam hominis pro-

propinqui sanguinem, vitamque eripere conatur? Huic tu molestus esse videlicet noluisti, quem nunc respirare libere non sinis? quem nunc interficere nefarie cupis, cum tum pudenter appellare nolebas? Ita credo. hominem propinquum, tui obseruantem virum bonum, prudentem, maiorem natu, nolebas, aut non audebas appellare. sæpe ut fit, cum ipse te confirmasses, cum statuisses de pecunia mentionem facere, cum paratus, meditatutque venisses; homo timidus, virginali verecūdia, subito ipse te retinebas, excidebat repente oratio: cum cuperes appellare, nō audebas ne inuitus audiret. id erat profecto. credamus hoc, Sex. Næuium, cuius caput oppugnet, eius auribus pepercisse. Si debuisset, Sexte, petisses statim: si non statim, paullo quidem post: si non paullo, at* aliquando: sex quidem illis mensibus profecto: anno vertente sine controuersia. anno & sex mensibus vero, cum tibi quotidie potestas hominis fuisset admonendi, verbum nullum facis: biennio iam confecto fere, appellas. quis tam perditus, ac profusus nepos, non adesa iam, sed abundanti etiam pecunia, sic dissolutus fuisset, ut fuisset Sex. Næuius? Cum hominem nomino, satis mihi videor dicere. Debit tibi C. Quinctius: numquam petisti. mortuus est ille: res ad heredem venit. cum eum quotidie videres, post biennium denique appellas. dubitabitur vtrum sit probabilius, Sex. Næuium statim, si quid deberetur, petiturum fuisse: an ne appellaturum quidem biennio? Appellandi tempus non erat: at tecum * anno plus vixit. In Gallia agi non potuit? at & in prouincia ius dicebatur, & Romæ iudicia fiebant. Restat, ut aut summa negligentia tibi obstiterit; aut vnica liberalitas. si negligentiam dices, mirabimur: si bonitatem, ridebimus: neque præterea quid possis dicere, inuenio. Satis est argumenti, nihil esse debitum Næuius, quod tam diu nihil petiuit. quid si hoc ipsum, quod nunc facit, o-

stendo testimonio esse, nihil deberi? quid enim nūc agit Sex. Nævius? qua de re controuersia est? quod est hoc iudicium, in quo iam biennium versamur? quid negotij geritur, in quo ille tot, & tales viros defatigat? pecuniam petit. nunc denique? verumtamen petit audiamus. de rationibus, & controuersijs societatis vult dijudicari sero. verū aliquādo tamē, concedamus. Non, inquit, id ago C. Aquilli, neque in eo nunc laboro: pecunia mea tot annos vtitur P. Quinctius: vtitur sane: non peto. quid dicitur pugnare? an, quod sæpe multis in locis dixisti, ne in ciuitate sit? ne locū suum, quem adhuc honestissime defendit obtineat? ne numeretur inter viros? decernat de vita, & ornamentis suis omnibus? apud iudicē causam priore loco dicat? & eam cum * orarit, tum deniq; vocē accusatoris audiat? quid? hoc quo pertinet? vt ocyus ad tuū peruenias? at, si id velles, iam pridē actū esse poterat. vt honestiore iudicio cōsideret? at sine summo scelere P. Quinctiū propinquū tuū iugulare nō potes. vt facilius iudiciū sit? at neq; C. Aquillius de capite alterius libenter iudicat: & Q. Hortensius cōtra caput non didicit dicere. Quid a nobis autem C. Aquilli refertur; pecuniam petit: negamus deberi. iudicium fiat statim: non recusamus. * nam quid præterea? si veretur, vt res, iudicio facto, parata sit; iudicatum solui satis accipiat, quibus a me verbis satis accipiet, isdem ipse, quod peto, satisdet, actum iam potest esse C. Aquilli. iam tu potes discedere liberatus molestia, prope dicam, non minore, quam Quinctius. Quid agimus Hortensius? quid de hac conditione dicimus? possumus aliquando, depositis annis, sine periculo fortunarum, de re pecuniaria disceptare? possumus ita rem nostram persequi, vt hominis propinqui caput incolu-me esse patiamur? possumus petitoris personā capere; accusatoris deponere? immo, inquit, abs te satis accipiam: ego autem tibi non satisfacabo. Quis tandem

tandem nobis ista iura tam æqua describit? quis hoc statuit, quod æquum sit in Quinctium, id inquit esse in Naviū? Quinctij bona, inquit, ex edicto prætoris possessa sunt. ergo id ut confitear, postulas: ut, quod numquā factum esse iudicio defendimus, id, *perinde quasi factum sit nostro iudicio confirmemus, inueniri ratio C. Aquilli non potest, ut ad suum quisq; quam primū, sine cuiusquam dedecore, infamia, perniciēq; perueniat? Profecto, si quid deberetur, peteret: non omnia iudicia fieri mallet, quā unū illud, unde hæc omnia nascuntur. Qui inter tot annos ne appellarit quidem Quinctium, cum potestas esset agendi quotidie: qui quo tempore primū male agere cœpit, in vadimonijs differendis tempus omne consumpserit: qui postea *quoq; vadimonium missum fecerit; hunc per insidias, vi de agro communi deiecerit; qui, cum de re agendi, nullo recusante, potestas fuisset; spoliatiōe de probro facere maluerit: qui cū reuocetur ad id iudiciū, unde hæc nata sunt omnia, conditionē æquissimam repudiet; *fateatur se nō pecuniam, sed vitam & sanguinem petere; is nō hoc palam dicit? mihi si quid deberetur, peterē, atq; adeo iampridē abstulissem: nihil hoc tanto negotio, nihil tam inuidioso iudicio, nihil tam copiosa aduocatione vterer, si petendum esset: extorquendum est inuito, atq; *ingratis, quod non debet; eripiendū, atq; exprimendum est: de fortunis omnibus P. Quinctius deturbāndus est: potentes, disertī, nobiles omnes aduocādi sunt: adhibēda vis est veritati: minæ iaciūtur: pericula intenduntur; formidines opponantur, ut ijs rebus aliquādo victus, & perterritus ipse cedat. Quæ, mehercule omnia, cum qui cōtra pugnent, video, & cum illū cōfessum cōsidero; adesse atq; impendere videntur; neq; vitari villo modo posse: cū autem ad te, C. Aquilli, oculo, animūq; retuli, quo maiore conatu, studioq; agūtur, eo leuiora infirmioraq; existimo.

* Nil igitur debuit, ut tu ipse prædicas. Quid si debuisse? continuone causa fuisset, cur a prætore postulares, ut bona possideres? non opinor id quidem neque ius esse, neque cuiquam expedire. Quid igitur demonstrat? vadimonium sibi ait esse desertum. Antequam doceo id factum non esse: libet mihi, C. Aquilli, ex officij ratione, atque ex omnium consuetudine rem ipsam, & factum simul Sext. Nævij considerare. Ad vadimonium non venerat, ut ais, is, qui cum tibi affinitas, societas, omnes denique causæ, & necessitudines veteres intercedeabant: illicone ad prætorem ire convenit? continuone verum fuit postulare, ut ex edicto bona possidere liceret? ad hæc extrema & inimicissima iura tam cupide decurrebas, ut tibi nihil in posterum, quod gravius, atque crudelius facere posses, reservares? nam quid homini potest turpius, quid * vero miserius, aut acerbius usu venire? quod tantum evenire dedecus? quæ tanta calamitas inveniri potest? Pecuniam si cupiam fortuna ademit, aut si alicuius eripuit iniuria: tamen, dum existimatio est integra, facile consolatur honestas egestatem. * At non nemo aut ignominia affectus, aut iudicio turpi convictus, bonis quidem suis utitur, alterius opes, id quod miserrimum est, non expectat: hoc tamen in miserij adiumento & solatio subleuatur. Cuius vero bona venierunt; cuius non modo illæ amplissimæ fortunæ, sed etiam victus, vestitusque necessarius sub præcone cum dedecore subiectus est; is non modo ex numero vivorum exturbatur, sed, si fieri potest, infra etiam mortuos * amandatur. Etenim mors honesta sæpe vitam quoque turpem exornat: vita turpis ne morti quidem honestæ locum relinquit. Ergo, hercule, cuius bona ex edicto possidentur; huius omnis fama, & existimatio cum bonis simul possidetur, de quo libelli in celeberrimis locis proponuntur; huic ne perire quidem certe tacite, obscuræque conceditur:

cui

cui magistri fiunt & domini constituuntur; qui, qua lege, & qua conditione pereat, pronuntiant: de quo homine præconis vox prædicat, & pretium cōficat; huic acerbissimum viuo videntique funus ducitur: si funus id habendum sit, quo non amici conueniunt ad exsequias cohonestandas, sed bonorum emptores, vt carnifices, ad reliquias vitæ lacerandas, & distrahendas. Itaque maiores nostri raro id accidere voluerunt: prætores vt considerate fieret, comparauerunt. Viri boni cum palam fraudantur, cum experiendi potestas non est, timide tamen, & pedetentim istuc descendunt, vi ac necessitate coacti, inuiti, multis vadimonijs desertis, sæpe illusi, ac destituti. Considerant enim quid & quantum sit, alterius bona proscribere. Iugulare ciuem, ne iure quidem quisquam bonus vult: mauult enim cōmemorare, se, cum posset perdere, pepercisse: quam, cum parcere potuerit, perdidisse. Hæc in homines alienissimos, denique inimicissimos, viri boni faciunt, & hominum existimationis, & communis humanitatis causa: vt, cum ipsi nihil alteri scientes incommodarint, nihil ipsis iure incommodi cadere possit. Ad vadimonium non venit. quis? propinquus. si res ista grauissima sua sponte videretur, tamen huius atrocitas, necessitudinis nomine leuaretur. Ad vadimonium non venit. quis? socius. etiam grauius aliquid ei deberes concedere, qui cum te aut voluntas congregasset, aut fortuna coniunxisset. Ad vadimonium non venit. quis? is qui tibi præsto semper fuit. ergo in eum qui semel hoc commisit, vt tibi præsto non esset, omnia tela coniecisti, quæ parata sunt in eos, qui permulta male agendi causa fraudandique fecerunt? Si * dupondius vnus ageretur, Sext. Næui, si in paruula re captionis aliquid vererere, non statim ad C. Aquillium, aut ad eorum aliquem, qui consuluntur, * concurrisses? cum ius amicitia, societatis affinitatis ageretur; cum officij ra-

tionem, atq; existimationis duci conueniret; eo tē-
 pore tu non modo* aut C. Aquillū, aut L. Lucul-
 lum, sed ne ipse quidem te consuluiſti: ſed ne ipſe
 quidem ad te retuliſti: ne hæc quidem tecum locu-
 tus es, Horæ duæ fuerūt, Quinctius ad vadimonium
 non venit: quid ago? Si, mehercule, hæc tecum duo
 verba feciſſes, Quid ago? reſpiraret cupiditas, atque
 auaritia paullulum: aliquid loci rationi & conſilio
 dediſſes: tu te collegiſſes: non in eam turpitudinem
 veniſſes, vt hoc tibi eſſet apud tales viros conſiten-
 dum, qua tibi* vadimonium non ſit obitum, eadem
 te hora conſilium cepiſſe, hominis propinqui for-
 tunas funditus euertere. Ego pro te nunc* hoc con-
 ſulo poſt tempus in aliena re, quod tu in tua re, cum
 tempus erat, conſulere oblitus es. quæro abs te C.
 Aquilli, L. Luculle, P. Quinctili, M. Marcelle, vadi-
 monium mihi nō obijt quidā focius & aſſinis meus,
 quicum mihi neceſſitudo vetus, controuerſia de re
 pecuniaria recens, intercedit: poſtulone a prætorē,
 vt eius bona mihi poſſidere liceat? an, cum Romæ
 domus eius, vxor, liberi ſint, domum potius denun-
 tiem? quid eſt quod hac tandem de re vobis poſſit
 videri? proſecto ſi recte veſtrā bonitatē, atq; prudē-
 tiam cognoui, non multū me fallit; ſi conſulamini,
 quid ſitis reſponſuri. primum expectare: deinde ſi
 latitare, ac diutius ludificare videatur, amicos con-
 uenire, quærere quis procurator ſit, domum denun-
 tiare: dici vix poteſt quam multa ſint, quæ reſpon-
 deatis ante fieri oportere, quam ad hanc rationem
 extremam* neceſſariam deuenire. Quid ad hæc
 Næuius? ridet ſcilicet noſtram amentiam, qui in
 vita ſua rationē ſummi officiij deſideremus, & in-
 ſtituta bonorū virorum requiramus. Quid mihi in-
 quit, cū iſta ſumma ſanctimonia ac diligentia? vide-
 rint, inquit, iſta officia viri boni: de me autē ita con-
 ſiderēt. nō quid habeā, ſed quibus rebus inuenerim
 *quærāt; & quemadmodū natus, & quo pacto edu-
 catus

catus sim. Memini: vetus est de Scurra, MVETO facilius diuitem, quam patrem familias fieri posse. Hæc ille, si verbis non audet, re quidem vera palam loquitur. Etenim si vult virorum bonorum instituto viuere, multa oportet discat, atque dediscat: quorum illi ætati vtrumque difficile est. Non dubitavi, inquit, cum vadimonium desertum esset, bona proscribere. improbe. verum quoniam tu id tibi arrogas, & concedi postulas, concedamus. quid si numquam deseruit? si ista causa abs te tota per summam fraudem, & malitiam ficta est? si vadimonium omnino tibi cum P. Quinctio nullum fuit, quo te nomine appellemus? improbum? at etiam si desertum vadimonium esset, tamen in ista postulatione, & proscriptione bonorum improbissimus reperiebare. num malitiosum? negas. fraudulentum? iam id quidem arrogas tibi, & præclarum putas audacem? cupidum? perfidiosum? vulgaria & obsoleta sunt: res autem noua & inaudita. quid ergo est? vereor, mehercule, ne aut grauioribus vtar verbis, quam natura fert, aut leuioribus, quã causa postulat. Ais esse vadimonium desertum. quæsiuit a te statim, vt Romam redijt Quinctius, quo die vadimonium istuc factum esse diceres: respondisti statim, Nonis Februarij. discedens in memoriam redijt Quinctius, quo die Roma in Galliam profectus sit. ad ephemeridem reuertitur. inuenitur dies profectionis, pridie Kalend. Februarij. Nonis Februarij si Romæ fuit, causæ nihil dicimus, quin tibi vadimonium promiserit. quid? hoc inueniri qui potest? profectus* est vna L. Albius homo in * primis honestus. dicet testimonium. profecti sunt familiares & Albium & Quinctium: dicent hi quoque testimonium. litteræ P. Quinctij, testes tot, quibus omnibus causa iustissima est, cur scire potuerint; nulla, cur mentiantur, cum ad stipulatorem tuo comparabuntur. & in hac eiusmodi causa P.

Quinctius laborabit? & diutius in tanto metu miser, periculoque versabitur? & vehementius eum gratia aduersarij perterrebit, quam fides iudicis consolabitur? vixit enim semper inculte, atque horride: natura tristi, ac recondita fuit: non ad solarium, non in campo, non in conuiuijs versatus est: id egit vt amicos obseruantia, rem parsimonia retineret: antiquam officij rationem dilexit, cuius splendor omnis his moribus obsoleuit. At, si in causa pari discedere inferior videretur; tamen esset non mediocriter conquerendum. nunc in causa * superiore, ne vt par quidem sit, postulat: inferiorem esse se patitur, dumtaxat vsque eo, ne cum bonis, fama, fortunisque omnibus Sext. Nauij cupiditati, crudelitatiue dedatur. Docui, quod primum pollicitus sum, C. Aquilli, causam omnino, cur postularet, non fuisse: quod neque pecunia debebatur: & si maxime deberetur, commissum nihil esse, * quare ad istam rationem perueniretur. Attende nunc, ex edicto pratoris, bona P. Quinctij * possideri nullo modo potuisse. Recita edictum: QVI FRAVDATIONIS CAUSA LATITARIT. Non est is Quinctius: * nisi latitat, qui ad negotium suum relicto procuratore, proficiscitur. CUI HERES NON EXSTABIT. Ne is quidem. QVI EXILII CAUSSA SOLVM VERTERIT. * Dici id non potest. QVI ABSENS IUDICIO DEFENSVS NON FVERIT. Ne id quidem. Quo tempore existimas oportuisse, Naui, absentem Quinctium defendi? aut quomodo? tum, cum postulabas vt bona possideres, nemo affuit: neque enim quisquam diuinare poterat te postulaturum: neque quemquam attinebat id recusare, * quod prator fieri, sed non ex edicto suo fieri iubebat. qui locus igitur absentis defendendi procuratori primus datus est? cum proscribebas. ergo affuit non passus est: libellos desecit Sextus Alphenus. qui primus erat officij gradus, serua-

servatus est a procuratore summa cum diligentia.
 videamus quæ deinde sint consecuta. Hominem P.
 Quinctij deprehendis in publico: conaris abduce-
 re: non patitur Alphenus: vi tibi * ademit: curat vt
 domum reducatur ad Quinctium: hic quoque sum-
 me constat procuratoris diligentis officium, Debe-
 re tibi dicis Quinctium, procurator negat: vadai
 vis; promittit: in ius vocas, sequitur: iudicium po-
 stulas, non recusat. quid aliud sit absentem defen-
 di, ego non intelligo. At quis erat procurator?
 credo aliquē eiectū hominem, egentem, litigiosum,
 improbū, qui posset scurræ diuitis quotidianū con-
 uitium sustinere. nihil minus. Eques Rom. locuples,
 sui negotij bene gerens; deniq; is, quē quoties Næ-
 nius in Galliā profectus est, procuratorē Romæ re-
 liquit. & audes, Sext. Næui, negare absentem defen-
 sum esse Quinctium. cum eum defer derit idem, qui
 te solebat, & cū is iudiciū * acciperet pro Quinctio,
 cui tu & rem & famā tuam cōmendare proficiscens
 & cōcredere solebas: conaris hoc dicere, neminem
 existisse, qui Quinctiū iudicio defenderet? Postula-
 bam, inquit vt * satisfaret. iniuria postulabas: ita * vi-
 debare. recusabat Alphenus. ita: verum prætor de-
 cernebat. tribuni igitur appellabantur. Hic te, in-
 quit, teneo: non est istud iudicium pati, neque iudi-
 cio defendere, cum auxilium a tribunis petas. Hoc
 ego, cū attēdo qua prudētia sit Hortensius, dicturū
 esse eum non arbitror: cum autem antea dixisse au-
 dio, & causā ipsam considero, quid aliud dicere
 possit, non reperio. fatetur enim libellos Alphenū
 deiecisse, vadimonium promisisse, iudicium quin
 acciperet in ea ipsa verba, quæ Nænius edebat,
 non recusasse: * ita tamen, more, & instituto, per
 eum magistratum, qui auxilij causā constitutus
 est. Aut hæc facta nō sint, necesse est, aut C. Aquil-
 lius talis vir iuratus hoc ius in ciuitate consti-
 tuat: cuius procurator * omnia iudicia acceperit,

quæ quisque in verba postularit; cuius procurator a prætore tribunos appellare ausus sit; eum non defendi: * eius bona recte possideri posse: ei misero, absenti, ignaro * fortunarum suarum, omnia vitæ ornamenta per summum dedecus & ignominiam diripi conuenire. Quod si probari nemini potest; illud certe probari omnibus necesse est, defensum esse iudicio absentem Quinctium. Quod cum ita est, ex edicto bona possessa non sunt. At enim tribuni pleb. ne audierunt quidem, fateor, si ita est, procuratorem decreto prætoris Romani oportuisse parere. Quid si M. Brutus intercessurum se dixit palam, nisi quid inter ipsum Alphenum & Næuium conueniret? videturne intercessisse appellatio tribunorū, non moræ, sed auxilij causâ? quid deinde fit? Alphenus, vt omnes intelligere possent, iudicio defendi Quinctium, nequa subesse posset aliena aut ipsius officio, aut huius existimatione suspicio, viros bonos complures aduocat. testatur isto audiente, se pro communi necessitudine id primum petere, nequid atrocius in P. Quinctium absentem sine causâ facere conetur: sin autem inimicissime, atq; infestissime contendere perseveret, separatum esse omni recta atque honesta ratione defendere, quod petat, non deberi: se * iudiciū id quod edat, accipere. Eius rei conditionisq; tabellas ob signauerunt viri boni complures: res in dubium venire non potest. fit, rebus omnibus integris, neque proscriptis, neq; possessis bonis, vt Alphenus promittat Næuiō fisci Quinctium: venit ad vadimonium Quinctius: iacet res in controuersijs, isto calumniante, biennium, vsque dum inueniretur, quæ ratione res ab vsitata consuetudine recederet, & in hoc singulare iudicium causâ omnis concluderetur. Quod officium, Aquilli, commemorari procuratoris potest, quod ab Alphenō preteritum esse videatur? Quid affertur, quare P. Quinctius absens nege-

negetur esse defensus? an vero id, quod Hortensium, quia nuper iniecit, & quia Nævius semper id clamat, dicturum arbitror, non fuisse Nævio parem certationem cum Alphenio, illo tempore, illis dominantibus? Quod si velim confiteri, illud opinor concedent non procuratorem P. Quinctij neminem fuisse, sed gratiosum fuisse. Mihi autem ad vincendum satis est, fuisse procuratorem, quicum experi-ri posset. Qualis is fuerit, si modo absentem defendebat per ius & magistratum, nihil ad rem arbitror pertinere. Erat enim inquit, illarum partium. Quidni? qui apud te esset educatus, quem tu a puero sic instituis, ut nobili ne gladiatori quidē cederet: sicut tu semper summe concupisti: idem volebat Alphenus: ea re tibi cum eo par contentio erat. Bruti, inquit, erat familiaris: itaque is intercedebat. Tu contra Burrieni, qui iniuriam decernebat: omnium denique illorum, qui tum & poterant per vim & scelus plurimum; & quod poterant, id audebant. An omnes tu istos vincere volebas: qui nunc, tu ut vincas, tantopere laborant? aude id dicere, non palam, sed his ipsis quos aduocasti. tametsi nolo eam rem commemorando renovare, cuius omnino rei memoriam omnem tolli funditus ac deleri arbitror oportere. Vnum illud dico: si propter partium, studium potens erat Alphenus, potentissimus Nævius: si fretus gratia postulabat aliquid iniquius Alphenus, multo iniquiora Nævius impetrabat. Neque enim inter studium vestrum quidquam, ut opinor, interfuit: ingenio, vetustate, artificio, tu facile vicisti. Ut alia omit-tam, hoc satis est: Alphenus cum his, & propter eos perijt, quos diligebat: tu, postquam, qui tibi erant amici, non poterant vincere, ut amici tibi essent qui vincebant, effecisti. Quod si tū par tibi ius cum Alphenio fuisse non putas, quia tamen aliquem contra te aduocare poterat: quia magistratus aliquis

reperiebatur, apud quem Alpheni causa cōsisteret: quid hoc tempore Quinctio statvendum est? cui neque magistratus adhuc æquus inuentus est, neq; iudicium redditum est visitatum: non condicio, non sponso, non denique vlla vñquam intercessit postulatio, mitto æqua, verum ante hoc tempus nefando quidem audita. De re pecuniaria cupio contendere: non licet. * At ea controuersia est: nihil ad me attinet: causam capitis dicas oportet. Accusa, vbi ita necesse est: non, inquit, nisi tu ante nouo modo priore loco dixeris. dicendum necessario est, præstituendæ horæ ad arbitrium nostrum: iudex ipse arcessetur. quid tum? tu aliquem patronum inuenies hominem antiqui officij, qui splendorem nostrum & gratiam negligat? pro me pugnabit L. Philippus eloquentia, grauitate, honore, florentissimus ciuitatis: dicet Hortensius excellens ingenio, nobilitate, existimatione: aderunt autem homines nobilissimi ac potentissimi, quorum frequentiam, & concessum non modo P. Quinctius, qui de capite decernit, sed quibus qui extra periculum sit, perhorrescat. * Hæc est iniqua certatio, non illa, qua tu contra Alphenum velitabaris: huic ne vbi cōsisteret quidem contra, locum reliquisti. Quare aut doceas oportet, Alphenum negasse se procuratorem esse, non deiecisse libellos, iudicium accipere noluisse: aut, cum hæc facta sint, ex edicto te bona P. Quinctij non possidisse concedas. Etenim si ex edicto possedisti, quæro, cur bona non venierint? cur ceteri sponsores, & creditores non conuenerint? nemone fuit cui deberet Quinctius? fuerunt; & complures fuerunt, propterea quod C. frater aliquantulum æris alieni reliquerat. Quid ergo est? Homines erant ab hoc omnes alienissimi, & ijs debebatur: neque tamen quisquam inuentus est tam insignite impudens, qui violare P. Quinctij existimationem absentis

sentis auderet. vnus fuit, affinis, socius, necessarius, Sext. Næuius: qui * cum ipse vltro deberet; quasi eximio præmio sceleris exposito, cupidissime contendere, vt per se afflictum atq; euerfum propinquum suum non modo honeste partis bonis, verum etiam communi luce priuaret. Vbi erant ceteri creditores? deniq; hoc tempore vbi sunt? quis est, qui fraudationis causa latuisse dicat? quis qui absentem defensum neget esse Quinctium? nemo inuenitur. At contra, omnes, quibuscum ratio huic aut est, aut fuit, adsunt, defendunt: fides huius multis locis cognita, ne perfidia Sext. Næuij derogetur, laborant. In huiusmodi sponfionem testes dare oportebat ex eo numero, qui hæc dicerent: Vadimonium mihi deseruit: me fraudauit: a me nominis eius, quod inficiatus esset, diem petiuit: ego experiri non potui: latitauit: procuratorem nullum reliquit. horum nihil dicitur. Parantur testes, qui hæc dicant: verum, opinor, viderimus, cum dixerint. vnum tamen hoc cogitent, ita se graues esse, vt si veritatem volent retinere, grauitatem possint obtinere: sin eam negligent, ita leues sint, vt omnes intelligant, non ad obtinendum mendacium, sed ad verum probandum, auctoritatem adiuuare. Ego hæc duo quero: primum, qua ratione Næuius susceptum negotium nō transegerit: hoc est, cur bona, quæ ex edicto possidebat, nō vendiderit: deinde cur ex tot creditoribus alijs ad istam rationem nemo accesserit: vt necessario confiteare: neq; eorum tam temerarium quemquam fuisse, neque te ipsum, id quod turpissime suscepisses, perseuerare, & transigere potuisse. Quid si tu ipse, Sext. Næui, statuisti bona P. Quinctij ex edicto possessa nō esse? opinor, tuū testimonium, quod in aliena re leue esset, id in tua, quoniam contra te est, grauissimum debet esse. Emisti bona Sex. Alpheni, L. Sylla dictatore vendente. socium tibi in huius bonis edidisti Quin-

etiam. Plura non dico. cum eo tu voluntariam societatem coibas, qui te in hereditaria societate fraudaret? & eum iudicio tuo comprobabas, quem spoliatum fama fortunisque omnibus arbitrabare? Diffidebam, me hercule, C. Aquilli, satis animo certo & confirmato, me posse in hac causa consistere. sic cogitabam, cum contra dicturus esset Hortensius, & cum esset attente auditurus Philippus, fore ut permultis in rebus timore prolaberer. Dicebam huic Q. Roscio, cuius soror est cum P. Quinctio, cum a me peteret, & summe contenderet, ut propinquum suum defenderem; mihi perdifficile esse contra tales oratores non modo tantam causam perorare, sed omnino verbum facere conari. cum cupidius instaret, homini pro amicitia familiarius dixi, mihi videri ore durissimo esse, qui praesente eo gestum agere conaretur: qui vero cum ipso contenderent, eos, etiam si quid antea recti, aut venusti habere visi sunt, id amittere: ne quid mihi eiusmodi accideret, cum contra talem artificem dicturus essem, me vereri. Tum mihi Roscius & alia multa confirmandi mei causa dixit: & me hercule, si nihil diceret, tacito ipso, officio & studio, quod habebat erga propinquum suum quemvis commoveret. Etenim, cum artifex eiusmodi sit, ut solus dignus videatur esse, qui in scena spectetur; tum vir eiusmodi est, ut solus dignus videatur, qui eo non accedat. Verumtamen, quid si, inquit, habes eiusmodi causam, ut hoc tibi planum sit faciendum neminem esse, qui possit biduo, ad summum tri-duo, septingenta millia passuum ambulare: tamen ne vereris, ut possis haec contra Hortensium contendere? minime inquam. Sed quid id ad rem? Nimirum, inquit, in eo causa consistit. Quomodo? Docet me eiusmodi rem, & factum simul Sex. Nauij, quod si solum proferretur, satis esse deberet. Quod abs te, C. Aquilli, & a vobis, qui adestis

destis in consilio, quæso, ut diligenter attendatis. profecto intelligeris, illinc ab initio cupiditatem pugnassee & audaciam: hinc veritatem & pudorem, quoad potuerit, restitisse. Bona postulas, ut ex edicto possidere liceat. quo die? te ipsum, Næui volo audire: volo inauditum facinus, ipsius, qui id commisit, voce conuinci. Dic, Næui, diem. Ante V. Kalend. intercalares. Bene agis. quam longe est hinc in saltum vestrum Gallicanum? Næui, te rogo. D C C. millia passuum. Optime. De saltu deijcitur Quinctius. quo die? possumus hoc quoque ex te audire? Quid taces; dic inquam diem. pudet dicere. intelligo. verum & sero, & nequidquam pudet. deijcitur de saltu. C. Aquilli, pridie Kal. intercalares, biduo post. aut, ut statim de iure aliquis, cucurrerit, non toto triduo D C C. millia passuum conficiuntur. O rem incredibilem: o cupiditatem inconsideratam: o nuntium volucrem. Administri & satellites Sex. Næuij Roma trans alpes in Sebusianos biduo veniunt. O hominem fortunatum, qui eiusmodi nuntios seu potius Pegasos, habeat. Hic ego si Crassi omnes cum Antonijs existant, si tu L. Philippe, qui inter illos florebas, hanc causam voles cum Hortensio dicere; tamen superior sim necesse est. Non enim, quemadmodum putatis, omnia sunt in eloquentia. est quædam tamen ita perspicua veritas, ut eam infirmare nulla res possit. An antequam postulasti, ut bona possideres, misisti, qui curarent ut dominus de suo fundo a sua familia vi deijceretur? Vtrum libet elige. alterum incredibile est; alterum nefarium; & ante hoc tempus vtrumque inauditum. Septingenta millia passuum vis esse decursa biduo? dic: negas? ante igitur misisti. malo. Si enim illud diceres, improbe mentiri viderere: cum hoc confiteris, id te admisisse concedis, quod ne mēdacio quidē tegere possis. Hoc consilium Aquillio & talibus viris, tā cupidū, tā audax,

tam temerarum probabitur? Quid hæc amentia? quid hæc festinatio? quid hæc immaturitas tanta significat? non vim? non scelus? non latrocinium? non denique omnia potius quam ius, quam officium, quam pudorem? Mittis iniussu prætoris. quo consilio? iussurum sciebas? quid? cum iussisset, tum mittere nonne poteras? Postulaturus eras. Quando? post dies XXX. nempe si te nihil impediret; si voluntas eadem maneret; si valeres; denique si viueres. Prætor iussisset, opinor, si vellet; si valeret; si ius diceret; si nemo recusaret, * qui ex ipsius decreto & satisfaret, & iudicium accipere * vellet. Nam per deos immortales si Alphenus procurator P. Quintij tibi tum satisfaret, & iudicium accipere vellet, deniq; omnia quæ postulares, facere voluisset; quid ageres? reuocares eum, quem in Galliam miseris? At hic quidem iam de fundo expulsus, iam a suis diis penatibus præceps eiectus, iam quod indignissimum est suorum seruatorum manibus, nuntio atque imperio tuo violatus esset. Corrigeres hæc scilicet tu postea. De cuiusquam vita dicere audes, qui hoc concedas necesse est, ita te cæcum cupiditate & auaritia fuisse, ut cum postea quid futurum esset ignorares (accidere autem multa possent) spem maleficij præsentis in incerto reliqui temporis euentu collocares? Atque hæc perinde loquor, quasi ipso illo tempore, cum te prætor iussisset ex edicto possidere, si in possessionem misisses, debuëris aut potueris P. Quintiū de possessione deturbare. * Omnia sunt, C. Aquilli, eiusmodi, quiuis ut perspicere possit, in hac causa improbitatem, & gratiam, cum inopia, & veritate contendere. Prætor te quemadmodum possidere iussit? opinor ex edicto. Sponsio quæ in verba facta est? ni ex edicto pr. Bona P. Quintij possessa non sint? Redeamus ad edictum. id quidem quemadmodum iubet possidere? num quid est causa, C. Aquilli, quin, si longe aliter possedit,

sedit, quam prætor edixit, iste ex edicto non possederit, ego sponcione vicerim? nihil opinor. cognoscamus edictum. QVI EX EDICTO MEO IN POSSESSIONEM VENERIT. De te loquitur, Næui, quemadmodum tu putas. ais enim te ex edicto venisse. tibi, quid facias, definit: te instituit, tibi præcepta dat. EOS ITA VIDETVR IN POSSESSIONE ESSE OPORTERE. Quomodo? QVOD IBIDEM RECTE CVSTODIRE POTERVNT, ID IBIDEM CVSTODIANT: QVOD NON POTERVNT, ID AVFERRE, ET ABDVCERE LICEBIT. Quid tum? DOMINVM, inquit, INVITVM DETRVDERE NON PLACET. Eum ipsum, qui fraudandi causa latitet: eum, ipsum quem iudicio nemo defendat: eum ipsum, qui cum omnibus creditoribus suis male agat, in iurum de prædio detrudi vetat. Prosciscenti tibi in possessionem prætor, Sex. Næui, palam dicit, Ita possideto, vt tecum simul possideat Quinctius: ita possideto, vt Quinctio vis * ne afferatur. Quid? tu id quemadmodum obseruas? mitto illud dicere, eum, qui non latitarit: cui Romæ domus, vxor, liberi, procurator esset: eum qui tibi vadimoniū nō deseruisset: hæc omnia mitto: illud dico, dominum expulsū esse de prædio; domino a familia sua manus allatas esse ante suos lares familiares. * hoc dico. ** Næuiū ne appellasse quidē Quinctium, cū simul esset, experiri posset quotidie. deinde quod omnia iudicia difficilima eum summa sua inuidia, maximoque periculo P. Quinctij fieri mallet, quam illud pecuniariū iudiciū; quod vno die transigi posset: ex quo vno hæc omnia nata, & profecta esse concedit. Quo in loco conditionem tuli, si vellet pecuniam petere, P. Quinctium, iudicatum solui satisfaturum; dum ipse, si quid peteret, pari conditione vteretur. Ostendi quam multa ante fieri conuenerit; quam hominis propinqui bona

possideri postularentur: præsertim cum Romæ domus eius, vxor, liberi essent, & procurator æque vtriusque necessarius. Docui, cum desertum esse dicat vadimonium, omnino vadimonium nullum fuisse: quo die hunc sibi promississe dicat, eo die ne Romæ quidem eum fuisse: id testibus me pollicitus sum planum facturum, qui & scire deberent, & causam, cur mentirentur, non haberent: ex edicto autem non potuisse bona possideri, demonstraui: quod neque fraudandi causa latitasset, neque exilij causa solum vertisse diceretur. Reliquum est, vt eum nemo iudicio defenderit, quod contra, copiosissime defensum esse contendi, non ab homine alieno, neque ab aliquo calumniatore, atq; improbo, sed ab equite Rom. propinquo & necessario suo; quem ipse Sex. Næuius procuratorem relinquere antea consueffet: neque eum si tribunos appellarit, idcirco minus iudicium paratum fuisse: neq; potentia procuratoris Næuius ereptum: contra istum potentia sua tum tantum modo superiorem fuisse; nunc nobis vix respirandi potestatem dare. Quæsiui quæ causa fuisset, cur bona non venissent, cum ex edicto possiderentur: deinde illud quoque requisui, qua ratione ex tot creditoribus nemo neque tum idem fecerit, neque nunc contradicat; omnesque pro P. Quinctio pugnent: præsertim cum in tali iudicio testimonia creditorum existimentur ad rem maxime pertinere. Postea sum vsus aduersarij testimonio, qui sibi eum nuper edidit socium: quem, quomodo nunc intendit, ne in viuorum quidem numero tum demonstrat fuisse. Tum illam incredibilem celeritatem, ceu potius audaciam protuli: confirmaui necesse esse aut biduo dec. millia passuum esse decursa, aut Sex. Næuium diebus compluribus ante in possessionem misisse, quam postulare, vt ei liceret bona possidere. Postea recitauit edictum,

edictum, quod aperte dominum de prædio detrudi vetaret: in quo constitit, Nævium ex edicto non possedisse, cum confiteretur ex prædio vi detrusum esse Quinctium. Omnino autem bona possessa non esse constitui: quod bonorum possessio spectetur non in aliqua parte, sed in vniuersis, quæ teneri, ac possideri possint. Dixi, Romæ domum fuisse, quo iste ne aspirarit quidem: seruos complures, ex quibus iste possederit neminē; ne attigerit quidem vnū fuisse, quem attingere conatus sit: prohibitum fuisse: quicuisse. In ipsa Gallia cognovistis in prædia priuata Quinctij Sexti. Nævium non venisse. Denique ex ipso saltu, quem per vim expulso socio, possedit, seruos priuatos Quinctij non omnes eiectiones esse. Ex quo, & ex ceteris dictis, factis, cogitatisque Sex. Nævij, cuius potest intelligere, istū nihil aliud egisse, neq; nunc agere, nisi vt per vim, per iniuriam, per iniquitatem iudicij, totum agrum qui communis est, suum facere possit. Nunc causa perorata, res ipsa, & periculi magnitudo, C. Aquilili, cogere videtur, vt te, atque eos, qui tibi in consilio sunt, obsecret, obtesteturque P. Quinctius per senectutem, ac solitudinem suam, nihil aliud, nisi vt vestræ naturæ, bonitatisque obsequamini: vt cum veritas cum hoc faciat, plus huius inopia possit ad misericordiam, quam illius opes ad crudelitatem. Quo die ad te iudicem venimus, eodem die illorum minas, quas ante horrebamus, negligere cœpimus. Si causa cum causa contenderet, nos nostram per facile cuius probaturos statuebamus, quod vitæ ratio cum ratione vitæ decerneret, idcirco nobis etiam magis te iudice opus esse arbitrati sumus. Ea res enim nunc in discrimen versatur, vtrumne possit se contra luxuriam, ac licentiam, rusticana illa, atque inculta parsimonia defendere; an deformata, atque ornamentis omnibus spoliata, nuda, cupiditati petulantiaque addicatur.

Non comparat se tecum gratia P. Quinctius, Sexti Næui: non opibus, non facultate contendit: omneis tuas artes, quibus tu magnus es, tibi concedit. Fatetur se non belle dicere; non ad voluntatem loqui posse; non ab afflictâ amicitia transfugere, atque ad florentem aliam deuolare; non profusis sumptibus viuere; non ornare magnifice splendideque conuiuium; non habere domum clausam pudori, & sanctimoniam, patentem atque adeo expositam cupiditati, & voluptatibus: contra, sibi officium, fidem, diligentiam, vitam omnino semper horridam, atque aridam cordi fuisse. Ista superiora esse, ac plurimum posse his moribus sentit. Quid ergo est? non usque eo tamen ut in capite, fortunisque hominum honestissimorum dominantur ij, qui relicta bonorum virorum disciplina, & quæstum & sumptum Gallonij sequi maluerunt; atque etiam, quod in illo non fuit, cum audacia, perfidiaque vixerunt. Si licet viuere cum, quem Sext. Næuius non vult: si est homini honesto locus in ciuitate inuito Næui: si fas est respirare P. Quinctium contra nutum, ditionemque Næuij: si quæ pudore ornamenta sibi peperit, ea potest contra petulantiam, te defendente, obtinere: spes est, & hunc miserum atque infelicem aliquando * tandem posse consistere. sin & poterit Næuius id, quod libet, & ei libebit quod non licet: quid agendum est? qui deus appellandus est? cuius hominis fides imploranda est? qui denique questus, qui mæror dignus inueniri in calamitate tanta potest? Miserum est, exturbari fortunis omnibus: miserius est, iniuria. acerbum est, ab aliquo circumueniri: acerbius, a propinquo. calamitosum est, bonis eueriti: calamitosius, cum dedecore. funestum est, a forti, atque honesto viro iugulari: funestius, ab eo cuius vox in præconio * quæstum profficit. indignum est, a pari vinci, aut superiore indignius ab inferiore, atq; humiliore. luctuosum est

est tradi alteri cum bonis: luctuosius, inimico, horribile est causam capitis dicere: horribilius, priore loco dicere. Omnia circumspexit Quinctius, omnia periclitatus est, C. Aquilli: * non prætorem modo, a quo ius impetraret, inuenire non potuit, atque adeo ne vnde arbitrato quidem suo postularet; sed ne amicos quidem Sex. Næuij: quorum sæpe, & diu ad pedes iacuit stratus, obsecrans per deos immortales, vt aut secum iure contenderent, aut iniuriam sine ignominia sibi imponerent. Denique ipsius inimici vultum superbissimum subiit; ipsius Sext. Næuij lacrymans manum * apprehendit, in propinquorum bonis proscribendis exercitatum: obsecrauit per fratris sui mortui cinerem, per nomen propinquitatis, per ipsius coniugem & liberos, quibus propior P. Quinctio nemo est, vt aliquando * misericordiam caperet aliquam, si non propinquitatis, at ætatis suæ: si non hominis, at humanitatis rationem haberet: vt secum aliquid, integra sua fama, qualibet, dummodo tolerabili, conditione transigeret. Ab ipso repudiatus, ab amicis eius non subleuatus, ab omni magistratu agitur, atque perterritus, quem præter te appellet, habet neminem. tibi se, tibi suas omnes opes fortunæque commendat: tibi committit existimationem, ac spem reliquæ vitæ. Multis vexatus contumelijs, plurimis iactatus iniurijs, non turpis ad te, sed miser confugit. e fundo ornatissimo deiectus, ignominijs omnibus appetitus, cum illum in suis paternis bonis dominari videret, ipse filia nubili dotem conficere non posset, nihil alienum tamē vita superiore commisit. Itaque te hoc obsecrat, C. Aquilli, vt quam existimationem, quam honestatē in iudicium tuum prope acta iam ætate, decursa. que attulit, eam liceat ei secum ex hoc loco afferre: ne is, de cuius officio nemo vmquam dubitauit, sexagesimo denique anno dedecore, macula, turpis-

simaq; ignominia notetur: ne ornamentis eius omnibus Sex. Næui pro spolijs abutatur : ne per te ferat, quo minus quæ existimatio P. Quinctium vsq; ad senectutem perduxit, eadem vsque ad rogum prosequatur.



PRO SEXTO ROS- CIO AMERINO.

ORATIO II.

RED O ego vos, iud. mirari quid sit, quod cum tot summi oratores, hominesque nobilissimi sedeant, ego potissimum * surrexerim, qui neque ætate, neque ingenio, neq; auctoritate sim cum ijs qui sedeant comparandus. Omnes enim hi, quos videtis adesse in hac causâ, iniuriam nouo scelere conflatam putant oportere defendi : defendere ipsi propter iniquitatem temporum non audent. ita fit, vt adsint propterea quod officium sequuntur : taceant autem idcirco, quia periculum metuunt. Quid ergo? audacissimus ego ex omnibus? minime, at tanto officiosior quam ceteri? ne istius quidem laudis ita sum cupidus, vt alijs eam præreptam velim. Quæ me igitur res præter ceteros impulit, vt causâ Sext. Roscij reciperem? quia, si quis istorû dixisset, quos videtis adesse, in quibus summa auctoritas est, atq; amplitudo, si verbum de rep. fecisset, id quod in hac causâ fieri necesse est, multo plura dixisse, quam dixisset, puta-

putaretur: ego, etiam si omnia, quæ dicenda sunt, libere dixero, nequaquam tamè similiter oratio mea exire, atq; in vulgus emanare poterit. Deinde, quod ceterorum neque dictum obscurum potest esse propter nobilitatem, & amplitudinem, neq; temere dicto concedi propter ætatem, & prudentiam. Ego si quid liberius dixero, vel occultum esse propterea quod nondum ad rempublicam accessi, vel ignosci adolescentiæ meæ poterit: tametsi non modo ignoscendi ratio, verum etiam cognoscendi consuetudo iam de ciuitate sublata est. Accedit illa quoq; causa, quod a ceteris forsitan ita petatum sit, ut dicerent, ut vtrumvis saluo officio se facere posse arbitrantur: a me autem ij contenderunt, qui apud me & amicitia, & beneficijs, & dignitate plurimum possunt: quorum ego neque beneuolentiam erga me ignorare, nec auctoritatem aspernari, nec voluntatem negligere debeam. His de causis ego huic causæ patronus existi, non * lectus vnus, qui maximo ingenio, sed relictus ex omnibus, qui minimo periculo possem dicere: neque uti satis firmo præsidio defensus Sext. Roscius, verum uti ne omnino desertus esset. Forsitan quærat, qui iste terror sit, & quæ tanta formido, quæ tot, ac tales viros impediatur, quo minus pro capite & fortunis alterius, quemadmodum consueuerunt, causam velint dicere. quod adhuc vos ignorare non mirum est, propterea quod consulto ab accusatoribus, eius rei, quæ conflauit hoc iudicium, mentio facta non est. Quæ res ea est? bona patris huiusce Sext. Roscij, quæ sunt sexagies, quæ de viro clarissimo & fortissimo L. Sylla, quem honoris causa nomino, duobus millibus numum sese dixit emisse adolescens vel potentissimus hoc tempore nostræ ciuitatis L. Cornelius Chrysogonus. Is a vobis, iudices, hoc postulat, ut quoniam in alienam pecuniam tam plenam, atque præclaram nullo iure inuaserit, quoniamque

ei pecuniæ vita Sext. Roscij ob stare, atque officere videatur: deleatis ex animo suo suspicionem omnem, metumque tollatis: sese hoc incolumi non arbitratum huius innocentis patrimonium tam amplum & copiosum posse obtinere: damnato & eiec to sperat se posse quod adeptus est per scelus, id per luxuriam effundere atque consumere. Hunc sibi ex animo scrupulum, qui se dies noctesque stimulat pungit, ut euellatis postulat: * ut ad hanc suam prædam tam nefariam adiutores vos profiteamini. Vobis æqua & honesta postulatio videtur, iudices: ego contra breuem postulationem afferro, & (quomodo mihi persuadeo) aliquanto æquiores. Primum a Chrysogono peto, ut pecunia fortunisque nostris contentus sit: sanguinem, & vitam ne petatis, innocentium calamitatem leuetis, & in causâ Sext. Roscij, periculum, quod in omnes intenditur propulsatis. Quod si aut causâ criminis, aut falsâ suspicio, aut quælibet denique vel minima res reprietur, quam obrem videantur illi non nihil tamen deferendo nomine secuti: postremo si præter causâ prædam, quam dixi, quidquam aliud causâ inuenieritis: non recusamus, quin illorum libidini Sext. Roscij vita dedatur. sin aliud agitur nihil, nisi iis ne quid desit, quibus satis nihil est: si hoc solum hoc tempore pugnatur, ut ad illam optimam præclaramque prædam damnatio Sext. Roscij velut cumulus accedat: nonne cum multa indignum vel hoc indignissimum est, vos idoneos habitos, per quorum sententias, iusque iurandum insequantur, quod antea ipsi scelere, & ferro assequi consueverunt? qui ex ciuitate in senatum propter dignitatem, ex senatu in hoc consilium delati estis propter seueritatem, ab his hoc postulare homines sicarios, atque gladiatores, non modum ut supplicia vitent, quæ a vobis pro maleficiis sunt metuerent.

metuere, atque horrere debent, verum etiam ut
 spolijs Sex. Roscij hoc iudicio ornati atque dis-
 cedant? His de rebus tantis, tamque atrocibus neq;
 satis me commode dicere, neque satis grauius con-
 queri, neque satis libere vociferari posse intelligo.
 Nam, commoditati ingenium, grauitati ætas, liber-
 tati tempora sunt impedimento. Huc accedit sum-
 mus timor, quem mihi natura, pudorque meus attri-
 buit, & vestra dignitas, & vis aduersariorum, &
 Sex. Roscij pericula. Quapropter vos oro, atque
 obsecro, iudices, ut attente, bonaque cum venia
 verba mea audiat. Fide, sapientiaque vestra fretus
 plus oneris sustuli, quam ferre me posse intelligo:
 hoc onus si vos aliqua ex parte alleuabitis, feram
 ut potero, studio, & industria iudices: sin a vobis (id
 quod non spero) deserar, tamen animo non defici-
 am, & id quod suscepi, quoad potero, perferam. quod
 si perferre non potero, opprimi me onere officij ma-
 lo, quam id, quod mihi cum fide semel impositum
 est, aut propter perfidiam abijcere, aut propter in-
 firmitatem animi deponere. Te quoq; magnopere,
 M. Fanni, quaeso, ut qualem te iam antea populo
 Rom. præbui, cū huic idem quaestioni iudex præ-
 esses, talem te & nobis, & P. R. hoc tempore imper-
 tias. Quanta multitudo hominum conuenerit ad
 hoc iudicium, vides: quæ sit omnium mortalium
 expectatio, quæ cupiditas, ut acris ac seueri iudi-
 cia fiant, intelligis. Longo interuallo iudicium inter-
 ficariorum hoc primum committitur, cum interea cæ-
 des indignissimæ, maximæque factæ sint. * Omnes
 hanc quaestionem, te prætor, de manifestis
 maleficijs, quotidianoque sanguine haud remissi-
 us sperant futuram. Qua vocileratione in ceteris
 iudicijs accusatores uti consueuerunt, ea nos hoc
 tempore utimur, qui causam dicimus. Petimus
 abs te M. Fanni, a vobisque iudices, ut quam ac-
 cerrime maleficia vindicetis, ut quam fortissime

hominibus audacissimis resistatis, ut hoc cogitetis nisi in hac causa, qui vester animus sit, ostendat eo prorumpere hominum cupiditatem & scelus, audaciam, ut non modo clam, verum etiam hic foro, ante tribunal tuum, M. Fanni, ante pedes vestros, iudices, inter ipsa subsellia cades futura. Etenim quid aliud hoc iudicio tentatur, nisi ut id eri liceat? Accusant ij, qui in fortunas huius iniunserunt, causam dicit is, cui præter calamitatem, nihil reliquerunt: accusant ij, quibus occidi pater Sex. Roscij bono fuit, causam dicit is, cui non modo luctum mors patris attulit, verum etiam egestatem: accusant ij, qui hunc ipsum iugulare summa cupierunt, causam dicit is, qui etiam ad hoc ipsum iudicium cum præsidio venit, ne hic ibidem anteculos vestros trucidetur: denique accusant ij, qui populus poscit, causam dicit is, qui vnus relictus illorum nefaria cæde restat. Atque ut facilius intelligere possitis, iudices, ea quæ facta sunt, indignior esse, quam hæc sunt quæ dicimus, ab initio, res quæ admodum gesta sit, vobis exponemus: quo facilius & huius hominis innocentissimi miseras, & illorum audaciam cognoscere possitis, & reipub. calamitatem. Sex. Roscius pater huiusce, municeps Amernus fuit, cum genere, & nobilitate, & pecunia non modo sui municipij, verum etiam huius vicinitatis facile primus, tum gratia, atq; hospitij florens hominum nobilissimorum. Nam cum Metellis, Serranij, Scipionibus erat ei non modo hospitium, verum etiam domesticus usus & consuetudo: quæ æquum est, familias honestatis, amplitudinisq; gratia nomino. Itaque ex suis omnibus commodis huius solum filio reliquit. nam patrimonium domesticos prædones vi ereptum possident: fama, & vita innocentis ab hospitibus, amicisque paternis defenditur. Hic cum omni tempore nobilitatis fautor fuisset, tum hoc tumultu proximo, cum omnium nobilium

bilium dignitas & salus in discrimen veniret, præter
 ceteros in ea vicinitate eam partem, causamque o-
 pera, studio, auctoritate defendit. Etenim rectum
 putabat, pro eorum honestate se pugnare, propter
 quos ipse honestissimus inter suos numerabatur.
 Posteaquam victoria constituta est, ab armisque re-
 cessimus, cum proscriberentur homines, atque ex
 omni regione caperentur ij, qui aduersarij fuisse
 putabantur, erat ille Romæ frequens, atque in foro,
 & in ore omnium quotidie versabatur: magis vt ex-
 sultare victoria nobilitatis videretur, quam timere,
 ne quid ex ea calamitatis sibi accideret. Erant ei ve-
 teres inimicitia cum duobus Roscijs Amerinis,
 quorum alterum sedere in accusatorum subsellijs
 video, alterum tria huiusce præsidia possidere
 audio: quas inimicitias si tam cauere potuisset,
 quam metuere solebat, viueret. Neque enim iud.
 iniuria metuebat, nam duo isti sunt T. Roscij,
 quorum alteri Capitoni cognomen est, iste, qui ad-
 est Magnus vocatur, homines eiusmodi. alter plu-
 rimarum palmarum vetus, ac nobilis gladiator ha-
 betur: hic autem nuper se ad eum lanistam contu-
 lit, qui cum ante hanc pugnam tiro esset scientia,
 facile ipsum magistrum scelere, audaciaque supe-
 rauit. Nam cum hic Sext. Roscius esset Ameriæ, T.
 autem iste Roscius Romæ, cum hic filius assiduus in
 prædijs esset, cumque se voluntate patris rei fami-
 liari, vitæque rusticæ dedisset: iste autem frequens
 Romæ esset: occiditur ad balneas Palatinas redi-
 ens a cena Sext. Roscius. Spero ex hoc ipso non es-
 se obscurum, ad quem suspicio maleficij pertineat.
 Verum, id quod adhuc est suspiciosum, nisi perspi-
 cuum res ipsa fecerit, hunc affinem culpæ iudicato-
 re. Occiso Sext. Roscio, primus Ameriam nuntiat
 Manlius Glaucia quidam, homo tenuis, libertinus,
 cliens, & familiaris istius T. Roscij: & nuntiat do-
 mum, non filij, sed T. Capitonis inimici, & cum post

horam primam noctis occisus esset, primo diluculo nuntius hic Ameriam venit. decem hostis nocturnis sex, & quinquaginta millia passuum cilijs peruolauit, non modo ut exoptatum inimico nuntium primus afferret, sed etiam cruorem inimici quam recentissimum, telumque paullo ante e corpore extractum ostenderet. Quatriduo, quo hæc gesta sunt, res ad Chrysogonum in castra L. Syllæ Volateiras deferretur: magnitudo pecuniæ demonstratur: bonitas prædiorum, (nam fundos decem & tres reliquit, qui Tyberim fere omnes tangunt) huius inopia & solitudo commemoratur. demonstrant, cum pater huiusce Sext. Roscius, homo tam splendidus, & graciosus, nullo negotio sit occisus, perscibile hunc hominem incautum, & rusticum, & Romæ ignotum de medio tolli posse. ad eam rem operam suam pollicentur. Ne diutius vos teneam, iud. societas coitur. Cum iam proscriptionis mentio nulla fieret, & cum etiam qui antea metuerant redirent, ac iam defunctos sese periculis arbitrentur: hominis studiosissimi nobilitatis manceps fit Chrysogonus: tria prædia vel nobilissima Captoni propria traduntur, quæ hodie possidet: in reliquas omnes fortunas ille T. Roscius nominat Chrysogoni, quemadmodum ipse dicit, imperum facit. Hæc bona sexagies h-s. emuntur duobus millibus nummum. Hæc omnia, iud. imprudente L. Sylla facta esse certo scio. neque enim mirum, cum eodem tempore & ea, quæ præterita sunt, * & ea, quæ videntur instare, præparet, cum & pacis constituendæ rationem, & belli gerendi potestatem solus habeat, cum omnes in vnum spectent, vnus omnia gubernet, cum tot tantisque negotijs distentus sit, ut respirare libere non possit, si aliquid non animaduertat: cum præsertim tam multi occupationem eius obseruent, tempusque aucupentur, ut, simulatque ille despexerit, aliquid huiuscemodi

di moliantur. Huc accedit, quod quamuis ille felix sit * sicut est, tamen in tanta felicitate nemo potest esse in magna familia, qui neminem neque seruum, neque libertum improbum habeat. Interea iste T. Roscius, vir optimus, procurator Chrysogoni, Ameriam venit, in prædia huius inuadit, hunc miserum, lactu perditum, qui nondum etiam paterno funeri iusta soluisset, nudum eiecit domo, atque focus patrijs, dijsque penatibus præcipitem iudices exturbat: ipse amplissime pecuniæ fit dominus. Qui in sua re fuisset egentissimus, erat (vt fit) insolens in aliena. Multa palam domum suam auferabat, plura clam de medio remouebat, non pauca suis adiutotibus large, effuseque donabat, reliqua constituta auctione vendebat. Quod Amerinis vsque eo visum est indignum, vt vrbe tota fletus gemitusque fieret. Etenim multa simul ante oculos versabantur: mors hominis florentissimi Sexti Roscij crudelissima: filij autem eius egestas indignissima: cui de tanto patrimonio prædo iste nefarius ne iter quidem ad sepulchrum patrum reliquisset: bonorum emptio, flagitiosa possessio, furta, rapinae, donationes. Nemo erat, qui non ardere omnia mallet, quam videre in Sext. Roscij viri optimi atque honestissimi bonis iactantem se, ac dominantem T. Roscium. Itaque decurionum decretum statim fit, vt decem primi profiscantur ad L. Syllam, doceantque eum, qui vir Sextus Roscius fuerit: conquerantur de istorum scelere, & iniurijs: orent, vt & illius mortui famam & filij innocentis fortunas conseruatas velit. Atque ipsum decretum quæso cognoscite. DECRE-
TVM DVCVRIONVM. Legati in castra veniunt. intelligitur, iudices, id quod iam ante dixi, imprudente L. Sylla, scelera hæc, & flagitia fieri. nam statim Chrysogonus & ipse ad eos

accedit, & homines nobiles allegat ijs, qui peterent, ne ad Syllam adirent, & omnia Chrysgonum quæ vellent, esse facturum pollicerentur. Vsq̃ue adeo autem ille pertimuerat, vt mori mallet, quam de his rebus Syllam doceri. Homines antiqui, qui ex sua natura ceteros fingerent, cum ille confirmaret sese nomen Sext. Roscij de tabulis exempturum, prædia vacua filio traditurum: cumq; id ita futurum T. Roscius Capito qui in x. legatis erat, adpromitteret, crediderunt: Ameriam re inorata reuerterunt. Ac primo rem differre quotidie, ac procrastinare isti cœperunt, deinde aliquanto lentius, nihil agere, atque deludere, postremo, id quod facile intellectu est, insidias vitæ huiusce Sex. Roscij parare, neque sese arbitrari posse diutius alienam pecuniam domino incolumi obtinere. Quod is simulatque sensit, de amicorum, cognatorumq; sententia Romam confugit, & sese ad Cæciliam Nepotis filiam, quam honoris causa nomino, contulit, qua pater vius erat plurimum: in qua muliere iud. etiam nunc, id quod omnes semper existimauerunt, quasi exempli causa vestigia antiqui officij remanent. Ea Sext. Roscium inopem, eiectum domo, atq; expulsus ex suis bonis, fugientem latronum tela & minas, recepit domum, hospitiq; oppresso iam, desperatoque ab omnibus, opitulata est. Eius virtute, fide, diligentia factum est, vt hic potius viuus in reos, quam occisus in proscriptos referretur. Nam post quam illi intellexerunt summa diligetia vitam Sex. Roscij custodiri, neque sibi vllam cædis faciendæ potestatem dari: consilium ceperunt plenû sceleris, & audaciæ, vt nomen huius de paricidio deferrent, vt ad eam rem aliquem accusatorem veterem compararent, qui de ea re posset dicere aliquid, in qua re nulla subesset suspicio: denique vt, quoniam crimine non poterant, tempore ipso pugnarent. ita loqui homines, quod iudicia tamdiu sa-

Æa non essent, condemnari eum oportere, qui pri-
 mus in iudicium adductus esset: huic autem patro-
 nos propter Chryfogoni gratiam defuturos: de bo-
 norum venditione, & de ista societate verbum esse
 facturum neminem: ipso nomine paricidij, & atro-
 citate criminis fore, vt hic nullo negotio tolleretur,
 cum ab nullo defensus esset. Hoc consilio, atque a-
 deo hac amentia impulsus, quem ipsi, cum cuperent,
 non potuerunt occidere, eum iugulandum vobis
 tradiderunt. Quid primum quærar? aut vnde potis-
 simum exordiar, iudices? aut quod, aut a quibus au-
 xilium petam? deorumne immortalium? populine
 Romani? vestramne, qui summam potestatem ha-
 betis, hoc tempore fidem implorem? Pater occisus
 nefarie, domus obfessa, ab inimicis bona adempta,
 possessa, direpta, filij vita infesta, sæpe ferro, atq; in-
 fidijs appetita. quid ab his tot maleficijs sceleris
 abesse videtur? tamen hæc alijs nefarijs cumulant,
 atque adaugent: crimen incredibile confingunt: tes-
 tes in hunc, & accusatores huiusce pecunia com-
 parant: hanc condicionem misero ferunt, vt optet
 vtrum malit, ceruices Roscio dare, an infusus in cu-
 leum * per summum dedecus vitam amittere. Pa-
 tronos huic defuturos putauerunt: * desint: qui li-
 bere dicat, qui cum fide defendat, id quod in hac
 causa est satis, quoniam quidem suscepi, non deest
 profecto, iudices. Et forsitan in suscipienda causa
 temere impulsus adolescentia fecerim: quoniam
 quidem semel suscepi, licet, hercules, vndique om-
 nes in me terrores, minæ, periculaq; impendeant o-
 mnia, succurram atque subibo. Certum est, delibe-
 ratumque quæ ad causam pertinere arbitror, om-
 nia non modo dicere, verum etiam libenter, auda-
 cter, libereque dicere. Nulla res tanta existat, iudi-
 ces, vt possit vim mihi maiorem adhibere metus,
 quam fides. Etenim quis tam dissoluto animo est,
 qui hæc cum videat, tacere ac negligere possit? pa-

trem meum, cum proscriptus non esset, iugulastis: occisum in proscriptorum numerum retulistis: me domo mea per vim expulistis: patrimonium meum possidetis: quid vultis amplius? etiamne ad subsellia, cum ferro atque telis venistis, ut hic aut iuguletis, aut condemnetis Sext. Roscium? Hominem longe audacissimum nuper habuimus in ciuitate C. Fimbriam, & quod inter omnes constat, nisi inter eos, qui ipsi quoque insaniunt, insanissimum. is cum curasset in funere C. Marij, ut Q. Scauula vulneretur, vir sanctissimus, atque ornatissimus nostræ ciuitatis, de cuius laude neque hic locus est ut multa dicantur, neque plura tamen dici possunt, quam populus Romanus memoria retinet, diem Scauulæ dixit, posteaquam comperit eum posse viuere. cum ab eo quæreretur, quid tandem accusaturus esset eum, quem pro dignitate ne laudare quidem quisquam satis commode posset: aiunt hominem, ut erat furiosus, respondisse, quod non totum telum corpore recepisset. quo populus Romanus nihil vidit indignius, nisi eiusdem viri mortem: quæ tantum potuit, ut omnes ciues suos perderet, & affligeret: quos quia seruare per compositionem volebat: ipse ab ijs interemptus est. Estne hoc illi dicto, atque facto Fimbriæ non simillimum? accusatis Sex. Roscium. quid ita? quia de manibus vestris effugit: quia se occidi passus non est. Illud quia in Scauula factum est, magis indignum videtur: hoc, quia fit a Chryfogono, num est ferendum? Nam per deos immortales, quid est in hac causa, quod defensionis indigeat? qui locus ingenium patroni requirit? aut oratoris eloquentiam magnopere desiderat? Totam causam, iudices, explicemus, atque ante oculos expositam consideremus. ita facillime, quæ res totum iudicium contineat, & quibus de rebus nos dicere oporteat, & quid vos sequi conueniat, intelligetis. Tres sunt res,
quantum

quantum ego existimare possum, quæ obstant hoc tempore Sex. Roscio, crimen aduersariorum, & audacia, & potentia. Criminis confessionem accusator Erucius suscepit: audaciæ partes Roscij sibi poposcerunt: Chrysogonus autem is, qui plurimum potest, potentia pugnat. De hisce omnibus rebus, me dicere oportere intelligo. Quid igitur est? non eodem modo de omnibus: ideo quod prima illa res ad meum officium pertinet: duas autem reliquas vobis populus Romanus imposuit, ego crimē oportet diluam: vos & audaciæ resistere, & hominū eiusmodi perniciosam atq; intollerandam potentiam primo quoq; tempore extinguere, atque opprimere debetis. Occidisse patrē Sex. Roscius arguitur. Sceleratum, dii immortales, ac nefarium facinus, atque eiusmodi, quo vno maleficio scelera omnia cōpleta esse videantur. Etenim si, id quod præclarè a sapientibus dicitur, vultu sæpe læditur pietas: quod supplicium satis acre reperietur in eum, qui mortem obtulerit parenti, pro quo mori ipsum, si res postularet, iura diuina, atque humana cogeant? In hoc tanto, tam atroci, tam singulari maleficio, quod ita raro exstitit, ut si quando auditum sit, portenti ac prodigij simile numeretur, quibus tandem te, C. Eruci, argumentis accusatorem censēs uti oportere? nonne & audaciam eius, qui in crimen vocetur, singularem ostendere, & mores feros, immanemque naturam, & vitam vitij flagitijque omnibus deditam, & denique omnia ad perniciem profligata atque perditā? quorum tu nihil in Sex. Roscium, ne obijciendi quidem causa contulisti: Patrem occidit Sex. Roscius. Qui homo? Adolescentulus corruptus, & ab hominibus nequam indutus? annos natus magis quadraginta. Vetus videlicet sicarius, homo audax, & sæpe in cæde versatus? at hoc ab accusatore ne dici quidem audistis. Luxuries igitur hominem nimirum, & æris alieni

magnitudo, & indomitæ animi cupiditates ad hoc scelus impulerunt. De luxuria purgavit Erucius, cum dixit hunc ne in conuiuio quidem vllò fere interfuisse. nil autem vniquam debuit. cupiditates porro quæ possunt esse in eo, qui, vt ipse accusator obiecit, ruri semper habitavit, & in agro colendo vixerit? quæ vita maxime disiuncta a cupiditate est, & cum officio coniuncta. Quæ res igitur tantum istum furorem Sex. Roscio obiecit? Patri, inquit, non placebat. Patri non placebat? quam ob causam? Necesse est enim eam quoque iustam, & magnam, & perspicuam fuisse. nam, vt illud incredibile est, mortem oblatam esse patri a filio sine plurimis & maximis causis, sic hoc verisimile non est, odio fuisse parenti filium sine causis multis, & magnis, & necessarijs. Rursus igitur eodem reuertamur, & quæramus quæ tanta vitia fuerint in vnico filio, quare is patri displiceret. at perspicuum est nullum fuisse. Pater igitur amens qui odisset eum sine causa, quem procrearat. at is quidem fuit omnium cōstantissimus. Ergo illud iam perspicuum profecto est, si neque amens pater, neque perditus filius fuerit: neque odij causam patri, neque sceleris filio fuisse. Nescio, inquit, quæ causa odij fuerit, fuisse odium intelligo: quia antea cum duos filios haberet, illum alterum qui mortuus est secum omni tempore volebat esse: hunc in prædia rustica relegarat. Quod Erucio accidebat in mala, nugatoriaque accusatione, idem mihi vsu venit in causa optima. Ille quomodo crimen commentitium confirmaret, non inueniebat: ego res tam leues qua ratione infirmem ac diluam, reperire non possum. Quid ais Eruci? tot prædia, tam pulchra, tam fructuosa Sex. Roscius filio suo relegationis, ac supplicij gratia, colenda ac tuenda tradiderat? quid hoc? patres familias, qui liberos habent, præsertim homines illius ordinis, ex municipijs rusticanis, nonne opta-

optatissimum sibi putant esse, filios suos rei familiari maxime seruire, & in prædijs colendis operæ plurimum, studijque consumere? An amandarat hunc sic, vt esset in agro, ac tantummodo aleretur ad villam? vt commodis omnibus careret? quid si constat, hunc non modo colendis prædijs præfuisse, sed certis fundis patre viuo frui solitum esse? tamen hæc attenta vita, & rusticana, relegatio, atque amandatio appellabitur? Vides, Eruci, quantum distet argumentatio tua ab re ipsa, atque a veritate. Quod consuetudine patres faciunt, id quasi nouum reprehendis: quod beneuolentia fit, id odio factum criminari: quod honoris causa pater filio suo concessit, id eum supplicij causa fecisse dicis. Neque hæc tu non intelligis: sed vsque eo, quid arguas, non habes, vt non modo tibi contra nos dicendum putes, verum etiam contra rerum naturam contraque consuetudinem hominum, contraque opiniones omnium. At enim cum duos filios haberet, alterum a se non dimittebat, alterum ruri esse patiebatur. Quæso, Eruci, vt hoc in bonam partem accipias: non enim exprobrandi causa, sed commonendi gratia dicam. Si tibi fortuna non dedit, vt patre certo nascere, ex quo intelligere posses, qui animus patrius in liberos esset: at natura certe dedit, vt humanitatis non parum haberes. Eo accessit studium doctrinæ, vt ne a litteris quidem alienus esses. Ecquid tandem tibi videtur (vt ad fabulas veniamus) senex ille Cæcilianus minoris facere Eutychem filium rusticum quam illum alterum Chærestratum? (nam, vt opinor, hoc nomine est) alterum in vrbe secum honoris causa habere, alterum rus supplicij causa relegasse? Quid ad istas ineptias abis, inquires? quali vero mihi difficile sit quamuis multos, nominatim proferre (ne longius abeam) vel tribules, vel vicinos meos, qui suos liberos, quos plurimi faciunt, agricolas assiduos esse cupi-

unt. Verum homines notos sumere odiosum est, quum & illud incertum sit, velintne hi sese nominari: & nemo vobis magis notus futurus sit, quam est hic Eutychus: & certe ad rem nihil interfit, vtrum huic ego comicum adolescentem, an aliquem ex agro Veiente nominem. Etenim haec confecta arbitror a poetis esse, vt effectos nostros mores in alienis personis, expressamque imaginem * nostrae vitae quotidianae videremus. Age nunc, refer animum, sis ad veritatem, & considera non modo in Umbria, atque in ea vicinitate, sed in his veteribus municipijs, quae studia a patribus familias maxime laudentur: iam profecto te intelliges inopia criminum summam laudem Sex. Roscio vitio, & culpa dedisse. At non modo hoc patrum voluntate liberi faciunt: sed permultos & ego noui, & (nisi me fallit animus) vnusquisque vestrum, qui & ipsi incensi sunt studio, quod ad agrum colendum attinet, vitamque hanc rusticam, quam tu probro & crimini putas esse oportere, & honestissimam & suauissimam esse arbitrantur. Quid censes hunc ipsum Sext. Roscium, quo studio, & qua intelligentia esse in rusticis rebus? vt ex his propinquis eius hominibus honestissimis audio, non tu in isto artificio accusatorio callidior es, quam hic in suo. Verum, vt opinor, quoniam ita Chryfogono videtur, qui huic nullum praedium reliquit, & artificium obliuiscatur, & studium deponat, licebit. quod tamen miserum, & indignum est, feret tamen a quo animo, iudices, si per vos vitam, & famam potest obtinere. hoc vero est, quod ferri non potest, si & in hanc calamitatem venit propter praediorum bonitatem, & multitudinem: & quod ea studiose coluit, id erit ei maxime fraudi: vt parum miseriae sit, quod alijs coluit, non sibi, nisi etiam, quod omnino coluit, crimini fuerit. Na tu, Eruci, accusator esses ridiculus, si illis temporibus natus esses, cum ab aratro arcesseban-

tur, qui consules fierent. Etenim, qui præesse agro colendo flagitium putes, profecto illum Atilium, quem sua manu spargentem semen, qui missi erant conuenerunt, hominem turpissimum, atq; inhonestissimum iudicares. At, hercule, maiores nostri longe aliter & de illo, & de ceteris talibus viris existimabant. Itaq; ex minima, tenuissimaque rep. maximam, & florentissimam nobis reliquerunt. Suos enim agros studiose colebant, non alienos cupide appetebant: quibus rebus, & agris, & vrbibus, & nationibus, temp. atq; hoc imperium, & populi Ro. nomen auxerunt. Neq; ego hæc eo profero, quo cōferenda sint cum hisce, de quibus nunc quærimus: sed vt illud intelligatur, cum apud maiores nostros summi viri, clarissimique homines, qui omni tempore ad gubernacula reip. sedere debebant, tamen in agris quoque colendis aliquantum operæ, temporisq; consumpserint, ignosci oportere ei homini, qui se fateatur esse rusticum, cum ruri assiduus semper vixerit: cum præsertim nihil esset, quod aut patri gratius, aut sibi iucundius, aut re vera honestius facere posset. Odium igitur acerrimum patris in filium ex hoc, opinor, ostenditur, Eruci, quod hunc ruri esse patiebatur. num quid est aliud? Imo vero, inquit, est. nam istum exheredare in animo habebat. Audio: nunc dicis aliquid, quod ad rem pertineat: nam illa, opinor, tu quoq; concedis leuia esse, atq; inepta, conuiuia cum patre non inibat: quippe qui ne in oppidum quidem, nisi perraro, veniret. domum suam istum non fere quisquam vocabat: * nec mirum, qui neque in vrbe viueret, neque rure * vocaturus esset. Verum hæc quoq; tu intelligis esse nugatoria. Illud quod cœpimus, videamus, quo certius argumentū odij reperiri nullo modo potest. Exheredare pater filium cogitabat Mitto quærere, quæ de causis: quæro, qui scias. tametsi te dicere, atque enumerare causas omnes oportebat: & id erat cer-

te accusatoris officium, qui tanti sceleris argueret, explicare omnia vitia, atque peccata filij, quibus incensus parens potuerit animum inducere, vt naturam ipsam vinceret, vt amorem illum penitus infitum eijceret ex animo, vt denique patrem esse sese obliuisceretur: quæ sine magnis huiusce peccatis accidere potuisse non arbitror. Verum concedo tibi, vt ea prætereas, quæ cum taces, nulla esse concedis. illum quidem voluisse exheredare, certe tu planum facere debes. quid ergo affers, quare id factum putemus? vere nihil potes dicere. finge aliquid saltem commode: vt ne plane videaris id facere, quod aperte facis, huius miseri fortunis, & horum virorum talium dignitati illudere. Exheredare filium voluit. quam ob causam? nescio, exheredauitne? non. quis prohibuit? cogitabat. cogitabat? cui dixit? nemini. Quid est aliud, iudicio, ac legibus, ac maiestate vestra abuti ad quæstum, atque ad libidinem, nisi hoc modo accusare, atque id obijcere, quod planum facere non modo non possis, verum ne coneris quidem? Nemo nostrum est Eruci, quin sciat tibi inimicitias cum Sex. Roscio nullas esse: vident omnes, qua de causa huic inimicus venias: sciunt huiusce pecunia te adductum esse. Quid ergo est? ita tamen quæstus te cupidum esse oportebat, vt horum existimationem, & legem Memmiam putares aliquid valere oportere. Accusatores multos esse in ciuitate utile est, vt metu contineatur audacia: verumtamen hoc ita est utile, vt ne plane illudamur ab accusatoribus. Innocens est quispiam: verumtamen quamquam abest a culpa, suspicione tamen non caret. tamen si miserum est, tamen ei, qui hunc accuset, possim aliquo modo ignoscere. cum enim aliquid habeat, quod possit criminose, ac suspiciose dicere, aperte ludificari, & calumniari sciens non videatur. Quare facile omnes patimur, esse quamplurimos accusatores, quod inno-

innocens, si accusatus sit, absolui potest: nocens, nisi accusatus fuerit, condemnari non potest. Vtilius est autem absolui innocentem, quam nocentem causam non dicere. Anseribus cibaria publice locantur, & canes aluntur in Capitolio, ut significant si fures venerint. at fures internoscere non possunt: significant tamen, si qui noctu in Capitolium venerint: & quia id est suspiciosum, tamen si bestiae sunt, tamen in eam partem potius peccant, quae est cautior. Quod si luce quoque canes latrent, cum deos salutatum aliqui venerint, opinor, ijs crura suffringantur, quod acres sint etiam tum, cum suspicio nulla sit. Simillima est accusatorum ratio. Alij vestrum anseres sunt, qui tantummodo clamant, nocere non possunt: alij canes, qui & latrare, & mordere possunt. Cibaria vobis praebere videmus: vos autem maxime debetis in eos impetum facere, qui merentur. hoc populo gratissimum est. deinde si voletis, etiam tum, cum verisimile erit aliquem commisisse, in suspicione latratote. id quoque concedi potest. Sin autem sic agetis, ut arguatis aliquem patrem occidisse, neque dicere possitis aut quare, aut quomodo, ac tantummodo sine suspicione latrabitis: crura quidem vobis nemo suffringet: sed, si ego hos bene noui, litteram illam, cui vos usque eo inimici estis, ut etiam * alias omneis oderitis, ita vehementer ad caput affigent, ut postea neminem alium, nisi fortunas vestras, accusare possitis. Quid mihi ad defendendum dedisti, bone accusator? quid hisce autem ad suspicandum? Ne exheredaretur veritus est. audio. sed qua de causa vereri debuerit, nemo dicit. Habebat pater in animo. planum fac. nihil est: non, quicum deliberarit, quem certiore fecerit, unde istud vobis suspicari in mentem venerit. Cum hoc modo accusas, Eruci, nonne hoc palam dicis? ego quid acceperim, scio: quid dicam, nescio: vnum illud spectavi, quod Chrysegonus aiebat, ne-

minem isti patronum futurum: de bonorum emptione, deque ea societate neminem esse, qui verbum facere hoc tempore auderet. hæc te opinio falsa in istam fraudem impulit, non, mehercule, verbum fecisses, si tibi quemquam responsurum putasses. Operæpretium erat, si animaduertistis iudices, negligentiam eius in accusando considerare. Credo, cum vidisset, qui homines in hisce subsellijs sederent, quæsisse. num ille, aut ille defensurus esset de me ne suspicatum quidem, quod antea causam publicam nullam dixerim. posteaquam inuenit neminem eorum, qui possunt, & solent, ita negligens esse cœpit, ut cum in mentem veniret ei, relideret, deinde spatia retur, nonnumquam etiam puerum vocaret, credo cui cenam imperaret: prorsus ut vestro concessu, & hoc conuentu pro summa solitudine abuteretur. Perorauit aliquando: assedit: surrexigo, respirare visus est, quod non alius potius diceret. cœpi dicere. usque eo animaduerti, iudices, eum iocari, atque alias res agere, antequam Chrysogonum nominaui: quem simul atque attigi, statim homo se erexit, mirari visus est. intellexi quid eum pupugisset, iterum, ac tertio nominaui: postea homines cursare vltro, & citro non destiterunt, credi qui Chrysogono nuntiarent, esse aliquem in ciuitate, qui contra voluntatem eius dicere auderet: aliter causam agi, atque ille existimaret: aperiri bonorum emptionem: vexari pessime societatem gratiam, potentiamque eius negligenter attendere: populo rem indignam videri. Quia quoniam te fefellerunt, Eruci, quoniamque vide verba esse omnia: causam pro Sex. Roscio, si non commodè, at libere dici: quem dedi putabas, defendi intelligis: quos tradituros sperabas, vides iudicare: restitue nobis aliquando veterem tuam illam calliditatem, atque prudentiam aut* confitere te huc ea spe venisse, quod putares hic latrocinium, non iudicium

dicium futurum. De paricidio causa dicitur: ratio
ab accusatore reddita non est, quam ob causam pa-
trem filius occiderit. Quod in minimis noxis, & in
his leuioribus peccatis, quæ magis crebra, & in
prope quotidiana sunt, id maxime, & primum qua-
ritur, quæ causa maleficij fuerit: id Erucius in pari-
cidio quaeri non putat oportere: in quo scelere, iu-
dices, etiam cum multæ causæ cõuenisse vnũ in lo-
cum, atq; inter se congruere videntur: tamen non te-
mere creditur, neq; leui cõiectura res penditur, ne-
q; testis incertus auditu, neque accusatoris ingenio
res iudicatur. cum multa antea commissa maleficia,
tum vita hominis perditissima, tum singularis auda-
cia ostendatur necesse est: neq; audacia solum, sed
summus furor, atque amentia. Hæc cum sint omnia,
tamen exstent oportet expressa sceleris vestigia, v-
bi, qua ratione, per quos, quo tempore maleficiũ
sit admissum: quæ nisi multa, & manifesta sunt, pro-
fecto res tam scelestæ, tam atrox, tam nefaria credi
non potest. Magna est enim vis humanitatis: mul-
tum valet communio sanguinis: reclamitat istius-
modi suspicionibus ipsa natura: portentum, atque
monstrum certissimum est, esse aliquem humana
specie, & figura, qui tantum immanitate bestias vi-
cerit, vt propter quos hanc suauissimam lucem as-
pexerit, eos indignissime luce priuarit: cum etiam
feras inter sese partus, atque educatio, & natura i-
psa conciliet. Non ita multis ante annis aiunt T.
Clælium quemdam Tarracinensem hominem non
obscurum, cum cenatus cubitum in idem conclau-
eum cum duobus adolescentibus filiis isset, inuentum
esse mane iugulatum. cum neque seruus quisquam
reperiretur, neque liber, ad quem ea suspicio perti-
neret: id ætatis autem duo filij propter cubantes ne
sensisse quidem se dicerent: nomina filiorum de pa-
ricidio delata sunt. * Quid magis poterat esse su-
spiciosum? neutrum * ne sensisse, ausum autem esse

quemquam se in id conclaue committere, eo potissimum tempore, cum ibidem essent duo adolescentes filij, qui & sentire, & defendere facile possent? erat porro nemo in quem ea suspicio conueniret. tamen cum planum iudicibus esset factum, aperto ostio dormientes eos repertos esse, iudicio absoluti adolescentes, & suspicione omni liberati sunt. Nemo enim putabat quemquam esse, qui cum omnia diuina atq; humana iura scelere nefario polluisset, somnum statim capere potuisset: propterea quod qui tantum facinus commiserunt, non modo sine cura quiescere, sed * ne spirare quidem sine metu possunt. Videtisne, quos nobis poetæ tradiderunt patris vlciscendi causa supplicium de matre sumpsisse, cum præsertim deorum immortalium iussis, atque oraculis id fecisse dicantur, tamen ut eos agitent furia, neque consistere usquam patiantur? quod ne pij quidem sine scelere esse potuerunt. Sic se res habet iudices, magnam vim, magnam necessitatem, magnam possidet religionem paternus maternusque sanguis: ex quo siqua macula concepta est, non modo elui non potest, verum usque eo permanat ad animum, ut summus furor, atque amentia consequatur. Nolite enim putare, quemadmodum in fabulis sæpenumero videtis, eos, qui aliquid impie, scelerateque commiserint, agitari, & perterreretur furiarum tedibus ardentibus. sua quæque fraus, & suus terror maxime vexat: suum quæque scelus agit, amentiaque afficit: suarum male cogitationes, conscientiarum; animi terret. Hæ sunt impijs assidue, domesticæque furia, quæ dies noctesque parentum poenas a consceleratissimis filiis repetat. Hæc magnitudo maleficij facit, ut nisi pene manifestum paricidium proferatur, credibile non sit: nisi turpis adolescencia, nisi omnibus flagitijs vita inquinata, nisi sumptus effusi cum probro atque dedecore, nisi prorupta audacia, nisi tanta temeritas, ut non procul abhorreat ab infania. Accedat

dat huc oportet odiū parentis, animaduersionis pat-
 rēna metus, amici improbi, serui cōscij, tēpus ido-
 neū, locus opportune captus ad eam rem: pāne di-
 cam resperfas manus sanguine paterno iudices vi-
 deant oportet, si tantum facinus tam immane, tam
 acerbum credituri sunt. Quare hoc, quo minus est
 credibile, nisi ostenditur, eo magis est, si conuincit-
 ur, vindicandum. Itaque cum multis ex rebus in-
 telligi potest, maiores nostros non modo armis
 plus, quam ceteras nationes, verum etiam consilio,
 sapientiaque potuisse, tum ex hac re vel maxime,
 quod in impios singulare supplicium inuenerunt.
 Qua in re quantum prudentia præstiterint ijs, qui a-
 pud ceteros sapientissimi fuisse dicuntur, conside-
 rate. Prudentissima ciuitas Atheniensium, dum ea
 rerum potita est, fuisse traditur: eius porro ciuita-
 tis sapientissimum Solonem dicunt fuisse, eum, qui
 leges, quibus hodie quoque vtuntur, scripserit. Is
 cum interrogaretur, cur nullum supplicium consti-
 tuisset in eum, qui parentem necasset: respondit, se
 id neminem facturum putasse. Sapienter fecisse di-
 citur, cum de eo nihil sanxerit, quod antea commis-
 sum non erat, ne non tam prohibere, quam admo-
 nere videretur. Quanto maiores nostri sapientius!
 qui cum intelligerent, nihil esse tam sanctum, quod
 non aliquando violaret audacia, supplicium in pa-
 ricidas singulare excogitauerunt: vt quos natura i-
 psa retinere in officio non potuisset, ij magnitudine
 pœnæ, maleficio summuouerentur: insui voluerunt
 in culeum viuos, atque ita in flumen deijci. O singu-
 larem sapientiam, iudices nonne videntur hunc ho-
 minem ex rerum natura sustulisse, & eripuisse, cui
 repente cælum, solem, aquam, terramque ademe-
 runt? vt qui eum necasset, vnde ipse natus esset, ca-
 reret ijs rebus omnibus, ex quibus omnia nata esse
 dicuntur. Noluerunt feris corpus obijcere, ne besti-
 is quoque, quæ tantum scelus attigissent, immanio-

ribus vteremur: non sic nudos in flumen deijcere, ne cum delati essent in mare, ipsum polluerent, quo cetera, quæ violata sunt, expiari putantur. Denique nihil tam vile, neque tam vulgare est, cuius partem ullam reliquerint. Etenim quid tam est commune, quam spiritus viuis? terra mortuis? mare fluctuantibus? litus eiectis? Ita viuunt, dum possunt, vt ducere animam de cælo non queant: ita moriuntur, vt eorum ossa * terra non tangat: ita iactantur fluctibus, vt numquam * abluantur: ita postremo eiiciuntur, vt ne ad saxa quidem mortui conquiescant. Tãxi maleficij crimen, cui maleficio tam insigne supplicium est constitutum, probare te, Eruci, censes posse talibus viris, si ne causam quidem maleficij promuleris? Si hunc apud bonorum emptores ipso accusares, eiq; iudicio Chrysogonus præesset, tamè diligentius, paratiusq; venisses. Vtrum quid agatur, non vides, an, apud quos agatur? Agitur de paricidio: quod sine multis causis suscipi non potest, apud homines autem prudentissimos agitur: qui intelligunt neminem, ne minimum quidem maleficii sine causa admittere. Esto: causam proferre non potes, tametsi statim vicisse debeo, tamen de me iure decedam: & tibi, quod in alia causa non concederem, in hac concedam, fretus huius innocentia. Non quæro abs te, quare patrem Sex. Roscius occiderit: quæro, quomodo occiderit. Ita quæro abs te C. Eruci, quomodo? & sic tecum agam, vt in eo loci vel respondendi, vel interpellandi tibi potestatem faciam, vel etiam, si quid voles, interrogandi. Quomodo occidit? ipse percussit, an alijs occidendum dedit? Si ipsum arguis, Romæ non fuit: si per alio fecisse dicis, quæro, seruosne, an liberos? quos homines? indidemne Ameria? an hosce ex vrbe sicarios? Si Ameria: qui sunt hi? cur non nominantur si Roma: vnde eos nouerat Roscius, qui Roman multis annis non venit, neque vinqum plus tridui fuit

fuit? vbi eos conuenit? qui cum locutus est? quomodo persuasit? pretium dedit. cui dedit? per quem dedit? vnde, aut quantum dedit? nonne his vestigijs ad caput maleficij perueniri solet? Et simul tibi in mentem veniat facito, quemadmodum vitam huiusce depinxeris: hunc hominem ferum, atq; agrestem fuisse: numquam cum homine quoquam colloctum esse: numquam in oppido constitisse. Quam in re prætereo illud quod mihi maximo argumento ad huius innocentiam poterat esse, in rusticis moribus, in victu arido, in hac horrida incultaque vita istiusmodi maleficia gigni non solere. Vt non omnem frugem, neque arborem in omni agro reperire possis: sic non omne facinus in omni vita nascitur. In vrbe luxuries creatur: ex luxuria existat auaritia necesse est, ex auaritia erumpat audacia. inde omnia scelera, ac maleficia gignuntur. Vita autem hæc rustica, quam tu agrestem vocas, parsimoniæ, diligentia, iustitiæ magistra est. Verum hæc missa facio. Illud quæro: is homo, qui, vt tute dicis, numquam inter homines fuerit, per quos homines hoc tantum facinus, tam occultum, absens præsertim, conficere potuerit? Multa sunt falsa, iudices, quæ tamen argui suspiciose possunt: in his rebus, si suspicio reperta erit, culpam inesse cōcedam. Romæ Sex. Roscius occiditur, cum in agro Amerino esset filius. literas credo, misit alicui sicario, qui Romæ nouerat neminem. arcessiuit aliquem. at quando? nuntium misit. quem? aut ad quem? pretio, gratia, spe, promissis induxit aliquem? nihil horum ne confingi quidem potest: & tamen causa de paricidio dicitur. Reliquum est, vt per seruos id admiserit. O dii immortales. rem miseram, & calamitosam. quod in tali crimine, innocenti saluti solet esse, vt seruos in quæstionem polliceatur, id Sex. Roscio facere non licet, vos qui hunc accusatis, omnes eius seruos habetis: vnus puer, victus quotidiani administer ex

tanta familia Sex. Roscio relictus non est. Te nunc
 appello, P. Scipio, te, Metelle: vobis aduocatis, vo-
 bis agentibus, aliquoties duos seruos paternos in
 quæstionem ab aduersarijs Sex. Roscius postulauit.
 * Meministine te, T. Rosci, recusare? quid? ij serui,
 vbi sunt? Chrysogonum, iudices sectantur: apud e-
 um sunt in honore, & in pretio. etiam nunc, vt ex his
 quærat, ego postulo: hic orat atq; obsecrat. quid
 facitis? cur recusatis? Dubitate etiam nunc, iudi-
 ces, si potestis, a quo sit Sex. Roscius occisus: ab eo-
 ne, qui propter illius mortem in egestate, & insidijs
 versatur, cui ne quærendi quidem de morte patris
 potestas permittitur? an ab ijs, qui quæstionem fu-
 gitant, bona possident, in cæde, atque ex cæde vi-
 uunt? Omnia, iudices, in hac caussa sunt misera, at-
 que indigna: tamen hoc nihil neque acerbius, ne-
 que iniquius proferri potest. mortis paternæ de ser-
 uis paternis quæstionem habere filio non licet. ne
 tandiu quidem dominus erit in suos, dum ex ijs de
 patris morte quærat. Veniam, neq; ita multo post,
 ad hunc locum. nam hoc totum ad Roscios perti-
 net: de quorum audacia tum me dicturum pollici-
 tus sum, cum Erucij crimina diluissem. Nunc, Eruci,
 ad te venio. conueniat mihi tecum necesse est, si ad
 hunc maleficiū istud pertinet, aut ipsum sua ma-
 nu fecisse, id quod negas: aut per aliquos liberos,
 aut seruos, liberosne? quos neque vt conuenire po-
 tuerit, neque qua ratione inducere, neque vbi, neq;
 per quos, neque qua spe, aut quo pretio, potes o-
 stendere. Ego contra ostendo, non modo nihil eo-
 rum fecisse Sext. Roscium, sed ne potuisse quidem
 facere: quod neque Romæ multis annis fuerit, ne-
 que de prædijs vñquam temere discesserit. Restare
 tibi videbatur seruorum nomen, quo, quasi in por-
 tum reiectus a ceteris suspicionibus, cōfugere pos-
 ses: vbi scopulum offendis eiusmodi, vt non modo
 ab hoc crimen resilire videas, verum omnem suspi-
 cionem

cionem in vosmetipsos recidere intelligas. Quid est ergo, quo tandem accusator inopia argumentorum confugerit? eiusmodi tempus erat, inquit, ut homines vulgo impune occiderentur, quare tu hoc, propter multitudinem sicariorum, nullo negotio facere potuisti, interim mihi videris Eruci, vna mercede duas res assequi velle: nos iudicio perfundere: accusare autem eos ipsos, a quibus mercedem acceperisti. Quid ais? vulgo occidebantur? per quos? & a quibus? nonne cogitas, te a sectoribus huc adductū esse? quid postea? nescimus per ista tempora eosdem fere sectores fuisse collorum, & bonorum? ij deniq;, qui tum armati dies noctesq; concursabant, qui Romæ erant assidui, qui omni tempore in præda & sanguine versabantur, Sex. Roscio temporis illius acerbicatem, iniquitatemq; obijcient? & illam sicariorum multitudinem, in qua ipsi duces ac principes erant, huic crimini putabant fore: qui non modo Romæ non fuit, sed omnino quid Romæ ageretur, nesciret, propterea quod ruri assiduus, quemadmodum tute confiteris, fuit? Vereor, ne aut molestus sim vobis, iudices, aut ne ingenijs vestris videar diffidere, si de tam perspicuis rebus diutius differam. Erucij criminatio tota, ut arbitror, dissoluta est, nisi forte expectatis, ut illa diluam, quæ de peculatu, ac de eiusmodi rebus commentitijs, inaudita nobis ante hoc tempus, ac noua obiecit: quæ mihi iste visus est ex alia oratione declamare, quam in alium reum commentaretur, ita neque ad crimen paricidij, neq; ad eum qui causam dicit, pertinebāt. de quibus quoniam verbo arguit, verbo satis est negare. Si quid est quod ad testes reseruet: ibi nos quoq;, ut in ipsa causā, paratiores reperiet, quam putabat. Venio nunc eo, quo me non cupiditas ducit, sed fides. Nam si mihi liberet accusare, accusarem alios potius, ex quibus possem crescere: quod certum est nō facere, dum vtrumvis licebit, is enim

mihi videtur amplissimus, qui sua virtute in altiorē locū peruenit, non qui ascendit per alterius incommodum & calamitatem. Desinamus aliquando ea scrutari, quæ sunt inania: quæramus vbi maleficium & est, & inueniri potest: iam intelliges, Eruci, certum crimen quam multis suspicionibus coarguatur, tametsi neque omnia dicam, & leuiter vnumquodque tangam, neque enim id facerem, nisi necesse esset: & id erit signi, me inuitum facere, quod non prosequar longius, quam salus huius, & mea fides postulabit. Causam tu nullam reperiabas in Sexto Roscio: at ego in T. Roscio reperio. tecum enim mihi res est, T. Rosci, quoniam illic sedes, ac te palam aduersarium esse profiteris. De Capitone post viderimus, si quemadmodum paratum esse audio, testis prodierit, tum alias quoque suas palmas cognoscet, de quibus me ne audisse quidem suspicatur L. Cassius ille, quem populus Romanus verissimum & sapientissimum iudicem putabat, idētidem in causis quærere solebat, cui bono fuisset. Sic vita hominum est, ut ad maleficiū nemo conetur sine spe, atque emolumento accedere. Hunc quæsitorem, ac iudicem fugiebant, atque horrebant ij, quibus periculum creabatur: ideo quod tametsi veritatis erat amicus, tamen natura non tam propensus ad misericordiam, quam implicatus ad seueritatem videbatur. Ego, quamquam præest huic quæstioni vir & contra audaciam fortissimus, & ab innocentia clementissimus, tamen facile me paterer vel illo ipso acerrimo iudice quærente, vel apud Cassianos iudices, quorum etiam nunc ij, quibus causa dicenda est, nomen ipsum reformidant, pro Sexto Roscio dicere. In hac enim causa, cum viderent illos amplissimam pecuniam possidere, hunc in summa mendicitate esse, illud quidem non quærent, Cui bono fuisset: sed eo perspicuum crimen, & suspicionem potius ad prædam adiungerent, quam ad egestatem.

tem. Quid si accedit eodem, vt tenuis antea fueris? quid si, vt avarus? quid si, vt audax? quid si, vt illius, qui occisus est, inimicissimus? num, quaerenda caussa, quæ te ad tantum facinus adduxerit? Quid ergo horum negari potest? tenuitas hominis eiusmodi est, vt dissimulari non queat, atque eo magis eluceat, quo magis occultatur. Avaritiam præfers, qui societatem coieris de municipis, cognatique fortunis cum alienissimo. Quam sis audax (vt alia obliuiscar) hinc omnes intelligere potuerunt, quod ex tota societate, hoc est, ex tot sicarijs, solus tu inuentus es, qui cum accusatoribus federes, atque os tuum non modo ostenderes, sed etiam offerres. Inimicitias tibi fuisse cum Sexto Roscio, & magnas rei familiaris controuersias, concedas necesse est. Restat, iudices, vt hoc dubitemus, vter potius Sex. Roscium occiderit: is, ad quem morte eius diuitiæ venerint, an is, ad quem mendicitas: is, qui antea tenuis fuerit, an is, qui postea factus sit egentissimus: is, qui ardens avaritia, feratur infestus in suos, an is, qui semper ita vixerit, vt quæstum nosset nullum, fructum autem eum solum, quem labore peperisset: is, qui omnium sectorum audacissimus sit, an is, qui propter fori iudiciorumque insolentiam, non modo subsellia, verum etiam urbem ipsam reformidet. postremo, iudices, id quod ad rem mea sententia maxime pertinet, vtrum inimicus potius, an filius. Hæc tu, Eruci, tot & tanta si nactus esses in reo, quam liu diceres? quo te modo iactares? tempus, hercule, te citius, quam oratio deficeret. Etenim in singulis rebus huiusmodi materies est, vt dies singulos possis consumere: neque ego non possum, non enim mihi tantum derogo, tametsi nihil arrogo, vt te copiosius quàm me putè posse dicere: verum ego forsitan propter multitudinem patronorū in grege annumerare: te pugna Cannensis accusa-

torem sat bonum facit. Multos casos non ad Trasimenum lacum, sed ad Seruiliū vidimus. quis ibi non est vulneratus ferro Phrygio? non necesse est omnibus commemorare, Curtios, Marios, denique Mamercos, quos iam ætas a prælijs auocabat: postremo Priamum ipsum, senem Antistium, quem nō modo ætas, sed etiam leges pugnare prohibebant. Iam, quos nemo propter ignobilitatem nominas, sexcenti sunt, qui inter sicarios, & de veneficijs accusabant. qui omnes (quod ad me attinet) vellem viverent. Nihil enim mali est, canes ibi quam plurimos esse, ubi permulti obseruandi, multaq; seruanda sunt. Verum, ut sit, multa sæpe imprudentibus imperatoribus vis belli, ac turba molitur. dum is in alijs rebus erat occupatus, qui summam rerum administrabat, erant interea qui suis vulneribus mederentur: qui tamquam si offusa reipublicæ sempiterna nox esset, ita ruebant in tenebris, omniaque miscbāt. a quibus miror, ne quod iudiciorum esset vestigium, non subsellia quoque esse combusta. nam & accusatores, & iudices sustulerunt. Hoc commodi est, quod ita vixerunt, ut testes omnes, si cuperent, interficere non possent: nam dum hominum genus erit, qui accuset eos, non deerit: dum ciuitas erit, iudicia fient. Verum, ut cœpi dicere, & Erucius hæc si haberet in causâ, quæ commemorauī, posset ea, quamuis diu dicere, & ego iudices possum: sed in animo est (quemadmodum ante dixi) leuiter transire, ac tantummodo perstringere vnā quamque rem: ut omnes intelligant, me non studio accusare, sed officio defendere. Video igitur causas esse permultas, quæ istum impellerent: videamus nunc ecqua facultas suscipiendi maleficij fuerit. Vbi occisus est Sext. Roscius? Romæ. Quid? tu Rosci, ubi tunc eras? Romæ. verum quid ad rem? & alij multi: quasi nunc id agatur, quis ex tanta multitudine occiderit, ac non hoc quærat, cum, qui Ro-

mæ

mæ sit occisus, vtrum verisimilius sit ab eo esse occisum, qui assiduus eo tempore Romæ fuerit: an ab eo, qui multis annis Romam omnino non accesserit. Age nunc ceteras facultates quoque consideraremus. erat tum multitudo ficariorum, id quod commemorauit Erucius: & homines impune occidebantur. quid ea multitudo quæ erat? opinor, aut eorum, qui in bonis erant occupati, aut eorum, qui ab ijs conducebantur, vt aliquem occiderent. Si eos putas, qui alienum appetebant, tu es in eo numero, qui nostra pecunia diues es: sin eos, quos, qui leuiore nomine appellant, percussores vocant, quære in cuius fide sint, & clientela: mihi crede, aliquem de societate tua reperies. & quidquid tu contra dixeris, id cum defensione nostra contendito. ita facillime causa Sex. Roscij cum tua conferetur. Dices, Quid postea, si Romæ assiduus fui? respondebo, At ego omnino non fui. Fateor me sectorem esse: verum & alij multi. at ego (vt tute arguis) agricola, & rusticus. Non continuo, si me in gregem ficariorum contuli, sum sicarius. at ego profecto, qui ne noui quidem quemquam ficarium, longe absum ab eiusmodi crimine. Permulta sunt, quæ dici possunt, quare intelligatur, summam tibi facultatem fuisse maleficij suscipiendi: quæ non modo idcirco prætereo, quod te ipsum non libenter accuso: verum eo magis etiam, quod si de illis cædibus velim commemorare, quæ tum factæ sunt ista eadem ratione, qua Sex. Roscius occisus est, vereor ne ad plures oratio mea pertinere videatur. Videamus nunc strictim sicut cetera, quæ post mortem Sext. Roscij abs te, T. Rosci, facta sunt: quæ ita aperta & manifesta sunt, vt mediusfidius, iudices inuitus ea dicam. vereor enim * cuiusmodi es Rosci, ne ita hunc videar voluisse seruare, vt tibi omnino non pepercerim. Cum hos vereor, & cupio tibi aliqua ex parte (quod salua fide possim)

parcere, rursus immuto voluntatem meam. veni
 enim mihi in mentem oris tui. Tene, cum ceteri
 socij tui suggerent, ac se occultarent, vt hoc iudi-
 cium non de illorum præda, sed de huius maleficio
 fieri videretur, potissimum tibi partes istas depo-
 posuisse, vt in iudicio versarere, & sederes cum ac-
 cusatore? qua in re nihil aliud assequeris, nisi vt
 ab omnibus mortalibus audacia tua cognoscatur,
 & impudentia. Occiso Sext. Roscio, qui primus
 Ameriam nuntiat? Manlius Glaucia, quem iam
 antea nominaui, tuus cliens, & familiaris. quid
 attinuit eum potissimum nuntiare, quod, si nullum
 iam ante consilium de morte, ac de bonis, eius in-
 ieras, nullamque societatem neque sceleris, neque
 præmij, cum homine vlllo coieras, ad te minime
 omnium pertinebat? Sua sponte Manlius nuntiat?
 quid quæso eius intererat? an cum Ameriam non
 huiusce rei causa venisset, casu accidit, vt id, quod
 Romæ audierat, primus nuntiaret? cuius rei caus-
 sa venerat Ameriam? non possum, inquit, diuinare.
 eo rem iam adducam, vt nihil diuinatione opus sit.
 Qua ratione Roscio Capitoni primum nuntiauit?
 cum Ameriæ Sex. Roscij domus, vxor, liberique
 essent, tum tot propinqui cognatique optime con-
 uenientes: qua ratione factum est, vt iste tuus cliens
 sceleris tui nuntius T. Roscio Capitoni potissimum
 nuntiaret? Occisus est a cena rediens: nondum lu-
 cebat cum Ameriæ scitum est. quid hic incredibilis
 cursus? quid hæc tanta celeritas, festinatioque sig-
 nificat? non quæro, quis percusserit. nihil est, Glau-
 cia, quod metu is, non excutio te: si quid forte fer-
 ri habuisti non scrutor: nihil ad me arbitror perti-
 nere. quoniam cuius consilio occisus sit, inuenio,
 cuius manu sit percussus, non laboro. Vnum hoc
 fumo, quod mihi apertum tuum scelus, resque ma-
 nifesta dat. vbi, aut vnde audiuit Glaucia? qui tam
 cito sciuit? fac audisti statim. quæ res cum nocte

vna tantum itineris contendere coegit? quæ necessitas cum tanta premebat, vt, si sua sponte iter Ameriam faceret, id temporis Roma proficisceretur, nullam partem noctis requiesceret? Etiamne in tam perspicuis rebus argumentatio quærenda, aut coniectura capienda sit? nonne vobis hæc, quæ audistis, cernere oculis videmini, iudices? non illum miserum, ignarum casus sui, redeuntem a cæna videtis? non positas insidias? non impetum repentinum? non versatur ante oculos vobis in cæde Glaucia? non adest iste T. Roscius? non suis manibus in curru collocat Autumedontem illum sui sceleris acerbissimi, nefariæque victoriæ nuncium? num orat, vt eam noctem peruigilet? vt honoris sui causâ laboret? vt Capitori quam primum nunciet? Quid erat, quod Capitonem primum scire voluerit? nescio: nisi hoc video, Capitonem in his bonis esse socium: de tribus & decem fundis tres nobilissimos fundos eum video possidere. Audio præterea non hanc suspicionem nunc primum in Capitonem conferri, multas esse infameis palmas, hanc primam esse tamen lemniscatam, quæ Romæ deferatur: nullum modum esse hominis occidendi, quæ ille non aliquot occiderit, multos ferro, multos veneno. Habeo etiam dicere, quem contra morem maiorum minorem annis LX. de ponte in Tyberim deiecerit: quæ si prodierit, atque adeo cum prodierit (scio enim proditurum esse) audiet. veniat modo: explicet suum volumen illud: quod ei planum facere possum Erucinum conscripsisse: quod aiunt illum Sext. Roscio intentasse, & minutum esse, se omnia illa pro testimonio esse dicturum. O præclaram testem, iudices: o gravitatem dignam expectatione: o vitam honestâ, atque eiusmodi, vt libentibus animis ad eius testimonium, vestrum iusiurandum accommodetis. Profecto non tam perspicue istorum maleficia videremus, nisi

ipſos cæcos redderet cupiditas, & auaritia, & audacia. Alter ex ipſa cæde volucrem nuntium Ameriam ad ſocium, atq; ad magiſtrum ſuum miſit: vt ſi diſſimulare omnes cuperent, ſe ſcire ad quem maleficium pertineret, tamen ipſe apertum ſuum ſcelus ante omnium oculos poneret. Alter (ſi dijs immortalibus placet) teſtimonium etiam in Sext. Roſcium dicturus eſt. quaſi vero id nunc agatur, vtrum id quod dixerit, credendum, an quod fecerit, vindicandum ſit. Itaq; more maiorum comparatum eſt, vt in minimis rebus homines ampliſſimi teſtimonium de ſua re non dicerent. Africanus, qui ſuo cognomine declarat tertiam partem orbis terrarum ſe ſubegiſſe, tamen ſi ſua res ageretur, teſtimonium non diceret. nam illud in talem virum non audeo dicere: ſi diceret, non crederetur. Videte nunc, quam verſa, & mutata in peiorem partem ſint omnia cum de bonis, & de cæde agatur, teſtimonium dicturus eſt is, qui & ſector eſt, & ſicarius: hoc eſt, qui & illorum ipſorum bonorum, de quibus agitur, emptor atque poſſeſſor eſt: & eum hominem occidendum curauit, de cuius morte quaeritur. Quid tu, vir optime ecquid habes, quod dicas? mihi auſculta: vide ne tibi deſis: tua quoque res permagna agitur. multa ſcelerate, multa audacter, multa improbe feciſti. vnum ſtultiſſime, proſecto tua ſponte non de Erucij ſententia nihil opus fuit te iſti credere. neque enim accuſatore muto, neq; teſte quiquam vtitur eo, qui de accuſatoris ſubſellio ſurgit. Huc accedit,* quod paullo occultior atque teſtior veſtra iſta cupiditas eſſet. nunc quid eſt, quod quiquam ex vobis audire deſideret, cum quæ facitis, eiuſmodi ſint, vt ea, dedita opera, a vobis contra voſmetipſos facere videamini? Age nunc, illa videamus, iudices, quæ ſtatim conſecuta ſunt. ad Volaterras in caſtra L. Syllæ mors Sext. Roſcij quatruiduo, quo is occiſus eſt, Chryſogono nuntiat. quaeritur etiam
nunc,

nunc, quis eum nuntium miserit : nonne perspicuum est, eundem qui Ameriam. Curat Chrysogonus ut eius bona veneant statim. qui non norat hominem, aut rem ? at qui ei venit in mentem prædæ concupiscere hominis ignoti, quem omnino numquam viderat ? Soletis, cum aliquid huiusmodi auditis, iudices, continuo dicere, Necesse est aliquem dixisse municipem, aut vicinum. ij plerumque indicant per eos plerique produntur. Hic nihil est, quod suspicionem hanc putetis non enim ego ita disputabo: verisimile est Roscios istam rem ad Chrysogonum detulisse: erat enim eis cum Chrysogono iam antea amicitia. Nam cum multos veteres a maioribus Roscij patronos hospitesque haberent, omnes eos colere atque observare destiterunt, ac se in Chrysogoni fidem, & clientelam contulerunt. Hæc possum omnia vere dicere : sed in hac causâ coniectura nihil opus est: ipsos certo scio non negare, ad hæc bona Chrysogonum accessisse impulsu suo. Si cum qui indicij partem acceperit, oculis cernetis: poteritisne dubitare, iudices, qui indicarit ? Qui sunt igitur in istis bonis, quibus partem Chrysogonus dederit ? duo Roscij. * num quitquam præterea ? nemo est, iudices. num ergo dubium est, quin ij obtulerint hanc prædæ Chrysogono, qui ab eo partem prædæ tulerunt ? Age, nunc ex ipsius Chrysogoni iudicio Rosciorum factum consideremus. Si nihil in ista pugna Roscij, quod operæpretium esset, fecerant; quam ob causam a Chrysogono tantis præmijs donabantur ? si nihil aliud fecerunt, nisi rem detulerunt, nonne satis fuit his gratias agi ? denique, ut per liberaliter ageretur, honoris aliquid haberi ? cur tria prædæ tante pecuniæ statim Capitori dantur ? cur, quæ reliqua sunt, iste Roscius omnia cum Chrysogono communiter possidet ? nonne perspicuum est, iudices, has manubias Roscij Chrysogonum re co-

grata cōcessisse? Venit in decē primis legatus in ea. Itra Capito: totam vitā, naturā, moresque hominis ex ipsa legatione cognoscite. nisi intellexeritis, iudices, nullū esse officium, nullam ius tam sanctum, atque integrum, quod non eiusce vis, atque perfidia violarit, & imminuerit, virum optimum esse eum iudicatore. Impedimento est, quo minus de his rebus Sylla doceatur. Ceterorum, legatorum consilia, & voluntatem Chrysogono enuntiat: monet, vt prouideat, ne palam res agatur: ostendit, si sublata sit venditio bonorum, illum pecuniam grādem amissurum; sese capitis periculum aditurum, illum acuere, hos qui simul erant missi, fallere, illum identidem monere, vt caueret, hisce insidiosē spem falsam ostendere: cum illo contra hos iniire consilia, horum consilia illi enunciare: cum illo partem suam depacisci, hisce aliqua fretus * hora semper omneis aditus ad Syllam intercludere. Postremo isto hortatore, auctore, intercessore ad Syllam legati non adierunt: istius fide, ac potius perfidia decepti, id quod ex ipsis cognoscere poteritis, si accusator voluerit testimonium eis denunciare, pro re certa spem falsam domum retulerunt. In priuatis rebus si quis rem mandatam non modo maliciosius gessisset sui quæstus aut commodi causa, verum etiam negligentius: eum maiores summum admisisse dedecus existimabant. Itaque mandati constitutum est iudicium, non minus turpe, quam furti: credo, propterea, quod quibus in rebus ipsi interesse non possumus, in his operæ nostræ vicaria fides amicorum supponitur: quam qui lædit, oppugnat omnium commune præsidium, &, quantum in ipso est, disturbat vitæ societatem, non enim possumus omnia per nos agere: alius in alia est re magis utilis. Idcirco amicitiæ comparantur, vt commune commodum mutuis officijs gubernetur. Quid recipis mandatum,

tum, si aut neglecturus, aut ad tuum commodum conuerſurus es? cur mihi te offers, ac meis cōmodis officio simulato officiis, & obſtas? recede de medio: per alium transigam. Suscipis onus officij, quod te putas sustinere posse: quod minime videtur graue ijs, qui minime ipsi leues sunt. Ergo idcirco turpis hæc culpa est, * quod duas res sanctissimas violat, amicitiam, & fidem. nam neque mandat quisquam fere, nisi amico: neque credit, nisi ei, quem fidelem putat. Perditissimi est igitur hominis simul & amicitiam dissoluere, & fallere eum, qui læsus non esset, nisi credidisset. Itane est? in minimis rebus, qui mandatum neglexerit, turpissimo iudicio condemnatur necesse est: in re tanta, cum is, cui fama mortui, fortunæ viui commendatæ sunt, atque concredita, ignominia mortuum affecerit, is inter honestos homines, atque adeo inter viuos numerabitur? In minimis priuatisque rebus etiam negligentia* in crimen mandati, iudicijque infamiam reuocatur: propterea, quod si recte fiat, illum negligere oporteat, qui mandarit, non illum, qui mandatum receperit: in re tanta, quæ publice gesta, atque commissa sit, qui non negligentia priuatum aliquod commodum læserit, sed perfidia legationis ipsius cæremoniam polluerit, maculaque affecerit: qua is tandem pœna afficietur? aut quo iudicio damnabitur? Si hanc ei rem priuatim Sext. Roscius mandauisset, ut cum Chryſogono transigeret, atque decideret, inque eam rem fidem suam, si quid opus esse putaret, interponeret: ille, qui sese facturum recepiſſet, nonne si ex eo negotio tantulum in rem suam conuertisset, damnatus per arbitrium, & rem restitueret, & honestatem omnem amitteret? Nunc non hanc ei rem Sext. Roscius mandauit: sed, id quod multo grauius est, ipse Sext. Roscius cum fama, vita, bonisque omnibus a decurionibus publice Roscio mandatus est: & ex eo T. Roscius non paul-

lum nescio quid in rem suam conuertit; sed hunc funditus euertit bonis; ipse tria prædia sibi depa-
ctus est; voluntatem decurionū, ac municipum om-
nium tantidem, quanti fidem suam, fecit. Videte
iam porro cetera, iudices, vt intelligatis fingi male-
ficium nullum posse, quo iste sese non contamina-
rit. In rebus minoribus socium fallere turpissimum
est, æqueq; turpe, atque illud de quo ante dixi neq;
iniuria: propterea quod auxilium sibi se putat ad-
iunxisse, qui cum altero rem communicauit. Ad cuius
igitur fidem confugiet, cum per eius fidem lædi-
tur, cui se commiserit? Atqui ea sunt animadu-
tenda peccata maxime, quæ difficillime præcauen-
tur. recti esse ad alienos possumus: intimi multa a-
pertiora videant necesse est: socium vero cauere
qui possumus? quem etiam si metuimus, ius officij
lædimus. Recte igitur maiores eum, qui socium fe-
sellisset, in virorum bonorum numero non putarūt
haberi oportere. At vero T. Roscius non vnum rei
pecuniariæ socium fefellit (quod tametsi graue est,
tamen aliquo modo posse ferri videtur) verum no-
uem homines honestissimos, eiusdem muneris, le-
gationis, officij, mādatorumq; socios induxit; dece-
pit; destituit; aduersarijs tradidit; omni fraude, &
perfidia fefellit. qui de eius scelere suspicari nihil
potuerunt, sociū officij metuere nō debuerūt; eius
malitiam non viderunt; orationi vanæ crediderunt.
Itaq; nunc illi homines honestissimi propter istius
insidias parum putātur cauti prouidiq; fuisse. Iste,
qui initio proditor fuit, deinde perfuga: qui primo
sociorum consilia aduersarijs enuntiauit, deinde so-
cietatem cum ipsis aduersarijs coijt: terret etiam
nos, ac minatur, tribus prædijs, hoc est, præmijs sce-
leris ornatus. In eiusmodi vita, iudices, in his tot tā-
tisq; flagitijs hoc quoq; maleficium, de quo iudiciū
est, reperietis. Etenim quærere ita debetis: vbi mul-
ta auare, multa audacter, multa improbe, multa
perli-

PRO SEX. ROSCIO AMERINO. 85

perfidiose facta videtis; ibi scelus quoq; latere inter illa tot flagitia putarote. tamen si hoc quidē minime latet quod ita promptū, & propositum est, ut non ex illis maleficijs, quæ in illo constat esse, hoc intelligatur; verum ex hoc etiā, si quod illorum forte dubitatur, conuincatur. Quid tandem quæso, iudices? num aut ille lanista omnino iam a gladijs recessisse videtur, aut is discipulus magistro tantulum de arte concedere? Pat est auaritia, similis improbitas, eadē impudētia, gemina audacia. Etenim quoniā fidem magistri cognostis; cognoscite nunc discipuli æquitatem. Dixi iam antea sæpenumero, postulatos esse ab istis duos seruos in quæstionem. tu semper, T. Rosci, recusasti: quæro abs te, i;ne, qui postulabant, indigni erant, qui impetrarent? an iste non commouebat, pro quo postulabant? an res ipsa tibi iniqua videbatur? Postulabant homines nobilissimi, atque integerrimi nostræ ciuitatis, quos iam antea nominaui : qui ita vixerunt, talesque a pop. Romano putantur, ut quidquid dicerent, nemo esset, qui non æquum putaret. Postulabant autem pro homine miserrimo, atque infelicissimo; qui vel ipse sese in cruciatum dari cuperet, dum de patris morte quæreretur. Res porro abs te eiusmodi postulabatur, ut nihil interesset, vtrum eam rem recusares; an de maleficio confiterere. Quæ cum ita sint, quæro abs te, quam ob causam recusaris. Cum occiditur Sex. Roscius, ibidem fuerunt. Seruos ipsos, quod ad me attinet, neque arguo, neque purgo. quod a vobis hoc pugnari video, ne in quæstionem dentur, suspiciosum est : quod vero apud vos ipsos in honore tanto sunt, profecto necesse est sciant aliquid; quod si dixerint, perniciosum vobis futurum sit. In dominos quæri de seruis iniquum est. Anne quæritur? Sext. enim Roscius reus est. Neque enim, cum de hoc quæritur, vos dominos esse dicitis. Cum Chryfogono sunt. Ita credo,

litteris eorum, & vrbanitate Chryfogonus ducitur, vt inter suos omnium deliciarum, atque omnium artium puerulos, ex tot elegantissimis familiaribus lectos, velit hos versari, homines pæne operarios ex Amerina disciplina patrisfamiliaë rusticani. Non est ita profecto, iudices: non est verisimile, vt Chryfogonus horum litteras adamaret, aut humanitatem: non vt rei familiaris negotio diligentiam cognoritur eorum, & fidem. Est quiddam, quod occultatur: quod quo studiosius ab ipsis opprimitur, & absconditur, eo magis eminet, & apparet. Quid igitur? Chryfogonus sui maleficii occultandi causa quæstionem de his haberi non vult? minime, iudices: non in omneis arbitror omnia conuenire. Ego in Chryfogono, quod ad me attinet, nihil eiusmodi suspicor: neque hoc mihi nunc primum in mentem venit dicere. Meministis me ita distribuisse initio causam: in crimen, cuius tota argumentatio permessa Erucio est: & in audaciam, cuius partes Roscijs impositæ sunt, quidquid maleficii, sceleris, cædis erit, proprium id Rosciorum esse debet: nimiam gratiam, potentiamque Chryfogoni dicimus & nobis ob stare, & perferri nullo modo posse: & a vobis, quoniam potestas data est, non modo infirmari, verum etiam vindicari oportere. Ego sic existimo qui quæri velit ex ijs, quos constat, cum cædes facta sit, affuisse, eum cupere verum inuenire: qui recuset, eum profecto, tametsi verbo non audeat, tamen re ipsa de maleficio suo confiteri. Dixi initio, iudices, nolle me plura de istorum scelere dicere, quam causa postularer, ac necessitas ipsa cogeret. Nam & multæ res afferri possunt; & vnaquæque earum multis cum argumentis dici potest. Verum ego, quod inuitus ac necessario facio, neque diu, neque diligenter facere possum: quæ præteriri nullo modo poterant, ea leuiter iudices, attigi: quæ posita sunt in suspicionibus,

bas, de quibus si cœpero dicere, pluribus verbis sit differendum, ea vestris ingenijs coniecturæq; committo. Venio nunc ad illud nomen aureum Chryfogoni sub quo nomine tota societas statuitur: de quo, iudices, neq; quomodo dicam, neque quomodo taceam reperire possum. Si enim taceo, vel maximam partem relinquo: sin autem dico; vereor ne non ille solus (id quod ad me nihil attinet) sed alij quoq; plures læsos se esse putent: tamen si ita se res habet, vt mihi in communem causam sectorum dicendum nihil magnopere videatur. hæc enim causa noua profecto & singularis est. bonorum Sext. Roscij emptor est Chryfogonus. Primû hoc videamus, eius hominis bona qua ratione venierunt, aut quomodo venire potuerunt. Atq; hoc non ita quæram, iudices, vt id dicam esse indignum, hominis innocentis bona venisse. si enim hæc audientur, ac libere dicentur; non fuit tantus homo Sext. Roscius in ciuitate, vt de eo potissimum conqueramus. Verum hoc ego quæro, qui potuerunt ista ipsa lege, quæ de proscriptione est, siue Valeria est, siue Cornelia (non enim noui, nec scio) verum ista ipsa lege bona Sext. Roscij venire qui potuerunt? Scriptum enim ita dicunt esse, vt eorum bona veniant, qui proscripti sunt: quo in numero Sext. Roscius non est: aut eorum, qui in aduersariorum præsidijs occisi sunt. dum præsidia vlla fuerunt, in Syllæ præsidijs fuit: posteaquam ab armis recesserunt, in summo otio rediens a cena Romæ occisus est. Si lege, bona quoq; lege venisse fateor: sin autem constat contra omneis non modo veteres leges, verû etiam nouas occisum esse; bona quo iure, aut quomodo, aut qua lege venierint, quæro. In quem hoc dicam, quæris, Eruci? non in eum, quem vis, & putas. Nam Syllam & oratio mea ab initio, & ipsius eximia virtus omni tempore purgavit. Ego hæc omnia Chryfogonum fecisse dico,

vt ementiretur, vt malum ciuem Roscium fuisse fin-
geret, vt eum apud aduersarios occisum esse dice-
ret, vt hisce de rebus a legatis Amerinorum doceri
L. Syllam passus non sit. denique etiam illud suspi-
cor, omnino hæc bona non venisse: id quod postea,
si per vos, iudices licitum erit, aperietur. opinor e-
nim esse in lege, quam ad diem proscriptiones, ven-
ditionesq; fiant: nimirum ad Kalend. Iunias. Aliquot
post menses, & homo occisus est; & bona venisse
dicuntur. Profecto aut hæc bona in tabulas publi-
cas* nullas redierunt, nosq; ab isto nebulone face-
tius eludimur, quam putamus: aut si redierunt, ta-
bulæ publicæ corruptæ aliqua ratione sunt. Nam
lege quidem bona venire non potuisse constat. In-
telligo me ante tempus, iudices, hæc scrutari, &
propemodum errare: qui cum capiti Sext. Roscij
mederi debeam,* reduuiam curem. Non enim la-
borat de pecunia; non ullius rationem sui commo-
di ducit: facile egestatem suam se laturum putat, si
hæc indigna suspicione, & ficto crimine liberatus
sit. Verum quæso a vobis, iudices, vt hæc pauca, quæ
restant, ita audiat, vt partim me dicere pro me ip-
so putetis, partim pro Sext. Roscio. quæ enim mihi
ipsi indigna, & intolerabilia videntur, quæque ad
omnes, nisi prouideamus, arbitror pertinere: ea pro
me ipso, ex animi mei sensu, ac dolore pronuntio.
Quæ ad huius vitæ casum, causamque pertineant;
& quid hic pro se dici velit; & qua conditione
contentus sit, iam in extrema oratione nostra, iu-
dices, audietis. Ego hæc a Chrysogono mea sponte,
remoto Sext. Roscio, quæro. Primum quare cuius
optimi bona venierint: deinde quare hominis eius,
qui neq; apud aduersarios occisus est, bona venie-
rint; cum in eos solos lex scripta sit: deinde quare
aliquanto post eam diem venierint, quæ dies in le-
ge præfinita est: deinde cur tantulo venierint. Quæ
omnia si, quemadmodum solent liberti nequam,

& improbi facere, in patronum suum voluerit conferre, nihil egerit. nemo est enim qui nesciat, propter magnitudinem rerum, multa multos partim conuiiente, partim imprudente L. Sylla commisisse. Placet igitur in his rebus aliquid imprudentia præteriri? nõ placet, iudices: sed necesse est. etenim si Iupiter optimus Maximus, cuius nutu & arbitrio cælum, terra, mariaque reguntur, sæpe ventis vehementioribus, aut immoderatis tempestatibus, aut nimio calore, aut intolerabili frigore hominibus nocuit; vrbes deleuit; fruges perdidit; quorum nihil* pernicipi causa diuino consilio, sed vi ipsa, & magnitudine rerum factum puramus: at contra, commoda quibus vtimur, lucemque qua fruimur, spiritumq; quem ducimus, ab eo nobis dari atq; impertiri videmus: quid miramur L. Syllam, cum solus rempublicam regeret, orbemque terrarum gubernaret, imperijque maiestatem, quam armis receperat, legibus confirmaret; aliqua animaduertere non potuisse? nisi hoc mirum est, quod vis diuina assequi non possit, si id mens humana adeptata non sit. Verum, vt hæc missa faciam, quæ iam facta sunt; ex ijs, quæ nunc maxime fiunt, nonne quis potest intelligere, omnium architectum, & machinatorem vnum esse Chrysogonum, qui Sex. Roscij nomen deferendum curauit? hoc iudicium, cuius honoris causa accusare se dixit Erucius

Desunt non pauca.

aptam, & ratione dispositam se habere existimant qui in Sallentinis, aut in Brutijs habent, vnde vix ter in anno audire nuntium possunt. Alter tibi descendit de palatio, & ædibus suis: habet animi relaxandi causa rus anicenum & suburbanum; plura præterea prædia: neque tamen vllum, nisi præclarum & propinquum, domus referta valis Co-

rinthijs, & Deliacis : in quibus est 'authepsa illa, quam tanto pretio nuper mercatus est, vt qui prætereuntes pretium enumerari audiebant, iundum venire arbitrantur. Quid præterea cælati argenti? quid stragula vestis? quid pictarum tabularum? quid signorum? quid marmoris apud illum putatis esse? tantum scilicet, quantum e multis splendidisq; familijs in turba & rapinis coaceruari vna in domo potuit. Familiam vero quantam, & quam varijs cum artificijs habeat, quid ego dicam? Mitto hæc arteis vulgareis, coquos, pistores, lecti-
carios : animi & aurum causa tot homines habet, vt quotidiano cantu vocum, & neruorum, & tibi-
arum, nocturnisque conuiuijs tota vicinitas perso-
net. In hac vita, iudices, quos sumptus quotidianos, quas effusiones fieri putatis? quæ vero cõuiuiarum ho-
nesta credo in eiusmodi domo: si domus hæc habē-
da est potius, quam officina nequitiae, & diuerso-
rium flagitiorum omnium. Ipse vero quemadmo-
dum composito, & delibuto capillo passim per fo-
rum volitet cum magna caterua togatorum vide-
tis, iudices: vt omnes despiciat, vt hominem præ se
neminem putet: vt se solum beatum, solum poten-
tem putet. Quæ vero efficiat, & quæ conetur, si
velim commemorare, vereor, iudices, ne quis im-
peritior existimet me causam nobilitatis, victori-
amq; voluisse lædere. tametsi meo iure possum; si
quid in hac parte mihi nō placeat; vituperare. nō e-
nim vereor ne quis alienum me animū habuisse a
caussa nobilitatis existimet. Sciunt ij, qui me no-
runt, me pro illa tenui, infirmāq; parte, posteaquam
id quod maxime volui, fieri non potuit, vt compo-
neretur; id maxime defendisse, vt ij vincerent, qui
vicerunt. quis enim erat, qui non videret humili-
tatem cum dignitate de amplitudine contendere?
Quo in certamine perditus ciuis erat, non se ad eos
iungere, quibus incolumibus, & domi dignitas, &
fo-

foris
suum
iudice
luntat
& fe
madu
gnaru
bus,
tit, ho
pugn
fuisse
arma
alien
impe
non l
ro in
subla
ge al
læde
tis: v
rare
tur o
men
tam
quid
sem
dece
dica
ris.
nia
legi
est
per
cæd
sum
gra
re:

foris auctoritas retineretur. Quæ perfecta esse, & suum cuiq; honorem & gradum redditum, gaudeo, iudices, vehemēterq; lætor: eaq; omnia deorū voluntate, studio populi Romani, consilio, & imperio, & felicitate L. Syllæ gesta esse intelligo. Quod animaduersum est in eos, qui contra omni ratione pugnarunt, non debeo reprehendere: quod viris fortibus, quorum opera eximia in rebus gerendis exstitit, honos habitus est, laudo. Quæ vt fierent, idcirco pugnatum esse arbitror: meque in eo studio partiū fuisse confiteor. Sin autem id actum est, & idcirco arma sumpta sunt, vt homines postremi pecunijs alienis locupletarentur, & in fortunas vniū cuiusq; impetum facerent, & id non modo re prohibere non licet, sed ne verbis quidem vituperare: tum vero in isto bello non recreatus, neque restitutus, sed sublatus oppressusq; populus Rom. est. Verum longe aliter est. nihil horum est, iudices: non modo non lædetur caussa nobilitatis, si istis hominibus resistitis: verum etiam ornabitur. etenim qui hæc vituperare volunt, Chrysogonum tantum posse queruntur qui laudare volunt, concessum ei non esse commemorant. Ac iam nihil est quod quisquam aut tam stultus, aut tam improbus sit, qui dicat, Vellem quidem liceret, hoc dixissem: dicas licet. hoc fecissem: facias licet. nemo prohibet. hoc decreuissem: dicerne, modo recte: omnes approbabunt. hoc iudicassem: laudabūt omnes, si recte, & ordine iudicaris. Dum necesse erat, resq; ipsa cogebat, vnus omnia poterat: qui posteaquam magistratus creauit, legesq; constituit, sua cuiq; procuratio auctoritasq; est restituta. Quam si retinere volunt ij, qui recuperarunt, in perpetuum poterunt obtinere: sin has cædes, & rapinas, & hos tantos, tamque profusos sumptus aut facient, aut approbabunt: nolo in eos grauius quidquam, ne ominis quidem caussa dicere: vnum hoc dico, Nostri isti nobiles, nisi vigilan-

tes, & boni, & fortes, & misericordes erunt, i's hominibus, in quibus hæc erunt, ornamenta sua concedant necesse est. Quapropter desinant aliquando dicere, male aliquem locutum esse, si quis vere ac libere locutus sit: desinant suam causam cum Chryfogono communicare: desinant, si ille læsus sit, de se aliquid detractum arbitrari: videant ne turpe, miserumq; sit, eos qui equestrem splendorem pati non potuerunt, serui nequissimi dominationem ferre posse. Quæ quidem dominatio, iudices, in alijs rebus antea verlabatur: nunc vero quam viam minuit, quod iter affectet, videris, ad fidem, ad iusiurandum, ad iudicia vestra, ad id, quod solum prope in ciuitate sincerum, sanctumq; restat. Hicne etiam sese putat aliquid posse Chryfogonus? hic etiam potens esse vult? O rem miseram atque acerbam. Neq;, mehercules, hoc indigne fero, quod verear, ne quid possit: verum quod ausus est, quod sperauit sese apud tales viros aliquid ad perniciem posse innocentis, id ipsum quæror. Idcircone experrecta nobilitas armis atq; ferro reipub. recuperauit, vt ad libidinem suam liberti seruulique nobilium bona, fortunas vestras, nostrasque vexare possent? Si id actum est, fateor me errasse, qui hoc maluerim: fateor insanisse, qui cum illis senserim: tamen si inermis, iudices, sensi. Sin autem victoria nobilium ornamento, atq; emolumento reipub. populoq; Romano debet esse; tum vero optimo, & nobilissimo cuiq; meam orationem gratissimam esse oportet. Quod si quis est, qui & se, & causam lædi putet, cum Chryfogonus vituperetur: is causam ignorat; se ipsum prope non nouit. Causa enim splendidior fiet, si nequissimo cuique resistetur. Ille improbissimus Chryfogoni fautor, qui sibi cum illo rationem communicatam putat, læditur, cum ab hoc splendore causæ separatur. Verum hæc omnis oratio (vt iam ante dixi) mea est: quæ me vti respub. & dolor

lor me
rum
hil de
ritus
vos p
gent
iolutu
spicio
bus c
nihil
uertit
sua o
stitū,
tibi t
neq;
ceat:
dege
cord
&, q
claus
feru
Quic
qua
tuis
caus
amp
cum
cogn
vide
puls
runt
des
ter
ris p
iuri
in h
Syll

lor meus, & istorum iniuria coegit. Sed Roscius horum nihil indignum putat: neminem accusat: nihil de suo patrimonio queritur: putat homo imperitus morum, agricola & rusticus, ista omnia, quæ vos per Syllam gesta esse dicitis, more, lege, iure gentium facta. culpa liberatus, & crimine nefario solutus cupit a vobis discedere. si hac indigna suspicione careat, animo æquo se carere suis omnibus commodis dicit: rogat, oratq; te, Chrysogone, si nihil de patris fortunis amplissimis in suam rem cōuertit; si nulla in re te fraudauit; si tibi optima fide sua omnia concessit, adnumerauit, appendit; si vestitū, quo ipse tectus erat, anulumq; dedit; os suum tibi tradidit; si ex omnibus rebus se ipsum nudum, neq; præterea quidquam, excepit; ut sibi per te liceat innocenti amicorum opibus vitam in egestate degere. Prædia mea tu possides; ego aliena misericordia uiuo. concedo & quod animus æquus est; & quia necesse est. mea domus tibi patet, mihi clausa est: fero, familia mea maxima vteris, ego seruum habeo nullum: patior, & ferendum puto. Quid vis amplius? quid insequeris? quid oppugnas? qua in re tuam voluntatem lædi a me putas? ubi tuis commodis officio? quid tibi obsto? si spoliatorum causa vis hominem occidere, spoliasti. quid quæris amplius? si inimicitarum, quæ sunt tibi inimicitia cum eo, cuius antea prædia possedisti, quam ipsum cognosti? si metuis: ab eone aliquid metuis, quem vides ipsum ab sese tam atrocem iniuriam propulsare non posse? si quod bona, quæ Roscij fuerunt, tua facta sunt, idcirco hunc ilius filium studes perdere, nonne ostendis id te vereri, quod præter ceteros tu metuere non debeas, nequando liberis proscriptorum bona patria reddantur? Facis iniuriam, Chrysogone, si maiorem spem emptionis tuæ in huius exitio ponis, quam in his rebus, quas L. Sylla gessit. Quod si tibi causa nulla est, cur hunc

miserum tanta calamitate affici velis, si tibi omnia sua præter animam tradidit, nec sibi quidquam paternum, ne monumenti quidem causa reservauit, per deos immortales quæ ista tanta crudelitas est? quæ tam fera, immanisque natura? quis umquam prædo fuit tam nefarius? quis pirata tam barbarus? ut cum integram prædam sine sanguine habere posset, cruenta spolia detrahare mallet? Scis hunc nihil habere, nihil audere, nihil posse, nihil umquam contra rem tuam cogitasse: & tamen oppugnas eum, quem neque metuere potes, neque odisse debes, nec quidquam habere iam reliqui vides, quod ei detrahare possis. nisi hoc indignum putas, quod vestitum sedere in iudicio vides, quem tu e patrimonio tamquam e naufragio nudum expulisti. quasi vero nescias hunc & alii, & vestiri a Cæcilia Balearici filia, nepotis sorore, spectatissima femina: quæ cum patrem clarissimum, amplissimos patruos, ornatissimum fratrem haberet, tamen, cum esset mulier, virtute perfecit, ut quanto honore ipsa ex illorum dignitate afficeretur, non minora illis ornamenta ex sua laude redderet. An quod diligenter defenditur, id tibi indignum facinus videtur? Mihi crede, si pro patris eius hospitibus, & gratia vellent omnes huius hospites adesse, & auderent libere defendere, satis copiose defenderetur: si autem pro magnitudine iniuriæ, proque eo, quod summa reipub. in huius periculo tentatur, hæc omnes vindicarent, consistere, mehercule, vobis isto in loco non liceret. Nunc ita defenditur, non sane, ut moleste ferre aduersarii debeant, neque, ut se potentia superari putent. Quæ domi gerenda sunt, ea per Cæciliam transiguntur, fori, iudicii;que rationem Messala, ut videtis, iudices, suscepit. qui si iam satis ætatis, atq; roboris haberet, ipse pro Sexto Roscio diceret. quoniam ad dicendum impedimento est ætas, & pudor, qui ornat ætatem, causam mihi tradidit, quem

quem sua causa cupere, ac debere intelligebat. ipse assiduitate, consilio, auctoritate, diligenter profecit, ut Sex. Roscij vita erepta de manibus se&torum, sententijs iudicum permitteretur. Nimirum, iudices, pro hac nobilitate pars maxima ciuitatis in armis fuit: hæc acta res est, ut nobiles restituerentur in ciuitatem, qui hoc facerent, quod facere Messalam videtis: qui caput innocentis defenderent: qui iniuriæ resisterent: qui quantum possent, in salute alterius, quam in exitio mallerent ostendere. Quod si omnes qui eodem loco nati sunt, facerent, & respub. ex illis, & ipsi ex inuidia minus laborarent. Verum si a Chrysogono, iudices, non impetramus, ut pecunia nostra contentus sit, vitam ne petat: si ille adduci non potest, ut cum ademerit nobis omnia, quæ nostra erant propria, ne lucem quoque hanc, quæ communis est, eripere cupiat: si non satis habet auaritiâ suam pecunia explere, nisi etiam crudelitate sanguinis perlitus sit: vnum perfugium, iudices, vna spes reliqua est Sex. Roscio, eadem quæ reipub. vestra pristina bonitas, & misericordia: quæ si manet, salui etiam nunc esse possumus: sin ea crudelitas, quæ hoc tempore in repub. versata est, vestros quoque animos (id quod fieri profecto non potest) duriores acerbioresque reddidit, actum est, iudices: inter feras satius est aetatem degere, quam in hac tanta immanitate versari. Ad eamne rem vos reseruati estis? ad eamne rem delicti, ut eos condemnaretis, quos se&tores, ac sicarii iugulare non potuissent? Solent hoc boni imperatores facere, cum prælium committunt, ut in eo loco, quo fugam hostium fore arbitrentur, milites collocent: in quos, si qui ex acie fugerint, de improviso incidant. Nimirum similiter arbitrantur isti bonorum emptores, vos hic tales viros sedere, qui excipiant eos, qui de suis manibus effugerint. Dij prohibeant, iudices, ut hoc, quod maiores consilium

publicum vocari voluerunt, præsidium seclorum
ex stimeretur. At vero, iudices, vos non intelligitis,
nihil aliud agi, nisi ut proscriptionum liberi quauis
ratione tollantur? & eius rei initium in vestro iure-
iurando, atque in Sext. Roscij periculo quæri? du-
bium est ad quem maleficium pertineat, cum vide-
atis ex altera parte sectorem, inimicum, sicari-
um, eundemque accusatorem hoc tempore: ex
altera egentem, probatum suis filium, in quo non
modo culpa nulla, sed ne suspicio quidem potu-
it consistere? numquid hic aliud videris ob stare
Roscio, nisi quod patris bona venierunt? Quod si
id vos suscipitis, & eadem in re operam vestram
profitemini: si idcirco sedetis, ut ad vos adducantur
eorum liberi, quorum bona venierunt: cauete per
deos immortales, iudices, ne noua, & multo crude-
lior per vos proscriptio instaurata esse videatur.
Illam priorem, quæ facta est in eos, qui arma cape-
re potuerunt, tamen senatus suscipere noluit, ne
quid acrius, quam more maiorum comparatum
est, publico consilio factum videretur. Hanc vero,
quæ ad eorum liberos, atque infantium puerorum
incunabula pertinet, nisi hoc iudicio a nobis reij-
citis, & aspernamini, videte per deos immortales,
quem in locum repub. peruenturam putetis. Ho-
mines sapientes, & ista auctoritate, & potestate
præditos, qua vos estis, ex quibus rebus maxime
respub. laborat, ijs maxime mederi conuenit. Ve-
strum nemo est, quin intelligat populum Romanum
qui quondam in hostes lenissimus existimabatur,
hoc tempore domestica crudelitate laborare. Hanc
tollite ex ciuitate, iudices; hanc pati nolite diutius
in hac repub. versari; quæ non modo id habet in se
mali, quod tot ciues atrocissime sustulit, verum e-
tiam hominibus lenissimis ademit misericordiam
consuetudine incommodorum. Nam cum omnibus
horis aliquid atrociter fieri videmus, aut audi-
mus;

mus, etiam qui natura mitissimi sumus, assiduitate molestiarum sensum omnem humanitatis ex animis amittimus.

Desit fortasse quippiam.



PRO Q. ROSCIO

COMOEDO.

ORATIO III.

Multa quæ desunt quærenda.



Alitiam naturæ, crederetur. is scilicet vir optimus, & singulari fide præditus, qui suo iudicio, suis tabulis testibus uti conatur. Solent fere dicere qui per tabulas homines honesti pecuniam expensam tulerunt. Egone talem virum corrumpere potui, ut mea causa falsum in codice referret? Exspecto quā mox Chærea hac oratione utatur: Egone hanc manū plenā perfidiæ, & hos digitos meos impellere potui, ut falsum perscriberet nomen? Quod si ille suas proferet tabulas, proferet suas quoque Roscius, erit in illius tabulis hoc nomen: at in huius non erit. cur potius illius, quā huius crederetur? scripsisset ille, si non iussu huius expensum tulisset? non scripsisset hic, quod sibi expensum ferri iussisset? Nam quæadmodū turpe est scribere, quod non debeat: sic improbum est non referre, quod debeas. æque enim tabulæ condemnantur eius, qui verum non retulit: & eius, qui falsum perscripsit. Sed ego copia, & facultate causæ confusus, vide

quo progrediar. Si tabulas C. Fannius accepti, & expensi profert suas in suam rem, suo arbitratu scriptas, quo minus secundum illum iudicetis, nō recuso. Quis hoc frater fratri, quis parens filio tribuit, ut quodcumque retulisset, id ratum haberet? ratum habebit Roscius, profer. quod tibi fuerit persuasum, huic erit persuasum: quod tibi fuerit probatū, huic erit probatū. *Paullo ante M. Perperna C. Piso, argētarij tabulas poscebamus, nūc tuas, C. Fanni Chærea, solius flagitamus, & quo minus secundū eas lis detur, non recusamus. Quid ita non profers? non conficit tabulas? immo diligentissime. non refert parua nomina in codices? immo omneis summas. leue, & tenue hoc nomē H-S C C C I O O O. sunt? quomodo tibi tanta pecunia extraordinaria iacet? quomodo H-S. C C C I O O O. in codice accepti & expensi non sunt? Pro dii immortales, effene quemquam tanta audacia præditum, qui quod nomen referre in tabulas timeat, id petere audeat quod in codicem iniuratus referre noluit, id iurare in litem non dubitet? quod sibi probare non possit, id persuadere alteri conetur? Nimum cito ait me *indagare de tabulis: non habere se hoc nomen in *codice accepti, & expensi relatum confitetur, sed in aduersarijs patere contendit. Vsq̃ue eone te diligis, & magnifice circumspicis, ut pecuniam non ex tuis tabulis, sed aduersarijs petas? suum codicem testis loco recitare arrogantia est: suarum percriptionum, & liturarum aduersaria proferre, non amentia est? Quod si eandem vim, diligentiam, auctoritatemque habent aduersaria, quam tabulæ, quid attinet codicem instituere? conscribere ordinem conservare? memoriæ tradere litterarum vetustatem? Sed si, quod aduersarijs nihil credimus, idcirco codicem scribere instituimus: quod etiam apud omneis leue, & infirmum est, id apud iudicem graue & sanctum esse ducetur? Quid est, quod negligenter scriba-

scribamus aduersaria? quid est, quod diligenter conficiamus tabulas? qua de causa? quia hæc sunt menstrua, illæ sunt æternæ: hæc delentur statim, illæ seruantur sancte: hæc parui temporis memoriam, illæ perpetuæ existimationis fidem & religionem amplectuntur: hæc sunt * disiecta, illæ in ordinem coniectæ. itaque aduersaria in iudicium protulit nemo: codicem protulit, tabulas recitauit. Tu, C. Piso, tali fide, virtute, grauitate, auctoritate ornatus, ex aduersarijs pecuniam petere non auderes. Ego quæ clara sunt consuetudine, diutius dicere non debeo. illud vero, quod ad rem vehementer pertinet, quæro: quampridem hoc nomen, Fanni, in aduersaria retulisti? Erubescit: quid respondeat nescit: quid fingat extemplo, non habet. Sunt duo menses iam, dices. tamen in codicem * acceptum & expensum referri debuit. Amplius sunt sex menses. cur tamdiu iacet hoc nomen in aduersarijs? Quid si tandem amplius triennium est? quomodo, cum omnes, qui tabulas conficiant, menstruas pene rationes in tabulas transferant, tu hoc nomen triennium amplius in aduersarijs iacere pateris? Vtrum cetera nomina in codicem accepti, & expensi digesta habes, an non? Si non, quomodo tabulas conficis? si etiam, quamobrem, cum cetera nomina in ordinem referebas, hoc nomen triennio amplius, quod erat in primis magnum, in aduersarijs relinquebas? Nolebas sciri, debere tibi Roscium: cur scribebas? Rogatus eras ne referres: cur in aduersarijs scriptum habebas? Sed hæc quamquam firma esse video, tamen ipse mihi satisfacere non possum, nisi a C. Fannio ipso testimonium sumo, hanc pecuniam ei non deberi. Magnum est, quod conor: difficile est quod polliceor. nisi eundem & aduersarium, & testem habuerit Roscius, nolo vincat. Pecunia tibi debebatur certa, quæ nunc petitur per iudicem, in qua legi-

timæ partis sponsio facta est. hic tu si amplius H-S. nummo petisti, quam tibi debitum est, causam perdidisti: propterea quod aliud est iudicium, aliud est arbitrium: Iudicium est pecuniæ certæ, arbitrium incertæ. Ad iudicium hoc modo venimus, ut totam litem aut obtineamus, aut amittamus: ad arbitrium hoc animo adimus, ut neque nihil, neque tantum quantum postulauimus, consequamur. Eius rei ipsa verba formulæ testimonio sint. Quid est in iudicio? directum, asperum, simplex. Si* pateret H-S. 1000 DARI OP. hic, nisi planum facit H-S. 1000. ad libellam sibi deberi, causam perdit. Quid est in arbitrio? mite, moderatum, QVANTVM æquius & melius sit dari. Ille tamen confitetur, plus se petere, quam debeat: sed satis superque habere dicit, quod sibi ab arbitro tribuatur. Itaque alter causæ confidit, alter diffidit. Quæ cum ita sint quæro abs te, quid ita de hac pecunia, de his ipsis H-S. 1000. de tuarum tabularum fide compromissum feceris, arbitrum sumpseris, quantum æquius & melius sit dari, repromitti que si peteres? Quis in hanc rem fuit arbiter? utinam is quidem Romæ esset. Romæ est. Iam utinam adesset in iudicio. adest. utinam federet in consilio C. Pisonis. ipse C. Piso est. eundemne tu arbitrum & iudicem sumebas? eidem & infinitam largitionem remittebas: & eundem in angustissimam formulam sponsionis concludebas? quis unquam ad arbitrum quantum petit, tantum abstulit? nemo, quantum enim æquius esset sibi dari, petijt. de quo nomine ad arbitrum adisti, de eo ad iudicem venisti. ceteri cum ad iudicem causam labefactari animaduertunt, ad arbitrum confugiunt: hic ab arbitro ad iudicem venire est ausus: qui cum de hac pecunia, de tabularum fide arbitrum sumpsit, iudicauit sibi pecuniam non deberi. Iam duæ partes causæ sunt confectæ: adnumerasse sese negat: expensum tulisse non dicit, cum tabulas

bulas non recitat. Reliquum est vt stipulatum se esse dicat. præterea enim quemadmodum certam pecuniam petere possit, non reperio. Stipulatus es? vbi? quo die? quo tempore? quo præsentem? quis spondidisse me dicit? nemo. Hic ego, si finem faciam dicendi, satis fidei, & diligentiae meae, satis causae & controuersiae, satis formulæ & sponsioni, satis etiam iudici fecisse videar, cur secundum Roscium iudicari debeat. Pecunia petita est certa, cum tertia parte sponsio facta est. Hæc pecunia necesse est, aut data, aut expensa lata aut stipulata sit. Datam non esse, Fannius confitetur: expensam latam non esse, codices Fannij confirmant: stipulatam non esse, taciturnitas testium concedit. Quid ergo est? quod & reus is est, cui & pecunia leuissima, & existimatio sanctissima fuit semper: & iudex est is quæ nos non minus bene de nobis existimare, quam secundum nos iudicare velimus: & aduocatio ea est, quam propter eximium splendorem, vt iudicem vnum, vereri debeamus: perinde ac si in hanc formulam omnia iudicia legitima, omnia arbitria honoraria, omnia officia domestica conclusa & comprehensa sint, perinde dicemus. Illa superior fuit oratio necessaria, hæc erit voluntaria: illa ad iudicem, hæc ad C. Pisonem: illa pro reo, hæc pro Roscio: illa victoriæ, hæc bonæ existimationis causa comparata. Pecuniam petis, Fanni, a Roscio: quam? dic audacter, & aperte. vtrum quæ tibi ex societate debeatur, an quæ ex liberalitate huius promissa sit. & ostentata? quorum alterum est grauius & odiosius: alterum leuius & facilius. Quæ ex societate debeatur? quid ais? hoc iam nec leuiter ferendum est, neq; negligenter defendendum. si qua enim sunt priuata iudicia summæ existimationis, & pæne dicam capitis, tria hæc sunt, fiduciæ, tutelæ, societatis. æque enim perfidiosum & nefarium est, fidem frangere, quæ continet vitam, & pupillum fraudare.

re, qui in tutelam peruenit, & socium fallere, qui se in negotio coniunxit. Quæ cum ita sint, qui sit qui socium fraudarit, & fefellerit, consideremus. dabit enim nobis iam tacite vita acta in alterutram partem firmum, & graue testimonium. Q. Roscius? quid ais? nonne, ut ignis in aquam coniectus continuo restinguitur & refrigeratur: sic referuens falsum crimen in purissimam & castissimam vitam collatum statim concidit, & exstinguitur? Roscius socium fraudauit? Potest hoc homini huic hæere peccatum? qui mediusfidius (audacter dico) plus fidei, quam artis: plus veritatis, quam disciplinæ possidet in se: quem populus Rom. meliorem virum, quam histrionem esse arbitratur: qui ita dignissimus est scena propter artificium, ut dignissimus sit curia, propter abstinentiam. Sed quid ego ineptus de Roscio apud Pisonem dico? ignotum hominem scilicet pluribus verbis commendo. est ne quisquam omnium mortalium, de quo melius existimes tu: estne quisquam qui tibi purior, humanior, officiosior, liberaliorque videatur? Quid? tu, Saturi, qui contra hunc venis, existimas aliter? nonne quotiescumque in causa in nomen huius incidisti, toties hunc & virum bonum esse dixisti, & honoris causa appellasti? quod nemo nisi aut honestissimo, aut amicissimo facere consuevit. Qua in re mihi ridicule es visus esse inconstans, qui eundem & læderes, & laudares, & virum optimum, & hominem improbissimum esse diceres: eundem tu & honoris causa appellabas, & virum primum esse dicebas, & socium fraudasse arguebas. Sed ut opinor, laudem veritati tribuebas, crimen gratiæ concedebas: de hoc, ut existimabas, prædicabas: Chæreæ arbitratu causam agebas. Fraudauit Roscius. est hoc quidem auribus, animis: que hominum absurdum. Quid si tandem aliquem timidum, dementem, diuitem, inertem nactus esset, qui experiri non posset? tamē incredibile esset. Verumtamen,

quem

quem fraudarit, videamus. C. Fāniū Chæreā Roscius fraudauit. Oro, atq; obsecro vos, qui * vtrumq; nostis, vitā inter se vtriusq; cōferte: qui nō nostis, faciem vtriusq; cōsiderate: nonne ipsum caput, & supercilia illa penitus abraſa olere malitiā, & clamitare calliditatem videntur? nonne ab imis vnguibus vsq; ad verticē summū (si quam coniecturam affert hominibus tacita corporis figura) ex fraude, fallacijs, mendacijs constare totus videtur? qui idcirco capite, & supercilijs semper est rasis, ne vllum pilum viri boni habere dicatur. cuius personam præclare Roscius in scena tractare consuevit: neq; tamen pro beneficio ei par gratia refertur. Nam Ballionē illum improbissimum, & periurissimū lenonem cū agit, agit Chæreā. persona illa lutulenta, impura, iniusta, in huius moribus, natura, vitæque est expressa. Qui quamobrē Roscium simīlē sui in fraude & malitia existimarit, nihil videtur: nisi forte, quod præclare hunc imitari se in persona lenonis animaduertit. Quamobrem etiam atque etiam considera, C. Piso, quis quem fraudasse dicatur. Roscius Fannium. quid est hoc? probus, improbum, pudens impudentem, periurum castus, callidum imperitus, liberalis auidum. incredibile est. quemadmodum si Fannius Roscium fraudasse diceretur, vtrumque ex vtriusque persona verisimile videretur, & Fannium per malitiam fecisse, & Roscium per imprudentiam deceptum esse: sic, cum Roscius Fannium fraudasse arguatur, vtrumq; incredibile est, & Roscium quidquam per avaritiam appetisse, & Fannium quidquam per se bonitate amisisse. Principia sunt huiusmodi: spectemus reliqua H-S. 1000. Q. Roscius fraudauit Fannium. qua de causa? subridet Saturius veterator, vt sibi videtur. ait propter ipsa H-S. 1000. Video. sed tamen cur ipsa H-S. 1000. tam vehementer concupierit, quæro. Nam tibi, M. Perperna, C. Piso, cer-

te tanti non fuisset, ut socium fraudaretis. Roscio
 cur tanti fuerit, causam requiro. egebat? immo lo-
 cuples erat. debebat? immo in suis nummis versaba-
 tur. auarus erat? immo etiam, antequam locuples,
 semper liberalissimus, munificentissimusque fuit.
 Pro deum, hominumque fidem, qui h. s. ccc iooo.
 ccc iooo. ccc iooo. quæstus facere noluit (nam
 certe h. s. ccc iooo. ccc iooo. ccc iooo. me-
 rere & potuit, & debuit, si potest Dionysia h. s.
 ccc iooo. ccc iooo. merere) is per summam
 fraudem, & malitiam, & perfidiam, h. s. iooo.
 appetit? & illa fuit pecunia immanis, hæc paruu-
 la: illa honesta, hæc sordida: illa iucunda, hæc a-
 cerba: illa propria, hæc in causa, & in iudicio col-
 locata. Decem his annis proximis h. s. sexagies ho-
 nestissime consequi potuit: noluit: laborem quæ-
 stus recepit, quæstum laboris reiecit: populo Ro-
 mano adhuc seruire non destitit, sibi seruire iam
 pridem destitit. Hoc tu umquam Fanni faceres? &
 si hos quæstus recipere posses, non eodem tem-
 pore & gestum & animam ageres? Dic nunc te ab
 Roscio h. s. iooo circumscriptum esse, qui tantas,
 & tam infinitas pecunias non propter inertiam la-
 boris, sed propter magnificentiam liberalitatis re-
 pudiarit. Quid ego nunc illi dicam, quæ vobis in
 mentem venire certo scio? fraudabat te in societa-
 te Roscius. sunt iura, sunt formulæ de omnibus re-
 bus constitutæ, nequis aut in genere iniuriæ, aut in
 ratione actionis errare possit. expressæ sunt enim
 ex vniuscuiusque damno, dolore, incommodo, ca-
 lamitate, iniuria, publicæ a prætore formulæ, ad
 quas priuata lis * accommodatur. Quæ cum ita
 sint, cur non arbitrum pro socio adegeris Q. Ros-
 cium, quæro. formulam non noras? notissima erat.
 iudicio graui experiri nolebas? quid ita? propter
 familiaritatem veterem? cur ergo lædis? propter in-
 tegratem hominis? cur igitur insimulas? propter magni-

magnitudinem criminis? itane vero, quem per arbitrum circumuenire non posses, cuius de eare proprium* erat iudicium? nunc per iudicem condemnabis, cuius de eare nullum est arbitrium? quin tu hoc crimen aut obijce, vbi licet agere, aut iacere noli, vbi non oportet. tamen iam hoc tuo testimonio crimen sublatum est. nam quo tu tempore illa formula vti noluisti, nihil hunc in societatem fraudis fecisse ostendisti. fecit pactionem. num tabulas habet, an non? si non habet, quemadmodum pactionio est? si habet, cur non nominas? Dic nunc Roscium abs te petisse, vt familiarem suum sumeres arbitrum. non petijt. Dic pactionem fecisse, vt absolueretur. non pepigit. Quare quare sit absolutus. quod erat summa innocentia, & integritate. quid enim factum est? venisti domum vltro Roscij: satisfecisti: quod temere commisisti, in iudicium vt denuntiares, rogasti vt ignosceret: te affuturum negasti: deberi tibi ex societate nihil, clamitasti. iudici hic denuntiavit: absolutus est. tamen fraudis ac furti mentio. eum facere audes? Perstat in impudentia. pactionem enim, inquit, mecum fecerat: idcirco videlicet ne condemnaretur. Quid erat causæ, cur metueret, ne condemnaretur? res erat manifesta. furtum erat apertum. Cuius rei furtum factum erat? Exorditur magna cum expectatione veteris histrionis exponere societatem. Panurgus, inquit, fuit Fannij, is fuit ei cum Roscio communis. hic primum quæstus est non leuiter Saturius, communem factum esse gratis cum Roscio, qui pretio proprius fuisset Fannij. Largitus est scilicet homo liberalis, & dissolutus, & bonitate affluens Fannius Roscio. Sic puto. Quoniam ille hic constitit paullisper, mihi quoque necesse est paullum commorari. Panurgum tu, Saturi, proprium Fannij dicis fuisse: at ego totum Roscij fuisse contêdo quid erat enim Fannij? corpus. Quid Roscij? disciplina. Facies

non orat, ars erat pretiosa. Ex qua parte erat Fannij, non erat h-s. 1000. ex qua parte erat Roscij, amplius erat h-s. 600000. Nemo enim illum ex uincto corporis spectabat, sed ex artificio comico æstimabat. Nam illa membra merere per se non amplius poterant duodecim æris: disciplina, quæ erat, ab hoc tradita, locabat se non minus h-s. 600000. O societatem captiosam, & indignam, ubi alter h-s. 1000. alter 600000. quod sit, in societatem affert. nisi idcirco moleste pateris, quod h-s. 1000 tu ex arca proferebas, h-s. 600000. ex disciplina, & artificio Roscius promebat. Quam enim rem, & expectationem, quod studium, & quem fauorem secum in scenam attulit Panurgus? quod Roscij fuit discipulus. qui diligebant hunc, illi fauebant. qui admirabantur hunc, illum probabant. qui denique huius nomen audierant, illum eruditum, & perfectum existimabant. Sic est vulgus: ex veritate pauca, ex opinione multa æstimat. Quid sciret ille, perpauci animaduertebat: ubi didicisset, omnes quærebant. nihil ab hoc prauum, & peruersum produci posse arbitrabantur. si veniret ab Statilio, tametsi artificio Roscium superaret, aspicere nemo posset. nemo enim sicut ex improbo patre probum filium nasci, sic ex pessimo histrione bonum comædum fieri posse existimaret. quia veniebat a Roscio, plus etiam scire, quam sciebat, videbatur. Quod item nuper in Erote comædo usu venit, qui postea quam e scena non modo sibilis, sed etiam conuictio explodebatur, sicut in aram, confugit in huius domum, disciplinam, patrocinium, nomen. Itaque perbreui tempore, qui ne in nouissimis quidem erat histrionibus, ad primos peruenit comædos. Quæ res exulit eum? vna commendatio huius: qui tamen Panurgum illum, non solum ut Roscij discipulus fuisse diceretur, domum recepit, sed etiam summo

cum

cum labore, stomacho, miseriaque erudit. Nam quo quisque est sollertior & ingeniosior, hoc docet iracundius, & laboriosius. quod enim ipse celeriter arripuit, id cum tarde percipi videt, discruciat. Paulologius oratio mea prouecta est hac de causa, ut conditionem societatis diligenter cognosceretis. quæ deinde sunt consecuta? Panurgum, inquit, hunc seruum communem Q. Flavius Tarquinienus quidam interfecit. in hanc rem, inquit, me cognitorem dedisti: lite contestata, iudicio damni iniuria constituto, tu sine me cum Flavio decidisti. Vtrum pro dimidia parte? an pro tota societate? planius dicam. vtrum pro me? an pro me, & pro te? Pro me? potui. exemplo multorum licitum est. iure fecerunt multi. nihil in ea re tibi iniuriæ feci. pete tu tuum. exige, & aufer quod debetur. suam quisque partem iuris possideat, & persequatur. at enim tu tuum negotium gessisti bene. gere & tu tuum bene. magno tuam dimidiam partem decidisti. magno & tu tuam partem decide n-s. ccc 1000 tu abstulisti. si sit hoc vero, n-s. ccc 1000 tu quoque aufer. sed hanc decisionem Roscij oratione, & opinione augere licet: re, & veritate mediocrem, & tenuem esse inuenietis. Accepit enim agrum temporibus ijs, cum iacerent pretia prædiorum: qui ager neque villam habuit: neque ex villa parte fuit cultus: qui nunc multo pluris est, quam tunc fuit: neque id est mirum. tum enim propter reip. calamitates omnium possessiones erant incertæ: nunc deum immortalium benignitate, omnium fortunæ sunt certæ. tum erat ager incultus sine testō, nunc est cultissimus cum optima villa. verumtamen, quoniam natura tam maleuolus es, numquam te ista molestia, & cura liberabo. Præclare suum negotium gessit Roscius, fundum fructuosissimum abstulit. quid ad te? tuam partem dimidiam quemadmodum vis, decide. Vertit hic ra-

tionem, & id quod probare non potest, fingere conatur. de tota re, inquit, decidisti. ergo huc vniuersa causa deducitur, vtrum Roscius cum Flauio de sua parte, an de tota societate fecerit pactionem. Nam ego Roscium, si quid communi nomine pepigit, confiteor prestare debere societati. Societatis, non suas lites redemit, cum fundum e Flauio accepit. Quid ita? satis non dedit, amplius a se neminem petiturum. qui de sua parte decidit, reliquis integram relinquit actionem: qui pro socijs transigit, satisfacit, neminem eorū postea petiturū. Quid ita? Flauio sibi cauere non venit in mentem? nesciebat videlicet Panurgum fuisse in societate? sciebat. Nesciebat Fannium Roscio esse socium? præclare. nam iste cum eo litem contestatam habebat. Cur igitur decidit, & non restipulatur, neminem amplius petiturum? cur de fundo decidit, & iudicio non absoluitur? cur tam imperite facit, vt nec Roscium stipulatione alliget, neque a Fannio iudicio se absoluat? Est hoc primum, & ex conditione iuris, & ex consuetudine cautionis grauissimum, & firmissimum argumentum: quod ego pluribus verbis amplecterer, si non alia certiora & clariora testimonia in causa haberem. Et ne forte me hoc frustra pollicitum esse prædices, te, te inquam Fanni ab tuis subsellijs contra te testem suscitabo. Criminatio tua quæ est? Roscium cum Flauio pro societate decidisse. Quo tempore? ab hinc annis IV. Defensio mea quæ est? Roscium pro sua parte cum Flauio transegisse. repromittis tu ab hinc triennium Roscio. quid? recita istam restipulationem clarius. Attende quæso Piso: Fannium inuitum, & huc atque illuc tergiversantem, testimonium contra se dicere cogo. Quid enim restipulatio clamat? QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO. Tua vox est Fanni. quid

tu

tu auct
quid h
ipse ex
Roscio
veteri
luta,
huius
tu, Pi
quod
gasti
ction
diniu
tio d
disse
repr
gisse
nihil
repr
nolu
no
nun
rep
Fann
tam
deb
ad
tot
Ro
ve
qu
h
lo
tr
ne
st
te
p

tu auferre potes a Flauio, si Flavius nihil debet? quid hic porro nunc restipulatur, quod iampridem ipse exegit? quid vero Flavius tibi daturus est, qui Roscio omne quod debuit dissoluit? cur in re tam veteri, in negotio tam confecto, in societate dissoluta, noua hæc restipulatio interponitur? Quis est huius restipulationis scriptor? testis? arbiter? quis? tu, Piso. Tu enim Q. Roscium pro opera, labore, quod cognitor fuisset, quod vadimonia obisset, rogasti ut Fannio daret H-S. CCC ICCC. hac conditione, ut si quid ille exegisset a Flauio, partem eius dimidiam Roscio dissolueret. Satisne ista restipulatio dicere tibi videtur aperte, Roscium pro se decidisse? At enim forsitan hoc tibi veniat in mentem, repromississe Fannium Roscio, si quid a Flauio exegisset, eius partem dimidiam: sed omnino exegisse nihil. quid? tu non exitum exactionis, sed initium repromissionis spectare debes: neq; si ille persequi noluit, non, quod in se fuit, iudicauit Roscium suæ, non societatis lites redemisse. Quid si tandem plannum facio, post decisionem veterem Roscij, post repromissionē recentē hanc Fannij, H-S. CCC ICCC. Fannium a Q. Flauio Panurgi nomine abstulisse? tamen diutius iludere viri optimi existimationi audebit? Paullo ante quærebam, id quod vehementer ad rem pertinebat, qua de causâ Flavius, cum de tota lite faceret pactionem, neque satis acciperet a Roscio, neque iudicio absolueretur a Fannio. nunc vero (id quod mirum, & incredibile est) requiro, quamobrem, cum de tota re decidisset cum Roscio, H-S. CCC ICCC. separatim Fannio dissoluerit? Hoc loco Saturi quid pares respondere, scire cupio. vtrum omnino Fannium a Flauio H-S. CCC ICCC. non abstulisse? an alio nomine, & alia de causâ abstulisse? Si alia de causâ: quæ ratio tibi cum eo intercesserat? nulla, addictus erat tibi? non. frustra tēpus contero. Omnino, inquit, H-S. CCC ICCC. a

Flauio non abstulit, neque Panurgi nomine, neque cuiusquam. Si planum facio post hanc recentem stipulationem Roscij h-s. ccc iooo. a Flauio te abstulisse, nunquid causæ est, quin ab iudicio abeas turpissime victus? Quo teste igitur hoc planum faciam? venerat, vt opinor, hæc res in iudicium? certe. quis erat petitor? Fannius. quis reus? Flauius. quis iudex? Cluius. Ex his vnus mihi testis est producendus, qui pecuniam datam dicat. quis est ex his grauissimus? sine controuersia, qui omnium iudicio comprobatus est iudex. Quem igitur ex his tribus a me testem expectabis? petitorum? Fannius est: contra se numquam testimonium dicet. reum? Flauius est: is iam pridem est mortuus: si viveret, verba eius audiretis. Iudicem? Cluius est. quid is dicit? h-s. ccc iooo. Panurgi nomine Flauium Fannio dissoluisse. quæ tu si ex censu spectas, eques Rom. est: si ex vita, homo clarissimus est: si ex te, iudicem sumpsisti: si ex veritate, id quod scire potuit, & debuit, dixit. Nega, nega nunc, equiti Rom. homini honesto, iudici tuo, credi oportere. Circumspicit, æstuat, negat nos Cluij testimonium recitaturos. recitabimus. erras: inani & tenui spe te consolaris. Recita testimonium T. Manilij & C. Lusciij Ocreæ, duorum senatorum, hominum ornatissimorum, qui ex Cluio audierunt. Vtrum dicis, Luscio & Manilio, an & Cluio non esse credendum? Planius, atque apertius dicam: vtrum Luscius, & Manilius nihil de h-s. ccc iooo. ex Cluio audierunt? an Cluius falsum Luscio, & Manilio dixit? Hoc ego loco, soluto & quieto sum animo, &, quorsum recidit responsum tuum, non magnopere labero. Firmissimis enim, & sanctissimis testimonijs virorum optimorum causa Roscij communita est. Si iam tibi deliberatum est, quibus abroges fidem iurisperiti, responde. Manilio, & Luscio negas esse credendum? dic, aude. est tux contumaciæ, arrogantia, vitæque

tæque vniuersæ vox. Quid exspectas, quam mox
 ego Luscium, & Manilium dicam ordine esse se-
 natores, ætate grandes natu, natura sanctos & reli-
 giosos, copijs rei familiaris locupletes, & pecunio-
 los? non faciam nihil mihi detraham, cum illis ex-
 actæ ætatis seuerissime fructum, quem meruerunt,
 retribuam: magis mea adolescentia indiget illorum
 bona existimatione, quam illorum seuerissima se-
 nectus desiderat meam laudem. Tibi vero, Piso,
 diu deliberandum & concoquendum est, vtrum
 potius Chæreæ iniurato in sua lite, an Manilio &
 Luscio iuratis in alieno iudicio credas. Reliquum
 est, vt Cluuium falsum dixisse Luscio, & Manilio
 cõtendat. quod si facit, qua impudentia est? cum ne
 testem improbat, quem iudicem probat? ei ne-
 gabit credi oportere, cui ipse crediderit? eius testis
 ad iudicem fidem infirmabit, cuius propter fidem,
 & religionem iudicis testes comparabat, quem ego
 si ferrem iudicem, refugere non deberet: cum te-
 stem producam, reprehendere audebit? Dixit enim,
 inquit, iniuratus Luscio, & Manilio: si diceret iura-
 tus, crederes? At quid interest inter periurum, &
 mendacem? qui mentiri solet, peierare consuevit:
 quem ego vt mentiatur, inducere possum, vt peie-
 ret, exorare facile potero. Nam qui semel a veri-
 tate deflexit, hic non maiore religione ad periur-
 rium, quam ad mendacium perducitur consuevit.
 Quis enim deprecatione deorum, non conscientie
 fide commouetur? Propterea, quæ pœna ab dijs
 immortalibus periuro, hæc eadem mendaci con-
 stituta est. Non enim ex pactione verborum, qui-
 bus iusiurandum comprehenditur, sed ex perfidia
 & malitia, per quam insidiæ tenduntur alicui, dij
 immortales hominibus irasci, & succensere consu-
 erunt. At ego hoc ex contrario contendo. leuior es-
 set auctoritas Cluij, si diceret iuratus, quam nunc
 est, cum dicit iniuratus. tum enim forsitan improbis

nimis cupidus videretur; qui qua de re iudex fuisset, testis esset: nunc omnibus inimicis necesse est castissimus, & constantissimus esse videatur, qui id, quod scit, familiaribus suis dicit. Dic nunc, si potes, si res, si causa patitur, Cluuium esse mentitum. Mentitus est Cluuius? Ipsa mihi veritas manum iniicit, & paullisper consistere & commorari cogit. vnde hoc totum ductum, & constarum mendacium est? Roscius est videlicet homo callidus, & versutus. hoc initio cogitare cepit: quoniam Fannius a me petit H-S. 1000 petam a C. Cluuius equite Romano, ornatissimo homine, vt mea causa mentiat: dicat decisionem factam esse, quæ facta non est, H-S. 1000000. a Flauio data esse Fannio, quæ data non sunt. Est hoc principium improbi animi, miseri ingenij, nullius consilij. Quid deinde? posteaquam se præclare confirmauit, venit ad Cluuium. quem hominem? leuem? immo grauissimum. nobilem? immo constantissimum. familiarem? immo alienissimum. Hunc posteaquam salutauit, rogare cepit, blande & concinne scilicet: Mentire mea causa, viris optimis tuis familiaribus presentibus: dic Flauium cum Fannio de Panurgo dedidisse, qui nihil transigit: dic H-S. 1000000. dedidisse, qui assem nullum dedit. Quid ille respondit? ego vero cupide, & libenter mentiar tua causa, & si quando me vis peierare, vt paullulum tu compendij facias, paratum fore scito. non fuit causa, cur tantum laborem caperes, & ad me venires: per nuntium hoc, quod erat tam leue, transigere potuisti. Pro deum hominumque fidem, hoc aut Roscius vinctum a Cluuius petiisset, si H-S. millies in iudicium haberet? aut Cluuius Roscio petenti concessisset, si vniuersæ prædæ particeps esset? vix mediū fidius tu, Fanni, a Ballione, aut aliquo eius simili hoc postulare auderes, & impetrare posses: quod cum est veritate falsum, tum ratione quoque est


est incredibile. Obliuiscor enim Roscium, & Cluuium viros esse primarios: improbos temporis causa esse fingo. falsum subornauit testem Roscius Cluuium: cur tam sero? cur cum altera pensio soluenda esset, non tum, cum prima? nam iam antea h. s. 1000. dissoluerat. Deinde si iam persuasum erat Cluuius, ut mentiretur: cur potius h. s. 1000. quam 1000. 1000. 1000. 1000. data dixit Fannio a Flauio, cum ex restipulatione pars eius dimidia Roscij esset? Iam intelligis, C. Piso, sibi soli, societati nihil Roscium petisse. Hoc cum sentit Saturius esse apertum, resistere, & repugnare contra veritatem non audet: aliud fraudis, & insidiarum in eodem vestigio diuerticulum reperit. petisse, inquit, suam partem Roscium a Flauio confiteor vacuam, & integram reliquisse Fannij concedo: sed quod sibi exegit, id commune societatis factum esse contendo: quo nihil captiosius, neque indignius potest dici. Quæro enim, potueritne Roscius ex societate suam partem petere, necne? Si non potuit quemadmodum abstulit? si potuit: quemadmodum non sibi exegit? Nam quod sibi petitur, certe alteri non exigitur. An ita est? si, quod vniuersæ societatis fuisset, petisset, quod cum exactum esset, æqualiter omnes partirentur: nunc cum petierit, quod suæ partis esset, non quod abstulit, soli sibi exegit? Quid interest inter eum, qui per se litigat, & qui cognitor est datus? qui per se litem contestatur, sibi soli petit: alteri nemo potest, nisi qui cognitor est factus. Itane vero? cognitor si fuisset tuus, quod vicisset iudicio, ferres tuum. suo nomine petijt: quod abstulit, sibi, non tibi exegit. Quod si quisquam petere potest alteri, qui cognitor non est factus: quæro, quid ita, cum Panurgus esset interfectus, & lis contestata cum Flauio damni iniuria esset, tu in eam litem cognitor Roscij sis factus? cum praesertim ex tua oratione, quodcumque tibi peteres huic pete-

res: quodcumq; tibi exigeres, id in societatem recideret. Quod si ad Roscium nihil perueniret, quod tu a Flauio abstulisses, nisi te in suam litem dedisset cognitorem: ad te peruenire nihil debet, quod Roscius pro sua parte exegit, quoniam tuus cognitior non est factus. Quid enim huic rei respondere poteris Fanni? cum de sua parte Roscius transegit cum Flauio, actionem tibi tuam reliquit, an non? Si non reliquit, quemadmodum h. s. c. c. c. i. o. o. o. ab eo postea exegisti? si reliquit, quid ab hoc petis, quod per te persequi & petere debes? Simillima enim, & maxime gemina societas hereditatis est, quemadmodum socius in societate habet partem, sic heres in hereditate habet partem. ut heres sibi soli, non coheredibus petit: sic socius sibi soli, non socijs petit: & quemadmodum vterque pro sua parte petit, sic pro sua parte dissoluit: heres ex sua parte, qua hereditatem * adiit: socius ex ea, qua societate coijt. Quemadmodum suam partem Roscius suo nomine condonare potuit Flauio, ut eam tu non peteres: sic cum exegit suam partem, & tibi integram petitionem reliquit, tecum partiri non debet: nisi forte tu peruerso more, quod huius est, ab alio extorquere non potes, huic eripere potes. Perstat in sententia Saturius, quodcumque sibi petat socius, id societatis fieri. quod si ita est, quæ (malum) stultitia fuit, ut Roscius ex iurisperitorum consilio, & auctoritate respicularetur a Fannio diligenter, ut quod is exegisset a Flauio, dimidia partem sibi dissolueret: siquidem sine cautione, & re promissione nihilominus id Fannius societati, hoc est Roscio, debebat?

* *

Desiderantur non pauci.

ACCY.



ACCVSATIONIS

IN C. VERREM LIBER
PRIMVS, QVI DIVINA-
TIO DICITVR.

ORATIO QVARTA.

SI quis vestrum iudices, aut eorum, qui adsunt forte miratur, me, qui tot annos in causis, iudicijsq; publicis ita sim versatus, vt defenderim multos, læserim neminem, subito nunc mutata volūtate ad accusandū* descendereis, si mei cōsiliij causam, rationēq; cognouerit, vna & id quod facio præbabit, & in hac causa profectio neminē mihi esse præponendū actorē putabit. Cū quæstor in Sicilia fuisset, iudices, itaq; ex ea provincia decessissem, vt Siculis omnibus iucundam, diuturnamq; memoriam quæsturæ, nominisq; mei relinquerem: factum est, vt cum summū in veteribus patronis multis, tum nōnūlum etiam in me præsidium suis fortunis constitutum esse arbitraretur: qui nunc populati, atque vexati, cuncti ad me publice sæpe venerunt, vt suarum fortunarum omnium causam, defensionemq; susceperem: ne sæpe esse pollicitum, sæpe ostēdisse dicebant, si quod tēpus accidisset, quo tempore aliquid a me requirerent, commodis eorum me non defuturum. venisse tempus aiebant, non iam vt commoda sua, sed vt vitam, salutemq; totius provincie defenderem, sese iam ne deos quidem in suis vrbibus, ad quos confugerent, habere: quod eorum simulacra sanctissima C. Verres ex delubris religiosissimis sustulisset, quas res luxuries in flagitijs, crudelitas in suppli-

cijs, auaritia in rapinis, superbia in contumelijs efficere potuisset, eas omnes sese hoc vno prætoris per triennium pertulisse: rogare, & orare, ne illos supplices aspernarer, quos me incolumi, nemini supplices * esse oporteret. Tuli grauius, & acerbè iudices, in eum me locum * adductum, ut aut eos homines spes falleret, qui opem a me atque auxilium * petissent: aut ego, qui me ad defendendos homines ab ineunte adolescentia dedissem, tempore atque officio coactus ad accusandum traducerer. Dicebam habere eos actorem Q. Cæcilius, qui præsertim quæstor in eadem prouincia post me quæstorem fuisset. quo ego adiumento sperabam hanc a me molestiam posse demoueri, id mihi erat aduersarium maxime. nam illi multo mihi hoc facilius remississent, si istum non possent, aut si iste apud eos quæstor non fuisset. Adductus sum iudices, officio, fide, misericordia, multorum bonorum exemplo, veteri consuetudine, institutoq; maiorum, ut onus hoc laboris atque officij, non ex meo, sed ex meorum necessariorum tempore mihi suscipiendum putarem. Quo in negotio tamen illa me res iudices consolatur, quod hæc quæ videtur esse accusatio mea, non potius accusatio, quam defensio est existimanda. Defendo enim multos mortales, multas ciuitates, prouinciam Siciliam totam. Quamobrem si mihi vnus est accusandus, propemodum manere in instituto meo videor, & non omnino a defendendis hominibus, subleuandisque discedere. Quod si hanc causam tam idoneam, tam illustrem, tam grauem non haberem, si aut hoc a me Siculi non petissent, aut mihi cum Siculis causa tantæ necessitudinis non intercederet, & hoc quod facio, me reip. causa facere profiterer: ut homo singulari cupiditate, audacia, scelere præditus, cuius furta atque flagitia non in Sicilia solum, sed in Achaia, Asia, Cilicia, Pamphylia, Romæ denique ante oculos omnium maxima, turpissi-

turpissimaq; nossemus, me agente in iudicium vocaretur: quis tandem esset, qui meum factum aut consilium posset reprehendere? Quid est, pro deum hominumq; fidem, in quo ego reip. plus hoc tempore prodesse possim? Quid est, quod aut populo Rom. gratius esse debeat? aut socijs, exterisq; nationibus optatius esse possit? aut saluti, fortunisq; omnium magis accommodatum sit? Populata, vexata, funditus eversa prouincia: socij, stipendiariiq; populi Rom. afflicti, miseri, iam non salutis spe, sed exitij solatium querunt. Qui iudicia manere apud ordinem senatorium volunt, queruntur accusatores se idoneos non habere. qui accusare possunt, iudiciorum seueritatem desiderant. populus Rom. interea, tametsi multis incommodis, difficultatibusque affectus est, tamen nihil æque in rep. atque illam veterem iudiciorum vim, grauitatemque requirit. Iudiciorum desiderio tribunitia potestas efflagitata est: iudiciorum leuitate ordo quoq; alius ad res iudicandas postulatur. iudicum culpa atq; dedecore etiam censorium nomen, quod asperius antea populo videri solebat, id nunc poscitur: id iam populare, atque plausibile factum est. In hac libidine hominum nocētissimorum, in populi Rom. quotidiana querimonia, iudiciorum infamia, totius ordinis offensione, cum hoc vnum his tot incommodis remedium esse arbitrarer, vt homines idonei, atque integri causam reip. legumque susciperent: fateor me salutis omnium causā ad eam partem accessisse reipub. subleuandæ, quæ maxime laboraret. Nunc quoniam quibus rebus adductus ad causam accesserim, demonstraui: dicendum necessario est de contentione nostra, vt in constituendo accusatore, quod sequi possitis, habeatis. Ego sic intelligo iudices, cum de pecunijs repetundis nomen cuiuspiam deferatur, si certamen inter aliquos sit, cui potissimum delatio detur, hæc duo in primis spectari

oportere quem maxime velint actorem esse ii, quibus facta esse dicantur iniuria: & quem minime velit is, qui eas iniurias fecisse arguatur. In hac causa, iudices, tametsi vtrumque esse arbitror perspicuum: tamen de vtroque dicam, & de eo prius, quod apud vos plurimum debet valere, hoc est de voluntate eorum, quibus iniuria facta sunt: quorum causa iudicium de pecunijs repetundis est constitutum. Siciliam prouinciam C. Verres per triennium depopulatus esse, Siculorum ciuitates vastasse, domos exinanisse, fana spoliasse dicitur. Ad sunt, queruntur Siculi vniuersi: ad meam fidem, quam habent spectatam iam & diu cognitam confugiunt: auxilium sibi per me a vobis, atque a populi Rom. legibus petunt: me defensorem calamitatum suarum, me actorem iniuriarum, me cognitorem iuris sui, me actorem causae totius esse voluerunt. Vtrum Q. Caeli hoc dices, me non Siculorum rogatu ad causam accedere? an optimorum fidelissimorumque sociorum voluntatem apud hos grauem esse non oportere? Si id audebis dicere, quod C. Verres cui inimicum esse simulas, maxime existimari vult, Siculos hoc a me non petisse: primum causam inimici tui subleuabis, de quo non praedictum, sed plane iudicium iam factum putatur: quod ita percerebuit, Siculos omnes actorem suae causae contra illius iniurias quaesisse. Hoc si tu inimicus eius factum negabis, quod ipse, cui maxime haec res obstat, negare non audet: videto ne nimium familiariter inimicitias exercere videre. Deinde sunt testes viri clarissimi nostrae ciuitatis, quos omnes a me nominari non est necesse: eos qui adsunt appellabo, quos si mentirer, testes esse impudentiae meae minime vellem. Scit is, qui est in consilio, C. Marcellus: scit is, quem adesse video, Cn. Lentulus Marcellinus: quorum fide, atque praesidio Siculi maxime nituntur, quod omnino Marcellorum nomini
tota

tota illa prouincia adiuncta est. Hi sciunt hoc non modo a me petatum esse, sed ita sæpe, & ita vehementer esse petatum, vt aut caussa mihi suscipienda fuerit, aut officium necessitudinis repudiandum. Sed quid ego his testibus vtor? quasi res dubia, aut obscura sit. Adsunt homines ex tota prouincia nobilissimi, qui præsentem vos orant atque obsecrant iudices, vt in actore causæ suæ deligendo, vestrum iudicium a suo iudicio ne discrepet. Omnium ciuitatum totius Siciliæ legationes adiunt, præter duas ciuitates, quarum duarum, si adessent, duo crimina vel maxima minuerentur, quæ cum his ciuitatibus C. Verri communicata sunt. At enim cur a me potissimum hoc præsidium petuerunt? Si esset dubium, petissent a me præsidium, necne, dicerem cur petissent. Nunc vero, cum id ita perspicuum sit, vt oculis iudicare possitis, nescio, cur hoc mihi detrimento esse debeat, si id mihi obijciatur, me potissimum esse delectum. Verum id mihi non sumo, iudices, & hoc non modo in oratione mea non pono, sed ne in opinione quidem cuiusquam relinquo, me omnibus patronis esse præpositum. Non ita est, sed vniuscuiusque temporis, valetudinis, facultatis ad agendum, ducta ratio est. Mea fuit semper hæc in hac re voluntas, & sententia, quemuis vt hoc * mallerent de his qui essent idonei, suscipere, quam me: me vt * mallerent, quam neminem. Reliquum est iam, vt illud queramus, cum hoc constet, Siculos a me petisse, ecquid hanc rem apud vos, animosq; vestros valere oporteat: ecquid auctoritatis apud vos in suo iure repetendo socij populi Rom. supplices vestri habere debeant. De quo quid ego plura commemorcm? quasi vero dubium sit, quin tota lex de pecunijs repetundis sociorum caussa constituta sit. Nam ciuibus cum sunt ereptæ pecuniæ, ciuili fere actione, & priuato iure repetuntur. Hæc lex socialis est:

hoc ius nationum exterarum est: hanc habent arcem minus aliquanto nunc quidem munitam, quam antea: verumtamen, si qua reliqua spes est, quæ sociorum animos consolari possit, ea tota in hac lege posita est: cuius legis non modo a populo Rom. sed etiam ab ultimis nationibus iampridem seueri custodes requiruntur. Quis igitur est, qui neget oportere eoram arbitrato lege agi, quorum causa lex sit constituta? Sicilia tota si vna voce loqueretur, hoc diceret: Quod auri, quod argenti, quod ornamentorum in meis vrbibus, sedibus, delubris fuit, quod in vnaquaque re beneficio senatus, populique Romani iuris habui, id mihi tu, C. Verres, eripuisti, atque abstulisti: quo nomine abs te sestertium milles ex lege repeto. Si vniuersa, vt dixi, provincia loqui posset, hac voce vteretur: quoniam id non poterat, harum rerum actorem, quem idoneum esse arbitrata est, ipsa delegit. In huiusmodi re quisquam tam impudens reperietur, qui ad alienam causam, iniuris ijs, quorum negotium est, accedere, aut aspirare audeat? Si tibi, Q. Cæcili, hoc Siculi dicerent: Te non nouimus: nescimus qui sis: numquam te antea vidimus: sine nos per eum nostras fortunas defendere, cuius fides est nobis cognita: nonne id dicerent, quod cuius probare deberent? nunc hoc dicunt: vtrumque se nosse: alterum se cupere defensorem esse fortunarum suarum: alterum plane nolle. Cur nolint, etiam si tacerent, satis dicunt. verum non tacent. tamen his inuitissimis te offeres? tamen in aliena causa loquere? tamen eos defendes, qui se ab omnibus desertos potius, quam abs te defensos esse malunt? tamen his operam tuam pollicebere, qui te neque velle sua causa, nec si cupias, posse arbitrantur? Cur eorum spem exiguam reliquarum fortunarum, quam habent in legis, & iudicii seueritate positam, vi extorquere conaris? cur te interponis inuitissimis his, quibus maxime lex
consultum

consultum esse vult? cur de quibus in prouincia nō optime es meritus, eos nunc plane fortunis omnibus conaris euertere? cur his non modo persequēdi iuris sui, sed etiam deplorandæ calamitatis adimis potestatem? Nam, te actore quem eorum affuturum putas? quos intelligis non vt per te alium, sed vt per aliquem te ipsum vlciscantur, laborare? At enim solum, id est, vt me Siculi maxime velint: alterum illud credo obscurum est, a quo Verres minime se accusari velit. Ecquis vñquam tam palam de honore, tam vehementer de salute sua contendit, quam ille, atque illius amici, vt ne hæc mihi delatio detur? Sunt multa, quæ Verres in me esse arbitrat, quæ scit in te, Q. Cæcili, non esse: quæ cuiusmodi in vtroque nostrum sunt, paullo post commemorabo. Nunc tantum id dicam quod tacitus tu mihi assentiare, nullam rem in me esse, quam ille contemnat, nullam in te, quam pertimescat. Itaque magnus ille defensor, & amicus eius tibi * Hortensius suffragatur, me oppugnat: aperte ab iudicibus petit, vt tu mihi anteponare: & ait hoc se honeste sine vlla inuidia, ac sine vlla offensione contendere. Non enim, inquit, illud peto, quod soleo, cum vehementius contendere impetrare, reus vt absoluator: nō peto: sed vt ab hoc potius, quam ab illo accusetur, id peto. Da mihi hoc: concede quod facile est, quod honestum, quod non inuidiosum: quod cum dederis, sine villo tuo periculo, sine infamia illud dederis. vt is absoluator, cuius ego caussa laboro. Et ait idem, vt aliquis metus adiunctus sit ad gratiam, certos esse in consilio, quibus ostendi tabellas velit: id esse perfacile. non enim singulos ferre sententias, sed vniversos constituere: ceratam vnicuique tabellam dari cera legitima, non illa infami ac nefaria. Atque is non tam propter Verrem laborat, quā quod eum minime res tota delectat, videt enim si a pueris nobilibus quos adhuc elusit, si a quadrupla-

toribus, quos non sine causa contempsit semper, ac pro nihilo putauit, accusandi voluntas ad viros fortes, spectatosque homines translata sit, se in iudicijs * dominari non posse. Huic ego homini iam ante denuntio, si a me causam hanc vos agi volueritis, rationem illi defendendi, totam esse mutandam, & ita tamen mutandam, ut meliore & honestiore conditione sit, quam qua ipse esse vult: ut imitetur homines eos, quos ipse vidit amplissimos, L. Crassum, & M. Antonium, qui nihil se arbitrabantur ad iudicia, causasque amicorum preter fidem, & ingenium afferre oportere. nihil erit, quod, me agente, arbitretur iudicium sine magno multorum periculo posse corrumpi. Ego in hoc iudicio mihi Siculorum causam receptam, populi Romani susceptam esse arbitror: ut mihi non vnus homo improbus opprimendus sit, id quod Siculi petiuerunt: sed omnino omnis improbitas, id quod populus Romanus iam diu flagitat, extinguenda, atque delenda sit. In quo ego quid eniti, aut quid efficere possim, malo in aliorum spe relinquere, quam in oratione mea ponere. Tu vero, Cæcili, quid potes? quo tempore, aut qua in re non modo specimen ceteris aliquod dedisti, sed tute tui periculum fecisti? In mentem tibi non venit, quid negotij sit causam publicam sustinere? vitam alterius totam explicare? atque eam non modo in animis iudicium, sed etiam in oculis, conspectuque omnium exponere? sociorum salutem, commoda prouinciarum, vim legum, gravitatem iudiciorum defendere? Cognosce ex me, quoniam hoc primum tempus discendi nactus es, quam multa esse oporteat in eo, qui alterum accuset: ex quibus si vnum aliquod in te cognoueris, ego iam tibi ipse istuc, quod ex petis mea voluntate concedam. Primum integritatem, atque innocentiam singularem. nihil est enim, quod minus ferendum sit, quam rationem ab altero vitæ reposcere eum, qui

qui non possit suæ reddere. Hic ego de te plura non dicam: vnum illud credo, omnes animaduertere, te adhuc ab nullis nisi a Siculis potuisse cognosci: Siculos hoc dicere, cum eidem sint irati, cui tu te inimicum esse dicis: sese tamen, te actore, ad iudicium non affuturos. Quare negent, ex me non audies: hos patere id suspicari, quod necesse est. Illi quidem (vt est hominum genus nimis acutum & suspiciosum) non te ex Sicilia litteras in Verrem deportare velle arbitrantur, sed cum iisdem litteris illius prætura & tua quæstura consignata sit, asportare te velle ex Sicilia litteras suspicantur. Deinde accusatorem firmum, verumque esse oportet. Eum ego si te putem cupere esse, facile intelligo esse non posse. Nec ea dico, quæ si dicam, tamen infirmare non possis, te antequam de Sicilia decesseris, in gratiam redisse cum Verre: Potamonem scribam, & familiarem tuum retentum esse a Verre in prouincia, cum tu decederes: M. Cæcilium fratrem tuum lectissimum, atque ornatissimum adulescentem non modo non adesse, neque tecum tuas iniurias persequi, sed esse cum Verre: cum illo familiarissime, atque amicissime viuere. Sunt hæc & alia in te falsi accusatoris signa permulta: quibus ego nunc non vtor. hoc dico, te, si maxime cupias, tamen verum accusatorem esse non posse. video enim permulta esse crimina, quorum tibi societas cum Verre eiusmodi est, vt ea in accusando attingere non audeas. Queritur Sicilia tota, C. Verrem ab aratoribus, cum frumentum sibi in cellam imperauisset, & cum esset tritici modius * E-S. II. pro frumento in modios singulos duodenos sesterios exegisse. Magnum crimen, ingens pecunia, furtum impudens, iniuria non ferenda. ego hoc vno crimine illum condemnem necesse est. Tu. Cæcili, quid facies? Vtrum hoc tantum crimen prætermittes? an obijcies? Si obijcies, idne alteri crimi-

ni dabis, quod eodem tempore in eadem prouincia tu ipse fecisti? audebis ita accusare alterum, vt quo minus tute condemnere, recusare non possis? Si prætermittes, qualis erit ista tua accusatio, quæ domestici periculi metu certissimi, & maximi criminis non modo suspicionem, verum etiam mentionem ipsam pertimescat? Emptum est ex s.c. frumentum ab Siculis prætor Verre, pro quo frumento pecunia omnis soluta non est. graue est hoc crimen in Verrem, graue me agente: te accusante nullum. eras enim tu quæstor: pecuniam publicam tu tractabas: ex qua, etiam si cuperet prætor, tamen ne qua deductio fieret, magna ex parte, tua potestas erat. Huius quoque igitur criminis, te accusante, mentio nulla fiet. Silebitur toto iudicio de maximis, & notissimis illius furtis & iniurijs. Mihi crede, Cæcili, non potest in accusando, socios vere defendere is, qui cum reo criminum societate coniunctus est. Mancipes a ciuitatibus pro frumento pecuniam exegerunt. Quid? hoc, Verre prætor factum est solum? non, sed etiam * quæstore Cæcilio. Quid igitur? daturus es huic crimini, quod & potuisti prohibere ne fieret, & debuisti? an totum id relinques? Ergo id omnino Verres in iudicio suo non audiet, quod cum faciebat, quemadmodum defensurus esset, non reperiēbat. Atque ego hæc quæ in medio posita sunt, commemorō. Sunt alia magis occulta furta, quæ ille, vt istius credo animos, atque impetus retardaret, cum quæstore suo benignissime comunicauit. Hæc tu scis ad me esse delata: quæ si velim proferre, facile omnes intelligent, vobis inter vos non modo voluntatem fuisse coniunctam, sed ne prædam quidem adhuc esse diuisam. Quapropter si tibi iudicium postulas dari, quod tecum vna fecerit, concedo, si id lege permittitur: sin autem de accusatione dicimus, concedas oportet ijs, qui nullo suo peccato impediuntur, quo minus alterius pec-

peccata demonstrare possint. Ac vide, quantum intersuturum sit inter meam, atque tuam accusationē. Ego, etiam quæ tu sine Verre commisisti, Verri crimini daturus sum, quod te non prohibuerit, cum summam ipse haberet potestatem: tu contra, ne quæ ille quidem fecit, obijcies, ne qua ex parte cōiunctus cum eo reperire. Quid illa, Cæcili? contemnendane tibi videntur esse, sine quibus causa sustineri, præsertim tanta, nullo modo potest? aliqua facultas agendi, aliqua dicendi consuetudo, aliqua in foro, iudicijs, legibus, aut ratio, aut exercitatio? intelligo quam scopuloso, difficilique in loco verfer. nam cum omnis arrogantia odiosa est, tum illa ingenij, atque eloquentiæ multo molestissima. Quamobrem nihil dico de meo ingenio, neque est quod possim dicere, neque si esset, dicerē. aut enim id mihi satis est, quod est de me opinionis, quidquid est, aut si id parum est, ego maius id commemorando facere non possum. De te, Cæcili, iam me hercule, hoc extra hanc contentionem, certamenq; nostrum familiariter tecum loquar. Tu ipse quemadmodum existimes vide etiam atq; etiam, & tu te collige: & qui sis, & quid facere possis, considera. Putasne te posse de maximis, acerbissimisq; rebus, cum causam sociorum fortunasque provinciarum, ius populi Romani, gravitatem iudicij legumque susceperis, tot res, tam graues, tam varias, voce, memoria, consilio, ingenio, sustinere? Putasne te posse, quæ C. Verres in quaestura, quæ in legatione, quæ in prætura, quæ Romæ, quæ in Italia, quæ in Achaia, Asia, Pamphyliaq; patravit, ea, quemadmodum locis temporibusq; diuisa sint, sic criminibus, & oratione distinguere? Putasne te posse, id quod in eiusmodi reo maxime necessarium est, facere, ut quæ ille libidinosæ, quæ nefariæ, quæ crudeliter fecerit, ea æque acerba, & indigna videantur esse ijs, qui audient, atque illis visa sunt, qui senserunt? Magna

sunt ea, quæ dico. * mihi, mihi crede: noli hæc contemnere. dicenda, demonstranda, explicanda sunt omnia: causa non solum exponenda, sed etiam grauitèr, copioseque agenda est: * perspicendum est, si quid agere aut perficere vis, ut homines te non solum audiant, verum etiam libenter studiosq; audiant. In quo si te multum natura adiuuaret, si optimis a pueritia disciplinis, atq; artibus studuisses, & in his elaborasses, si litteras Græcas Athenis, non Lilybæi, Latinas Romæ, non in Sicilia didicisses, tamen esset magnum tantam causam, tam expectatam, & diligentia consequi, & memoria complecti, & oratione exponere, & voce, & viribus sustinere. Fortasse dices, quid? ergo hæc in te sunt omnia? utinam quidem essent: verumtamen ut esse possent, magno studio mihi a pueritia est elaboratum. Quod si ego hæc propter magnitudinem rerum, ac difficultatem assequi non potui, qui in omni vita nihil aliud egi: quam longe tute ab his rebus abesse arbitrare, quas non modo antea nunquam cogitasti, sed ne nunc quidem, cum in eas ingrederis, quæ & quantæ sint suspicari potes? Ego, qui, sicut omnes sciunt, in foro iudicijque ita verfer, ut eiusdem ætatis aut nemo, aut pauci plures causas defenderint, & qui omne tempus, quod mihi ab amicorum negotijs datur, in his studijs laboribusq; consumam, quo paratior ad usum forensem, promptiorque esse possim: tamen, ita deos mihi velim propicios, ut cum illius * dici mihi venit in mentem, quo die, citato reo, mihi dicendum sit, non solum commoueor animo, sed etiam toto corpore perhorresco. iam nunc mente & cogitatione prospicio, quæ tum studia hominum, qui concursus futuri sunt, quantam expectationem magnitudo iudicij sit allatura, quantam auditorum multitudinem C. Verris infamia concitatura, quantam denique audientiam orationi meæ improbitas illius facturæ sit. Quæ cum cogito, iam nunc

nunc timeo, quidnam pro offensione hominum, qui illi inimici intensique sunt, & expectatione omnium, & magnitudine rerum dignum eloqui possum. Tu horum nihil metuis, nihil cogiras, nihil laboras: &, si quid ex vetere aliqua oratione, IOVEM ego optimum maximum: aut, VELLEM, si fieri potuisset, iudices: aut aliquid eiusmodi edicere potueris, præclare te paratum in iudicium venturum arbitraris. Ac si tibi nemo responsurus esset, tamen ipsam causam, ut ego arbitror, demonstrare non posses. Nunc ne illud quidem cogiras, tibi cum homine disertissimo, & ad dicendum paratissimo futurum esse certamen: quicum modo differendum, modo omni oratione pugnandum, certandumque sit? Cuius ego ingenium ita laudo, ut non pertimescam ita probo, ut me ab eo delectari facilius, quam decipi putem posse. Nūquam ille me opprimit consilio: numquam vilo artificio pervertet: nūquam ingenio me suo labefactare, atque infirmare conabitur: noui omnes hominis petitiones, rationesque dicendi saepe in iisdem, saepe in contrarijs causis versati sumus. Ita contra me ille dicet, quamuis sit ingeniosus, ut nonnullum etiam de suo ingenio iudicium fieri arbitretur. Te vero, Cæcili, quemadmodum sit elusurus, & quam omni ratione iactaturus, videre iam video: quoties ille tibi potestatem, optionemque facturus sit, ut eligas utrum velis, factum esse, necne: verum esse, an falsum: utrum dixeris, id contra te futurum. qui tibi æstus, qui error, quæ tenebræ dii immortales erunt, homini minime malo? Quid, cum accusationis tuæ membra diuidere coeperit, & in digitis suis singulas partes causæ constituere? quid, cum vnumquodque transigere expedire, absolueret? ipse profecto meturre incipies, ne innocenti periculum si cesseris. Quid, cum commiserari, cōqueri, & ex illius inuidia deonere aliquid, & in te transigere coeperit: commemorare quæstoris

cum prætore necessitudinem constitutam? morem maiorum? fortis religionem? poterisne eius orationis subire * inuidiam? Vide modo, etiam atque etiam considera. mihi enim videtur periculum fore, ne ille non modo verbis te obruat, sed gestu ipso, ac motu corporis præstringat aciem ingenij tui, teque ab institutis tuis, cogitationibusque abducat. Atque huiusce rei iudicium iam continuo video futurum. si enim mihi hodie respondere ad hæc, quæ dico, potueris: si ab isto libro quem tibi magister ludi nescio quis ex alienis orationibus compositum dedit, verbo vno discesseris: posse te, & illi quoque iudicio non deesse, & causæ, atque officio tuo satisfacere arbitrabor: sin mecum in hac prolusione nihil fueris, quem te in ipsa pugna cum acerrimo aduersario fore putemus? Esto: ipse nihil est, nihil potest: at venit paratus cum subscriptoribus exercitatis, & disertis. est tamen hoc aliquid: tametsi non est satis. * omnibus enim rebus is qui princeps in agendo est, ornatissimus, & paratissimus esse debet. Verum amen L. Apuleium esse video proximum subscriptorem, hominem non ætate, sed vfu forensi, atq; exercitatione tironem. Deinde, vt opinor, habet Allienum: hunc tamen a subfellijs. qui quid in dicendo posset, numquam satis attendi. in clamando quidem video eum esse bene robustum, atq; exercitatum. in hoc spes tuæ sunt omnes: hic, si tu eris actor constitutus, totum iudicium sustinebit. * Ac ne is quidem tantum contendet in dicendo, quantum potest: sed consulat laudi & exsimationi tuæ & ex eo, quod ipse potest in dicendo, aliquantum remitteret, vt tu * tandem aliquid esse videre. Vt in actoribus Græcis fieri videmus, sæpe illum qui est secundarum, aut tertiarum partium, cum possit aliquanto clarius dicere, quam ipse primarum, multum summittere, vt ille princeps quam maxime excellat: sic faciet Allienus: tibi seruiet, tibi lenocinabitur,

bitur, minus aliquanto contendet, quam potest. Iam hoc considerate, cuiusmodi accusatores in tanto iudicio simus habituri: cum & ipse Allienus ex ea facultate, si quam habet, aliquantum detractus sit, & Cæcilius tum denique se aliquid futurum putet, si Allienus minus vehemens fuerit, & sibi primas in dicendo partes concesserit. Quartum quem sit habiturus non video, nisi quem forte ex illo grege oratorum, qui subscriptionem, sibi postularunt, cuicumque vos delationem dedissetis. ex quibus alienissimis hominibus, ita paratus venis, ut tibi hospes aliquis sit recipiendus. Quibus ego non sum tantum honorem habiturus, ut ad ea quæ dixerint, certo loco, aut singulatim unicuique respondeam. sic breuiter, quoniam non consulto, sed casu in eorum mentionem incidi, quasi præteriens satisfaciam vniuersis. Tantane vobis inopia videor esse amicorum, ut mihi non ex his, quos mecum adduxerim, sed de populo subscriptor addatur? vobis autem tanta inopia reorum est, ut mihi causam præripere conemini potius, quam aliquos a columna Menia vestri ordinis reos reperiatis? Custodem, inquit Tullio, me apponite. Quid? mihi quam multis custodibus opus erit, si te semel ad meas capsas admifero? qui non solum ne quid enunties, sed etiam ne quid auferas, custodiendus sis. Sed de isto custode toto sic vobis breuissime respondebo, non esse hos tales viros commissuros, ut ad causam tantam a me susceptam, mihi creditam, quisquam subscriptor, me inuito, aspirare possit. Etenim fides mea custodem repudiat, diligentia speculatorem reformidat. Verum, ut ad te, Cæcili, redeam, quam multa te deficiant vides: quam multa sint in te, quæ reus nocens in accusatore suo cupiat esse, profecto iam intelligis. Quid ad hæc dici potest? non enim quæro quid tu dicturus sis. video mihi non te, sed hunc librum esse responsurum, quem monitor tuus hic tenet: qui

si te recte monere volet, suadebit tibi, vt hinc discedas, neq; mihi verbum vllum respōdeas. quid enim dices? an id quod dic̃itas, iniuriam tibi fecisse Verrem? arbitror. neq; enim esset verisimile, cum omnibus Siculis faceret iniurias, te illi vnum eximium, cui consuleret fuisse. Sed ceteri Siculi vltorem suarum iniuriarum inuenerunt: tu, dū tuas iniurias per te, id quod nō potes, persequi conaris, id agis, vt ceterorum quoq; iniuriæ sint impunitæ, atq; inultæ: & hoc te præterit, non id solum spectari solere, qui debeat, sed etiam illud, qui possit vlcisci, in quo vtrumq; sit, eum superiorem esse: in quo alterum, in eo non quid is velit, sed quid facere possit, quæri solere. Quod si ei potissimum censes permitti oportere accusandi potestatem, cui maximam C. Verres iniuriam fecerit: vtrum tandem censes hos iudices grauius terre oportere, te ab illo esse læsum, an prouinciam Siciliam esse vexatam, ac perditam? Opinor concedes, multo hoc & esse grauius, & ab omnibus ferri grauius oportere. Concede igitur, vt tibi anteponatur in accusando prouincia. nam prouincia accusat, cum is agit causam, quem sibi illa defensore sui iuris, vltorem iniuriarum, actorem totius causæ adoptauit. At eam tibi C. Verres fecit iniuriam, quæ ceterorum quoque animos possiet alieno incommodo commouere. minime. nam id quoq; ad rem pertinere arbitror, qualis iniuria dicatur, quæ causâ inimicitiarum proferatur. Cognoscite ex me. nam iste eam profecto, nisi plane nihil sapit, numquam proferet. Agonis est quædam Lilybæatana, liberta Veneris Erycinæ, quæ mulier ante hunc quæstorem copiosa plane & locuples fuit. Ab hac præfectus Antonij quidam symphonicos seruos abducebat per iniuriam, quibus se in classe vti velle dicebat. Tum illa, vt mos in Sicilia est omnium Veneriorum, & eorum qui a Venere se liberauerunt, vt præfesto illi religionem Veneris, nomenque obijceret,

ijceret, dixit & se, & omnia sua Veneris esse. * V-
bi hoc quæstori Cæcilio viro optimo, & homini æ-
quissimo nuntiatum est: vocari ad se Agonidem iu-
bet: iudicium dat statim, si pateret eam se, & sua
Veneris esse dixisse. iudicāt recuperatores id, quod
necesse erat. neque enim erat cuiquam dubium,
quin illa dixisset. iste in possessionem bonorum
mulieris mittit: ipsam Veneri in seruitutem adiudi-
cat: deinde bona vendit: pecuniam redigit. Ita
dum pauca mancipia Veneris nomine Agonis, ac
religione retinere vult, fortunas omnes, liberta-
temque suam istius iniuria perdidit. Lilybæum Ver-
res venit postea: rem cognoscit: factum improbat:
cogit quæstorem suum pecuniam, quam ex Ago-
nidis bonis redegisset, eam mulieri omnem adnu-
merare, & reddere. Est adhuc, id quod vos omnes
admirari video, non Verres, sed Q. Mucius. quid e-
nim facere potuit elegantius ad hominum existi-
mationem? æquius ad leuandam mulieris calami-
tatem? vehementius ad quæstoris libidinem coer-
cendam? Summe hæc omnia mihi videntur esse
laudanda. Sed repente e vestigio ex homine, tam-
quam aliquo Circæo poculo, tactus est Verres: re-
dit ad se, atque ad mores suos. nam ex illa pecunia
magnam partem ad se auertit: mulieri reddidit
quantulum visum est. Hic tu, si læsum te a Verre es-
se dicēs, patiar, & concedam: si iniuriam tibi factam
quereris: defendam, & negabo. Deinde de iniuria,
quæ tibi facta sit neminem nostrum grauiorem vin-
dicem esse oportet, quam te ipsum, cui facta di-
citur. Si tu cum illo postea in gratiam redisti, si
domi illius aliquoties fuisti, si ille apud te postea
cenauit, vtrum te perfidiosum, an præuaticatorem
existimari mauis? video esse necesse alterutrum.
Sed ego tecum in eo non pugnabo, quo minus v-
trum velis eligas. Quid si ne iniuriæ quidem, quæ
tibi ab illo facta sit, causa remanet? quid habes,

quod possis dicere, quamobrem non modo mihi, sed cuiquam anteponare? nisi forte illud, quod dicturum te esse audio, quaestorem illius fuisse. quæ causa grauis esset, si certares mecum. vter nostrum illi amicior esse deberet. in contentione suscipiendarum inimicitiarum ridiculum est putare causam necessitudinis ad inferendum periculum iustam videri oportere. Etenim si plurimas a tuo prætore iniurias accepisses, tamen eas ferendo maiorem laudem, quam vlciscendo mererere. Cum vero nullum illius in vita rectius factum sit, quam id quod tu iniuriam appellas: hi statuent hanc causam, quam ne in alio quidem probarent, in te iustam, ad necessitudinem violandam videri? qui si summam iniuriam ab illo accepisti, tamen quoniam quaestor eius fuisti, non potes eum sine vlla vituperatione accusare. si vero nulla tibi facta est iniuria, sine scelere eum accusare non potes. Quare cum incertum sit de iniuria, quemquam esse horum putas, qui non malit te sine vituperatione, quam cum scelere discedere? At vide, quid differat inter meam opinionem ac tuam. tu, cum omnibus rebus inferior sis, hac vna in re te mihi anteferri putas oportere, quod quaestor illius fueris: ego, si superior ceteris rebus esses, te hanc vnam ob causam accusatorem repudiari putarem oportere. sic enim a maioribus nostris accepimus, prætorem quaestori suo parentis loco esse oportere: nullam neque iustiorum, neque grauiorem causam necessitudinis posse reperiri, quam coniunctionem sortis, quam provincie, quam officij, quam * publicam muneris societatem. Quamobrem, si iure eum possis accusare, tamen, cum is tibi parentis numero fuisset, id pie facere non posses, cum vero neque iniuriam acceperis, & prætori tuo periculum crees, fatearis necesse est, te illi iniustum, impiumq; bellum inferre conari. Etenim ista quaestura ad eam rem valet, ut elaborandum tibi

in ratione reddenda sit, quamobrem eum, cui quæstor fueris, accuses: non, ut ob eam ipsam causam postulandum sit, ut tibi potissimum accusatio detur, neque fere unquam venit in contentionem de accusando, qui quæstor fuisset, quin repudiaretur. Itaque neque L. Philoni in C. Seruilium nominis deferendi potestas est data, neque M. Aurelio Scauro in L. Flaccum, neque Cn. Pompeio in T. Albucium: quorum nemo propter indignitatem repudiatu est: sed ne libido violandæ necessitudinis auctoritate iudicium comprobaretur. Atque ille Cn. Pompeius ita cum C. Iulio contendit, ut tu mecum. quæstor enim Albucij fuerat, ut tu Verris. Iulius hoc secum auctoritatis ad accusandum afferebat, quod, ut hoc tempore nos ab Siculis, sic tum ille ab Sardis rogatus ad causam accesserat. Semper hæc causa plurimum valuit: semper hæc ratio accusandi fuit honestissima, pro socijs, pro salute provinciarum, pro exterarum nationum commodis inimicitias suscipere, ad periculum accedere, operam, studium, laborem interponere. Etenim si probabilis est eorum causa, qui iniurias suas persequi volunt, qua in re dolori suo, non reip. commodis seruiunt: quanto illa causa honestior, quæ non solum probabilis videri, sed etiam grata esse debet, nulla priuatim accepta iniuria, sociorum atque amicorum populi Romani dolore, atque iniurijs commoueri? Nuper, cum in P. Gabinium vir fortissimus, & innocentissimus L. Piso, delationem nominis postulareret, & contra Q. Cæcilius peteret, isque se veteres inimicitias iamdiu susceptas persequi diceret: cum auctoritas, & dignitas Pisonis valebat plurimum, tum illa erat causa iustissima, quod cum sibi Achæi patronum adoptarant. Etenim, cum lex ipsa de pecunijs repetundis sociorum, atque amicorum populi Romani causa comparata sit, iniustum est, non cum legis, iudicijque actorem idoneum maxime putari, quem

auctorem causæ suæ socij, defensoremq; fortunarum suarum potissimum esse voluerunt. An quod ad commemorandum est honestius, id ad probandum non multo videri debet æquius? Vtra igitur est splendidiore? vtra illustrior commemoratio? accusaui eum, quicum quæstor fueram, quicum me fors consuetudoque maiorum, quicum me deorum hominumque iudicium coniunxerat, an accusaui rogatu sociorum, atq; amicorum, delectus sum ab vniuersa prouincia, qui eius iura, fortunæque defenderem. Dubitare quisquam potest, quin honestius sit, eorū causā, apud quos quæstor fueris, quam eum, cuius quæstor fueris, accusare? Clarissimi viri nostræ ciuitatis temporibus optimis, hoc sibi amplissimum, pulcherrimumque ducebant, ab hospitibus, clientibusque suis, ab exteris nationibus, quæ in amicitiam populi Romani ditionemque essent, iniurias propulsare, eorumq; fortunas defendere. M. Catonem illum sapientem, clarissimum virum, & prudentissimum, cum multis graues inimicitias gessisse accepimus propter Hispanorum, apud quos consul fuerat iniurias. Nuper Cn. Domitium icimus M.* Syllano diem dixisse propter vnius hominis Egrito-mari paterni amici, atque hospitis iniurias. neque enim magis animos hominum nocentium res vquam vlla commouit, quam hæc maiorum consuetudo longo intervallo repetita, atque relata: sociorum querimoniarum delatarum ad hominem non inertissimum: susceptarum ab eo, qui videbatur eorum fortunas fide, diligentiaque sua posse defendere. Hoc timent homines, hoc laborant, hoc institui, atque adeo institutum referri, ac renouari moleste ferunt, putant fore, ut si paullatim hæc consuetudo serpere, ac prodire cœperit, per homines honestissimos, virosq; fortissimos, non imperitos adolescentulos, aut illiusmodi quadruplatores, leges iudiciaque administrentur. Cuius Consuetudinis, atque instituti patres,

patres maioresque nostros non pœnitebat tum, cum P. Lentulus, is, qui princeps senatus fuit, accusabat M' Aquillium, subscriptore C. Rutilio Ruffo: aut cum P. Africanus homo virtute, fortuna, gloria, rebus gestis amplissimus, postea quam bis consul & censor fuerat, L. Cottam in iudicium vocabat. Iure tum florebat populi Rom. nomen: iure auctoritas huius imperij, ciuitatisq; maiestas gravis habebatur. nemo mirabatur in Africano illo, quod in me nunc homine paruis opibus, ac facultatibus prædito simulant sese mirari, cum moleste ferant: Quid sibi iste vult? accusatoremne se existimari, qui antea defendere consueuerat? nunc præsertim, ea iam ætate, cum ædilitatem petat? Ego vero, & ætatis non modo meæ, sed multo etiam superioris, & honoris amplissimi puto esse, & accusare improbos, & miseros calamitososq; defendere. Et profecto aut hoc remedium est ægrotae, ac prope desperatae reip. iudicijsq; corruptis, ac contaminatis paucorum vitio, ac turpitudine, homines ad legum defensionem, iudiciorumq; auctoritatem quam honestissimos & integerrimos diligentissimosq; accedere, aut, si ne hoc quidē prodesse poterit, profecto nulla vnquam medicina his tot incommodis reperietur. Nulla salus reipub. maior est quam eos, qui alterum accusant, non minus de laude, de honore, de fama sua, quam illos, qui accusantur, de capite ac fortunis suis pertimescere. Itaq; semper ij diligentissime, laboriosissimeq; accusarunt, qui se ipsos in discrimen existimationis venire arbitrati sunt. Quamobrem hoc statuere, iudices debetis, Q. Cæcilium, de quo nulla vnquam opinio fuerit, nullaq; in hoc ipso iudicio expectatio futura sit, qui neq; vt ante collectam famam conseruet, neque vt reliqui temporis spem confirmet, laborat, nō nimis hanc causam seuerere, non nimis accurate, non nimis diligenter aucturum. habet enim nihil, quod in offensione deper-

dat: vt turpissime, flagitiosissimeque discedat, nihil de suis veteribus ornamentis requireret. A nobis multos obsides habet populus Romanus, quos vt incolumēs conseruare, tueri, confirmare, ac recuperare possimus, omni ratione erit dimicandum. habet honorem, quem petimus: habet spem, quam propositam nobis habemus: habet existimationem multo sudore, labore, vigilijsque collectam: vt si in hac causa nostrum officium, ac diligentiam probauerimus, hæc quæ dixi, retinere per populum Romanum incolumia ac salua possimus: si tantulum offensum, titubatūque sit, vt ea quæ singulatim, ac diu collecta sunt, vno tempore vniuersa perdamus. Quapropter iudices vestrum est deligere, quem existimetis facillime posse magnitudinem causæ, ac iudicij sustinere fide, diligentia, consilio, auctoritate. Vos si mihi Q. Cæciliū anteposueritis, ego me dignitate superatum non arbitror: populus Romanus tam honestam, tam seueram, diligentemque accusationem neque vobis placuisse, neque ordini vestro placere arbitretur, prouidete.



ACCUSATIONIS

IN C. VERREM

LIBER II.

ORATIO QVINTA.



QVOD erat optandum maxime, iudices, & quod vnum ad inuidiam vestri ordinis, infamiamque iudiciorum sedandam, maxime pertinebat: id non humano cōsilio, sed prope diuinitus datum,

datum, atq; oblatum vobis summo reipublicæ tempore videtur. inueterauit enim iam opinio pernicioſa reip. vobisq; periculofa, quæ non modo Romæ, ſed & apud exteras nationes omniũ ſermone percrebuit, his iudicijs, quæ nũc ſunt, pecunioſum hominem, quamuis ſit nocens, neminem poſſe damnari. Nũc in ipſo discrimine ordinis, iudiciorumq; veſtrorum, cum ſint parati, qui concionibus & legibus hanc inuidiam ſenatus inflammare conẽtur, reus in iudiciũ adductus eſt C. Verres, homo vita atq; factis, omnium iam opinione damnatus: pecuniæ magnitudine, ſua ſpe, ac prædicatione abſolutus. Huic ego cauſæ iudices, cum ſumma voluntate, & expectatione populi Rom. actor acceſſi, non vt augerem inuidiam ordinis, ſed vt infamiæ communi ſuccurrerem. adduxi enim hominem, in quo reconciliare exiſtimationem iudiciorum amiſſam, redire in gratiam cum populo R. ſatisfacere exteris nationibus poſſetis, depeculatorem ærarij, vexatorem Aſiæ, atq; Pamphyliæ, prædonem iuris vr bani, labem atque perniciem prouinciæ Siciliæ. De quo ſi vos ſeuere, religioſeq; iudicaueritis, auctoritas ea, quæ in vobis remanere debet, hærebit: ſin iſtius ingentes diuitiæ iudiciorum religionem, veritatemq; perfregerint, ego hoc tamẽ aſſequar, vt iudiciũ potius reipublicæ, quam aut reus iudicibus, aut accuſator reo deſuiſſe videatur. Equidẽ, vt de me confitear iudices, cum multæ mihi a C. Verre inſidiæ terra, mariq; factæ ſint, quas partim mea diligentia deuitarim, partim amicorum ſtudio officioq; repulerim, numquã, tamen neq; tãtum periculum mihi adire viſus ſum, neq; tãtopere pertimui, vt nunc in ipſo iudicio. Neq; tantum me exſpectatio accuſationis meæ, concurſuſq; tantæ multitudinis, quibus ego rebus vehementiſſime perturbor, cõmouet: quantum iſtius inſidiæ nefariæ, * quas vno tempore mihi, vobis, M. Glabrijoni prætori, locijs, exteris nationibus, ordinĩ,

nomini denique senatorio facere conatur. quita dictitat, ijs esse metuendum, qui quod ipsis solis factis esset, surripuissent: se tantum rapuisse, ut id multis satis esse possit: nihil esse tam sanctum, quod non violari, nihil tam munitum, quod non expugnari pecunia possit. Quod si quam audax est ad conandum, tam esset obscurus in agendo, fortasse aliqua in re nos aliquando fefellisset. verum hoc adhuc percomode cadit: quod cum incredibili eius audacia singularis stultitia coniuncta est. Nam, ut apertus in corripendis pecunijs fuit, sic in spe corrumpendi iudicij perspicua sua consilia, conatusque omnibus fecit. Semel ait se in vita pertimuisse, tum cum primum reus a me factus est: quod, cum e provincia recens esset, inuidiaque & infamia non recenti, sed vetere ac diuturna flagraret, tum ad iudicium corrumpendum tempus alienum offenderet. Itaque cum ego diem in Siciliam inquirendi perexiguam postulauissem: inuenit iste qui sibi in Achaiam biduo breviorum diem postularet, non * ut idem conficeret diligentia, & industria sua, quod ego meo labore, & vigilijs consecutus sum. Etenim ille Achaius inquit ne Brundisium quidem peruenit: ego Siciliam totam quinquaginta diebus sic obij, ut omnium populorum, priuatorumque literas iniuriasque cognoscerem: ut perspicuum cuius esse possit, hominem ab isto questum esse, non qui reum suum adduceret, sed qui meum tempus obsideret. Nunc homo audacissimus, atque amentissimus hoc cogitat: intelligit me ita paratum, atque instructum in iudicium venire, ut non modo in auribus vestris, sed in oculis omnium sua furta atque flagitia defixurus sim. Videt senatores multos esse testes audacis suae: videt multos equites Romanos, frequentes praeterea ciues, atque socios, quibus ipse insignes iniurias fecerit: videt etiam tot graues ab amicissimis ciuitatibus

tibus legationes cum publicis auctoritatibus, ac testimonijs conuenisse. Quæ cum ita sint, vsque eo de omnibus bonis male existimat, vsque eo senatoria iudicia perdit, profligataque esse arbitratur, vt hoc palam dicat, non sine causa se cupidum pecuniæ fuisse, quoniam tantum in pecunia præsidium experiatur esse: sese (id quod disicillimū fuerit) tempus ipsum emisit iudicij sui, quo cetera facilius emere posset: vt, quoniam criminum vim subterfugere nullo modo poterat, procellam temporis deuitaret. Quod si non modo in causa, verum in aliquo honesto præsidio, aut in alicuius eloquentia, aut gratia spem aliquam collocasset, profecto non hæc omnia colligeret, atque aucuparetur, non vsque eo despiceret, contemneretq; ordinem senatorium, vt arbitrato eius deligeretur ex senatu, qui reus fieret, qui, dum hic quæ opus essent, compareret, causam interea ante eum diceret. Quibus ego rebus quid iste speret, & quo animum intendat, facile perspicio: quamobrem vero se confidat aliquid perficere posse, hoc prætor, & hoc consilio, intelligere non possum. vnum illud intelligo, quod * populus Rom. in reiectione iudicij iudicauit, ea spe istum fuisse præditum, vt omnem rationem salutis in pecunia * poneret: hoc erepto præsidio, vt nullam sibi rem adiumento fore arbitraretur. Etenim quod est ingenium tantum? quæ tanta facultas dicendi, & copia: quæ istius vitam, tot vitij flagitijsque conuictam, iam pridem omnium voluntate iudicioque damnatam, aliqua ex parte possit defendere? Cuius vt adolescentiæ maculas ignominiasque præteream, quæstura primus gradus honoris, quid aliud habet in se, nisi Cn. Carbonem spoliatum a quæstore suo pecunia publica? nudatum, & proditum consulem? desertum exercitum? relictam prouinciam? sortis necessitudinem, religionemque violatam? cuius legatio exitum fuit Asiæ

totius, & Pamphyliæ: quibus in prouincijs multas domos, plurimas vrbes, omnia fana depeculatus est: cum in Cn. Dolabellam scelus suum illud pristinum renouauit & instaurauit quæstorium: cum eum, cui legatus, & * pro quæstore fuisset, & in inuidiam suis maleficijs adduxit, & in ipsis periculis non solum deseruit, sed etiam oppugnauit, ac prodidit. cuius prætura virbana ædium sacrarum fuit publicorumq; operum * depopulatio: simul in iure dicēdo bonorum possessionumq; contra omnium instituta additio, & condonatio. Iam vero omnium vitiorum suorum plurima, & maxima constituit monumenta & indicia in prouincia Sicilia: quam iste per triennium * ita vexauit, ac perdidit, vt ea restitui in antiquum statum nullo modo possit: vix autem per multos annos, innocentisque prætores aliqua ex parte recreari aliquando posse videatur. Hoc prætore, Siculi neque suas leges, neque nostra senatusconsulta, neque communia iura tenuerunt: tantum quisque habet in Sicilia, quantum hominis avarissimi, & libidinosisissimi aut imprudentiam subterfugit, aut satietati superfuit. Nulla res per triennium, nisi ad nutum istius iudicata est: nulla res tam patria cuiusquam, atque auita fuit, quæ non ab eo, imperio istius abiudicaretur. Innumerabiles pecuniæ ex aratorum bonis nouo nefarioque instituto coactæ: socij fidelissimi in hostium numero existimati: ciues Romani cerulem in modum cruciati, & necati: homines nocentissimi propter pecuniam iudicio liberati, honestissimi atque integerrimi absentes rei facti, indicta causa damnati & eiectionis portus munitissimi, maximæ tutissimæque vrbes piratis prædonibusque patefactæ: nautæ, militesque Siculorum, socij nostri atque amici fame necati: classes optimæ, atque opportunissimæ cum magna ignominia populi Rom. amissæ, & perditæ. Idem iste prætor monumenta antiquissima partim regum locu-

Iocupletissimorum, quæ illi ornamento urbibus esse voluerunt: partim etiam nostrorum imperatorum, quæ victores ciuitatibus Siculis aut dederunt, aut tradiderunt, spoliauit, nudauitque omnia. Neque hoc solum in statuis publicis, ornamentisque fecit: sed etiam delubra omnia sanctissimis religionibus consecrata depeculatus est: deum denique nullum Siculis, qui ei paullo magis affabre, atque antiquo artificio factus videretur, reliquit. In stupris vero & flagitijs nefarias eius libidines commemorare, pudore deterreor: simul illorum calamitatem commemorando augere nolo, quibus liberos, coniugesque suas integras ab istius petulantia conseruare non licitum est. At enim hæc ita commissa sunt ab isto, vt non cognita sint ab omnibus. Hominem esse arbitror neminem, qui nomen istius audierit, quin facta quoque eius nefaria commemorare possit: vt mihi magis timendum sit, ne multa crimina prætermittere, quam nequa in istum fingere existimer, neque enim mihi videtur hæc multitudo, quæ ad audiendum conuenit, cognoscere ex me causam voluisse, sed ea quæ scit, mecum recognoscere. Quæ cum ita sint, iste homo amens, ac perditus alia mecum ratione pugnat, non id agit, vt alicuius eloquentiam mihi opponat: non gratia, non auctoritate cuiusquam, non potentia nititur: simulat his se rebus confidere. sed video quid agat (neque enim agit occultissime) proponit inania mihi nobilitatis, hoc est hominum arrogantium nomina: qui non tam me impediunt quod nobiles sunt, quam adiuvant, quod noti sunt: simulat se eorum præsidio confidere, cum interea aliud quiddam iamdiu machinetur. Quam spem nunc habeat in manibus, & quid molietur, breuiter iam, * iudices, exponam. sed prius vt ab initio res ab eo constituta sit, quæso cognoscite. Vt primum e provincia redijt, redemptio est huius iudicij facta grandi pecunia, mansit in cō-

ditione, atq; pacto vsq; ad eum finem, dum iudices reiecti sunt. posteaquam reiectio iudicum facta est, quod & in sortitione istius spem fortuna populi * Romani, & in reiiciendis iudicibus mea diligentia istorum impudentiam vicerat, renunciata est tota * conditio. Præclare se res habebat: libelli nominum vestrorum, consilijque huius in manibus erant omnium. nulla nota, nullus color, nullæ sordes videbantur his sententijs allini posse: cum iste repente ex alacri atq; læto, sic erat humilis, atq; demissus, ut non modo populo Romano, sed etiam sibi ipse condemnatus videretur. Ecce autem repente, his diebus paucis, comitijs consularibus factis, eadem illa vetera consilia pecunia maiore repetuntur, eademque vestræ famæ, fortunisque omnium insidiæ per eosdem homines comparantur. Quæ res primo iudices pertenui nobis argumento iudicioque patefacta est: post aperto suspicionis introitu ad omnia intima istorum consilia sine ullo errore peruenimus. Nam ut Hortensius eos. designatus domum reducebatur e campo cum maxima frequentia a multitudine: fit obuiam casu ei multitudini C. Curio: quem ego hominem honoris potius, quam cõtumeliæ causâ nominatum volo. Etenim ea dicam, quæ ille si commemorari noluisset, non tanto in conuentu, tam aperte, palamque dixisset, quæ tamen a me pedetentim, cauteque dicentur: ut & amicitia nostræ, & dignitatis illius habita ratio esse intelligatur. Videt ad ipsum fornicem Fabianum in turba Verrem, appellat hominem, & ei voce maxima victoriam gratulatur: ipsi Hortensio, qui consul erat factus, propinquis necessariisque eius, qui tum aderant, verbum nullum facit: cum hoc consistit, hunc amplexatur, hunc iubet sine cura esse. Renuntio, inquit, tibi, te hodiernis comitijs esse absolutum. Quod cum tam multi homines honestissimi audissent, statim ad me deferunt: immo vero,

vero, ut quisque me viderat, narrabat, alijs illud indignum, alijs ridiculum videbatur: ridiculum ijs, qui istius causam in testium fide, in criminum ratione, in iudicij potestate, non in comitijs consularibus positam arbitrabantur. indignum ijs, qui altius perspiciebant, & hanc gratulationem ad iudicium corrumpendum spectare arbitrabantur. Etenim sic ratiocinabantur, sic honestissimi homines inter se, & mecum loquebantur, aperte iam, & perspicue nulla esse iudicia. qui reus pridie iam ipse se condemnatum putabat, is, posteaquam defensor eius consul est factus, absolvitur. Quid igitur? quod tota Sicilia, quod omnes Siculi, omnes negotiatores, omnes publicæ, priuatæque literæ Romæ sunt, nihilne id valebit? nihil, inuito c o s. designato? Quid iudices? non crimina, non testes, non æstimationem populi Romani sequentur? non. omnia in vnius potestate, ac moderatione vertentur. Vere loquar, iudices: vehementer me hæc res commovebat, optimus enim quisque ita loquebatur. Iste quidem tibi eripietur, sed nos non timebimus iudicia diutius. etenim quis poterit Verre absoluto, de transferendis iudicijs recusare? Erat omnibus molestum: neque eos tam istius * perditæ subita lætitia, quam hominis amplissimi noua gratulatio commovebat. Cupiebam dissimulare, me id moleste ferre: cupiebam animi dolorem vultu tegere, & taciturnitate celare. ecce autem illis ipsis diebus, cum prætores designati sortirentur, & M. Metello obtigisset, ut is de pecunijs repetundis quaereret, nuntiatur mihi, tantam isti gratulationem esse factam, ut is quoque domum * pueros mitteret, qui uxori suæ nuntiarent. Sane, ne hæc quidem res mihi placebat: neque tantopere quid in hac sorte metuendum mihi esset, intelligebam. vnum illud ex hominibus certis, ex quibus omnia comperi, reperiēbam: fiscos complures cum pecunia Siciliensium

quodam senatore ad equitem Romanum esse translatos : ex his quasi x. fiscos ad senatorem illum relictos esse comitiorum meorum nomine : diuiores omnium tribuum noctu ad istum vocatos . Ex quibus quidam qui se omnia mea causâ facere debere arbitrabatur, eadem illa nocte ad me venit: demonstrat qua iste oratione usus esset: commemorasse istum quam liberaliter eos tractasset * etiam antea, cum ipse praturam petisset, & proximis consularibus, pratorijsq; comitijs: * deinde esse pollicitum, quantum * vellent pecuniâ, si me ædilitate deiecissent, hoc alios negasse audere, alios respondisse, non putare id perfici * posse: inuentum tamen esse fortem amicum ex eadem familia Q. Verrem Romilia, ex optima diuisorum disciplina, patris istius discipulum atque amicum: qui h. s. quingentis milibus depositis, id se perfecturum polliceretur: & fuisse * tamen nonnullos, qui se vna facturos esse dicerent. quæ cum ita essent, sane beneuolo animo me, vt magnopere cauere, præmonebat. Solicitabar rebus maximis vno, atque eo perexiguo tempore: urgebant comitia: & his ipsis oppugnabar grandi pecunia. instabat iudicium, ei quoque negotio fisci Sicilienses minabantur. agere quæ ad iudicium pertinebant libere, comitiorum metu deterrebar: petitioni toto animo seruire propter iudicium non licebat: minari denique diuisoribus ratio non erat, propterea quod eos intelligere videbam, me hoc iudicio districtum, atque obligatum futurum. Atque hoc ipso tempore Siculis denuntiarum esse audio, primum ab Hortensio, domum ad illum vt venirent: Siculos sane in eo liberos fuisse, qui, quamobrem * accerferentur, cum intelligerent, non * venissent. Interea comitia nostra, quorum iste se, vt ceterorum hoc anno comitiorum, dominum esse arbitrabatur, haberi cœpta sunt. curare iste homo potens, cum filio blando, & gratioso circum

circum tribus : paternos amicos, hoc est, diuifores, appellare omnes, & conuenire. Quod cum esset intellectum, & animaduersum, fecit animo libentissimo populus Romanus ut cuius diuitiæ me de fide deducere non potuissent, ne eiusdem pecunijs de honore deicerer. Postea quam illa petitionis magna cura liberatus sum, animo cepti multo magis vacuo, ac soluto, nihil aliud, nisi de iudicio, agere, & cogitare. Reperio, iudices, hæc ab istis consilia inita, & constituta, ut quacumque opus esset ratione, res ita duceretur, ut apud M. Metellum prætoris causa diceretur : in eo esse hæc commoda primum M. Metellum amicissimum, deinde Hortensium cos. non solum, sed etiam Q. Metellum : qui quam isti sit amicus attendite. dedit enim prærogatiuam suæ voluntatis eiusmodi, ut isti pro prærogatiuis * iam reddidisse videatur. An me taciturnum tantis de rebus existimauistis ? & in tanto rei publicæ existimationisque meæ periculo cuiquam consulturum potius, quam officio, & dignitati meæ ? * Accersit alter cos. designatus Siculos : veniunt nonnulli, propterea quod L. Metellus esset prætor in Sicilia: cum ijs ita loquitur, se consulem esse; fratrem suum alterum Siciliam prouinciā obtinere, alterum esse quaesiturum de pecuniis repetundis: Verri ne noceri possit multis rationibus esse prouisum. Quid est quaeso, Metelle, iudicium corrumpere, si hoc non est ? testes, præsertim Siculos, timidos homines, & afflictos, non solum auctoritate detertere, sed etiam consulari metu, & duorum prætorum potestate ? Quid faceres pro homine innocente, & propinquo, cum propter hominem perditissimum, atque alienissimum de officio, ac dignitate decedis, & committis, ut quod ille dicitat, alicui qui te ignorat, verum esse videatur ? Nam hoc Verrem dicere aiebant, te non fateri, ut ceteros ex vestra familia, sed opera sua consulem factum. Duo

igitur consules, & quæstitor erunt ex illius voluntate. Non solum effugiemus, inquit, hominem in quaerendo nimium diligentem, nimium seuiuentem populi existimationi, M. Glabrimonem: sed accedet nobis etiam illud: iudex est M. Cæsonius collega nostri accusatoris, homo in rebus iudicandis spectatus, & cognitus: quem minime expediat esse in eo consilio, quod conemur aliqua ratione corrumpere: propterea quod iam antea, cum iudex in Iuniano cōsilio fuisset, turpissimum illud facinus non solum grauiter tulit, sed etiam in medium protulit. hunc iudicem ex Kalend. Ian. non habebimus. Q. Manlium, & Q. Cornificium duos seuerissimos, atque integerrimos iudices, quod tribuni plebis tum erunt, iudices non habebimus. P. Sulpicius iudex tristis, & integer magistratum ineat necesse est Nonis Decembr. M. Crepereius ex acerrima illa equestri familia & disciplina: L. Cassius ex familia tum ad ceteras res, tum ad iudicandum seuerissima: Cn. Tremellius, homo summa religione, & diligentia: tres hi homines veteres tribuni militares sunt designati: ex Kal. Ian. non iudicabunt. Subfortiemur etiam in M. Metelli locum: quoniam is huic ipsi quæstioni præfuturus est. Ita secundum Kalend. Ian. & prætore, & prope toto consilio commutato, magnas accusatoris minas, magnamque iudicij expectationem ad nostrum arbitrium, libidinemque eludemus. Nonæ sunt hodie Sextiles: hora nona conuenire cœpistis. hunc diem iam ne numerant quidem. Decem dies sunt ante ludos votiuos, quos Cn. Pompeius facturus est. hi ludi dies quindecim auferent: deinde continuo Romani consequentur. Ita prope XL diebus interpositis, tum denique se ad ea, quæ a nobis dicta erunt, responsuros esse arbitrantur: deinde se auguros & dicendo* & accusando facile ad ludos Victoriæ. cum his plebeios esse coniungos: secundum quos aut nulli, aut pauci dies
ad

ad agendum futuri sunt. ita defessa, ac refrigerata
accusatione, rem integram ad M. Metellum prator-
rem esse venturam. quem ego hominem, si eius fi-
dei diffusus essem, iudicem non retinuissem. Nunc
tamen eo animo sum, vt eo iudice, quam pratore,
hanc rem transigi malim, & iurato suam, quam in-
iurato aliorum tabellas committere. Nunc ego,
iudices, iam vos consulo, quid mihi faciendum pu-
tetis. id enim consilij mihi profecto taciti dabitis,
quod egomet mihi necessario capiendum intelligo.
Sivtar ad dicendum meo legitimo tempore, mei
laboris, industriæ, diligentiaque capiam fructum:
& ex accusatione perficiam, vt nemo vmquam
post hominum memoriam paratior, vigilantior,
compositior ad iudicium venisse videatur, sed in
hac laude industriæ meæ, reus ne elabatur summum
periculum est. Quid est igitur, quod fieri possit?
non obscurum, opinor, neque absconditum fru-
ctum istum laudis, qui ex perpetua oratione per-
cipi potuit, in alia tempora reseruemus. nunc
hominem tabulis, testibus, priuatis publicisque lit-
teris, auctoritatibusque accusemus. Res omnis mihi
tecum erit, Hortensi. dicam aperte. si te mecum
dicendo, ac diluendis criminibus in hac causa
contendere putarem, ego quoque in accusando,
atque in explicandis criminibus operam consu-
merem. nunc quoniam pugnare contra me insti-
tuisti, non tam ex tua natura, quam ex istius
tempore & causa malitiose: necesse est istiusmo-
di rationi aliquo consilio obsistere. Tua ratio est, vt
secundum binos ludos mihi respondere incipias:
mea, vt ante primos ludos comperendinem. ita fiet
vt tua ista ratio existimetur astuta, meum hoc
consilium necessarium. Verum illud, quod institue-
ram dicere, mihi rem tecum esse, huiusmodi est.
Ego cum hanc causam Siculorum rogatu rece-
pisssem, idque mihi amplum, & præclarum existi-

massem, eos velle meæ fidei, diligentiaque periculum facere, qui innocentia, abstinentiaque fecissent: tum, suscepto negotio, maius mihi quiddam proposui, in quo meam in rempub. voluntatem populus Romanus perspicere posset. Nam illud mihi nequaquam dignum industria, conatuque meo videbatur, istum a me in iudicium iam omnium iudicio condemnatum vocari, nisi ista tua intolerabilis potentia, & ea cupiditas, qua per hosce annos, in quibusdam iudicijs usus es, etiam in istius hominis desperati causa interponeretur. Nunc vero quoniam hæc te omnis dominatio regnumque iudiciorum tantopere delectat, & sunt homines, quos libidinis, infamiaeque suæ neque pudeat, neque tædeat, qui quasi de industria in odium, offensionemque populi Romani irruere videantur, hoc me profiteor suscepisse, magnum fortasse onus, & mihi periculosum, verumtamen dignum in quo omnes nervos ætatis, industriaeque meæ contenderem. Quoniam totus ordo paucorum improbitate, & audacia premitur, & vrgetur infamia iudiciorum, profiteor huic generi hominum me* inimicum, accusatorem, odiosum, assiduum, acerbum aduersarium. hoc mihi sumo: hoc mihi depono: quod agam in magistratu, quod agam ex eo loco, ex quo me populus Ro. ex Kal. Ian. secum agere de republica, ac de hominibus improbis voluit. hoc munus ædilitatis meæ populo Rom. amplissimum, pulcherrimumque polliceor. moneo, prædico, ante denuntio: qui aut deponere, aut recipere, aut accipere, aut polliceri, aut sequestres, aut interpretes corumpendi iudicii solent esse, quique ad hanc rem aut potentiam, aut impudentiam suam professi sunt, abstineant in hoc iudicio manus, animosque ab hoc scelere nefario. Erit tum consul Hortensius cum summo imperio, & potestate: ego autem ædilis, hoc est, paullo amplius, quam priuatus. Tamen hæc hu'usmodi

modi res est, quam me acturum esse polliceor, ita populo Rom. grata, atque iucunda, ut ipse consul in hac causa prae me minus etiam, si fieri possit, quam priuatus esse videatur. omnia non modo commemorabuntur, sed etiam, expositis certis rebus, agetur, quae intra decem annos, posteaquam iudicia ad senatum translata sunt, in rebus iudicandis nefarie, flagitioseque facta sunt. Cognoscet ex me populus Rom. quid sit, quamobrem, cum equester ordo iudicaret anno: prope quinquaginta continuos, *nulla, iudice equite Rom. iudicante, ne tenuissima quidem suspicio acceptae pecuniae ob rem iudicandam constituta sit: quid sit, quod iudicij ad senatorium ordinem translatis, sublataque populi Rom. in vnumquemque * nostrum potestate, Q. Calidius damnatus dixerit, minoris h. s. * tricies, praetorium hominem honeste non posse damnari: quid sit, quod P. Septimio senatore damnato, Q. Hortensio praetore, de pecunijs repetundis, lis aestimata sit eo nomine, quod ille ob rem iudicandam pecuniam accepisset: quod in C. Herennio, quod in C. Popillio senatoribus, qui ambo peculatus damnati sunt: quod in M. Attilio, qui de maiestate damnatus est, hoc planum factum est, eos pecuniam ob rem iudicandam accepisse: quod inuenti sunt senatores, qui C. Verre praetore urbano sortiente, exirent in eum reum, quem incognita causa condemnarent: quod inuentus est senator, qui cum iudex esset, in eodem iudicio ab reo pecuniam acciperet, quam iudicibus diuideret, & ab accusatore, ut reum damnet. Iam vero quomodo illam labem, ignominiam, calamitatemque totius ordinis conquerar? hoc factum esse in hac ciuitate, cum senatorius ordo iudicaret, ut discoloribus signis iuratorum hominum sententiae notarentur? haec omnia me diligenter, seuerèque acturum esse polliceor Quo me tandem animo fore putetis, siquid in hoc ipso iudicio intellexero simili

aliqua ratione esse violatum atq; commissum? cum præsertim planum facere multis testibus possim, C. Verrem in Sicilia multis audientibus sæpe dixisse, se habere hominem potentem, cuius fiducia provinciam spoliaret: neq; sibi soli pecuniam quærere, sed ita triennium illud præturæ Siciliensis distributum habere, ut secum præclare agi diceret, si vius anni quæstum in rem suam converteret, alterum patronis & defensoribus suis traderet: tertium illum vberimum, quæstuosissimumq; annum totum iudicibus reseruaret. Ex quo mihi venit in mentem illud dicere, quod apud M. Glabrimonem nuper, cum in reiiciendis iudicibus commemorassem, intellexi vehementer populum Ro. commoueri: me arbitrari fore, ut nationes extræ legatos ad populum Rom. mitterent, ut lex de pecunijs repetundis, iudiciumq; tolleretur. si enim iudicia nulla sint, tantum unumquemq; ablaturum putant, quantum sibi, ac liberis suis satis esse arbitretur. nunc quod eiusmodi iudicia sint, tantum unumquemque auferre, quantum sibi, patronis, aduocatis, prætoribus, iudicibus satis futurum sit, hoc profecto infinitum esse: se auarissimi hominis cupiditati satisfacere posse, nocentissimæ victoriæ non posse. O commemoranda iudicia, præclaramque existimationem nostri ordinis: cum socij populi Rom. iudicia de pecunijs repetundis fieri nolunt, quæ a maioribus nostris sociorum causa comparata sunt. An iste umquam de se bonam spem habuisset, nisi de vobis malam opinionem animo imbibisset? Quo maiore etiam, si fieri potest, apud vos odio esse debet, quam est apud populum Romanum, cum in avaritia, scelere, periurio vos sui similes esse arbitretur. Cui loco per deos immortales iudices, consulite, ac providete. moneo prædicoq; id, quod intelligo, tempus opportunissimum vobis hoc diuinitus datum esse, ut odio, invidia, intamia, rursusque totum ordinem liberetis.

us. nulla in iudicijs seueritas, nulla religio, nulla denique iam existimantur esse iudicia. itaque a populo Rom. contemnimur, despiciimur, graui diuturnaque iam flagramus infamia. neq; enim vllam aliam ob causam populus Rom. tribunitiam potestatem tanto studio requisivit: quam cum poscebat, verbo illam poscere videbatur, re vera iudicia poscebat. Neque hoc Q. Catulum hominem sapientissimum, atque amplissimum fugit, qui Cn. Pompeio viro fortissimo, & clarissimo de tribunitia potestate reserente, cum esset sententiam rogatus, hoc initio est summa cum auctoritate vsus: patres conscriptos iudicia male, & flagitiose tueri: quod si in rebus iudicandis populi Ro. existimationi satisfacere voluissent, non tantopere homines fuisse tribunitiam potestatem desideraturos. Ipse deniq; Cn. Pompeius, cum primum concionem ad urbem consul designatus habuit, vbi (id quod maxime exspectari videbatur) ostendit se tribunitiam potestatem restitutum: factus est in eo strepitus, & grata concionis admurmuratio. Idem in eadem concione cum dixisset, populas vexatasque esse prouincias, iudicia autem turpia, & flagitiosa fieri, ei rei se prouidere ac consulere velle: tum vero non strepitu, sed maximo clamore suam populus Rom. significauit voluntatem. Nunc autem homines in speculis sunt: obseruant quemadmodum se vnusquisque * vestrum gerat in retinenda religione, conseruandisq; legibus: vident adhuc post legem tribunitiam vnum senatorem vel tenuissimum esse damnatum. quod tametsi non reprehendunt, tamē magnopere quod laudent non habent. Nulla est enim laus, ibi esse integrum, vbi nemo est, qui aut possit, aut conetur corrumpere. Hoc est iudicium, in quo vos de reo, populus Rom. de vobis iudicauit: in hoc homine statuatur, possint senatoribus iudicantibus homo nocētissimus, pecuniosissimusq; dānari. Deinde est

huiusmodi reus, in quo homine nihil sit, præter
 summa peccata, maximamque pecuniam: ut si libe-
 ratus sit, nulla alia suspicio, nisi ea quæ turpissima
 est, residere possit, non gratia, non cognatione, non
 alijs recte factis, non denique aliquo mediocri vi-
 tio tot tantaq; eius vitia subleuata esse existima-
 buntur. Postremo ego causam sic agam, iudices: e-
 iusmodi res, ita notas, ita testatas, ita magnas, ita
 manifestas proferam, ut nemo a vobis, ut istum ab-
 soluatis, per gratiam conetur contendere. Habeo
 autem certam viam, atque rationem, qua omnes il-
 lorum conatus inuestigare, & consequi possim. Ita
 res a me agetur, ut in eorum consilijs omnibus non
 modo aures hominū, sed etiam oculi populi Rom.
 interesse videantur. Vos aliquot iam per annos cō-
 ceptam huic ordini turpitudinem, atque infamiam
 delere, ac tollere potestis. Constat inter omnes,
 posthæc cōstituta iudicia, quibus nunc utimur, nul-
 lum hoc splendore, atque hac dignitate consilium
 fuisse. Hic si quid erit offensum, omnes homines nō
 iam ex eodem ordine alios magis idoneos, quod fi-
 eri non potest, sed alium omnino ordinem ad res
 iudicandas querendum arbitrabuntur. Quapropter
 primum ab dijs immortalibus, quod sperare mihi
 videor, hoc idem, iudices, peto, ut in hoc iudicio
 nemo improbus, præter eum, qui iam pridem inuen-
 tus est, reperiatur: deinde, si plures improbi fuerint,
 hoc vobis, hoc populo Rom. iudices, confirmo, vi-
 tam mehercule, mihi prius, quam viam perseveranti-
 amq; ad illorum improbitatem persequendam de-
 futuram. Verum quod ego laboribus, periculis, ini-
 micitijsque meis tum, cum admissum erit, dedecus
 seuerè me persecuturum esse polliceor: id ne acci-
 dat, tu tua sapientia, auctoritate, diligentia M. Gla-
 brio potes providere. suscipe causam iudiciorum:
 suscipe causam seueritatis, integritatis, fidei, religi-
 onis: suscipe causam senatus, ut is hoc iudicio pro-
 batus,

barus, cum populo Romano & in laude & in gratia esse possit. Cogita * quo loco sis: quid dare populo Romano, quid reddere maioribus tuis debeat. fac tibi paternæ legis Aciliæ veniat in mentem, qua lege populus Romanus de pecunijs repetundis, optimis iudicijs, seuerissimisque iudicibus vsus est. Circumstât te summæ auctoritates, quæ te obliuisci laudis domesticæ non sinant: quæ te dies noctesque commoueant, fortissimum tibi patrem, sapientissimum auum, grauissimum socerum fuisse. Quare si Glabronis patris vim & acrimoniam ceperis ad resistendum hominibus audacissimis, si aui Scauulæ prudentiam ad prospiciendas insidias, quæ tuæ, atque horum famæ comparantur, si soceri Scauri constantiam, vt ne quis te de vera & certa possit sententia demouere, intelliget populus Romanus integerrimo atque honestissimo prætor, delectoque consilio, nocenti reo magnitudinem pecuniæ plus habuisse momenti ad suspicionem criminis, quam ad rationem salutis. Mihi certum est non committere, vt in hac causâ prætor nobis, consiliumque mutetur: non patiar rem in id tempus adduci, vt Siculi, quos adhuc serui designatorum consulum non mouerunt, cum eos nouo exemplo vniuersos arceserent, eos tum lictores consulum vocent: vt homines miseri, antea socij atque amici populi Romani, nunc serui ac supplices, non modo ius suum fortunasque omnes eorum imperio amittant, verum etiam deplorandi iuris sui potestatem non habeant. Non sinam profecto causâ a me perorata, XL diebus interpositis, tum nobis denique * respondere, cum accusatio nostra in obliuionem diuturnitate adducta sit: non committam vt tum res iudicetur, cum hæc frequentia totius Italiæ Roma discesserit, quæ conuenit vno tempore vndique comitiorum, ludorum, censendique causâ. huius iudicij, & laudis fructum, & offensionis periculum,

vestrum : laborem , solitudinemque nostram :
scientiam quid agatur, memoriamque quid a quo-
que dictum sit omnium puto esse oportere. Faci-
am hoc non nouum , sed ab iis qui nunc princi-
pes nostræ ciuitatis sunt, ante factum, vt testibus
vtar statim : illud a me nouum, iudices , cognos-
cetis, quod ita testes constituam, vt crimen totum
explicem : vbi id interrogando , argumentis , at-
que oratione firmauero , tum testes ad crimen
accommodem : vt nihil inter illam vtitatam accu-
sationem, atque hanc nouam intersit : nisi quod in
illa tunc , cum omnia dicta sunt, testes dantur :
hic in singulas res dabuntur : vt illis quoque ea-
dem interrogandi facultas, argumentandi, dicen-
dique sit. Si quis erit, qui perpetuam orationem,
accusationemque desideret, altera actione audiet :
* nunc id, quod facimus, ea ratione, vt maliciæ illo-
rum consilio nostro occurramus, necessario fieri in-
telligat. Hæc primæ actionis erit accusatio. Deci-
mus C. Verrem, cum multa libidinose, multa cru-
deliter in cines Rom. atque in socios, multa in de-
os, hominesque nefarie fecerit, tum præterea qua-
dringenties sestertium ex Sicilia contra leges ab-
stulisse. hoc testibus, hoc tabulis, priuatis, publi-
cisque auctoritatibus ita vobis planum fac emus,
vt hoc statuatis, etiam si spatium ad dicendum
nostro commodo, vacuosque dies ha-
buissimus, tamen oratione lon-
ga nihil opus fuisse.

Dixi.



ACCUSATIONIS

IN C. VERREM

LIBER III.

ORATIO VI.



NE MINEM vestrum ignorare arbitror, iudices, huac per hosce dies sermonem vulgi, atq; hanc opinionem populi Rom. fuisse, C. Verrem altera actione responsurum non *fuisse, neq; ad iudicium affuturū. Qua rama non idcirco solum emanarat, quod iste certe statuerat, ac deliberauerat non adesse: verum etiam, quod nemo quemquam tam audacem, tam amentem, tam impudentem fore arbitrabatur, qui tam nefarijs criminibus, tam multis testibus cuius, ora iudicum aspicere, aut os suum populo Ro. ostēdere auderet. Est idem Verres, qui fuit semper, vt ad audendum proiectus, sic paratus ad audiendum. præsto est: respondet: defenditur. ne hoc quidem sibi reliqui fecit, vt tu rebus turpissimis, cum manifesto teneatur, si reticeat, & ablit, tamen impudentiæ suæ pudentem exitum quæsisse videatur. Patior, iudices, & nō moleste fero, me laboris mei, vos virtutis vestræ fructum esse laturos. Nam si iste id fecisset, quod primo statuerat, vt non adesset: minus aliquāto, quam mihi opus esset, cognosceretur, quid ego in hac accusatione cōparanda, cōstituen-
daque elaborassim: vestra vero laus tenuis plane, atque obscura, iudices esset. Neq; enim hoc a vobis populus R. expectat: neq; eo potest esse cōtētus, si

condemnatus sit is, qui adesse noluerit, & si fortes fueritis in eo, quem nemo sit ausus defendere. immo vero adsit, respondeat, summis opibus, summo studio potentissimorum hominum defendatur: certet mea diligentia cum illorum omnium cupiditate: vestra integritas cum istius pecunia: testium constantia cum illius patronorum minis, atque potentia, tum demum illa victa videbuntur, cum in contentionem, certamenque venerint. Absens si iste esset damnatus, non tam ipse sibi consuluisse, quem inuidisse vestræ laudi videretur. Neque enim salus vlla maior reip. hoc tempore reperiri potest quam populum Ro. intelligere, diligenter reiectis ab accusatore iudicibus, focios, leges, remp. senatorio consilio maxime posse defendi: neque tanta fortunis omnium pernicies potest accidere, quam opinione populi Ro. rationem veritatis, integritatis, fidei, religionis ab hoc ordine abiudicari. Itaque mihi videor magnā & maxime ægram, & prope depositam reip. partem suscepisse: neque in eo magis meæ, quam vestræ laudi, existimationique seruisse. Accessi enim ad inuidiam iudiciorum leuandam, vituperationemque tollendam: &, vt cum hæc res pro voluntate populi Ro. esset iudicata, * finis aliquando iudiciariæ controuersię constitueretur: postremo, vt, cum hoc iudicatum esset, aliqua ex parte mea diligentia constituta auctoritas iudiciorum videretur, etenim sine dubio, iudices, in hac causâ ea res in discrimen adducitur. Reus est * enim nocentissimus: qui si condemnatur, desinent homines dicere, his iudicijs pecuniam plurimum posse: sin absoluitur, desinemus nos de iudicijs transferendis recusare. tamen si de absolutione istius neque ipse iam sperat, nec populus Rom. metuit. De impudentia singulari, quod adest, quod respondet, sunt qui mirentur. mihi pro cetera eius audacia, atque

atque amentia, ne hoc quidem mirandum videtur. multa enim & in deos, & in homines impie, nefarieque commisit: quorum scelerum pœnis agitur, & a mente, consilioque deducitur. Agunt eum præcipitem pœnæ civium Romanorum, quos partim securi percussit, partim in vinculis necavit, partim implorantes iura libertatis, & civitatis in crucem sustulit. Rapiunt eum ad supplicium dii patrij: quod iste vnus* inuentus est, qui e complexu parentum abreptos filios ad necem duceret: & parentes pretium pro sepultura liberum posceret. Religionem vero, cæremoniæque omnium sacrorum, sanorumque violatæ, simulacraque deorum, quæ non modo ex suis templis ablata sunt, sed etiam iacent in tenebris ab isto retrusa atque abdita, consistere eius animum sine furore, atque amentia non sinunt. Neque iste mihi videtur se ad damnationem offerre solum, neque hoc auaritiæ supplicio communi, qui tot sceleribus se obstrinxerit, contentus esse. singularem quandam pœnam istius immanis, atque importuna natura desiderat. non id solum quæritur, vt isto damnato, bona restituantur ijs, quibus erepta sunt, sed & religiones deorum immortalium expiandæ, & civium Romanorum cruciatus, multorumque innocentium sanguis, istius supplicio luendus est. Non enim furem, sed ereptorem: non adulterum, sed expugnatorem pudicitæ: non sacrilegum, sed hostem sacrorum, religionumque: nō sicarium, sed crudelissimum carnificem civium, sociorumque; in vestrum iudicium adduximus: vt ego hunc vnum eiusmodi reum, post hominum memoriam fuisse arbitrer, cui damnari expediret. Nam quis hoc non intelligit, istum absolutum dijs, hominibusque inuitis, tamen ex manibus populi Romani cripi nullo modo posse? quis hoc non perspicit, præclare nobiscum actum iri, si populus Ro. istius vnus supplicio contentus erit? ac non sic statuerit, non istum

maius in sese scelus concepisse, cum sana spoliari, cum tot homines innocentes necarit, cū ciues Ro. morte, cruciatu, cruce affecerit, cum prædonum duces, accepta pecunia dimiserit: quam eos, si * qui isti tot, tantis, tam nefarijs sceleribus coopertum iurati, sententia sua liberarent? Non est, non est in hoc homine cuiquam peccandi locus, iudices: non is est reus, non id tempus, non id consilium (metuo nequid arrogantius apud tales viros videar dicere) ne actor quidem est is, cui reus tam nocens, tam perditus, tam victus, aut occulte furripi, aut impune eripi possit. His ego iudicibus non probabo C. Verrem contra leges pecunias cepisse? Iustinebunt tales viri se tot senatoribus, tot equitibus Rom. tot ciuitatibus, tot hominibus honestissimis ex tam illustri prouincia, tot populorum, priuatorumque litteris non credidisse? tantæ populi Rom. voluntati restitisse? Iustineant. reperiemus, si istum vnum ad aliud iudicium perducere * potuerimus, quibus probemus istum in quæstura pecuniam publicam Cn. Carboni consuli datam auertisse: quibus persuadeamus istum alieno nomine a quæstoribus vrbanis (quod priore actione didicistis) pecuniam, abstulisse. erunt qui in eo quoque audaciam eius reprehendant, quod aliquot nominibus de capite, quantum commodum fuerit, frumenti decumani detraxerit, erunt etiam fortasse, iudices, qui illum eius peculatum vel acerrime vindicandum putent, quod iste M. Marcelli, & P. Africani monumenta, quæ nomine illorum, re vera populi Ro. & erant, & habebantur, ex fanis religiosissimis, ex vrbibus sociorum atque amicorum non dubitauerit auferre. Emerferit ex peculatus etiam iudicio. meditetur de ducibus hostiū, quos accepta pecunia liberauit. videat quid de illis respondeat, quos in eorum locum subditos domi suæ reseruauit. querat non solum quemadmodum nostro crimini, verum etiam quo pacto se
con-

confessione possit mederi. meminerit se priore actione clamore populi Rom. infesto, atque inimico excitatum, confessum esse, duces a se prædonum securi non esse percussos: se iam tum esse veritum, ne sibi crimini daretur, eos ab se pecunia liberatos. fateatur id, quod negari non potest, se priuatum hominem prædonum duces viuos, atque incolames domi suæ, posteaquã Romam redierit, vsque dum per me licuerit, tenuisse. hoc in illo maiestatis iudicio si licuisse sibi ostenderit, ego oportuisse cõcedam. Ex hoc quoque euaserit. proficiſcar eo, quo me iam pridem vocat populus Ro. De iure enim libertatis, & ciuitatis suum putat esse iudicium, & recte putat. Confringat iste sane vi sua consilia senatoria, quæstiones omnium perrumpat, euolet ex vestra seueritate: mihi credite, arẽ ioribus apud populum Ro. laqueis tenebitur. credet ijs equitibus Rom. populus Rom. qui ad vos antea producti testes, ipsis inspectantibus ab isto ciuem Romanum, qui cognitores homines honestos daret, sublatam esse in crucem dixerunt. credent omnes V. & XXX. tribus homini grauissimo, atque ornatissimo M. Annio, qui se præſente ciuem Rom. securi percussum esse dixit. audietur a populo Romano vir primarius eques Rom. L. Flavius, qui suum familiarem, Herennium negotiatorem ex Africa, cum cum Syracusis amplius centum ciues Rom. cognoscerent, lacrymantisque defenderent, pro testimonio dixit securi esse percussam. probabit fidem, & auctoritatem, & religionem suam L. Suetius, homo omnibus ornamentis præditus, qui iuratus apud vos dixit, multos ciues Romanos in latomijs istius imperio crudelissime per vim morte esse multatos. Hanc ego causam cum agam beneficio populi Romani de loco superiore, non vereor ne aut istum vis vlla ex populi Romani suffragiis eripere, aut a me vllum inuolatus ædilitatis amplius aut gratius populo Ro-

mano esse possit. Quapropter omnes in hoc iudicio conentur omnia: nihil est iam, quod in hac causa peccare, iudices, quisquā, nisi vestro periculo, possit. Mea quidem ratio cum in præteritis est rebus cognita, tum in reliquis explorata atque prouisa est. Ego meum studium in rempublicam iam illo tempore ostendi, cum longo interuallo veterem consuetudinem retuli, & rogatu sociorum, atque amicorum populi Romani, meorum autem necessariorum, nomen hominis audacissimi detuli. Quod meum factum lectissimi viri, atque ornatissimi (quo in numero e vobis complures fuere) ita probarunt, ut ei, qui istius quæstor fuisset, & ab isto læsus inimicitias iustas persequeretur, non modo deferendi nominis, sed ne subscribendi quidem, cum id postularet, facerent potestatem. In Siciliam sum inquirendi causa profectus: quo in negotio industriam meam celeritas reditionis, diligentiam multitudo litterarum & testium declarauit: pudorem vero ac religionem, quod cum venissem senator ad socios populi Rom. qui in ea prouincia quæstor fuissem, ad hospites meos ac necessarios causæ communis defensor diuertere potius, quā ad eos, qui a me auxilium petiuissent. Nemini meus aduentus labori, aut sumptui neque publice neque priuatim fuit. Vim in inquirendo tantam habui, quantam mihi lex dabat, non quantam habere poteram istorum studio, quos iste vexarat. Romam ut ex Sicilia redij, cum iste, atque istius amici homines lauti, & urbani sermones huiusmodi dissipassent, quo animos testium retardarent, me magna pecunia a vera accusatione esse deductum: tamen probabatur nemini, quod & ex Sicilia testes erant ij, qui quæstorem me in prouincia cognouerant, & hinc homines maxime illustres, qui ut ipsi noti sunt, sic nostrum ut unquamque optime norant: tamen usque eo timui, ne quis de mea fide, atque integritate dubitaret, donec ad reijci-

reijciendos iudices venimus. Sciebam in reijciendis iudicibus nonnullos memoria nostra, pactionis suspicionem non vitasse, cum in ipsa accusatione eorum industria, ac diligentia probaretur. Ita reieci, iudices, vt hoc constet, post hunc statum reip. quo nunc vtimur, simili splendore & dignitate consilium nullum fuisse quam iste laudem communem ait sibi esse mecum: qui cum P. Galbam iudicem reiecisset, M. Lucretium retinuit: & cum eius patronus ex eo quæreret, cur suos familiarissimos Sex. Peduceum, Q. Confidium, Q. Iunium reijci passus esset, respondit, quod eos in iudicando nimium sui iuris, sententiaque cognosceret. Itaque iudicibus reiectis, sperabam iam onus meum vobiscum esse commune: putabam non solum notis, sed etiam ignotis probatam meam fidem esse & diligentiam, quod me non fefellit. Nam comitijs meis, cum iste infinita largitione contra me vteretur, populus Ro. iudicauit istius pecuniam, quæ apud me contra fidem meam nihil potuisset, apud se contra honorem meum nihil posse debere. Quo quidem die primum, iudices, citati in hunc reum consedistis, quis tam inimicus huic ordini fuit, quis tam nouarum rerum, iudiciorum iudicumq; cupidus, qui non conspectu, confes-
suq; vestro commoueretur? Cum in eo vestra mihi dignitas fructum diligentia referret; id sum affecutus, vt vna hora, qua cœpi dicere, reo audaci, pecunioso, profuso, perduto, spem iudicij corrumpendi præciderem: vt primo die testium tanto numero citato populo Ro. iudicaret, ipso absoluto temp. stare non posse: vt alter dies amicis istius & defensoribus non modo spem victoria, sed etiam voluntatem defensionis auferret: vt tertius dies sic hominem prosterneret, vt morbo simulato, non quid responderet, sed quemadmodum non responderet, deliberaret deinde reliquis diebus, his criminibus, his testibus, & urbanis & prouincialibus sic obutus, atq;

oppressus est, vt his ludorum diebus interpositis, nemo istum cōperendinatū, sed condemnatum iudicaret. Quapropter ego, quod ad me attinet, iudices, vici. Non enim spolia C. Verris, sed existimationem populi Romani concupiui. Meum fuit cum causā accedere ad accusandum. quæ causā fuit iustior, quam a tam illustri prouincia defensorem cōstitui, & deligi? Reipublicæ consulere? quid iam reipub. honestius, quam in tanta inuidia iudiciorum adducere hominem, cuius damnatione totus ordo cum populo Romano & in laude & in gratia possit esse? ostendere ac persuadere hominem nocentem adductum esse: quis est in populo Rom. qui hoc nō ex priore actione abstulerit, omnium ante damnatorū scelera, furta, flagitia, si in vnum locum conferantur, vix cum huius parua parte æquari, conferrique posse? Vos, quod ad vestram famam, existimationem, salutemque communem pertinet, iudices, prospicite, atq; consulite. splendor vester facit, vt peccare sine summo reipub. detrimento, ac periculo nō possitis. Nō enim potest sperare populus Ro. esse alios in senatu, qui recte possint iudicare, vos si nō potueritis. necesse est, cū de toto ordine desperarit, aliud genus hominum, atq; aliam rationem iudiciorum requirat. Hoc si vobis ideo leuius videtur, quod putatis onus esse graue, & incommodum, iudicare: intelligere debetis primum interesse, vtrum id onus vosmetipsi reieceritis: an quod probare populo Ro. fidem vestram & religionem non potueritis, eo vobis iudicandi potestas erepta sit, deinde etiam illud cogitate, quanto periculo venturi simus ad eos iudices, quos propter odium vestri populus Ro. de vobis voluerit iudicare. Verum vobis dicam id quod intellexi, iudices, homines scitote esse quosdam, quos tantū odiū vestri* ordinis teneat, vt hoc palam iam distitent, se istum quem sciant hominē esse improbissimum, hoc vno nomine absolui velle,

vèlle, vt ab senatu iudicia per ignominiam, turpitudinemq; auferantur. Hæc me, iudices, pluribus verbis vobiscum agere coegit non timor meus de vestra fide, sed spēs illorum noua: quæ cum Verrem a porta subito ad iudicium retraxisset, nonnulli suspicati sunt non sine causâ illius consiliū tam repente esse mutatum. Nunc ne nouo querimoniarū genere vti possit Hortensius, & ea dicere, opprimi reum, de quo nihil dicat accusator: nihil esse tam periculosum fortunis innocentium, quā tacere aduersarios: & ne aliter, quam ego velim, meum laudet ingenium, cum dicat, me si multa dixissem subleuaturum fuisse eum, quem cōtra dicerem, quia non dixerim, perdidisse: morem illi geram: vtar oratione perpetua non quoniam hoc sit necesse, verum vt experiar, vtrum ille ferat molestius me tunc tacuisse, an nunc dicere. Hic tu fortasse eris diligens, ne quam ego horam de meis legitimis horis remittam, nisi omni tempore, quod mihi lege concessum est, abusus ero querere: deum atq; hominum fidem implo-rabis, circumueniri C. Verrem, quod accusator nolit tandiu, quandiu liceat, dicere. Quod mihi lex mea causâ det, eo mihi non vti non licebit? Nam accusandi mihi tempus mea causâ datum est, vt possem oratione mea, crimina, causamq; explicare: hoc si non vtor, nō tibi iniuriā facio, sed de meo iure aliquid, & commodo detraho. Causam enim, inquit, cognosci oportet: ea re quidem, quod aliter condemnari reus, quāuis sit nocens, nō potest. id igitur tu moleste tulisti, a me aliquid factum esse, quo minus iste cōdemnari posset? Nam causâ cognita possunt multi absolui, incognita quidē condemnari nemo potest. adimo enim cōperendinatum, quod habet lex in se molestissimum, bis vt causâ dicatur. quod aut mea causâ potius est cōstitutū, quam tua, aut nihilo tua potius, quā mea. Nam si bis dicere est commodum: certe vtriusq; commune est, si eum qui

posterius dixit, opus est re-largui, accusatoris causa, ut bis ageretur, constitutum est. Verum, ut opinor, Glaucia primus tulit, ut comperendinaretur reus: antea vel iudicari primo poterat, vel amplius pronuntiari. Vtram igitur putas legem molliorem? opinor, illam veterem, qua vel cito absolui, vel tarde condemnari licebat. Ego tibi illam Aciliam legem restituo: qua lege multi semel accusati, semel dicta causa, semel auditis testibus condemnati sunt, nequaquam tam manifestis neque tantis criminibus, quantis tu conuinceris. puta te non hac tam atroci, sed illa lege mitissima causam dicere. accusabo: respondebis. testibus editis, ira mittam in consilium, ut etiam si lex, ampliandi faciat potestatem, tamen isti turpe sibi existiment non primo iudicare. Verum si causam cognosci opus est, parumne cognita est? dissimulamus, Hortensi, quod saepe experti in dicendo sumus, quis nos magnopere attendit vniquam, in hoc quidem genere causarum, ubi aliquid ereprum aut ablatum a quopiam dicitur? nonne aut in tabulis, aut in testibus omnis expectatio iudicum est? Dixi prima actione me planum esse facturum C. Verrem h-s. quadrigenties contra legem abstulisse. Quid? hoc planius egissem, si ita narrassem: Dio quidam fuit Halesinus: qui, cum eius filio, praetore * Sacerdote hereditas a propinquo permagna venisset, nihil * habuit neque negotij neque controuersiae. Verres simulac tetigit prouinciam, statim * Messana litteras dedit. Dionem euocauit: calumniatores ex sinu suo apposuit, qui illam hereditatem Veneri Erycinæ commissam esse dicerent: hac de re ostendit se ipsum cogniturum. Possum deinceps totam rem explicare: deinde ad extremum id, quod accidit, dicere, Dionem h-s. decies centena millia numerasse, ut causam certissimam obtineret: praeterea greges equarum eius istum abigendos curasse: argenti, vestisque stragulae quod

quod fuerit, curasse auferendum. Hæc, neque cum ego dicerem, neque cum tu negares, magni momenti nostra esset oratio. Quo tempore igitur aures iudex erigeret, animumque attenderet? cum Dio ipse prodiret, cum ceteri, qui tum in Sicilia negotijs Dionis interfuissent: cum per eos ipsos dies, per quos causam Dio diceret, reperiretur pecunias sumpsisse mutuas, nomina sua exegisse, prædia vendidisse: cum tabulæ virorum bonorum proferrentur: cum, qui pecuniam Dioni dederunt, dicerent se iam tum audisse eo numos * sumi, ut Verri darentur: cum amici, hospites, patroni Dionis, homines honestissimi hæc eadem se audisse dicerent. Opinor, cum hæc fierent, tum vos audiretis, sicut audistis: tum causa agi videretur. sic a me sunt acta omnia priore actione, ut * in criminibus omnibus nullum esset, in quo quisquam vestrum perpetuam accusationem requireret. Nego ego esse quidquam a testibus dictum, quod aut vestrum cuiquam esset obscurum, aut cuiusquam oratoris eloquentiam quæreret. Etenim sic meipsum egisse memoria tenetis, ut in testibus interrogandis omnia crimina proponerem, & explicarem: ut, cum rem totam in medio proposuissem, tum deniq; testem interrogarem. Itaque non modo vos, quibus est iudicandum, nostra crimina tenetis: sed etiam populus Rom. totam accusationem, causamq; cognouit. tamen si ita de meo facto loquor, quasi ego illud mea voluntate potius, quam vestra iniuria adductus fecerim. Interposuistis accusatorem, qui, cum ego mihi C. & X. dies solos in Siciliam postulassem, C & VIII. sibi in Achaiam postularet, menses mihi tres cum eripuissetis ad agendum maxime appositos, reliquum omne tempus huius anni me vobis remissurum putastis: ut, cum horis nostris nos essemus vsi, tu binis ludis interpositis, quadragesimo post die responderes: deinde ita tempus duceretur, ut a M'

Glabrione prætore, & a magna parte horum iudicum, ad prætorem alium, iudicesque alios veniremus. * Hæc si ego non vidiſſem, ſi me non omnes noti, ignoti; monuiſſent, id agi, id cogitari, in eo laborari, vt res in illud tempus reiiceretur, credo ſi meis horis in accusando vti voluiſſem, vererer, ne mihi crimina non ſuppeterent, ne oratio deeſſet, ne vox viresque deficerent, ne quæ nemo prima actione defendere auſus eſſet, eum ego bis accusare non poſſem. Ego meum conſiliũ tum iudicibus, tum populo Rom. probaui. Nemo eſt, qui alia ratione iſtorum iniuriæ, atque impudentiæ potuiſſe obſiſti arbitretur. Etenim qua ſtulticia fuiſſem, ſi quam diem qui iſtum eripiendũ redemerunt, in cautione viderunt, cum ita cauerent, Si poſt Kal. Ianua. in conſilium iretur: in eam diem ego, cum potuiſſem vitare, inciduiſſem? Nũc mihi tẽporis eius, quod mihi ad dicendum datur, quoniã in animo eſt cauſam omnem exponere, habenda ratio eſt diligenter. Itaque primũ illum actum iſtius vitæ turpiſſimum, & flagitioſiſſimum prætermittam. nihil a me de pueritiæ ſuæ flagitijs, peccatiſque audiet: nihil ex illa impura adoleſcentia ſua, quæ qualis fuerit, aut meministi, aut ex eo, quem ſui ſimillimum produxit, cognoscere poſteſtis. Omnia præteribo, quæ mihi turpia dictu videbuntur, neque ſolum, quid iſtum audire, verum etiam, quid me deceat dicere, conſiderabo. Vos quaſo date hoc, & concedite pudori meo, vt aliquam partem de iſtius impudentia reticere poſſim. Omne illud tempus, quod fuit antequam iſte ad magiſtratus, reing; publicã acceſſit, habeat per me ſolutum, ac liberũ. ſileatur de nocturnis eius bacchationibus, ac vigilijs, lenonum, aleatorum, * perducitorum nulla mentio fiat, damna, dedecora, quæ res patris eius, ætas ipſius pertulit, prætereantur, lucretur indicia veteris infamiæ, patiatur eius vita reliqua, me hanc tantam iacturam criminum face-

re. Quæstor Cn. Papirio consuli fuisti ab hinc annos quattuordecim: ex ea die ad hanc diem quæ fecisti, in iudicium voco. Hora nulla vacua a furto, scelere, crudelitate, flagitio reperietur. Hi sunt anni consumpti in quæstura, & legatione Asiatica, & prætura vrbana, & prætura Siciliensi. Quare hæc eadem erit quadripartita distributio totius accusationis meæ. Quæstor ex s.c. prouinciam sortitus es: obtigit tibi consularis, vt cum consule Cn. Carbone esses, eamque prouinciam obtineres. Erat tum dissensio ciuium, de qua nihil sum dicturus quid sentire debueris: vnum hoc dico, in eiusmodi tempore, ac sorte statuere te debuisse, vtrum malles sentire, atque defendere. Carbo grauiter ferebat sibi quæstorem obtigisse hominem singulari luxuria, atque inertia: verumtamē ornabat eum* beneficijs omnibus. Ne diutius teneam: pecunia attributa, numerata est: profectus est quæstor in prouinciam. venit in Galliā expectatus ad exercitū consulare cum pecunia. simulac primū ei occasio visa est (cognoscite hominis principium magistratuum gerendorum, & reip. administrandæ) auersa pecunia publica, quæstor consulem, exercitum, prouinciamque deseruit. Video quid egerim: erigit se: sperat sibi auram posse aliquam afflari in hoc crimine voluntatis, assensionisque eorum, quibus Cn. Carbonis mortui nomen odio sit: quibus illam relictionē prodicionemque consulis sui gratam sperat fore. quasi vero id cupiditate defendendæ nobilitatis, aut studio partium fecerit, ac non apertissime consulem, exercitum, prouinciamque cōpilarit, & propter impudentissimum furtum aufugerit. Est enim obscurum & eiusmodi factum eius, vt possit aliquis suspicari, C. Verrem, quod ferre novos homines non potuerit, ad nobilitatem, hoc est, ad suos transisse: nihil fecisse propter pecuniā. Videamus rationes quemadmodū retulerit: iam ipse ostendet, quamobrem Cn. Carbo-

nem reliquerit: iam se ipse iudicabit. Primum breuitatem cognoscite. ACCEPI, inquit VICIES DVCENTA TRIGINTA QVINQVE MILLIA, QVADRINGENTOS XVII. NVMMOS: DEDI STIPENDIO, FRUMENTO, LEGATIS, PROQVAESTORIBVS, COHORTI PRAETORIAE, H-S. * MILLE SEXCENTA TRIGINTA QVINQVE MILLIA QVADRINGENTOS XVII. NVMMOS. RELIQUI ARIMINI H-S. SEXCENTA MILLIA. Hoc est rationes referre? hoc modo aut ego, aut tu Hortensi, aut quisquam hominum retuli? quid hoc est? quæ impudentia? quæ audacia? quod exemplum ex tot hominum rationibus relatis huiusmodi est? illa tamen H-S. sexcenta millia, quæ ne falso quidem potuit, quibus data essent, describere, quæ se Arimini scribit reliquisse, quæ ipsa H-S. sexcenta millia reliqua facta sunt, neque Carbo attigit, neq; Sylla vidit, neque in ærarium relata sunt. Oppidum sibi elegit Ariminum, quod tum, cum iste rationes referebat, oppressum, direptumque erat. non suspicabatur id, quod nunc sentiet, satis multos ex illa calamitate Ariminensium testes nobis in hanc rem reliquos esse. Recita denuo. P. LENTVLO L. TRIARIO QVAESTORIBVS VRBANIS, * VERRIS RATIONVM RELATARVM. Recita. EX S. C. vt hoc pacto rationem referre liceret, eo Syllanus repente factus est, non vt honos & dignitas nobilitati restitueretur. Quod si illinc inanis profugisses, tamen ista tua fuga nefaria, proditio consulis tui scelerata iudicaretur. Malus ciuis, improbus consul, seditiosus homo Cn. Carbo fuit, fuerit alijs: tibi quando esse cœpit? posteaquam tibi pecuniam, rem frumentariam, rationes omnes suas, exercitumque commisit. Nam si tibi antea displicuisset, idem fecisses, quod anno post M. Piso Quæstor cum L. Scipioni consuli obligisset, non
atti-

attingit pecuniam : non ad exercitum profectus est : quod de rep. sensit, ita sensit, ut nec fidem suam, nec morem maiorum, nec necessitudinem fortis laderet. Etenim si hæc perturbare omnia, & permiscere volumus: totam vitam periculofam, inuidiosam, infestamque reddemus, si nullam religionem fors habebit, nullam societatem coniunctio secundæ dubiæque fortunæ, nullam auctoritatem, mores atque instituta maiorum. Omnium est communis inimicus, qui fuit hostis suorum. Nemo umquam sapiens proditori credendum putauit. Ipse Sylla, cui aduentus istius gratissimus esse debuit, ab se hominem, atque ab exercitu suo remouit: Beneuenti esse iussit apud eos, quos suis partibus amicissimos esse intelligebat, ubi iste summæ rei, causæque nocere nihil posset: ei postea præmia tamen liberaliter tribuit: bona quædam proscriptorum in agro Beneuentano diripienda concessit. habuit honorem, ut proditori, non, ut amico, fidem. Nunc quamuis sint homines, qui mortuum Cn. Carbonem oderint: tamen hi debent, non quid illi accidere voluerint, sed quid ipsis in tali re metuendum sit, cogitare. commune est hoc malum, communis metus, commune periculum. Nullæ sunt occultiores insidiæ, quæ ex, quæ latent in simulatione officij, aut in aliquo necessitudinis nomine. nam eum, qui palam est aduersarius, facile cauendo vitare possis: hoc vero occultum, intestinum, ac domesticum malum, non modo non existit, verum etiam opprimit, antequam *perspicere, atque explorare potueris. Itane vero? tu, cum quæstor ad exercitum missus sis, custos non solum pecuniæ, sed etiam consulis, particeps omnium rerum consiliorumque fueris, habitus sis in liberum loco, sicut mos maiorum ferebat, repente relinquas, deferas, ad aduersarios trans eas? O scelus, o portentum in vltimas terras exportandum. Non enim potest ea natura, quæ tan-

tum facinus commiserit, hoc vno scelere esse contenta. necesse est semper aliquid eiusmodi molia-
tur: necesse est in simili audacia perfidiaque ver-
setur. Itaque idem iste, quem Cn. Dolabella postea
C. Malleolo occiso, pro quaestore habuit (haud
scio, an maior etiam hæc necessitudo fuerit, quam
illa Carbonis: ac plus iudicium voluntatis valere,
quam tortis debeat) idem in Cn. Dolabellam, qui
in Cn. Carbonem fuit. Nam quæ in ipsum valebant
crimina, contulit in illum, causamque illius om-
nem ad inimicos, accusatoresque detulit: ipse in
eum, cui legatus, cui pro quaestore fuerat, inimi-
cissimum, atque improbissimum testimonium di-
xit. ille miser cum esset: tum proditione istius ne-
faria, tum improbo, & falso eiusdem testimonio,
tum multo ex maxima parte istius furtorum, ac
flagitiorum inuidia conflagrauit. quid hoc homi-
ne faciatis? aut ad quam spem tam perfidiosum,
tam importunum animal reseruetis? qui in Cn.
Carbone sortem, in Cn. Dolabella voluntatem
neglexerit, ac violarit, eosque ambos non solum
deleruerit, sed etiam prodiderit, atque oppugnarit.
Nolite quaeso, iudices, breuitate orationis meæ po-
tius, quam rerum ipsarum magnitudine crimina
ponderare: mihi enim properandum necessario est,
vt omnia vobis, quæ mihi constituta sunt, possim
exponere. Quamobrem quaestura istius demon-
strata, primique magistratus & furto, & scelere
perspecto, reliqua attendite. in quibus illud tem-
pus Syllanarum proscriptionum, ac rapinarum
prætermittam. neque ego istum sibi vllam ex com-
muni calamitate defensionem sinam sumere: suis
eum certis, proprijsq; criminibus accusabo. Quam-
obrem hoc omni tempore Syllano ex accusatione
circumscripto, legationem eius præclaram cogno-
scite. Posteaquam Cn. Dolabellæ prouincia Cili-
cia constituta est, o dij immortales, quanta iste cu-
pidi-

piditate, quibus allegationibus illam sibi legationem expugnauit! id quod Cn. Dolabellæ principium maximæ calamitatis fuit. Nam ut iste profectus est, quacumq; iter fecit, eiusmodi fuit, nō ut legatus populi Rom. sed ut quædam calamitas peruadere videretur. In Achaia (prætermittam minora omnia, quorum simile forsitan alius quoq; aliquid aliquando fecerit: nihil dicam, nisi singulare, nisi quod, si in alium reum diceretur, incredibile videretur) magistratum Sicyonium nummos poposcit. ne sit hoc crimen in Verrem: fecerunt alij. cum ille non daret: animaduertit. improbum, sed non inauditum, genus animaduersionis videte: quæretis, ex quo genere hominem istum iudicetis. ignem ex lignis viridibus, atque humidis in loco angusto fieri iussit, ibi hominem ingenuum, domi nobilē, populi Rom. socium, atque amicum fumo excruciatum semiuiuum reliquit. Iam quæ iste signa, quas tabulas pictas, ex Achaia sustulerit, non dicam hoc loco. est alius mihi locus ad hanc cupiditatem demonstrandam seruatus. Athenis audistis ex æde Mineræ grande auri pondus ablatum. dictum hoc est in Cn. Dolabellæ iudicio. dictum? etiam æstimatum. Huius consilij non modo participem C. Verrem, sed principem fuisse reperietis. Delum venit. ibi ex fano Apollinis religiosissimo noctu clam sustulit signa pulcherrima, atque antiquissima, eaque in onerariam nauem suam coniicienda curauit. Postridie cum spoliatum fanum viderent ij qui Delum incolebant, grauiter ferebant. est enim tanta apud eos eius fani religio atque antiquitas, ut in eo loco ipsum Apollinem natum esse arbitrentur. verbum tamen facere non audebant, ne forte ea res ad Dolabellā ipsum pertineret. Tum subito tempestates coortæ sunt maximæ, iudices, ut non modo proficisci, cum cuperet, Dolabella non posset, sed vix in oppido consisteret: ita magni fluctus eijciebantur.

Hic naus illa prædonis istius, onusta signis religio-
sis, expulsa atque eiecta fluctu, frangitur: in litore
signa illa Apollinis reperiuntur: iussu Dolabellæ
reponuntur: tempestas sedatur: Dolabella Delo
proficiscitur. Non dubito, quin, tametsi nullus in te
sensus humanitatis, nulla ratio umquam fuit religi-
onis, nunc tamen in metu periculoque tuo tuorum
tibi scelerum veniat in mentem. Potestne tibi vlla
spes salutis commoda ostendi, cum recordaris, in
deos immortales quam impius, quam sceleratus,
quam nefarius fueris? Apollinemne tu Delium spo-
liare ausus es? illine tu templo, tam antiquo, tam
sancto, tam religioso manus impias, ac sacrilegas
afferre conatus es? Si in pueritia non his artibus,
& disciplinis institutus eras, vt ea quæ litteris man-
data sunt, disceres atque cognosceres: ne postea
quidem, cum in ea ipsa loca venisti, potuisti accipe-
re id quod est proditum memoriæ, ac litteris, Lato-
nam ex longo errore, & fuga grauidam, & iam ad
pariendum vicinam, temporibus exactis fugisse
Delum, atque ibi Apollinem, Dianamque peperis-
se. Qua ex opinione hominum illa insula eorum
deorum sacra putatur: tantaque eius auctoritas reli-
gionis & est, & semper fuit, vt ne Persæ quidem,
cum bellum toti Græciæ, dijs, hominibusque i: di-
xissent, & mille numero nauium classem ad Delum
appulissent, quidquam conarentur aut violare, aut
attingere. Hoc tu sanum depopulari homo impro-
bissime, atque amentissime audebas? fuit vlla cupidi-
tas tanta, quæ tantam exstingeret religionem? &
si tum hæc non cogitabas, ne nunc quidem recor-
daris, nullum esse tantum malum, quod non tibi
pro sceleribus tuis iamdiu debeat? In Asiam ve-
ro postquam venit, quid ego aduentus istius pran-
dia, cenas, equos, muneraque commemorem? nihil
cum Verre de quotidianis criminibus acturus sum.
Chio per vim signa pulcherrima dico abstulisse,
item

item Erythris, & Halicarnasso. Tenedo (præterea pecuniam, quam eripuit) Tenem ipsum, qui apud Tenedios sanctissimus deus habetur, qui urbem illam dicitur condidisse, cuius ex nomine Tenedus nominatur: hunc ipsum, inquam, Tenem pulcherri-
me factum, quem quondam in comitio vidistis, abstulit magno cum gemitu ciuitatis. Illa vero expug-
natio fani antiquissimi, & nobilissimi Iunonis Sa-
miæ, quam lætuosa Samijs fuit? quam acerba toti
Asiæ? quam clara apud omnes? quam nemini ves-
trum inaudita? de qua expugnatione cum legati ad
C. Neronem in Asiam Samo venissent, responsum
tulerunt, eiusmodi querimonias, quæ ad legatum
populi Romani pertinerent, non ad prætorem, sed
Romam deferri oportere. Quas iste tabulas illinc,
quæ signa sustulit? quæ cognoui egomet apud istum
in ædibus, nuper cum obsignandi gratia venissem.
quæ signa nunc Verres ubi sunt? illa quæro, quæ
apud te nuper ad omnes columnas, omnibus eti-
am intercolumnijs, in silua denique disposita sub
dio vidimus. Cur ea, quamdiu alium prætorem cum
ijs iudicibus quos in horum locum * subfortitus es,
de te in consilium iturum putasti, tamdiu domi
fuerunt? posteaquam nostris testibus nos, quam
horis tuis, uti malle vidisti, nullum signum domi
reliquisti, præter duo, quæ in medijs ædibus sunt,
quæ ipsa Samo sublata sunt? non putasti me tuis fa-
miliarissimis in hanc rem testimonia denuntiaturum,
qui tuæ domi sæpe fuissent: ex quibus quæ-
rerem scirentne fuisse, quæ non essent? Quid
tum hos de te iudicatu-
ros arbitratus es, cum vi-
derent te iam non contra accusatorem tuum, sed
contra quæstorem, sectoremque pugnare? Qua de
re Charidemum Chium testimonium priore acti-
one dicere audistis: sese, cum esset trierarchus, &
Verrem ex Asia decedentem prosequeretur, iussu
Dolabellæ fuisse una cum isto Sami, scilicet tum

scire spoliatum esse fanum Iunonis, & oppidum Samum: posteaque se causam apud Chios ciues suos, Samiis accusantibus, publice dixisse: eoque se esse absolutum, quod planum fecisset, ea quæ legati Samiorum dicerent, ad Verrem, non ad se pertinere. Aspendum vetus oppidum, & nobile in Pamphylia scitis esse, plenissimum signorum optimorum. non dicam illinc hoc signum ablatum esse, & illud: hoc dico, nullum te Aspendi signum, Verres, reliquisse: omnia ex fanis, ex locis publicis, palam, spectantibus omnibus, plostris euecta, asportataque esse. Atque etiam illum Aspendium citharistam, de quo sæpe audistis id, quod est Græcis hominibus in proverbio, quem omnia intus canere dicebant, sustulit, & in intimis suis ædibus posuit: ut etiam illum ipsum artificio suo superasse videatur. Pergæ fanum antiquissimum, & sanctissimum Dianæ scimus esse: id quoque a te nudatum & spoliatum esse, ex ipsa Diana, quod habebat auri detractum, atque ablatum esse dico. Quæ malum, est ista tanta audacia atque amentia? quas enim sociorum, atque amicorum vrbes adisti legationis iure, & nomine, si in eas vicum exercitu imperioque inualisses, tamen opinor quæ signa atque ornamenta ex his vr-bibus sustulisses, hæc non in tuam domum, neque in suburbana amicorum, sed Romam in publicum deportasses. Quid ego de M. Marcello loquar, qui Syracusas urbem ornatissimam cepit? quid de L. Scipione, qui bellum in Asia gessit, Antiochumque regem potentissimum vicit? quid de Flaminio, qui regem Philippum, & Macedoniam subegit? quid de L. Paulo, qui regem Persen vi ac virtute superavit? quid de L. Mummius, qui urbem pulcherrimam, atque ornatissimam Corinthum, plenissimam rerum omnium sustulit, vrbesque Achaia, Beotiaque, multas sub imperium populi Romani ditionemque subiunxit? quorum domus cum honore, & virtute flore-

florerent, signis & tabulis pictis erant vacuæ. at vero urbem totam, templa deorum, omnesque Italiæ partes illorum donis, ac monumentis exornatas videmus. Vereor ne hæc forte* cuiquam nimis antiqua, & iam obsoleta videantur. ita enim tum æqualiter omnes erant huiusmodi, ut hæc laus eximie virtutis, & innocentie non solum hominum, verum etiam temporum illorum esse videatur. P. Servilius vir clarissimus, maximis rebus gestis adest, de te sententiam laturus est: Olympum vi, copiis, consilio, virtute cepit, urbem antiquam, & omnibus rebus auctam & exornatam. recens exemplum fortissimi viri profero. nam postea Servilius imperator populi Romani Olympum urbem hostium cepit, quam tu in iisdem illis locis legatus quæstorius oppida pacata sociorum, atque amicorum diripienda, ac vexanda curasti. Tu quæ ex fanis religiosissimis per scelus, & per latrocinium abstulisti, ea nos videre, nisi in tuis, amicorumque tuorum tectis, non possumus. P. Servilius quæ signa atque ornamenta ex vrbe hostium, & virtute capta, belli lege, atque imperatorio iure sustulit, ea populo Rom. apportavit, per triumphum vexit, in tabulas publicas ad ærarium perscribenda curavit. Cognoscite ex litteris publicis hominis amplissimi diligentiam. Recita. RATIONES RELATÆ P. SERVILII. Non solum numerum signorum, sed etiam vniuscuiusque magnitudinem, figuram, statum litteris definiri vides. Certe maior est virtutis, victoriæque iucunditas, quam ista voluptas, quæ percipitur ex libidine, & cupiditate. multo diligentius habere dico Servilium prædam populi Rom. quam te tua furta notata, atque descripta. Dices tua quoque signa, & tabulas pictas ornamento tui foroque populi Rom. fuisse. memini: vidi simul cum populo Rom. forum, comitiumque adornatum ad speciem magnifico ornatu, ad sensum, cogita-

tionemq; acerbo, & lugubri. vidi collucere omnia furtis tuis, præda provinciarum, spolijs sociorum, atq; amicorum. Quo quidem tempore, iudices, iste spem maximam reliquorum quoq; peccatorum natuſtus eſt. vidit enim eos, qui iudiciorum dominos ſe dici volebant, harum cupiditatum eſſe ſeruos. Socij vero, nationeſq; exteræ ſpem omnium tum primū abiecere rerum, ac fortunarum ſuarum: propterea, quod caſu legati ex Aſia, atque Achaia plurimi Romæ tunc fuerunt, qui deorum ſimulacra ex ſuis fanis ſublata in foro venerabantur: itemque cetera ſigna, & ornamenta cum cognoscerent, alia alio in loco lacrymantes intuebantur. quorum omnium hunc ſermonem tum eſſe audiebamus: Nihil eſſe, quod quiſquam dubitaret de exitio ſociorum atque amicorum, cum quidem viderent in foro populi Rom. quo in loco antea, qui ſocijs iniurias fecerant, accuſari, & condemnari ſolebant, ibi eſſe palam poſita ea, quæ ab ſocijs per ſcelus ablata, erepta; eſſent. Hic ego non arbitror illum negaturum, ſigna ſeſe plurima, tabulas piſtas innumera- biles habere: ſed, vt opinor, ſolet, hæc, quæ rapuit & furatus eſt, nonnumquam dicere ſe emiſſe: quoniam quidem in Achaïam, Aſiam, Pamphyliam ſumptu publico, & legationis nomine mercator ſignorum, tabularumq; piſtarum miſſus eſt. Habeo & iſtius, & patris eius accepti tabulas omnes; quas diligentiffime legi, atq; digeſſi: patris, quoad vixit, tuas, quoad ais te confeſſiſſe. nam in iſto, iudices, hoc nouum reperiſtis. Audiuiſus aliquem tabulas numquam confeſſiſſe: quæ eſt opinio hominum de Antonio falſa: nam fecit diligentiffime. verum ſic hoc genus aliquod minime probandum. Audimus alium non ab initio feciſſe, ſed ex tempore aliquo confeſſiſſe: eſt aliqua etiam huiuſce rei ratio. Hoc vero nouum, & ridiculum eſt, quod hic nobis reſpondit, cum ab eo tabulas poſituarem: uſque ad

M. Te-

M. Terentium, & C. Cassium consules confecisse: postea destituisse. Alio loco, hoc cuiusmodi sit considerabimus: nunc nihil ad me attinet. horum enim temporum, in quibus nunc versor, habeo tabulas & tuas, & patris. Plurima signa pulcherrima, plurimas tabulas deportasse te negare non potes: atque utinam neges: vnum ostende in tabulis aut tuis, aut patris tui emprum esse: vicisti, ne hæc quidem duo signa pulcherrima, quæ nunc ad impluvium tuum itant, quæ multos annos ad valvas Iunonis Samiæ steterunt, habes quomodo emeris: hæc, inquam, duo, quæ in ædibus tuis sola iam sunt, quæ sectorem expectant, relicta, ac destituta a ceteris signis. At, credo, in hisce solis rebus indomitas cupiditates, atque effrenatas habebat: ceteræ libidines eius ratione aliqua, aut modo continebantur. Quam multis istum ingenuis, quam multis matribus familias, in illa terra, atque impura legatione vim attulisse existimatis? ecquo in oppido pedem posuit, ubi non plura stuprorum, flagitiorumque suorum, quam aduentus sui vestigia reliquerit? Sed ego omnia, quæ negari potuerunt, prætermittam: etiam hæc quæ certissima sunt & clarissima relinquam: vnum aliquod de nefarijs istius factis eligam, quo facilius ad Siciliam possim aliquando, quæ mihi hoc oneris, negotijque imposuit, peruenire. Oppidum est in Hellesponto Lampfacum iudices, in primis Asiæ provinciæ clarum, & nobile: homines autem ipsi Lampfaceni tum summe in omnes ciues Rom. officiosi, tum præterea maxime sedati, & quieti, prope præter ceteros ad summum Græcorum otium potius, quam ad ullam vim, aut tumultum accommodati. Accidit cum iste a Cn. Dolabella efflagitasset, ut se ad regem Nicomedem, regemque Sadalam mitteret, cumque iter hoc sibi magis ad quæstum suum, quam ad reip. tempus accommodatum depoposcisset; ut illo itinere veniret Lampfacum, cum

magna calamitate, & prope perniciæ ciuitatis. deducitur iste ad Ianitorē quendam hospitem: comitesq; eius item apud ceteros hospites collocantur. ut mos erat istius, atq; ut eum suæ libidines flagitio. scire facere admonuerat, statim negotium dat illis suis comitibus, nequissimis, turpissimisq; hominibus, ut videant, & inuestigent, ecqua virgo sit, aut mulier, digna, quamobrem iste Lampfaci diutius commoraretur. Erat comes eius Rubrius quidam homo factus ad istius libidines: qui miro artificio, quocūq; venerat, hæc inuestigare omnia solebat. is ad eum rem istam defert: Philodamum esse quendam genere, honore, copijs, existimatione facile principē Lampfacenorum: eius esse filiam, quæ cum patre habitaret, propterea quod virum non haberet: mulierem eximia pulchritudine, sed *etiam summa integritate, pudicitiaq; existimari. homo, ut hæc audiuit, sic exarsit ad id, quod non modo ipse numquā viderat, sed ne audierat quidem ab eo qui ipse vidisset, ut statim ad Philodamum migrare se diceret velle. Hospes Ianitor, qui nihil suspicaretur, veritus ne quid ipse in se offenderit, hominem summa vi retinere cœpit. iste qui hospitis relinquendi causam reperire non posset: alia sibi ratione viam munire ad stuprum cœpit: Rubrium delicias suas, in omnibus eiusmodi rebus adiutorem suum & conscium, parum laure diuersari dicit: ad Philodamum deduci iubet. Quod ubi est Philodamo nuntiatum: rametsi non erat ignarus, quantum sibi, ac liberis suis iam tum mali constitueretur, tamen ad istum venit: ostendit munus illud suum non esse: se, cum suæ partes essent hospitem recipiendorum, *tamen ipsos tantum prætores, & consules, non legatorum affeclas recipere solere. Iste qui vna cupiditate raperetur, totum illius postulatam, causamq; neglexit: per vim ad eum, qui recipere non debebat, Rubrium deduci imperauit. Hic Philodamus, posteaquam

quam ius suum obtinere non potuit, ut humanitatē consuetudinemque suam retineret, laborabat. homo qui semper hospitalissimus amicissimusque nostrorum hominum existimatus esset, noluit videri ipsum illū Rubrium inuitus in domum suam recepisse: magnifice, & ornate, ut erat in primis inter suos copiosus, conuiuium comparat: rogat Rubrium, ut, quos ei commodum sit, inuitet: locum sibi soli si videatur, relinquat: ut etiam filium suum lectissimum adolescentem foras ad propinquum suum quendam mittat ad cenam. Tum Rubrius istius comites inuitat: eos omnes Verres certiores facit, quid opus esset. mature veniunt: discumbitur. fit sermo inter eos, & inuitatio, ut Græco more biberetur: hospes hortatur: poscunt maioribus poculis: celebratur omnium sermone, lætitiaque conuiuium. Posteaquam satis calere res Rubrio visa est, Quæso, inquit, Philodame, cur ad nos filiam tuam non intro vocari iubes? Homo, qui & summa grauitate, & iā id ætatis, & parēs esset, obstupuit hominis improbi dicto. instare Rubrius. tum ille, ut aliquid responderet, negauit moris esse Græcorum, ut in conuiuiu virorum accubarent mulieres. Hic tum alius ex alia parte: Enimvero ferēdum hoc non est: vocetur mulier. & simul seruis suis Rubrius, ut ianuam clauderent, & ipsi ad fores assisterent, imperat. Quod ubi ille intellexit, id agi, atque id parari, ut filia suæ vis afferretur: seruos suos ad se vocat: his imperat, ut se ipsum negligāt, filiam defendant: excurret aliquis, qui hoc tantum domestici mali filio suo nuntiet. Clamor interea fit tota domo: pugna inter seruos Rubrij atque hospitum: iactatur domi suæ vir * optimus, & homo honestissimus, pro se quisque manus affert aqua denique feruenti a Rubrio ipso Philodamus perfunditur. Hæc ubi filio nuntiata sunt: statim exanimatus ad ædes contendit, ut & vitæ patris, & pudiciæ sororis succurreret. Omnes eodem animo Lampsa-

cenī, simul vt hoc audiuerunt, quod eos tum Philo:
dami dignitas, tum iniuriæ magnitudo mouebat, ad
xdes noctu conuenerunt. Hic liētor istius Corneli:
us, qui cum eius seruis erat a Rubrio quasi in præsi:
dio ad auferendam mulierem collocatus, occiditur:
serui nonnulli vulnerantur: ipse Rubrius in turba
fauciatur. Iste, qui sua cupiditate tantos tumultus
concitatos videret, cupere aliqua euolare, si posset.
Postridie mane homines in concionem veniunt:
quærant, quid optimum factu sit: pro se quisque, vt
in quoque erat auctoritatis plurimum, ad populum
loquebatur: inuentus est nemo, cuius non hæc &
sententia esset, & oratio: non esse metuendum, si i:
stius nefarium scelus Lampfaceni vlti vi manuque
essent, ne senatus populusq; Rom. in eam ciuitatem
animaduertendum putaret. Quod si hoc iure legati
populi Rom. in socios, nationesque exteras vteren:
tur, vt pudicitiam liberorum seruare ab eorum libi:
dine tutam non liceret: quiduis esse perpeti fatius,
quam in tanta vi atque acerbitate versari. Hæc cum
omnes sentirent, & cum in eam rationem pro suo
quisque sensu, ac dolore loqueretur, omnes ad eam
domum, in qua iste diuersabatur, profecti sunt: cæ:
dere ianuam saxis, instare ferro, ligna, & sarmenta
circumdare, * ignem subijcere cœperunt. Tum ci:
ues Rom. qui Lampfacci negotiabantur, concurrunt:
orant Lampfacenos, vt grauius apud eos nomen le:
gationis, quam iniuria legati putaretur: sese intelli:
gere hominem illum esse impurum, ac nefarium:
sed quoniam nec perfecisset, quod conatus esset,
neque futurus esset Lampfacci postea, leuius eorum
peccatū fore, si homini scelerato pepercissent, quā
si legato nō pepercisset. Sic iste multo sceleratior &
nequior, quā ille Adrianus, aliquāto etiā felicitior fu:
it. Ille, quod eius auaritiā ciues Ro. ferre non potu:
erant, Vtica domi suæ viuus exustus est: dq; ita illi
merito accidiisse existimatū est, vt latarētur omnes,
neq;

neq; vlla animaduersio cōstitueretur. hic sociorum
ambustus incendio, tamē ex illa flamma, periculoq;
euolauit: neq; adhuc causam vllam excogitare po-
tuit, quamobrem commiserit, aut quid euenerit, vt
in tantum periculum veniret. Non enim potest di-
cere, Cum seditionem sedare vellem, cum frumen-
tum imperarem, cum stipendium cogerem, cum a-
liquid deniq; reip. causa gererem, quod acrius im-
peraui, quod animaduerti, quod minatus sum. quæ
si diceret, tamen ignosci non oporteret, si nimis a-
trociter imperando socijs, in tantum adductus pe-
riculum videretur, nunc cum ipse causam illius tu-
multus neque veram dicere, neque falsam confin-
gere audeat, homo autem ordinis sui frugalissimus,
qui tum accensus C. Neroni fuit, P. Tettius hæc ea-
dem se Lampfaci cognosse dixerit, vir omnibus re-
bus ornatissimus C. Varro, qui tum in Asia tribunus
militum fuit, hæc eadem ipsa se ex Philodamo au-
disse dicat: potestis dubitare, quin istum fortuna nō
tam ex illo periculo eripere voluerit, quam ad ve-
strum iudiciū referuare? nisi vero illud dicet, quod
& in testimonio Tettij priore actione interpellauit
Hortensius: quo tempore quidem signi satis dedit,
si quid esset quod posset dicere, se tacere nō posse:
vt, quamdiu in ceteris rebus tacuerit, scire omnes
possemus, nihil habuisse quod diceret. * Hoc cum
dixit, Philodamum, & eius filium a C. Nerone esse
damnatos, de quo ne multa disseram, tantum dico,
secutum id esse Neronem & eius consilium, quod
Cornelium lictorem occisum esse constaret: putas-
se non oportere esse ne in vlciscenda quidem iniu-
ria, cuiquam hominis occidendi potestatem. In quo
video, Neronis iudicio non te absolutum esse im-
probitatis, sed illos damnatos esse cædis. Verum i-
sta damnatio tamen cuiusmodi fuit? Audite quæso,
iudices, & aliquando miseremini sociorum, & ostē-
dite aliquid his in vestra fide præsidij esse oportere.

Quod toti Asiæ iure occisus videbatur istius ille verbo licitor, re vera minister improbissimæ cupiditatis, pertimuit iste, ne Philodamus Neronis iudicio liberaretur. rogat & orat Dolabellam ut de sua provincia decedat, ad Neronem profiscatur: se demonstrat incolumem esse non posse, si Philodamo viuere atque aliquando Romam venire licuisset. Commotus est Dolabella: fecit id, quod multi reprehēderunt, ut exercitum, provinciam, bellum relinqueret, & in Asiæ hominis nequissimi causa, in alienam provinciam profisceretur. Postea quam ad Neronem venit: contendit ab eo, ut Philodami causam cognosceret. Venerat ipse, qui esset in consilio, & primus sententiam diceret. adduxerat etiam præfectos, & tribunos militares suos, quos Nero omnes in consilium vocauit. erat in consilio etiam æquissimus iudex ipse Verres: erant nonnulli togati creditores Græcorum, quibus ad exigendas pecunias improbissimi cuiusq; legati plurimum prodest gratia. Ille miser defensorem reperire neminem poterat. quis enim esset aut togatus, qui Dolabellæ gratiæ, aut Græcus, qui eiusdem vi, & imperio non moteretur? Accusator autem apponitur cuius Romanus, & * ex creditoribus Lampfacenorum: qui si dixisset quod iste iussisset, per eiusdem istius lictores a populo pecuniā posset exigere. Cū hæc omnia tanta contentione, tantis copiis agerentur: cum illum miserum multi accusarent, nemo defenderet, cum Dolabella cum suis præfectis pugnaret in consilio, Verres fortunas agi suas diceret, idē testimonium diceret, idem esset in consilio, idem accusatorem parasset: hæc cum omnia fierent, & cum hominem constaret occisum, tamen tanta vis istius iniuriæ, tanta in isto improbitas putabatur, ut de Philodamo amplius pronuntiaretur. Quid ego nunc in altera actione Cn. Dolabellæ spiritus? quid huius lacrymas & * concursationes proferam? quid

C. Neronis viri optimi, atque innocentissimi nonnullis in rebus animum nimis timidum, atque demissum? qui, in illa re quid facere potuerit, non habebat: nisi forte id, quod omnes tum desiderabant, ut ageret eam rem sine Verre, & Dolabella: quidquid esset sine his actum, omnes probarent. Tum vero quod pronuntiatum est, non per Neronem iudicatum, sed per Dolabellam ereptum existimabatur. Condemnatur enim per paucis sententijs Philodamus, & eius filius. Adest, instat, vrget Dolabella, ut quam primum securi feriantur, quo quam minime multi ex illis de istius nefario scelere audire possent. Constituitur in foro Laodicee spectaculum acerbum, & miserum, & graue toti Asiae provinciae. grandis natu parens adductus ad supplicium, ex altera parte filius: ille quod pudicitiam liberorum, hic quod vitam patris famamque sororis defenderat. Flebat uterque, non de suo supplicio, sed pater de filij morte, de patris filius. Quid lacrymarum ipsum Neronem putatis profudisse? quem fletum totius Asiae fuisse? quem luctum, & gemitum Lampsaenorum? securi esse percussos homines innocentes, nobiles, socios populi R. atque amicos, propter hominis flagitiosissimi singularem nequitiam, atque improbissimam cupiditatem. * Nemo iam Dolabella neque tui, neque tuorum liberum, quos tu miseros in egestate, atque in solitudine reliquisti, misereri potest. Verresne tibi tanti fuit, ut eius libidinem hominum innocentium sanguine lui velles? Idcirco exercitum, atque hostem relinquebas, ut tua vi & crudelitate istius hominis improbissimi pericula subleuares? quod enim eum tibi quaestoris in locum constitueras, idcirco tibi amicum in perpetuum fore putasti? Nesciebas ab eo Cn. Carbonem c o s. cuius re vera quaestor fuit, non modo relictum, sed etiam spoliatum auxilijs, pecunia, nefarie oppugnatum, & proditum? expertus igitur es istius perfidiam tum, cum se ad ini-

micos tuos contulit, cum in te homo ipse nocens ac
 certimum testimonium dixit, cum rationes ad æra-
 rium, nisi damnato te, referre noluit. Tantane tuæ,
 Verres, libidines erunt, ut eas capere, ac sustinere
 non provinciæ populi Ro. non nationes exteræ pos-
 sint? Tune quod videris, quod audieris, quod concu-
 pieris, quod cogitaris, nisi ad nutum tuum præsto
 fuerit, nisi libidini tuæ, cupiditatique paruerit, im-
 mittentur homines? expugnabuntur domus? ciui-
 tates non modo pacatæ, verum etiam sociorum, at-
 que amicorum ad vim, atque ad arma confugient,
 ut ab se atque ab liberis suis legati populi Romani
 scelus, atque libidinem propulsare possint? Nam
 quero abs te, circumfessus ne sis Lampfaci, cœpe-
 ritne domum, in qua diuersabare, illa multitudo in-
 cendere, volueriatne legatum populi Romani cō-
 burere viuum Lampfaceni. negare non potes. ha-
 beo enim testimonium tuum, quod apud Neronem
 dixisti: habeo quas ad eundem litteras misisti. Re-
 cita hunc ipsum locum de testimonio. TESTIMO-
 NIUM C. VERRIS IN ARTEMIDORVM.
 * Recita ex Verris litteris ad Neronem. EX LIT-
 TERIS C. VERRIS AD C. NERONEM.
 NON MVLTTO POST IN DOMVM. Bellum-
 ne populo Romano * Lampfaceni ciues facere co-
 nabantur? deficere ab imperio, ac nomine nostro
 volebant? Video enim, & ex his quæ legi & audi-
 ui, intelligo, in qua ciuitate non modo legatus po-
 puli Romani circumfessus, non modo igni, ferro,
 manu, copiis oppugnatus, sed aliqua ex parte vio-
 latus sit, nisi publice satisfactum sit, ei ciuitati bel-
 lum indici atque inferri solere. Quæ fuit igitur caus-
 sa, cur cuncta ciuitas Lampfacenorum de concio-
 ne, quemadmodum tute scribis, domum tuam con-
 curreret? tu enim neque in litteris, quas Neroni
 mittis, neque in testimonio, causam tanti tumultus
 ostendis ullam. obsessum te dicis, ignem allatum,
 famenta

farmenta circumdata, lictorem tuum occisum esse dicis: prodeundi tibi in publicum potestatem factam negas, causam huius tanti terroris occultas. Nam si quam Rubrius iniuriam suo nomine, ac non impulsu tuo, & tua cupiditate fecisset: de tui comitis iniuria questum ad te potius, quam te oppugnatum venirent. Cum igitur, quæ causa illius tumultus fuerit, testes a nobis producti dixerint, ipse cecidit: nonne causam hanc, quam nos proposuimus, tum illorum testimonia, tum istius taciturnitas perpetua confirmat? Huic homini parceris igitur, iudices? cuius tanta peccata sunt, ut hi, quibus iniurias fecerit, neque legitimum tempus expectare ad vlciscendum, neque vim tantam doloris in posterum differre potuerint. Circumfessus es. a quibus? a Lampfacenis. barbaris hominibus, credo, aut ijs, qui populi Romani nomen contemnerent. immo vero ab hominibus & natura & consuetudine, & disciplina lenissimis, porro autem populi Romani condicione socijs, fortuna seruis, voluntate supplicibus: ut perspicuum sit omnibus, nisi tanta acerbitas iniuriæ, tanta vis sceleris fuisset, ut Lampfaceni moriendum sibi potius quam perpetiendum putarent, numquam illos in eum locum progressuros fuisse, ut vehementius odio libidinis tuæ, quam metu legationis mouerentur. Nolite per deos immortales, cogere socios, atque exterarum nationes hoc uti perflugio: quo nisi vos vindicatis, utentur necessario. Lampfacenos in istum numquam vlla res mitigasset, nisi cum poenas Romæ daturum credidissent, etsi talem acceperant iniuriam, quam nulla lege factis digne persequi poterant, tamen incommoda sua vestris committere legibus & iudicijs, quam dolori suo permittere maluerant. Tu mihi, cum circumfessus a tam illustri ciuitate sis propter tuum scelus atque flagitium, cum coegeris homines miseros & calamitosos, quasi desperatis nostris legibus & iu-

dicijs, ad vim, ad manus, ad arma confugere, cum te
 in oppidis & ciuitatibus amicorum non legatum
 populi Ro. sed tyrannum libidinosum, crudelemq;
 præbueris, cum apud exteras nationes imperij, no-
 minisque nostri famam tuis probis flagitijsque vi-
 olaris, cum te ex ferro amicorum populi Ro. eripu-
 eris, atq; e flamma sociorum euolaris, hic tibi per-
 fugium speras futurum? erras: vt huc incideres, nō
 vt hic conquiesceres, illi te viuum exire passi sunt.
 Et ais, iudicium esse factum, te iniuria circumfessum
 esse Lampfaci, quod Philodamus cum filio condē-
 natus sit. Quid, si doceo, si planum facio, teste ho-
 mine nequam, verum ad hanc rem tamen idoneo, te
 ipso, inquam, teste docebo, te huius circumfessionis
 tuæ causam & culpam in alios * transtulisse? neque
 in eos, quos tu * insimularas, esse animaduersum?
 iam nihil te iudicium Neronis adiuuat. Recita quas
 ad Neronem litteras misit. EPISTOLA C. VER-
 RIS AD NERONEM. THEMISTAGORAS,
 ET THESSALVS. Themistagoram, & Thessalum
 * scribis populum concitasse. quem populum? qui
 te circumfedit, qui te viuum comburere conatus
 est. vbi hos persequeris? vbi accusas? vbi defen-
 dis ius nomenque legati? in Philodami iudicio di-
 ces id actum. Cedo mihi ipsum Verris testimonium.
 videamus quid idem iste iuratus dixerit. * Recita.
 AB ACCVSATORE ROGATVS RESPON-
 DIT, IN HOC IVDICIO NON PERSE-
 QUI: SIBI IN ANIMO ESSE ALIO
 TEMPORE PERSEQUI. Quid igitur te iuuat
 Neronis iudicium? quid Philodami damnatio? Le-
 gatus cum esses circumfessus, cumque, quemadmo-
 dum tute ad Neronem scripsisti, populo Ro. com-
 munique causæ legatorum facta esset iniuria insig-
 nis, non es persecutus: dicis tibi in animo esse, alio
 tempore persequi. Quod fuit id tempus? quando es
 persecutus? cur imminuisti ius legationis? cur
 causam

causam populi Ro. deseruisti, ac prodidisti? cur iniurias tuas coniunctas cum publicis reliquisti? Non te ad senatum causam deferre? non de tam atrocibus iniurijs conqueri? non eos homines, qui populum concitarant, consulū litteris euocandos curare oportuit? Nuper M. Aurelio Scauro postulā te, quod is Ephesi se quæstorem vi prohibitum esse dicebat, quo minus e fano Dianæ seruum suum, qui in illud asylum confugisset, abduceret, Pericles Ephesius, homo nobilissimus Romam euocatus est, quod auctor iniuriæ illius fuisse argueretur. Tu si te legatū ita Lampfaci tractatum esse senatū docuisses, ut tui comites vulnerarentur, lictor occideretur, ipse circumfessus pene incenderere, eius autem rei duces, & auctores, & principes fuisse, quos scribis, Themistagoram, & Thessalum, quis non commoueretur? quis non ex iniuria, quæ tibi esset facta, sibi prouideret? quis non in ea re causam tuam, periculum commune agi arbitraretur? Etenim nomen legati eiusmodi esse debet, quod non modo inter sociorū iura, sed etiam inter hostiū tela incolume versetur. Magnum hoc Lampfacenū crimen est libidinis atq; improbissimæ cupiditatis: accipite * nunc avaritiæ propemodū in suo genere non leuius. Milesios nauem poposcit, quæ cum præsidij causa Myndum prosequeretur. illi statim myoparonem egregiū de sua classe, ornatū atq; armatum dederunt. Hoc præsidio Myndum profectus est. nam quid Milesijs lanæ publicæ abstulerit, item de sumptu in aduentum, de contumelijs, & iniurijs in magistratum. Milesium, tametsi dici tum vere, tum grauiter & vehementer potest, tamen dicere prætermittam, eaq; omnia testibus integra reseruabo. Illud quod neq; taceri vllō modo potest, neq; dici pro dignitate, cognoscite. Milites, remigesq; Miletū Myndo pedibus reuerti iubet: ipse myoparonē pulcherrimū de decem Milesiorum nauibus electum, L. Magio, & L. * Fannio,

qui Myndi habitabāt, vēdidit, hi sunt homines, quos nuper senatus in hostium numero censuit habendos. hoc illi nauigio ad omnes populi Ro. hostes vique ab Dianio, quod in Hispania est ad Sinopen, quæ in Ponto est, nauigauerunt. O dii immortales, incredibilem auaritiam, singularemque audaciam! nauem tu de classe populi Ro. quam tibi Milesia ciuitas, vt te prosequeretur, dedisset, ausus es vendere? Si te magnitudo maleficij, si te hominum existimatio non mouebat: ne illud quidem cogitabas, huius improbissimi furti, siue adeo nefariæ prædæ, tam illustrem ac tam nobilem ciuitatem testem futuram? an, quia tum Cn. Dolabella in eum, qui ei myoparoni præfuerat, Milesijs rem gestam renuntiaret, animaduertere tuo rogatu conatus est, renuntiationemque eius, quæ erat in publicas litteras relata illorum legibus, tolli iusserat: idcirco te ex hoc crimine elapsum esse arbitrabare? Multum te ista fefellit opinio, & quidem, multis in locis. semper enim existimasti, & maxime in Sicilia, satis cautum tibi ad defensionem fore, si aut referri aliquid in litteras publicas vetuisses, aut quod relatum esset, tolli coegisses. Hoc quam nihil sit, tametsi ex multis Siciliae ciuitatibus priore actione didicisti, tamen etiam in hac ipsa ciuitate cognosce. Sunt illi quidem dicto audientes, quandiu adsunt ii, qui imperant: simul ac discesserunt, non solum illud perscribunt, quod tum prohibiti sunt, sed etiam causam adscribunt, cur non tum in litteras relatum sit. Manent istæ litteræ Mileti, manent, & dum erit illa ciuitas, manebunt. Decem enim naues iussu L. Murenæ populus Milesius ex pecunia vestigali populi Ro. fecerat, sicut pro sua quæque parte Asiæ ceteræ ciuitates. Quamobrem vnā ex decem non prædonum repentino aduentu, sed legati latrocinio, non vi tempestatis, sed hac horribili tempestate sociorum amissam in litteras publicas retulerunt. Sunt

Romæ

Romæ legati Milesij homines nobilissimi, ac principes ciuitatis: * qui, tametsi mensem Februarium expectant, & cons. designatorum nomen extimescunt, tamen hoc tantum facinus non modo negare interrogati, sed ne producti quidem reticere poterunt: dicent, inquam, & religione adducti, & legum domesticarum metu, quid illo myoparone factum sit. ostendent C. Verrem in ea clauis, quæ contra piratas ædificata sit, piratam ipsum coniceleratum fuisse. C. Malleolo quæstore Cn. Dolabellæ occiso, duas sibi hereditates venisse arbitratus est: vnam quæstorix procurationis: (nam a Dolabella statim pro quæstore iussus est esse) alteram tutelæ. Nam cum pupilli Malleoli tutor esset, in bona eius impetum fecit. nam Malleolus in prouinciam sic copiose profectus erat, vt domi prorsus nihil relinqueret. Præterea pecunias occuparat apud populos, & syngraphas fecerat. argenti optimi cælati grande pondus secum tulerat (nam ille quoque sodalis istius erat in hoc morbo, & cupiditate) grande pondus argenti, familiam magnam, multos artifices, multos formosos homines reliquit. Iste quod argenti placuit, inuasit: quæ mancipia voluit, adduxit: vina, ceteraque quæ in Asia facillime comparantur, quæ ille reliquerat, asportauit: reliqua vendidit, pecuniam exegit. Cum ad h. s. vices quinquies redegissem constaret, vt Romam rediit, nullam litteram pupillo, nullam matri eius, nullam tutoribus reddidit: seruos artifices pupilli cum haberet domi, circum pedes autem homines formosos & litteratos, suos esse dicebat, se emisse, cum sæpius mater, & auia pueri postularent, vt, si non redderet pecuniam, nec rationem daret, liceret saltem quantum pecuniæ Malleoli deportasset. * multis efflagitatus aliquando dixit, h. s. decies: deinde in codicis extrema cera nomen infimum in flagitiosa litura fecit: h. s. * quadringenta millia expensa Chrysogono seruo: h. s.

sexcenta millia accepta pupillo Malleolo retulit: Quomodo ex decies h-s. sexcenta millia reliqua sint facta, ut illa, de Cn. Carbonis pecunia, reliqua h-s. sexcenta sunt facta: quo modo hæc p.c. eodem modo quadrarint: quo modo h-s. quadringenta millia Chryfogono expensa lata sint, cur id nomen infimum, in lituraque sit, vos existimabitis. Tamen h-s. sexcenta millia cum accepta retulisset, h-s. quingenta millia soluta non sunt. homines, posteaquam reus factus est, alij reddit, alij etiam nunc retinentur: peculia omnium, vicarijque retinentur. Hæc est istius præclara tutela. En cui tuos liberos committas. en memoria mortui sodalis: en metus viutorum existimationis. Cum tibi se tota Asia spoliandam, ac vexandam * tradidisset, cum tibi exposita esset omnis ad prædandum Pamphylia: contentus his tam opimis rebus non fuisti? manus a tutela, manus a pupillo, manus a sodalis filio abstinere non potuisti? Iam te non Siculi, non aratores (ut dictitas) circumueniunt, non hi qui decretis, edictisque tuis in te concitati, infestique sunt. * Malleolus a me productus est, & mater eius, atque auia: quæ miseræ, flentes, euersum a te puerum patrijs bonis esse dixerunt. Quid expectas? an dum ab inferis ille * Malleolus existat? atque abs te officia tutelæ, sodalitatibus, familiaritatisque flagitet? ipsum putato adesse. Homo auarissime & spurcissime, redde bona sodalis filio: si non quæ abstulisti, at quæ confessus es. Cur cogis sodalis filium hanc primam in foro vocem cum dolore, & querimonia emittere? cur sodalis uxorem, socrum, domum denique totam sodalis mortui contra te testimoniū dicere? cur pudenterissimas, leuissimasque feminas in tantum virorum conuentum insolitas, inuitasque prodire cogis? Recita omnium testimonia. **TESTIMONIUM MATRIS, ET AVIÆ.** Pro quaestore vero quomodo iste commune Miliadum vexarit, quomodo Lyciam, Pamphylia,

phyliam, Pisidiam, Phrygiamque totam frumento imperando, æstimando, hæc sua, quam tum primum excogitauit, Siciliensi estimatione afflixerit, non est necesse demonstrare verbis. Hoc scitote, his nominibus, quæ res per eum gestæ sunt, cum iste ciuitatibus frumentum, coria, cilicia, faccos imperaret, neq; ea sumeret, pro his rebus pecuniam exigeret, his nominibus solis Cn. Dolabellæ, h. s. ad tricies litrem esse æstimatam. Quæ omnia, etiamsi voluntate Dolabellæ fiebant, per istum omnia tamen gerebatur. Consistam in vno nomine: multa enim sunt ex eodem genere. Recita. DE LITIBVS AESTIMATIS CN. DOLABELLAE PRAET. PO. PVLO ROM. * PECVNIAE REDACTAE. QVOD A COMMVNI MILIADVM. Te hæc coegisse, te æstimasse, tibi pecuniam numeratam esse dico: eademque vi, & iniuria, cum pecunias maximas cogeres, per omnes partes prouinciæ te, tamquam aliquam calamitosam tempestatem, pestemque persuasisse demonstro. Itaque M. Scaurus, qui Cn. Dolabellam accusauit, istum in sua potestate, ac ditione tenuit, homo adolescens cum istius in inquirendo multa furta ac flagitia cognosceret, fecit perite & callide: volumen eius rerum gestarum maximum isti ostendit: ab homine quæ voluit, in Dolabellam abstulit: istum testem produxit: dixit iste, quæ velle accusatorem putauit. Quo ex genere mihi testium, qui cum isto furati sunt, si vti voluisssem, magna copia fuisset: qui, vt se periculo litium, coniunctione criminum liberarent, quo ego vellem descensuros pollicebantur. Eorum ego voluntatem omnium repudiaui: non modo proditori, sed ne perfugæ quidem locus in meis castris cuiquam fuit. Forsitan meliores illi accusatores habendi sunt, qui hæc omnia * fecerunt: sed ego defensorem in mea persona, non accusatorem, maxime laudari volo. Rationes ad ærarium, antequam Dolabella condemnatus est,

non audet referre. impetrat a senatu, ut dies ^{pro}
 * prorogetur, quod tabulas suas ab accusatoribus
 Dolabellę obliuatas diceret, perinde, quasi exscri-
 bendi potestatem non haberet. solus est hic, qui nū-
 quam rationes ad ærarium referat. Audistis quæsto-
 riam rationem tribus versiculis relata: legationis,
 non nisi condemnato & eiecto eo, qui posset repre-
 hendere: nunc denique præturæ: quam ex s.c. sta-
 tum referre debuit, visque ad hoc tempus non retu-
 lit. Quæstores se in senatu exspectare dixit: perinde
 quali non, ut quæstor sine prætore possit rationem
 referre, ut tu Hortensi, ut omnes: eodem modo, sine
 quæstore prætor. Dixit idem Dolabellam impetraf-
 se. omen magis patribus conscriptis, quam causa
 placuit: probauerunt. Verum quæstores quoque
 iam pridem venerunt. cur non retulisti? illarum ra-
 tionum ex ea facie legationis, quæstoriaręq; tuæ pro-
 curationis illa sunt nomina, quæ Dolabellæ neces-
 sario sunt æstimata. EX LITIBVS AESTIMA-
 TIS DOLABELLAE PR. ET PROPR. Quod
 minus Dolabella Verri acceptū retulit, quam Ver-
 res illi expensum tulerit, h-s. quingenta triginta-
 quinque millia: quod plus fecit Dolabella Verrem
 accepisse, quam iste in iuis tabulis habuit, h-s. du-
 centa trigintaduo millia: * quod plus frumenti te
 fecit accepisse, quam tu homo castissimus in tabu-
 lis habebas, h-s. decies & octingenta millia: hinc
 illæ extraordinariæ pecuniæ, quas nullo duce, tamē
 aliqua ex particula inuestigamus, redundarunt: hinc
 ratio cum Q. & Cn. Postumijs, Curtijs, multis no-
 minibus, quorum in tabulis iste habet nullum: hinc
 h-s. quater decies P. Tadio numerata Athenis, testi-
 bus planum faciam. hinc empta apertissime prætu-
 ra. nisi forte id etiam dubiū est, quomodo iste præ-
 tor factus sit. Homo scilicet aut industria, aut opera
 probata, aut frugalitatis existimatione præclara, aut
 denique, id quod leuissimum est, assiduitate, qui an-
 te

te quæsturam cum meretricibus lenonibusque vix-
isset, quæsturam ita gessisset, quemadmodum co-
gnouistis, Romæ post quæsturam illam nefariam vix-
triduum constitisset, absens non in obliuione iacu-
isset, sed in assidua commemoratione omnibus om-
nium flagitiorum fuisset, is repente, vt Romam ve-
nit, gratis prætor factus est. Alia porro pecunia, ne
accusaretur, data, cui sit data, nihil ad me, nihil ad
rem pertinere arbitror: datam quidem esse tum in-
ter omnes recenti negotio facile constabat. Homo
stultissime, & amentissime, tabulas cum conficeres,
& cum extraordinariæ pecuniæ crimen subterfuge-
re velles, satis te elapsurum omni suspitione arbi-
trabare, si quibus pecuniam credebas, ijs expensum
non ferres, neque in tuas tabulas vllum nomen re-
ferres, cum tot tibi nominibus acceptum Curtij re-
ferrent? Quid proderat tibi, te expensum illis non
tulisse? an tuis solis tabulis te causam dicturum ex-
istimasti? Verum ad illam iam veniamus præclaram
præturam criminaque ea, quæ notiora sunt his, qui
adsunt, quam nobis, qui meditati ad dicendum pa-
ratique venimus. in quibus non dubito, quin offen-
sionem negligentia vitare, atque effugere non pos-
sim. Multi enim ita dicent. De illo nihil dixit, in quo
ego interfui: illam iniuriam nō attigit, quæ mihi, aut
quæ amico meo facta est, quibus ego in rebus inter-
fui. His omnibus, qui istius iniurias norunt, hoc est
populo Rom. vniuerso, me vehementer, excusatum
volo, non negligētia mea fore, vt multa præteream,
sed quod alia testibus integra reseruari velim: mul-
ta autem propter rationem breuitatis, ac temporis
præmittenda existimem. Fatebor etiam illud in-
uitus, me prorsus, cum iste punctum temporis nul-
lum vacuū peccato præterire passus sit, omnia quæ
ab isto cōmissa sunt, non potuisse cognoscere. Qua-
propter ita me de præturæ criminibus auditote, vt
ex vtroque genere, & iuris dicendi, & factorum te-

ſtorum exigendorum, ea poſtuletis, quæ maxime
 digna ſint eo reo, cui paruum, ac mediocre obijci
 nihil oporteat. Nam, vt prætor factus eſt, qui auſpi-
 cato a Chelidone ſurrexiſſet, ſortem naſtus eſt vr-
 banæ provinciæ, magis ex ſua & Chelidonis, quam
 ex populi Rom. voluntate. qui principio, qualis in
 edicto conſtituendo fuerit, cognoscite. P. Annius
 Afellus mortuus eſt C. Sacerdote prætorē. is cum
 haberet vnicam filiam, neque cenſus eſſet: quod e-
 um natura hortabatur, lex nulla prohibebat, fecit,
 vt filiam bonis ſuis heredem inſtitueret. heres erat
 filia: faciebant omnia cum pupilla, legis æquitas,
 voluntas patris, edicta prætorum, conſuetudo iuris
 eius, quod erat tum, cum Afellus eſt mortuus. iſte
 prætor designatus (vtrum admonitus, an tentatus,
 an, qua eſt iſte ſagacitate in his rebus, ſine duce vl-
 lo, ſine indice peruenerit ad hanc improbitatem,
 neſcio: vos tantum hominis audaciam, amentiam,
 que cognoscite) appellat heredem L. Annium, qui
 erat inſtitutus ſecundum filiam (non enim mihi
 perſuadetur, iſtum ab illo prius appellatum) dicit
 ſe poſſe ei condonare edicto hereditatem. docet
 hominem, quid poſſit fieri. illi bona res, huic ven-
 dibilis videbatur. Iſte tamen ſi ſingulari eſt audacia,
 tamen ad pupillæ matrem ſummittebat: malebat
 pecuniam accipere, ne quid noui ediceret, quam
 vt hoc edictum tam improbum, & inhumanum in-
 terponeret. Tutores, pecuniam prætori ſi pupillæ
 nomine dediſſent, grandem præſertim, quemadmo-
 dum in rationem inducerent, quemadmodum ſine
 periculo ſuo dare poſſent, non videbant: ſimul &
 iſtum fore tam improbum non arbitrabantur. ſæpe
 appellati, pernegauerunt. Iſte ad arbitrium eius,
 cui condonarāt hereditatem ereptam liberis, quam
 æquum edictum ſcripſerit, quaſo cognoscite. CVM
 INTELLIGAM LEGEM VOCONIAM. Quis
 vmquam crederet Verrem mulierum aduerſarium
 ſutu-

futurum? an ideo aliquid contra mulieres fecit, ne totum edictum ad Chelidonis arbitrium scriptum videretur? Cupiditati hominum ait se obuiam ire. * Quis potius, non modo his temporibus, sed etiam apud maiores nostros? quis tam remotus fuit a cupiditate? Dic quæso cetera. delectat enim me hominis grauitas, scientia iuris, auctoritas. QVI AB A. POSTVMIO, Q. FVLVIO CENSORIBVS POSTVE * EA, FECIT. FECERIT. Fecit, fecerit? Quis vmquam edixit isto modo? quis vmquam eius rei fraudem aut periculum proposuit edicto, * quæ neque post edictum, neque ante edictum prouideri potuit? Iure, legibus, auctoritate omnium qui consulebantur, testamentum P. Annii fecerat non improbū, non inofficiosum, non inhumanum quod si ita fecisset: tamen post illius mortem nihil de testamento illius noui iuris constitui oporteret. Voconia lex te videlicet delectabat. imitatus esses ipsum illum * C. Voconium, qui lege sua hereditatem ademit nulli neque virgini, neque mulieri: sanxit in posterum, qui post eos censores census esset: ne quis heredem virginem, neue mulierem faceret. In lege Voconia non est, Fecit, fecerit: neque in vlla præteritum tempus reprehenditur, nisi eius rei, quæ sua sponte scelerata ac nefaria est, vt, etiam si lex non esset, magnopere vitanda fuerit. At qui in his rebus multa videmus ita sancita esse legibus, vt ante facta in iudicium non * vocentur. Cornelia, testamentaria, numaria, ceteræ complures: in quibus non ius aliquod nouum * populo constituitur, sed sancitur, vt quod semper per se malum facinus fuerit, eius quæstio ad populum pertineat ex certo tempore. De iure vero ciuili si quis noui quid instituit, omnia, quæ ante acta sunt, rata esse * patitur. Cedo mihi leges Atinias, Furias, * Fuffias, ipsam, vt dixi, Voconiam, omnes præterea

de iure ciuili: hoc reperiēs in omnibus statui ius, quo post eam legem populus vtatur. Qui plurimum tribuunt edicto, prætoris edictum legem annuam dicunt esse, tu edicto plus complecteris, quam lege. Si finem edicto prætoris afferunt Kalend. Ianuarie, cur non initium quoque edicti nascitur a Kalend. Ianuarij? an in eum annum progredi nemo poterit edicto, quo prætor alius saturus est: in illum, quo alius prætor fuit, regredietur? Ac si hoc iuris non vnius causa hominis edixisses, cautius composuisses. Scribis, si quis heredem fecit, fecerit. quid si plus legarit, quam ad heredem, heredesue perueniat, quod per legem Voconiam ei, qui census non sit, licet? cur hoc, cum in eodem genere sit, non caues? quia non generis, sed hominis causam verbis amplecteris: vt facile appareat, te pretio esse commotum. Atque hoc si in posterum edixisses, minus esset nefarium, tamen esset improbum: sed * tantum vituperari posset, in dubium venire non posset: nemo enim committeret. Nunc est eiusmodi edictum, vt quiuis intelligat, non populo esse scriptum, sed P. Annij secundis heredibus. Itaque cum a te caput illud tam multis verbis * mercenario proæmio esset ornatum, ecquis est inuentus postea prætor, qui illud idem ediceret? non modo nemo edixit, sed ne metuit quidem quisquam, ne quis ediceret. Nam post te prætorem, multi testamenta eodem modo fecerunt. in his nuper Annia. Ea de multorum propinquorum sententia, pecuniosa mulier, quod census non erat, testamento fecit heredem filiam. * Itaque hoc magnum iudicium hominum de istius singulari improbitate, quod Verres sua sponte instituisset, id neminem metuisse, ne quis reperiretur, qui istius institutum sequi vellet. Solus enim tu inuentus es, cui non satis fuerit corrigere voluntates viuorum, nisi etiam rescinderes mortuorum. Tu ipse ex Siciliensi edicto hoc sustulisti, voluisti, ex improviso si quæ res nate essent,

essent, ex urbano edicto decernere. quam post ea tu tibi defensionem relinquebas, in ea maxime offendisti, cum tuam auctoritatem tute ipse edicto provinciali repudiabas. Atq; ego non dubito, quin, ut mihi, cui filia maxime cordi est, res hæc acerba videatur, atque indigna, sic unicuique vestrum, qui simili sensu, atque indulgentia filiarum commouemini. Quid enim natura nobis iucundius, quid carius esse voluit? quid est dignius, in quo omnis nostra diligentia, indulgentiaque consumatur? Homo importunissime, cur tantam iniuriam P. Annio mortuo fecisti? cur hunc dolorem cineri eius, atq; ossibus inuulisti, ut liberis eius bona patria, voluntate patris, iure, legibus tradita eriperes, & cui tibi esset commodum, condonares? Quibus cum viui bona nostra patimur, ijs prætor adimere nobis mortuis bona, fortunasque poterit? nec petitionem, inquit, nec possessionem dabo. Eripies igitur pupillæ togâ prætextam? detrahes ornamenta non solum fortunæ, sed etiam ingenuitatis? Miramur ad arma contra istum hominem Lampfacenos isse? miramur istum de provincia decedentem clam Syracusis profugisse? nos si alienam vicem pro nostra iniuria doleremus, vestigium istius in foro esset relictum? Pater dat filiæ: prohibes, leges sinunt: tamen te interponis, de suis bonis ita dat, ut ab iure non abeat, quid habes quod reprehendas? nihil opinor. At ego concedo, prohibe, si potes, si habes qui te audiat, si potest tibi dicto audiens esse quisquam, eripias tu voluntatem mortuis, bona viuis, ius omnibus? hoc populus Rom. non manu vindicasset, nisi te huic tempori, atque huic iudicio reseruasset? Posteaquam ius prætorium constitutum est, semper hoc iure vsi sumus: si tabulæ testamenti non proferrentur, tum uti proximum quemque potissimum heredem esse oporteret, * ita secundum eum possessio daretur. Quare hoc sit æquissimum, facile est docere.

re: sed in re tam vſitata, ſatis eſt oſtendere, omnes antea ius ita dixiſſe, & hoc vetus edictum translatitiumq; eſſe. Cognoscite aliud hominis in re vetere edictū nouum: & ſimul, dum eſt, vnde ius ciuile diſcatur, adoleſcentes ei in diſciplinam tradite. mirum eſt hominis ingeniū, mira prudentia. Minucius quidam mortuus eſt ante iſtum prætorem: eius teſtamentum erat nullum: lege hereditas ad gētem Minuciam veniebat. Si habuiſſet iſte edictū, quod ante iſtum, & poſtea omnes habuerunt, poſſeſſio Minuciae genti eſſet data. Si quis teſtamento ſe heredem eſſe arbitraretur, quod tum non exſtaret, lege ageret in hereditatem: aut pro præde litis vindictiarum cum ſatis accepiſſet, ſponſionem faceret. ita de hereditate certaret. hoc opinor iure, & maiores noſtri, & nos ſemper uſi ſumus. videte, vt hoc iſte correxerit. componit edictum ijs verbis: vt quiuis intelligere poſſit, vnius hominis cauſſa conſcriptum eſſe: tantum quod hominem non nominat: cauſſam quidem totam perſcribit: ius, conſuetudinem, æquitatem, edicta omnium negligit. **EX EDICTO VRBANO. SI DE HEREDITATE AMBIGETVR, POSSESSOR SPONSIONEM NON FACIET.** Iam quid id ad prætorem, vter poſſeſſor ſit? nonne id quæri oportet, vtrum poſſeſſorem eſſe oporteat? ergo quia poſſeſſor eſt, non moues poſſeſſione: ſi poſſeſſor non eſſet, non dares. nuſquam enim ſcribis, neque tu aliud quidquam edicto amplecteris, niſi eam cauſſam pro qua pecuniam acceperas. Iam hoc ridiculum eſt: **SI DE HEREDITATE AMBIGITVR, ET TABULAE TESTAMENTI OBSIGNATAE NON MINVS MVLTIS SIGNIS QVAM E LEGE OPORTEAT, AD ME PROFERENTVR: SECVNDVM TABVLAS TESTAMENTI POTISSIMVM HEREDITATEM DABO.** Hoc translatitium eſt; ſequi illud oportet,

Si tabulæ testamenti non proferentur. quid ait? se ei daturum, qui se dicat heredem esse. Quid ergo interest, proferantur, necne? si protulerit vno signo ut sit minus, quam ex lege oportet, non des possessio- nem: si omnino tabulas non proferet, dabis. Quid nunc dicam? neminem vmquam postea alium edixisse? valde sit mirum, neminem fuisse, qui istius se similem dici vellet. ipse in Siciliensi edicto hoc non habet: exegerat enim iam mercedem. Item ut illo edicto, de quo ante dixi, in Sicilia de hereditatum possessionibus dandis, edixit idem, quod omnes Romæ præter istum. EX EDICTO SICILI- ENSI. SI DE HEREDITATE AMBIGITVR. At per deos immortales quid est, quod de hoc dici possit? Iterum enim iam quæro abs te, sicut modo in illo capite Anniano de mulierum hereditatibus, nunc in hoc de hereditatum possessionibus: cur ea capita in edictum provinciale transferre no- lueris. vtrum digniores homines existimasti eos qui habitabant in prouincia, quam nos, qui æquo iure vteremur? an aliud Romæ æquum est? aliud in Sicilia? Non enim hoc potest hoc loco dici. mul- ta esse in prouincijs aliter edicenda: non de here- ditatum quidem possessionibus: non de mulierum hereditatibus. Nam utroque genere video non modo ceteros, sed te ipsum totidem verbis edixisse, quot verbis edici Romæ solet. Quæ Romæ mag- na cum infamia, pretio accepto, edixeras, ea so- la te, ne gratis in prouincia male audires, ex edicto Siciliensi sustulisse video. Et cum edictum totum e- orum arbitrato, quamdiu fuit designatus, compo- neret, qui ab isto ius ad vtilitatem suam nundina- rentur, tum vero in magistratu contra illud edictum suum sine vlla religione decernebat. Itaque L. Piso multos codices impleuit earum rerum, in qui- bus ita intercessit, quod iste aliter atque ut edixe- rat, decreuisset, quod vos oblitos esse non arbitror,

quæ multitudo, qui ordo ad Pisonis sellâ, isto prætorê, solitus sit conuenire. quem iste colligam nisi habuisset, lapidibus coopertus esset in foro: sed eo leuiiores istius iniuriæ videbantur, quod erat in equitate, prudentiaque Pisonis paratissimum perfugium: quo sine labore, sine molestia, sine impensa, etiam sine patrono homines vterentur. Nam quæso, redite in memoriam, iudices, quæ libido istius in iure dicendo fuerit, quæ varietas decretorum, quæ nundinatio, quam inanes domus eorum omnium, qui de iure ciuili consuli solent, quam plena atque referta Chelidonis: a qua muliere, cum erat ad eum ventum, & in aurem eius insufurratum, alias reuocabat eos, inter quos iam decreuerat, decretumque mutabat: alias inter alios contrarium sine vlla religione decernebat, ac proximis paullo ante decreuerat. Hinc illi homines erant, qui etiam ridiculi inueniebantur ex dolore: quorum alij, vt audistis, negabant mirandum esse, ius tam nequam esse Verrium: alij etiam frigidiores erant: sed quia stomachabantur, ridiculi videbantur esse, cum Sacerdotem execrabantur, qui Verrem tam nequam reliquisset. quæ ego non commemorarem (neque enim perficere dicta, neque porro hac seueritate digna sunt) nisi vos illud vellem recordari, istius nequitiam & iniquitatem tum in ore vulgi, atque in communibus prouerbijs esse versatam. In plebem vero Romanam vtrum superbiam prius memorem? an crudelitatem? sine dubio crudelitas grauior est, atque atrocior. Oblitosne igitur hos putatis esse, quemadmodum sit iste solitus virgis plebem Romanam concidere? quam rem etiam tribunus pleb. in concione egit, cum eum, quem virgis iste ceciderat, in prospectum populi Rom. produxit. cuius rei cognoscendæ faciam vobis suo tempore potestatem. Superbia vero qua fuerit, quis ignorat? quemadmodum is tenuissimum quemque contempserit, despexit.

despexerit, liberum esse numquam duxerit? P. Trebonius viros bonos & honestos complures fecit heredes: in his fecit suum libertum. is A. Trebonium fratrem habuerat proscriptum: ei cum cautum vellent, scripsit, ut heredes iuuant, se curaturos, ut ex sua cuiusque parte ne minus dimidium ad A. Trebonium fratrem illum proscriptum perueniret. Libertus iurat: ceteri heredes adeunt ad Verrem: docent non oportere se iurare facturos esse, quod contra legem Corneliam esset, quæ proscriptum iuari vetat: impetrant ut ne iurent. dat his possessionem. Id ego non reprehendo. etenim erat iniquum homini proscripto egenti de fraternis bonis quidquam dari. At ille libertus, nisi ex testamento patroni iurasset, scelus se facturum arbitrabatur. itaque ei Verres possessionem hereditatis negat se daturum, ne posset patronum suum proscriptum iuare: simul ut esset pœna, quod alterius patroni testamento obtemperasset. Das possessionem ei, qui non iuravit. concedo. prætorium est, adimis, tu ei qui iuravit? quo exemplo? proscriptum iuat. lex est, pœna est. quid ad eum, qui ius dicit? Vtrum reprehendis, quod patronum iuabat eum, qui tū in miseris erat, an quod alterius patroni mortui voluntatem conseruabat, a quo summum beneficium acceperat? vtrum horum reprehendis? Et hoc tum de scella vir optimus dixit: equiti Rom. tam locupleti libertinus sit homo heres? O modestum ordinem, quod illinc viuis surrexit. Possum sexcenta decreta proferre: in quibus, ut ego pecuniam non dicam intercessisse, ipsa decretorum nouitas, iniquitasque declarat. Verum ut ex vno de ceteris coniecturam facere possitis, id quod priore actione cognostis audite. C. Sulpicius Olympius fuit. is mortuus est C. Sacerdote prætore, nescio an ante, quam Verres præturam petere cœperit. fecit heredem M. Octauium Ligurem. Ligur hereditatem adiit: pos-

sedit Sacerdote prætore sine vlla cōtrouersia. Post-
eaquam Verres magistratum inijt, ex edicto istius,
quod edictum Sacerdos non habuerat, Sulpicij pa-
troni filia sextam partem hereditatis ab Ligure pe-
tere cœpit. Ligur non aderat, L. frater eius causam
agebat: aderant amici, propinqui. dicebat iste, ni-
si cum muliere decideretur, in possessionem se iri
iussurum. L. Gellius causam Liguris defendebat:
docebat edictum eius non oportere ad eas heredi-
tates valere, quæ ante eum prætorem venissent: si
hoc tum fuisset edictum, fortasse Ligurem heredi-
tatem aditurum non fuisse. Aequa postulatio, sum-
ma hominum auctoritas pretio superabatur. Venit
Romam Ligur: non dubitabat, quin si ipse Verrem
conuenisset, æquitate causæ, & auctoritate sua
commouere hominem posset. domum ad eum ve-
nit: rem demonstrat: quam pridem sibi hereditas
venisset, docet: quod facile in causâ æquissima ho-
mini ingenioso fuit: multa, quæ quemuis mouere
possent, dixit. ad extremum petere cœpit, ne vsque
eo suam auctoritatem despiceret, gratiamque con-
temneret, vt se tanta iniuria afficeret. Homo Ligu-
rem accusare cœpit, qui in re aduentitia, atque he-
reditaria tam diligens, tam attentus esset: debe-
re cum aiebat suam quoque rationem ducere: mul-
ta sibi opus esse, multa canibus suis, quos circa se
haberet. Non possum illa planius commemorare,
quam ipsum Ligurem pro testimonio dicere audi-
stis. Quid enim Verres? vtrum, ne his quidem te-
stibus crederetur? an hæc ad rem non pertinent? non
M. Octauio? non L. Liguri? quis nobis credet? cui
nos? quid est Verres, quod planum fieri testibus
possit, si hoc non fit? an id quod dicunt, leue est? ni-
hil leuius, quam prætorem vrbs hoc iuris in suo
magistratu constituere, omnibus his, quibus here-
ditas venerit, coheredem prætorem esse oportere.
An vero dubitamus, quo ore iste ceteros homines
inferiore

inferiore loco, auctoritate, ordine, quo ore homines rusticanos ex municipijs, quo deniq; ore, quos numquam liberos putauit, libertinos homines solitus sit appellare: qui ob ius dicendum M. Octauium Ligurem, hominem ornatissimum loco, ordine, nomine, virtute, ingenio, copijs, poscere pecuniam nō dubitarit? In sacris testis vero quemadmodum sese gesserit, quid ego dicam? dixerunt qui senserunt. sunt alij, qui dicant. notæ res, ac manifeste prolatae sunt, & proferuntur. Dixit C. Fannius eques Rom. frater germanus Q. Titinij iudicis huius tui, tibi se pecuniam dedisse. Recita testimonium C. Fannij. Nolite C. Fannio dicenti credere: noli, inquam tu, Q. Titini, C. Fannio fratri tuo credere. dicit enim rem incredibilem: C. Verrem insinulat auaritiæ, & audaciæ: quæ vitia videntur in quemuis potius, quam in istum conuenire. Dixit Q. Tadius, homo familiarissimus patris istius, non alienus a matris eius genere, & nomine: tabulas protulit, quibus pecuniam se dedisse ostendit. Recita nomina Q. Tadij. NOMINA Q. TADIJ. Recita testimonium Q. Tadij. TESTIMONIUM Q. TADIJ. Ne tabulis quidem Q. Tadij, nec testimonio credetur? Quid igitur in iudicijs sequemur? quid est aliud, omnibus omnia peccata, & maleficia concedere, nisi hoc, hominum honestissimorum testimonijs, & virorum bonorum tabulis non credere? Nam quid ego de quotidiano sermone, querimoniaque populi Romani loquar? de istius impudētissimo furto, seu potius nouo, ac singulari latrocinio? ausum esse in eade Castoris, celeberrimo, clarissimoque monumento, quod templum in oculis quotidianoq; aspectu populi Rom. est positum, quo sæpenumero senatus conuocatur, quo maximarum rerum frequentissimæ quotidie aduocationes fiunt, in eo loco, in sermone hominum, audaciæ suæ monumentum æternum relinquere. Aedem Castoris,

iudices, P. Iunius habuit tuendam, L. Sylla Q. Metello * consulibus. Is mortuus est, reliquit pupillum paruum filium, cum L. Octavius, C. Aurelius coss. ædes sacras locauissent, neq; potuissent omnia facta tecta exigere, neque ij prætores, quibus erat negotium datum, C. Sacerdos & M. Cæcius, factum est s. c. quibus de fartis tectis cognitum, & iudicatum non esset, uti C. Verres, P. Cælius prætores cognoscerent, & iudicarent. Qua potestate iste permessa (ut ex C. Fannio, & ex Q. Tadio cognouistis) cum esset omnibus in rebus apertissime, impudentissimeque prædatus, hoc voluit clarissimum relinquere iudicium latrociniorum suorum, de quo non audire aliquando, sed videre quotidie possemus. quæsiuit, quis ædem Castoris fartam tectam deberet tradere. Iunium ipsum mortuum esse sciebat: scire volebat, ad quem illa res pertineret. audit pupillum esse filium. Homo, qui semper ita palam dicatasset, pupillos, & pupillas certissimam prædam esse prætoribus, optatum negotium sibi in sinum delatum esse dicebat. Monumentum illa amplitudine, illo opere, quamuis fartum tectum integrumque esset, tamen aliquid se inuenturum, in quo moliri, prædariq; posset, arbitrabatur. L. Rabonio ædem Castoris tradi oportebat. is casu pupilli Iunij tutor erat testamento patris. cum eo sine vilo intertrimento conuenerat iam, quemadmodum traderetur. Iste ad se Rabonium vocat: quærit, ecquid sit, quod a pupillo traditum non sit, quod exigere debeat. Cum ille, id quod erat, diceret, facilem pupillo traditionem esse: signa, & dona comparere omnia: ipsum templum omni opere esse integrum: indignum isti videri cæpit, ex tanta æde, tantoque opere se non opimum præda, præsertim a pupillo, discedere. Venit ipse in ædem Castoris: considerat templum: videt vndique tectum pulcherrime laqueatum, præterea cetera noua atque integra: versat se: quærit quid agat: dicit

ei quidam ex illis canibus, quos iste Liguri dixerat esse circa se multos: Tu Verres hic quod moliare, nihil habes: nisi forte vis ad perpendicularum columnas exigere. Homo omnium rerum imperitus, quaerit, quid sit ad perpendicularum. Dicunt ei, fere nullā esse columnam, quæ ad perpendicularum esse possit. * Nam mehercule, inquit, sic agamus: columnæ ad perpendicularū exigantur. Rabonius, qui legem nosset, quā in lege numerus tantum columnarum traditur, perpēdīculi mentio fit nulla: & qui non putaret sibi expedire, ita accipere, ne eodem modo reddendum esset, negat id sibi deberi, negat oportere exigi. Iste Rabonium quiescere iubet, & simul ei nonnullam spem societatis ostendit. hominem modestū & minime pertinacem facile coercet: columnas ita se exacturum esse confirmat. Noua res, atq; improuisa pupilli calamitas nuntiatur statim C. Mustio vitrico pupilli, qui nuper est mortuus, M. Iunio patruo, P. Potitio tutori, homini frugalissimo. Hi rem ad virum primarium summo officio, ac virtute præditum M. Marcellum, qui erat pupilli tutor, deferunt. Venit ad Verrem M. Marcellus: petit ab eo pro sua fide, ac diligentia pluribus verbis, ne per summam iniuriam pupillum Iunium fortunis patrijs conetur euertere. Iste, qui iam spe, & opinione prædam illam deuorasset, neque vlla æquitate orationis, neque auctoritate M. Marcelli commotus est. Itaq; quemadmodum ostendisset, se id exacturum esse respondit. Cum sibi omnes ad istum allegationes difficiles, omnes aditus arduos ac potius interclusos viderent: apud quem non ius, non æquitas, non misericordia, non propinqui oratio, non amici voluntas, non cuiusquam auctoritas * pro pretio, non gratia valeret: statuunt id sibi optimum esse factu, quod cuius venisset in mentem, petere auxilium a Chelidone: quæ isto prætore non modo in iure ciuili, priuatorumque omnium con-

trouerſijs populo Romano præſuit, verum etiam in his ſartis teſtis dominata eſt. Venit ad Chelidonem C. Muſtius eques Romanus, publicanus, homo cum primis honeſtus: venit M. Iunius patruus pueri, frugaliffimus homo, & caſtiſſimus: venit homo ſummo honore, & pudore, & ſummo officio, ſpectatiſſimus ordinis ſui P. Potitius tutor. O multis acerbam, o miſeram atque indignam præturam tuam. Vt mittam cetera, quo tandem pudore tales viros, quo dolore meretricis domum veniſſe arbitramini? qui nulla condicione iſtam turpitudinem ſubiſſent, niſi officij neceſſitudinisque ratio coegiſſet. Veniunt, vt dico, ad Chelidonem, domus erat plena: noua iura, noua decreta, noua iudicia petebantur, Mihi det poſſeſſionem, mihi ne adimat, in me iudicium ne det, mihi bona addicat. alij numos numerabant: alij tabulas obſignabant. domus erat non meretricio conuentu, ſed prætoria turba reſerta. Simul ac poteſtas primum data eſt, aduenit hi, quos dixi: loquitur Muſtius: rem demonſtrat: petit auxilium: pecuniam pollicetur. Reſpondit illa, vt meretrix, non inhumane: libenter ait ſe eſſe facturam, & ſe cum iſto diligenter ſermocinaturam: reuerti iubet. tum diſcedunt. poſtridie reuertuntur. negat illa poſſe hominem exorari: permagnam eum dicere ex illa re pecuniam conſici poſſe. Vereor ne quis forte de populo, qui priori actione non aſſuit, hæc, quia propter inſignem turpitudinem ſunt incredibilia, ſingi a me arbitretur. ea vos antea, iudices, cognouiſtis. dixit iuratus P. Potitius tutor pupilli Iunij: dixit M. Iunius tutor, & patruus: Muſtius dixiſſet, ſi viueret: ſed pro Muſtio, recenti re de Muſtio auditum dixit L. Domitius: qui, cum ſciret me ex Muſtio viuo audiſſe, quod eo ſum vſus plurimum (etenim iudicium, quod prope omnium fortunarum ſuarum C. Muſtius habuit, me vno defendente, vicit) cum hoc, vt dico, ſciret L. Domiti-

us me scire, ad eum res omnes Mustium solitum esse deferre: tamen, de Chelidone reticuit, quoad potuit, alio responsionem suam deriuauit. tantus in adolescente clarissimo, ac principe iuuentutis pudor fuit, ut aliquamdiu cum a me premeretur, omnia potius responderet, quam Chelidonei nominaret. primo necessarios istius, ad eum allegatos esse dicebat: deinde aliquando coactus Chelidonei nominauit. Non te pudet, Verres, eius mulieris arbitratu gessisse præturam, quam L. Domitius ab se nominari vix sibi honestum esse arbitrabatur? Reiecti a Chelidone capiunt consilium necessarium, ut suscipiant ipsi negotiū, cum Rabonio tutore, quod erat vix H. s. quadraginta millium, transigunt H. s. ducentis millibus. Refert ad istum rem Rabonius, ut sibi videbatur, satis grandem pecuniam, & satis impudentem esse. iste qui aliquanto plus cogitasset, male accipit verbis Rabonium: negat eum sibi illa decisione satisfacere posse. ne multa, locaturum se esse confirmat. Tutores hæc nesciunt: quod actum erat cum Rabonio, putant id esse certissimum: nullam maiorem pupillo metuunt calamitatem. Iste vero non procrastinat: locare incipit non proscripta, neque edita die, alienissimo tempore, ludis ipsis Romanis, foro ornato. Itaque renuntiat Rabonius illam decisionem tutoribus: accurrunt tamen ad tempus tutores: digitum tollit Iunius patruus. isti color immutatus est: vultus, oratio, mens denique excidit, quid ageret cœpit cogitare: si opus pupillo redimeretur, si res abiret ab eo mancipio, quem ipse apposuisset, sibi nullam prædam esse. Itaque excogitat. quid? nihil ingeniose, nihil quod quisquam possit dicere, improbe, verum callide: nihil ab isto rectum, nihil veteratorum expectaueritis: omnia aperta, omnia perspicua reperientur, impudentia, amentia, audacia. si pupillo opus redimitur, mihi præda de manibus eripitur. Quod est

igitur remedium? quod? ne liceat pupillo redimere. Vbi illa consuetudo in bonis, prædibus, prædijsque vendendis omnium consulum, censorum, prætorum, quæstorum denique, vt optima condicione sit is, cuius res sit, cuius periculum? Excludit eum solum, cui prope dicam soli potestatem factam esse oportebat. quid enim quisquam ad meam pecuniã me inuito aspires? quid accedat? Locatur opus id, quod ex mea pecunia reficiatur, ego me refecturum esse dico. probatio futura est tua, qui locas: prædibus, & prædijs populo cautum est. & si non putas cautum, scilicet tu præter in mea bona quos voles immittes? me ad meas fortunas defendendas accedere non sines? Operæpretium est, ipsam legem cognoscere, dicetis eundem conscripisse, qui illud edictum de hereditate. * EX OPERE FACIENDO QUAE PUPILLI IUVNI. Dic, dic, quæso clarius. C. VERRES PR. VRBIS ADDIDIT. Corriguntur leges * censoriæ. Quod enim video in multis veteribus legibus, Cn. Domitius, L. Metellus, L. Cassius, Cn. Seruilius censores addiderunt vult aliquid eiusmodi C. Verres. dic quid addidit. QVI DE L. MARCIO M. PERPERNA CENSORIBVS REDEMERIT, SOCIVM NE ADMITTITO: NEVE PARTEM DATO, NEVE REDIMITO. Quid ita? ne vitiosum opus fieret? at erat probatio tua. ne parũ locuples esset? at erat, & esset amplius, si velles, populo cautũ prædibus & prædijs. Hic te si res ipsa, si indignitas iniuriæ tuæ non commouebat, si pupilli calamitas, propinquorum lacrymæ, D. Bruti cuius prædia subierat periculum, M. Marcelli tutoris auctoritas apud te ponderis nihil habebat: ne illud quidem animaduvertebas, eiusmodi fore hoc peccatum tuum, quod tu neque negare posses (in tabulas enim retulisti) neque cum defensione aliqua confiteri? Addicitur id opus H-S. DL x. millibus; cum tutores H-S. Lxx x. millibus

millibus id opus ad illius hominis iniquissimi arbitrium se effecturos esse clamarent. Etenim quid erat operis? id quod vos vidistis. omnes illæ columnæ, quas dealbatas videtis, machina apposita, nulla impensa deiectæ, eisdemq; lapidibus repositæ sunt. hoc tu H-S. DLX. millibus locauisti? Atqui in illis columnis dico esse, quæ a tuo redemptore commotæ non sint: dico esse, ex qua tantum tectorium vetus delitum sit, & nouum inductum. Quod si tanta pecunia columnas dealbari putassim, certe nunquam ædilitatem petiuissim. At, vt videatur tamen res agi, & non eripi pupillo: SI QUID OPERIS CAUSSA *RECIDERIS. REFICITO. Quid erat, quod rescinderet, cum suo quemque loquo lapidem reponeret? QVI REDEMERIT, SATISDET DAMNI INFECTI, EI, QVI A VETERE REDEMPTORE ACCEPERIT. deridet, cum sibi ipsum iubet satisfacere Rabonium. PECVNIA PRAESENS SOLVATUR. Quibus de bonis? eius, qui quod tu H-S. DLX millibus locasti, H-S. LXXX. millibus effecturum se esse clamauit. Quibus de bonis? pupilli. cuius ætatem & solitudinem, etiamsi tutores non essent, defendere prætor debuit: tutoribus defendentibus, non modo patrias eius fortunas, sed etiam bona tutorum admisti. *HOC OPVS BONO SVO QVOQVE FACITO. Lapis aliquis cadendus, & apportandus fuit machina sua: nam illo non saxum, non materies aduecta est. tantum operis in ista locatione fuit, quantum paucae operæ laborum mercedis tulerunt, & *manupretij machinæ. Vtrum existimatis minus operis esse, vnā columnam efficere ab integro nouam nullo lapide rediuiuo, an quattuor illas reponere? nemo dubitat, quin multo maius sit nouam facere. Ostendam in ædibus priuatis, longa difficilique vectura, columnas singulas ad impluuium H-S. XL. millibus non minus magnas locatas.

Sed ineptum est de tam perspicua istius impudentia pluribus verbis disputare, præsertim cum iste aperte tota lege omnium sermonem atque existimationem contempserit, qui etiam ad extremum conscripserit: **REDIVIVA SIBI HABETO.** quasi quidquam rediuiui ex opere illo tolleretur, ac non totum opus ex rediuiuis constitueretur. At enim si pupillo redimi non licebat, non necesse erat rem ad ipsum peruenire: poterat aliquis ad id negotium de populo accedere. omnes exclusi sunt non minus aperte, quam pupillus. diem præstituit operi faciendo Calendas Decembris: locat circiter Idus Septembris: angustiis temporis excluduntur omnes. Quid ergo? Rabonius istam diem quomodo assequitur? Nemo Rabonio molestus est, neque Kalendis Decembris, neque Nonis, neque Idibus: denique aliquando in provinciam iste proficiscitur prius, quam opus effectum est. Posteaquam reus factus est, primo negabat opus in acceptum referre posse: cum instaret Rabonius, in me causam conferebat, quod tum codicem obsignassem. Petit a me Rabonius, & amicos allegat: facile impetrat. iste quid ageret, nesciebat. si in acceptum non retulisset, putabat se aliquid defensionis habiturum. Rabonium porro intelligebat rem totam esse patefacturum, tamen si quid poterat esse apertius, quam nunc est, ut uno minus teste haberet Rabonio? Opus in acceptum retulit quadriennio post, quam diem operi dixerat. Hæc* coditione quivis de populo redemptor accessisset: sed cum die ceteros redemptores exclusisset, tum in eius arbitrium, ac potestatem venire nemo volebat, qui sibi ereptam prædam arbitraretur. Non enim argumentamur quo ista pecunia perueniret. fecit ipse indicium. Primum eum vehementius cum eo D. Brutus contenderet, qui de sua pecunia H. S. D. L. X. nulla numeravit, quod iam iste referre non poterat opere addito, prædibus
acce-

acceptis de h. s. DLX. millibus, remisit D. Bruto h. s. CX. millia. hoc, si aliena res esset, certe facere non potuisset. Deinde nummi numerati sunt Cornificio: quem scribam suum fuisse negare non potest. Postremo ipsius Rabonij tabulæ prædam illam istius fuisse clamant. Recita nomina Rabonij. Hic etiam priore actione Q. Hortensius pupillum Iunium venisse prætextatum in vestrum conspectum* & testes secum, patruo testimonium dicenti, quæstus est: & me populariter agere, atque invidiam commouere, quod puerum producerem, clamauit. Quid erat, Hortensi, tandem in illo puero popolare? quid inuidiosum? Gracchi credo, aut Saturnini, aut alicuius hominis eiusmodi produxeram filium, ut nomine ipso, & memoria patris animos imperitæ multitudinis concitarem. P. Iunij erat hominis de plebe Romana filius, quem pater moriens tum tutoribus & propinquis, tum legibus, tum æquitati magistratuum, tum iudicijs vestris commendandum putauit. Hic istius scelerata locutione, nefarioque latrocinio bonis patrijs fortunisque omnibus spoliatus venit in iudicium: si nihil aliud, saltem ut eum, cuius opera ipse multos annos est in ffordibus, paullo tamen obsoletius vestitu videret. Itaque tibi Hortensi, non illius ætas, sed causa: non vestitus, sed fortuna popularis videbatur. neque te tam commouebat, quod ille cum toga prætexta, quam quod sine bulla venerat. vestitus enim neminem commouebat, is, quem illi mos, & ius ingenuitatis dabat. quod ornamentum pueritiæ pater dederat, indicium, atque insigne fortunæ, hoc ab isto prædone ereptum esse grauitè & acerbè homines ferebant. Neque erant hæ lacrymæ populares magis, quam nostræ, quam tuæ Q. Hortensi, quam horum qui sententiam laturi sunt: ideo quod communis est causa, commune periculum: cõmuni præsidio talis improbitas, tamquam aliquod

incendium, restinguenda est. Habemus enim liberos paruos : incertum est, quam longa nostrum cuiusque vita futura sit. consulere viui, ac prospicere debemus, ut illorum solitudo & pueritia quam firmissimo praesidio munita sit. Quis est enim, qui tueri possit liberum nostrorum pueritiam contra improbitatem magistratuū? Mater credo. scilicet magno praesidio fuit Anniae pupillae mater femina primaria : minus illa deos hominesque implorante, iste infanti pupillae fortunas patrias ademit? Tutoresne defendent? perfacile vero apud istiusmodi praetorem, a quo M. Marcelli tutoris, in causa pupilli Iunij & oratio, & voluntas, & auctoritas repudiata est. Quæremus etiam, quid iste in vltima Phrygia, quid in extremis Pamphiliae partibus fecerit? qualis in bello praedonum praedo ipse fuerit, qui in foro populi Romani pirata nefarius reperiatur? dubitamus quid iste in hostium praeda molitus sit, qui manubias sibi tantas ex L. Metelli manubijs fecerit? qui maiore pecunia quattuor columnas dealbandas, quam ille omnes aedificandas locauerit? Expectemus, quid dicant ex Sicilia testes? quis umquam templum illud aspexit, quin auaritiae tuae, quin iniuriae, quin audaciae testis esset? Quis a signo Vertumni in Circum maximum venit, quin his in vnoquoque gradu de auaritia tua commoneretur? quam tu viam thensarum, atque pompae eiusmodi exegisti, ut ipse illa ire non audeas. Te putet quisquam, cum ab Italia freto disiunctus esses, socijs temperasse? qui aedem Castoris testem furtorum tuorum esse volueris: quam populus Romanus quotidie, iudices etiam tum, cum de te sententiam ferrent, viderent? Atque etiam iudicium in praetura publicum exercuit non enim praetereundum est ne id quidem. petita multa est apud istum praetorem a Q. Opimio, qui adductus est in iudicium verbo, quod cum esset tribunus pleb. intercessisset contra legem Corneli-

amre,

am.re, quod in tribunatu dixisset contra alicuius hominis nobilis voluntatem. De quo iudicio, si velim dicere omnia, multi appellandi, lædendæque sunt, quod mihi non est necesse tantum dicam. paucos homines arrogantes, hoc adiutore, Q. Opimium per ludum, & iocum fortunis omnibus euertisse. Is mihi etiam queritur, quod a nobis i. x. solis diebus prima actio sui iudicij transacta sit: cum apud ipsum tribus horis Q. Opimius senator populi Romani bona, fortunas, ornamenta omnia amiserit? cuius propter indignitatem iudicij, sæpissime est actum in senatu, ut genus hoc totum multarum, ac iudiciorum eiusmodi tolleretur. Iam vero in bonis Q. Opimij vendendis quas iste prædas, quam aperte, quam improbe fecerit, longum est dicere. hoc dico, nisi vobis id hominum honestissimorum tabulis planum fecero, fingi a me hoc totum temporis causa putatore. Iam qui ex calamitate senatoris populi Romani cum prætor iudicio eius præfuisse, spolia domum suam referre, & manubias detrahere conatus sit: is ullam ab sese calamitatem poterit deprecari? Nam de subfortitione illa Iuniana iudicium nihil dico. Quid enim? contra tabulas, quas tu protulisti, audeam dicere? difficile est. Non enim me tua solum & iudicium auctoritas, sed etiam annulus aureus scribæ tui deterret. Non dicam id quod probare difficile est: hoc dicam, quod ostendam: multos ex te viros primarios audisse, cum diceret, ignosci tibi oportere, quod falsum codicem protuleris. nam qua invidia C. Iunius conflagrat, ea nisi prouidisses, tibi ipsi tum pereundum fuisse. Hoc modo iste sibi & salutis suæ prospicere didicit, referendo in tabulas & priuatas, & publicas, quod gestum non esset, tollendo quod esset, & semper aliquid demendo, mutando, curando ne litura appareat, interpolando. Eo enim usque progreditur, ut ne defensionem quidem malefactorum suorum sine

alijs maleficijs reperire possit. Eiusdem modi sub-
 fortitionem homo amētissimus suorum quoque iu-
 dicum fore putauit per sodalem suum Q. Curium
 iudicem quæstionis: cui nisi ego vi populi, & homi-
 num clamore atque conuicio restitissim, ex hac de-
 curia nostra, cuius mihi copiam quam * largissime
 factam oportebat, erepta esset facultas bonorum
 * cum ijs quos iste annuerat, in suum consilium sine
 causa subfortiebatur.



ACCUSATIONIS

IN C. VERREM

LIBER IIII.

ORATIO VII.



VLTA mihi necessario, iudices,
 præmittenda sunt, vt possim ali-
 quando de ijs rebus, quæ meæ fidei
 commissæ sunt, dicere. recepi enim
 causam Siciliæ: ea me ad hoc nego-
 tium prouincia attraxit. Ego tamen
 hoc onere suscepto, & recepta causa Siciliensi, am-
 plexus animo sum aliquanto amplius. suscepi enim
 causam totius ordinis: suscepi causam populi Ro.
 quod putabam tum denique recte iudicari posse, si
 non modo reus improbus adduceretur, sed etiam
 diligēs, & firmus accusator ad iudiciū veniret. Quo
 mihi maturius ad Siciliæ causam veniendū est, re-
 lictis ceteris eius furtis, ac flagitijs, vt & viribus quā
 integerrimis agere, & ad dicendum temporis fati-
 habere possim. Atq; adeo, ante quā de incommotis
 Siciliæ dico, pauca mihi videntur esse de prouinciæ
 digui-

dignitate, vetustate, vtilitate dicenda. Nā cum omnium sociorū, prouinciarūq; rationē diligenter habere deberis, tū præcipue Sicilia, iudices, plurimis iustissimisq; de causis. primū quod omnium nationū exterarū princeps Sicilia se adamicitiam, fidemq; populi Romani applicuit: prima omnium (id quod ornamentum imperij est) prouincia est appellata: prima docuit maiores nostros, quam præclarum esset exteris gentibus imperare: sola fuit ea fide, beneuolentiaq; erga populum Romanum, vt ciuitates eius insulæ, quæ semel in amicitiam nostram venissent, numquam postea deficerent: pleræq; autem, & maxime illustres in amicitia perpetuo manerent. Itaque maioribus nostris in Africam ex hac prouincia gradus imperij factus est. neq; enim tam facile opes Carthaginis tantæ concidissent, nisi illud & rei frumentariæ subsidium, & receptaculum classibus nostris pateret. Quare P. Africanus Carthagine deleta, Siculorum vrbes signis, monumentisque pulcherrimis exornauit: vt quos victoria populi Ro. maxime lætari arbitrabatur, apud eos monumenta victoriæ plurima collocaret. Deniq; ille ipse M. Marcellus, cuius in Sicilia virtutē hostes, misericordiā victi, fidem ceteri Siculi perspexerūt: non solum socijs in eo bello consuluit, verū etiam, superatis hostibus, temperauit: urbem pulcherrimam Syracusas, quæ cum manu munitissima esset, tum loci natura terra, ac mari claudebatur, cum vi, consilioq; cepisset, non solū incolumē passus est esse, sed ita reliquit ornatam, vt esset idem monumentū victoriæ, mansuetudinis, continentię: cum homines viderent, & quid expugnasset, & quibus pepercisset, & quæ reliquisset. tantum ille honore Sicilia habendū putauit, vt ne hostium quidē urbem ex sociorum insula tollendam arbitraretur. Itaque ad omnes res Sicilia prouincia semper vsumus, vt quidquid ex sese posset efferre, id non a-

pud eam nasci, sed domi nostræ conditum putare-
 mus. Quando illa frumentum, quod deberet, non ad
 diem dedit? quando id, quod opus esse putares, non
 vltro pollicita est? quando id quod imperaretur, re-
 cūsavit? itaque ille M. Cato sapiens cellam penari-
 am reipublicæ nostræ nutricem plebis Romanæ Si-
 ciliam nominavit. Nos vero experti sumus, Italico
 maximo, difficillimoq; bello, Siciliam nobis nō pro
 penaria cella, sed pro ærario illo maiorum vetere,
 ac referto fuisse. nam sine vlllo sumptu nostro, co-
 rijs, tunicis, frumentoque suppeditato maximos ex-
 ercitus nostros vestivit, aluit, armavit. Quid? illa,
 quæ forsitan ne sentimus quidem, iudices, quanta
 sunt? quod multis locupletioribus ciuibus vtitur?
 quod habent propinquam, fidelem, fructuosamque
 prouinciam, quo facile excurrant, vbi libenter ne-
 gotium gerant: quos illa partim mercibus suppedit-
 andis cum quæstu compendioque dimittit: partim
 retinet, vt arare, vt pascere, vt negotiari libeat, vt
 denique sedes, ac domicilium collocare? quod cō-
 modum non mediocre populi Romani est, tantum
 ciuium Romanorum numerum, tam prope ab do-
 mo, tam bonis fructuosisque rebus detineri. Et
 quoniam quasi quædam prædia populi Rom. sunt
 vestrīgalia nostra, atq; prouinciæ: quemadmodum
 propinquis vos vestris prædijs maxime delectami-
 ni, sic populo Rom. iucunda suburbanitas est huius-
 ce prouinciæ. Iam vero hominum ipsorum, iudi-
 ces, ea patientia, virtus, frugalitasque est, vt proxi-
 me ad nostram disciplinam illam veterem, non
 hanc, quæ nunc increbuit, videantur accedere. ni-
 hil ceterorum simile Græcorum: nulla desidia, nulla
 luxuria: contra summus labor in publicis, priuatif-
 que rebus, summa parsimonia, summa diligentia.
 Sic porro nostros homines diligunt, vt his solis ne-
 que publicanus, neque negotiator odio sit. Magi-
 stratum autem nostrorum iniurias ita multorum
 tul-

tulerunt, vt numquam ante hoc tempus ad aram legum, præsidiumque vestrum publico consilio confugerent: tamen & illum annum pertulerant, qui sic eos affligerat, vt salui esse non possent nisi C. Marcellus quasi aliquo fato venisset, vt bis ex eadem familia salus Siciliæ constitueretur & * postea M. Antonij infinitum illud imperium tēserant. Sic a maioribus suis acceperant, tanta populi Rom. in Siculos esse beneficia, vt etiam iniurias nostrorum hominum perferendas putarent. In neminem ciuitates ante hunc testimonium publice dixerunt. Hunc denique ipsum pertulissent, si humano modo, si vſitato more, si denique vno aliquo in genere peccasset. Sed cum perferre non possent luxuriam, crudelitatem, auaritiā, superbiam: cum omnia sua commoda, iura, beneficia S.P.Q.R. vnus scelere ac libidine perdidissent, hoc statuerunt, aut istius iniurias per vos vlcisci & persequi, aut si vobis indigni essent visi, quibus opem, auxiliumque ferretis, vrbes ac sedes suas relinquere: quandoquidem agros iam ante istius iniurijs exagitati, reliquissent. Hoc consilio a L. Metello legationes vniuersæ petiuerunt, vt quam primum isti succederet: hoc animo toties apud patronos, de suis miserijs deplorarunt: hoc commoti dolore, postulata consiliis, quæ non postulata, sed in istum crimina viderentur esse, ediderunt. Fecerunt etiam, vt me cuius fidem, continentiamque cognouerant, prope de vitæ meæ statu, dolore, ac lacrymis suis deducerent, vt ego istum accusarem a quo mea longissime ratio voluntasque abhorrebat. quamquam in hac causâ multo plureis partes mihi defensionis, quam accusationis suscepisse videor. Postremo homines ex tota prouincia nobilissimi, primique publice priuatimque venerunt: grauissima atque honestissima quæque ciuitas vehementissime suas iniurias persecuta est. At quemadmodum, iudices, venerunt? videor enim mihi li-

berius apud vos iam pro Siculis loqui debere, quam forsitan ipsi velint, saluti enim eorum potius consulam, quam voluntati. Ecquem existimatis umquam vlla in prouincia reum absentem contra inquisitionem accusatoris tantis opibus, tanta cupiditate esse defensum? Quæstores vtriusq; prouinciæ qui isto prætore fuerant, cum facibus mihi præsto fuerunt. hi porro, qui successerunt, vehementer istius cupidi, liberaliter ex istius cibarijs, tractati, non minus acres contra me fuerunt. Videte, quid potuerit qui quattuor in prouincia quæstores studiosissimos defensores, propugnatoresq; habuerit: prætorem vero cohortemq; totam sic studiosam, vt facile apparet, non tam illis Siciliam, quam inanem ostenderat, quā Verrem ipsum, qui plenus decesserat, prouinciam fuisse. minari Siculis, si decressent legationē, quæ contra istū diceret: minari, si qui essent profecti alij, si laudarent, benignissime promittere grauissimos priuatarum rerum testes, quibus nos præsentibus denuntiauius, eos vi, custodijque retinere. Quæ cum omnia facta sint, tamen vnā solam scitote esse ciuitatem Mamertinam, quæ publice legatos, qui istum laudarent, miserit. Eius autem legationis principem, ciuitatis nobilissimum, C. Herium iuratum dicere audistis, isti nauem onerariam maximam Messianæ esse publice coactis operis ædificatam. idemque Mamertinorum legatus, istius laudator, non solum istum bona sua, verum etiam sacra, deosq; penates a maioribus traditos, ex ædibus suis eripuisse dixit. Præclara laudatio, cum dubius in rebus legatorum vna opera consumitur, in laudando, atq; repetendo. Atq; ea ipsa ciuitas qua ratione illi amica sit, dicetur certo loco. reperietis enim, quæ causæ beneuolentiæ sint Mamertinis erga istum, eas ipsas causas satis iustas esse damnationis. Alia ciuitas nulla, iudices, publico consilio laudat. vis illa summi imperij tantum potuit apud

per-

perpaucos homines, non ciuitates, vt aut leuissimi quidam ex miserrimis, desertissimisque oppidis inuenirentur, qui iniussu populi ac senatus proficiscerentur, aut hi, qui contra istum legatos decreuerāt, & testimonium publicum, mandataque acceperāt, vi, ac metu retinerentur. Quod ego in paucis tamen vsu venisse non moleste fero, quo reliquæ tot, & tantæ, & tam graues ciuitates, tota denique Sicilia plus auctoritatis apud vos haberet, cum videretis nulla vi retineri, nullo periculo prohiberi posse, quo minus experirentur, ecquid apud vos quærimoniæ valerent antiquissimorum, fidelissimorumque sociorum. Nam quod fortasse non nemo vestrum audierit, istum a Syracusanis publice laudari, id tamen si priore actione ex Heraclij Syracusani testimonio cuiusmodi esset cognouistis, tamen vobis alio loco, vt se tota res habeat, quod ad eam ciuitatem attinet demonstrabitur. Intelligetis enim nullis hominibus quemquam tanto odio quanto istum Syracusanis esse, & fuisse. At enim istum soli Siculi persequuntur ciues Rom. qui in Sicilia negotiantur, defendunt, diligunt, saluum esse cupiunt. Primum, si ita esset, tamen vos in quæstione de pecunijs repetundis, quæ sociorum causa constituta est, lege iudicioq; sociali, sociorum quærimonias audire oporteret. sed intelligere potuistis priore actione ciues Rom. ex Sicilia plurimos, honestissimos, maximis de rebus, & quas ipsi acceperant iniurias, & quas scirent alijs esse factas, pro testimonio dicere. Ego hoc, quod intelligo, iudices, sic confirmo. Videor mihi gratū fecisse Siculis, quod eorū iniurias meo labore, inimicitias periculo sim persecutus. non minus hoc gratum me nostris ciuibz intelligo fecisse: qui hoc existimant, iuris, libertatis, rerum, fortunarumque suarum salutem, in istius damnatione consistere. Quapropter de istius prætura Siciliensi non recuso quin ita me audiat, vt,

si cuiquam generi hominum, siue Sicularum siue nostrorum ciuium: si cuiquam ordini, siue aratorum, siue pecuariorum, siue mercatorum probatus sit: si non horum omnium communis hostis prædoque fuerit: si cuiquam denique vlla in re vniquam temperauerit, ei vos quoque temperetis. Qui simulatque ei sorte prouincia Sicilia obuenit, statim Romæ, & ad urbem, antequam proficisceretur, quære ipse secum, & cogitare cum suis cœpit, quibusnam rebus in ea prouincia maximam vno anno pecuniam facere posset. Nolebat in agendo discere (tamen si non prouinciæ rudis erat, & tiro) sed in Siciliam paratus ad prædam, meditatulusque venire cupiebat. O præclare coniectum a vulgo in illam prouinciæ omen communis famæ atque sermonis: cum ex nomine istius, quid in prouincia facturus esset, perridiculi homines augurabantur. Etenim quis dubitare posset, cum istius in quæstura sagam, & furtum recognosceret: cum in legatione, oppidorum fanorumque spoliationes cogitaret: cum videret in foro latrocinia præturæ: qualis iste in quarto actu improbitatis futurus esset? Atque, ut intelligatis eum Romæ quæsisse non modo genera furandi, sed etiam nomina: certissimum accipite argumentum, quo facilius de singulari eius impudētia existimare possitis. Quo die Siciliam tetigit (videte satisne paratus ex illo omine urbano ad * euerrendam prouinciā venerit) statim Messana litteras Halesam mittit: quas ego istum in Italia scripsisse arbitror. nam simulatque e naui egressus est, dedit operam ut Halesius ad se Dio continuo veniret: se de hereditate velle cognoscere, quæ eius filio a propinquo homine Apollodoro Laphirone venisset. Ea erat, iudices, pergrandis pecunia. Hic est Dio, iudices, nunc beneficio Q. Metelli ciuis Ro. factus: de quo multis viris primarijs testibus, multorumque tabulis vobis priore actione satisfa-

Cum

Quam est, h-s. vndecies numeratum esse, vt can-
causam, in qua ne tenuissima quidem dubitatio
posset esse, isto cognoscente, obtineret præterea
greges nobilissimarum equarum abactos: argenti,
vestisq; stragulæ domi quod fuerit, esse direptum:
ita h-s. vndecies Q. Dionem, quod hereditas ei ob-
uenisset, nullam aliam ob causam perdidisse. Quid?
hæc hereditas quo prætore Dionis filio venerat? e-
odem, quo P. Annij senatoris filia: eodem, quo M.
Liguri senatori, C. Sacerdote prætore. Quid? tum
nemo molestus Dioni fuerat? non plus quam Ligu-
ri, Sacerdote prætore. Quid? ad Verrem quis detu-
lit? nemo nisi forte existimatis ei quadruplatores ad
fretum præsto fuisse. ad urbem cum esset, audiuit
Dioni cuidam Siculo permagnam venisse heredi-
tatem: heredem statuas iussim esse in foro ponere:
nisi posuisset, Veneri Erycinæ esse multatum. Ta-
meti positæ essent ex testamento, putabat tamen,
quoniam Veneris nomen esset, causam pecuniæ se
reperiturum. Itaque apponit qui petat Veneri Ery-
cinæ illam hereditatem. non enim quæstor petit (vt
est consuetudo) is, qui Erycum montem obtinebat:
petit Næuius Turpio, quidam istius excursor & e-
missarius, homo omnium ex illo conuentu quadru-
platorum deterrimus, C. Sacerdote prætore con-
demnatus iniuriarum. etenim erat eiusmodi causa,
vt ipse prætor, cum quæreret calumniatorem, paul-
lo tamen considerationem reperire nō posset. *Hic
hominem Veneri absoluit, sibi condemnat. maluit
videlicet homines peccare, quam deos: se potius a
Dione, quod non licebat, quam Venerem, quod
non debebatur, auferre. Quid ego nunc his Sext.
Pompeij Chlorig testimonium recitem? qui causam
egit Dionis, qui omnibus rebus interfuit, hominis
honestissimi: tamen cuius Romanus virtutis causa
iamdiu est, tamen omnium Siculorum primi, ac no-
bilissimi. Quid ipsius Q. Cæcilij Dionis hominis

probatissimi ac prudentissimi? Quid L. Vetecilij Liguris, T. Manlij, L. Caleni? quorum omnium testimonij de hac Dionis pecunia confirmatum est. Dixit hoc idem M. Lucullus, se de his Dionis incommodis pro hospitio, quod sibi cum eo esset, iam ante cognosce. Quid? Lucullus, qui tum in Macedonia fuit, melius hæc cognouit, quam tu, Hortensi, qui Romæ fuisti? ad quem Dio cōfugit? qui de Dionis iniurijs grauissime per litteras cū Verre questus es? noua tibi hæc sunt, & inopinata? nunc primum hoc aures tuæ crimen accipiūt? nihil de Dione, nihil de socru tua, femina primaria Serulia utere Dionis hospita audisti? nonne multa mei testes quæ tu scis, nesciunt? nonne te mihi testem in hoc crimine eripuit non istius innocentia, sed legis exceptio? Recita. TESTIMONIA M. LVCVLLI, CHLORII, DIONIS. Satisne vobis magnam pecuniam Veneris homo, qui e Chelidonis sinu in prouinciam profectus esset, Veneris nomine quæsisse videtur? Accipite aliam in minore pecunia non minus impudentem calumniam. Sosippus & Epicrates fratres sunt Agyrinenses: horum pater ab hinc duos & XX. annos est mortuus. in cuius testamento quodam loco, si commissum quid esset, multa erat Veneri. Ipsos XX. annos, cum tot interea prætores, tot quæstores, tot calumniatores in prouincia fuissent, hereditas ab his Veneris nomine petita non est. causam Verres cognoscit: per Volcatium pecuniam accipit, fere ad ii. s. c c c c. millia ab duobus fratribus. Multorum testimonium audistis antea: vicerunt Agyrinenses fratres ita, vt egentes, inanesque discederent. At enim ad Verrem pecunia ista non peruenit. Quæ est ista defensio? vtrum asseueratur in hoc, an tentatur? mihi enim res noua est. Verres calumniatores apponebat: Verres adesse iubebat: Verres cognoscebat: Verres iudicabat, pecuniæ maximæ debebantur: qui dabant, causas obtinebant:

nebant. tu mihi ita defendas? non est ista Verri numerata pecunia. Adiuuo te: mei quoque testes idem dicunt: Volcatio dicunt sese dedisse. Quæ vis erat Volcatio tanta, ut H. S. C. C. C. millia a duobus hominibus auferret? ecquis Volcatio, si sua sponte venisset, vnam libellam dedisset? veniat nunc, experiantur: testis recipiet nemo. At ego amplius dico. H. S. quadringentes accepisse te arguo contra leges: nego tibi ipsi vllum nummum esse numeratum: sed cum ob tua decreta, ob imperata, ob iudicata, pecuniæ debatur, non erat querendum, cuius manu numerarentur, sed cuius iniuria cogerentur. Comites illi tui delecti, manus erant tuæ: præfecti, scribæ, medici, accensi, haruspices, præcones, manus erant tuæ: ut quisque te maxime cognatione, affinitate, necessitudine aliqua attingebat, ita maxime manus tua putabatur: cohors tota illa tua, quæ plus mali Siciliæ dedit, quàm si centum cohortes fugitivorum fuissent, tua manus sine controuersia fuit. quidquid ab horum quopiam captum est, id non modo tibi datum, sed tua manu numeratum iudicari necesse est. Nam si hanc defensionem probabit, Non accepit ipse, licet omnia de pecunijs repetundis iudicia tollatis: nemo unquam reus tam nocens adducetur, qui ista defensione non possit uti. etenim cum Verres utatur, quis erit unquam posthac reus tam perditus, qui non ad Q. Mucij innocentiam referatur, si cum isto conferatur? Neque nunc tam mihi isti Verrem defendere videntur, quam in Verre defensionis tentare rationem. Quæ de re, iudices, vobis magnopere providendum est. pertinet hoc ad summam reip. & ad existimationem ordinis, salutemque sociorum, si enim innocentes existimari volumus, non solum nos abstinentes, sed etiam nostros comites præstare debemus. Primum omnium opera danda est, ut eos nobiscum ducamus, qui nostræ famæ, capitiq; consulant: deinde, si in hominibus eligendis, nos spes

amicitiæ sefellerit, vt vindicemus, missos faciamus, semper ita viuamus, vt rationem reddendam nobis arbitremur. Africani est hoc, hominis liberalissimi: verumtamen ea liberalitas est probanda, quæ sine periculo existimationis est, vt in illo fuit. Cum ab eo quidam vetus affectator ex numero amicorum non impetraret, vt se præfectum in Africam duceret, & id ferret moleste: Noli, inquit, mirari, si tu a me hoc non impetras. ego iam pridem ab eo cui meam existimationem caram fore arbitror, peto, vt mecum præfectus proficiscatur, & adhuc impetrare non possum. Etenim re vera multo magis est petendum ab hominibus, si salui esse volumus, vt eant nobiscum in prouinciam, quam hoc illis in beneficij loco deferendum. Sed tu, cum & tuos amicos in prouinciam, quasi in prædam, inuitabas, ac cum illis, ac per eos prædabare, & eos in concione annulis aureis donabas, non statuebas, tibi non solum de te, sed etiam de illorum factis rationem esse reddendam? Cum hos sibi quæstus constituisset magnos atque vberes ex his causis, quas ipse instituerat in consilio, hoc est, cum sua cohorte cognoscere: tum infinitum genus inuenerit ad innumerabilem pecuniam corripendam. Dubium nemini est, quin omnes omnium pecuniæ positæ sint in eorum potestate, qui iudicia dant, & eorum qui iudicant. quin nemo nostrum possit ædes suas, nemo fundum, nemo bona patria obtinere, si cum hæc a quopiam vestrum perita sunt, prætor improbus, cui nemo intercedere possit, det quem velit iudicem, iudex nequam & leuis, quod prætor iusserit, iudicet. Si* vero illud quoque accedet, vt prætor in ea verba iudicium det, vt vel Octavius Balbus iudex, homo & iuris & officij peritissimus non possit aliter iudicare: in eiusmodi: I. OCTAVIUS IUDEX ESTO. SI APPARET FVNDVM CAPENATEM, QVO DE AGITVR, EX IVRE

QVIRITIVM P. SERVILII ESSE, NEQVE
 IS FVNDVS Q. CATVLO RESTITVETVR:
 non necesse erit L. Octavio iudici cogere P. Serui-
 lium Q. Catulo fundum restituere, & condemnare
 eum, quem non oporteat? Eiusdemmodi totum ius
 prætorium, eiusdemmodi omnis res iudiciaria fuit
 in Sicilia per triennium Verre prætor: decreta e-
 iusmodi: SI NON ACCIPIT QVOD TE DE-
 BERE DICIS, ACCVSES: SI PETIT, DV-
 CAS. C. Fuscium duci iussit petito rem, L. Sueti-
 um, L. Racilium iudicia huiusmodi: *QVI CIVES
 ROM. ERANT: SI SICVLI ESSENT: CVM
 SICVLOS EORVM LEGIBVS DARI OPOR-
 TERET. QVI SICVLI: SI CIVES ROM.
 ESSENT: CVM CIVES ROM. DARI IVDI-
 CES OPORTERET. Verum vt totum genus am-
 plectamini iudiciorum, prius iura Siculorum, de-
 inde istius instituta cognoscite. Siculi hoc iure
 sunt, vt quod ciuis cum ciue agat, domi certet suis
 legibus: quod Siculus cum Siculo non eiusdem ci-
 uitatis, vt de eo prætor iudices ex P. Rupilij decre-
 to, quod is de decem legatorum sententia statuit,
 quam legem Siculi Rupiliam vocant, sortiatur.
 Quod priuatus a populo petit, aut populus a pri-
 uato, senatus ex aliqua ciuitate, qui iudicet, datur,
 cum alternæ ciuitates reiectæ sunt. Quod ciuis Ro-
 manus a Siculo petit, Siculus iudex datur: quod
 Siculus a ciue Romano, ciuis Rom. datur: cetera-
 rum rerum selecti iudices ex civium Romanorum
 conuentu proponi solent. Inter aratores, & decu-
 manos lege frumentaria, quam Hieronicam ap-
 pellant, iudicia fiunt. Hæc omnia, isto prætor,
 non modo perturbata, sed plane & Siculis, & ci-
 uibus Rom. erepta sunt. primum suæ leges, quod
 ciuis cum ciue ageret. aut enim iudicem, quem
 commodum erat, præconem, haruspicem, me-
 dicum suum dabat, aut, si legibus erat iudicium

constitutum, & ad ciuem suum iudicem venerant, libere ciui iudicare non licebat. Edictum enim hominis cognoscite, quo edicto omnia iudicia redegerat in suam potestatem: Si quis perperam iudicasset, se cogniturum: cum cognosset, animaduersurum. Idque cum faciebat, nemo dubitat, quin, cum iudex alium de suo iudicio putet iudicaturum, seque in eo capitis periculum aditurum, voluntatem spectet eius, quem statim de capite suo putet iudicaturum. Selecti e conuentu, aut propositi ex negotiatoribus iudices nulli. hæc copia quam dico iudicum, cohors non Q. Scaurilæ, qui tamen de cohorte sua dare non solebat, sed C. Verris. Cuiusmodi cohortem putatis hoc principe fuisse? sicuti videtis edictum: **SI QUID PERPERAM IUDICARIT SENATVS.** Eum quoque ostendam, si quando sit datus, coactus istius, quod non senserit, iudicasse. Ex lege Rupilia sortitio nulla, nisi cum nihil intereat istius lege Hieronica iudicia plurimarum controuersiarum sublata vno nomine omnia, de conuentu, ac negotiatoribus nulli iudices. Quantam potestatem habuerit, videtis: quas res gesserit, cognoscite. Heraclius est Hieronis filius Syracusanus, homo in primis domi suæ nobilis, & ante hunc prætorum vel pecuniosissimus Syracusanorum: nunc nulla alia calamitate, nisi istius avaritia, atque iniuria pauperrimus. huic hereditas facile ad h. s. tricies venit testamento propinqui sui Heraclij: plena domus cælati argenti optimi, multæque stragulæ vestis, pretiosissimorumque mancipiorum: quibus in rebus istius cupiditates, & insaniam quis ignorat? Erat in sermone res, magnam Heraclio pecuniam venisse: non solum Heraclium diuitem, sed etiam ornatum suppellectili, argento, veste, mancipijs futurum. audit hæc etiam Verres: & primo, illo suo leuiore artificio Heraclium aggredi conatur, vt cum roget inspicienda, quæ nō reddat: deinde a quibusdam

dam Syracusanis admonetur. hi autem quidā erant
affines istius, quorum vxores iste numquam alienas
existimauit, Cleomenes, & Aescerio qui quantum apud
istum, & quam turpi de causā potuerint, ex reliquis
criminibus intelligetis. Hi, vt dico, hominem
admonent, rem esse præclaram, domum resertam
omnibus rebus ipsum autem Heraclium hominem
esse maiorem natu, non promptissimum: & cum
præter Marcellos, patronum, quem iure suo adire,
aut appellare posset, habere neminem: esse in eo
testamento, quo ille heres esset, scriptum, vt statu-
as in palæstra deberet ponere. faciemus, vt palæ-
stræ negent ex testamento esse positas: petant he-
reditatem, quod eam palæstræ commississe dicant.
Placuit ratio Verri. nam hoc, animo prouidebat,
cum tanta hereditas in controuersiam venisset, iu-
dicioq; peteretur, fieri non posse, vt sine præda ipse
discederet. approbat consilium: auctor est vt quam-
primum agere incipiant, hominemq; id ætatis, mi-
nime litigiosum, quam tumultuosissime adoriātur.
Scribitur Heraclio dica. Primo mirantur omnes
improbis calumniæ: deinde, qui istum nossent,
partim suspicabantur, partim plane videbant adie-
ctum esse oculum hereditati. Interea dies aduenit,
quo die sese ex instituto, ac lege Rupilia dicas for-
titorium Syracusis iste edixerat. paratus ad hanc di-
cam sortiendam venerat. tum eum docet Heracli-
us non posse eo die fortiri, quod lex Rupilia veta-
ret diebus XXX. fortiri dicam, quibus scripta es-
set, dies XXX. nondum fuerant. sperabat Hera-
clius, si illam diem effugisset, ante alteram fortiti-
onem Q. Arrium, quem prouincia tum maxime ex-
spectabat, successurum. Iste omnibus iudicijs diem
distulit: & eam diem constituit, vt hanc Heraclij di-
cam sortiri post dies XXX. ex lege posset. Postea-
quam ea dies venit, iste incipit simulare se velle
fortiri. Heraclius cum aduocatis adit, & postulat

ut sibi cum palæstritis, hoc est cum populo Syracusanorum æquo iure disceptare liceat. aduersarii postulant, ut in eam rem iudices dentur ex his ciuitatibus, quæ in id forum conuenirent, electi qui Verri viderentur. Heraclius contra, ut iudices e lege Rupilia dentur: ut ab institutis superiorum, ab auctoritate senatus, ab iure omnium Siculorum ne recedatur. Quid ego istius in iure dicendo libidinem demonstrem? quis vestrum non ex urbana iurisdictione cognouit? quis umquam isto prætore, Chelidone inuita, lege agere potuit? non istum, ut non neminem, prouincia corrupti: idem fuit qui Romæ. Cum id, quod omnes intelligebant, diceret Heraclius, ius esse certum Siculis, inter se quo iure certarent, legem esse Rupiliam, quam prætor Rupilius ex s. c. de decem legatorum sententia dedisset, hoc omnes semper in Sicilia consules, prætoresque seruasse, negauit se iudices, e lege Rupilia sortitum: quinque iudices quos commodum ipsi fuit, dedit. * Quid huic homini facias? quod supplicium dignum libidini eius inuenias? præscriptum tibi cum esset, homo deterrime, & impudentissime, quemadmodum inter Siculos iudices, dæres: cum imperatoris P. R. auctoritas, legatorum decem summorum hominum dignitas, s. c. intercederet, cuius consulto P. Rupilius prætor ex legatorum sententia leges in Sicilia constituerat: cum omnes ante te prætores Rupilianas leges in ceteris rebus, & in iudicijs maxime obseruassent: tu ausus es pro nihilo, præ tua præda tot res sanctissimas ducere? tibi nulla lex fuit? nulla religio? nullus existimationis pudor? nullus iudicij merus? nullius apud te grauis auctoritas? nullum exemplum, quod sequi velles? Verum, ut institui dicere, quinque iudicibus nulla lege, nullo instituto, nulla religione, nulla sorte, ex libidine istius datis, non qui causam cognoscerent, sed qui, quod imperatum esset, iudicarent: eo die nihil

nihil actum est: adesse iubentur postridie. Heraclius interea, cum omnes insidias a prætore fortunis suis fieri videret, capit consilium de amicorum, & propinquorum sententia, non adesse ad iudicium. itaque Syracusis illa nocte profugit. Iste postero die mane, cum multo maturius, quam umquam antea, surrexisset, iudices citari iubet. ubi comperit Heraclium non adesse, cogere incipit eos, ut absentem Heraclium condemnarent. Illi cum commonefaciunt, ut si ei videatur, utatur instituto suo, nec cogat ante horam decimam de absente secundum præsentem iudicare. impetrant. interea sane perturbatus & ipse, & eius amici, & consiliarii molestè ferre cœperunt, Heraclium profugisse: putabant absentis damnationem, præsertim tantæ pecuniæ, multo inuidiosiore fore, quam si præsens damnatus esset. Eo accedebat, quod quoniam iudices e lege Rupilia dati non erant: multo etiam rem turpiorem, & iniquiorem visum iri intelligebant. Itaque hoc dum corrigere vult, apertior eius cupiditas, improbitasque facta est. Nam illis quinque iudicibus uti sese negat: iubet, id quod initio e lege Rupilia fieri oportuerat, citari Heraclium, & eos, qui dicam scripserant: aitque se iudices e lege Rupilia velle sortiri. quod ab eo pridie, cum multis lacrymis eum oraret, atque obsecraret Heraclius, impetrare non potuerat, id ei postera die venit in mentem, e lege Rupilia sortiri dicas oportere. educit ex urna tres. ijs ut absentem Heraclium condemnent, imperat. itaque condemnant. Quæ, malum, ista fuit amentia? ecquando te rationem factorum tuorum redditurum putasti? ecquando his de rebus tales viros audituros existimasti? petatur hereditas ea, quæ nulla debetur, in prædâ prætoris? interponatur nomen ciuitatis? imponatur honestæ ciuitati turpissima persona calumniæ? neque hoc solum, sed ita res agatur, ut ne simulatio quidem æquitatis vlla

^adhibeatur? Nam per deos immortales, quid interest, utrum prætor imperet, vique cogat aliquem de suis bonis omnibus decedere, an huiusmodi iudicium det, quo iudicio indicta causa fortunis omnibus eueri necesse sit? Profecto enim negare non potes, te ex lege Rupilia sortiri iudicium debuisse, cum præsertim Heraclius id postularet. Sin illud dicēs, te Heraclij voluntate ab lege recessisse, ipse te impedies: ipse tu tua defensione implicabere. quare enim primum ille ipse adesse noluit, cū ex eo numero iudices haberet, quos postularat? deinde tu cur post illius fugam iudices alios sortitus es, si eos qui erant antea dati, vtriusque dederas voluntate? Deinde ceteras dicas omnes illo foro M. Postumius quæstor sortitus est: hanc solam tu in illo conventu reperire sortitus. Ergo inquiet aliquis, donauit populo Syracusano illam hereditatem. primum, si id confiteri velim, tamen istum condemnatis necesse est. Neque enim permissum est, ut impune nobis liceat, quod alicui eripuerimus, id alteri tradere. Verum ex ista reperietis hereditate ita istū prædatum, ut perpauca occulte fecerit: populum quidem Syracusanum in maximam inuidiam sua infamia, alieno præmio peruenisse: paucos Syracusanos, eos qui se nunc publice laudationis causa venisse dicunt, & tunc participes prædæ fuisse, & nūc non ad istius laudationem, sed ad communem litium æstimationem venisse. Posteaquam damnatus est absens, non solum illius hereditatis, de qua ambigebatur, quæ erat h. s. tricies, sed omnium bonorum paternorum ipsius Heraclij, quæ non minor erat pecunia palæstræ Syracusanorum, hoc est, Syracusanis, possessio traditur. Quæ est ista prætura? eripis hereditatem, quæ venerat a propinquo, venerat testamento, venerat legibus: quæ bona is, qui testamentum fecit, huic Heraclio, antequam est mortuus, omnia vtenda ac possidenda tradiderat: cuius

cuius hereditatis, cum ille aliquanto ante te prætor-
 rem esset mortuus, controuersia fuerat nulla, men-
 tionem fecerat nemo. Verum esto: eripe heredita-
 tem propinquis, da palæstritis: prædare in bonis ali-
 enis nomine ciuitatis: euerte leges, testamenta, vo-
 luntates mortuorum, iura viuorum: num etiam pa-
 trijs Heraclium bonis exturbare oportuit? qui si-
 mulac profugit, quam impudenter, quam palam,
 quam acerbe, dij immortales, illa bona direpta
 sunt! quam illa res calamitosa Heraclio, quæstiosa
 Verri, turpis Syracusanis, miseranda omnibus vide-
 batur! Nam illud quidem statim curatur, vt quid-
 quid cælati argenti fuit in illis bonis, ad istum defe-
 ratur: quidquid Corinthiorum vasorum, stragulæ
 vestis: hæc nemo dubitabat, quin non modo ex illa
 domo capta & oppressa, verum ex tota prouincia
 ad istum comportari necesse esset. Mancipia quæ
 voluit abduxit: alia diuisit: auctio facta est: in qua
 cohors istius inuicta dominata est. Verum illud est
 præclarum. Syracusani, qui præfuerant his Hera-
 clij bonis verbo redigendis, re disperdiendis, red-
 debant eorum negotiorum rationem in senatu: di-
 cebant Scyphorum paria complura, hydrias argen-
 teas, pretiosam vestem stragulam, multa mancipia
 pretiosa Verri data esse. dicebant quantum cuique
 eius iussu numorum esset datum. gemebant Syra-
 cusani: sed tamen patiebantur. repente recitatur,
 vno nomine M. S. C. C. L. millia iussu prætoris data
 sit maximus clamor omnium, non modo optimi
 cuiusque, neque eorum, quibus indignum semper
 visum erat, bona priuati, populi nomine per sum-
 mam iniuriam erepta: verum etiam ipsi illi aucto-
 res iniuriæ, & ex aliqua particula focij prædæ, ac
 rapinarum, clamare cœperunt, sibi vt haberet here-
 ditatem, tantus in curia clamor factus est, vt popu-
 lus concurreret. Res ab omni conuentu cognita
 celeriter domum nuntiatur. homo inimicus ijs, qui

recitassent: hostis omnibus, qui acclamassent, exarsit iracundia, ac stomacho, verumtamen fuit tum sui dissimilis, nostis os hominis, nostis audaciam: tamen tum rumore populi, & clamore, & furto manifesto grandis pecuniæ perturbatus est. ubi se collegit, vocat ad se Syracusanos: quia non posset negare ab illis pecuniam datam: non quæsiuit procul alicunde (neq; enim probaret) sed proximum, pæne alterum filium, quem illam pecuniam diceret abstulisse, ostēdit se reddere coacturum, qui posteaquam id audiuit, habuit dignitatis, & ætatis, & nobilitatis suæ rationem: verba apud senatum fecit: docuit ad se nihil pertinere: de isto, id quod omnes videbant, *neque ille quidem obscure locutus est. Itaque illi Syracusani statuam postea statuerunt: & is ubi primum potuit, istum reliquit, de provinciaq; *decessit. Et tamen aiunt eum queri solere nonnumquam, se miserum, quod non suis, sed suorum comitum peccatis, & criminibus prematur. Triennium provinciam obtinuisti: genere electus adolescens unum annum tecum fuit: sodales viri fortes legati tui primo anno te reliquerunt: vnus legatus P. Tadius, qui erat reliquus, non ita multum tecum fuit. qui si semper vna fuisset, tamen summa cura tum tuæ, tum multo etiam magis suæ famæ pepercisset. Quid est, quod tu alios accuses? quid est, quamobrem putes, te tuam culpam non modo deriuare in aliquem, sed communicare cum aliquo posse? Numerantur illa h. s. ducenta quinquaginta millia Syracusanis. ea quemadmodum ad istum postea per pseudothyron reuertantur, tabulis vobis, & testibus iudices planum faciam. Ex hac iniquitate istius, & improbitate, iudices, quod præda ex illis bonis ad multos Syracusanos inuito populo senatuque Syracusano venerat: etiam illa scelera sunt, quæ per Theomnastum, & Aeschrionem, & Dionysodorum, & Cleomenem inuitissima ciuitate facta

facta sunt: primum vt vrbs tota spoliaretur : qua de realius mihi locus ad dicendum est constitutus : vt omnia signa iste per eos homines, quos nominavi, omne ebur ex ædibus sacris, omnes vndiq; tabulas pictas, deorum deniq; simulacra, quæ vellet, auferret: deinde vt in curia Syracusis, quem locum illi Buleuterium vocant, honestissimo loco, & apud illos clarissimo, sub illius ipsius M. Marcelli, qui cum Syracusanis locum eum eripere belli ac victoriæ lege posset, conseruauit, & reddidit, statua ex ære facta, ibi inauratam isti, & alteram filio statuam posuerint: vt dum istius hominis memoria maneret, senatus Syracusanus sine lacrymis, & gemitu in curia esse non posset. Per eisdem istius iniuriarum, furtorum, vxorumq; socios, istius imperio Syracusis Marcellæ tolluntur maximo gemitu, luctuq; ciuitatis: quem illi diem festum cum recentibus beneficijs M. Marcelli debitum reddebant, tum generi, nomini, familiæ Marcellorum maxima voluntate tribuebant. Mithridates in Asia, cum eam prouinciam totam occupasset, Mucia non sustulit: hostis, & hostis in ceteris rebus nimis ferus & immanis, tamen honorem hominis deorum religione consecratum violare noluit. tu * Syracusanis vnum diem festum Marcellis impertiri vetuisti, per quos illi adepti sunt, vt ceteros dies festos agere possent. At vero præclarum diem reposuisti, Verrea vt agerent, & vt ad eum diem, quæ sacris, epulisq; opus essent, in complures annos locarentur. * Sed iam in tanta istius impudentia remittendum aliquid videtur, ne omnia contendamus, ne omnia cum dolore agere videamur. Nam me dies, vox, latera deficient, si hoc nunc vociferari velim, quam miserum, indignumq; sit, istius nomine apud eos diem festum esse, qui sese istius opera funditus extinctos esse arbitrentur. O Verrea præclara, quoquam si accessisti, quo non attuleris tecum istum diem. etenim quam

tu domum, quam urbem adiisti, quod fanum denique, quod non euersum, atque extersum reliqueris? Quare appellantur sane ista Verrea, quæ non ex nomine, sed ex manibus, naturaque tua constituta esse videantur. Quam facile serpat iniuria, & peccandi consuetudo: quam non facile reprimatur, videte, iudices. Bidis oppidum est tenue sane, non longe a Syracusis. huius longe primus ciuitatis est Epicrates quidam. huic hereditas H-S. quingentorum millium venerat a muliere quadam propinqua, atque ita propinqua, vt ea, * etiam si intestata esset mortua, Epicratem Bidinorum legibus heredem esse oporteret. recens Syracusana erat illa res, quam ante demonstraui, de Heraclio Syracusanos qui bona non perdidisset, nisi ei venisset hereditas. Huic quoque Epicrati venerat, vt dixi, hereditas. Cogitare cœperunt eius inimici nihilominus eodem prætore hunc euerti bonis posse, quo Heraclius esset euersus. rem occulte instituunt: ad Verrem per eius interpretes deferunt: ita causa componitur, vt item palæstritæ Bidentis peterent ab Epicrate hereditatem, quemadmodum palæstritæ Syracusani ab Heraclio petissent. Numquam vos prætorem tam palæstricum vidistis: verum ita palæstritas defendebat, vt ab illis ipse vnctior discederet, qui statim cum præsensisset, iubet cuidam suorum amicorum numerari H-S. L x x x. * res occultari satis non potest. per quendam eorum, qui interfuerant, sit Epicrates certior. primo negligere, & contemnere cœpit, quod causa prorsus, quod dubitari posset, nihil habebat. Deinde cum de Heraclio cogitaret, & istius libidinem nosset, commodissimum putauit esse, de prouincia clam abire: itaq; fecit. profectus est Rhegyum. Quod vbi auditum est, æstuarie illi, qui dederant pecuniam: putare nihil agi posse absente Epicrate. nam Heraclius tum abfuerat, cum primum dati sunt iudices: de hoc, qui ante
quam

quam in ius aditum esset, ante quam denique mentio controuersia facta esset, discessisset, putabant nihil agi posse. homines Rhegyum proficiscuntur, Epicratem conueniunt, demonstrant id, quod ille sciebat, se H-S. L x x x. dedisse: rogant eum ut id, quod ab ipsis abisset pecuniae, curet: ab sese caueat quemadmodum velit, de illa hereditatem cum Epicrate neminem esse acturum. Epicrates homines multis verbis male a se acceptos dimisit: redeunt illi Rhegyo Syracusas: queri cum multis, ita ut fit, incipiunt: sese H-S. L x x x. nummum frustra dedisse, res percrebuit: in ore, atque sermone omnium coepit esse. * Verres refert se ad illam suam rationem Siracusanam: ait sese velle de illis H-S. L x x x. cognoscere: aduocat multos. dicunt Bidini Volcatio se dedisse: illud non addunt, iussu istius. Volcatium vocat: pecuniam referri imperat. Volcatus animo exquisitissimo nummos affert, qui nihil amitteret: reddit inspectantibus multis: Bidini nummos auferunt. Dicit aliquis, Quid ergo in hoc Verrem reprehendis, qui non modo ipse fur non est, sed ne alium quidem passus est esse? attendite. iam intelligetis, hanc pecuniam, qua via modo visa est exire ab isto, eadem semita reuertisse. Quid enim? debuit praetor, cum consilio re cognita, cum comperisset suum comitem, iuris, decreti, iudicii corrumpendi causa, qua in re ipsius praetoris caput, existimatioque ageretur, pecuniam accepisse. Bidinos autem contra praetoris famam, ac fortunas dedisse, non & in eum, qui accepisset, animaduertisse, & in eos, qui dedissent? Tu qui institueras in eos animaduertere, qui perperam iudicassent, quod saepe per imprudentiam fit: hos pateris impune discedere, qui ob tuum decretum, ob tuum iudicium, pecuniam aut dandam, aut accipiendam putarent? Volcatus idem apud te postea fuit, eques Romanus, tanta accepta ignominia. nam quid est turpius ingenuo,

quid minus libero dignum, quam in conuentu maximo cogi a magistratu furtum reddere? qui si eo animo esset, quo non modo eques Romanus, sed quiuis liber debet esse, aspicere te postea non potuisset: inimicus, hostis esset tanta contumelia accepta, nisi tecum collusisset, & tuæ potius existimationi seruisset, quam suæ. qui quam tibi amicus non modo tum fuerit, quandiu tecum in prouincia fuit, verum etiam nunc sit, cum iam a ceteris amicis sis relictus, & tu intelligis, & nos existimare possumus. An hoc solum argumentum est, nihil isto imprudente factum, quod Volcatius ei non succensuit, quod iste nec in Volcatium, nec in Bidinos animaduertit? Est magnum argumentum: verum illud maximum, quod illis ipsis Bidinis, quibus iratus esse debuit, ut a quibus comperit, quod iure agere cum Epicrate nihil possent, etiam si adesset, idcirco suum decretum pecunia esse tentatum: his inquam ipsis non modo illam hereditatem, qui Epicrati venerat, sed, ut in Heraclio Syracusano, item in hoc paullo etiam atrocius, quod Epicrates appellatus omnino non erat, bona patria, fortunaque eius Bidinis tradidit. ostendit enim nouo modo, si quis quid ab absente peteret, se auditurum. Adeunt Bidini: petunt hereditatem: procuratores postulant, ut se ad leges suas reijciat, aut ex lege Rupilia dicam scribi iubeat. aduersarii non audebant contradicere. Exitus nullus reperiebatur. insimulant hominem fraudandi causa discessisse. postulant, ut bona possidere liceat. debebat Epicrates nullum nummum nemini, amici, si quis quid peteret, iudicio secum agi passuros, indicatum solui satisfacturos esse dicebant. Cum omnia consilia frigerent, admonitu istius insimulare cœperunt, Epicratem litteras publicas corrupisse: a qua suspicione ille aberat plurimum. actionem eius rei postulant: amici recusare, ne quod nouum iudicium, ne qua ipsius cogni-
tio

tio illo absente de existimatione eius constituere-
tur: & simul idem illud postulare non desistebant,
vt se ad leges suas reijceret. iste amplam occasio-
nem calumniæ nactus, vbi videt esse aliquid, quod
amici absentem Epicratem nollent defendere, as-
seuerat, se eius rei in primis actionem esse datu-
rum. Cum omnes perspicerent ad istum non mo-
do illos nummos, qui per simulationem ab isto ex-
ierant, reuertisse, sed multo etiam plures cum po-
stea nummos abstulisse: amici Epicratem defende-
re destiterunt: iste Epicratis bona Bidinos omnia
possidere, & sibi habere iussit. ad illa h. s. d. millia
hereditaria accessit ipsius antiqua h. s. quindecies
pecunia. Vtrum res ab initio ita ducta est? an ad
extremum ita perducta est? an ita parua est pe-
cunia? an is homo Verres, vt hæc, quæ dixi, gra-
tis facta esse videantur? Hic nunc de miseria Si-
culorum, iudices, audite. & Heraclius ille Syra-
cusanus, & hic Bidinus Epicrates expulsi bonis
omnibus, Romam venerunt sordidati maxima bar-
ba, & capillo, Romæ biennium prope fuerunt.
Cum L. Metellus in prouinciam profectus est, tum
isti bene commendati cum Metello vna proficif-
cuntur. Metellus simulac venit Syracusas, vtrum-
que rescindit, & de Epicrate, & de Heraclio. In v-
triusque bonis nihil erat, quod restitui posset, ni-
si quod moueri loco non poterat. Feccerat hæc e-
gregie primo aduentu Metellus, vt omnes istius
iniurias, quas modo posset, rescinderet, & irritas
faceret. Heraclium restitui iusserat: non restitueba-
tur: quisquis erat * ductus senator Syracusanus ab
Heraclio, duci iubebat. itaque permulti ducti
sunt. Epicrates quidem continuo restitutus est. A-
lia iudicia Lilybæi, alia Agrigenti, alia Panormi re-
stituta sunt. census qui, isto prætoris, sunt habiti,
non seruaturum se Metellus ostenderat: decumas,
quas iste contra legem Hieronicam vendiderat, se-

se venditurum Hieronica lege dixerat. Omnia erant Metelli eiusmodi, ut non tam suam præturam gerere, quam istius retexere videretur, simulatque ego in Siciliam veni, mutatus est. venerat ad eum illo biduo Letulius quidam, homo non alienus a litteris. itaque eo isto tabellario semper usus est. Is epistolas complures attulerat: in his unam domo, quæ totum immutarat hominem. repente cæpit dicere, se omnia Verris causa velle. sibi cum eo amicitiam, cognationemque esse. mirabantur omnes, hoc ei tum denique in mentem venisse, posteaquam multis cum factis, decretisque iugulasset. erant qui putarent Letilium legatum a Verre venisse, qui gratiam, amicitiam, cognationemque commemoraret. Ex illo tempore a civitatibus laudationem petere: testes non solum deterrere verbis, sed etiam vi retinere cæpit. Quod ego nisi meo aduentu illius conatus aliquantulum represissem, & apud Siculos non Metelli, sed Glabrionis litteris ac lege pugnassem, tam multos huc euocare non potuissem. Verum, quod institui dicere, miseras cognoscite Siculorum. Heraclius ille, & Epicrates longe mihi obuiam cum suis omnibus processerunt: venienti Syracusas egerunt gratias fientes, Romanæ decedere mecum cupierunt. Quod erant mihi oppida complura etiam reliqua, quæ adire vellem, constitui cum hominibus, quo die mihi Messanæ præsto essent, eo mihi nuntium miserunt, se a prætore retineri. quibus ego testimonium denuntiaui, quorum nomina edidi Metello, cupidissimi veniendi, maximis iniurijs affecti, adhuc non venerunt. hoc iure sunt socij, ut his ne deplorare quidem de suis incommodis liceat. Iam Heraclij Cæturipini optimi nobilissimiq; adolescentis testimonium audistis: a quo h. s. c. millia per calumniā, malitiāque petita sunt. Iste pœnis, compromissisq; interpositis, h. s. c. c. extorquenda curavit: quodq; iudicium

cium secundum Heraclium de compromissis factū erat, quod cuius Centuripinus inter duos ciues iudicasset, id irritum iussit esse, eumq; iudicē falsum iudicasse iudicauit: in senatu ne esset, locis, cōmodisq; publicis vti vetuit: si quis eum pullasset, edixit sese iudiciū iniuriarum nō daturū, quidquid ab eo peteretur, iudicem de sua cohorte daturū, ipsi autē nullius actionem rei sese daturum. Quæ istius auctoritas tantum valuit, vt neque illum pulsaret quisquam, cum prætor in prouincia sua verbo permetteret, re hortaretur, neq; quisquam ab eo quidquam peteret, cum iste calumniæ licentiam sua auctoritate * præbuisset, ignominia autem illa grauis tamdiu in illo homine fuit, quamdiu iste in prouincia mansit. Hoc iniecto metu iudicibus nouo more, nullo exemplo, ecquam rem putatis esse in Sicilia, nisi ad nutum istius iudicatum? Vtrum id solum videtur esse actum, quod est tamen actum, vt Heraclio pecunia eriperetur? an etiam illud, in quo præda erat maxima, vt nomine iudiciorum, omnium bona, atque fortunæ in istius vnus essent potestate? Iam vero in rerum capitalium quæstionibus quid ego vnamquamque rem colligam, & causam? ex multis * similibus ea sumam, quæ maxime improbitate excellere videbuntur. Sopater quidam fuit Haliciensis, homo domi suæ cum primis locuples atque honestus: is ab inimicis suis apud C. Sacerdotem prætorem rei capitalis cum accusatus esset, facile eo iudicio est liberatus. huic eidem Sopatro iidem inimici ad C. Verrem, cum is Sacerdoti successisset, eiusdem rei nomē detulerunt: res Sopatro facilis videbatur, & quod erat innocens, & quod Sacerdotis iudicium improbare istum ausurum non arbitrabatur. citatur reus: causa agitur Syraculis: crimina tractantur ab accusatore ea, quæ erant antea non solum defensione, verum etiam iudicio dissoluta. causam Sopatri defendebat Q. Minucius

eques Ro. in primis splendidus, atq; honestus, vobisq; iudices, non ignotus: nihil erat in causa, quod metuendum, aut omnino quod dubitandum videretur. Interea istius libertus, & accensus idem Timarchides, qui est, id, quod ex plurimis testibus priore actione didicistis, rerum huiusmodi omnium transactor, & administer, ad Sopatrum venit: monet hominem ne nimis iudicio Sacerdotis, & causæ confidat: accusatores, inimicosq; eius habere in animo pecuniam prætori dare: prætorem tamen ob salutem malle accipere, & simul malle, si fieri posset, rem iudicatam non rescindere. Sopater, cum hoc illi improuisum atq; inopinatum accidisset, commotus est sane, neq; in præsentia Timarchidi quid responderet, habuit, nisi se consideraturum, quid sibi de ea re esset faciendū: & simul ostēdit, se in summa difficultate esse numaria. post ad amicos retulit, qui cum ei fuissent auctores redimendæ salutis, ad Timarchidē venit: expositis suis difficultatibus, hominem ad H. S. L. x x x. perducit, eamque ei pecuniam numerat. Posteaquam ad causam dicendam ventum est, tum vero sine metu, sine cura omnes erant, qui Sopatrum defendebant: crimen nullum erat, res iudicata: Verres nummos acceperat. Quis posset dubitare, quidnam esset futurum? res illo die non peroratur dimittitur iudicium. item ad Sopatrum Timarchides venit: ait, accusatores eius multo maiorem pecuniam prætori polliceri, quam quantam hic dedisset: proinde, si sciret, videret quid sibi esset faciendum. Homo, quamquam erat & Siculus, & reus, hoc est, & iure iniquo, & tempore aduerso, ferre tamen, atque audire diutius Timarchidem non potuit. Facite, inquit, quod vobis liber, daturus non sum amplius, idemq; hoc amicis eius, & defensoribus videbatur: atque eo etiam magis, quod ille, quoquo modo se in ea questione præbebat, tamē in consilio habebat homines honestos

stos e conuentu Syracusano, qui Sacerdotis quoque in consilio fuerant, tum, cum esset idem hic Sopater absolutus. Hoc rationis habebant, facere eos nullo modo posse, vt eodem crimine, iisdem testibus Sopatrum condemnarent iisdem homines, qui antea absoluisent. Itaque hac vna spe ad iudicium veniunt. quo posteaquam ventum est cum in consilium frequentes conuenissent iisdem qui solebant, & hac vna spe tota defensio Sopatri inniteretur, consilij frequentia, & dignitate, & quod erant, vt dixi, iisdem qui antea Sopatrum eodem illo crimine liberarant cognoscite hominis apertam, ac non modo non ratione, sed ne dissimulatione quidem testam improbitatem, & audaciam, M. Petilium equitem Ro. quē habet in consilio, iubet operam dare, quod rei priuatæ iudex esset. Petilius recusabat, quod suos amicos, quos sibi in consilio esse vellet, ipse Verres retineret. Iste homo liberalis, negat se quemquam retinere eorum, qui Petilio vellent adesse. itaque discedunt omnes. nam ceteri quoque impetrant, ne retineantur, qui se velle dicebant alterutri eorum, qui tum illud iudicium habebant, adesse: itaque iste solus, cum sua cohorte nequissima relinquitur. Non dubitabat Minucius, qui Sopatrum defendebat, quin iste, quoniam consilium dimisisset, illo die rem illam quaesiturus non esset: cum repente iubetur dicere. respondit, ad quos? ad me, inquit, si tibi idoneus videor, qui de homine Siculo ac Græculo iudicem. Idoneus es, inquit: sed peruellem adessent hi, qui affuerant antea, causamque cognorant. Dic inquit, illi adesse non possunt. Nam hercule, inquit Q. Minucius, me quoque Petilius, vt sibi in consilio adessem, rogauit: & simul a subfellijs abire cœpit. Iste iratus hominem verbis vehementioribus prosequitur, atque ei grauius etiam minari cœpit, quod in se tantum crimen, inuidiamque constaret. Minucius, qui Syracusis sic negotiaretur, vt sui iuris, dig.

nitatisq; meminisset, & qui sciret ita se in prouincia rem augere oportere, vt ne quid de libertate perderet: homini quæ visa sunt, & quæ tempus illud tulit, & causâ, respondit, causâ se se dimisso, atq; ablegato consilio defensorum negauit. itaq; a subellijs discessit: idemque hoc præter Siculos ceteri Sopatri amici, aduocatiq; fecerunt. Iste quamquam est incredibili importunitate, & audacia: tamen subito solus destitutus pertimuit, & conturbatus est. quid ageret, quo se verteret, nesciebat. si dimississet ex tempore quæstionem, post illis adhibitis, quos ablegarat, absolutum iri Sopatrum videbat: sin autem hominem miserum atq; innocentem condemnasset, cum ipse prætor sine consilio, reus autem sine patrono, atque aduocatis fuisset, iudiciūq; C. Sacerdotis rescidisset, inuidiam se sustinere non posse tantam arbitrabatur. Itaq; æstuabat dubitatione: verfabat se in vtramq; partem non solum mente, verum etiam corpore: vt omnes, qui aderant, intelligere possent, in animo eius metum, * cupiditatemq; pugnare. erat hominum cōuentus maximus, summum silentium, summa expectatio, quonam esset eius cupiditas eruptura. crebro demittebat se accensus ad aurem Timarchides. Tum iste aliquando, Age, dic, inquit. Sopatrus implorare hominum, atque deum fidem, vt cum consilio cognosceret. tū repente iste testes citari iubet. dicit vnus & alter breuiter: nihil interrogatur. præco, dixisse pronuntiat. Iste, quasi metueret, ne Petilius priuato illo iudicio transacto aut dilato, cum ceteris in consilium reuertetur, ita properans de sella exsiluit, hominem innocentem, a Sacerdote absolutum, indicta causâ, de sententia scribæ, medici, haruspiciſque * condemnauit. Retinete, retinete hominem in ciuitate iudices: parcite, & conseruate, vt sit qui vobiscum res iudicet, qui in senatu sine vlla cupiditate de bello & pace sententiam ferat. tametsi minus id quidem

quidem nobis, minus populo Ro. laborandum est? qualis istius in senatu sententia futura sit. quæ enim auctoritas erit? quando iste sententiam dicere audebit, aut poterit? quando autem homo tanta luxuria, atq; desidia, nisi Februatio mense aspirabit in curiam? Verum veniat sane, decernat bellum Cretensibus, liberet Bizantios, regem appellet Ptolemæum, quæ vult Hortensius omnia dicat, & sentiat minus hæc ad nos, minus ad vitæ nostræ discrimen, minus ad fortunarum nostrarum periculum pertinent. illud, illud est capitale, illud est formidolosum, illud optimo cuiq; metuendum, quod iste, ex hoc iudicio si aliqua vi se eripuerit, in iudiciis sit necesse est: sententiam de capite ciuis Rom. ferat: sit in eius exercitu signifer, qui imperium iudiciorum tenere vult. hoc populus Rom. recusat, hoc ferre non potest: clamat permittitq; vobis, vt si istis hominibus delestemini, si ex hoc genere splendorē ordini, atq; ornamentū curiæ constituere velitis, habeatis sane vobis istū senatorem: * istum vobis iudicem si vulris, habeatis: de se homines, qui extra istum ordinē sunt, quibus ne rei; ciūdi quidē amplius, quam trium iudicum præclare leges Corneliæ faciunt potestati, hunc hominem tam crudelem, tam sceleratū, tam nefarium nolunt iudicare. Etenim si illud est * tam flagitiosum (quod mihi omnium rerū turpissimum, maximeq; nefarium videtur) ob rem iudicandam pecuniam accipere, pretio habere addictam fidem & religionē, quanto illud flagitiosius, improbius, indignius, cum, a quo pecuniam ob absolvendum acceperis, condemnare: vt ne prædonum quidem prætor in fide retinenda consuetudinem conseruaret? Scelus est accipere ab reo: quanto magis ab accusatore? quanto etiam sceleratius ab vtroq;? Fidem cum proposuisses venalē in prouincia, valuit apud te plus is, qui pecuniam maiorem dedit. cōcedo: forsitan aliquis aliquando eiusmodi quippiā fe-

cerit. cum vero fidem, ac religionē tuam alteri additam pecunia accepta habueris, post eandem aduersarijs tradideris maiore pecunia: vtrumque falles? & trades, cui voles? & ei, quem fecelleris, ne pecuniam quidem reddes? quem mihi tu Balbum? quem Stalenum? quod vñquam huiusmodi monstrum aut prodigium audiuius, aut vidimus, qui cum reo transigat, post cum accusatore decidat honestos homines, qui causam norint, ableget, consilioque dimittat: ipse solus reum absolutum a quo pecuniam acceperit, condemnet, pecuniamque non reddat? hunc hominem in iudicum numero habebimus? hic alteram decuriam senatoriam iudex obtinebit? hic de capite libero iudicabit? huic iudicialis tabella committetur? quam iste non modo cera, verum etiam sanguine si visum erit, notabit. Quid enim horum se negat fecisse? illud videlicet vñum, quod necesse est, pecuniam accepisse quidni iste neget? at eques Romanus, qui Sopatrum defendit, qui omnibus eius consilijs rebusque interfuit, Q. Minucius, iuratus dicit, pecuniam datam, iuratus dicit Timarchidem dixisse maiorem ab accusatoribus pecuniam dari, dicent hoc Siculi omnes, dicent omnes Halicienses, dicet etiam prætextatus Sopatri filius, qui ab isto homine crudelissimo, patre innocentissimo, pecuniaque patria priuatus est. Verum si de pecunia testibus planum facere non possem, illud negare posses, aut nunc negabis, te consilio tuo dimisso, viris primarijs, qui in consilio C. Sacerdotis fuerant, tibi que esse solebant, remotis, de re iudicata iudicasse? teque eum, quem C. Sacerdos adhibito consilio, causa cognita, absoluisset, eundem remoto consilio, causa incognita, condemnasset? cum hæc confessus eris, quæ in foro palam Syracusis, in ore atque oculis provinciae gesta sunt, negato sane, si voles, te pecuniam accepisse: repeties, credo, aliquem, qui cum hæc, quæ palam gesta sunt,

sunt, videat, quærat quid tu occulte egeris: aut qui dubitet, vtrum malit meis testibus, an tuis defensoribus credere. Dixi iam antea, me non omnia istius, quæ in hoc genere essent, enumeraturum, sed electurum ea, quæ maxime excellerent. Accipite nunc aliud eius facinus nobile, & multis locis sæpe commemoratum, & eiusmodi, vt in vno omnia maleficia inesse videantur. * attendite enim diligenter: inuenietis id facinus natum a cupiditate, auctum per stuprum, crudelitate perfectum, atque conclusum. Sthenius est, is qui nobis assidet, Thermitanus, antea multis propter summam virtutem, summamque nobilitatem, nunc propter summam calamitatem atque istius insignem iniuriam omnibus notus. huius hospitio Verres cum esset usus, & cum apud eum non modo Thermis sæpenumero fuisset, sed etiam habitasset, domo eius omnia abstulit, quæ paullo magis animum cuiuspiam, aut oculos possent commouere. Etenim Sthenius ab adolescentia paullo studiosius hæc comparabat: supellectilem ex ære elegantiores, & Deliacam, & Corinthiam, tabulas pictas, etiam argenti * benefacti, prout Thermitani hominis facultates ferebant, satis. quæ, cum esset in Asia adolescens, studiosè, vt dixi, comparabat, non tam suæ delectationis causa, quam ad inuitationes, aduentusque nostrorum hominum, suorum amicorum, atque hospitem. Quæ posteaquam iste omnia abstulit, alia rogando, alia poscendo, alia sumendo, ferebat Sthenius, vt poterat: * rangebatur tamen animi dolore necessario, quod domum eius exornatam, atque instructam fere iam iste reddiderat nudam, atque inanem. verumtamen dolorem suum nemini impertiebat: prætoris iniurias tacite, hospitis placide ferendas arbitrabatur. Interea cupiditate iste illa sua nota, atque apud omnes * peruulgata, cum signa quædam pulcherrima atque antiquissima Thermis in publico posita vidisset, adamauit: a

Sthenio petere cœpit, vt ad ea tollenda operam suā profiteretur, seq; adiuuaret. Sthenius vero non solum negauit: sed etiam ostendit, id fieri nullo modo posse, vt signa antiquissima, monumenta, P. Africani, ex oppido Thermitanorum incolumi illa ciuitate, imperioq; populi Rom. tollerentur. Etenim, vt simul P. Africani quoq; * humanitatem cognoscatis, oppidum Himeram Carthaginienses quondam ceperāt, quod fuerat in primis Siciliæ clarum & ornatum: Scipio, qui hoc dignum populo Rom. arbitraretur, bello confecto, socios sua per nostram victoriā recuperare, Siculis omnibus, Carthagine capta, quæ potuit, restituenda curauit. Himera deleta, quos ciues belli calamitas reliquos fecerat, ij sese Thermis collocarant in eiusdem agri finibus, neque longe ab oppido antiquo, hi se patrum fortunam ac dignitatem recuperare arbitrabantur, cum illa maiorum ornamenta in eorum oppido collocabantur. erant signa ex ære complura. in his mira pulchritudine ipsa Himera, in muliebrem figuram, habitumque formata ex oppidi nomine, & fluminis. erat etiam Stesichori poetæ statua senilis, incurua, cum libro, summo, vt putant, artificio facta ab eo, qui fuit Himere, sed est, & fuit tota in Græcia summo propter ingenium honore & nomine. Hæc iste ad insaniam concupierat. Etiam, quod pæne præterij, Capella quædam, ea quidem mire, vt etiam nos, qui rudes harum rerum sumus, intelligere possumus, scite facta, & venuste. Hæc & alia Scipio non negligenter abiecerat, vt homo intelligens Verres auferre posset: sed Thermitanis restituerat: non quo ipse hortos, aut suburbanum, aut locum omnino, vbi ea poneret, nullum haberet: sed si domum abstulisset, nō diu Scipionis appellarentur, sed eorum ad quoscūque ipsius morte venissent: nunc his locis posita sunt, vt mihi semper Scipionis fore videantur, itaq; dicantur. Hæc cum iste posceret, agereturque ea res in

in senatu, Sthenius vehementissime restitit: multa-
q; vt in primis Siculorum in dicendo copiosus est,
commemorauit: urbem relinquere Thermitanos
esse honestius, quam pati tolli ex vrbe mouimenta
maiorum, spolia hostium, beneficia clarissimi viri,
indicia societatis populi Romani, atque amicitia.
Commoti animi sunt omnium. repertus est nemo,
quin mori diceret satius esse. Itaque hoc adhuc op-
pidum Verres inuenit prope solum in orbe terra-
rum, vnde nihil eiusmodi rerū de publico per vim,
nihil occulte, nihil imperio, nihil gratia, nihil pretio
posset auferre. Verumtamen hasce huius cupidita-
tes exponam alio loco: nunc ad Sthenium reuertar.
Itaque iste vehementer Sthenio infensus, hospitium
ei renuntiat: domo eius emigrat, atque adeo
exit: nam iam ante migrarat. eum autem inimicissi-
mi Sthenij domum suam statim inuitant, vt animū
eius in Sthenium inflammarent, ementiendo ali-
quid, & criminando. Hi autem erant, inimici, Aga-
thinus homo nobilis, & Dorotheus, qui habebat in
matrimonio Callidam Agathini eius filiam, de
qua iste audierat. itaque ad generum Agathini
migrare maluit. Vna vox intercesserat, cum iste
Dorotheum sic diligebat, vt diceret omnia inter
eos esse communia. Agathinum ita obseruabat, vt
aliquem affinem, ac propinquum. contemnere eti-
am signum illud Himeræ iam videbatur, quod eum
multo magis figura & lineamenta hospitiæ dele-
ctabant. Itaque hortari homines cœpit, vt aliquid
Sthenio periculi crearent, criminisque confinge-
rent. dicebant se illi nihil habere, quod dicerent,
tum iste his aperte ostendit, & confirmauit, eos, in
Sthenium quidquid vellent, dicerent, simulatque
ad se detulissent, probaturos. Ita illi non procrastina-
nt: Sthenium statim educunt: aiunt ab eo litte-
ras esse corruptas. Sthenius postulat, vt secum sui
ciues agant de litteris publicis corruptis, eiusque

rei legibus Thermitanorum actio sit: cum senatus
populusque Romanus Thermitanis, quod semper
in amicitia, fideque mansissent, vrbes, agros, legesq;
suas reddidisset: Publiusque Rupilius postea leges
ita Siculis ex s. c. de decem legatorum sententia de-
disset, vt ciues inter se legibus suis agerent: idemq;
hoc habuerit Verres ipse in edicto, vt de his omni-
bus causis se ad leges rei;ceret. Iste homo omnium
æquissimus, atque a cupiditate * omnium remotissi-
mus, se cogniturum esse confirmat: paratum ad
causam dicendam venire hora octaua iubet. non e-
rat obscurum, quid homo improbus, ac nefarius co-
gitaret: neque enim ipse satis occultarat, nec muli-
er tacere poterat. intellectu est id istum agere,
vt cum Sthenium sine vilo argumento, ac sine teste
damnasset, tum homo nefarius de homine nobili,
atque id ætatis, suoque hospite, virgis supplicium
crudelissime sumeret: quod cum esset peripicuum,
de amicorum, hospitumq; suorum sententia, Ther-
mis Sthenius Romam profugit. hiemi, fluctibusque
se se committere maluit, quam non istam commu-
nem Siculorum tempestatem, calamitatemque vi-
tare. Iste homo certus & diligens ad horam octa-
uam præsto est. Sthenium citari iubet. quem postea
quam videt non adesse, dolore ardere, atq; iracun-
dia furere cœpit: Venerios in domum Sthenij mit-
tere, equites circum agros eius villasque dimittere,
itaque dum exspectat quidnam sibi certi afferatur,
ante horam tertiam noctis de foro non discessit.
Postridie mane descendit: Agatinum ad sese vocat:
iubet eum de litteris publicis in absentem Stheni-
um dicere. erat eiusmodi causâ, vt ille, ne sine ad-
uersario quidem apud inimicum iudicem reperire
posset quid diceret. itaq; tantum verbo posuit, Sa-
cerdote prætore, Sthenium litteras publicas corru-
pisse Vix ille hoc dixerat, cum iste pronūtiat, Sthe-
nium litteras publicas corrupisse videri: & hæc
præterea

præterea addidit homo Venerius nouo modo, nullo exemplo, ob eam rem h. s. quingenta Veneri Erycinæ de Sthenij bonis exacturum: bonaque eius statim cœpit vendere: & vendidisset, si tantulum moræ fuisset, quo minus ei pecunia illa numeraretur. Ea posteaquam numerata est, contentus hac iniquitate non fuit, palam de sella, ac tribunali pronuntiat, si quis absentem Sthenium rei capitalis reum facere vellet, sese eius nomen recepturum, & simul, vt ad causam accederet, nomenque deferret, Agathinum nouum affinem, atque hospitem cœpit hortari. tum ille clare, omnibus audientibus, sese id non esse facturum, neque se vsque eo Sthenio esse inimicum, vt eum rei capitalis affinem esse diceret. Hic tum repente Pacilius quidam, homo egens, & leuis accedit: ait, si liceret, nomen absentis deferre se velle. Iste vero, & licere, & fieri solere, & se recepturum. itaque deferitur, edicit statim, vt Kal. Decemb. adsit Sthenius Syracusis. Hic, qui Romam venisset, satisque feliciter anni iam aduerso tempore nauigasset, omniaque habuisset æquiora & placabiliora, quam animum prætoris atq; hospitis, rem ad amicos suos detulit: quæ vt erat acerba, atq; indigna, sic videbatur omnibus. Itaq; in senatu continuo Cn. Lentulus, & L. Gellius eos faciunt mentionē, placere statui, si patribus conscriptis videretur, ne absentes homines in prouincijs rei fierent rerum capitalium: causam Sthenij totam, & istius crudelitatem, & iniquitatem senatum docent. aderat in senatu Verres, pater istius, & flens vnumquemque senatorem rogabat, vt filio suo parceret: neque tamen multum proficiebat. erat enim summa voluntas senatus. Itaque sententiæ dicebantur, cum Sthenius absens reus factus esset, de absente iudicium nullum fieri placere: & si quod esset factum, id ratum esse non placere. eo die transigi nihil potuit, quod & id temporis erat, & ille pater istius inuene-

rat homines, qui dicendo tempus consumerent. Postea senex Verres defensores, atque hospites omnes Sthenij conuenit: rogat eos, atque orat, ne oppugnent filium suum: de Sthenio ne laborent: confirmat his, curaturum se esse, ne quid ei per filium suum noceretur: se homines certos eius rei causa in Siciliam & terra, & mari missurum. & erat spatium dierum fere triginta ante Kal. Decembr. quo iste, ut Syracusis Sthenius adesset, edixerat. Commouentur amici Sthenij: sperant fore, ut patris litteris, nuntijsque filius ab incepto furore reuocetur. in senatu postea causa non agitur. Veniunt ad istum domestici nuntij, litterasque a patre afferunt ante Kal. Decembr. cum isti etiam tum de Sthenio integra tota res esset: eodemque ei tempore de eadem re litterarum complures a multis eius amicis, ac necessarijs afferuntur. Hic iste, qui prae cupiditate neque officij sui, neque periculi, neque pietatis, neque humanitatis rationem habuisset vnumquam: neque in eo, quod monebatur, auctoritatem patris, nec in eo, quod rogabatur, voluntatem anteponendam putauit libidini suae. mane Kal. Decemb. ut edixerat, Sthenium citari iubet. Si abs te istam rem parens tuus alicuius amici rogatu, benignitate, aut ambitione inductus petisset, grauissima tamen apud te voluntas patris esse debuisset: cum vero abs te tui capitis causa peteret, hominesque certos domo misisset, hiique eo tempore ad te venissent, cum tibi in * integro tota res esset, ne tum quidem te potuit si non pietatis, at salutis tuae ratio ad officium, sanitatemque reducere? Citat reum: non respondit. citat accusatorem (attendite quae so, videte quantopere istius amentiae fortuna ipsa aduersata sit, & simul videte quis Sthenij causam casus adiuerit) citatus accusator M. Pacilius nescio quo casu non respondit, non affuit. si praesens Sthenius reus esset facilius, si manifesto in maleficio teneretur, tamen, cum accusator non adesset,

desset, Sthenium condemnari non oporteret. etenim si posset reus absente accusatore damnari, non ego a Vibone Veliam paruulo nauigio inter fugitiuorum, ac pædonum, ac tua tela venissem quo tempore omnis illa mea festinatio fuit cum periculo capitis, ob eam causam, ne tu ex reis eximerere, si ego non affuissem ad diem. Quod igitur erat in tuo iudicio optatissimum, me, cum citatus essem, non adesse, cur Sthenio non putasti prodesse oportere, cum eius accusator non affuisset? Itaque fecit, ut exitus principio simillimus reperiretur, quem absentem reum fecerat. cum absente accusatore condemnat. nuntiabatur illi primis illis temporibus id, quod pater quoque ad eum pluribus verbis scripserat, agitatum rem esse in senatu: etiam in concione tribunum plebis de causa Sthenij M. Palicanum esse questum: postremo me ipsum apud collegium hoc tribunorum plebis, cum eorum omnium edicto non liceret quemquam Romæ esse, qui rei capitalis condemnatus esset, egisse causam Sthenij: cum rem ita exposuissem, quemadmodum nunc apud vos, docuissemque, hanc damnationem duci non oportere: tribunos plebis hoc statuisse, idque omnium sententia pronuntiatum esse non videri Sthenium impediri edicto, quo minus ei liceret Romæ esse. Cum hæc ad istum afferrentur: timuit aliquando, & commotus est. vertit stilum in tabulis suis: quo facto causam omnem evertit suam. nihil enim sibi reliqui fecit, quod defendi aliqua ratione posset. Nam si ita defenderet: recipi nomen absentis licet: hoc fieri in prouincia nulla lex vetat: mala & improba defensione, verum aliqua tamen uti videretur. Postremo illo desperatissimo perfugio uti posset, se imprudentem fecisse, existimasse id licere. Quamquam hæc perditissima defensio est, tamen aliquid dici videretur. tollit ex tabulis id quod erat, & facit, coram delatum esse. Hic videte in quorū laqueos se induerit, quorum ex nullo se unquam ex-

pediret. primum ipse in Sicilia sæpe & palam de loco superiore dixerat, & in sermone multis demonstrat, licere nomen recipere absentis: se exemplo fecisse id, quod fecisset. Hæc cum dictitasse prioræ actione, & Sex. Pompeius Chlorus dixit, de cuius virtute antea cōmemoravi, & Cn. Pompeius Theodorus, homo Cn. Pompeij clarissimi viri iudicio plurimis maximisque in rebus probatissimus, & omnium existimatione ornatissimus, & Possides Matro Solentinus, homo summa nobilitate, existimatione, virtute, & hac actione quam voletis multi dicent, & qui ex isto ipso audierint, viri primarij nostri ordinis, & alij qui interfuerint, cum absentis nomen reciperetur. deinde Romæ, cum res esset acta in senatu, omnes istius amici, in his etiam pater eius, hoc defendebant licere fieri: sæpe esse factum: istum quod fecisset, aliorum exemplo, institutoque fecisse. dicit præterea testimonium tota Sicilia: quæ in communibus postulatis ciuitatum omnium consulibus edidit, rogare atque orare patres conscriptos, vt statuerent, ne absentium nomina reciperetur. qua de re Cn. Lentulum patronum Siciliae, clarissimum adolescentem dicere audistis: Siculos, cū se causam, quæ pro his sibi in senatu agenda esset, docerent, de Sthenij calamitate quæstos esse, propterque hanc iniuriam quæ Sthenio facta esset, eos statuisse, vt quod dico postularetur. Quæ cum ita essent, tantane amentia præditus, atque audacia fuisti, vt in re tam clara, tam testata, tam abs te ipso peruulgata, tabulas publicas corrumpere auderes? At quemadmodum corrupisti? nonne ita, vt omnibus nobis tacentibus ipse te tuæ tabulæ condemnare possent? * quæso codicem circumfer: ostende, videtisne totum hoc nomen, coram vbi facit delatum, esse in litura? Quid fuit istic antea scriptum? quod mendum ista litura correxit? quid a nobis, iudices expectatis argumenta huius criminis? nihil dicimus;

dicimus: tabulæ sunt in medio, quæ se corruptas, atque interlitas esse clamant. ex istis etiam tu rebus effugere te posse confidis? cum te nos non opinione dubia, sed tuis vestigijs persequamur, quæ tu in tabulis publicis expressa, ac recentia reliquisti. is mihi etiam Sthenium litteras publicas corrupisse causâ incognita iudicabit, qui defendere non poterit, se ex ipsius Sthenij nomine litteras publicas non corrupisse? Videte porro aliam dementiam: videte, ut dum expedire sese vult, induat. Cognitorem adscribit Sthenio. Quem? cognatum aliquem, aut propinquum? non: Thermitanum aliquem honestum hominem, ac nobilem? ne id quidem. at Siculum, in quo aliquis splendor, dignitasque esset? minime. Quid igitur? Ciuem Romanum. cui hoc probari potest? Cum esset Sthenius ciuitatis suæ nobilissimus, amplissima cognatione, plurimis amicitijs, cum præterea tota Sicilia multum auctoritate & gratia posset, inuenire neminem Siculum potuit, qui pro se cognitor fieret? hoc * probabis his? an ipse ciuem Romanum maluit? cedo, cui Siculo, cum is reus fieret, ciuis Romanus cognitor factus vniquam sit, omnium prætorum litteras, qui * ante fuerunt profer: explica: si vnum inueneris, ego hoc tibi quemadmodum in tabulis scriptum habes, ita gestum esse concedam. At, credo, Sthenius hoc sibi amplum esse putauit, eligere e ciuium Rom. numero, ex amicorum atque hospitum suorum copia, quem cognitorem daret. Quem delegit? quis in tabulis scriptus est? C. Claudius C. filius Palatina. Nō quæro, quis hic sit Claudius, quam splendidus, quā honestus, quam idoneus, præter cuius auctoritatē, & dignitatem Sthenius ab omnium Siculorum consuetudine discederet, & ciuem Romanum cognitorem daret: nihil horum quæro. fortasse enim Sthenius non splendorem hominis, sed familiaritatem secutus est. quid si omnium mortalium Sthenio ne-

mo inimicior, quam hic C. Claudius tum semper, tū in his ipsis rebus, & temporibus fuit? si de litteris corruptis contra venit? si contra omni ratione pugnavit? vtrum potius pro Sthenio inimicum cognitorem esse factum, an te in Sthenij * periculum inimici eius nomine abusum esse credemus? Ac ne quis forte dubitet, cuiusmodi totum sit negotium, tamen iamdudum omnibus istius improbitatem perspicuam esse confido, tamen paullulum etiam attendite. Videtis illum subcrispo capillo, nigrum? qui eo vultu nos intuetur, vt sibi ipse peracutus esse videatur? qui tabulas tenet? qui scribit? qui monet? qui proximus est? is est C. Clodius, qui in Sicilia sequester istius, interpret, cōfector negotiorum, prope collega Timarchidi numerabatur, nunc * obtinet eum locum, vt vix Apronio illi de familiaritate cōcedere * videatur, vt qui se non Timarchidis, sed ipsius Verris collegam, & socium esse dicebat. dubitare etiamnum potestis, quin eum iste potissimum ex omni numero delegerit, cui improbam personā imponeret, quem & huic inimicissimum, & sibi amicum esse arbitraretur? Hic vos * dubitatis, iudices, tantam istius audaciam, tantam crudelitatem, tantā iniuriam vindicare? dubitatis exemplum iudicū illorum sequi, qui damnato Cn. Dolabella damnationem Philodami Opuntij resciderunt, quod is non absens reus factus esset: quæ res iniquissima, & acerbissima est. sed cū ei legatio Romam a suis cuiusbus esset data? Quod illi iudices multo in leuiore causa statuerunt, equitatem secuti, vos id statuere in grauissima causa, præsertim aliorum auctoritate iam confirmatum dubitabitis? At quem hominem, C. Verres, tanta, tam insigni iniuria, affecisti? cuius absentis nomen recepisti? quem absentem non modo sine crimine, & sine teste, verum etiam sine accusatore damnasti? quem hominem dij immortales? non dicam amicum tuum, quod apud homines carissi-

carissimum est: non hospitem, quod sanctissimum est, nihil enim minus libenter de Sthenio commemoro: nihil aliud in eo, quod reprehendi possit, inuenio, nisi quod homo frugalissimus, atque integerimus te hominem plenum stupri, flagitij, sceleris, domum suam inuitauit, nisi quod qui C. Marij, Cn. Pompeij, C. Marcelli, L. Sisenæ, tui defensoris, ceterorumque virorum fortissimorum hospes fuisset, atque esset, ad eum numerum clarissimorum hominum tuum quoque nomen adscripserit. Quare de hospitio violato, & de isto tuo nefario scelere nihil queror, hoc dico, non his qui Sthenium norunt, hoc est, nemini eorū qui in Sicilia fuerunt (nemo enim ignorat, quo hic in ciuitate sua splendore, qua apud omnes Siculos dignitate, atque existimatione sit) sed ut illi quoque, qui in ea prouincia non fuerunt, intelligere possint, in quo homine tu statueris exemplū eiusmodi, quod tum propter iniquitatem rei, tum etiam propter hominis dignitatē acerbū omnibus, atque intolerandum videretur. Estne Sthenius is, qui omnes honores domi suæ facillime cum adeptus esset amplissime, ac magnificentissime gessit? qui oppidum non maximū maximis ex pecunia sua locis communibus, monumentisque decorauit? cuius de meritis in remp. Thermitanorum, Siculosque vniuersos fuit ænea tabula fixa Therinis in curia? in qua publice erat de huius beneficijs scriptum, & incisum? quæ tabula tum imperio tuo reuulsa, nunc a me tamen reportata est, ut omnes huius honores inter suos, & amplitudinem possent cognoscere. Estne hic qui apud Cn. Pompeium clarissimum virum cum accusatus esset, quod propter C. Marij familiaritatem, & hospitium, contra rempub. sensisset eum, inimici & accusatores eius dicerent, cum magis inuidioso crimine, quam vero * accerferetur, ita a Cn. Pompeio absolutus est, ut in eo ipso iudicio Pompeius hunc hospitio suo dignissimum statuerit?

ita porro laudatus, defensufque ab omnibus Siculis, ut idem Pompeius non ab homine solum, sed etiam a provincia tota se huius absolutione inire gratiam arbitraretur? postremo est ne hic, qui & animum in rempub. habuit eiusmodi, & tantum auctoritate apud suos ciues potuit, ut perficeret in Sicilia solus, te prætor, quod non modo Siculus nemo, sed ne Sicilia quidem tota potuisset: ut ex oppido Ther-
 mis nullum signum, nullum ornamentum, nihil ex sacro, nihil de publico attingeres? cum præsertim essent multa præclara, & tu omnia concupisses. Denique nunc vide, quid inter te, cuius nomine apud Siculos dies festi agitantur, & præclara illa Verrea celebrantur, cui statua Romæ stant inaurata, a cōmuni * Sicilia, quemadmodum inscriptum videmus, data: vide, inquam, quid inter te, & hunc Siculum, qui abs te est patrono Siciliae condemnatus, inter sit. Hunc ciuitates ex Sicilia permulta testimonio suo, legationibusque ad eam rem missis publice laudant: te omnium Siculorum patronum vna Mamer-
 tina ciuitas socia furtorum, ac flagitiorum tuorum publice laudat: ita tamen nouo more, ut legati laudant, legatio laudet: ceteræ quidem ciuitates publice litteris, legationibus, testimonijs accusant, queruntur, arguunt: si tu absolutus sis, funditus euersas se esse arbitrantur. Hoc de homine, ac de huius bonis etiam in * Eryce monte monumentum tuorum flagitiorum crudelitatisque posuisti: in quo Sthenij Thermitani nomen adscriptum est. Vidi argenteum Cupidinem cum lampade. Quid tandem habuit argumenti aut rationis res, quamobrem in eo potissimum Sthenianum præmium poneretur? vtrum hoc signum cupiditatis tuæ, an trophæum necessitudinis atque hospitij, an amoris indicium esse voluisti? Faciunt hoc homines, quos in summa nequitia nō solum libido & voluptas, verum etiam ipsius nequitie fama delectat, ut multis in locis notas, ac vestigia scele-

scelerum suorū relinqui velint, ardebat amore illius hospitæ, propter quam hospitij iura violarat. hoc non solum sciri tum, verum etiam commemorari semper volebat. itaq; ex illa ipsa re, quam, accusante Agathino, gesserat, Veneri potissimum deberi præmium statuit, quæ illam totam accusationem, iudiciumq; conflagrat. Putarem te gratum in deos, si hoc donum Veneri non de Sthenij bonis dedisses, sed de tuis: quod facere debuisti, præsertim cum tibi illo ipso anno a Chelidone venisset hereditas. Hic ego, si hanc causam non omnium Sicularum rogatu recepisssem, si hoc a me muneris non vniuersa provincia poposcisset, si me animus, atque amor in remp. existimatioq; offensa nostri ordinis, ac iudiciorum non hoc facere coegisset, atq; hæc vna causa fuisset, quod amicum, atq; hospitem meum Sthenium, quem ego in quæstura mea singulariter dilexisssem, de quo optime existimasssem, quem in provincia existimationis meæ studiosissimum, cupidissimumq; cognosssem, tam crudeliter, scelerate, nefarieq; tractasses: tamen digna causa esset, cur inimicitias hominis improbiissimi susceperem, vt hospitis salutem, fortunaq; defenderem. Fecerunt hoc multi apud maiores nostros: fecit etiam nuper homo clarissimus Cn. Domitius, qui M. Silanum consularē virum accusauit propter Egritomari transalpini hospitis iniurias. putarem me idoneum, qui exemplum sequeretur humanitatis atq; officij, proponeremque spem meis hospitibus ac necessarijs, quo tutiorem vitam sese meo præsidio victuros esse arbitrarētur. cum vero in communibus iniurijs totius provincie Sthenij quoq; causa contineatur, multiq; vno tempore a me hospites atq; amici publice, priuatimque defendantur: profecto vereri non debeo, ne quis hoc, quod facio, non existimet me summi officij ratione impulsus coactumq; suscepisse. Atque vt aliquando de rebus ab isto cognitis, iudicatisq;, & de

iudicijs datis dicere desistamus ; & quoniam facta istius in his generibus insuita sunt: nos modum aliquem , & finem orationi nostræ criminibusq; faciamus: pauca ex alijs generibus sumemus. Audistis ob ius dicendum Q. Varium dicere, procuratores suos isti centum & triginta millia nummum dedisse: meministis Q. Varij testimonium, remq; hanc totam C. Sator dotis hominis ornatissimi testimonio comprobari scitis Cn. Sertium, M. Modium, equites Romanos, sexcentos præterea ciues Rom. multosq; Siculos dixisse pecuniam ob ius dicendum dedisse. de quo crimine quid ego disputem, cum totum positum sit in testibus? quid porro argumenter, qua de re dubitare nemo possit? an hoc dubitabit quisquā omnium, quin is venalem in Sicilia iurisdictionem habuerit, qui Romæ totum edictum, atque omnia decreta vendiderit? & quin ab Siculis ob decreta interponenda pecuniam acceperit, qui M. Octauium Ligurem ob ius dicendum popolcerit? Quod enim præterea genus pecuniæ cogendæ præterit? quod non ab omnibus alijs præteritum, excogitauit? ecqua res apud ciuitates Siculas expetitur, in qua aut honos aliquis sit, aut potestas, aut procuratio, quin eam rem ad tuum quæstum, nundinationemq; hominum traduxeris? Dicta sunt priore actione, & priuatim, & publice testimonia: legati Centuripini Halesini Catinenses, Panormitaniq; dixerunt, multarum præterea ciuitatum: iam vero priuatim plurimi: quorum ex testimonijs cognoscere potuistis, tota Sicilia per triennium neminem vlla in ciuitate senatorem factum esse gratis: neminem, vt leges eorum sunt, suffragijs; neminem, nisi istius imperio, aut litteris: atq; in his omnibus senatoribus cooptandis, non modo suffragia nulla fuisse, sed ne genera quidem spectata esse ex quibus in eum ordinem cooptari liceret neq; census, neq; ætatis, neque cetera Siculorum iura valuisse, quicunq;

cunq; senator voluerit fieri, quamuis puer, quamuis indignus quamuis ex eo loco, ex quo non liceret: si is pretio apud istum fieret idoneus, vt vinceret, factum esse semper: non modo Siculorum nihil in hac re valuisse leges, sed ne ab senatu quidem populoq; Rom. datas. Quas enim leges socijs, amicisque dat is, qui habet imperium a populo Romano, auctoritatem legum dandarum a senatu: hæ debent & populi Romani, & senatus existimari. Halesini pro multis & magnis suis, maiorumque suorum in remp. nostram meritis, atque beneficijs suo iure nuper L. Licinio, Q. Mucio c o s s. cum haberent inter se controuersias de senatu cooptando, leges ab senatu nostro petiuerunt. decreuit senatus honorifico s. c. vt his C. Claudius Appij filius Pulcher prætor de senatu cooptando leges conscriberet. C. Claudius adhibitis omnibus Marcellis qui tum erant, de eorum sententia leges Halesinis dedit: in quibus multa sanxit de ætate hominum ne quis minor triginta annis natus: de quæstu, quem qui fecisset, ne legeretur: de censu, de ceteris rebus que omnia ante istum pretorem, & nostrorum magistratum auctoritate, & Halesinorum summa voluntate valuerunt. ab isto & præco qui voluit, istum ordinem precio mercatus est: & pueri annorum senum, septenumque denum senatorium nomen nundinati sunt & quod Halesini antiquissimi & fidelissimi socij atque amici Romæ impetrarant, vt apud se ne suffragijs quidem fieri liceret: id pretio vt fieri posset effecit. Agrigentini de senatu cooptando Scipionis leges antiquas habent: in quibus & eadem illa * sancita sunt, & hoc amplius cum Agrigentinorum duo genera sint, vnum veterum alterum colonorum: quos T Manlius prætor ex s. c. de oppidis Siculorum deduxit Agrigentum: cautum est in Scipionis legibus, ne plures * essent ex colonorum numero, quam ex * vetere Agri-

gentinorum iste, qui omnia iura pretio exæquasset, omniumq; rerum delectum atq; discrimen pecunia sustulisset: non modo illa, quæ erant ætatis, ordinis, quæstusq; permiscuit: sed etiam in his duobus generibus, ciuium nouorum, veterumq; delectum, ordinemq; turbauit. Nam cum esset ex veterû numero * quidam senator demortuus, & cum ex utroque genere par numerus reliquus esset, veterem cooptari necesse erat legibus, ut his * amplius numerus esset. Quæ cum ita se res haberet: tamen ad istum venerunt emptum locum illum senatorium non solum veteres, sed etiam noui. fit, ut pretio nouus vincat, litterasq; a prætore auferat. Agrigentini ad istû legatos mittunt, qui eum leges doceant, consuetudinemq; omnium annorum demonstrant: ut iste intelligeret, ei se illum locum vendidisse, cui ne commercium quidem esse oporteret. quorum oratione iste, cum pretium iam accepisset, ne tantulum quidem commotus est. Idem fecit Heracleæ. nam eo quoq; colonos P. Rupilius deduxit, legesq; similes de cooptando senatu, ac de numero veterum ac nouorum dedit. Ibi nō solum iste, ut apud ceteros, pecuniam accepit, sed etiam genera veterû, ac nouorum, numerumq; permiscuit. Nolite expectare, dum omnes obeam oratione mea ciuitates: hoc vno cōplector crimine omnia: neminem isto prætore senatorē fieri potuisse, nisi qui isti pecuniam dedisset. Hoc idē transfero in magistratus, curationes, sacerdotia: quibus in rebus non solum hominum iura, sed etiam deorum religiones immortalium omnes repudiavit. Syracusis lex est de religione, quæ in annos singulos Iouis sacerdotem sortito capi iubeat: quod apud illos amplissimum sacerdotium putatur. cum suffragiis tres ex tribus generibus creati sunt, res reuocatur ad sortem. Perfecerat iste imperio, ut pro suffragio Theomnastus familiaris suus in tribus illis renuntiaretur. in sorte, cui imperare non poterat,

rat, expectabant homines, quid nam acturus esset. homo, id quod erat facillimum, primo vetat sortiri: iubet extra sortē Theomnastum renuntiari. negant id Syracusani per religiones sacrorū vllō modo fieri posse: fas deniq; negant esse. Iubet ille sibi legē legi: recitatur: in qua scriptum erat, vt quot essent renūtiati, tot in hydriam sortes conijcerentur: cuius nomē exisset, vt is haberet sacerdotium. homo ingeniosus, & peracutus, Optime, inquit: nempe scriptū ita est, quot renuntiatī erunt. quot ergo sunt renūtiati? responsum, tres. Numquid igitur oportet, nisi tres sortes conijci? vnam educi? nihil conijci iubet tres, in quibus omnibus scriptū esset nomen Theomnasti. fit clamor maximus, cum id vniuersis indignum, atq; nefarium videretur. Ita Iouis illud sacerdotium amplissimum per hanc rationem Theomnasto datur. * Cephale di mensis est certus, quo mēse sacerdotem maximum creari oporteat. Erat eius honoris cupidus Arthenio quidam, Climachias cognomine, homo sane locuples, & domi nobilis: sed is fieri nullo modo poterat, si Herodotus quidam adesset. ei locus ille, atq; honos in illū annū ita deberi putabatur, vt ne Climachias quidem cōtradiceret. res ad istum defertur, & istius more deciditur. toreumata sane nota ac pretiosa auferuntur. Herodotus Romæ erat, satis putabat se ad comitia tempore venturum, si pridie venisset. Iste ne aut alio mēse ac fas erat comitia haberētur, aut Herodoto præsenti honos adimeretur, id quod iste non laborabat, Climachias minime volebat, excogitat (dixi iamdudum: non est homo acutior quisquam, nec fuit) excogitat, inquam, quemadmodum mēse illo legitimo comitia haberentur, nec tamen Herodotus adesse posset. Est consuetudo Siculorum, ceterorūq; Græcorum, quod suos dies mensesq; congruere volunt cum Solis Lunæq; ratione, vt nonnunquam, si quid discrepet, eximant vnum aliquem diem, aut sum-

mum biduum ex mense: quos illi *ἐξαιρησιμους* dies
 nominant: item nonnumquam vno die longiorem
 mensem faciunt, aut biduo. Quæ iste cum cogno-
 uisset, nouus astrologus, qui non tam cæli rationem,
 quam cælati argenti duceret: eximi iubet non diem
 ex mēse, sed ex anno vnum, dimidiatumq; mensem
 hoc modo: vt quo die, verbi causa esse oporteret
 Idus Ianuarias, eo die Kal. Martias proscriberet:
 itaq; sit omnibus recusantibus, & implorantibus.
 dies is erat legitimus comitiis habendis: eo modo
 sacerdos Climachias renuntiatus est. Herodotus cū
 Roma reuertitur, dies, vt ipse putabat, quindecim
 ante comitia, offendit eum mēsem comitiale, co-
 mitijs iam abhinc triginta diebus habitis. tunc Ce-
 phaleditani decreuerunt intercalarium x l v. dies
 longum, vt reliqui menses in suam rationem reuer-
 terentur. Hoc si Romæ fieri posset; certe aliqua ra-
 tione expugnasset iste, vt dies x l v. inter binos lu-
 dos tollerentur, per quos solos iudiciū fieri posset.
 Iam verò cēsores quemadmodū in Sicilia isto præ-
 tore creati sunt, operæpretium est cognoscere. Ille
 enim est magistratus apud Siculos, qui diligentissi-
 me mādatur a populo propter hanc causā; quod
 omnes Siculi ex censu quotannis tributa conferūt:
 in censu habendo potestas omnis æstimationis ha-
 bendæ, summæque faciendæ censori permittitur. i-
 taq; cum populus, cui maximam fidem suarum re-
 rum habeat, maxima cura deligit: & propter mag-
 nitudinē potestatis hic magistratus a populo sum-
 ma ambitione contenditur. In ea re nihil obscure
 facere voluit, non in sortitione fallere, neq; dies de
 fastis eximere: nihil sane vafre nec malitiose face-
 re conatus est: sed, vt studia, cupiditatesq; honorū;
 atque ambitiones ex omnibus ciuitatibus tolleret,
 quæ res euertendæ reip. causa solent esse; ostendit
 sese in omnibus ciuitatibus censores esse facturum.
 Tanto mercatu prætoris indicto, concurrunt vndiq;

ad istum Siracusas: flagrabat domus tota prætoria studio hominum & cupiditate: nec mirum, omnibus comitijs tot ciuitatum vnain in domum reuocatis, tantaque ambitione prouinciæ totius in vno cubiculo iclusa. Exquisitis palam pretijs, & licitationibus factis, describebat censores binos in singulas ciuitates Timarchides, is suo labore, suisq; accessionibus, huius negotij, atq; operis molestiam consequebatur, vt ad istum sine vlla sollicitudine summa pecunia referretur. Iam hic Timarchides quantam pecuniam fecerit, plane adhuc cognoscere non potuistis: verum tamen priore actione, quam varie quã improbe prædatus esset, multorum ex testimonijs cognouistis. Sed ne miremini, qua ratione is tantum apud istum libertus potuerit: exponam vobis breuiter, quid hominis sit: vt & istius nequitia, qui illũ secum habuerit, eo præsertim numero ac loco, & calamitatem prouinciæ cognoscatis. In mulierum corruptelis, & in omni eiusmodi luxuria, atq; nequitia mirandum in modum reperiẽbam hunc Timarchidem ad istius flagitiosas libidines, singularemq; nequitiam natũ, atq; aptũ fuisse: inuestigare, adire, appellare, corrumpere, quiduis facere in eiusmodi rebus, quamuis callide, quamuis audacter, quamuis impudenter: eundem mira quædam excogitare genera furandi: nam ipsum Verrem, tantum semper auaricia hianti atq; imminẽti fuisse ingenio & cogitatione nulla: vt quicquid sua spõte faciebat, id quod vos Romæ cognouistis, eripere potius, quã fallere videretur* Huius vero erat ars & malitia miranda, quod acutissime tota prouincia quid cuique esset necesse, indagare & odorari solebat: omnium inimicos diligenter cognoscere, colloqui, attentare: ex vtraque parte causas, volũtates perspicere, facultates & copias, quibus opus esset metũ afferre: quibus expediret, spẽ ostẽdere accusatorũ & quadruplatorũ quicquid erat, habebat in potestate: quod

cuique negotij conflare volebat, nullo labore faciebat: istius omnia decreta, imperia, litteras peritissime & callidissime veditabat. Ac non solum erat administrator istius cupiditatum: verum etiam ipse sui meminerat æque non solum nummos, si qui isti exciderant, tollere solebat, ex quibus pecuniam maximam fecit, sed etiam voluptatum flagitiorumque istius ipse reliquias colligebat. Itaq; in Sicilia non Athenionem, qui nullum oppidū cepit, sed Timarchidem fugitiuum omnibus oppidis per triennium scitote regnasse: in Timarchidis potestate sociorum populi Rom. antiquissimorum, atque amicissimorum liberos, matres familias, bona, fortunæque omnes fuisse. Is igitur, ut dico, Timarchides in omnes ciuitates accepto pretio censores dimisit: comitia, isto prætoris, censorum ne simulandi quidem causa fuerunt. Iam hoc impudentissime: palam (licebat enim videlicet legibus) singulis censoribus denarij trecenti ad statuam prætoris imperati sunt. Censores cxxx. facti sunt: pecuniam illam ob censuram contra leges, clam dederunt. hæc denarium xxxix. millia palam saluis legibus contulerunt in statuam. Primum, quo tantam pecuniam? deinde quamobrè censores ad statuam tibi conferebant? ordo aliquis censorum est collegium? genus aliquod hominum? nam aut publicæ ciuitates istos honores habent, aut generatim homines, ut aratores, ut mercatores, ut nauicularij. Censores quidem qui magis, quam ædiles? ob beneficium? ergo hoc fatebere, abs te hæc petita esse: nam crepta non audebis dicere. Te eos magistratus hominibus beneficij, non reip. causa permisisse? hoc autem cum tute fatebere, quisquam dubitabit, quin tu istam apud populos prouinciæ istius Inuidiam, atq; offensionem nō ambitionis, neq; beneficiorum collocandorum, sed pecuniæ conciliandæ causa susceperis? Itaq; censores fecerunt idem, quod in nostra repub. solent ij, qui per largitionem

tionem magistratus adepti sunt dederunt operam
vt ita potestatem gererent, vt illam lacunam rei fa-
miliaris explerent. Sic cēsus habitus est, te pratore,
vt eo censu nullius ciuitatis respub. posset admini-
strari. nam locupletissimi cuiusq; censum extenua-
rant, tenuissimi auxerant. Itaq; in tributis imperan-
dis tātum oneris plebi imponebatur, vt, etiam si ho-
mines tacerent, res ipsa illū censum repudiaret. id
quod intelligi facillime re ipsa potest. nā L. Metel-
lus, qui, posteaquam ego inquirendi causā in Sicili-
am veni, repente Letilij aduentu istius non modo a-
micus, verum etiam cognatus factus est, is, quod vi-
debat istius censum stare nullo modo posse, eū cen-
sum obseruari iussit, qui viro fortissimo, atque inno-
centissimo Sext. Peduceo pratore habitus esset. e-
rant enim tum censores legibus facta, delecti a suis
ciuitatibus: quibus, si quid commississent, pæne le-
gibus erant constitutæ. Te autē pratore, qui censor
aut legem metueret, qua non retinebatur, quoniam
creatus lege non erat aut animaduersionē tuam, cū
id, quod abs te emerat, vendidisset? Teneat iam, fa-
ne meos testes Metellus: cogat alios laudare, sicut
in multis conatus est: modo hæc faciat, quæ fecit.
Quis enim vñquam tanta a quoquam contumelia,
quis tanta ignominia affectus est? Quinto quoque
anno Sicilia tota censetur. erat censa pratore Pedu-
ceo. quintus annus cum * te pratore incidisset, cē-
sa denuo est. Postero anno L. Metellus mentionem
tui census fieri vetat: censores dicit de integro sibi
creari placere: interea Peduceanū cēsum obseruari
iubet. hoc si tuus inimicus tibi fecisset, tamen si ani-
mo æquo provincia tulisset, inimici iudicium graue
videretur. fecit amicus recens, & cognatus volunta-
rius. aliter enim si provinciam retinere, si saluus ipse
in provincia vellet esse, facere nō potuit. Expectas
etiam quid hi iudicēt? si tibi magistratū abrogasset,
minore ignominia te affecisset, quam cum ea, quæ

in magistratu gessisti, sustulit, atq; irrita iussit esse. Neq; in hac re sola fuit eiusmodi: sed antequā ego in Siciliam veni, in maximis rebus ac plurimis. nam & Heraclio Siracusano tuos illos palæstritas bona restituere iussit: & Epicrati Bidinos: & pupillo Drepanitano A. Claudium: & nisi mature Lætilius in Siciliam venisset cum literis, minus x x x. diebus Metellus totam triennij præturam rescidisset. Et quoniam de ea pecunia, quam tibi ad statuam censores contulerunt, dixi: non mihi prætermittendum videtur ne illud quidem genus pecuniæ conciliatæ, quā tu a ciuitatibus statuarum nomine coegisti, video enim eius pecuniæ summam esse pergrandem ad h. s. c x x. millia. tantum cōficitur ex testimonijs, ac literis ciuitatum: & iste hoc concedit, nec potest aliter dicere. quare cuiusmodi putamus esse illa, quæ negat, cū hæc tam improba sunt, quæ fatetur? Quid enim iudices constituent? consumptam esse omnē istam pecuniam in statuis? fac ita esse: tamen hoc ferendum nullo modo est, tantam ab socijs pecuniā aufetri, vt omnibus in angiporis, prædonis improbißimi statux ponantur, qua vix tuto transire posse videamur. Verum vbi tandem, aut in quibus statuis ista tanta pecunia consumpta est? consume- tur, inquires. scilicet expectemus legitimum illud quinquennium: si hoc interuallo non consumpserit, tum deniq; nomen eius de repetundis pecunijs statuarum nomine deferemus. reus est maximis plurimisque criminibus in iudicium vocatus: h. s. c x x. millia ex hoc vno genere capta videmus. si condemnatus eris, non opinor id ages, vt ista pecunia quinquennio consumatur in statuis: sin absolutus eris, qui erit tam amens, qui te ex tot tantisque criminibus elapsum post quinquennium statuarum nomine accersat? Ita si neq; adhuc consumpta ista pecunia est & est perspicuum non consumprum iri: licet iam intelligamus, inuentā esse rationem, quæ
&

& iste h-s. c x x x. millia vno genere conciliarit, & ceperit: & ceteri, si a vobis hoc erit comprobatum, quam volent magnas hoc nomine pecunias capere possint: vt iam videamur non a pecunijs capiendis homines abitterere, sed cum genera quædam pecuniarum capiendarum comprobauerimus: honesta nomina turpissimis rebus imponere. Etenim si C. Verres h-s. c x x. millia populum, verbi gratia, Centuripinum poposcisset, eamque ab his pecuniam abstulisset: nō opinor, esset dubium, quin cum si tum id planum fieret, condemnari necesse esset. Quid, si eundem populum h-s. c c c. millia poposcit, eaque coegit, atque abstulit? num idcirco absolueretur, quod adscriptum est, eam pecuniam datam statuarum nomine? non opinor: nisi forte id agimus, non vt magistratibus nostris morem accipiendi, sed vt socijs causam dandi auferre videamur. Quod si quem statuar magnopere delectant, & si quis earum honore & gloria ducitur: is hæc tamen constituat necesse est: primum auerti pecuniam domum non placere: deinde, ipsarum statuarum modum quendam esse oportere: deinde illud certe, ab inuitis exigi non oportere. Ac de auertenda pecunia, quæro abs te, vtum ipsæ ciuitates solitæ sint statuas tibi faciundas locare, ei cui possent optima condicione locare: an aliquem curatorem præficere, qui statuis faciundis præesset, an tibi, an cui tu imperasses, ad numerare pecuniam? Nam si per eos statuar fiebant, a quibus tibi iste honos habebatur, audio: sin Timarchidi pecunia numerabatur: desine quæso simulare, te, cum in manifesto furto teneare, gloriæ studiosum, ac mouumentorum fuisse. Quid vero? modum statuarum haberi nullū placet? atqui habeatur necesse est, etenim sic considerate. Siracusana ciuitas (vt eam potissimum nomenem) dedit isti statuam: est honos. & patri: bella hæc pietatis, & quæstiosa simulacio. &

in magistratu gessisti, sustulit, atq; irrita iussit esse. Neq; in hac re sola fuit eiusmodi: sed antequā ego in Siciliam veni, in maximis rebus ac plurimis, nam & Heraclio Siracusano tuos illos palæstritas bona restituere iussit: & Epierati Bidinos: & pupillo Drepanitano A. Claudium: & nisi mature Lætilius in Siciliam venisset cum literis, hincinus x x x. diebus Metellus totam triennij præturam rescidisset. Et quoniam de ea pecunia, quam tibi ad statuum censores contulerunt, dixi: non mihi prætermittendum videtur ne illud quidem genus pecuniæ conciliatæ, quā tu a ciuitatibus statuarum nomine coegisti, video enim eius pecuniæ summam esse pergrandem ad h. s. c x x. millia. tantum cōficitur ex testimonijs, ac literis ciuitatum: & iste hoc concedit, nec potest aliter dicere. quare cuiusmodi putamus esse illa, quæ negat, cū hæc tam improba sunt, quæ fatetur? Quid enim iudices constituent? consumptam esse omnē istam pecuniam in statuis? fac ita esse: tamen hoc ferendum nullo modo est, tantam ab socijs pecuniā aufetri, vt omnibus in angiportis, prædonis improbißimi statux ponantur, qua vix tuto transire posse videamur. Verum vbi tandem, aut in quibus statuis ista tanta pecunia consumpta est? consumetur, inquires. scilicet expectemus legitimum illud quinquennium: si hoc interuallo non consumpserit, tum deniq; nomen eius de repetundis pecunijs statuarum nomine deferemus. reus est maximis plurimisque criminibus in iudicium vocatus: h. s. c x x. millia ex hoc vno genere capta videmus. si condemnatus eris, non opinor id ages, vt ista pecunia quinquennio consumatur in statuis: sin absolutus eris, qui erit tam amens, qui te ex tot tantisque criminibus elapsum post quinquennium statuarum nomine accersat? Ita si neq; adhuc consumpta ista pecunia est & est perspicuum non consumptum iri: licet iam intelligamus, inuentā esse rationem, quæ
&

& iste H-S. CXX. millia vno genere conciliarit, & ceperit: & ceteri, si a vobis hoc erit comprobatum, quam volent magnas hoc nomine pecunias capere possint: vt iam videamur non a pecunijs capiendis homines abittere, sed cum genera quædam pecuniarum capiendarum comprobauerimus: honesta nomina turpissimis rebus imponere. Etenim si C. Verres H-S. CXX. millia populum, verbi gratia, Centuripinum poposcisset, eamque ab his pecuniam abstulisset: nõ opinor, esset dubium, quin eum si tum id planum fieret, condemnari necesse esset. Quid, si eundem populum H-S. CCC. millia poposcit, eaque coegit, atque abstulit? num idcirco absoluetur, quod adscriptum est, eam pecuniam datam statuarum nomine? non opinor: nisi forte id agimus, non vt magistratibus nostris morem accipiendi, sed vt socijs causam dandi auferre videamur. Quod si quem statuarum magnopere delectant, & si quis earum honore & gloria ducitur: is hæc tamen constituat necesse est: primum auerti pecuniam domum non placere: deinde, ipsarum statuarum modum quendam esse oportere: deinde illud certe, ab inuitis exigi non oportere. Ac de auertenda pecunia, quæro abs te, vtum ipsæ ciuitates solitæ sint statuas tibi faciundas locare, ei cui possent optima condicione locare: an aliquem curatorem præficere, qui statuis faciundis præesset, an tibi, an cui tu imperasses, ad numerare pecuniam? Nam si per eos statuarum fiebant, a quibus tibi iste honos habebatur, audio: sin Timarchidi pecunia numerabatur: desine quæso simulare, te, cum in manifestis furto teneare, gloriæ studiosum, ac mouimentorum fuisse. Quid vero? modum statuarum haberi nullum placet? atqui habeatur necesse est, etenim sic considerate. Siracusana ciuitas (vt eam potissimum nominem) dedit isti statuam: est honos. & patri: bella hæc pietatis, & quæstiosa simulatio. &

filio. ferri hoc potest. hunc enim puerum non ode-
rant. verum quoties, & quot nominibus a Syracusa-
nis statuas auferes? ut in foro statuerent, abstulisti:
ut in curia, coegisti: ut pecuniam conferrent in eas
statuas, quæ Romæ ponerentur, imperasti: ut iidem
darent homines aratorum nomine, dederunt: ut ijdē
pro parte in commune Siciliae conferrent, etiam id
contulerunt. Vna ciuitas cum tot nominibus pecu-
niam contulerit, idemq; hoc ciuitates ceteræ fece-
rint, non res ipsa vos admonet, ut putetis modum
aliquem huic cupiditati constitui oportere? Quod si
hoc, voluntate sua nulla ciuitas fecit: si omnes im-
perio, metu, vi, malo adductæ tibi pecuniam statua-
rum nomine contulerunt: per deos immortales nū
cui dubium esse poterit, quin, etiam si quis statuerit
accipere ad statuas licere, idem tamen statuati, eri-
pere certe non licere? Primum igitur in hanc rem
testem totam Siciliam citabo: quæ mihi vna voce
statuarum nomine magnam pecuniam per vim coa-
ctam esse demonstrat, nam legationes omnium ciui-
tatum in postulatis communibus, quæ fere omnia
ex tuis iniurijs nata sunt, etiam hoc ediderunt, ut
statuas ne cui, nisi cum is de provincia decessisset,
pollicerentur. Tot prætores in Sicilia fuerunt: toti-
es apud maiores nostros Siculi senatum adierunt,
toties hac memoria: tamē huiusce noui postulati ge-
nus, atque principium tua prætura attulit. Quid e-
nim tam nouum, non solum re, sed genere ipso po-
stulandi? nam cetera, quæ sunt in iisdem postulatis
de iniurijs tuis, sunt noua: sed tamen non nouo mo-
doulantur. Rogant, & orant Siculi patres con-
scriptos, ut nostri magistratus posthac decumas le-
ge Hieronica vendant. tu primus contra videras:
audio, ne in cellam quod imperatur, æstiment. hoc
quoq; propter tuos ternos denarios nunc primum
postulatur. sed genus istud postulandi non est nouū.
ne absentis nomen recipiatur: ex Sthenij calamita-
te,

te, & tua natum est iniuria. Cetera non colligam. sunt omnia Siculorum postulata eiusmodi, vt crimina collecta in vnum te reum esse videantur. quæ tamen omnia nouas iniurias habent, sed postulationû formulas vsitatas. Hoc postulatum de statuis ridiculum esse videatur ei, qui rem, sententiamque non perspiciat, postulant enim, non, vt ne cogantur statuere. quid igitur? vt ipsis ne liceat. quid est hoc? petis a me, quod in tua potestate est, vt id tibi facere ne liceat? pete potius, ne quis te inuitum polliceri, aut facere cogat. nihil ergo, inquit. negabunt enim omnes se coegisse. si me saluum esse vis, mihi impone istam vim, vt omnino mihi non liceat polliceri. Ex tua prætura primum nata est hæc postulatio: qua cum vtuntur, hoc significant, atq; adeo aperte ostendunt, sese ad statuas pecuniam metu ac malo coactos inuitissimos contulisse. Quid si hoc non dicant? tibi non necesse sit ipsi id confiteri? vide, & perspice, qua defensione sis vsurus: iam intelleges hoc tibi de statuis confitendû esse. mihi enim renuntiatur, ita constitui a tuis patronis hominibus ingeniosis causam tuam, & ita eorum abs te institui, & doceri: vt quisq; ex prouincia Sicilia grauior homo atque honestior testimonium vehementius dixerit, sicuti Siculi multi primarij viri multa dixerunt, te statim hoc istis tuis defensoribus dicere: inimicus est propterea, quod arator est. itaq; vno genere, opinor, circumscribere habetis in animo genus hoc aratorum: quod eos infenso animo, atq; inimico venisse dicatis, quia fuerit in decumis iste vehementior. Ergo aratores inimici, omnes aduersarij: nemo eorum est quin perisse te cupiat. * omnino præclare te habes, cum is ordo, atq; id genus hominû, quod optimum, atq; honestissimum est, a quo vno & summa reipublicæ, & illa prouincia maxime cõtinetur, tibi est inimicissimum. Verum esto. alio loco de aratorum animo, & iniuriis videro: nunc quod mihi

abs te datur, id accipio, eos tibi esse inimicissimos. nempe ita dicis, propter decumas. cōcedo. nō quāro iure, an iniuria sint inimici. Quid ergo illæ sibi statuae equestres inauratæ volunt, quæ populi Rom. oculos, animosq; maxime offendunt, propter eodem Vulcani? Nam scriptum esse video, quandam ex his statuam aratores dedisse. si honoris causa statuam dederunt, inimici non sunt. credamus testibus. tum enim honori tuo, nunc iam religioni suæ consulent. sin autem metu coacti dederunt; confiteare necesse est, te in prouincia pecuniam statuarū nomine per vim, ac metum coegisse. vtrum tibi commodum est, elige. Equidem libenter hoc iam crimen de statuīs relinquam, vt mihi tu illud concedas, quod tibi honestissimū est, aratores tibi ad statuam honoris tui causa voluntate sua cōtulisse. da mihi hoc: iam tibi maximam partem defensionis præcideris. non enim poteris aratores tibi iratos esse, atque inimicos dicere. O causam singularem, o defensionē miseram, ac perditā: nolle hoc accipere reum ab accusatore, & eum reum, qui prætor in Sicilia fuerit, aratores ei statuam sua volūate statuisse; aratores de eo bene existimare, amicos esse, saluum esse cupere. metuit, ne hoc vos existimetis: obruitur enim aratorum testimoniis. vt ar eo quod datur. certe ita vobis hoc iudicandum est eos, qui isti inimicissimi sunt, vt ipse existimari vult, ad illius honores, atque monumenta pecuniam non voluntate sua contulisse. atque vt hoc * tamen facillime intelligi possit, quem voles eorum testium, quos produxero, qui in Sicilia testes sint, siue ciuem Rom. velis, siue Siculum, rogato, & eum, qui tibi inimicissimus esse videbitur, qui se spoliatū a te dicet. ecquid suo nomine in tuam statuam contulerit. neminem reperies, qui neget: eterim omnes dederunt. Quemquam igitur putas dubitaturum, quin is, quem inimicissimum tibi esse oporteat, qui abs te grauissimas iniurias acceperit; pecu-

pecuniam statuae nomine dederit, vi, atque imperio adductus, non officio ac voluntate? * & huius ego pecuniae, iudices, quae permagna est, impudentissimeq; coacta ab inuitis, non habui rationem, neque habere potui, quantum ab aratoribus, quantum ab negotiatoribus qui Syracusis, qui Agrigeti, qui Pannormi, qui Lilybei negotiantur, esset coactum: quoniam intelligitis ipsius quoq; confessione ab inuitissimis coactam esse. Venio nunc ad ciuitates Siciliae: de quibus facillime iudicium fieri voluntatis potest. An etiam Siculi inuiti contulerunt? non est probabile. Etenim sic C. Verrem praetoram in Sicilia gessisse constat, ut cum vtrisque satisfacere non posset, & Siculis & togatis officij potius in socios, quam ambitionis in ciues rationem duxerit. itaq; cum non solum patronum istius insulae: sed etiam fœdera inscriptum vidi Syracusis. Hoc quantum est? ita magnum, ut latino vno verbo exprimi non possit. Is est nimirum fœder, qui salutem dedit. huius nomine etiam dies festi agitantur, pulchra illa Verrea, non quasi Marcellea, sed pro Marcelleis, quae illi istius iussu sustulerunt. huius fornix in foro Syracusis est, in quo nudus filius stat: ipse autem ex equo nudatam ab se prouinciam prospicit. huius statuae omnibus locis erectae sunt: quae hoc demonstrare videntur, prope modum non minus multas statuas istum posuisse Syracusis, quam abstulisse. hinc etiam Romae videmus in basi statuarum maximis literis incisum, a communi * Siciliae datas. quamobrem, qui hoc probari potest cuiquam, tantos honores habitos esse ab inuitis? Hic tibi etiam multo magis, quam ante de aratoribus videndum & considerandum est, quid uelis. magna res est. utrum tibi Siculos publice, priuatimq; amicos, an inimicos existimari vis? si inimicos, quid te futurum est? quo confugies? ubi niteri? modo aratorum honestissimorum hominum, & locupletissimorum maximum numerum abs te

abalienasti: nunc de Siculis ciuitatibus quid ages? dices tibi Siculos esse amicos? qui poteris? qui, quod nullo in homine antea fecerunt, ut in eum publice testimonium dicerent (cum præsertim ex ea prouincia condemnati sint cōplures, qui ibi prætores fuerunt, duo soli absoluti) * huc contra te veniunt cum litteris, veniunt cū mandatis, veniunt cū testimonijs publicis. Qui, si te publice laudarent, tamē id more potius suo, quam merito tuo facere videretur: hi cum de tuis factis publice conqueruntur: nonne hoc indicant, tantas esse iniurias, ut multo maluerint de suo more decedere, quam de tuis moribus non dicere? Confitendum est igitur tibi necessario Siculos inimicos esse: qui quidem & in te grauissima postulata consulibus ediderunt, & me, ut hanc causam salutisq; suæ defensionem suscipere, obsecrarunt: qui cum a prætore prohiberentur, a quatuor quæstoribus impedirentur, omnium minas, atq; omnia pericula præ salute sua leuia duxerunt: qui priore actione ita testimonia grauiter, vehemēterq; dixerunt, ut Artemonem Centuripinum legatum, & publice testem, Q. Hortensius accusatorem, non testem esse diceret. Etenim cum propter virtutem & fidem cum Androne homine honestissimo & certissimo, tum etiam propter eloquentiam legatus a suis ciuibus electus est, ut posset multas istius, & varias iniurias quam apertissime vobis planissimeq; explicare. Dixerunt Halesini, Catinenses, Tyndaritari, Ennenses, Herbitenses, Agyrinenses, Necinenses, Segestani: numerare omnes non est necesse. scitis quam multi, & quam multa priore actione dixerint: nunc & illi & reliqui dicent. Omnes denique hoc in hac causa intelligent, hoc animo esse Siculos, ut si in istum animaduersum non sit, sibi relinquendas domos, ac sedes suas, & ex Sicilia decedendum, atque alio fugiendum esse arbitrarentur. Hos homines tu periuadebis ad honorem atq;

mapli-

amplitudinem tuam, pecunias maximas voluntate sua contulisse? credo, qui te in tua ciuitate incolumentem esse nolent, ij monumenta tuæ formæ, ac nominis in suis ciuitatibus esse cupiebant. Res declarauit, vt cupierint: iamdudum enim mihi nimium tenuiter Sicularum erga te voluntatis argumenta colligere videor, vtrum statuas voluerint tibi statuere, an coacti sint. de quo homine auditum est vnuquam, quod tibi accidit? vt eius in prouincia statux in locis publicis positæ, partim etiam in ædibus sacris, per vim, per vniuersam multitudinem deiicerentur? tot homines in Asia nocentes, tot in Africa, tot in Hispania, Gallia, Sardinia, tot in ipsa Sicilia fuerunt: ecquo de homine hoc vnuquam audiuius? Nouum est, iudices: in Siculis quidem, & in omnibus Græcis, monstri simile. non crederem hoc de statuis, nisi iacentes, reuulsasque vidissem: propterea, quod apud omnes Græcos hic mos est, vt honorem hominibus habitum in monumentis huiusmodi, nonnulla religione deorum consecrari arbitrentur. itaque cum Rhodij bellum illud prope omnium sæuissimum cum Mithridate rege gesserint, omnesque eius copias, acerrimumque eius impetum, mœnibus, litoribus, classibusque suis exceperint, cum & regis inimici præter ceteros essent, statuum eius, quæ erat apud ipsos in celeberrimo vrbis loco, ne tum quidem in ipsis vrbis periculis attigerunt. forsitan vix conuenire videretur, quem ipsum hominem cuperent euertere, eius effigiem simulacrumque seruare. sed tamen videbam, apud eos cum essem, & religionem esse quandam in his rebus a maioribus traditam, & hoc disputare, cum statua se eius habuisse temporis rationem, quo posita esset: cum homine vero, quo gereret bellum, atque hostis esset. Videtis igitur, consuetudinem, religionemque Græcorum, quæ monumenta hostium in bello ipso soleat defendere, eam summa in pace

prætoris populi Romani statuis præsidio non fuisse. Taurominitani, quorum est ciuitas fœderata, homines quietissimi, qui maxime ab iniuriis nostrorum magistratuum remotissimi consueuerant esse præsidio fœderis; hi tamen istius euertere statuam non dubitarunt: qua oblata, basin tamen in foro manere voluerunt: quod grauius in istum fore putabant, si scirent homines statuam eius a Taurominitanis esse deiectam, quam si nullam vnquam positam arbitrarentur. Tyndaritani deiecerunt in foro; & eadem de causa equum inanem reliquerunt. Leontinis misera in ciuitate atque inani, tamen istius in gymnasio statua deiecta est. Nam quid ego de Syracusanis loquar; quod non est proprium Syracusanorum: sed & illorum * commune, & conuentus illius, ac prope totius provinciae? quanta illuc multitudo, quanta vis hominum conuenisse dicebatur tum, cum statuæ sunt illius deiectæ, atque euerfæ? at quo loco? celeberrimo, ac religiosissimo ante ipsam Iouem, in primo aditu vestibuloque templi. quod nisi Metellus hoc tam grauitè egisset atque * illam imperio, edictoque prohibuisset: vestigium statuarum istius in tota Sicilia nullum esset relictum. Atque ego hoc non vereor, ne quid horum non modo impulsu, verum omnino aduentu meo factum esse videatur, omnia ista ante facta sunt, nō modo quam ego Siciliam, verum etiam, quam iste Italiam attigit. dum ego in Sicilia sum, nulla statua deiecta est, posteaquam illinc discessi, quæ sunt gesta, cognoscite. Centuripinorum senatus decreuit, populusque iussit, vt quæ statuæ C. Verris ipsius, & patris, & filij essent, eas quæstores demoliendas locarent: dumque ea demolitio fieret, senatores x x x. non minus adessent. Videte grauitatem ciuitatis, & digritatem. neque eas in vrbe sua statuas esse voluerunt, quas inuiti per vim, atque imperium dedissent: neque
eius

eius hominis in quem ipsi cum grauiſſimo * testi-
monio, quod numquam antea Romam mandata,
legatosque miſiſſent: & id grauius eſſe putaue-
runt, ſi publico conſilio, quam ſi per vim multitu-
dinis factum videretur. Cum hoc conſilio ſtatuas
Centuripini publice ſuſtuliffent, audit Metellus:
grauiter fert: euocat ad ſe Centuripinum magi-
ſtratum, & decem primos. niſi reſtituiſſent ſtatuas,
vehementer iis minatur. illi ad ſenatum renuntiant:
ſtatua, quæ iſtius cauſæ nihil prodeſſent * repo-
nuntur. Hic ego aliud alij concedo: Metello ho-
mini ſapienti prorſus non poſſum ignoſcere, ſi quid
ſtulte facit. Quid? ille hoc putabat Verri crimi-
noſum fore, ſi eius ſtatua eſſent deiecta? quod ſæ-
pe vento, aut aliquo caſu fieri ſolet. non erat in hoc
neque crimen vllum, neq; reprehenſio. ex quo igitur
crimen atque accuſatio naſcitur? ex hominum
iudicio, & voluntate. Ego, ſi Metellus ſtatuas re-
ponere Centuripinos non coegiffet, hæc dicerem:
Videte, iudices, quantum & quàm acerbum dolo-
rem ſociorum atque amicorum animis inuſſerint
iſtius iniuriæ: cum Centuripinorum amiciffima, &
fideliffima ciuitas, quæ tantis officiis cum populo
Romano coniuncta eſt, vt non ſolum rempub. no-
ſtram, ſed etiam in quouis homine priuato nomen
ipſum Romanorum ſemper dilexerit, ea publico
conſilio, atque auctoritate iudicarit, C. Verris ſta-
tuas eſſe in vrbe ſua non oportere. recitarem decre-
ta Centuripinorum: laudarem illam ciuitatem: id
quod veriſſime poſſem: commemorarem decem mil-
lia ciuium Ceturipinorum, fortiſſimorum, fideliffi-
morumq; ſociorum: eos omnes ſtatuiſſe, monumē-
tum iſtius in ſua ciuitate nullum eſſe oportere. Hæc
tum dicerem, ſi ſtatuas Metellus non repoſuiſſet.
velim quærere nunc ex ipſo Metello, quidnā ſua vi,
& auctoritate mihi ex hac oratione præciderit. ea-
dem opinor, omnia cōuenire. neq; enim ſi maxime

statuæ deiectæ essent, eas ego vobis possem iacentes ostendere: hoc vno vterer, ciuitatem tam grauem statuas iudicasse C. Verris demolendas, hoc mihi Metellus non eripuit: hoc etiam addidit, vt quereret si mihi videretur, tam iniquo iure socijs, atque amicis imperari, vt ijs ne in suis quidem beneficijs libero iudicio vti liceret, vt vos rogarem, vt coniecturam faceretis, qualem in ijs rebus in me L. Metellum fuisse putaretis, in quibus rebus obesse mihi posset, cum in hac re, tam aperta cupiditate fuerit, in qua nihil obfuit. Sed ego Metello non irascor, neque ei suam purgationem eripio, qua ille apud omnes vitur, vt nihil malitiose neq; consulto fecisse videatur. Tam igitur est ita perspicuū, vt negare non possis, nullam tibi statuam voluntate cuiusquam datam: nullam pecuniam statuarum nomine, nisi vi expressam & coactam. quo quidem in crimine non illud solum intelligi volo te ad statuas H. S. CXX. millia coegisse: sed multo etiam illud magis, quod simul * demonstrandum est, quantum odium in te aratorum, quantum omnium Siculorum sit, & fuerit. in quo quæ vestra defensio futura sit, coniectura assequi non queo. Oderunt Siculi: togatorum enim causa multa feci. at hi quidem acerrimi, inimicissimique sunt. Inimicos habeo ciues Rom. quod sociorum commoda ac iura defendi. at socij in hostium numero se abs te habitos queruntur. Aratores inimici sunt propter decumas. quid? qui agros immunes liberosque arant, cur oderunt? cur Halefinsi? cur Centuripini? cur Segestani? cur Halicienses? quod genus hominum, quem numerum, quem ordinem proferre possis, qui te non oderit, siue ciuium Ro. siue Siculorum? vt etiam si causam, cur te oderint, non possum dicere, tamen illud dicendum putem: quem omnes mortales oderint, eum quoque vobis odio esse oportere. An hoc dicere audebis: vtrum de te aratores, vtrum deniq;

Sicu-

Siculi vniuersi* bene existiment, ad rem id non pertinere, neque tu hoc dicere audebis: neque, si cupies, licebit. eripiunt tibi istam orationem contemnendorum Sicularum, atque aratorum statuz illæ equestres, quas tu paullo ante, quam ad urbem venires, poni, inscribique iussisti, vt omnium inimicorum animos, accusatorumque tardares. Quis enim tibi molestus esset, aut quis appellare auderet, cum videret statuas ab negotiatoribus, ab aratoribus a communi Sicilia? Quod est aliud in illa prouincia genus* hominum? nullum. Ergo ab vniuersa prouincia, generatimque a singulis eius partibus non solum diligitur, sed etiam ornatur. Quis hunc attingere audeat? Potes igitur dicere, nihil tibi obesse oportere aratorum, negotiatorum, Sicularumque omnium testimonia, cum eorum nominibus in statuarum inscriptione positis, omnem te speraris inuidiam, atque infamiam tuam extinguere posse? an quorum auctoritate tu statuas cohonestare tuas conatus es, eorum ego dignitate accusationem meam comprobare non potero? nisi forte, quod apud publicanos gratus fuisti, in ea re spes te aliqua consolatur. quæ gratia ne quid tibi prodesse posset, ego mea diligentia perfeci: vt etiam obesse deberet, tu tua sapientia curasti. Etenim rem totam, iudices, breuiter cognoscite. In scriptura Sicilia pro magistro est quidam L. Carpinatius, qui & sui quæstus causa, & fortasse quod sociorum interesse arbitrabatur, bene penitus in istius familiaritatem sese dedit. is cum prætorem circum omnia fora sectaretur, neque ab eo vnquam discederet, in eam iam venerat familiaritatem, consuetudinemque in vendendis istius decretis, & iudicijs, transigendisque negotijs, vt prope alter Timarchides numeraretur. hoc erat etiam capitalior, quod idem pecuniam ijs, qui ab isto aliquid mercabantur, scænorum dabat. ea autem sceneratio erat huiusmodi, iudices, vt etiam hic

questus huic cederet nam quas pecunias iis ferebat
expensas, quibuscum contrahebat: aut scribæ istius,
aut Timarchidi, aut etiam ipsi isti referebat acce-
ptas. idem præterea pecunias istius extraordinarias
grandes suo nomine fœnerabatur. Hic primo Car-
pinatius antequam in istius tantam familiaritatem
peruenisset, aliquoties ad socios literas de istius in-
iuriis miserat. Canuleius vero, qui in portu Syra-
culis operas dabat, furta quoq; istius permulta no-
minatim ad socios perscripserat ea quæ sine por-
torio Syraculis erant exportata: portum autem, &
scripturas eadem societas habebat. Ita factum est,
vt essent permulta, quæ ex societatis literis dicere
in istum, ac proferre possemus. Verum accidit vt
Carpinatus, qui iam cum isto summa consuetudi-
ne, præterea ratione coniunctus esset; crebras post-
ea literas ad socios de istius summis officiis in rem
communem, beneficiisq; mitteret. Etenim cum
iste omnia, quæcumq; Carpinatius postulabat, fa-
cere ac decernere solebat; tñ ille etiam plura scri-
bebat ad socios: vt, si posset, quæ antea scripserat,
ea plane extingueret. Ad extremum vero, cum iste
iam decebat, eiusmodi literas ad eos misit, vt
huic frequentes obuiam prodirent, gratiasque age-
rent; facturos esse, si quid imperasset, studiose polli-
cerentur: itaq; socij fecerunt: vetere instituto pu-
blicanorum; non quod istum vllò honore dignum
arbitrarentur: sed quod sua interesse putabant, se
memores, gratosq; existimari, gratias isti egerunt:
Carpinatum sæpe ad se de eius officiis literas mi-
sisse dixerunt. Iste cum respondisset; ea se libenter
fecisse, operasq; Carpinatij magnopere laudasset:
dat amico suo cuidam negotium, qui tum magi-
ster erat eius societatis, vt diligenter caueret, atque
prospiceret, ne quid esset in literis sociorum, quod
contra suum caput, atque existimationem valere
posset. Itaque ille multitudine sociorum remota,
de-

decumanos conuocat: rem desert: statuunt illi, atq;
decernunt, vt ex literæ, quibus existimatio C. Ver-
ris læderetur, remouerentur: operaque daretur,
ne ea res C. Verri fraudi esse posset. Si ostendo hoc
decreuisse decumanos: si planum facio hoc decre-
to remotas esse literas: quid expectatis amplius?
possumne rem magis iudicatam afferre? magis
reum condemnatum in iudicium adducere? at quo-
rum iudicio condemnatum? nempe eorum, quos
hi, qui seueriora iudicia desiderant, arbitrantur
res iudicare oportere publicanorum iudicio: quos
videlicet nunc populus iudices poscit: de quibus, vt
eos iudices habeamus, legem ab homine non nostri
generis, nō ex equestri loco profecto, sed nobilissi-
mo promulgatā videmus. Decumani, hoc est, prin-
cipes, & quasi senatores publicanorum, remouen-
das de medio literas censuerunt. habeo ex iis, qui
assuerunt, quos producam homines honestissimos,
ac locupletissimos, istos principes equestris ordi-
nis; quorum splendore vel maxime istius, qui legem
promulgauit, oratio & caussa nititur. venient in
medium: dicent, quid statuerint: profecto, si recte
homines noui, non mentientur. literas enim com-
munes de medio remouere potuerunt: fidem suam,
& religionem remouere non possunt. Ergo equites
Romani te suo iudicio condemnari voluerunt. Vos
nunc vtrum illorum iudicium, an voluntatem se-
qui malitis, considerate. At vide, quid te amicorum
tuorum studium, quid tuum consilium, quid socio-
rum voluntas adiunct. dicam paullo amplius (neq;
enim iam vereor, ne quis hoc me magis accusato-
rie, quam libere dixisse arbitretur) si istas literas
non decreto decumanorum magistri remouissent,
tantum possem in te dicere, quantum in literis in-
uenissem: nunc decreto isto facto, literisque remo-
tis, tantum mihi licet dicere, quantum possum:
tantum iudici suspicari, quantum velis. Dico te

maximum pondus auri, argenti, eboris, purpuræ, plurimam vestem Melitensem, plurimam stragulam, multam Deliacam supellestem, plurima vasa Corinthia, magnum numerum frumenti, vim mellis maximam Syracusis exportasse. his pro rebus, quod portorium non esset datum, litteras ad socios misisse L. Camuleium, qui in portu operas daret. Satisne magnum hoc crimen videtur? nullum opinor maius, quid defender Hortensius? Postulabit, ut litteras Canuleij proferam? crimen huiusmodi, nisi literis confirmetur, inane esse dicet? clamabo litteras remotas esse de medio, decreto sociorum erepta mihi esse istius indicia ac monumenta furtorum. Aut hoc contendat numquam esse factum, aut omnia tela excipiat necesse est. negas esse factum? placet mihi ista defensio: descendo: æqua enim condicio, æquumque certamen proponitur: producam testes, & producam plures eodem tempore. quoniam tum, cum actum est, vna fuerunt, nunc quoque vna sunt, cum interrogabuntur, obligentur non solum iurisiurandi atque existimationis periculo, sed etiam communi inter se conscientia. si planum sit, hoc ita, quemadmodum dico, esse factum, non poteris dicere, Horrensi, nihil in istis fuisse literis, quod Verrem læderet. non modo id non dices, sed ne illud quidem tibi dicere licebit, tantum, quantum ego dicam, non fuisse. Ergo hoc vestro consilio, & gratia perfecistis, ut quemadmodum paullo ante dixi, & mihi summa facultas ad accusandum daretur, & iudicibus libera potestas ad credendum. Quod cum ita sit, nihil fingam tamen: meminero me non sumpsisse quem accusarem, sed recepisse quos defenderem: vos ex me causam non a me prolatam, sed ad me delatam audire oportere: me Siculis fatis esse facturum, si quæ cognoui in Sicilia, quæ accepi ab ipsis, diligenter exposuero populo Ro. si nullius vim, nullius potentiam pertimuerō; vobis, si

facul-

facultatem vere atque honeste iudicandi, fide & diligentia mea fecero: mihi in eo, si ne minimum quidem de eo curriculo vitæ, quod mihi semper propositum fuit, decessero. Quapropter nihil est quod metuas, ne quid* mecum fingam: etiam quod latere, habes. multa enim quæ scio abs te esse commissa, quod aut nimium turpia, aut parum credibilia sunt, prætermittam: tantum agam de hoc toto nomine societatis, &* vt verum scire possitis, quæram, decretumne sit: cum id inuenero, quæram remotæne sint literæ. cum id quoque constabit, vos iam me* tacito intelligetis, si illi, qui hoc istius causa decreuerunt, equites Rom. nunc iidem in eum iudices essent, *istum sine dubio condemnarent, de quo literas eas, quæ istius furta indicarent, & ad se missas, & suo decreto remotas scirent esse. Quem igitur ab ijs equitibus Rom. qui istius causa cupiunt omnia, qui ab eo benignissime tractati sunt, cōdemnari necesse esset: is a vobis, iudices, *vlla vi aut ratione absolui potest? Ac, ne forte ea quæ remota de medio, atque erepta vobis sunt, omnia ita condita fuisse, atque ita abdite latuisse videantur, vt hac diligentia, quam ego a me expectari maxime puto, nihil horum inuestigari, nihil assequi potuerit: quæ consilio aliquo, aut ratione inueniri potuerunt, inuenta sunt, iudices: manifestis in rebus hominem iam teneri videbitis. Nam quod in publicanorum causis vel plurimum ætatis meæ versor, vehementerque illum ordinem obseruo, satis commode mihi videor eorum consuetudinem vsu tractandoque cognouisse. Itaque vt hoc comperi remotas esse literas societatis: habui rationem annorum, per quos iste in Sicilia fuisset: deinde quæsiui, quod erat inuentu facillimum, qui per eosdem annos magistri istius societatis fuissent. * sciebam enim hanc magistrorum, qui tabulas haberent, consuetudinem esse vt cum tabulas nouo magistro tra-

derent, exempla literarum ipsi habere non nollent. Itaque ad L. Vibium equitem Rom. virum primum, quem reperiēbam magistrū fuisse eo ipso anno, qui mihi maxime querendus erat, primum veni: sane homini præter opinionem improviso incidi: scrutatus sum quæ potui, & quæsiui omnia: inueni duos solos libellos ab L. Canuleio missos sociis ex portu Syracusis: in quibus erat ratio scripta mēsum compluium, rerum exportatarum istius nomine sine portorio, itaq; obsignaui statim. Non * erant ex eo genere, quod ego maxime genus ex sociorum literis reperire cupiebam, verum tantum inueni, iudices, quod apud vos quasi exempli causa proferre possem, sed tamen quidquid erit in his libellis, quantumcumq; videtur esse, hoc quidem certe manifestum erit: de ceteris ex hoc coniecturā facere debebitis. Recita mihi quæso hunc primum libellum, deinde illum alterum. * **LIBELLI CANULEIANI.** Iam non quæro, unde c c c c. amphoras mellis habueris, unde tantam Melitensem vestem, unde quinquaginta tricliniorum lectos, unde tot candellabra: non inquam, iam quæro, unde hæc habueris: sed quo tibi tantum opus fuerit, id quæro. mitto de melle: sed tantumne Melitensum? quasi etiam amicorum uxores: tantum lectorum? quasi etiam omnium istorum villas ornaturus esses. Cum hæc paucorum mensuræ ratio in his libellis sit, facite ut vobis triennij totius veniat in mentē Sic contendo, ex his paruis libellis apud vnum magistrum societatis repertis, vos iam coniectura assequi posse, cuiusmodi prædo iste in illa provincia fuerit; quā multas cupiditates, quam varias, quā infinitas habuerit; quantā pecuniā non solum numeratā, verum etiā in huiusmodi rebus positā cōfecerit: quæ nobis alio loco planius explicabuntur. Nunc hoc attendite: his exportationibus, quæ recitatæ sunt, scribit h. s. lxx. milia socios perdidisse ex vicesima portorij Syracusis.

pau-

pauculis igitur mēſibus, vt hi puſilli, & cōtempti libelli indicant, ſurta prætoris, quę eſſent h. s. duodecies, ex vno oppido ſolo exportata ſunt. cogitate nunc, cum illa ſit hæc inſula, quæ vndiq; exitus maritimos habeat; quid ex ceteris locis exportatū putetis, quid Agrigēto, quid Lilybræo, quid Panormo, quid Thermis, quid Haleſa, quid Catina, quid ex ceteris oppidis; quid vero Meſſāna, quem iſte ſibi locum maxime tucū arbitrabatur, vbi animo ſemper ſoluto liberoq; erat: quod ſibi iſte Mamertinos delegerat, ad quos omnia, quæ aut diligentius ſeruanda, aut occultius exportanda erant, deportaret. His inuentis libellis, ceteri remoti, & diligētius ſunt reconditi: nos tamē vt omnes intelligant hoc nos ſine cupiditate agere, his ipſis libellis cōtēti ſumus. Nūc ad ſociorū tabulas accepti & expēſi, quas remouere honeſte nullo modo potuerūt, & ad amicū tuum Carpinatiū reuertemur. Inſpiciebamus Syracuſis a Carpinatio cōfectas tabulas ſocietatis, quæ ſignificabant multis nominibus eos homines verſuram a Carpinatio feciſſe; qui pecuniā Verrī dediſſent. Erit vobis luce clariuſ, iudices cum eos ipſos produxero, qui dederunt. intelligetis enim illa tempora, per quæ, cum eſſent in periculo, pretio ſeſe redemerūt, cum ſocietatis tabulis non ſolum cōſulibus, verum etiam mēſibus cōuenire. Cum hæc maxime cognoceremus, & iam in manibus tabulas haberemus; repente aſpicimus lituras eiufmodi, quaſi quædam vulnera tabularum recētia, ſtatim ſuſpicionē offendi, ad ea ipſa nomina oculos, animumq; trāſtulimus. erant acceptæ pecuniæ a C. Verrutio, ſic tamen, vt vſque alterum, r, literæ conſtarent integræ, reliquæ omnes eſſent in litura. alterum, tertium, quartum, permulta erant eiufmodi nomina. Cum manifeſta res, cum flagitioſa tabularum, atq; inſignis turpitudine teneretur; quærere incēpimus de Carpinatio, quiſnam eſſet iſ Verrutius qui tum tantæ pecuniæ

rationem haberet. hære homo, auersari, rubere. Quod lege excipiuntur tabulæ publicanorum, quominus Romam deportentur; ut res quam maxime clara, ac testata esse posset, in ius ad Metellum Carpinatium voco, tabulasque societatis in forum deferro. fit maximus concursus hominum & quod erat Carpinatij nota cum isto prætore societas, ac sceneratio, summe expectabant omnes, quid in tabulis contineretur. rem ad Metellum deferro, me tabulas perspexisse sociorum, in his tabulis magnam rationem C. Verrutij permultis nominibus esse; meque hoc perspicere ex consulum, mensiumque ratione: hunc Verrutium neque ante aduentum C. Verris, neque post decessionem quidquam cum Carpinatio rationis habuisse. postulo mihi respondeat, qui sit iste Verrutius, mercator, an arator, an pecuarius: in Sicilia sit, an decesserit. clamare omnes ex conuentu, neminem vnquam ex Sicilia fuisse Verrutium. ego instare, ut mihi responderet. ubi esset, quis esset, unde esset: cur seruus societatis, qui tabulas confecerit, semper in Verrutij nomine, certo ex loco mendosus esset. atque hæc postulabam, non quo illum cogi putarem oportere, ut ea mihi responderet inuitus: sed ut omnibus istius furta, illius flagitium, vtriusque audacia perspicua esse posset. Iraque illum iniuriæ metu, conscientiaque peccati mutum, atque exanimatum, ac vix viuum relinquo: tabulas in foro summa hominum frequentia exscribo: adhibentur in exscribendo de conuentu viri primarij literæ, lituræ quæ omnes assimilata, expressæ, de tabulis in libros transferuntur. Hæc omnia summa cura, & diligentia recognita, & collata, & ab hominibus honestissimis obsignata sunt. Si Carpinatius tum mihi respondere noluit: responde mihi nunc tu, Verres, quem esse hunc tuum pene gẽtilem Verrutium putes? fieri non potest, ut quem video, te prætore, in Sicilia fuisse, & quem ex ipsa ratione intelligo locupletem

cuplerem fuisse, eum tu in tua prouincia nō cognor-
ris. Atque adeo hoc ne longius, aut obscurius esse
possit: procedite in mediū, explicate descriptio-
nem, imaginemque tabularum, vt omnes mortales
istius auaritiæ non iam vestigia, sed ipsa cubilia vi-
dere possint. videtis Verrutium? videtis primas lit-
teras integras? videtis extrēmam partem nominis,
caudam illam Verris tamquam in luto demersam
esse in litura? Sic habent se tabulæ, iudices, vt vide-
tis. Quid expectatis? quid quæritis amplius? tu ipse,
Verres, quid sedes? quid moraris? nam aut exhibeas
nobis Verrutium necesse est; aut te esse Verrutium
fateare. Laudantur oratores veteres Crassi illi, &
Antonij; quod crimina diluere dilucide, quod co-
piose reorum causas defendere solebant. Nimirum
illi non ingenio solum his patronis, sed fortuna etiā
præstiterunt. nemo enim tunc ita peccabat, vt de-
fensionis locum non relinqueret: nemo ita vivebat,
vt nulla eius vitæ pars summæ turpitudinis esset ex-
pers: nemo ita in manifesto peccato tenebatur, vt
cum impudens fuisset in facto, tum impudentior vi-
deretur, si negaret. Nunc vero quid faciat Horten-
sius? auaritiæ ne crimina frugalitatis laudibus de-
precetur? at hominem flagitiosissimum, libidinofi-
ssimum, nequissimumq; defendit. An ab hac eius in-
famiæ nequitiae vestros animos in aliam partē, for-
titudinis commemoratione traducat? at homo iner-
tior, ignauior, magis vir inter mulieres nequam, im-
pura inter viros muliercula proferri non potest. At
mores commodi, quis contumacior? quis inhumani-
or? quis superbior? At hoc sine cuiusquam malo,
quis acerbior? quis insidiosior? quis crudelior vnquā
fuit? in hoc homine atque in eiusmodi causa quid
facerent omnes Crassi, & Antonij? tantum, opinor,
Hortensi, ad hanc causam non accederent ne in al-
terius impudentia sui pudoris existimationem a-
mitterent. liberi enim ad causas, solutique venie-

bant: neque committebant, vt si impudentes in defendendo esse voluissent; ingrati in deserendo existimarentur.



ACCVSATIONIS

IN C. VERREM

LIBER V.

ORATIO OCTAVA.



OMNES qui alterum, iudices, nullis impulsu inimicitijs, nulla priuati læsi iniuria, nullo præmio adducti, in iudicium reip. causa vocat, providere debet, non solum quid oneris in præsentia tollant, sed etiam quantum in omnem vitam negotij suscipere conetur. Legem enim sibi ipsi indicunt innocentia, continentia, virtutumq; omnium, qui ab altero ratione vitæ reposcunt: atq; eo magis, si id, vt ante dixi, faciunt nulla re commoti alia, nisi utilitate communi. Nam qui sibi hoc sumpsit, vt corrigat mores aliorum, ac peccata reprehendat quis huic ignoscat, si qua in re ipse ab religione officij declinavit? Quapropter hoc etiam magis ab omnibus eiusmodi ciuis laudandus ac diligendus est; qui non solum reip. ciuem improbum remouet; verum etiam se ipsum eiusmodi fore profitetur, ac præstat, vt sibi non modo communi voluntate virtutis atq; officij, sed etiã vt quadam magis necessaria ratione recte sit, honesteq; viuendum. Ita hoc iudices, ex homine clarissimo, atq; eloquentissimo L. Crasso sæpe auditum est, cum se nullus rei tam pœnitere diceret, quã quod C. Carbonẽ vmquam in iudicium vocauisset, minus

enim

enim liberas omnium voluntates rerum habebat: & vitam suam pluribus, quam vellent, obseruari oculis arbitrabatur. Atque illic his præfidijs ingenij fortunæq; munitus, tamen hac cura continebatur: quam sibi nondum confirmato consilio, sed ineunte ætate susceperat quo minus etiam perspicitur eorum virtus & integritas. qui ad hanc rem adolescentuli, quæ qui iam firmata ætate descendunt. illi enim, antequam potuerunt existimare, quanto liberior vita sit eorum, qui neminem accusarint, gloriæ causa, atq; ostentationis accusant: nos, qui iam & quid facere, & quantulum iudicare possemus, ostendimus: nisi facile cupiditates nostras teneremus, nūquam ipsimet nobis præcideremus istam licentiam, libertatemq; viuendi. Atq; hoc ego plus oneris habeo, quàm qui ceteros accusarunt (si onus est id appellandum, quod cum lætitia feras ac voluptate) verum tamen hoc ego amplius suscepi, quam ceteri. quod ita postulatur ab omnibus, ut ab ijs se abstineant maxime vitiis, in quibus alterum reprehenderint. furem aliquem, aut rapacem accusaris: vitanda tibi semper erit omnis auaritiæ suspicio. maleficum quempiam* adduxeris; aut crudelem: cauendum erit semper, ne qua in re asperior aut inhumanior fuisse videre. corruptorem, adulterum: prouidendum diligenter, ne quod in vita vestigium libidinis appareat. omnia postremo, quæ vindicaris in altero, tibi ipsi vehementer fugienda sunt. Etenim non modo accusator, sed ne obiurgator quidem ferendus est is, qui quod in altero vitium reprehendit, in eo ipse deprehenditur. Ego in vno homine omnia vitia, quæ possunt in homine perditio, nefarioque esse, reprehendo: nullum esse indicium libidinis, sceleris, audaciæ, quod non in vnius istius vita perspicere possitis. Ego in isto reo legem hanc, iudices; mihi statuo, viuendum ita esse, ut isti non modo factis dictisque omnibus; sed etiam oris oculorumque illa

contumacia, ac superbia quam videtis, dissimillimus esse, ac semper fuisse videar. Patior non moleste, iudices eam vitam, quæ mihi sua sponte antea iucunda fuerit. nunc iam mea lege & conditione necessariam quoque futuram. Et in hoc homine sepe a me queris, Hortensi quibus inimicitias, aut qua iniuria adductus, ad accusandum descenderim? mitto iam rationem officij mei, necessitudinisque Siculorum: de ipsis tibi inimicitias respondeo, an tu maiores vllas inimicitias putas esse, quam contrarias hominum sententias, ac dissimilitudines studiorum & voluntatum? Fidem sanctissimam in vita qui putat, potest ei non inimicus esse, qui questor consullem suum, consilijs commissis, pecunia tradita, rebus omnibus creditis, spoliare, relinquere, prodere, oppugulare ausus sit? pudorem & pudicitiam qui colit, potest animo æquo istius quotidiana adulteria, meretriciam disciplinam, domesticum lenocinium videre? qui religiones deorum immortalium retinere vult, ei qui fana spoliavit omnia qui ex Thensarum orbitis prædari sit ausus, inimicus non esse qui potest? qui iure æquo omnes putat esse oportere, is tibi non infestissimus sit, cum cogitet varietatem, libidinemque decretorum tuorum? qui sociorum iniurijs, prouinciarumque incommodis doleat, is in te non expilatione Asiæ, vexatione Pamphiliæ squalore & lacrimis Siciliæ concitetur? qui ciuium Romanorum iura, ac libertatem sanctam apud omnes haberi vult, is non tibi plus etiam quam inimicus esse debeat, cum tua verbera, cum secures, cum cruces ad ciuium Romanorum supplicia fixas recordetur? An si qua in re contra rem meam decreisset aliquid iniuria, iure me ei inimicum esse * arbitrarere: cum omnia contra omnium bonorum rem, causam, rationem, vtilitatem, voluntatemque fecerit, quæris cur ei sim inimicus, cui populus Romanus infestus sit? qui præsertim plus etiam,

etiam, quam pars virilis postulat, pro voluntate populi Rom. oneris ac muneris suscipere debeam. Quid illa, quæ leuiores videntur esse, non cuiusvis animum possunt mouere? quod ad tuam ipsius amicitiam, ceterorumq; omnium * maiorum, atque nobilium, faciliorem aditum istius habet nequitia & audacia, quam cuiusquam nostrorum virtus & integritas? odistis hominum nouorum industrias: despiciatis eorum frugalitatem, pudorem contemnitis: ingenium verò & virtutem depressam extinctamq; cupitis: Verrem amatis, ita credo: si non virtute, non industria, non innocentia, non pudore, non pudicitia, at sermone, at literis, at humanitate eius delectamini. Nihil horum est: contraq; sunt omnia cum summo dedecore ac turpitudine, tum singulari stultitia, atq; inhumanitate oblita. huic homini si cuius domus patet, utrum ea patere, an hiare ac poscere aliquid videtur? hunc vestri ianitores, hunc cubicularij diligunt: hunc liberti vestri, hunc serui, ancillæque amant: hic cum venit, extra ordinem vocatur: hic solus introducitur; ceteri sepe frugalissimi homines excluduntur. ex quo intelligi potest, eos vobis esse carissimos, qui ita vixerunt, ut sine vestro presidio salui esse non possint. Quid? hoc cuiquam ferendum putas esse, nos ita viuere in pecunia tenui, ut prorsus nihil acquirere velimus; ut dignitatem nostram, populiq; Rom. beneficia non copijis, sed virtute tueamur: istum rebus omnibus vndique ereptis, impune eludentem circumfluere, atq; abundare? huius argento domos vestras; huius signis & tabulis forum comitiumq; ornari? præsertim cum vos vestro Marte his rebus omnibus abundetis. Verrem esse, qui vestras villas suis manubijs ornet? Verrem esse, qui cum L. Mummio certet? ut plures hic sociorum vrbes, quam ille hostium spoliassè videatur: plures hic solus villas ornamentis fanorum, quam ille sana spolijs hostium ornasse? &

is erit ob eam rem vobis carior, ut ceteri libentius suo periculo vestris cupiditatibus seruiant? verum hæc, & dicentur alio loco, & dicta sunt; nunc proficiscemur ad reliqua, si pauca ante erimus a vobis, iudices, deprecati. Superiore omni oratione peratentos vestros animos habuimus, id fuit nobis gratum admodum; sed multo erit gratius, si reliqua voletis attendere: propterea quod in his omnibus, quæ antea dicta sunt, erat quædam ex ipsa varietate, ac nouitate rerum, ac criminum delectatio. nunc tractare causam instituimus frumentariam: quæ magnitudine iniuriæ fere criminibus ceteris antecellit; iucunditatis in agendo, & varietatis minus habebit. vestra autem auctoritate & prudentia dignissimum est, iudices, in audiendo diligentiam non minus religioni tribuere, quam voluptati. In hac causa frumentaria cognoscenda hæc vobis proponite, iudices, vos de rebus, fortunisque Siculorum omnium, de ciuium Ro. qui arant in Sicilia, bonis, de vectigalibus a maioribus traditis, de vita victuque populi Rom. cognituros. quæ si magna, atq; adeo maxima vobis videntur; quam varie, & quam copiose dicantur, expectare nolite. Neminem vestrum præterit, iudices, omnem utilitatem, opportunitatemq; prouinciæ Siciliæ, quæ ad comoda populi Rom. adiuncta sit, consistere in re frumentaria maxime. in ceteris rebus adiuuamur ex illa prouincia; hac vero alimur ac sustinemur. Ea causa tripartita, iudices, erit in accusatione. primum enim de decumano, deinde de empto dicemus frumento, postremo de æstimate. Inter Siciliam, ceterasq; prouincias, iudices, in agrorum vectigalium rationibus hoc interest; quod ceteris aut impositum vectigal est certum, quod stipendiarium dicitur, ut Hispanis, & plerisque; Pænorum, quasi victoriæ præmiium, ac pæna belli: aut censoria locatio constituta est, ut Asia lege Sempronia. Siciliæ ciuitates sic

in amicitiam, fidemque recepimus, ut eodem iure essent, quo fuissent: eadem conditione populo Rom. parerent, qua suis antea paruissent. per paucas Siciliae ciuitates sunt bello a maioribus nostris subactae: quarum ager cum esset publicus populi Ro. factus, tamen illis est redditus: is ager a censoribus locari solet. Foederatae ciuitates duae sunt, quarum decumae venire non soleant, Mamertina & Taurominitana: quinque praeterea sine foedere immunes ciuitates, ac liberae, Centuripina, Halesina, Segestana, Halicienſis, Panormitana. praeterea omnis ager Siciliae ciuitatum decumanus est, itemque ante imperium populi Rom. ipsorum Siculorum voluntate & institutis fuit. Videte nunc maiorum sapientiam: qui cum Siciliam tam opportunum subsidium belli atque pacis ad rempub. adiunxissent, tanta cura Siculos tueri, & retinere voluerunt, * ut non modo eorum agris vectigal nouum nullum imposerent, sed ne legem quidem venditionis decumarum, neue vendundis aut tempus, aut locum commutarent, ut certo tempore anni, ut ibidem in Sicilia denique ut lege Hieronica venderent. voluerunt eos in suis rebus ipsos interesse: eorum animos, non modo lege noua, sed ne nomine quidem legis nouo commoueri. ita decumas lege Hieronica semper vendendas censuerunt, ut ijs iucundior esset muneris illius fuctio, si eius regis qui Siculis carissimus fuit, non solum instituta, commutato imperio, verum etiam nomen maneret. hoc iure ante Verrem praetorem Siculi semper vsi sunt: hic primus instituta omnium, consuetudinem a maioribus traditam, conditionem amicitiae, ius societatis conuellere & commutare ausus est. Qua in re primum illud reprehendo, & accuso, cur in re tam veteri, tam vsitata, quidquam noui feceris? ingenio aliquid affecutus es? tot homines sapientissimos, qui illam prouinciam ante te tenuerunt, prudentia consilioque vi-

cisti? Est tuum, est ingenij, prudentiæque tuæ. do hoc tibi, & concedo: scio te Romæ, cum prætor esses, edicto tuo possessiones hereditatum * a liberis ad alienos, a primis hereditibus ad secundos, a legibus ad libidinem tuam transfuisse. scio te edicta superiorum omnium correxisti, & possessiones hereditatum non secundum eos qui proferrent, sed secundum eos, qui dicerent testamentum factum dedisse: easque res novas ab te prolatas, & inuentas magno tibi quæstui fuisse scio: eundemque te memini censorias quoque leges in fartis tectis exigendis tollere, & commutare, ne is redimeret, cuius res esset: ne pupillo tutores, propinquiue consularent, quo minus fortunis omnibus euerteretur: exiguam diem præfiniri operi, qua ceteros ab negotio excuderet, cum ipse in tuo redemptore nullam certam diem obseruaret: quamobrem nouam legem te in decumis statuisti non miror, hominem in edictis prætorij, in censorijs legibus tam prudentem, tam exercitatum: non, inquam, miror, te aliquid exco- gitasse: sed quod tua sponte, iniussu populi, sine senatus auctoritate iura prouinciæ Siciliæ mutaris, id reprehendo, id accuso. L. Octauio & C. Cottæ * consulibus senatus permisit, ut vini & olei decumas, & frugum minutarum, quas antea te quæstores in Sicilia vendere consueverant, Romæ venderent, legemque his rebus quæ ipsis videretur, edicerent. Cum locatio fieret, publicani postularunt, quasdam res ut ad legem adderent, neque tamen a censorijs ceteris legibus recederent. contradixit is, qui casum Romæ fuit tuus hospes, Verres, hospes inquam, & familiaris tuus Sthenius hic Thermitanus. * Consules causam cognouerunt. cum viros primarios, atque amplissimos ciuitatis multos in consilium aduocassent: de consilij sententia pronuntiarunt, se lege Hieronica vendituros. Itaque verò? prudentissimi viri, summa auctoritate prædicti, quibus senatus

senatus legum dicendarum in locandis vectigalibus omnem potestatem permiserat, populusq; Romanus idem iusserat, Siculo vno recusante, cum amplificatione vectigalium, nomen Hieronica legis mutare noluerūt; tu homo minimi consilij, nullius auctoritatis, iniussu populi, ac senatus, tota Sicilia recusante, cum maximo detrimento atque adeo exitio vectigalium, totam Hieronicam legem sustulisti. at quam legem corrigit, iudices, atque adeo totam tollit? acutissime, ac diligentissime scriptam; quæ omnibus custodijs subiectum aratorem decumano tradit; vt neque in segetibus, neque in areis, neque in horreis, neque in amouendo, neque in asportando frumento, grano vno posset arator sine maxima pœna fraudare decumanum. scripta lex ita diligenter est, vt eum scripsisse appareat, qui alia vectigalia non haberet: ita acute, vt Siculum: ita seuerè, vt tyrannum: qua lege Siculis tamen arare expediret. nam ita diligenter constituta sunt iura decumani, vt tamen ab inuito aratore plus decuma non possit auferri. Cum hæc essent ita constituta; Verres tot annis atque adeo sæculis inuentus est, qui hæc non commutarit, sed euerterit: eaque quæ iamdiu ad salutem sociorum, vtilitatemque reipublicæ composita, comparataq; essent, ad suos improbissimos quæstus * conuerterit: qui primum certos instituerit nomine decumanos, re vera ministros ac satellites cupiditatum suarum: per quos ostendam sic prouinciam per triennium vexatam atque vastatam, iudices, vt eam multis annis, * multorum * prætorum innocentia, sapientiaque recreare nequeamus. Eorum omnium, qui decumani vocabantur, princeps erat Q. ille Apronius, quem videtis: de cuius improbitate singulari grauissimarum legationū querimonias audistis. Aspicite, iudices, vultum hominis, & aspectum, & ex ea contumacia, quam hic

in perditis rebus retinet, illos eius spiritus Sicilienses quos fuisse putetis, cogitate, ac recordamini. hic est Apronius, quem in provincia tota Verres, cum vndique nequissimos homines conquisisset, & cum ipse secum sui similes duxisset non parum multos, nequitia, luxuria, audacia, sui simillimum iudicauit. itaque istos inter se perbreui tempore, non res, non ratio, non commendatio aliqua, sed studiorum turpitudine, similitudineque coniunxit. Verris mores improbos, impurosque notis: flagite vobis si potestis, aliquem, qui in omnibus rebus isti par ad omnium flagitiorum nefarias libidines esse possit: is erat Apronius ille: qui, ut ipse non solum vita, sed etiam corpore atque ore significat, immensa aliqua vorago est, aut gurges vitiorum turpitudinumque omnium. hunc in omnibus stupris, in fanorum expilationibus, hunc in impuris conuiujs principem adhibebat: tantamque habebat morum similitudo coniunctionem, atque concordiam, ut Apronius, qui alijs inhumanus, ac barbarus, isti vni commodus, ac discretus videretur: ut quem omnes odissent, neque videre vellent, sine eo iste esse non posset: ut, cum alij ne conuiujs quidem ijsdem, quibus Apronius, hic ijsdem etiam poculis vteretur: postremo, ut odor Apronij teterrimus oris & corporis, quem (ut aiunt) ne bestiae quidem ferre possent, vni isti suavis, & iucundus videretur. Ille etiam in tribunali proximus, in cubiculo socius, in conuiuio dominus: ac tum maxime, cum accubante prætecto prætoris filio, in conuiuio saltare nudus cœperat. Hunc, uti dicere institui, principem Verres ad euertendas fortunas aratorum, vexandas, diripiendasque esse voluit: huius audaciæ, nequitiae, crudelitati, fidelissimos socios optimosque ciues scitote hoc prætore traditos, iudices, atque adductos fuisse, nouis institutis & eductis, tota Hiero-

nica lege (quemadmodum antea dixi) reiecta, & repudiata. Primum edictum, iudices, audite praeclarum. Quantum decumanus edidisset aratorem sibi decumae dare oportere, ut tantum arator decumano dare cogeretur. Quomodo? quantum poposcerit Apronius, dato, quid est hoc? utrum praetoris institutum in socios, an in hostes victos insani edictum atque imperium tyranni? ego tantum dem, quantum ille poposcerit? poscet omne, quantum exarauero, quid omne? imo plus etiam, inquit si, vult. Quid tū? quid censes? aut dabis, aut contra edictū fecisse damnabere. Per deos immortales, * quid est hoc? verisimile enim nō est. sic mihi persuadeo, iudices: tametsi omnia in istum hominem conuenire putetis, tamen hoc vobis falsum videri. ego enim cum hoc tota Sicilia diceret, tamen affirmare non auderem, si haec edicta non ex ipsius tabulis totidem verbis recitare possem: sicuti faciam. da quæso Scriba: recitet ex codice. Recita edictū de professione. Negat me recitare totum: nam id nutu significare videtur. Quid praetereo? an illud, ubi caues tamen Siculis, & miseros respicis aratores? edicis eam te in decumanum, si plura sustulerit, quam debitum sit, in octuplum iudicium daturum esse. nihil mihi placet praetermitti: recita hoc quoque, quod postulat, totum. Recita edictum de iudicio in octuplum. Iudicio ut arator decumanum persequatur? miserum, atque iniquum, ex agro homines traduci in forum, ab aratro ad subsellia, ab usu rerum rusticarum ad insolitam litem, atque iudicium. cum omnibus in alijs vectigalibus, Aëz, Macedoniæ, Hispaniæ, Galliæ, Africæ, Sardiniae, ipsius Italiae quæ * vectigalia sunt, cum in his inquam rebus omnibus publicanus petitor ac pignerator, nō creptor neq; possessor soleat esse, tu de optimo, de iustissimo, de honestissimo genere hominū, hoc est, de aratoribus, ea iura cōstituebas, quæ omnibus alijs ef-

sent contraria. Vtrum est æquius, decumanum petere, an aratorem repetere? iudicium integra re, an perdita fieri? eum, qui manu quæsierit, an eum qui digito licitus sit, possidere? Quid, qui in singulis * iugis arant, qui ab opere ipsi non recedunt, quo in numero magnus ante te prætorem numerus, magna multitudo Siculorum fuit: quid facient? cum dederint Apronio quod poposcerit, relinquent arationes? relinquent larem familiarem suum? venient Syracusas: ut, te prætore videlicet, æquo iure Apronium delicias, ac vitam tuam iudicio recuperatorio persequantur? Verum esto, repetietur aliquis fortis, experiens arator, qui cum tantum dederit decumano, quantum ille deberi dixerit, iudicio reperat, & pœnam octupli persequatur: expecto vim edicti, severitatem prætoris: faueo aratori, cupio octupli damnari Apronium. Quid tandem postulat arator? nihil nisi ex edicto iudicium in octuplum. quid Apronius? non recusat. quid prætor? iubet recuperatorem reijcere: decurias scribamus. quas decurias? de cohorte mea reijcies, inquit. Quid? ista cohors quorum hominum est? Volusij haruspiciis, Cornelij medici: & horum canum, quos tribunal meum vides lambere. Nam de conuentu nullum umquam iudicem, nec recuperatorem dedit: iniquos decumanis omnes dicebat esse, qui vñ agri glebam possiderent. veniendum erat ad eos contra Apronium, qui nondum etiam Aproniani conuiuij crapulam exhalassent. O præclarum, & commemorandum iudicium: o severum edictum: o tutum perfugium aratorum. Atque, ut intelligatis, cuiusmodi ista iudicia in octuplum, cuiusmodi istius de cohorte recuperatores existimati sint: sic attendite. Ecquem putatis decumanum hac licentia permissa, ut tantum ab aratore, quantum poposcisset, auferret, plus quàm deberetur poposcisset? considerate cum vestris animis vosmetipsi, ecquem
pu: eti?

putetis? præsertim cum id non solum sine avaritia, sed etiam impudentia accipere potuerit. multos. necesse est. At ego omnes dico plus, quam decumas abstulisse. cedo mihi vnum ex triennio præturæ tuæ, qui octupli, damnatus sit. damnatus; immo vero in quem iudicium ex edicto tuo postulatum sit. Nemo erat videlicet aratorum, qui iniuriam sibi factam queri posset: nemo decumanorum, qui grano amplius, sibi quam deberetur, deberi professus esset. immo vero contra rapiebat, & asportabat quantum a quoq; volebat, Apronius; omnibus autem locis aratores spoliati, ac vexati querebantur: neq; tamen vllum iudicium reperietur. Quid est hoc? viri fortes, honesti, gratiosi, tot Siculi, tot equites Romani ab homine nequissimo ac turpissimo læsi, prænam octupli sine vlla dubitatione commissam non persequebantur? quæ causa? quæ ratio est? vna illa, iudices, quam videtis; quod vltro etiam illusos se, & irrisos ab iudicio discessuros videbant, etenim quod esset iudicium, cum e Verris turpissimo, flagitiosissimoq; comitatu tres, recuperatorum nomine asfedisent affectæ istius, non a patre ei traditi, sed a meretricula commendati? ageret videlicet causam arator: nihil sibi frumenti ab Apronio relictum, bona sua etiam direpta, se pulsatum, verberatumq; diceret. conferrent viri boni capita: de comissione loquerentur inter se, ac de mulierculis, si quas a prætore abeuntes possent deprehendere: res agi videretur. surrexisset Apronius, noua dignitas publicani; non vt decumanus squaloris plenus ac pulueris, sed vnguentis oblitus, vino vigiliisq; languidus: omnia primo motu ac spiritu suo, vini, vnguenti, corporis odore cõplesset: dixisset hæc. quæ vulgo dicere solebat, non se decumas emisse; sed bona fortunæq; aratorum: non se decumanum esse Aproninm; sed Verrem alterum: dominum illorum ac tyrannum. quæ cum dixisset, illi viri optimi de cohorte

istius recuperatores, non de absoluendo Apronio deliberarent, sed quærerent, quomodo petitorē ipsum Apronio permisissent, ut quātum vellet posceret, quantum poposcisset, auferret. Hoc tibi defensionis ad iudiciū tuum comparabas, habuisse te edictū, recuperatores daturum in octuplum, si, mehercule, ex omni copia conuentus Syracusani splendidissimorum hominum, honestissimorūq; faceres potestatem aratori non modo rei, ciendi, sed etiam sumendi recuperatores, tamen hoc nouū genus iniuriæ ferre nemo posset, te cum tuos omnes fructus publicano tradidisses, & rem de manibus amisisses, tū bona tua repetere, ac persequi lite atq; iudicio. cum vero verbo iudicium sit in edicto, re quidē vera tuorum comitum hominum nequissimorū collusio cum decumanis socijs tuis, atque adeo procuratoribus, tamē audes illius iudicij mentionē facere? præsertim cum id non modo oratione mea, sed etiam re ipsa refellatur: cum in tantis incōmodis aratorum, iniurijsq; decumanorum, nullū, ex isto præclaro edicto non modo factum, sed ne postulatum quidem iudicium inueniatur. Erit tamē in aratores lenior, quam videtur. Nam qui in decumanos octupli iudicium se daturum edixit, idem habuit in edicto, se in aratorem in quadruplum daturum. Quis hunc audet dicere aratoribus in festum, aut inimicum fuisse? quanto lenior, quam in publicanum? edixit, ut, quod decumanus edidisset sibi dari oportere, id ab aratore magistratus Siculus exigeret, quid dereliquit iudicij, quod in aratorem dari posset? Non malum est, inquit, esse istam formidinem: ut cum exactum sit ab aratore, tamen, ne se commoueat, reliquus metus iudicij sit. si iudicio a me vis exigere, remoue Siculum magistratum. si hanc vim adhibes, quid opus est iudicio? quis porro erit, qui non malit decumanis tuis dare, quod * poscerent, quam ab æcellis tuis quadrupli condemnari?

Illā vero præclara est clausula edicti, quod omnium controuersiarum, quæ essent inter aratorem, & decumanum, si vter uolet, edicit se recuperatores daturum. Primum quæ potest esse controuersia, cum is, qui petere debet, aufert, & cum is, non quantum debetur, sed quantum commodum est, aufert? Ille autem unde ablatum est, iudicio suum recuperare nullo modo potest? deinde in hoc, homo * luteus etiam callidus ac veterator esse vult, quod ita scribit, Si vter uolet, recuperatores dabo. quam lepide se furari putat? vtrique facit potestatem. sed vtrum ita scripserit, Si vter uolet, an, si decumanus uolet, nihil iniret. arator enim tuos istos recuperatores numquid uolet? Quid? illa cuiusmodi sunt, quæ ex tempore ab Apronio admonitus, edixit? Q. Septitio honestissimo homine, equiteq; R. resistente Apronio, & affirmante se plus decuma non daturum, exoritur peculiare edictum repentinum, ne quis frumentum de area tolleret ante, quam cum decumano pactus esset. Ferebat hanc quoque iniquitatem Septitius, & imbri frumentum corrumpi in area patiebatur: cum illud edictum repente vberrium, & quaestuosissimum nascitur, ut ante Kal. Sext. omnes decumas ad aquam deportatas haberent. Hoc edicto non Siculi (nam eos quidem iam superioribus edictis satis perdiderat, atq; afflixerat) sed isti ipsi equites Rom. qui suum ius retinere se contra Apronium posse erant arbitrati, splendidi homines, & alijs prætoribus gratiosi, vincenti Apronio traditi sunt. attendite enim, cuiusmodi edicta sunt. Ne tollat, inquit, ex area, nisi erit pactus. Satis hæc magna vis est ad inique paciscendum. malo enim plus dare, quam non mature ex area tollere. At ista vis * Septitium, & nonnullos Septitij similes non coerceat, qui ita dicunt, non tollam potius, quam paciscar. his hoc * apponitur, Deportatum habeas ante Kalend. Sextiles. deportabo igitur. Nisi pactus

eris, non commouebis. sic deportandi dies præstituta tollere cogebat ex area: * cohibitio tollendi, nisi pactus esset, vim adhibebat pactioni, non voluntatem. Iam vero illud non solum contra legem Hieronicam, nec solum contra consuetudinem superiorum, sed etiam contra omnia iura Siculorum; quæ habent a senatu, populoque Romano, ne extra suum forum vadimonium promittere cogantur. Statuit iste, ut arator decumano, quo vellet decumanus, vadimonium promitteret: ut hic quoque Apronio, cum ex Leontino usque Lilybæum aliquem vadaretur, ex miseris aratoribus calumniâdis quæstus accederet. Quamquam illa fuit ad calumniam singulari consilio reperta ratio; quod ediderat, ut aratores iugerationum suarum profiterentur. Quæ res cum ad pactiones iniquissimas magnam vim habuit, sicut ostendemus, nec ad ullam utilitatem reip. pertinuit; tum vero ad calumnias, in quas omnes inciderent, quos vellet Apronius. ut enim quisque contra voluntatem eius dixerat; ita in eum iudicium de professione iugerum postulabatur. cuius iudicii metu magnus a multis frumenti numerus ablati, magnæque pecuniæ coactæ sunt. non quo iugerum numerum vere profiteri esset difficile, aut amplius etiam profiteri (quid enim in eo periculi esse posset?) sed causa erat iudicii postulandi; quod ex dicto professus non esset. iudicium autem quod fuerit, isto prætore, si quæ cohors, & qui comitatus fuerit, meministis, scire debetis. Quid igitur est, quod ex hac iniquitate novorum edictorum intelligi velim, iudices? iniuriamne factam sociis? at videtis, auctoritatem superiorum repudiatam? non audebit negare. tantum Apronium, isto prætore, potuisse? confiteatur necesse est. Sed vos fortasse quod vos lex commonet, id in hoc loco quaeritis, num quas ex hisce rebus pecunias cepit. docebo cepisse maximas, omnesque eas iniquitates, de quibus

antea

antea dixi, sui quæstus causa* reperisse conuincam;
si prius illud propugnaculum, quo contra omnes
meos impetus usurum se putat, ex defensione eius
deiecero. Magno, inquit, decumas vëdidi. quid ais?
an tu decumas homo audacissime, atq; amëtissime,
vendidisti: tu partes eas, quas te s. p. q. r. voluit, an
fructus integros, atque adeo bona, fortunæq; ara-
torum omnes vendidisti? Si palam præco iussu tuo
prædicasset, non decumas fruuenti, sed dimidias
venire partes; & ita emptores accessissent, vt ad di-
midias, partes emendas; si pluris vendidisses tu di-
midias. quam ceteri decumas, cuinam mirum vi-
deretur? Quid vero? si præco decumas pronuntia-
uit, re vera, hoc est, lege, edicto, conditione plus
etiam, quam dimidiæ venierût tamen hoc tibi præ-
clarum putabis, te pluris quod non licebat, quam
ceteros quod oportebat vendidisse? pluris vendidi
decumas, quam ceteri. Quibus rebus id assecutus
es? innocentia? aspice ædem Castoris: deinde, si au-
des, fac mentionem innocentie. diligentia? codicis
lituras tui contemplare in Sthenij Thermitani no-
mine: deinde aude te dicere diligetem. ingenio? qui
testes interrogari priore actione nolueris, & iis ta-
citum os tuû præbere malueris: quantumvis & te,
& patronos tuos ingeniolos esse dicito. Qua re igi-
tur id quod ais, assecutus es? magna est enim laus,
si superiores consilio vicisti; posterioribus exem-
plum atq; auctoritatem reliquisti. Tibi fortasse ido-
neus fuit nemo, quem imitare. at te videlicet in-
ueitorem rerum optimarum, ac principem imita-
buntur omnes. Quis aratorum, te prætor, decumam
dedit? quis duas? quis non maximo se affectû be-
neficio putauit, cum tribus decumis pro vna defun-
geretur? præter paucos, qui propter societate fur-
torum tuorum nihil omnino dederunt. Vide inter
importunitatem tuam senatusq; bonitate quid in-
terlit. Senatus, cum temporibus reip. cogitur vt de-

cernat, vt alteræ decumæ exigantur, ita decernit, vt pecunia pro his decumis soluatur aratoribus: vt quod plus sumitur, quam debetur, idem non auferri putetur. tu cum tot decumas non s. c. sed nouis edictis tuis, nefarijsq; institutis exigeres, & eriperes, magnum te fecisse arbitrare, si pluris vendideris, quam L. Hortensius pater istius Q. Hortensij, quam Cn. Pompeius, quam M. Marcellus, qui ab æquitate, ab lege, ab institutis non recesserunt? An tibi vnus anni, aut biennij ratio habēda fuit: salus prouinciæ, commoda rei frumentariæ, ratio reip. in posterum fuit negligenda? cum ita rē constitutam accepisses, vt & populo Ro. satis frumenti ex Sicilia suppeditaretur, & aratoribus tamen arare atq; agros colere expediret. Quid effecisti, quid assecutus es? vt prætor te, nescio quid ad decumas accederet, deferendas arationes, relinquēdasq; curasti. Successit tibi L. Metellus, tu innocentior, quam Metellus? tu laudis, & honoris cupidior? tibi enim consulatus quærebatur: Metello paternus honor, & auitus negligebatur. multo minoris vendidit, nō modo quam tu, sed etiam quam qui ante te vendiderunt. Quæro si ipse excogitare non poterat, quemadmodum quā plurimo venderet: ne tua quidem recentia proximi prætoris vestigia persequi poterat, vt tuis præclaris, abs te principe inuentis, & excogitatis edictis, atq; institutis vteretur? Ille vero tum se? Metellum minime fore putasset, si te vlla in re imitatus esset. qui ab vrbe Roma, quod nemo vñquam post hominum memoriam fecit, cum sibi in prouinciā proficiscendum putaret, literas ad Siciliæ ciuitates misit, per quas hortatur, & rogat, vt arent, vt *ferant in beneficio populi Rom. Hoc, petit aliquanto ante aduentum suum: & simul ostendit se lege Hieronica venditurum: hoc est, in omni ratione decumarum nihil isti simile faciurum. atque hæc non cupiditate aliqua scribit adductus, vt in alienam prouinciā

prouinciā mittat literas ante tempus, sed consilio; ne si tempus sationis præterisset, granum in provincia Sicilia nullum haberemus. Cognoscite Metelli literas. Recita epistolam L. Metelli. Hæ literæ, iudices, L. Metelli, quas audistis, hoc quantum est ex Sicilia frumenti hornotini exarauerunt. glebam commosset in agro decumano Siciliae nemo; si Metellus hæc epistolam non misisset. Quid? Metello diuinitus hoc venit in mentem? an ab Siculis, qui Romanam frequentissimi conuenerant, negotiatoribusq; Siciliae doctus est? quorum quanti conuētus ad Marcellos antiquissimos Siciliae patronos, quanti ad Cn. Pompeium c o s. designatum, ceterosque illius provinciae necessarios fieri soliti sint, quis ignorat? quod quidem iudicium nullo umquā de homine factum est, ut absens accusaretur ab ijs pa'am, quorum in bona, liberosq; summum imperium potestatemq; haberet. tanta vis erat iniuriarū, ut homines quoduis perpeti, quam non de istius prauitate, & iniurijs deplorare & conqueri mallēt. Quas literas cum ad omnes ciuitates prope suppliciter misisset Metellus; tamen antiquum modum sationis nulla ex parte * exequi potuit. diffugerant enim permulti, id quod ostendam: non solum arationis, sed etiā sedes suas patrias istius iniurijs exagitati reliquerant. Non, mehercule, criminis augendi causa dicam, iudices, sed quem accepi ipse oculis, animoq; sensum, hunc vere apud vos, & ut potero, planissime exponam. Nam cum quadriennio post in Siciliam venissem; sic mihi affecta visa est, ut hæc terræ solent, in quibus bellum acerbum diuturnumq; versatū est. quos ego campos antea, collesq; nitidissimos, viridissimosque vidissem, hos ita vastatos * tunc, ac desertos videbam, ut ager ipse cultorem desiderare, ac lugere dominum videretur. Herbitensis ager, & Ennensis, Murgentinus, Astorinus, Macharensis, Agyrinensis, ita relictus erat

ex maxima parte, vt non solum iugerum, sed etiam dominorum multitudinem quæreremus. Aetnensis vero ager, qui solebat esse cultissimus; & quod caput est rei frumentariæ, campus Leontinus, cuius antea species hæc erat, vt cum oblitum vidißes, annonæ caritatem non verecere; sic erat deformis, atque horridus, vt in vberima Siciliae parte Siciliam quæreremus. labefactarat enim vehementer aratores iam superior annus, proximus vero funditus euerterat. Tu mihi etiam audes mentionem facere decumarum? tu in tanta acerbitate, in tot, & tantis iniuriis cum in arationibus, & in earum rerum iure provincia Sicilia consistat; euerfis funditus aratoribus, relictis agris; cum in provincia tam locuplete, ac referta, nõ modo rem, sed ne spem quidem vllam reliquam cuiquam feceris, aliquid te populare putabis habere, cum dices te pluris, quam ceteros, decumas vendidisse? quasi vero aut populus Ro. hoc voluerit; aut senatus hoc tibi mandauerit; vt cum omnes aratorum fortunas decumarum nomine eriperes; in posterum fructu illo commodoque rei frumentariæ populum Rom. priuares: deinde si quam partem tuæ prædæ ad summam decumarum addidisses, bene de populo Rom. meritis viderere. Atque perinde loquor, quasi in eo sit iniquitas eius reprehendenda; quod propter gloriæ cupiditatem, vt aliquos summa decumarum vinceret, acerbiorẽ legem, duriora edicta, interposuerit; omnium superiorum auctoritatem repudiarit. Magno tu decumas vendidisti? Quid si doceo, te non minus domum tuam auertisse, quam Romam misisse decumarum nomine? quid habet populare ratio tua, cum ex provincia populi Ro. æquam partem tu tibi sumpseris, atque populo Rom. miseris? quid si duabus partibus doceo te amplius frumenti abstulisse. quam populo Ro. misisse? tamenne putamus patrum tuum in hoc crimine cerniculam iactaturum;

& populo se ad coronam daturum? Hæc vos antea, iudices, audistis: verum fortasse ita audistis, ut auctorem rumorem haberetis, sermonemq; omnium. Cognoscite nunc innumerabilem pecuniam frumentario nomine ereptam: ut simul illam quoque eius vocem improbam agnoscatis: qui se vno quæstu decumarum omnia sua pericula, redempturum esse dicebat. Audiuius hoc iamdiu, iudices: nego quemquam esse, vestrum, quin sæpe audierit, socios istius fuisse decumanos. nihil aliud arbitror in istū falso esse dictum ab iis, qui male de isto existimant, nisi hoc. nam socij putandi sunt, quos inter res communicata est. ego rem totam fortunalsque aratorum omnes, istius fuisse dico. Apronium, Veneriosque seruos, quod isto prætoris fuit nouum genus publicanorum, ceterosq; decumanos, procuratores istius quæstus, & ministros rapinarum dico fuisse. Quomodo hoc doces? quomodo ex locatione illa columnarum docui istum esse prædatum? opinor ex eo maxime, quod iniquam legem nouamque dixisset. Quis enim vnquam conatus est iura omnia, & cōsuetudinem omnium commutare cum vituperatione, sine quæstu? Pergam, atque insequar longius. iniqua lege vendebas, quo pluris venderes cur addictis, & venditis decumis, cum iam ad summam decumarum nihil, ad tuum quæstum multum posset accedere, subito, atque ex tempore noua nascebantur edicta: nam ut vadium decumano, quocunque is vellet promitteretur, ut ex area, nisi pactus esset, arator ne tolleretur: Kalendis Sextilibus decumas de portatas haberent: hæc omnia, venditis decumis, anno tertio te edixisse dico: quæ si reip. caussa faceres, in vendendo essent pronuntiatæ: quia tua caussa faciebas. quod erat imprudentia prætermissum, id quæstu ac tempore admonitus reprehēdisti. Illud vero cui probari potest te sine tuo quæstu, ac maximo quæ-

ita tantam tuam infamiam, tantum capitis tui, fortunarumq; periculum neglexisse? ut cum totius Siciliae quotidie gemitus, querimoniasq; audires; cū, ut ipse dixisti, ream te fore putares, cum huiusce iudicij discrimen ab opinione tua non abhorreret; patere tamen aratores indignissimis iniuriis vexari ac diripi? profecto, quāquam es singulari crudelitate, & audacia; tamen abs te totam alienari prouinciā, tot honestissimos tibi inimicissimos fieri nolles; nisi hanc rationem, & cogitationem salutis tuæ, pecuniæ cupiditas, ac presens illa præda superaret. Etenim quoniam summam, & numerū iniuriarum, iudices, vobis, non possum exponere; sigillatim autem de vniuscuiusq; incommodo dicere infinitum est: genera ipsa iniuriarum quæso cognoscite. Nympho est Centuripinus homo nauus & industrius, experientissimus, ac diligentissimus arator. is cum arationes magnas conductas haberet (quod homines etiam locupletes, sicut ille est, in Sicilia facere consueuerunt) easq; magna impensa, magno instrumento tueretur: tanta ab isto iniquitate oppressus est, ut nō modo arationes relinqueret, sed etiam ex Sicilia profugeret, Romamq; cum multis vna ab isto eiectis veniret. Fecit ut decumanus Nymphonem vocaret ex edicto illo præclaro; quod nullam ad aliam rem, nisi ad huiusmodi quaestus pertinebat; numerum iugerum professum non esse. Nympho cum se vellet æquo iudicio defendere; iste viros optimos recuperatores dat, eūdem illum medicum Cornelium (is est Artemidorus Pergamenus, qui in sua patria dux isti quondam, & magister ad despoliandum Dianæ templi fuit) & haruspitem Volusianum, & Valerium præconem. Nympho antequam plane constitit, condemnatur. quanti, fortasse quaeritis. Nulla erat edicti pœna certa. frumenti eius omnis, quod in arcibus esset. Sic Apronius decumanus non decumam debitam, non frumen-

frumentum remotum, atque celatum, sed tritici septem millia, medimnum ex Nymphonis arationibus* edicta pœna, nō redemptionis aliquo iure tollit. Xenonis Meneni nobilissimi hominis vxoris fundus erat colono locatus: colonus, quod decumano-
rum iniurias ferre non poterat, ex agro profugerat. Verres in Xenonem iudicium dabat illud suum damnatorium de iugerum professione. Xeno ad se pertinere negabat: fundum elocatum esse dicebat. dabat iste iudicium; si pateret iugera eiusmodi fundi esse plura, quam colonus esset professus, tum Xeno damnaretur. dicebat ille, non modo non arasse se id, quod in satis erat: sed nec dominum eius esse fundi, nec locatorem: * vxorem esse: eam ipsam suum negotium gerere; ipsam locauisse. defendebat Xenonē homo summo splendore, & summa auctoritate præditus M. * Cossotius. iste nihilo minus iudicium H. S. L x x x. millium dabat. Ille, tametsi recuperatores de cohorte latronū sibi parari videbat, tamen iudicium accepturum se esse dicebat: tum iste magna voce Veneriis imperat, vt * Xenonem adirent: dum res iudicaretur, hominem vt asseruarent: cum iudicatum sit, ad se adducant. & illud simul dixit, se non putare, illum si propter diuitias pœnas damnationis contemneret, etiā virgas contemnere. Hac ille vi, & hoc metu adductus, tantum decumanis, quantum iste imperauit, exoluit. Polemarchus est Murgentinus vir bonus, atque honestus: is, cum pro iugeribus quinquaginta, medimna D. c c. decumæ imperarentur; quod recusabat, domum ad istum in ius deductus est: & cum iste etiam cubaret; in cubiculum introductus est: quod, nisi mulieri, & decumano, patebāt alij nemini. Ibi cum pugnis, & calcibus concisus esset, qui D. c c. medimnis decidere noluisset, mille promisit. Eubulides est Grosphus Centuripinus, homo cum virtute & nobilitate domi sue,

tum etiam pecunia princeps. huic homini iudices, honestissimæ civitatis honestissimo, non modo frumenti scitote, sed vitæ, & sanguinis tantum relictum esse, quantum Apronii libido tulit. nam vi, malo, plagis adductus est ut frumenti daret, non quantum haberet, sed quantum cogeretur. Softratus & Numenius & Nymphodorus eiusdem civitatis, cum ex agris tres fratres consortes profugissent, quod iis plus frumenti imperabatur, quam quantum exararent hominibus coactis, in eorum arationes Apronius venit; omne instrumentum diripuit; familiam abduxit, pecus abegit. postea cum ad eum Nymphodorus venisset Aetnâ, & oraret ut sibi sua restituerentur: hominem corripit, ac suspêdi iussit in oleastro quodam; quæ est arbor iudices in foro. tandiu pendit in arbore socii, amicusque populi Rom. in lociorum vrbe ac foro, colonus, aratorq; vester, quamdiu voluntas Apronij tulit. Genera iam dudum innumerabilium iniuriarum iudices, singulis nominibus profero: infinitam multitudinem iniuriarum prætermitto. vos ante oculos, animosq; vestros tota Sicilia decumanorum hos impetus, aratorum direptiones, huius importunitatem, Apronij regnum proponite. contempsit Siculos: non duxit homines: nec ipsos ad persequendum vehementes fore; & vos eorum iniurias leuiter laturos existimavit. Est: falsam de illis habuit opinionem; malam de vobis: verum tamen cum de Siculis male mereretur, ciues Romanos coluit, his indulxit; eorum voluntati, & gratiæ deditus fuit. Iste ciues Romanos? at nullis inimicior, aut infestior fuit. mitto vincla, mitto carcerē, mitto verbera, mitto secures: crucē deniq; illam prætermitto, quam ciuibz Romanis testem humanitatis in eos, ac benevolentię suæ voluit esse mitto inquam, hæc omnia atq; in aliud dicendi tempus rejicio: de decumis, de ciuū Romanorum condicione in arationibus disputo: qui quemadmodum

dum essent accepti, iudices, audistis ex ipsis: bona sibi erepta esse dixere. verum hæc, quoniam huiusmodi casus affuit, ferenda sunt; nihil valuisse æquitatem, nihil consuetudinem: damna denique iudices nulla tanta sunt; quæ non viri fortes magno, & libero animo affecti ferenda arbitrentur, Quid si equitibus Romanis non obscuris, neque ignotis sed honestis, & illustribus manus ab Apronio, isto prætoris sine vlla dubitatione afferebantur? quid expectatis? quid a me amplius dicendum putatis? an id agendum, ut eo celerius de isto transigamus, quo maturius ad Apronium possimus, id, quo ego illi iam in Sicilia pollicitus sum, venire? qui C. Matrinium, iudices, summa virtute hominem, summa industria, summa gratia, Leontinis in publico biduum tenuit, atque ab Apronio, iudices, homine in dedecore nato, ad turpitudinem educato, ad Verris flagitia libidinesque accommodato, equitem Roma. scitote biduum cibo tectoque prohibitum; biduum Leontinis in foro custodiis Apronij retentum atque servatum; neque ante dimissum, quam ad condiciones eius depactus est. Nam quid ego de Q. Lollio, iudices, dicam equite Rom. spectato atque honesto? clara res est, quam dicturus sum, tota Sicilia celeberrima atque notissima: qui cum araret in Aetnensi cum is ager Apronio cum ceteris agris esset: traditus; equestri vetere illa & auctoritate, & gratia fretus, affirmavit se decumanis plus, quam deberet non datum. refertur eius sermo Apronio. enimvero iste ridere, ac mirari Lollium nihil de Matrinio, nihil de ceteris rebus audisse. mittit ad hominem Venerios (hoc quique attendite, apparitores a prætoris assignatos habuisse decumanum; si mediocre argumentum videri potest, istum decumanorum nomine ad suos quaestus esse abusum) adducitur a Venerijs, atque adeo attrahitur Lollius commode, cum Apronius e palæstra redisset, & in tricli-

nio, quod in foro Aenæ strauerat, decubuisse, statuitur Lollius in illo tempestiuo gladiatorum conuiuio. Non, mehercule, quæ loquor crederem, iudices, tametsi vulgo audieram, nisi mecum ipse senex, cum mihi, atque huic voluntati accusationis meæ lacrimans gratias ageret, summa cum auctoritate esset locutus. Statuitur ut dico, eques Romanus prope annos x c. natus in Apronij conuiuio; cum interea Apronius caput, atque os suum vnguento perfricaret. quid est Lolli? inquit, tu nisi maior coactus recte facere nescis? Homo quid ageret, taceret, responderet, quid faceret denique illa auctoritate, & ætate præditus, nesciebat. Apronius interea cenam ac pocula poscebat. serui autem eius, qui & moribus iisdem essent, quibus dominus, & eodem genere ac loco nati, præter oculos Lollij hæc omnia ferebāt. ridere conuiuæ: cachinnari ipse Apronius: nisi forte existimatis, eum in vino, ac luxu non risisse; qui nunc in periculo, atque exitio suo risum tenere non possit. Ne multa, iudices: his contumeliis scitote Q. Lollium coactum ad Apronij leges, conditionesque venisse. Lollius ætate & morbo impeditus ad testimonium dicendum venire non potuit. Quid opus est Lollio? nemo hoc nescit: nemo tuorum amicorum. * nemo abs te productus, nemo abs te interrogatus, nunc se primum hoc dicet audire. M. Lollius filius eius adolescens leuissimus præsto est: huius verba auditis. Nam Q. Lollius eius filius, qui Calidium accusauit, adolescens & bonus, & fortis, & in primis disertus, cum his iniuriis contumeliisque commotus in Siciliam esset profectus; in itinere occisus est. Cuius mortis causam fugitiui sustinent: re quidem vera nemo in Sicilia dubitat, quin eo sit occisus, quod habere clausa non potuerit sua consilia de Verre. iste porro non dubitabat, quin is, qui antea alium studio adductus accusasset: sibi aduenienti

uenienti præsto esset futurus; cum esset parentis iniuriis, & domestico dolore commotus. Iamne intelligitis, iudices! quæ pestis, quæ immanitas in vestra antiquissima fidelissima proximaq; prouincia versata sit? Iamne videtis, quam ob causam Sicilia tot hominum antea furta, rapinas, iniquitates, ignominiasque perpeffa, hoc non potuerit nouum, ac singulare, atque incredibile genus iniuriarum, contumeliarumq; ferre? Iam omnes intelligunt, cur vniuersa prouincia defensorē suæ salutis cum quæsiuit, cuius iste fidei, diligentia, perseverantia, nulla ratione eripi possit. tot iudiciis interfuistis: tot homines innocentes, & improbos accusatos, & vestra & superiorum memoria scitis esse: ecquem vidistis, ecquem audistis, in tantis furtis, in tam apertis, in tanta audacia, tanta impudentia esse versatum? Apronius stipatores Venerios secum habebat; ducebat eos circum ciuitates; publice sibi conuiuia parari, sterni triclinia etiam in foro iubebat; eo vocari homines honestissimos, non solum Siculos, sed etiam equites Romanos: ut quicum inire cõuiuium nemo vnquam, nisi turpis, impurusq; voluisset, ad eius conuiuium spectatissimi, atque honestissimi viri tenerentur. Hæc tu omnium mortalium profligatissime, ac perditissime cum scires, cum audires quotidie, cum videres; si sine tuo maximo quæstu fierent; cum tanto periculo tuo fieri paterere; atque concederes? & tantum apud te quæstus Apronij, tantum eius sermo inquinatissimus, & blanditiæ flagitiosæ valuerunt; ut numquam animum tuum cura tuarum fortunarum, cogitatioque tangeret? Cernitis, iudices, quod & quantum incendium decumanorum impetu non solum per agros; sed etiam per reliquas fortunas aratorum; non solum per bona; sed etiam per iura libertatis, & ciuitatis isto prætore peruaserit. videtis pendere alios ex arbore; pulsari autem alios

& verberari, porro alios in publico custodiri, destitui alios in conuiuio, condemnari alios a medico, & præcone prætoris: bona tamen interea nihilo minus eorum omnium ex agris auferri, ac diripi. Quid? est hoc populi Rom. imperium? populi Ro. leges? iudicia? loci fideles? provincia iuburbana? nonne omnia potius eiusmodi sunt, quæ, si Athenio vicisset, in Sicilia non fecisset? non, inquam, iudices, esset ullam partem istius nequitiae fugitiuorum insolentia consecuta. P. uatim hoc modo. quid publice? ciuitates quemadmodum tractatæ sunt? audistis permulta iudicia, & testimonia ciuitatum, & reliquarum audietis, ac primum de Agyrinensi populo fideli & illustri breuiter cognoscite. Agyrinensis est in primis honesta ciuitas Siciliae, hominum ante hunc prætorem locupletium, summorumque aratorum. eius agri decumas cum emisset idem Apronius, Agyrium venit. qui cum eo cum apparitoribus, id est, cum minis, ac vi uenisset. poscere pecuniam grandem cœpit, ut accepto lucro discederet: nolle se negotij quicquam habere dicebat, sed accepta pecunia quamprimum ad aliam ciuitatem accurrere. Sunt homines Siculi non contemnendi, si per nostros magistratus liceat, sed homines & satis fortes, & satis plane frugi, ac sobrii, & in primis hæc ciuitas, de qua loquor, iudices. Itaque homini in primis improbissimo respondent Agyrinenses, sese decumas ei, quemadmodum deberent, daturos: lucrum, cum ille magno præsertim emisset, non addituros. Apronius certiores facit istum, cuius res erat, quid res esset: statim tanquam coniuratio aliqua Agyrii contra rempub. facta, aut legatus prætoris pulsatus esset, ita Agyrio magistratus, & quinque primi accitu istius euocantur. ueniunt Syracusas: præsto est Apronius: ait eos ipsos, qui uenissent contra edictum prætoris fuisse. quærebant quid: respondebat, se ad recuperatores esse dictum.

dicturum. Iste æquissimus homo formidinem illam suam miseris Agyrinensibus iniiciebat: recuperatores se de cohorte sua daturum minabatur. Agyrinenses viri fortissimi, iudiciū se passuros esse dicebant. ingerebat iste Artemidorum medicum Cornelium, pictorem Ilepolemum, & eiusmodi recuperatores, quorum cuius Ro. nemo erat, sed Græci sacrilegi, iam pridem improbi, repente Cornelij. videbant Agyrinenses quidquid ad eos recuperatores Apronius attulisset, illum perfacile probaturū: condemnari cum istius invidia infamiaque malebant, quam ad eius condiciones, passionescq; accedere quærebant, quæ in verba recuperatores daret. respondebat, si pateret aduersus edictū fecisse, quæ in iudicio dicturum esse dicebat. iniquissimis verbis, improbiis recuperatoribus conflictari malebant, quam quidquam cum isto sua voluntate decidere. Summittebat iste Timarchidem, qui moneret eos, si saperent, ut transfigerent. pernegabant. quid ergo? in singulos h. s. quinquagenis millibus damnari mauultis? malle dicebant. tum iste clare, omnibus audientibus. Qui damnatus erit, inquit, virgis ad necem cædetur: hic illi flentes rogare, atq; orare cœperunt, ut sibi suas segetes, fructusque omnes, aratione q; vacuas Apronio tradere liceret: ut ipsi sine ignominia, molestiaq; discederent. Hac lege, iudices, decumas vendidit Verres. dicat licet Hortensius, si audeat, magno Verrem vendidisse. hæc condicio fuit, isto prætor, aratorum, ut secum præclare agi arbitrareretur, si vacuos agros Apronio tradere liceret. multas enim cruces propositas effugere cupiebant. quantum Apronius edidisset deberi, tantum ex edicto dandum erat. etiamne, si plus edidisset, quam quātum natum esset? etiam. quomodo? magistratus ex ipsius edicto exigere debebant, at arator repetere poterat. verum, Artemidoro recuperatore. quid, si minus arator dedisset, quam

poposcisset Apronius? iudicium in aratorē in quaduplū. ex quo iudicum numero? ex cohorte prætoris * præclara, honestissimorum. Quid amplius? minus te iugerum professum esse dico. Recuperatores rejice, quod aduersum edictū feceris. ex quo numero? ex eadem cohorte. Quid erit extremum? si damnatus eris (nam dubitatio damnationis illis recuperatoribus quæ poterat esse?) virgis te ad necem cædi necesse erit. His legibus, his conditionibus, erit quisquam tam stultus qui decumas venisse arbitretur? qui aratori nouem partes reliquas factas esse existimet? qui non intelligat istum sibi quæstui, prædæq; habuisse bona, possessiones, fortunas aratorum? Virgarum metu Agyrinenses, quod imperatum esset, facturos se esse dixerunt. Accipite nunc quid imperarit: & dissimulate vos, si potestis, vos intelligere, ipsum prætorem, quod tota Sicilia perspexerit, redemptorem decumarum, atq; adeo aratorum dominum, ac regem fuisse. Imperat Agyrinensibus, vt decumas ipsi publice accipiant; Apronio lucrum dent. si magno emerat, quoniam tu es, qui diligentissime pretium exquisisti, qui vt ais, magno vendidisti, quare putabas emptori lucrum addi oportere? esto: putabas. quam obrem imperabas vt adderent? quid est aliud capere, & conciliare pecunias, in quo te lex tenet, si hoc nō est, vt atq; imperio cogere inuitos lucrum dare alteri, hoc est pecuniam dare? Age, quid tum, si Apronio deliciis prætoris, lucelli aliquid iussi sunt dare? putate Apronio datum; si Apronianum lucellum, ac non prætoria præda vobis videbitur. Imperas vt decumas accipiant; Apronio dent lucri, tritici * medimnum x x x i i i. millia. Quid est hoc? vna ciuitas ex vno agro plebis Romanæ prope menstrua cibaria prætoris imperio donare Apronio cogitur. tu magno decumas vendidisti? cum tantum lucri decumano sit datum profecto. si pretium exquisisses diligēter
tum

tum cum vendebas, medimnum millia potius addidissent, quam H. S. * D. C. postea. Magna præda videtur: audite reliqua, & diligenter attendite, quominus miremini Siculos re necessaria coactos auxilium a patronis, a consulibus, ab senatu, ab legibus, a iudiciis petisse. Ut * probaret Apronius hoc triticum; imperat Agyrinensibus Verres, uti in medimna singula dentur Apronio H. S. I I I. Quid est hoc? tanto numero frumenti in * lucri nomen imperato, expresso, nummi præterea exigetur, ut probetur frumentum? an poterat non modo Apronius, sed quivis, exercitui si metiundum esset, improbare Siculum frumentum, quod illi ex area, si vellet, admetiri licebat? frumenti tantus numerus imperio tuo datur, & cogitur. non est satis, nummi præterea imperantur: dantur, parum est. pro decumis hordei alia pecunia cogitur. iubet H. S. X X X millia lucri dari. Ita ab vna ciuitate, vi, minis, imperio, iniuriaque prætoris eripiuntur tritici medimnū x x x I I I millia, & præterea H. S. C X X I X millia. An hæc obscura sunt? aut, si omnes homines velint, obscura esse possunt, quæ tu palam egisti, in conuentu imperasti, omnibus inspectantibus coegisti? qua de re Agyrinenses magistratus & quinque primi, quos tui questus causa euocasti, acta & imperia tua domum ad senatum suum renuntiauerunt: quorum renuntiatio legibus illorum, literis publicis mandata est: quorū legati homines nobilissimi Romæ sunt, qui hoc idem pro testimonio dixerunt. Cognoscite Agyrinensium publicas literas, deinde testimonium publicum ciuitatis. Recita literas publicas. **L I T E R A E P V B L I C A E.** Recita testimonium publicum, **TESTIMONIUM P V B L I C V M.** Animaduertistis in hoc testimonio iudices, Apollodorum, cui * Pyragro cognomen est, principem suæ ciuitatis lacrymantem testari, ac dicere, numquam post populi Romani nomen ab Siculis auditum, & cognitum,

Agrinenses contra quemquam infimum ciuem Rom. dixisse, aut fecisse quippiam: qui nunc contra prætorem populi Romani magnis iniuriis, & magno dolore publice testimoniū dicere cogentur? vni, mehercule, huic ciuitati Verres, obistere tua defensione non potes. tanta auctoritas est in eorum hominum fidelitate, tantus dolor * iniuriæ, tanta religio in testimonio. verum non vna * te, sed vniuersæ similibus afflictæ incommodis, legationibus, ac testimoniis publicis persequuntur. Etenim deinceps videamus, Herbitensis ciuitas honesta, & antea copiosa, quemadmodum spoliata ab isto, ac vexata sit. at quorum hominum? summorum aratorum, remotissimorum a foro, iudiciis, cōtrouersis: quibus parcere, & consulere homo impurissime, & quod genus hominum studiosissime conseruare debuisti. Primo anno venierunt eius agri decumæ tritici medimnū xviij. millibus. Accensus istius, item minister in decumis cum emisset, & præfecti nomine cum venisset Herbitam cum Venetiis, locusque ei publice, quo diuerteretur, datus esset; coguntur Herbitenses ei lucri dare tritici * modium * xxxvj. millia: cum decumæ venissent tritici modium xviij. atq; hoc triticum lucri coguntur dare publice, cum iam priuatim aratores ex agris spoliati, arque exagitati decumanorum iniuriis profugissent. Anno secundo cum emisset Apronius decumas tritici modium * xxvj. millibus, & ipse Herbitam cum illa prædonum copia, manuq; venisset; populus publice coactus est ei conferre lucri tritici modium * xxvj. & accessionem h. s. m. m. De accessione dubito, an Apronio ipsi data sit merces operæ, prætiumque impudentiæ. de tritici quidem numero tanto, quis potest dubitare, quin ad istum prædonem frumentarium, sicut Agrinense frumentum, peruenierit? Anno vero tertio in hoc agro consuetudine vsus est regia. Solere

lere aiunt barbaros reges Persarum, ac Syrorum plures vxores habere: his autem vxoribus ciuitates attribuere, hoc modo: Hæc ciuitas mulieri redimiculum præbeat, hæc in collum, hæc in crines. ita populos habent vniuersos non solum conscios libidinis suæ; verum etiam administratos. Eandem istius, qui se regem Siculorum esse dicebat, licentiam, libidinemque fuisse cognoscite. Aeschriionis Syracusani vxor est Pippa; cuius nomen istius nequitia tota Sicilia peruulgatum est. de qua muliere versus plurimi supra tribunal, & supra prætoris caput scribebantur. Hic Aeschrio Pippæ vir adumbratus, in Herbitensibus decumis nouus instituitur publicanus: Herbitenses, cum viderent, si ad Aeschrionem pretium rediisset, se ad arbitrium libidinosisimæ mulieris spoliatum iri: liciti sunt usque eo, quoad se efficere posse arbitrabantur. supra adiecit Aeschrio neque enim metuebat, ne prætor Verre decumana mulier damno affici posset. * adiicitur medimnum M. M. dimidio fere pluris, quam superiore anno. aratores funditus euertebantur, & eo magis, quod iam superioribus annis exhausti erant, ac plene perdit. intellexit iste ita magno venisse, ut amplius ab Herbitensibus exprimi non posset. demit de capite medimnum CIO. CIO. CIO. CIO. iubet in tabulas pro medimnum CCIOO. CCIOO. CCIOO. CCIOO. IOO. referri CCIOO. CCIOO. CCIOO. CCCC. & hordei decumas eiusdem agri Docimus emerat. hic est Docimus, qui ad istum deduxerat Tertiam Isidori mimi filiam, vi abductam ab Rhodio tibicine. huius Tertie plus etiam, quam Pippæ, plus quam ceterarum, ac prope dicam, tantum apud istum in Siciliensi prætura auctoritas valuit, quantum in urbana Chelidonis. Veniunt Herbitam duo prætoris æmuli. non molesti, muliercularum deterrimarum improbißimi cognitores. incipiunt postulare, poscere, minari: non poterant tamen, cum cuperent,

Apronium imitari Siculi Siculos non tam pertimescebant, cum omni ratione tamen illi calumniarentur; promittunt Herbitenses vadimonium Syracusas, eò posteaquam vêtum est, coguntur Aelchrioni, id est, Pippæ dare tantum, quantum erat de capite demptū, tritici medimni ū c i o. c i o. c i o. c i o. Mulierculæ publicanæ noluit ex decumis minimū lucri dare; ne forte ab nocturno suo quæstu, animū ad vēstigalia redimēda transferret. transactum patabant Herbitenses: cum iste, Quid de hordeo inquit, & Docimo amiculo meo? quid cogitatis? at hoc agebat in cubiculo, iudices, atq; in lectulo suo, negabant illi sibi quidquam esse mandatum. non audio. numerate h-s. x v. millia. Quid facerent miseri? aut quid recusarent? præsertim, cum in lectulo decumana mulieris vestigia viderent recentia, quibus illum inflammari ad perseverandum intelligebant. Ita ciuitas vna sociorum, atque amicorum, duabus deterrimis mulierculis, Verre prætoris vēstigialis fuit. Atq; ego nunc, cum frumenti numerum, & eas publice pecunias decumanis ab Herbitensibus datas esse dico quo illi frumento, & quibus pecuniis tamen a decumanorum iniuriis ciues suos non redemerunt. perditis enim, & direptis aratorum bonis, hæc decumanis merces dabatur, vt aliquando ex eorum agris, atque ex vibibus abirent. Itaque cum Philinus Herbitensis homo disertus, & prudens, & domi nobilis, de calamitate aratorum, & de fuga, & de reliquorum paucitate publice diceret: cuius frequentia huic causæ nunquam defuit: qua de paucitate aratorum alio loco dicam: nunc illud quod pæne præterij, non omnino relinquendum videtur. Nam per deos immortales, quod de capite ipse dempsit, quo tandem modo, nō modo ferendum, verum etiam animaduertendum videtur? vnus adhuc fuit post Romam conditam

(dij immortales faxint ne sit alter) cui respub. totam se tradidit, temporibus coacta, & malis domesticis, L.Sulla, hic tantum potuit, vt nemo illo inuito nec bona, nec patriam, nec vitam retinere posset: tantum animi habuit ad audaciam, vt dicere in concione non dubitaret, bona ciuium Romanorum cum venderet, se prædam suam vendere. eius omnes res gestas nõ solum obrinamus, verum etiam propter malorum, incommodorum, & calamitatum metum, publica auctoritate defendimus. vnum hoc illius senatus consulto reprehensum, decretumq; est, vt, quibus ille de capite dempsisset, hi pecunias in ærarium referrent. statuit senatus, hoc ne illi quidem esse licitum, cui concesserat omnia, ab * ipso factarum, quæsitæque rerum summas imminuere. illum viris fortissimis iudicarunt patres cõscripti, dimittere de summa non potuisse: te mulieri deterrimæ recte remisisse senatores iudicabunt. ille, de quo, lege populus Romanus iusserat, vt ipsius voluntas * populo Rom. esset pro lege, tamen in hoc vno genere, veterû religione legum reprehenditur: tu qui oninibus legibus implicatus tenebare, libidinem tibi tuam pro lege esse voluisti? in illo reprehenditur, quod ex ea pecunia remiserit, quam ipse quæserat tibi concedetur; qui de capite vectigalium populi Romani remisisti? Atq; in hoc genere audaciæ multo etiam impudentius in decumis * Segestensium versatus est. quas cum adduxisset eidem illi Docimo, hoc est, tritici * modium quinq; millibus; & accessionem adscripsisset H.S. * M. D. coegit Segestenses a Docimo tantidem publice accipere id quod ex Segestensium publico testimonio cognoscite. Recita testimonium publicum. Audistis, quanti decumas acceperit a Docimo ciuitas, * tritici modium quinque millibus, & accession: , cognoscite nunc, quanti se vendidisse retulerit. LEX DECUMIS VENDUNDIS C. VERRE PR.

Hoc nomine vidistis tritici modium M M M. de capite esse dempta. quæ cum de populi Rom. victu, de vectigalium nervis, de sanguine detraxisset ærarij, Tertiz Mimæ condonauit. vtrum impudentius a socijs abstulit, an turpius meretrici dedit? an improbius populo Rom. ademit? an audacius tabulas publicas commutauit? ex horum seueritate te vlla vis, aut vlla largitio eripiet? sed si eripuerit, non intelligis hæc, quæ iam dudum loquor ad aliâ quæstionem, atque ad peculatus iudicium pertinere? itaque hoc mihi reseruabo genus integrum totum: ad illam, quam institui, causam frumenti, ac decumarum reuertar. Qui cum agros maximos, ac feracissimos per se ipsum, hoc est, per Apronium, Verrem alterum depopularetur, ad minores ciuitates habebat, alios, quos tamquam canes immitteret, nequâ homines & improbos, quibus aut frumentum, aut pecuniam publice cogebat dari. A. Valentius est in Sicilia interpres, quo iste interprete, non ad linguâ Græcam, sed ad furta & flagitia vti solebat. Fit interpres hic homo leuis atque egens, repente decumanus: emit agri Liparensis miteri, atque ieiuni decumas tritici medimnis D C. Liparenses vocantur: ipsi accipere decumas, & numerare Valentio coguntur lucri H-S. x x x. * millia. Per deos immortales, vtrum tibi fumes ad defensionem? tantone minoris te decumas * vendidisse, vt ad medimna D. C. H-S. * x x x. millia lucri statim sua voluntate ciuitas adderet, hoc est tritici medimnum II. millia? an, cum magno decumas vendidisses, te expressisse ab inuitis Liparensibus hæc pecuniam? sed quid ego ex te quæro quid defensus sis potius quam cognoscam ex ipsa ciuitate, quid gestum sit? Recita testimonium publicum Liparensium: deinde, quemadmodum Valentio nummi sint dati. TESTIMONIUM PVBLICVM. QVOMODO SOLVTVM SIT EX LITERIS PVBLICIS. Etiamne

amne hæc tam parua ciuitas, tam procul a manibus
tuis, atq; a conspectu remota, seiuncta a Sicilia, in
insula inculta, tenuiq; posita cumalata alijs tuis ma-
ioribus iniurijs, in hoc quoq; frumentario genere
prædæ tibi, & quæstui fuit? quam tu totam insulam
cuidam tuorum sodalium, sicut aliquod munusculū
condonaras; ab hac etiam hæc frumentaria lucra,
tamquam a mediterraneis, exigebantur? Itaq; qui
tot annis agellos suos ante te prætorem redimere a
piratis solebant; iidem se ipsos a te ipso pretio im-
posito redemerunt. Quid ergo? a * Tisensibus per-
parua, & tenui ciuitate, * & aratoribus laboriosissi-
mis frugalissimisq; hominibus, nonne plus lucri no-
mine eripitur, quam quantum frumenti omnino ex-
ararant? ad quos tu decumanum Diognotum Vene-
rium misisti, nouum genus publicani. Cur hoc au-
ctore, non Romæ serui publici ad vectigalia acce-
dant? Anno secundo * Tisenses H-S. * XXI. lucri
dare coguntur inuiti. tertio anno * C I O. C I O. medim-
nū tritici, lucri Diognoto Venerio dare coacti sunt.
Hic Diognotus, qui ex publicis vectigalibus tanta
lucra facit, vicarium nullū habet, nihil omnino pe-
culij. vos etiam nunc dubitare si potestis, vtrum tā-
tum numerum tritici Venerius apparitor istius sibi
acceperit; an huic exegerit, atque hæc ex publico
* Tisensium testimonio cognoscite. TESTIMO-
NIVM PVBLICVM * TISENSIVM. Obscure,
iudices, prætor ipse decumanus est? cum eius ap-
paritores frumentum a ciuitatibus exigant, pecu-
nias imperent, aliquanto plus ipsi auferant, quam
quantum populo Rom. decumarum nomine daturi
sunt. Hæc æquitas tuo imperio fuit; hæc prætoris
dignitas; vt seruos Venerios Siculorū dominos esse
velles. hic delectus, hoc discrimen, te prætor, fuit;
vt aratores in seruorum numero essent; serui in pu-
blicanorum. Quid? Amestratini miseri, impositis ita
magnis decumis, vt ipsis reliqui nihil fieret; nonne

tamen numerare pecunias coacti sunt? addicuntur decumæ M. Cæſio, cum adessent legati Ameſtratinī. statim cogitur Heraclius legatus numerare H-S. XX-
 I I. Quid hoc eſt? quæ eſt iſta præda? quæ vis? quæ direptio ſociorum? ſi erat Heraclio ab ſenatu mandatum, vt emeret, emiſſet. ſi non erat; qui poterat ſua ſponte pecuniam numerare? Cæſio renuntiat, ſe dediſſe. cognoscite renuntiationem ex literis. Recita ex literis publicis. Quo ſ. c. erat hoc legato permiſſum? nullo. cur fecit? coactus eſt. quis hoc dicit? tota ciuitas. Recita teſtimoniū publicum. Ab hac eadem ciuitate anno ſecundo ſimili ratione extortam eſſe pecuniam, & Sex. Vennonio datam, ex eodem teſtimonio cognouiſtis. At Ameſtratinos homines tenues, cum eorum decumas med. D C C C. vendidiſſes, Banobali Venerio (cognoscite nomina publicanorum) cogis eos plus lucri addere, quam quanti venierant, cum magno veniſſent, dant Banobali med. * D C C C. H-S. M D. Profecto nunquam iſte tam amens fuiſſet, vt ex agro populi Rom. plus frumenti ſeruo Venerio, quam populo Rom. tribui pateretur: niſi omnis ea præda ſerui nomine ad iſtum ipſum perueniret Petrini, cum eorum decumæ magno addictæ eſſent; tamen inuitiſſimi P. Næuio Turpioni, improbiſſimō homini, qui iniuriarum Sacerdote prætorē damnatus eſt, H-S. XXXVII. dare coacti ſunt. itane diſſolute decumas vendidiſti, vt cum modium x v. millibus veniſſent; medimnum M M M. hoc eſt H-S. XL v. lucri decumano darentur? At permagno decumas eius agri vendidi. videlicet gloriatur nō Turpioni lucrum datum; ſed Petriniſ pecuniam ereptam. Quid Halicienſes, quorum incolæ decumas dant; ipſi agros immunes habent: nonne huic eidem Turpioni, cum decumæ * c. med. veniſſent, H-S. * x v. dare coacti ſunt? ſi id, quod maxime vis, poſſes probare, hæc ad decumanos lucra veniſſe; nihil te attigſſe; tamen hæ pecunia

niæ per vim, atque iniuriam tuam captæ, & conciliatæ tibi fraudi, & damnationi esse deberent. cum vero hoc nemini persuadere possis, te tam amëtem fuisse, vt Aproniû ac Turpionem seruos homines, tuo liberorumq; tuorû periculo diuites fieri velles; dubitaturum quemquam existimas, quin illis emissarijs hæc tibi omnis pecunia quasita sit? Segestan item ad immunem ciuitatem Venerius Symmachus decumanus immittitur. is ab isto literas affert, vt sibi contra iura omnia, contraq; legem Rupiliam extra forum vadimonium promittant aratores. Audite literas, quas ad Segestanos miserit. **LITERAE C. VERRIS.** Hic Venerius quemadmodum aratores eluserit, ex vna pactione hominis honesti gratiosiq; cognoscite. in eodem enim genere sunt cetera. Diocles est Panormitanus, Phimes cognomine, homo illustris ac nobilis arator. is agrum in Segestano (nam commercium in eo agro * Panormitanis est) conductum habebat **H. S.** sex millibus. pro decuma cum pulsatus a Venerio esset, dedit **H. S.** * **XVI.** millia, & **DCLIII.** id ex tabulis ipsius cognoscite. **NOMEN DIOCLIS PANORMITANI.** Huic eidem Symmacho, Anneius Brochus senator, homo eo splendore, ea virtute, qua omnes existimatis, nummos præter frumentum coactus est dare. Venerione seruo, te prætor, talis vir, senator populi Ro. quæstui fuit? hunc ordinem si dignitate antecellere non existimabas; ne hoc quidem sciebas, iudicare? Antea, cum equester ordo iudicaret; improbi & rapaces magistratus in prouincijs inseruiebant publicanis: ornabant eos, quicumque in operis erant: quemcumque equitem Romanum in prouincia viderant, beneficijs ac liberalitate prosequabantur: neque tantum illa res nocentibus proderat, quantum obsuit multis, cum aliquid contra utilitatem eius ordinis volûtatemq; fecissent. retinebatur hoc tum nescio quo modo,

quasi communi consilio ab illis diligenter, vt, qui vnum equitem Rom. contumelia dignum putasset, ab vniuerso ordine malo dignus iudicaretur. tu sic ordinem senatorium despexisti, sic ad iniurias libidineq; tuas omnia coæquasti, sic habuisti statutum cum animo ac deliberatum, omnes qui habitarent in Sicilia, aut qui Siciliam, te prætor, attigissent, iudices reijcere, vt illud non cogitares, tamen ad eiusdem ordinis homines te iudices esse venturum? in quibus si ex ipforum domestico incômodo nullus dolor insideret; tamen esset illa cogitatio, in alterius iniuria sese despectos, dignitatemq; ordinis contemptam, & abiectam. quod, mehercule, iudices, mihi non mediocriter ferendum videtur. habet enim quendam aculeum contumelia, quem pati *pudentes ac viri boni difficillime possunt. Spoliasti Siculos. solent enim inulti esse in iniurijs suis provinciales. vexasti negotiatores: inuiti enim Romam, raroq; decedunt Equitem Ro. ad Apronij iniurias dedisti, quid enim iam nocere possunt, quibus non licet iudicare? Quid, cum senatores summis iniurijs afficis? quid aliud dicis, nisi hoc? cedo mihi etiam istum senatorem: vt hoc amplissimum nomen senatorium non modo ad inuidiam imperitorum, sed etiam ad contumeliam improborum natum esse videatur. Neq; hoc in vno fecit Anneio; sed in omnibus senatoribus: vt ordinis nomen non tantum ad honorem, quantum ad ignominiam valeret. In C. Cassio viro clarissimo & fortissimo, cum is eo ipso tempore, primo istius anno c o s. esset, tanta improbitate vsus est. vt cū eius vxor semina primaria paternas haberet arationes in Leontino, frumentum omne in decumas auferre iussisset. Hunc tu in hac causa restem Verres habebis; quoniam, iudicem ne haberes prouidisti. Vos autē, iudices, putare debetis, esse quiddam nobis inter nos commune atq; coniunctum. multa sunt imposita huic ordini mune-

ra, multi labores, multa pericula, non solum legū ac iudiciorum, sed etiam rumorū, ac temporū. Sic est hic ordo quasi propositus, atq; editus in altum: vt ab omnibus ventis inuidiæ circumflari posse videatur. in hac tam misera & indigna condicione vitæ, ne hoc quidem retinebimus, iudices, vt magistratibus nostris in obtinendo iure nostro ne cōtemptissimi, ac despectissimi esse videamur? Thermitani miserunt, qui decumas emerent agri sui. Magni sua putabant interesse, publice potius quamuis magno emi, quam in aliquem istius emissariū incidere. Apophticus erat Venuleius quidam, qui emeret. is liceri non destitit. illi, quoad videbatur ferre aliquo modo posse, contenderunt: postremo liceri destiterūt. * addicitur Venuleio tritici mod. vii. millibus. Legatus Possidorus renuntiat. cum omnibus hoc intollerandū videretur; tamen Venuleio dantur, ne accedat, tritici mod. * vi. præterea h. s. mm. ex quo facile apparet, quæ merces decumani, quæ prætoris præda esse videatur. Cedo Thermitanorum mihi literas & testimonium. **TABVLÆ THERMITANORVM ET TESTIMONIVM.** * Imacharenses iam omni frumēto ablato, iam omnibus iniurijs tuis exinanitos, tributum ferre miseros ac perditos coegisti; vt Apronio darent h. s. x. x. millia. Recita decretum de tributis & publicum testimonium. s. c. **DE TRIBVTO CONFERENDO. TESTIMONIUM IMACHARENSIVM.** Ennenses, cum decumæ venissent agri Ennensis medimnum mmm. c. c. Apronio coacti sunt dare tritici mod. * lxx. iii. mil. & h. s. iii. millia. Quæso attendite quatus numerus frumenti cogatur ex omni agro decumano. nam per omnes ciuitates, quæ decumas debent, percurrit oratio mea: & in hoc genere nunc, iudices, versor, in quo non sigillatim aratores euerfi bonis omnibus sunt, sed publice decumanis lucra data sunt, vt aliquando ex eorum agris, atque

urbibus expleti atq; saturati cum hoc cumulo questus decederent. Calatinis quamobrem imperasti anno tertio, ut decumas agri sui, quas Calatæ dare consueuerant, Amelstrati M. Cæcio decumano darent? quod neq; ante te prætorem illi fecerant, neq; tu ipse hoc ita statueras antea per bicaniū. Theomastus Syracusanus in agrum Mutyæsem cur abs te immisus est? qui aratores ita vexauit, ut illi in alteras decumas, id quod in alijs quoq; ciuitatibus ostendam, triticum emere necessario propter inopiam cogerentur. Iam vero ex Hyblensium pactionibus intelligetis, quæ pacta sunt cum decumano Cn. Sergio: sexies tantum, quam quantum satum sit, ablatum esse ab aratoribus. Recita sationes & pactiones ex literis publicis. Recita. EX LITERIS PUBLICIS. PACTIONES HYBLENSIVM CVM CN. SERGIO. Cognoscite item professiones sationum, & pactiones Menenorum. Recita ex literis publicis. PACTIONES MENENORVM CVM VENERIO * SERVO. Recita ex literis publicis. Patiemihi, iudices, a socijs, ab aratoribus populi Rom. ab ljs, qui vobis laborant, vobis feruiunt, qui ita plebem Romanam ab sese ali volunt, ut sibi, ac liberis suis tantum superfit, quo ipsi ali possint: ab his per sumam iniuriam, per * summas contumelias, plus aliquanto ablatum esse, quam natum sit? Sentio, iudices, moderandum mihi esse iam orationi meæ, fugiendamque vestram satietatem: non versabor in vno genere diutius: & ita cetera de oratione mea tollam, ut in causâ relinquam. Audietis Agrigentinarum fortissimorum virorum, diligentissimorumque * querimonias cognoscetis, iudices, Entellinorum summi laboris, summæque industriæ, dolorem, & iniurias; Heraclienfium, Icilienfium, Aetnensium, Solentinorum incommoda proferentur: Catinenfium locupletissimorum hominum, amicissimorumque * agros vexa-

tos ab Apronio cognoscetis: Tyndaritanā nobilissimam, ciuitatem, Cephaleditanam, Halentinam, Apolloniensem, Eggynam, Capitinam perditas esse hac iniquitate * decumanorū intelligetis: Murgentinis, Afferinis, Elorinis, Ennensibus, Letinis nihil omnino relictum: Ciratarinos, Acherinos, paruārū ciuitatum homines, omnino abiectos esse, ac perditos: omnes deniq; agros decumanos per triennium populo Ro. ex parte decuma, C. Verri ex omni reliquo vectigales fuisse, & plerisque aratoribus nihil omnino superfuisse: * ac si cui quid tum aut remissū, aut relictum sit, id fuisse tantum, quantū ex eo, quo istius auaritia contenta fuit, redundarit. Duarū mihi ciuitatum reliquos feci agros, iudices, fere optimos ac nobilissimos * Aetnensium, & Leontinorum. Horum agrorum ego missos faciam quæstus triennij: vnum annum eligam, quo facilius id, quod institui, explicare possim. Sumam annum tertium, quod & recentissimus est, & ab isto ita administratus, vt cum se certe decessurum videret, non laboraret, si aratorem nullum in Sicilia omnino esset relicturus. Agri Aetnensis, & Leontini decumas agemus. Attendite, iudices, diligenter. agri sunt feraces, annus tertius, decumanus Apronius. de Aetnensibus perpauca dicam. dixerunt enim ipsi priore actione publice. memoria tenetis Artemidorum Aetnensem, legationis eius principem publice dicere Apronium venisse Aetnam cum Venerijs: vocasse ad se magistratum: imperasse vt in foro sibi medio lecti sternerentur: quotidie solitum esse non modo in publico, sed etiam de publico conuiuari: cum in eis cōuiuijs symphonica caneret, maximisq; poculis ministraretur, retinere solitum esse aratores, atque ab ijs nō modo per iniuriam, sed etiam per contumeliam tantū exprimi frumenti, quantū Apronius imperasset. Audistis hæc, iudices, quæ nunc ego omnia

prætereo, ac relinquo: nihil de luxuria Apronii loquor, nihil de insolentia, nihil de singulari nequitia, ac turpitudine: tantum de quæstu, ac lucro dicam vnius agri, & vnius anni; quo facilius vos cōiecturam de triennio, & de tota Sicilia facere possitis. Sed mihi Aetnensium brevis est oratio. ipsi enim venerunt; ipsi publicas literas deportarunt; docuerunt vos quid lucelli fecerit homo non malus, familiaris præcoris Apronius. id quæso ex ipsorum testimonio cognoscite. Recita testimonium Aetnensium. Quid ais? dic, dic quæso clarius, vt populus R. de suis vectigalibus, de suis aratoribus, de suis socijs, atque amicis audiat, L. MEDIUM, H-S. L. MILLIA. Per deos immortales vnus ager vno anno ccc. millia mod. tritici, & præterea L. H-S. millia lucri dat Apronio? tantone minoris decumæ venierunt, quam fuerunt? an, cum satis magno venissent, hic tantus tamen frumenti, pecuniæque numerus ab aratoribus per vim ablatus est? vtrum enim horum dixeris, in eo culpa & crimen hærebit. Nam illud quidem non dices, quod vtinam dicas, ad Apronium non peruenisse tantum. ita te non modo publicis tenebo, sed etiam priuatis aratorum passionibus ac literis; vt intelligas non te diligentio rem in faciendis furtis fuisse, quam me in deprehendendis. Hoc tu feres? hoc quisquam defendet? hoc hi, si aliter de te statuere voluerint sustinebunt? vno aduentu, ex vno agro, Q. Apronium, præter eam, quam dixi, pecuniam numeratam, ccc. millia mod. tritici lucri nomine sustulisse? Quid? hoc Aetnenses soli dicunt? immo etiam Centuripini; qui agri Aetnensis multo maximam partem possident: quorum legatis hominibus nobilissimis Androni, & Arthemoni sematus ea mandata dedit, quæ publice ad ciuitatem ipsorum pertinebant: de his iniurijs, quas ciues Centuripini non in suis, sed in aliorum finibus acceperunt, senatus

tus & populus Centuripinus legatos noluit mittere: ipsi aratores Centuripini, qui numerus est in Sicilia maximus, hominum honestissimorum & locupletissimorum, tres legatos ciues suos delegerunt, ut eorum testis monio non vnius agri, sed prope totius Siciliae calamitates cognosceretis. arant enim tota Sicilia fere Centuripini: & hoc in te grauiores certioresque testes sunt, quod ceterae ciuitates suis solum incommodis commouentur: Centuripini, quod in omnibus fere finibus habent possessiones, etiam ceterarum ciuitatum damna, ac detrimenta senserunt. Verum, ut dixi, ratio certa est Aetnensium, & publicis, & priuatis literis consignata. * meae diligentiae pensum magis in Leontino agro est exigendum, propter hanc causam; quod ipsi Leontini publice non sane me multum adiuerunt. neque enim eos, isto praetore, haec decumanorum iniuria laeserunt: potius etiam adiuerunt. Mirum fortasse hoc vobis, aut incredibile videatur, in tantis aratorum incommodis, Leontinos, qui principes rei frumentariae fuerunt, expertes incommodorum atque iniuriarum fuisse. hoc causae est iudices, quod in agro Leontino, praeter vnam Mnalistrati familiam, glebam Leontinorum possidet nemo. itaque Mnalistrata hominis honestissimi, atque optimi viri testimonium, iudices audietis: ceteros Leontinos, quibus non modo Apronius in agris, sed ne tempestas quidem vlla nocere potuit, expectare nolite. etenim non modo incommodi nihil ceperunt, sed etiam in Apronianis illis rapinis, in quaestu sunt, compendioque versati. Quapropter, quoniam me Leontina ciuitas, atque legatio, propter eam, quam dixi, causam defecit; mihi met incuenda ratio, & via reperienda est, qua ad Apronij quaestum, siue adeo, qua ad istius ingentem, immanemque praedam possum peruenire. Agri Leontini decumae anno tertio venerunt tritici medimnum

diminuum x x x v i. millibus, hoc est, tritici mod. c c x v i. mil. magno iudices, magno. neque enim hoc possum negare. itaque necesse est aut damnum, aut certe non magnum lucrum fecisse decumarum. hoc enim solet usu venire ijs, qui magno redemerunt. Quid si ostendo in hac una emptione, lucri fieri tritici modium c. millia? quid si c c? quid, si c c c c? dubitabitis etiam, cui ista tanta praeda quaesita sit? iniquum me esse quispiam dicet, qui ex lucri magnitudine coniecturam faciam furti, atque praeda. Quid si doceo, iudices, eos qui c c c c. millia mod. lucri faciunt, damnum facturos fuisse, si, ut tua iniquitas fuit, ex cohorte recuperatores non intercederent? num quis poterit in tanto lucro, tantaq; iniquitate dubitare, quin propter improbitatem tam magnos questus feceris; propter magnitudinem questus improbus esse volueris? Quomodo igitur hoc assequar, iudices, ut sciam, lucri quantum factum sit? non ex Apronij tabulis, quas ego eum conquirerem non inueni: & cum in ius ipsum eduxi, expressi, ut conficere tabulas se negaret. si mentiebatur, quamobrem remouebat, si hæ tabulæ nihil tibi erant obfuturæ? si omnino nullas confecerat literas: ne id quidem satis significabat, illum * non suum negotium gessisse? ea est enim ratio decumarum, ut sine plurimis literis confici non possit. singula enim nomina aratorum, & cum singulis pactiones decumarum, literis persequi, & conficere necesse est. Iugera professi sunt aratores omnes imperio, atq; instituto tuo: non opinor quæquam minus esse professum, quam quantum arasset, cum tot cruces, tot iudicia, tot ex cohorte recuperatores proponerentur. in iugere Leontini agri mediminum fere tritici seritur, perpetua atq; æquabili satione: ager efficit, cum octauo bene ut agatur: verum, ut omnes, dii adiuuent, cum decimo. quod si quando accidit, tum sit, ut iustum decumæ sit, quan-

tum

tum seueris: hoc est, vt quod iugera sunt sata, totidē medimna decumæ debeantur. Hoc cum ita esset, primum illud, dico, pluribus millibus medimnū venisse decumas agri Leontini, quā quot millia iugerum sata erant in agro Leontino. Quod si fieri non poterat, vt plus, quam decem medimna ex iugere ararēt: medimnum autem ex iugere decumano dari poterat, cū ager (id quod perraro euenit) cum decumo extulisset: quæ erat ratio decumani, si quidem decumæ, ac non bona veniebant aratorum, vt pluribus aliquanto medimnis decumas emeret, quam iugera ei at sata. In Leontino iugerum subscriptio, ac professio non est plus xxx. milium, decumæ xxxvi. medimnum venierunt. Errauit, an potius insaniuit Apronius? imo tum insaniisset; si aratoribus quod deberent, licitum esset; & non quod Apronius imperasset, necesse fuisset dare. si ostēdo minus tribus medimnis in iugerum meminere dedisse decumæ: cōcedes, opinor, vt cum a decumano fructus arationis perceptus sit, neminem minus tribus decumis dedisse. * atqui hoc in beneficij loco petitū est ab Apronio, vt iugera singula ternis medimnis decidere liceret. Nam cum a multis quaterna, etiam quina exigerentur, multis autem non solum granum vllum, sed ne paleæ quidem ex omni fructu, atq; ex omni labore relinquerentur, tū aratores Centuripini, qui numerus in agro Leontino maximus est, vnum in locum conuenerunt: hominem suæ ciuitatis in primis honestum, ac nobilem Andronem Centuripinum legarunt ad Apronium eundem, quem hoc tempore ad hoc iudicium legatum, & testem Centuripina ciuitas misit; vt is apud eum causam aratorū ageret, ab eoq; peteret, vt ab aratoribus Centuripinis ne amplius in iugera singula, quam terna medimna exigeret. hoc vix ab Apronio in summo beneficio, pro iis, qui etiam tum incolumes erant, impetratum est. id cum impetra-

batur, hoc videlicet impetrabatur, vt pro singulis decumis ternas decumas dare liceret, quod si tua res non ageretur, a te potius postularent, ne amplius, quam singulas, quam ab Apronio, vt ne plus quam ternas decumas darent. Nunc, vt hoc tempore, ea, quæ regie, seu potius tyrannice statuit in aratores Apronius, prætermittam; neq; eos appellem, quibus omne framentum eripuit, & quibus nihil nõ modo de fructu, sed ne de bonis quidem suis reliqui fecit; ex his ternis medimnis (quod beneficij, gratiæque causa concessit) quid lucri fiat, cognoscite. Professio est agri Leontini ad iugerum x x x. mil. Hæc sunt ad tritici medimnum x c. mil. id est, tritici mod. D x L. millia. deductis tritici mod. c c x v i. millib. quanti decumæ venierunt, reliqua * tritici c c c x i i i i. mil. adde totius summæ D x L. millium mod. tres quinquagesimas, id est, tritici mod. x x x i i. mil. c c c. (ab omnibus enim ternæ præterea quinquagesimæ exigebantur.) Sunt hæc iam ad h-s. c c c l v i. mil. mod. tritici. At ego c c c c. mil. lucrifacta esse dixeram. non enim ducō in hac ratione eos, quibus ternis medimnis non est licitū decidere. Verum vt hac ipsa ratione summam mei promissi compleam; ad singula medimna multi h-s. duo, multi h s. quinque accessionis cogebantur dare; qui minimum, singulos * nummos. hoc minimum vt sequamur, quoniam x c. medimnum millia duximus, accedant ea nouo pessimoque exemplo ad h-s. x c. mil. Hic mihi etiam dicere audebit magno se decumas vendidisse, cum ex eodem agro dimidio plus abstulerit, quam populus Rom. miserit? c c c x v i. modium millib. decumas agri Leontini vendidisti; si ex lege, magno: si, vt lex esset libido tua, paruo: si, vt quæ dimidiæ essent, decumæ vocarentur, paruo vendidisti. multo enim plaris fructus annui Siciliæ venire potuerunt; si id te Senatus, aut populus Rom. facere voluisset.

etenim

etenim sæpe decumæ tanti venierûnt, cum lege Hieronica venirent, quanti nunc lege Verrea veniunt. Cedo mihi C. Norbani decumas venditas. c. NORBANI DECUMAE VENDITAE AGRI LEONTINI. Atque tum neque iudicium de modo iugerû dabatur. neq; enim erat Artemidorus Cornelius recuperator: neque ab aratore magistratus Siculus tâtum exigebat, quantum decumanus ediderat, nec beneficium petebatur a decumano, vt in iugera singula ternis medimnis decidere liceret: nec nummorum accessionem cogebatur arator dare: nec ternas quinquagesimas frumenti addere: & tamen populo Ro. magnus frumenti numerus mittebatur. Quid vero istæ sibi quinquagesimæ? quid porro nummorum accessiones volunt? quo id iure, atque adeo, quo id potius ore fecisti? nummos dabat arator. quomodo? aut vnde? qui si largissimus esse vellet, cumlatiore mensura vteretur, vt antea solebant facere in decumis, cum æqua lege, & conditione venibant, is nummum dabat. vnde? de frumento? quasi habuisset, te prætor, quod venderet, de viuo igitur erat aliquid refecandum, vt esset, vade Apronio ad illos fructus arationum hoc corollarium nummorum adderetur. Iam id porro vtrum libentes, an inuiti dabant? libentes? amabant credo Apronium. iuuiti? qua re? nisi vi, & malo, cogebantur? Iam iste homo amentissimus in vendendis decumis nummorum faciebat accessiones ad singulas decumas: neque multum bina aut terna millia addebat. fiunt per triennium h. s. fortasse d. millia. hoc neque exemplo cuiusquam, neque vlllo iure fecit. neq; eam pecuniam retulit: neque hoc paruum crimen quemadmodum defensus sit, homo quisquâ vniquam excogitauit. quod cum ita sit; audes dicere te magno decumas vendidisse; cum sit perspicuû te bona, fortunaque aratorum non populi Romani, sed tui quæstus causa vendidisse? Vt si quis vil-

licus ex eo fundo, * qui h. s. dena meritaſſet, exciſis arboribus, ac venditis, demptis tegulis, inſtrumento, pecore ab alienato, domino x x. millia nummū pro x. miſerit: ſibi alia præterea centum confece- rit: primo dominus ignatus incōmodi ſui gaudeat, villicoq; delectetur, quod tanto ſibi plus mercedis ex fundo reſectum ſit: deinde cum audierit, eas res, quibus fundi fructus & cultura continentur, amotas, & venditas, ſummo ſupplicio villicum afficiat, & ſecum male actū putet. item populus Romanus cum audit pluriſ decumas vendidiſſe C. Verrem, quam innocentiffimum hominem, cui iſte ſucceſſit, C. Sacerdotē, putat ſe bonum in arationibus fructibusque ſuis habuiſſe cuſtodem, ac villicum: cum ſenſerit iſtum omne inſtrumētum aratorum, omnia ſubſidia vaſtigalium vendidiſſe, omnem ſpem poſteritatis auaritia ſua ſuſtulſiſſe, arationes & agros vaſtigales vaſtaſſe, atq; exinanīſſe, iplum maximos quaſtus prædaſque feciſſe: intelliget ſecum actum eſſe peſſime: iſtum autem ſummo ſupplicio dignum exiſtimabit. Vnde ergo hoc intelligi poteſt? ex hoc maxime, quod ager decumanus provinciæ Siciliae propter iſtius auaritiam deſertus eſt: neq; id ſolum actum eſt, vt hi minus multis iugis arēt, ſi qui in agris remanſerunt: ſed etiam, vt permulti locupletes homines, magni, & naui aratores, agros latos, ac fertiles deſererent, totaſque arationes derelinquerent. Id adeo ſciri facillime poteſt ex literis publicis ciuitatum: propterea quod lege Hieronica numerus aratorum quotannis apud magiſtratus publice ſubſcribitur. Recita tandem, quot acceperit aratores agri Leontini Verres. OCTOGINTA TRES, quot anno tertio proficiantur. TRIGINTA DVO, vnum & quinquaginta aratores ita video deſectos, vt hiſ ne vicarij quidem ſucceſſerint. Quot aratores adueniente te ſuerunt agri Muryenſis videamus ex literis publicis. CENTVM OCTOGIN-

TA OCTO. Quid? anno tertio? CENTVM ET VNVS. octoginta septem aratores vnus ager istius iniuria desiderat; atque adeo nostra repub. quoniā illa populi Romani vectigalia sunt, hunc tot patrū-familias numerum desiderat, & reposcit. Ager Herbitensis primo anno habuit aratores ducētos quinquaginta septem: tertio centum viginti. hinc centū triginta septem patresfamilias extorres profugerunt. Agyrinēsis ager quorum hominum! quam honestorum! quam locupletum! ducentos quinquaginta aratores habuit primo anno prature tuæ. Quid tertio anno? octoginta: quemadmodum legatos Agyrinenses recitare ex publicis literis audistis. Pro dii immortales, si ex prouincia tota centum septuaginta cieciisses, possesne seueris iudicibus saluus esse? vnus ager Agyrinēsis centū septuaginta aratoribus inanior cum sit, vos coniecturam totius prouinciæ non facietis? Atq; hoc peraq; in omni agro decumano reperietis, quibus aliquid tamen reliqui fuerit ex magno patrimonio, eos in agris minore instrumēto minus multis iugis, * timore remansisse: quod metuebāt, si recessissent, ne reliquas fortunas omnes amitterent: quibus autē iste nihil reliqui, quod perderent, fecerat; eos plane nō solum ex agris, verum ex ciuitatibus suis profugisse. Illi ipsi, qui remanserant, vix decuma pars aratorum, relicturi agros omnes erant, nisi ad eos Metellus Roma literas misisset, decumas se lege Hieronica venditurum: & nisi ab iis hoc petiuisset vt ferebant quam plurimum: quod illi semper sua causa fecerat, cum eos nemo rogaret, quamdiu intelligebant sese sibi, & populo Romano, non Verri & Apronio ferere, inperdere, laborare. Iam vero si Siculorum fortunas negligetis si, quemadmodū fecij populi Rom. a magistratibus nostris tractētur, nō laboratis: at vos cōmunē populi Rom. causam suscipite, atq; defēdite. Electos aratores esse dico; agros

uestigales vexatos atq; exinanitos a Verre ; popu-
latam, vexatamque prouinciam : hæc omnia doceo
ciuitatum , & priuatis primariorum virorum testi-
moniis. Quid vultis amplius ? non expectatis, dum
L. Metellus is, qui multos in istum testes imperio
& potestate deterruit, idem abiens de istius scele-
re, improbitate, audacia testimonium dicat ? non,
opinor. At is optime, qui successit isti, potuit co-
gnoscere. ira est : verum amicitia impeditur. At de-
bet nos certiores facere, quo pacto se habeat pro-
uincia. debet : verumtamen non cogitur. Num quis
in Verrem L. Metelli testimonium requirit ? nemo.
num quis postulat ? non opinor. Quid si testimonio
L. Metelli, ac literis hæc omnia vera esse docebo ?
quid dicetis ? vtrum Metellum falsum scribere ? an
amicum lædendi esse cupidum ? an pretorem, quem-
admodum prouincia affecta sit, nescire ? Recita lite-
ras L. Metelli, quas ad Cn. Pompeium & M. Cras-
sum c o s s. quas ad M. Mummiū prætorem, quas
ad quæstores vr̄bis misit. **EPISTOLA L. METEL-
LI. DECUMAS FRUMENTI LEGE HIE-
RONICA VENDIDI.** Cum scribit, se lege Hiero-
nica vendidisse, quid scribit ? ita se vēdidisse, vt om-
nes præter Verrem. cum scribit lege Hieronica vē-
didisse, quid scribit ? se per istum erepta Siculis ma-
iorum nostrorum beneficia, ius ipsorum, condicio-
nem societatis, amicitia, fœderum reddidisse. dicit
* deinde quanti cuiusque agri decumas vendiderit.
quid scribit ? Recita de epistola reliqua. **SUMMA
DATA EST OPERA A ME, VT QUAMPLY-
RIMO DECUMAS VENDEREM.** Cur igitur, Me-
telle, non ita magno vendidisti ? quia desertas ara-
tiones, inanes agros, prouinciam miseram perdi-
tamq; offendi. quid ? id ipsum, quod satum est, qua
ratione quisquam, qui sereret, inuentus est ? Reci-
ta literas. ait se misisse, & * præsentem confirmas-
se, suam interposuisse auctoritatem. tantum * non
arato-

aratoribus Metellus obsides dedit, se in nulla re Verri similem futurum. At quid est tandem, in quo se laborasse dicat? Recita. VT ARATORES QVI RELIQVI ERANT, QVAMPLVRIMVM SE-
 RERENT. Qui reliqui? quid hoc est? reliqui? quo ex bello? qua ex vastitate? quænam in Sicilia tanta clades, aut quod bellum tam diuturnum, tam calamitosum, te prætor, versatum est; vt is, qui tibi successerit reliquos aratores collegisse, & recreasse videatur? Cum bellis Cartaginiensibus Sicilia vexata est, * & nostra patrumq; memoria, cum bis in ea prouincia magnæ fugitiuorum copiæ versatæ sint, tamen aratorû * internitio facta nulla est. tum semete prohibita, aut messe amissa, fructus annuus interibat: tamen incolumis numerus manebat dominorum, atque aratorum. tum, qui M. Læuino, aut P. Rupilio, aut M. Aquillio prætoribus in eam prouinciam successerunt, aratores reliquos non colligebant. tantone plus Verres cum apronio prouinciæ Siciliæ calamitatis importauit, quam aut Hadrubal cum Pœnorum exercitu, aut Athenio cum fugitiuorum maximis copiis: vt temporibus illis, simulatq; hostis superatus esset, ager araretur omnis, neque aratori prætor per literas supplicaret, neque cum præsens oraret, vt quam plurimum sereret, nunc autem, ne post abitum quidem huius importunissimæ pestis, quisquam reperiretur, qui sua voluntate araret? pauci essent reliqui, qui L. Metelli auctoritate in agros, atque ad suum larem familiarem redirent? His te literis homo audacissime, atque amentissime iugulatum * non sentis? non vides, cū is, qui tibi successit, aratores reliquos appellet, hoc eū diserte scribere, reliquos hos esse, non ex bello, neque ex aliqua huiusmodi calamitate, sed ex tuo scelere, importunitate, avaritia, crudelitate? Recita cetera. TAMEN PRO FO, VT
 ET TEMPORIS DIFFICVLITAS, ARATO-

RVMQVE PENVRIA TVLIT. Aratorum, inquit, penuria, si ego accusator toties de re eadem dicerem, vererer ne animos vestros offenderē, iudices. Clamat Metellus: nisi literas misissem. non est satis. Nisi præsens confirmassem, ne id quidem satis est. Reliquos, inquit, aratores. reliquos? prope lugubri verbo calamitatem prouinciæ Siciliæ significat. addit, Aratorum penuria. Expectare etiam, iudices, si potestis, auctoritatem accusationis meæ. dico aratores istius auaritia eiektos: scribit Metellus, reliquos ab se esse confirmatos. Dico agros relictos, arationesq; desertas esse: scribit Metellus aratorum esse penuriam. hoc cum scribit, illud ostendit, deiektos, eiektos, fortunis omnibus expulsos esse populi Romani socios atq; amicos. quibus si qua calamitas propter istum saluis vectigalibus, nostris accidisset, animaduertere in eum vos oportebat, præsertim, cum ea lege iudicaretis, quæ sociorū causa esset constituta. cum vero perditis, profligatisq; sociis, vectigalia populi Romani sint deminuta. res frumentaria, commeatus, copia, salus vrbis atq; exercituum nostrorum in posteritatem istius auaritia interierit: saltem populi Romani commodā respicite, si sociis fidelissimis prospicere non laboratis. Atque vt intelligatis, ab isto præ lucro, prædaque præsentī nec vectigalium, nec posteritatis habitam esse rationem: cognoscite quid ad extremum scribat Metellus. In reliquum tempus ait se vectigalibus prospexisse. non scriberet, se vectigalibus prospexisse, nisi hoc vellet ostendere, te vectigalia perdidisse. Quid enim erat, quod vectigalibus prospiceret Metellus in decumis, & in tota re frumentaria, si iste non vectigalia populi Rom. suo quæstu peruerisset? Atque ipse Metellus, qui vectigalibus prospicit, qui reliquos aratores colligit, quid assequitur? nisi hoc vt arent, si qui possunt, quibus aratrum saltem aliquod satelles istius Apronius reliquum

quum fecit : qui tamen in agris spe, atque expectatione Metelli remaserunt. Quid ceteri Siculi ? quid ille maximus numerus aratorum ? qui non modo ex agris eieci sunt ; sed etiam ex ciuitatibus suis, ex prouincia denique bonis fortunisque omnibus ereptis profugerunt : qua ratione ij reuocabuntur ? quot prætorum innocentia, sapientiaque opus est, vt illa aratorum multitudo aliquando in suis agris, ac sedibus collocetur ? Ac ne miremini, tãtam multitudinem profugisse, quantam ex literis publicis, aratorumque professionibus cognouistis : scitote tantam acerbiteriam istius, tantum scelus in aratores fuisse (incredibile dictu est, iudices, sed & factum, & tota Sicilia peruulgatum) vt homines propter iniurias, licentiamque decumanorum mortem sibi ipsi consciuerint. Centuripinum Dioclem hominem locupletem suspendisse se constat : quo die sit ei nuntiatum Apronium decumas redemisse. Dyrrachinum primum ciuitatis eadem ratione mortem oppetisse dixit apud vos homo nobilissimus Archonidas Elorinus, cum audisset tantum decumanum professum esse ex edicto istius sibi deberi, quantum ille bonis suis omnibus efficere non posset. Hæc tu, tametsi omnium hominum dissolutissimus, crudelissimusque semper fuisti ; tamen numquam perpeterere ; quod illi gemitus, luctusque prouinciæ ad tui capitis periculum pertinebant ; non inquam perpeterere, vt homines iniuriæ tuæ remedium morte, ac suspendio quærerent ; nisi ea res ad quæstum, & ad prædam tuam pertineret. Quid illud perpeterere ? attēdite, iudices. omnibus enim neruis mihi contendendum est, atque in hoc laborandum, vt omnes intelligant, quam improbam, quam manifestam, quam confessam rem pecunia redimere conentur. Graue crimen est hoc, & vehemens, & post hominum memoriam, iudiciaque de pecuniis repetundis constituta, grauissimū præ-

torē populi Rom. socios habuisse decumanos. Non hoc nunc primum audit priuatus de inimico, reus ab accusatore: iam antea in sella sedēs prātor, cum prouinciam Siciliam obtineret, cum ab omnibus nō solum, id, quod commune est, propter imperiū, sed etiā id, quod istius prācipuum est, propter crudelitatem metueretur, millies audiuit; cum eius animum ad persequendum non negligentia tardaret, sed conscientia sceleris, auaritiæque suæ, frenaret. loquebantur enim decumani palam, & prāter ceteros is, qui apud istum plurimum poterat, maximosq; agros populabatur, Apronius: perparuum ex illis magnis lucris ad se peruenire; prātorē esse socium. hoc cum palam decumani tota prouincia loquerentur, tuumque nomen in re tam turpi, nefariaque interponerent: nihilne tibi venit in mentem existimationi tuæ consulere? nihil denique capiti, ac fortunis tuis providere? cum tui nominis terror in auribus animisque aratorum versaretur, cum decumani aratoribus ad pactiones faciendas non suam vim, sed tuum scelus, ac nomen opponerent: ecquod iudicium Romæ tam dissolutum, tam perditum, tam nummarium fore putasti, quo ex iudicio te vlla salus seruare posset? cum planum fieret, decumis contra instituta legis, consuetudinemque omnium vēditis, in aratorum bonis, fortunisque diripiendis decumanos distitasse, tuas esse partes, tuam rem, tuam prædam, idque te tacuisse, & cum dissimulare non posses, potuisse tamen perpeti, & perferre, quod magnitudo lucri obscuraret periculi magnitudinem, plusque aliquanto apud te pecuniæ cupiditas, quam iudicij metus posset. Esto: cetera negare non potes. ne illud quidem tibi reliquum fecisti, vt hoc posses dicere, nihil eorū te audisse, nihil ad tuas aures de infamia tua peruenisse. querebantur cum luctu, & gemitu aratores: tui id nesciebas? fremebat tota prouincia: nemo id tibi re-

nuntiā

nuntiabat? Romæ quærimoniæ de tuis iniurijs, conuentusque habebantur: ignorabas hæc? ignorabas hæc omnia? quid? cum palam Syraculis te audiente, maximo conuentu P. Rubrius Q. Apronium sponfione laceffiuit, ni Apronius dictitaret, te sibi in decumis esse socium: hæc te vox non perculit? non perturbauit? non, vt capiti & fortunis tuis prospiceres, excitauit? tacuisti, sedasti etiam lites illorum, & sponfio illa ne fieret, laborasti. Pro dij, immortales, hoc aut innocens homo perpeti potuisset; aut quamuis nocens, qui modo iudicia Romæ fore putaret, non aliqua se simulatione populi* Romani existimationi vindicasset? quid est hoc? sponfio sit de capite, ac fortunis tuis: tu sedes, & quiescis? non persequeris? non perseueras? non perquiris, cui dixerit Apronius? quis audierit? vnde hoc natum? quemadmodum prolatum sit? si quis tibi ad aurem accessisset, & dixisset, Apronium dictitare, te sibi esse socium: commoueri te oportuit, vocare Apronium, nec illum ante tibi satisfacere, quam tu omnium existimationi satisfecisses, cum vero in foro celeberrimo, tanta frequentia, hoc verbo, & simulatione Apronio, re vera, tibi obiectum esset: tu vnumquam tantam plagam tacitus accipere potuisses, nisi hoc ita statuisses, in re tam manifesta quidquid dixisses, te deterius esse facturum? quæ flores, legatos, præfectos suos, tribunos multi missos fecerunt, & de prouincia decedere iusserunt; quod eorum culpa se minus commodè audire arbitrantur; aut quod peccare illos aliqua in re iudicarent: tu Apronium hominem vix liberum, contra minatum, perditum, flagitiosum; qui non modo animū integrum, sed ne animam quidem puram conseruare potuisset, eum in tanto tuo dedecore non
 * profecto ne verbo quidem grauiore appellasses:
 * neq; apud te tam sancta religio societatis fuisset, vt tui capitis periculum negligeres; nisi rem tam

notam esse omnibus & tam manifestam * videres. Cum eodem Apronio postea P. Scandilius eques Romanus, quem vos omnes nostis, eandem spon- sionem de societate fecit, quam Rubrius facere vo- luerat. institit, oppressit, non remisit: facta est spon- sio h. s. v. millia cepit Scandilius recuperatores, aut iudicem postulare. satisne vobis pratori im- probo circumdati cancelli videntur in sua prouin- cia, immo vero in sella, ac tribunali; vt aut de suo capite iudicium fieri patiatur præsens, ac sedens; aut confiteatur se omnibus iudiciis conuinci neces- se esse? sponsio est, ni te Apronius in decumis so- cium esse dicat, prouincia tua est: ades: abs te iu- dicium postulatur. quid facis? quid decernis? recu- peratores dicis te daturum. bene agis: tamen si qui erunt tantis ceruicibus recuperatores, qui audeant in prouincia, cum prator adsit, non solum contra voluntatem eius, sed etiam contra fortunas iudica- re? Verum esto: manifesta res * est. cum nemo esset, quin hoc se audisse liquido diceret; locupletissimus quisq; certissimus testis esset: nemo erat Sicilia to- ta, qui nesciret decumas esse pratoris; nemo, qui non audisset ita Apronium dixisse. præterea con- uentus honestus Syracusis, multi equites Rom. viri primarij: ex qua copia recuperatores reiici oportet, qui aliter iudicare nullo modo possent. Instat Scandilius poscere recuperatores. tum iste homo innocens, qui illam suspicionem leuare, atque ab se remouere cuperet; recuperatores dicit se de cohorte sua daturum. Pro deum hominumq; fidem! quem ego accuso? in quo meam industriam, ac diligen- tiam spectari volo? quid est, quod ego dicendo, aut cogitando efficere, aut assequi debeam? teneo in medijs vestigalibus populi Romani, in ipsis fructi- bus prouinciæ Siciliæ furem, manifesto auertentem rem frumentariam omnem, pecuniam maximam: teneo inquam ita, vt negare non possit. nam quid

hic dicit? sponſio facta eſt cū cognitore tuo Apro-
nio de fortunis tuis omnibus; ni ſocium te ſibi in
decumis eſſe dicitaret. Expectant omnes, quantæ
tibi ea res curæ, ſit; quemadmodum hominum exi-
ſtimationi te, atq; innocentiam tuam probari velis.
hic tu medicum & haruſpicem, & præconem tuum
recuperatores dabis? aut etiam illum ipſum, quem
tu in cohorte tua Caſſianum iudicem habebas, ſi
qua res maior eſſet, Papirium Potamonem, homi-
nem ſeuerū, ex vetere illa equeſtri diſciplina? Scan-
dilius poſtulare de conuentu recuperatores. Tum
iſte negat, ſe de exiſtimatione ſua cuiquam, niſi ſuis,
commiſſurum. Negotiatores putant eſſe turpe, id
forum ſibi iniquum eiurare, vbi negotientur. Præ-
tor prouinciam ſuam totam ſibi iniquam eiurat. O
impudentiam ſingularem. hic poſtulat ſe Romæ ab-
ſolui, qui in ſua prouincia iudicauit, ſe abſolui nul-
lo modo poſſe: qui plus exiſtimet apud leſtiſſimos
ſenatores pecuniam, quam apud tres negotiatores
metum valere. Scandilius vero negat, ſe apud
Artemidorum recuperatorem verbum eſſe factu-
rum: & tamen vrget, atque onerat te bonis condi-
tionibus, ſi tu vti velis: ſi * ex prouincia Sicilia tota
ſtatuas idoneum iudicem, aut recuperatorem nul-
lum poſſe reperiri, poſtulat a te, vt Romā reiicias.
hic enimvero tu exclamas, hominem improbum,
qui poſtulet ibi de tua exiſtimatione iudicium fie-
ri, vbi te inuidioſum eſſe intelligebat, negas te Ro-
mam reiecturum: negas de conuentu recuperatores
daturum: cohortem tuam proponis. Scandilius rem
ſe totam relicturum dicit, & ſuo tempore eſſe redi-
turum. Quid tu ibi tum? quid facis? Scandilium
cogis. quid? ſponſionē * acceptam facere? impuden-
ter tollis expectatum exiſtimationis tuæ iudicium?
non facis. quid ergo? Apronio permittis, vt quos ve-
lit, de cohorte ſumat recuperatores? indignum, vni
potius ex iniquis ſu mendis, quam vtriſque ex æquis

reiiciendi fieri potestatem. neutrum facis eorum. Quid ergo? est aliquid, quod improbius fieri potest. cogit enim Scandilium quinque illa millia numum dare atque adnumerare Apronio. Quid potuit elegantius facere prætor cupidus existimationis bonæ, qui ab sese omnem suspicionem propulsare, qui se eripere ex infamia cuperet? Adductus erat in sermonem, inuidiam, vituperationem: dictitaret homo improbus, atq; impurus Apronius, socium esse prætorem: venerat res in iudicium, atque discrimen: potestas erat isti homini integro, atq; innocenti data, ut in Apronium, cum animaduertisset, sese gravissima leuaret infamia. Quid excogitat pœnæ? quid animaduersionis in Apronium? cogit Scandilium Apronio ob singularem improbitatem, atque audaciam, prædicationeq; nefariæ societatis, H. S. V. millia mercedis nomine, ac præmij dare. Quid interfuit, homo audacissime, utrum hoc decerneres? an id, quod Apronius dictitabat, tu de te * proferres, ac dictitares? quem hominem, si quis pudor in te, atq; adeo, si quis metus fuisset, sine supplicio dimittere non debuisti; hunc abs te sine præmio discedere noluiisti. Omnia simul intelligere potuisti, iudices, ex hoc vno crimine Scandaliano: primum hoc non esse Romæ natum de societate decumarum; nō ab accusatore fictum, non (ut solemus interdum in defensionibus dicere) crimen domesticum; ac vernaculum; non ex tempore periculi tui constitutum; sed verus, excogitatum iam, & te prætore, iactatum, & non ab inimicis Romæ cōpositum, sed Romanam de provincia exportatum. simul intelligi potest illud istius in Apronium studium: Apronij de isto non modo confessio, verum etiam commemoratio. eodem accedit, quod * hoc quoque intelligere potestis istum statuisse in provincia sua, existimationis suæ iudicium extra cohortem suam committendum fuisse nemini. Equis est index, cui non ab
initio

initio decumani criminis persuasum sit, istum in aratorum bona, fortuna atque imperum fecisse? quis hoc non ex eo statim iudicauit, quod ostendi, istum decumas noua lege, atque adeo nulla lege, contra omnium consuetudinem, atque instituta vendidisse? Verum ut istos ego iudices tam seueros, tam diligentes, tam religiosos non haberem: equis est, ex iniuriarum magnitudine, improbitate decretorum, iudiciorum iniquitate, qui hoc non iamdudum statuerit, & iudicarit? Etiam sane, sit aliquis dissolutior in iudicando: legum, officii, reip. sociorum atque amicorum negligentior: quid? is possit de istius improbitate dubitare, cum tanta lucra facta, tam in quas passionibus vi, & metu expressas cognouerit? cum tanta præmia, ciuitates vi, atque imperio, virgarum ac mortis metu, non modo Apronio, atque eius similibus, verumetiam Venerijs seruis dare coactas? Quod si quis sociorum incommodis minus mouetur: si quem aratorum fugæ, calamitates, exilia, suspendia denique non permouent? non possum dubitare, quin is tamen cum vastatam Siciliam, relictos agros, ex ciuitatibus litteris, & epistola L. Metelli cognouerit, statuatur fieri non posse, ut de isto non seuerissime iudicetur. Erit etiam aliquis, qui hæc omnia dissimulare, ac negligere possit. Attuli sponsores ipso præsentibus factas de decumarum societate; ab ipso prohibitas iudicari. Quid est, quod posset quisquam manifestius hoc desiderare? non dubito, quin vobis satisfecerim iudices verumtamen progrediar longius: non, mehercule, quo magis hoc vobis persuadeatur, quam iam persuasum esse confido; sed ut ille aliquando impudentiæ suæ finem faciat: aliquando desinat, ea se putare emere, quæ ipse semper habuit venalia, fide in iusiurandum, veritatem, officium, religionem: desinant amici eius ea disцитare, quæ detrimento, maculæ, inuidiæ, infamiæ nobis omnibus esse possint, at qui amici?

O miserum, atq; inuidiosum, offensumq; paucorum culpa, atque indignitate ordinem senatorium. Albam Aemilium sedentem in faucibus macelli loqui palam, vicisse Verrem, emptos habere iudices: alium h. s. c. c. c. millibus, alium h. s. d. quem minimo, c. c. c. ? atque ei cum responsum esset, fieri non posse, multos testes esse dicturos, me præterea causæ non defuturum: Licet, hercules, inquit, omnes omnia dicant, in illum nisi ita res manifesta erit allata, ut responderi nihil possit, vicimus. Bene agis Alba: ad tuam veniam condicionem, nihil putas valere in iudiciis coniecturam, nihil suspicionem, nihil anteactæ vitæ existimationem, nihil bonorum virorum testimonia, nihil ciuitatum auctoritates, ac testimonia, literas. res * manifestas quæris. non quæro iudices Cassianos, veterem iudiciorum feueritatem non requiro: vestram in hoc fidem dignitatem, religionem in iudicando non imploro: Albam habeo iudicem, eum hominem, qui se ipse scurram improbissimum existimari vult: qui a scurris potius semper gladiator, quam scurra appellatus sit. asseram rē eiusmodi in decumis, ut Alba fateatur, istum in re frumentaria, & in bonis aratorum aperte, palamq; esse prædatum. Decumas agri Leontini magno dicit se vendidisse. ostendi iam illud initio, non existimādum magno vendidisse eum, qui verbo decumas vendiderit; re, & conditione, & lege, & edicto, & licentia decumanorum, decumas aratoribus nullas reliquas fecerit. Etiam illud ostendi, vendidisse alios magno decumas agri Leontini, ceterorumque agrorum, & lege Hieronica vendidisse, & pluris etiam, quam te vendidisse; nec aratorem quemquam esse questum. nec enim fuit, quod quisquam queri posset, cum lege æquissima scripta venirent, neq; illud vñquam aratoris interfuit, quanti decumæ venirent. non enim ita est, ut si magno venierint, plus arator debeat: si paruo minus. ut fru-
menta

menta nata sunt, ita decumæ veneunt. aratoris autem interest, ita se frumenta habere; ut decumæ quam plurimo venire possint. dum arator ne plus decuma det, expedit ei decumam esse quam*maximi. Verum hoc, ut opinor, esse vis caput defensionis tuæ, magno te decumas vendidisse: agri vero Leontini, qui plurimum efficit, tritici mod. c c x vi. millibus. Si doceo, pluris aliquanto potuisse te vendere, neq; hic voluisse addicere, qui contra Apronium licerentur, & Apronio multo minoris, quam aliis potueris, tradidisse: si hoc doceo, poteritne te Alba tuus antiquissimus non solum amicus, verum etiam amator, absolueret? Dico equitem Rom. hominem in primis honestum Q. Minucium cum sui similibus, ad decumas agri Leontini tritici mod. non M, non M M, non M M M, sed ad vnas vnus agri decumas tritici mod. x x x. voluisse addere, & ei potestatem emendi non esse factam, ne res abiret ab Apronio. negare hoc, nisi forte negare omnia constituisti, nullo modo potes palam res gesta est, maximo conuentu Syracusis: testis est tota prouincia: propterea quod vndiq; ad emendas decumas solent eo cōuenire. quod siue fateris, siue cōuinceris; quot & quam maximis in rebus tenere, non vides? primum tuam rem illam, & prædam fuisse. nam, nisi ita esset, cur tu Apronium malebas, quem omnes tuum procurare in decumis negotium loquebantur, quam Minucium decumas agri Leontini sumere? deinde immensum, atque infinitum lucrum esse factum. nam si x x x. mod. tritici tu commotus non esses (certe hoc idem lucri minucius Apronio liber dedisset, si ille accipere voluisset) quantam igitur illi spem prædæ propositam arbitramur fuisse; qui tantum præsens lucrum, nulla opera insumpta contempsit, atque despexerit? deinde ipse Minucium numquam tanti habere voluisset, si decumas tu lege Hieronica venderes: sed quod tuis nouis edictis, &

iniquissimus institutis plus aliquanto se, quam decumas ablaturum videbat, idcirco longius progressus est. At Apronio semper, plus etiam multo abs te permissum est, quam quod edixeras. quantum igitur questum putamus factum esse per eum, cui quidvis licitum sit: cum tantum lucri voluerit addere is cui, si decumas emisset, idem non liceret? Postremo illa quidē certe tibi præcisa defensio est, in qua tu semper omnia tua furtiva, atque flagitia latere posse arbitratus es, magno te decumas vendidisse; plebi Romanæ consuluisse; annonæ prospexisse. non potest hoc dicere is, qui negare non potest, se unius agri decumas xxx. mod. minoris quā potuerit vendidisse: ut etiam si tibi hoc cōcedam, Minucio ideo te non tradidisse, quod iam addixisses Apronio (aiunt enim te ita dicere: quod ego expecto, cupioque te illud defendere) verum ut ita sit, tamen non potes hoc quasi præclarum aliquid prædicare, magno te decumas vendidisse, cum fuisse fateare qui multo pluris voluerint emere. Tenetur igitur iam, iudices, & manifesto tenetur avaritia, cupiditas hominis, scelus, improbitas, audacia. Quid si hæc, quæ dico, ipsius amici, defensoresque iudicarunt? quid vultis amplius. Aduentu L. Metelli prætoris, cum omnes eius comites iste sibi suo illo panchresto medicamento amicos redemisset, aditum est ad Metellum: eductus est Apronius: eduxit vir primarius C. Gallius senator: a L. Metello, ut ex edicto suo iudicium daret in Apronium, quod per vim aut metum abstulisset, quam formulam Octavianam & Romæ Metellus habuerat, & habuerat in provincia, non impetrat: cum hoc diceret Metellus, præiudiciū se de capite C. Verris per hoc iudicium nolle fieri. tota Metelli cohors, hominum non ingratorum, aderat Apronio: C. Gallius homo nostri ordinis, a suo familiarissimo L. Metello iudicium ex edicto non potest impetrare non reprehendo Metellum: pepercit homini

mini amico, & quemadmodum ipsum dicere audiui, necessario. non reprehendo, inquam, Metellum: sed hoc miror, quomodo de quo homine præiudicium noluerit fieri per recuperatores, de hoc ipso non modo præiudicarit, verum grauissime, ac vehementissime iudicauerit. Primum enim si Apronium absolutum iri putaret; nihil erat, quod vllum præiudicium vereretur: deinde, si, condemnato Apronio, coniuncta cum eo Verris causam omnes erant existimaturi; Metellus quidem certe iam hoc iudicabat, eorum rem, causamque esse coniunctam; qui statuerit, Apronio cōdemnato, de isto præiudicium futurum. & simul vna res vtrique rei est argumento; & aratores vi & metu coactos Apronio multo plus, quam debuerint, dedisse; & Aproniū istius rem suo nomine egisse; cum L. Metellus statuerit non posse Apronium condemnari, quin simul de istius scelere, atque improbitate iudicaretur. Venio nunc ad epistolam Timarchidis, liberti istius, & accēsi: de qua cum dixero, totum hoc crimen decuratum perorabo. Hæc epistola est, iudices, quam nos Syracusis in ædibus Apronii, cum literas conquireremus, inuenimus. missa est, ut ipsa significat, ex itinere, cum Verres iam de provincia decessisset, Timarchidis manuscripta. Recita epistolam Timarchidis. TIMARCHIDES VERRIS ACCENSUS APRONIO SALVTEM DICIT. Iam hoc quidem non reprehendo, quod adscripsit accensus: cur enim sibi hoc scribæ soli sumant? C. Papius scriba. Volo ego hoc esse commune accensorum, lictorum, viatorum. FAC DILIGENTIAM ADHIBEAS, QUOD AD EXISTIMATIONEM PRÆTORIS ATTINET. Commēdat Apronio Verrem, & hortatur, ut inimicis eius resistat bono præsidio munitur existimatio tua, si quidem in Apronio constituitur diligentia, atque auctoritate. HABES VIRTUTEM, ATQUE ELOQVENTIAM. Quam copiose lau-

iniquissimus institutis plus aliquanto se, quam decumas ablaturum videbat, idcirco longius progressus est. At Apronio semper, plus etiam multo abs te permissum est, quam quod edixeras. quantum igitur questum putamus factum esse per eum, cui quidvis licitum sit: cum tantum lucri voluerit addere is cui, si decumas emisset, idem non liceret? Postremo illa quidē certe tibi præcisa defensio est, in qua tu semper omnia tua furta, atq; flagitia latere posse arbitratus es, magno te decumas vendidisse; plebi Romanæ consuluisse; annonæ prospexisse. non potest hoc dicere is, qui negare non potest, se vnus agri decumas xxx. mod minoris quā potuerit vendidisse: ut etiam si tibi hoc cōcedam, Minucio ideo te non tradidisse, quod iam addixisses Apronio (aiunt enim te ita dicere: quod ego expecto, cupioq; te* illud defendere) verum ut ita sit, tamen non potes hoc quasi præclarum aliquid prædicare, magno te decumas vendidisse, cum fuisse fateare qui multo pluris voluerint emere. Teneatur igitur iam, iudices, & manifesto teneatur avaritia, cupiditas hominis, scelus, improbitas, audacia. Quid si hæc, quæ dico, ipsius amici, defensoresque iudicarunt? quid vultis amplius. Aduentu L. Metelli prætoris, cum omnes eius comites iste sibi suo illo panchresto medicamento amicos redemisset, aditum est ad Metellum: eductus est Apronius: eduxit vir primarius C. Gallius senator: a L. Metello, ut ex edicto suo iudicium daret in Apronium, quod per vim aut metum abstulisset, quam formulam Octavianam & Romæ Metellus habuerat, & habuerat in prouincia, nō impetrat: cum hoc diceret Metellus, præiudiciū se de capite C. Verris per hoc iudicium nolle fieri. tota Metelli cohors, hominum non ingratorum, aderat Apronio: C. Gallius homo nostri ordinis, a suo familiarissimo L. Metello iudicium ex edicto non potest impetrare non reprehendo Metellum: pepercit homini

mini amico, & quemadmodum ipsum dicere audiui, necessario. non reprehendo, inquam, Metellum: sed hoc miror, quomodo de quo homine præiudicium noluerit fieri per recuperatores, de hoc ipso non modo præiudicabit, verum grauissime, ac vehementissime iudicauerit. Primum enim si Apronium absolutum iri putaret; nihil erat, quod vllum præiudicium vereretur: deinde, si, condemnato Apronio, coniunctâ cum eo Verris causam omnes erant existimaturi; Metellus quidem certe iam hoc iudicabat, eorum rem, causamq; esse coniunctam; qui statuerit, Apronio cōdemnato, de isto præiudicium futurum. & simul vna res vtriq; rei est argumento; & aratores vi & metu coactos Apronio multo plus, quam debuerint, dedisse; & Aproniū istius rem suo nomine egisse; cum L. Metellus statuerit non posse Apronium condemnari, quin simul de istius sceleris, atq; improbitate iudicaretur. Venio nunc ad epistolam Timarchidis, liberti istius, & accēsi: de qua cum dixero, totum hoc crimen decumanum perorabo. Hæc epistola est, iudices, quam nos Syracusis in ædibus Apronii, cum literas conquireremus, inuenimus. missa est, vt ipsa significat, ex itinere, cum Verres iam de prouincia decessisset, Timarchidis manuscripta. Recita epistolam Timarchidis. TIMARCHIDES VERRIS ACCENSUS APRONIO SALVTEM DICIT. Iam hoc quidem non reprehendo, quod adscripsit accensus: cur enim sibi hoc scribæ soli sumant? C. Papius scriba. Volo ego hoc esse commune accensorum, lictorum, iatorum. FAC DILIGENTIAM ADHIREAS, QVOD AD EXISTIMATIONEM PRÆTORIS ATTINET. Commēdat Apronio Verrem, & hortatur, vt inimicis eius resistat bono præsidio munitur existimatio tua, si quidem in Aproni; constituitur diligentia, atque auctoritate. HABES VIRTVTVM, ATQVE ELOQVENTIAM. Quam copiose lau-

datur Apronius a Timarchide! quam magnifice! cui ego non putem illum placere oportere; qui tantopore Timarchidi probatus sit? HABES, SVMP-
TVM VNDE FACIAS. Necesse est, quod redundarit de vestro frumentario quaestu, ad illum potissimum, per quem agebatis, defluxisse. SCRIBAS, APPARITORES RECENTES ARRIPE: CVM L. VVLTEIO, QVI PLVRIMVM POTEST, CAEDE, CONCIDE. Videte quam valde malitiae suae confidat Timarchides; qui etiam Apronio improbitatis praecepta det. Iam hoc, Cæde, concide, nonne verba domo patroni depromere videtur ad omne genus nequitiae accommodata? VOLO MIHI FRATERCVLO TVO CREDAS. Conforti quidem in lucris atque furtis: gemino, & simillimo nequitia, improbitate, audacia. IN COHORTE CARVS HABERE. Quid est hoc, In cohorte? quo pertinet? Apronium doces? quid? in vestram cohortem te monitore, an sua sponte peruenerat? QVOD CVIQVE OPVS SIT, *OPPONE. Qua impudentia putatis eum in dominatione fuisse, qui in fuga tam improbus sit? ait omnia pecunia effici posse. DA, PROFVNDE, SI VELIS VINCERE. non hoc mihi tam molestum est Apronio suadere Timarchidem, quam quod hoc idem patrono suo præcipit. TE POSTVLANTE OMNES VINCERE SOLENT. Verre quidem prætor, non Sacerdote, non Peduceo, non hoc ipso Metello. SCIS METEELLVM SAPIENTEM ESSE. Hoc vero ferri iam non potest, irrideri viri optimi L. Metelli ingenium, & contemni ac despici a fugitivo Timarchide. SI VVLTEIVM HABEBIS, OMNIA LVDBVNDVS *PERFICIES. Hic vehementer errat Timarchides, qui aut Vulteium pecunia corrumpi putet posse; aut Metellum vnius arbitratu gerere præturam. sed errauit coniectura domestica: quia multos per se, & per alios

alios multa ludibundos libidinose apud Verrem effecisse vidit: ad omnes eosdem patere aditus arbitrabatur, facilius vos efficiebatis lubibundi, quæ volebatis a Verre, quod multa eius ludorum generanoratis. INCVLCA TVM EST METELLO, ET VVLTEIO, TE ARATORES EVERTISSE. Quis istuc Apronio attribuebat, cum aratorem aliquem euerterat; aut Timarchidi, cum, ob iudicandum, aut decernendum, aut imperandum aliquid, aut remittendum, pecuniam acceperat? aut Sestio lictori, cum aliquem innocentem securi percusserat? nemo. omnes ei Verri tunc attribuebant quem nunc condemnari volunt. OBTVDERVNT EIVS AVRES, TE SOCIVM PRAETORIS FVISSE. Videsne, hoc quam clarum sit, ac fuerit? cum etiam Timarchides hoc metuat; concedes, non hoc crimen nos in te confingere, sed iam pridem ad crimen aliquam defensionem libertum quærere? libertus, & accensus tuus & tibi ac liberis tuis, omnibus in rebus coniunctus ac proximus, ad Apronium scribit, vulgo esse ab omnibus ita demonstratum Metello, tibi Apronium in decumis socium fuisse. FAC SCIAT IMPROBITATEM ARATORVM. IPSI SVDABVNT, SI DII VOLENT. Quid istuc per deos immortales, aut qua de causa excitatum esse dicamus in aratores, tam infestum odium, atque tantum? quantam iniuriam fecerunt Verri aratores, ut eos etiam libertus & accensus eius tam irato animo, his literis insequatur? Neq; ego huius fugitiui iudices epistolam vobis recitassem; nisi ut ex ea, totius familiæ præcepta, & instituta, & disciplinam cognosceretis. Videris, ut moneat Apronium? quibus se rebus ac muneribus insinuet in familiaritatem Metelli? Vulteium corrumpat? scribas, accensosque pretio delinuat? ea præcipit, quæ vidit: ea monet alienum hominem,

quæ domi didicit ipse. verum in hoc errat vno, quod easdem existimat vias ad omnium familiaritates esse munitas. Quamquam merito sum iratus Metello: tamen hæc, quæ vera sunt dicam. Apronius ipsum Metellum non pretio, vt Verrem, non conuiuio, non muliere, non sermone * incauto atque improbo posset corrumpere. quibus rebus non sensim, atque moderate ad istius amicitiam arripserat: sed breui tempore totum hominem, totamque eius præturam possederat. Cohortem autem Metelli, quam vocat, quid erat quod corrumpere, ex * qua recuperatores nulli dabantur? Nam quod scribit Metelli filium puerum esse, vehementer errat: non enim ad omnes prætorum filios iidem aditus* sunt o Timarchide. Metelli est filius in prouincia, non puer, sed adolescens bonus ac pudens, dignus illo loco ac nomine. vester ille puer prætextatus in prouincia quemadmodum fuisset, non dicerem, si pueri esse illam culpam ac non patris existimarem. tunc, cum te, ac tuam vitam nosset, in Siciliam tecum grandem prætextatum filium ducebas? vt etiam si natura puerum a paternis vitiis, atque a generis similitudine abduceret, consuetudo tamen eum, & disciplina degenerare non sineret. fac enim fuisse in isto C. Lælij, M. Catonis materiem, atque indolem: quid ex eo boni sperari, atque effici potest, qui in patris luxurie sic vixerit: vt nullum vnquam pudicum, neque sobrium conuiuium viderit? qui in epulis quotidianis, adulta ætate, per triennium inter impudicas mulieres & intemperantes viros versatus sit? nihil vnquam a patre audiuit, quo pudentior, aut melior esset? nihil vnquam patrem agere vidit, quod cum imitatus esset, non, id, quod turpissimum est, similis patri putaretur? Quibus in rebus non solum filio, verum etiam reip. fecisti iniuriam suscepas enim liberos non solum tibi, sed etiam patriæ qui nō modo tibi voluptati, sed etiam qui

qui aliquando vsui reipublicæ esse possent. eos institueret, atque erudire ad maiorum instituta, atque ciuitatis disciplinam, non ad tuas turpitudines debuisti. esset * inerti, atque impuro & improbo parenti nauus, & pudens, & probus filius: haberet aliquid abs te resp. muneris. nunc pro te Verrem substituisisti alterum ciuitati: nisi hoc forte deterior est, si fieri potest, quod tu eiusmodi euasisti, non in hominis luxuriosi, sed tantum in furis, ac diuisoris disciplina educatus. Quid isto festiuus fore arbitramur, qui est tuus natura filius, consuetudine discipulus, voluntate similis? Quem ego, iudices, * quantumuis bonum fortemque facile paterer euadere: non enim me inimicitia commouent, si quæ mihi cum isto futura sint, nam si in omnibus rebus innocens fuero, meique similis. quid mihi istius inimicitia nocebunt? sin aliqua in re Verri similis fuero, non magis mihi deerit inimicus, quam Verri defuit. Etenim, iudices, eiusmodi respub. debet esse, & erit, seueritate iudiciorum constituta; ut inimicus neque deesse nocenti possit; neque obesse innocenti, quapropter nulla res est, quam obrem ego istum nolum ex paternis probris, ac vitijs emergere: id quod tametsi isti difficile est, tamē haud scio an fieri possit: præsertim si (ut nunc fit) custodes amicorum eum sectabuntur: quoniam pater tam negligens, ac dissolutus est. Verum huc longius, quam voluntas fuit, ab epistola Timarchidis digressa est oratio mea: qua recitata, conclusurum me esse crimen decumarum dixeram: ex quo intellexistis innumerablem frumenti numerum per triennium auersum a republica esse, abreptumque aratoribus. Sequitur, ut de frumento empto vos iudices, doceam, maximo atq; impudentissimo furto: de quo dum certa, & pauca, & magna dicam breuiter, attendite. Frumentum emere in Sicilia debuit Verres ex senatusconsulto, & ex lege Terentia, & Cassia frumentaria. E-

mundi duo genera fuerunt: vnum alterarum decumarum: alterum quod præterea ciuitatibus æqualiter esset distributum. Illius decumani tantum, quantum, ex primis decumis fuisset: huius tritici mod. DCC. millia: pretium autem constitutum decumano in mod. singulos H-s. * terni: imperato H-s. IIII. ita in frumentum imperatum H-s. * bis & tricies in annos singulos Verri decernebatur, quod aratoribus solueret: in alteras decumas ferme ad nonagies sic per triennium ad hanc frumentiemptionem Siciliensem prope centies & vicies erogatum est. Hanc pecuniam tantam, datam tibi ex ærario inopi, atque exhausto, datam ad frumentum, hoc est, ad necessitatem salutis & vitæ, datam vt Siculis aratoribus, quibus tanta onera respublica imponeret, solueretur, abs te sic laceratam esse dico, vt possim illud probare, si velim, omnem te hanc pecuniam domum tuam auertisse. etenim si hanc rem totam administrasti, vt hoc quod dico, probari æquissimo iudici possit. Sed ego habebo rationem auctoritatis meæ: mcmينو, quo animo, quo consilio ad causam publicam accesserim: non agam tecum accusatorie: nihil fingam: nihil * probari velim me dicente, quod non ante mihi metipsi probatum sit. In hac pecunia publica, iudices, hæc insunt tria genera furtorum. Primum eam, cum posita esset apud eas societates, vnde erat attributa, binis centesimis feneratus est: deinde permultis ciuitatibus pro frumento nihil soluit omnino: postremo, si cui ciuitati soluit, tantum detraxit, quatum commodum fuit: nulli, quod debitum est, reddidit. Ac primum hoc ex te quaero: tu, cui publicani ex Carpinatii literis gratias egerunt, pecunia publica ex ærario erogata ex vectigalibus populi Rom. ad emendum frumentum attributa, fueritne tibi quæstui? pensaritne tibi binas centesimas? credo te negaturum. turpis enim est, & periculosa confessio.

mihi

mihi autem hoc perarduum est demonstrare. quibus enim testibus? publicani tractati honorifice sunt: tacebunt. literæ eorum, decreto decumanorum remotæ sunt. Quo me igitur vertam? rem tam improbam, crimen tantæ audaciæ, tantæque impudentiæ, propter inopiam testium, ac literarum prætermittam? non faciam, iudices: utar teste. quo? P. Vectio Chilone homine equestri, ordinis honestissimo, atque ornatissimo: qui iste ita amicus, & necessarius est, ut etiam si vir bonus non esset, tamen quod contra istum diceret, graue videretur: ita vir bonus est, ut etiam si inimicissimus isti esset, tamen eius testimonio credi oporteret. admiratur & expectat, quidnam Vectius dicturus sit. nihil dicit ex tempore. nihil ex sua voluntate: nihil, ut ei utrumvis licuisse videatur. misit in Siciliam literas ad Carpinatium, cum esset magister scripturæ * eius societatis publicanorum: quas * ego Siraculis apud Carpinatium in literarum allatarum libris, Romæ in literarum missarum apud magistrum Tullium familiarem tuum inueni: quibus ex literis impudentiam fenerationis quæso cognoscite. **LITERÆ MISSÆ L. VECTII, L. SERVILII, C. ANTISTITIS MAGISTRORVM.** Præsto se tibi ait futurum Vectius, & obseruaturum quemadmodum rationes ad ærarium referas: ut si hanc ex sœnore populo pecuniam non retuleris, reddas societati. Possumus hoc teste, possumus P. Seruilij, & C. Antistitis magistrorum, primorum hominum, atque honestissimorum, possumus auctoritate societatis, cuius literis vrimur, quod dicimus obtinere? an aliqua firmiora, aut grauiora querenda sunt? Vectius tuus familiarissimus. Vectius tuus affinis, cuius sororē habes in matrimonio, tuæ frater vxoris Vectius, frater tui quæstoris in pudētissimum tuum furtū, certissimurque peculatum (nam quo alio nomine pecuniæ publicæ feneratio est appellanda?) * Recita reli-

qua. Scribam tuum dicit, Verres, huius perscriptorem fenerationis fuisse. ei quoque magistri minantur in literis: etenim casu scribæ tum duo magistri affuerunt, cum Vectio. binas centesimas ab se ablatas ferundum non putant: & recte non putant. Quis enim hoc fecit vñquam? quis denique conatus est facere? aut posse fieri cogitavit, vt, cum senatus publicanos vsura sæpe iuisset; magistratus a publicanis pecuniam pro vsuris auderet auferre? Certe huic homini spes nulla salutis esset, si publicani, hoc est, si equites Romani iudicarent. Minor esse cura nunc, iudices, vobis disceptantibus debet, & tanto minor, quanto est honestius alienis iniuriis, quam re sua commoueri. Quid ad hæc respondere cogitas? vtrum factum negabis? an tibi hoc licitum esse defendes? negare qui potes? an vt tanta auctoritate literarum, tot testibus publicanis conuincare? licuisse vero qui? si, mehercule, te tuam pecuniam, non populi Romani in prouincia feneratum docerem; tamen effugere non posses: sed publicam, sed ob frumentum decreram, sed a publicanis fenore accepto, hoc licuisse cuiquam probabis? quo non modo ceteri, sed ipse nihil audacius, improbiusq; fecisti. non mehercule, hoc, quod omnibus singulare videtur, de quo mihi deinceps dicendum est, possum, iudices, dicere, audacius esse, aut impudentius; quod permultis ciuitatibus pro frumento nihil soluit. omnino maior hæc præda fortasse est; sed illa impudentia certe non minor. Et quoniam de illa feneratione satis dictum est, nunc de hac tota pecunia auersa, quæso cognoscite. Siciliæ ciuitates multæ sunt, iudices, ornatae, atq; honestæ: ex quibus in primis numeranda est ciuitas Halesina. nullam enim reperietis aut officiis fideiorem, aut copiis locupletiolem, aut auctoritate grauiorem. Huic iste in annos singulos cum sexaginta tritici millia modium imperauisset; pro triti-

eo nummos abstulit, quanti erat in Sicilia triticum: quos de publico nummos acceperat, retinuit omnes. Obstupui, iudices, cum hoc mihi primum Halesē demonstrauit in senatu Halesinorū homo summo ingenio, summa prudentia, summa auctoritate præditus Halesinus Aenias: cui senatus dederat publice causam, ut mihi, fratriq; meo gratias ageret: & simul, qui nos ea, quæ ad iudicium pertinerent, doceret. Demonstrat hanc istius consuetudinem, ac rationem fuisse: cum omnis frumenti copia decumarum nomine penes istum esset redacta; solitum esse, istum pecuniam cogere a ciuitatibus, frumentum improbare: quantum frumenti Romam esset mittendum, tantum de suo quæstu, ac de sua copia frumenti mittere. posco rationes: inspicio literas: video frumenti granum Halesinos, quibus * L X. millia modium imperata erant, nullum dedisse: pecuniam Volcatio, Timarchidi, scribæ dedisse. reperio genus huiusmodi, iudices, prædæ, ut prætor, qui frumentum emere debebat, non emat, sed vendat: pecunias, quas ciuitatibus distribuere debebat, eas omnes auertat, atque auferat. non mihi iam furtum, sed monstrum, ac prodigium videbatur: ciuitatum * frumentum improbare, pretium ei frumento constituere: quod constituisset, id ciuitatibus auferre: quod a populo Romano accepisset, tenere. Quot vultis esse in vno furto peccatorum gradus? * ut si singulis insistere velim, progredi ipse non possim. Improbas frumentum Siculum. Quid? ipse, quod mittis? pecuniarem habes aliquam Siciliam, quæ tibi ex alio genere frumentum suppeditare possit? Cum senatus decernit, ut ematur in Sicilia frumentum, aut populus iubet: hoc, ut opinor, intelligit, ex Sicilia Siculum frumentum apportari oportere. tu, cum ciuitatum Siciliæ vulgo omne frumentum improbas, nunq; ex Eegypto, aut ex Syria frumentum Romam mittis? impro-

bas Haleſinum, Cephaleditanum, Thermitanum, Amelſtratinum, Tyndaritanum Herbitenſe, multarum præterea ciuitatum. Quid accidit tandem, vt horum populorum agri frumentum eiufmodi, te prætor * ſerrent, quod numquam antea, vt neque mihi, neque tibi, neq; populo Romano poſſet probari? præſertim cum ex iſdem agris, eiufdemque anni frumentum ex decumis Romam mancipēs aduexiſſent; quid acciderat, * vt ex eodem horreo decumanum probaretur, emptum non probaretur? dubiumne eſt, quin iſta omnis improbatio, cogenda pecuniæ cauſa nata ſit? Eſto: improbas Haleſinum: habes ab alio populo quod probes: eme illud; quod placet: miſſos fac eos, quorum frumentum improbaſti. Sed ab ijs quos repudias, exigis tantum pecuniæ, quantum ad eum numerum frumenti ſatis ſit quem ciuitati imperas. Dubium eſt quid egeris? in medimna ſingula video ex literis publicis tibi Haſeſinos h-s. quinos denos dediſſe. oſtendam ex tabulis locupletiſſimorum aratorum eodem tempore neminem in Sicilia pluris frumentum vendiſſe. Quæ ergo iſta ratio, aut quæ potius amentia? frumentum improbare id quod ex eo loco ſit, ex quo ſenatus & populus Rom. emi voluerit? ex eo aceruo, ex quo partem tu idem decumarum nomine probaris? deinde a ciuitatibus pecunias ad emendum frumentum cogere, cum ex ærario acciperis? * vtrum te lex Terentia Siculorum pecunia frumentum emere a Siculis, an populi Rom. pecunia frumentum ab Siculis emere iuſſit? Iam vero ab iſto omnem illam ex ærario pecuniam, quam his oportuit ciuitatibus pro frumento dari, lucri factam videtis. accipis enim h-s. x v. pro medimno tanti enim eſt illo tempore medimnum. retines h-s. x i v. tanti enim eſt frumentum Sicilienſe ex lege æſtimatum. Quid intereſt, vtrum hoc feceris, an frumentum nō improbaris, ſed frumento probato, & accepto,

pro, pecuniam publicam tenueris omnē, neq; quidquam ulli dissolueris ciuitati? cū æstimatio legis eiusmodi sit, vt ceteris temporibus tolerabilis Siculis, te prætorē etiam grata esse debuerit? Est enim modius lege H-S. I. I. æstimatus: fuit autem, te prætorē, vt tu multis epistolis ad amicos tuos gloriaris, H-S. I. I. Sed fuerit H-S. I. I. quoniam tu tantum a ciuitatibus in modios singulos exegisti; cum si solueret Siculis tantum, quātum te populus Ro. iusserat, aratoribus fieri gratissimum posset: tu non modo eos accipere quod oportebat noluisti, sed etiā dare quod nō debebant coegisti. Atq; hæc ita gesta esse, iudices, cognoscite ex literis publicis ciuitatum & ex testimonijs publicis: in quibus nihil fictum, nihil ad tempus accommodatum intelligetis. Omnia quę dicimus, rationibus populorum non * interpositis, neq; perturbatis, neq; repentinis, sed certis institutis, ordine relata atq; confecta sunt. Recita rationes Halesinorum. Cui pecuniam datam dicit? dic, dic etiam clarius. VOLCATIO, TIMARCHIDI, MEVIO. Quid est Verres? ne illam quidem tibi defensionem reliquam fecisti, mancipes in istis rebus esse versatos, mancipes frumentū improba te, mancipes pretio cum ciuitatibus decidisse, & eosdem abs te illarum ciuitatū nomine pecunias abstulisse, deinde ipsos sibi frumentum coemisse, nihil hæc ad te pertinere? Mala, mehercule, ac misera defensio, prætorē hoc dicere. Ego frumentum neque attigi, neque aspexi: mancipibus potestatem probandi, improbandique permisi: mancipes a ciuitatibus pecunias extorserunt. ego autem quam pecuniam populis dare debui, mancipibus dedi. mala est hæc quidem, vt dixi, defensio criminis: sed tamen hæc ipsa tibi, si vti cupias, non licet. vetat te Volcatus, tuæ, tuorumque delictæ, mentionem mancipis facere. Timarchides autem columen familiæ vestrę premit fauces defensionis tuæ: cui simul, &

Volcatio pecunia a ciuitate numerata est. iam vero Scriba tuus annulo aureo suo quē ex his rebus inuenit, ista te ratione vti non sinet. Quid igitur est reliquum? nisi vti fateare, te Romani frumentum emptum Siculorum pecunia misisse: publicam pecuniam domum tuam * conuertisse? O consuetudo peccandi, quantam habes iucunditatem in improbis, & audacibus, cum pœna absuit, & licentia consecuta est! Isse in hoc genere peculatus non nunc primum inuenitur: sed nunc demum tenetur. vidimus huic ab ærario pecuniam numerari quæstori ad sumptum exercitus consularis: vidimus paucis post mensibus & exercitum, & cōsulem spoliatum. illa omnis pecunia latuit in illa caligine ac tenebris quæ totam rempublicam tum occupauerant. Iterū gessit hereditariam quæsturam cum * Dolabella: magnam pecuniam auertit: sed eius rationem cum damnatione Dolabellæ permiscuit. Commisā est pecunia tanta prætori: non reperietis hominem timide, nec leuiter hæc improbilissima lucra liguriensem: deuorare omnē pecuniam publicam non dubitauit. Ita serpit illud insitū in natura malum consuetudine peccandi libera, finem vt audacię statuere ipsē sibi non possit. tenetur igitur aliquando, & in rebus tum maximis, tum manifestis tenetur. Atque in eam fraudem mihi videtur diuinitus incidisse; non solū vt eas pœnas, quas proxime meruisset, solueret; sed vt illa etiam scelera eius in Carbonem, & in Dolabellam vindicaretur. Etenim noua quoq; alia res extitit, iudices, in hoc crimine, quæ tollat omnem dubitationē superioris illius decumani criminis. Nam illud missum faciā, per multos aratores in alteras decumas, & in hæc D C C C. millia modium, quod emptum populo Rom. darent, non habuisse, sed a tuo procuratore, hoc est, ab Apronio, emisisse; ex quo intelligi potest, nihil te aratoribus reliqui fecisse: vt hoc præteream, quod* in multis est testimonijs

monijs expositū: potest illo quidquam esse certius, in tua potestate, atq; in tuis horreis omne frumētū Sicilię per triēniū, atq; omnes fructus agri decumani fuisse? cū enim a ciuitatibus pro frumento pecuniam exigebas, vnde erat frumentum quod Romam mitteres, si tu id omne clausum, & cōpressum possidebas? itaq; in eo finmento, primus tibi ille quæstus fuit ipsius frumenti, quod erat ereptum ab aratoribus: alter, quod id frumentum improbissime partū, non semel, sed bis, neq; vno, sed duobus pretijs, vnum & idem frumentum vendidisti, semel ciuitatibus *H. s. x. v.* in medimnum, iterum populo Romano a quo *H. s. xviii.* in * medimna, pro eodem illo frumento abstulisti. At enim frumentum Centuripinorum, & Agrigentinorum, & nonnullorum fortasse præterea probasti, & his populis pecuniam dissoluisti. sint aliquæ ciuitates in eo numero, quarum frumētum improbare nolueris. Quid tandem? his ciuitatibus omnisne pecunia, quæ pro frumento debita est, dissoluta est? vnum mihi reperi, non populum, sed aratorem: vide, quære, circumspice, si quis forte est ex ea provincia, in qua tu triennium præfuisi, qui te nolit perisse: vnum inquam da mihi ex illis aratoribus, qui* vel ad statuam pecuniam contulerunt, qui sibi dicat pro frumēto omne esse, quod oportuerit, solutum, confirmo, iudices, neminem esse dicurum. Ex omni pecunia, quam aratoribus soluere debuisti, certis nominibus deductiones fieri solebant: primum pro spectatione, & collybo, deinde pro nescio quo cærario. Hęc omnia, iudices, non rerum certarum, sed furtorum improbissimorum sunt vocabula. nam collybus esse qui potest, cum vtantur omnes vno genere nummorum? cærarium vero quid vocas? quomodo hoc nomen ad rationes magistratus, quomodo ad pecuniam publicam allatum est? nam illud genus tertium deductionis erat eiusmodi, quasi non modo liceret,

sed etiam oporteret, nec solum oporteret, sed plane necesse esset. Scribæ nomine de tota pecunia binæ quinquagesimæ detrahebantur. Quis tibi hoc concessit? quæ lex? quæ senatus auctoritas? quæ porro æquitas? ut tantam pecuniam scriba tuus * auferret, siue de aratorum bonis, siue de populi Romani vectigalibus? Nam si potest ista pecunia sine aratorum iniuria detrahi, populus Romanus habet; præsertim in tantis ærarij angustijs. si autem & populus id voluit, & æquum ita est, solui aratoribus; tuus apparitor parua mercede populi conductus, de aratorum bonis prædabitur? & in hac causa scribarum ordinem in me concitabit Hortensius? & eorum commoda a me labefactari, atque oppugnari iniuria dicet? quasi vero hoc scribis vlllo exemplo sit, aut vlllo iure concessum, Quid ego vetera repetam? aut quid eorum scribarum mentionem faciam, quos constat sanctissimos homines, atq; innocentissimos fuisse? non me fugit, iudices, vetera exempla pro fictis fabulis iam audiri atque haberi. in his temporibus versabor miseris, ac perditis. Nuper, Hortensi, questor fuisti. quid tui scribæ fecerint, tu potes dicere ego de meis hoc dico: cum in ea lē ista Sicilia pro frumento ciuitatibus pecuniam soluerem, & mecum duos frugalissimos homines scribas haberem, L. Mamilium, & L. Sergium; non modo istas duas quinquagesimas, sed omnino nummū nullum cuiquam esse deductum. Dicerem hoc mihi totum esse attribuendum, iudices, si illi vnquam a me hoc postulassent, si vnquam omnino cogitassent. Quamobrem enim scriba deducat ac non potius mulio, qui * adduxerit? tabellarius, cuius aduentu certiores facti, petiuerunt? præco, qui * adire iussit? viator, ac Venerius, qui fiscum sustulit? quæ pars operæ, aut opportunitatis in scriba est; cur ei nō modo merces tanta detur; sed cur cū eo tantæ pecuniæ partitio fiat? ordo est honestus. quis negat? aut, quid

res ad hanc rem pertinet? est vero honestus; quod eorum hominum fidei tabulæ publicæ, periculaque magistratuum committuntur. itaque ex his scribis qui digni sunt illo ordine, patribus familias, viris bonis, atque honestis, percunctamini, quid sibi istæ quinquagessimæ velint iam omnes intelligetis, nouam rem totam, atque indignam videri. ad eos me scribas reuoca, si placet: noli hos colligere, qui nummulis corrogatis de nepotum donis, ac de scenicorum corollariis, cum decuriam emerūt, ex primo ordine exploforum in secundum ordinem ciuitatis se venisse dicunt. eos scribas tecum disceptatores huius criminis habebō, qui istos scribas esse moleste ferunt. tamen si, cum in eo ordine videamus esse multos non idoneos, qui ordo industriæ propositus est, & dignitati, mirabimur, turpes aliquot in eo esse, quo cuius licet prætio peruenire? Tu ex pecunia publica H. S. *tredecies scribam tuum permissu tuo cum abstulisse fateare; reliquam tibi ullam defensionem putas esse? hoc ferre quemquam posse? hoc quemquam denique nunc tuorum aduocatorum animo æquo audire arbitrare? qua in ciuitate C. Catoni clarissimo viro, consulari homini, H. S. XVI II. millibus lis æstimata sit; in eadem ciuitate apparitori tuo esse concessum, ut H. S. vno nomine tredecies auferret? hinc ille est anulus aureus, quo tu istum in concione donasti. quæ tua donatio singulari impudentia prædita, noua Siculis omnibus, mihi vero incredibilis videbatur. Sæpe enim nostri imperatores superatis hostibus, optime re publica gestis, scribas suos anulis aureis in concione donarunt: tu vero quibus rebus gestis, quo hoste superato, concionem donandi causa aduocare ausus es? neque enim solum scribam tuum anulo, sed etiam virum fortissimum, ac tui dissimilimum Q. Rubrium, excellenti virtute, auctoritate, copiis, corona & phaleris, & torque donasti, M. Cossutium

sanctissimum virum atque honestissimum, M. Ca-
 stritium summo splendore, ingenio, gratia prædi-
 tum. Quid hæc sibi horum trium civium Romano-
 rum dona voluerunt? Siculos præterea potentissi-
 mos, nobilissimosque donasti. qui non, quemadmo-
 dum sperasti tardiores fuerunt, sed ornatiores tuo
 iudicio ad testimonia dicenda venerunt, quibus ex
 hostium spoliis? de qua victoria? qua ex preda, aut
 manubiis hæc abs te donatio constituta est? an
 quod, te prætor, paucorum aduētu myoparonum,
 classis pulcherrima, Siciliæ propugnaculum, præsi-
 diumque provinciæ, piratarum manibus incensa
 est? an quod ager Syracusanus prædonū incendiis,
 te prætor, vastatus est? an quod forum Syracusa-
 num nauarchorum sanguine redundauit? an quod
 in portu Syracusano piraticus myoparo nauigauit?
 nihil possum reperire, quamobrem te in istâ amen-
 tiam incidisse arbitrer, nisi, forte id egisti, vt homi-
 nibus ne obliuisci quidem rerum tuarum male ge-
 starum liceret. Annulo est aureo scriba donatus, &
 ad eam donationem cōcio est aduocata, quod erat
 os tuum, cum videbas in concione eos homines,
 quorū ex bonis iste annulus aureus donabatur, qui,
 ipsi anulos aureos posuerant, liberisq; detraxerant,
 vt esset vnde scriba tuus hoc tuum munus, ac be-
 neficium tueretur? quæ porro præfatio tuæ dona-
 tionis fuit? illa scilicet vetus, atque imperatoria?
 Quando tu quidem in prælio, in bello, in re milita-
 ri: cuius ne mentio quidē, te prætor, vlla facta est.
 an illa? Quando quidem tu nulla vnquam mihi in
 cupiditate, ac turpitudine defuisti, omnibusque in
 iisdem flagitiis mecum & in legatione, & prætu-
 ra, & hic in Sicilia versatus es; ob hæc res, quo-
 niam te locupletauit, hoc anulo aureo dono. vera
 hæc fuisset oratio. non enim iste anulus aureus abs
 te * datus, istum virum fortem, sed hominem lo-
 cupletem esse declarat. ita eundem anulum ab aliq
 datum

datum testem virtutis duceremus? abs te donatum comitem pecuniæ iudicamus. Dictum, iudices, est de decumano frumento, dictum de empto: extremum & reliquum est, de æstimate. quod tum magnitudine pecuniæ, tum iniuriæ genere quemuis debet commovere; * & vero eo magis, quod ad hoc crimen non ingeniosa aliqua defensio, sed improbitissima confessio comparatur. Nam cum ex s. c. & ex legibus frumentum ei in cellam sumere liceret; idque frumentum senatus ira æstimasset, quaternis h. s. tritici modium binis hordei; iste numero ad summam tritici adiecto, tritici modios singulos cum aratoribus denariis ternis æstimavit. Non est in hoc crimen, Hortensiusne forte ad hoc meditare: multos sæpe viros bonos, & fortes & innocentes, cum aratoribus & cum ciuitatibus frumentum in cellam quod sumi oporteret, æstimasse, & pecuniam pro frumento abstulisse. Scio, quid soleat fieri: scio, quid liceat: nihil quod antea fuerat in consuetudine bonorum, nunc in istius facto reprehenditur. hoc reprehendo, quod cum in Sicilia h. s. 11. tritici modius esset, ut istius epistola ad te missa declarat, summum h. s. ternis, id quod & testimoniis omnibus & tabulis aratorum planum factum antea est: tum iste pro tritici modiis singulis ternos ab aratoribus denarios exegit. Hoc crimen est ut intelligas, non ex æstimatione, neque ex ternis denariis pendere crimen, sed ex coactione annonæ, atque æstimationis. Etenim hæc æstimatio nata est, iudices, initio non ex prætorum, aut consulum, sed ex aratorum, atque ciuitatum commodo. Nemo enim fuit initio tam impudens, qui, cum frumentum deberetur, pecuniam posceret. certe hoc ab aratore primum est profectum, aut ab ea ciuitate, cui imperabatur. cum aut frumentum vendidisset, aut seruare vellet, aut in eum locum, quo imperabatur, frumentum portare nolle petiuit in benefi-

cij loco, & gratiæ, vt sibi pro frumento, quanti frumentum esset, dare liceret. Ex huiusmodi principio, atque ex liberalitate, atque accommodatione magistratuum, consuetudo æstimationis introducta est. Secuti sunt auariores magistratus: quí tamen in auaritia sua non solum viam quæstus inuenerunt: verum etiam exitum, ac rationem * defensionis instituerunt. semper ad vltima, ac difficillima loca apportandum frumētum imperare; vt vecturæ difficultate ad quam vellent æstimationem peruenirent. In hoc genere facilius est. existimatio. quam reprehensio, ideo quod eum, qui hoc facit, auarum possumus existimare: crimen in eo constitutur non tam facile possumus. quod videtur concedendum magistratibus nostris esse, vt iis, quo loco velint, frumentum accipere liceat. Itaque hoc est quod multi fortasse fecerunt, & ita multi vt ij, quos innocentissimos meminimus, aut audiuius, non fecerint. Quæro nunc a te, Hortensi, cum vtris tandem istius factum collaturus es? cum iis, credo, qui benignitate adducti per beneficium, & gratiam ciuitatibus concesserunt, vt nummos pro frumento darent. Ita, credo, petiisse ab isto aratores, vt cum h-s. ternis tritici modium vendere non possent; pro singulis modiis, ternos denarios dare liceret. An quoniam hoc non audes dicere; illuc confugies, vecturæ difficultate adductos ternos denarios dare maluisse: cuius vecturæ? quo ex loco? in quem locum ne portarent? Philomelone Ephesum? video, quid inter annonā interesse soleat: video quot dierum via sit: video Philomelensibus expedire, quanti Ephesi sit frumētum, tantū dare, potius in Phrygia, quam Ephesum portare: aut ad emendum frumentum Ephesum pecuniam, & legato: mittere. In Sicilia vero quid eiusmodi? Enna mediterranea est maxime. cogite vt ad aquam tibi, id quod summi iuris est, frumentum Ennenses metiantur, vel Plutiam,

tiam, vel Halesam, vel Catinam, loca inter se maxime diuersa: eodem die quo iusseris, deportabunt. tametsi ne vectura quidē opus est. Nam totus quæstus hic, iudices, æstimationis ex annonæ natus est varietatē. hoc enim magistratus in prouincia assequi potest, ut ibi accipiat, ubi est carissimum. ideo valet ista ratio æstimationis in Asia; valet in Hispania; valet in his prouinciis, in quibus vnum pretium frumento esse non solet. in Sicilia vero quid cuiusquam intererat, quo loco daret? neque enim portandum erat: & quo quisq; vehere iussus esset, tibi tantidem frumentum emeret, quanti domi vendidisset. Quamobrem si quid Hortensi, docere vis, aliquid ab isto simile in æstimatione atque a ceteris esse factum; doceas oportet, aliquo in loco Sicilia, prætor Verre, ternis denariis tritici modium fuisse. vide quam tibi defensionē patefecerim, quam iniquam in locos, quam remotā ab utilitate reip. quam seiunctā a voluntate, atque sententia legis. tu, cum tibi ego frumentum in meis agris, atque in mea ciuitate denique cum in iis locis, in quibus es, versaris, rem geris, prouinciam administras paratus sim dare; angulum mihi aliquem eligas prouinciæ, reconditum ac derelictum? iubeas ibi me metiri, quo portare non expediat? ubi emere non possim? improbum facinus, iudices, non ferendum, nemini lege concessum, sed fortasse adhuc in nullo etiam vendicatum tamen ego hoc, quod ferri nego posse Verri, iudices, cōcedo, & largior. si vllō in loco eius prouinciæ frumentum tanti fuit quanti iste æstimauit, hoc crimen in istum reum valere oportere non arbitror. Verum enimvero cum *esset a. s. binis, aut etiam ternis quibusuis in locis prouinciæ, duodenos sesterios exegisti. Si mihi tecum neque de annona, neq; de æstimatione tua potest esse controuersia, quid sedes? quid expectas? quid defendes? utrum tibi pecuniæ conciliatæ videntur ad-

uersum leges, aduersum rempub. cum maxima sociorum iniuria; an vero id recte, ordine, e rep. sine cuiusquam iniuria factum esse defendes? cum tibi senatus ex ærario pecuniam prompsisset, & singulos tibi denarios adnumerasset, quos tu pro singulis modis aratoribus solueres: quid facere debuisti? si quod L. Piso ille frugi, qui legem de pecuniis repetundis primus tulit: cum emisisses quanti esset, quod superaret pecuniæ, retulisses: si, ut ambitiosi homines, aut benigni: cum pluris senatus æstimasset quam quanti esset annonæ, ex senatus æstimatione, non ex annonæ ratione soluisses: sin, ut plerique faciunt (in quo etiam erat aliquis quæstus, sed is honestus, atque cōcessus) frumentum, quoniã uilius erat, ne emisisses: sumpsisses id nummorum, quod tibi senatus cellæ nomine concesserat. Hoc uero quid est? quam habet rationem, non quæro æquitatis, sed ipsius improbitatis, atq; impudentiæ? neque enim est fere quidquam, quod homines palam facere audeant in magistratu, quamuis improbi; quin eius facti, si non bonam, at aliquam rationem asferre soleant. hoc quid est? venit prætor: frumentum inquit, me abs te emere oportet. optime. modium denario. benigne. ac liberaliter: nam ego tribus h-s. non possum vendere. mihi frumento non opus est: nummos volo. *nam speraueram, inquit arator, me ad denarios peruenturum: sed si ita necesse est; quanti frumentum sit considera. Video esse binis h-s. Quid ergo a me tibi nummorum dari potest, cum senatus tibi quaternos nummos dederit? Quid poscit. attendite: & vos quæso simul, iudices, æquitatem prætoris attendite, Quaternos h-s. quos mihi senatus decreuit, & ex ærario dedit ego habebō, & in cistam transferam ex fisco. Quid postea? quid? pro singulis modijs, quos tibi impero, tu mihi octonos h-s. dato. qua ratione? quid quæris rationem? non tantam rationem res habet, quantam utilitatem. atque

que prædam. * dic, inquit ille, planius. Senatus te voluit mihi nummos dare, me tibi frumentum metiri: tu eos nummos quos mihi senatus dare voluit, ipse habebis? a me, cui singulos denarios dari oportuit, binos auferes? & huic prædæ, ac dirptioni cellæ nomen imponis? * hæc deerat iniuria, & hæc calamitas aratoribus te prætor, qua reliquis fortunis omnibus enervarentur. Nam quid esse reliqui poterat ei, qui per hanc iniuriam non modo frumentum omne amittere, sed etiam omne instrumentum vendere cogeretur? quo enim se verteret, non habebat. ex quo fructu nummos, quos tibi daret, inueniret? decumarum nomine tantum erat ablatum, quantum voluntas tulerat Apronij: pro alteris decumis emptorq; frumento, aut nihil datû; aut tantum datum, quantum reliqui scriba fecerat; aut ultro etiam (id quod didicistis) ablatum. Cogantur etiam nummi ab aratore. quomodo? quo iure? quo exemplo? Nam cum fructus diripiebantur aratorum, atque omni lacerabantur iniuria; videbatur id perdere arator, quod aratro ipse quaesisset, * quod elaborasset, quod agri, segetesque extulissent. Quibus iniuriis gravissimis, tamen illud erat miserum solatium; quod id perdere videbatur, quod alio prætor, eodẽ ex agro reparare posset, nummos vero ut * daret arator, quos non aratro ac manu quaerit; boues & aratrum ipsum, & omne instrumentum vendat necesse est. Non enim debetis hoc cogitare: habet idẽ in nummis; habet idem in urbanis prædiis. nam cum aratori onus aliquod imponitur, non omnes, si quæ sunt præterea, fac ultates, sed arationis ipsius vis, ac ratio consideranda est, quid ea sustinere, quid pati, quid efficere possit, ac debeat. Quamquam illi quoq; sunt homines ab isto omni ratione exinaniti, ac perdit, tamen hoc vobis est statuendum, quid aratorem ipsum arationis nomine muneris in rempub. fungi, ac sustinere

velitis. Imponitis decumas: patiuntur. alteras: temporibus vestris seruendum putant. dent emptum prætere: dabunt, si voletis. Hæc quam sint grauiam, & quid his rebus detractis, possit ad dominos puri ac reliqui peruenire, credo vos ex vestris rebus rusticis coniectura assequi posse. addite nunc eodem istius edicta, instituta, iniurias: addite Apronij, Veneriorumq; seruorum in agro decumando regna ac rapinas. quamquam hæc omitto: de cella loquor. Placetne vobis in cellam magistratibus nostris frumentum Siculos gratis dare? Quid hoc indignius? quid iniquius? atq; hoc scito aratoribus, hoc prætoribus, optandum, ac petendum fuisse. Sositenus est Entellinus, homo cum primis ciuitatis prudens, & domi nobilis; cuius verba audistis: qui ad hoc iudiciū legatus publice cum Artemone, & Menisco primariis viris missus est. Is cum in senatu Entellino multa mecum de istius iniuriis ageret, hoc dixit, si hoc de cella, atque hac æstimatione concederetur, velle Siculos senatui polliceri frumentum in cellam gratis, ne posthac tantas pecunias magistratibus nostris decerneremus. Perpicere vos certo scio Siculis quantopere hoc expediat, non ad æquitatis conditionem, sed ad minima malorum eligenda. Nam qui mille modium Verri * suæ partis in cellam gratis dedisset, duo millia numum, aut summum tria dedisset, idem nunc pro eodem numero frumenti n. s. v. i. i. millia dare coactus est: hoc arator assequi per triennium certo fructu suo non potuit: venderit instrumentum necesse est. quod si hoc munus, & vectigal aratio tolerare; hoc est Sicilia ferre ac pati potest: populo Rom. ferat potius, quam nostris magistratibus. magna est pecunia; magnum præclarumq; vectigal. si modo id, salua prouincia, si sine iniuria sociorum percipere possitis: nihil detraho. Magistratibus tantumdem detur in cellam; quantum semper datum est: quod præterea Verres imperat,

rat, id si facere non possunt, recusent si possunt, populi Rom. potius hoc sit vestigal, quam prædatoris. Deinde cur in vno genere solo frumenti ista æstimationo constituitur? si est æqua & ferenda; populo Rom. Sicilia decumas det, pro singulis tritici modijs ternos denarios: sibi habeat frumentum. Data tibi pecunia est, Verres; una qua frumentum tibi emeris in cellam; altera, qua frumentum emeris a ciuitatibus, quod Romam mitteres. tibi datam pecuniam domi retines: & præterea pecuniam permagnam tuo nomine aufers, fac idem in eo frumēto, quod ad populum Ro. pertinet: exige eadem æstimatione pecuniam a ciuitatibus, & refer quam accepisti: tum refertius erit ærarium populi Romani, quam vnquam fuit. At enim istam rem in publico frumento Sicilia non ferret: hanc rem in meo frumento tulit: perinde quasi aut æquior sit ista æstimationo in tuo, quam in populi Romani commodo; aut ea res, quam ego dico, & ea, quam tu fecisti, inter se genere iniuriæ, non magnitudine pecuniæ differat. Verum istam ipsam cellam ferre nullo modo possunt. vt omnia remittantur, vt omnibus iniurijs, & calamitatibus, quas, te prætor tulerunt, in posterum liberentur; istam se cellam, atque istam æstimationem negant vlllo modo ferre posse. Multa Sophocles Agrigentinus apud Cn. Pompeium cos. nuper homo disertissimus, & omni doctrina & virtute ornatissimus, pro tota Sicilia de aratorum miserijs grauiter ac copiose dixisse, ac deplorasse dicitur. ex quibus hoc, ijs qui aderant (nam magno conuentu acta res est) indignissimum videbatur: qua in re senatus optime ac benignissime cum aratoribus egisset, large liberaliterque æstimasset; in ea re prædari prætorem, bonis euerti aratores; & id non modo fieri, sed ita fieri, quasi liceat, cōcessumque sit. Quid ad hæc Hortensius? falsum esse crimen? hoc numquam dicet. non magnam hac ratione pe-

cuniam captam? ne id quidem dicet. non iniuriam factam Siculis, atque aratoribus? qui poterit dicere? quid igitur dicet? fecisse alios? quid est hoc? vtrum crimini defensio; an comitatus exilio quaritur? tu in hac repub. atque in hac hominum libidine, & vt adhuc habuit se status iudiciorum, etiam licentia, non ex iure, non ex æquitate, non ex lege, nō ex eo quod licuerit, sed ex eo quod aliquis fecerit, id quod reprehenditur, recte factū esse defendes? * fecerunt aliqui alia quam multa. cur in hoc vno crimine, isto genere defensionis vteris? Sunt quædam omnino in te singularia, quæ in nulum alium hominem dici, neq; conuenire possint; quædam tibi cum multis communia. ergo, vt omittam tuos peculatus, vt ob ius dicendum pecunias acceptas, vt eiusmodi cetera, quæ forsitan alij quoque etiam fecerint: illud in quo te grauissime accusauimus, quod ob iudicandum rem, pecuniam accepisses, eadē ista ratione defendes, fecisse alios? vt ego assentiar orationi; defensionem tamen non probabo. potius enim te damnato, ceteris angustior locus improbitatis defendendæ relinquetur, quam te absoluto, alij, quod audacissime fecerunt, recte fecisse existimentur. Lugent omnes prouinciæ; queruntur omnes liberi populi; regna deniq; iam omnia de nostris cupiditatibus, & iniuriis expostulant: locus intra Oceanum iam nullus est, neque tam longinquus, neque tam reconditus, quo non per hæc tempora nostrorum hominum libido, iniquitasque peruasferit: sustinere iam populus Rom. omnium nationum non vim, non arma, non bellum, sed luctum, lacrymas, querimonias nō potest. in eiusmodi re, ac moribus, si is, qui erit adductus in iudicium, cum manifestis in flagitiis tenebitur, alios eadem fecisse dicet: illi exempla non deerunt: reipublicæ salus deerit, si improborum exemplis, improbi iudicio ac periculo liberabuntur. Placent vobis

bis hominum mores? placet ita geri magistratus, ut geruntur? placet socios sic tractari, quod restat, ut per hæc tempora tractatos videtis? cur hæc a me opera consumitur? quid sedetis? cur non in media oratione mea consurgitis, atque disceditis? Vultis autem istorum audacias, ac libidines aliqua ex parte refecare? desinite dubitare, utrum sit vtilius, propter multos improbos vni parcere, an vnius improbi supplicio multorum improbitatem coercere. Tamen illi, quæ ista sunt exempla multorum? nam cum in causa tanta, cum in crimine maximo dici a defensore ceptum est, factitatum esse aliquid, expectant ij qui audiunt, exempla ex vetere memoria, & monumentis, ac literis, plena dignitatis, plena antiquitatis. hæc plurimum solent & auctoritatis habere ad probandum; & iucunditatis ad audiendum. Africanos mihi, & Catones, & Lælios commemorabis? & eos fecisse idem dices? quamuis res non placeat: tamen contra hominum auctoritatem pugnare non potero. an cum eos non poteris proferre, hos recentes, Q. Catulum patrem, C. Marium, Q. Scæuolam, M. Scaurum, Q. Metellum; qui omnes prouincias habuerunt, & frumentum cellæ nomine imperauerunt? magna est hominum auctoritas, & tanta, ut etiam delicti suspensionem tegere possit. Non habes ne ex his quidem hominibus, qui nuper fuerunt, vllum auctorem istius æstimationis. Quo me igitur, aut ad quæ exempla reuocas? ab illis hominibus, qui tum versati sunt in repub. cum & optimi mores erant, & hominum existimatio grauis habebatur, & iudicia seuera fiebant, ad hanc hominum licentiam, & libidinem me abducis? & in quos aliquid exempli populus Rom. statui putat oportere, ab ijs tu defensionis exempla quaeris? Non fugio ne hos quidem mores? dummodo ex his ea, quæ probat populus Rom. exempla, non ea quæ condemnat, sequamur. non circumspiciam, non

quæram foris, cum habeas iudices principes ciuitatis, P. Seruilius, Q. Catulus: qui tanta auctoritate sunt, tantis rebus gestis, ut in illo antiquorum & clarissimorum hominum, de quibus antea dixi, numero reponatur. exempla quærimus, & ea non antiqua. modo uterque horum exercitum habuit. Quære, Hortensi, quoniam te recentia exempla delectant, quid fecerint. Itane vero? Q. Catulus frumento est usus; pecuniam non coegit: P. Seruilius quinquennium exercitui cum præficeret, & ista ratione innumerabilem pecuniam facere posset; non statuit sibi quicquam licere, quod non patrem suum, non auum Q. Metellum facere vidisset: C. Verres reperitur, qui quod expediat, id licere dicat? quod nemo, nisi improbus, fecerit, id aliorum exemplo se fecisse defendat? At in Sicilia facilitatum est. Quæ est ista condicio Siciliæ? cur, quæ optimo iure propter vetustatem, fidelitatem, propinquitatem esse debet, huic præcipue lex iniuriæ definitur? Sed in ista ipsa Sicilia, non quæram exemplum foris: hoc ipso ex consilio utar exemplis. C. Marcelle, te appello: Siciliæ provinciæ, cum esses pro consule, præfuisse: num quæ in tuo imperio pecuniæ cellæ nomine coactæ sunt? neque ego hoc in tua laude pono: alia sunt tua facta, atque consilia summa laude digna: quibus illam tu provinciam afflictam & perditam erexisti, atque recreasti. nam hoc de cella ne Lepidus quidem fecerat, cui tu successisti. Quæ sunt tibi igitur exempla in Sicilia, cellæ, si hoc crimen non modo Marcelli facto, sed ne Lepidi quidem potes defendere? an me ad M. Antonij æstimationem frumenti, exactionemque pecuniæ reuocaturus es? Ita, inquit, ad M. Antonij. hoc enim mihi significasse, & annuisse visus est. Ex omnibusne igitur populi Rom. prætoribus, * consulibus, imperatoribus M. Antonium delegisti, & eius unum improbissimum factum, quod imitarere? & hic vtrum mihi difficile

difficile est, dicere, an his existimare, ita se in illo infinito imperio M. Antonium gessisse, ut multo istius perniciosius sit dicere, se in re improbißima voluisse Antonium imitari, quam si * posset defendere, nihil in vita se M. Antonio simile fecisse? Homines in iudiciis ad crimen defendendum non quid fecerit quispiam proferre solent; sed quid probarint. Antonium, cum multa contra sociorum salutem, multa contra voluntatem provinciarum & faceret, & cogitaret; in mediis eius iniuriis, & cupiditatibus mors oppressit. tu mihi, quasi eius omnia facta atque consilia S. P. Q. R. iudices conprobarint, ita Antonij exemplo istius audaciam defendis. At idem fecit Sacerdos. hominem innocentem, & summa prudentia præditum nominas: sed tum idem fecisse erit existimandus; si eodem consilio fecerit. Nam genus æstimationis ipsum a me numquam est reprehensum: sed eius æquitas aratorum commodo, & voluntate perpenditur. non potest reprehendi vlla æstimatio, quæ aratori non modo incommoda non est, sed etiam grata est. Sacerdos, ut in provinciam venit, frumentum in cellam imperavit. cum esset ante novum, tritici mod. H. S. X V. petiuerunt ab eo ciuitates ut æstimaret: remissior aliquanto eius fuit æstimatio, quam annona. nam æstimauit denariis IIII. Vides eandem æstimationem propter temporis dissimilitudinem, in illo laudis causam habere, in te criminis? in illo beneficij, in te iniuriæ? Eodem tempore Antonius IIII. denariis æstimauit post messem, summa in vilitate, cum aratores frumentum dare gratis malebant: & aiebat, se tandidem æstimasse, quanti Sacerdotem: neque mentiebatur. sed eadem ista æstimatione alter subleuabat aratores; alter euerterat. quod nisi omnis frumenti ratio, ex temporibus esset & annona; non ex numero, neque ex summa consideranda; numquam tam grati hi sesquimodij, Q. Hortensii, fuissent.

quos tu, cum ad mensuræ tam exiguam rationem populi Romani in capita descripsisses. gratissimum omnibus fecisti. caritas enim annonæ faciebat, ut istuc, quod re paruum * videbatur, tēpore magnum videretur. Idem istuc si in vtilitate populo Romano largiri voluisses; derisum tuum beneficiū esset, atque contemptum. Noli igitur dicere istum idem fecisse, quod Sacerdotem; quoniam non eo tempore, neq; simili fecit anno. dicito potius, quoniam habet auctorem idoneum, quod Antonius vno aduentu, & vix menstruis cibarijs fecerit; id istum per triennium fecisse: & istius innocentiam M. Antonij facti, atq; auctoritate defendito. Nam de Sex. quidem Peduceo fortissimo atque innocentissimo viro quid * dicis? de quo quis vñquam arator questus est? aut, quis non ad hoc tempus innocentissimam omnium, diligentissimamque præturam illius hominis existimauit? Biennio prouinciam obtinuit, cum alter annus in vilitate; alter in summa caritate fuerit. num aut in vilitate nummum arator quicquam dedit? aut in caritate de æstimatione frumenti questus est? At vberiora cibaria facta sunt caritate, credo neque id est nouum, neq; reprehendendum. modo C. Sentium vidimus hominem vetere illa ac singulari innocentia præditum, propter caritatem frumenti, quæ fuerat in Macedonia, permagnā ex cibariis pecuniam deportare. Quamobrem non ego inuideo tuis commodis, si qua ad te lege venerunt: iniuriam queror, improbitatem arguo, auaritiam in crimen, & in iudicium voco. Quod si suspensiones iniicere voletis, ad plures homines, & ad plures prouincias crimen hoc pertinere: non ego istam defensionem vestram pertimescam. sed me omnium prouinciārum defensorem esse profitebor. Etenim hoc dico, & magna voce dico: Vbicumque hoc factum est, improbe factum est: quicumq; hoc fecit, supplicio dignus est. Nam per deos immortales

les videre, iudices, & prospicite animis, quid futurum sit. multi magnas pecunias ab inuitis ciuitatibus, atq; ab inuitis aratoribus ista ratione cellæ nomine coegerūt: (omnino ego neminem video, præter istum: sed do hoc vobis & concedo, esse multos) in hoc homine rem adductam in iudicium videtis. Quid facere potestis? vtrum, cum iudices sitis de pecunia capta, conciliata, tantam pecuniam captam negligere, an, cum lex sociorum caussa rogata sit, sociorum quarimonias non audire? Verum hoc quoque vobis remitto: negligite præterita, si vultis: sed ne reliquas spes turbetis, atque omnes provincias euertatis, id prouidete: ne avaritiæ, quæ antehac occultis itineribus, atq; * angustiis uti solebat, auctoritate vestra viam patefaciatis illustrem, atque latam. Nam si hoc probatis, & si hoc licere, pecunias isto nomine capi, iudicatis; certe hoc, quod adhuc nemo, nisi improbissimus, fecit, post hac nemo, nisi stultissimus, nõ faciet. improbi sunt, qui pecunias contra leges cogunt: stulti, qui quod licere iudicatum est, prætermittunt. Deinde, iudices, videte, quam infinitam sitis hominibus licentiam pecuniarum eripiendarum daturi. Si ternos denarios qui coegit, erit absolutus: quaternos denos denique aut vicenos coget alius: quæ erit reprehensio? in quo primum iniuriæ gradu resistere incipiet seueritas iudicis? quotus erit iste denarius, qui non sit ferendus, & in quo primum æstimationis iniquitas, atque improbitas reprehendatur? non enim a vobis summa, sed genus æstimationis est * comprobatum; neque hoc potestis iudicare, ternis * denariis æstimare licere. vbi enim semel ab annonæ ratione, & ab aratorum voluntate res ad prætoris libidinem translata est? non est iam in lege, atque in officio, sed in voluntate hominum, atque audacia positus modus æstimandi. Quapropter si vos semel in iudicando finem æquitatis, & legis transferitis:

scitote vos nullum ceteris in æstimando finem improbitatis, avaritiæ reliquisse. Videte igitur, quam multa simul a vobis postulentur, absoluite eum, qui se fateatur maximas pecunias cum summa sociorum iniuria cepisse. non * satis. sunt alij quoque complures, qui idem secerint. absoluite etiam illos, si qui sunt: ut vno iudicio quam plurimos improbos liberetis, ne id quidem satis est. facite ut ceteris posthac idem liceat. licebit. at hoc parum est, permittite ut liceat, quanti quisque velit, tanti æstimet. æstimabit. Videtis iam profecto, iudices, hac æstimatione a vobis comprobata, neque modum posthac avaritiæ cuiusquam, neque penam improbitatis futuram. Quas ob res quid agis, Hortensi? consul es designatus, provinciam sortitus es: de æstimatione cum dices frumenti, sic te audiemus, quasi id, quod ab isto recte factum esse defendes, te facturum profiteare: & quasi quod isti licitum esse dices, vehementer cupias tibi licere, atqui si id licebit, nihil est quod putetis quemquam posthac commissurum, ut de pecuniis repetundis condemnari possit. quantam enim quisque concupierit pecuniam, tantam licebit per cellæ nomen, æstimationis magnitudine consequatur. At enim est quiddam, quod etiam si palam in defendendo non dixit Hortensius, tamen ita dicit, ut vos id suspicari & cogitare possitis, pertinere hoc ad commodum senatorium, pertinere ad utilitatem eorum, qui iudicent, qui in provinciis cum potestate, aut cum legatione se futuros aliquando arbitrentur. Præclaros * vero existimas iudices nos habere; quos alienis peccatis concessuros putes, quo facilius ipsos peccare liceat. Ergo id volumus populum Rom. id provincias, id socios, nationesque exteras existimare, si senatores iudicent, hoc certe vnum genus infinitæ pecuniæ per summam iniuriam cogendæ nullo modo posse reprehendi? quod si ita est, quid possumus contra illum prætorem

prætozem dicere, qui quotidie templum tenet, qui rempublicam sistere negat posse, ni ad equestrem ordinem iudicia referantur? Quid si ille hoc vnum agitare cœperit, esse aliquod genus cogendæ pecuniæ senatorum commune, & iam prope concessum ordini, quo genere ab sociis maxima pecunia per summam iniuriam * auferatur: neque vlllo * modo senatoriis iudiciis reprehendi posse, idq; dum equester, ordo iudicaret, numquam esse cõmissum: quis obftet? quis erit tam cupidus vestri, tam fautor ordinis, qui de transferendis iudiciis possit recusare? Atque vtinam posset aliqua ratione hoc crimen, quamuis falsa, modo humana, atque vsitata defendere. minore periculo vestro, minore periculo prouinciarum omnium iudicaretis. * Negaret hic æstimatione se vsus: vos id credidisse homini, non factum comprobasse videremini. nullo modo negare potest: vrgetur tota Sicilia: nemo est ex tanto numero aratorum, a quo pecunia cellæ nomine non sit exacta. Vellem etiam hoc posset dicere, nihil ad se istam rationem pertinere: per quæstores rem frumentariam esse administratam. ne id quidem ei licet dicere: propterea quod ipsius literæ recitantur ad ciuitates de ternis denariis missæ. Quæ est igitur defensio? feci quod arguis, coegi pecunias maximas cellæ nomine. sed hoc mihi licuit vobis, si prospiciris, licebit. Periculosum prouinciis, genus iniuriæ confirmari iudicio: perniciosum nostro ordini, populum Romanum existimare, non posse eos homines, qui ipsi legibus teneantur, leges in iudicando religiose defendere. Atque, isto prætoze, iudices, non solum æstimandi frumenti modus non fuit, sed ne imperandi quidem. neque enim id quod debebatur, sed quantum commodum fuit, imperauit. Summam faciam vobis ex literis publicis & testimoniis ciuitatum frumenti in cellam imperati. reperiētis quinquies tanto, iudices, amplius istum,

quam quantum ei in cellam sumere licitum sit, ciuitatibus imperasse. Quid ad hanc impudentiam addi potest, si & æstimauit tanti, vt homines ferre non possent; & tanto plus quam erat ei concessum legibus, imperauit? Quapropter cognita tota re frumentaria, iudices, iam facillime perspicere potestis, amissam esse populo Romano Siciliam fructuosissimam, atque oportunissimam prouinciam, nisi eam vos istius dānatione recuperatis. Quid est enim Sicilia, si ei agri cultionem sustuleris, & si aratorum numerum ac nomen extinxis? quid enim potest esse in calamitate residui, quod non ad miseros aratores, isto prætoris per summam iniuriam, ignominiamq; peruenerit? quibus, cum decumas dare deberent; vix* ipsis decumæ relictæ sunt? cum pecunia deberetur; soluta non est: cum optima æstimatione senatus frumentum eos in cellam dare voluisset; etiam instrumēta agrorum vendere coacti sunt. Dixi iam antea, iudices, vt has omnes iniurias tollatis, tamen ipsam rationem arandi spe magis, & iucunditate quadam, quam fructu atque emolumento teneri. etenim ad incertum casum, & euentum, certus quotannis labor, & certus sumptus impenditur, annonā porro pretium, nisi in calamitate fructuū non habet. si autem vbertas in percipiendis fructibus fuit, consequitur vilitas in vendendis: vt aut male vendendum intelligas, si processit: aut male perceptos fructus, si recte licet vendere. Totæ autem res rusticæ eiusmodi sunt, vt eas non ratio, neque labor, sed res incertissimæ, venti, tempestatesque moderentur. Hinc cum vnæ decumæ lege &* condicione trahantur, altere nouis institutis propter annonæ rationem imperentur: ematur præterea frumentum quotannis publice: postremo etiam in cellam magistratibus & legatis imperetur: quid, aut quantum præterea est, quod aut liberum possit habere ille arator, ac dominus in potestate suorum fructuum aut

in ipsis fructibus solum? Quod si hæc feruntur omnia: si vobis potius ac populo Romano, quam sibi, & suis commodis, opera, sumptu, labore deseruiunt: etiamne hæc noua debent edicta, & imperia prætorum, & Apronij dominationem, & Veneriorum seruorum furta, rapinasque perferre? etiamne frumentum pro empto gratis dare? etiamne in cellam cum cupiant gratis dare vltro, pecuniam grandem dare? etiamne hæc tot detrimenta, atq; damna cum maximis iniuriis contumeliisque perferre? Itaque hæc, iudices, quæ pati nullo modo potuerunt, non pertulerunt. arationes tota Sicilia desertas, atque a dominis relictas esse cognoscitis. neque quidquam aliud agitur hoc iudicio, nisi vt antiquissimi socij fidelissimiq; Siculi, coloni populi Romani, atq; aratores, vestra seueritate, & diligentia, me duce, atque auctore, in agros atq; in sedes suas reuertantur.



ACCUSATIONIS

IN C. VERREM

LIBER VI.

ORATIO NONA.



VENIO nunc ad istius, quemadmodum ipse appellat, studium; vt amici eius, morbum, & insaniam; vt Siculi, latrocinium. ego, quo nomine appellem, nescio. rem vobis proponam: vos eam suo nominis pondere penditote. genus ipsam prius cognoscite, iudices: deinde fortasse non magnopere queretis,

quo id nomine appellandum putetis. Nego in Sicilia tota, tam locuplete, tam vetere prouincia, tot oppidis, tot familiis, tam copiosis, vllum argenteum vas, vllum Corinthium, aut Deliacum fuisse: nego vllam gemmam, aut margaritam fuisse, aut quidquam ex auro, aut ebore factum, signum vllum æneum, marmoreum, eburneum: nego vllum picturam, neque in tabulis, neque textilem fuisse, quin *quæsierit, inspexerit; quod placitum sit, abstulerit. magnum videor dicere. attendite etiam, quemadmodum dicam. non enim verbi, neque criminis augendi causa complector omnia. cum dico, nihil istum eiusmodi rerum in tota prouincia reliquisse, Latine me scitote, non accusatorie loqui. etiam plinius: nihil in ædibus cuiusquam, ne in oppidis quidem: nihil in locis communibus, ne in fanis quidem: nihil apud Siculum, nihil apud ciuem Romanum: deniq; nihil istum, quod *oculos animumque accenderit, neq; priuati, neq; publici, neq; profani, neq; sacri, tota in Sicilia reliquisse. Vnde igitur potius incipiam, quam ab ea ciuitate, quæ tibi vna in amore, atque in deliciis fuit? aut ex quo potius numero, quam ex ipsis laudatoribus tuis? facilius enim perspicietur, qualis apud eos fueris, qui te oderunt, qui accusant, qui persequuntur: cum apud tuos Mamertinos inueniari improbissima ratione esse prædatus. C. Heius est Mamertinus (omnes hoc mihi, qui Messanam acceperunt, facile concedent) omnibus rebus in illa ciuitate ornatissimus. huius domus est vel optima Messanæ, notissima quidem certe, & nostris hominibus apertissima, maximeque *perhospitalis. Ea domus ante aduentum istius sic ornata fuit, vt vrbi quoque esset ornamento. nam ipsa Messana, quæ situ, mœnibus, portuq; ornata sit ab his rebus, quibus iste delectatur, sane vacua, atque nuda est. Erat apud Heium sacrarium magna cum dignitate in ædibus a maioribus traditum, per-

antiquum:

antiquum: in quo signa pulcherrima quattuor summo artificio, summa nobilitate: quæ non modo istum hominem ingeniosum, atque intelligentem, verum etiam quæcuius nostrum, quos iste idiotas appellat, delectare possent: vnum Cupidinis marmoreum Praxitelis: (nimirum didici etiam, dum in istum inquiri, artificum nomina) idem opinor artifex eiusdem modi Cupidinem fecit illum, qui est Thespis: propter quem Thespis visuntur, nam alia visendi causa nulla est. Itaque ille L. Mummius, cum Thespis ea, quæ ad ædem Felicitatis sunt, ceteraque profana ex illo oppido signa tolleret, hunc marmoreum Cupidinem, quod erat consecratus, non attigit. Verum, ut ad illud sacrarium redeam, signum erat hoc, quod dico, Cupidinis e marmore: ex altera parte Hercules egregie fictus ex ære. is dicebatur esse Myronis, ut opinor: & certe ita est. * ante hosce deos erant tabulæ, quæ cuius sacrarii religionem significare possent; erant ænea præterea duo signa non maxima, verum eximia venustate, virginali habitu, atque vestitu, quæ, manibus sublatis, sacra quædam more Atheniensium virginum reposita in capitibus sustinebant. Canephoræ ipsæ vocabantur. sed earum artificem quem; quemnam? recte admones. Polycletem esse dicebant. Messaniam, ut quisque nostrum venerat, hæc visere solebat: omnibus hæc ad visendum patebant quotidie: domus erat non domino magis ornamento, quam ciuitati. C. Claudius, cuius ædilitatem magnificentissimam scimus fuisse, usus est hoc Cupidine tamdiu, dum forum diis immortalibus, populoque Romano habuit ornatum: & cum esset hospes Heiorum, Mæmerti autem populi patrōnis; ut illis benignis usus est ad commodandum, sic ipse diligens fuit ad reportandum. Nuper homines nobiles eiusmodi, iudices? & quid dico nuper? immo vero modo, ac plane paullo ante vidimus; qui forum, ac basilicas non

spolijs prouinciarum, sed ornamentis amicorum: commodis hospitum, non furtis nocentium, ornarent: qui tamen signa, atq; ornamenta sua cuiq; reddebant, non ablata ex vrbibus sociorum quatruidi causa per simulationem ædilitatis, domum deinde, atq; ad suas villas auferebant. Hæc omnia, quæ dixi, signa, iudices, ab Heio de sacrario Verres abstulit: nullum, inquam, horum reliquit, neque aliud vllum tamen, præter vnum peruetus ligneum, Bonam Fortunam, vt opinor. eam iste domi suæ habere noluit. Pro deum hominumq; fidem; quid hoc est? quæ hæc causa? quæ hæc impudentia est? quæ dico signa, antequam, abs te sublata sunt, Messaniam cum imperio nemo venit, quin viderit. tot prætores, tot consules in Sicilia, tum in pace, tum etiam in bello fuerunt, tot homines cuiusque modi: non loquor de integris, innocentibus, religiosis: tot cupidi, tot improbi, tot audaces: quorum nemo sibi tam vehemens, tam potens, tam nobilis visus est qui ex illo sacrario quidquam poscere, aut tollere, aut attingere auderet. Verres quod ubiq; erit pulcherrimum auferet? nihil habere præterea cuiquam licebit? tot domus locupletissimas domus istius vna capiet? idcirco nemo superiorum attigit, vt iste tolleretur? ideo C. Claudius Pulcher retulit, vt C. Verres posset auferre? At non requirebat ille Cupido lenonis domum, ac meretriciam disciplinam: facile illo sacrario patrio continebatur: Heio se a maioribus relictum esse sciebat ad hæreditatem sacrorum non quærebat meretricis heredem. Sed quid ego tam vehementer inuehor? verbo iam vno repellar, emi, inquit. O dii immortales præclaram defensionem, mercatorem cum imperio, ac securibus in prouinciam misimus: qui omnia signa, tabulas pictas, omne argentum, aurum, ebur, gemmas coemeret: nihil cuiquam relinqueret. hæc enim mihi ad omnia defensio patefieri videtur, emissem. Primum,

si id, quod vis, tibi ego concedam, vt emeris; quoniam in toto hoc genere hac vna defensione vsurus es: quæro cuiusmodi tu iudicia Romæ putaris esse, si tibi hoc quemquam concessurum putasti, te in prætura, atque imperio, tot res, tam prætiosas, omnes denique res, quæ alicuius pretij fuerint, tota ex prouincia coemisse? Videte maiorum diligentiam, qui nihildum etiam istiusmodi suspicabantur, verum tamen ea, quæ paruis in rebus accidere poterant, providebant. Neminem, qui cum potestate, aut legatione in prouinciam esset profectus, tam amentem fore putarunt, vt emeret argentum: dabatur enim de publico. vt vestem: præbebatur enim legibus: mancipium putauerunt, quo & omnes utimur, & non præbetur a populo. sanxerunt, ne quis emeret mancipium, nisi in demortui locum. si quis Romæ esset demortuus? immo, si quis ibidem. non enim te instruere domum tuam voluerunt in prouincia; sed illum vsum prouinciæ supplere. quæ fuit causa, cur tam diligenter nos in prouincijs ab emptionibus remouerent? hæc, iudices, quod putabant ereptionem esse, non emptionem, cum venditori suo arbitrato vendere non liceret. in prouincijs intelligebant, si is, qui esset cum imperio ac potestate, quod apud quemque esset, emere vellet, idque ei liceret: fore, vti quod quisque vellet, siue esset venale, siue non esset, quanti vellet, auferret. Dicit aliquis, Noli isto modo agere cum Verre: noli eius facta ad antiquæ religionis rationem exquirere: cōcede, vt impune emerit, modo vt bona ratione emerit, nihil pro potestate, nihil ab inuito, nihil per iniuriam, sic agam. si quid venale habuit Heius, si id quanti æstimabat, tanti vendidit: desino quærere, cur emeris. Quid igitur nobis faciundum est? num argumentis vtendum in re eiusmodi? quærendum credo est, Heius iste num æs alienum habuerit, num auctionem fecerit: si fecit, num tanta difficultas e-

um rei nummariz tenuerit, tanta egestas, tanta vis oppreſſerit, vt ſacrarium ſuum ſpoliaret, vt deos patrios videret. At hominem video auſtioneſ feciſſe nullam; vendidiſſe, præter fructus ſuos, nihil vñquam; non modo in ære alieno nullo, ſed in ſuis nummis* multos eſſe, ac ſemper fuiſſe. ſi hæc cõtra, ac dico, eſſent omnia; tamen illum hæc, quæ tot annos in familia, ſacrarioq; maiorum fuiſſent, venditurum nõ fuiſſe. Quid ſi magnitudine pecuniæ perſuaſum eſt ei? veriſimile non eſt, vt ille homo tam locuples, tam honeſtus, religioni ſuæ, monumētisq; maiorum pecuniam anteponeret. Sunt iſta: verum tamen abducuntur homines nõnumquam etiam ab inſtitutis ſuis, magnitudine pecuniæ. Videamus quãta iſta pecunia fuit, quæ potuerit Heium hominem maxime locupletem, minime avarum ab humanitate, & pietate, ab religione deducere. Ita iuſſiſti, opinor, ipſum in tabulas, referre: hæc omnia ſigna Praxitelis, Myronis, Polycleti H-S. * v l. mil. & d. Verri vendita ſunt. Recita ex tabulis. Iuuat me, hæc præclara nomina artificum, quæ iſti ad cælum ferūt, Verris æſtimatione ſic concidiſſe. Cupidinem Praxitelis H-S. M D c. proſecto hinc natum eſt, Malo emere, quam rogare. Dicet aliquis, Quid? tu iſta permagno æſtimas? ego vero ad meam rationem, vñſumq; non æſtimo. verum tamen a vobis ita arbitror ſpectari oportere, quanti hæc eorum iudicio, qui ſtudioſi ſunt harum rerum, æſtimentur: quanti venire ſoleant: quanti hæc ipſa, ſi palam, libereque venirent, venire poſſent: deniq; ipſe Verres, quanti æſtimet. numquam enim, ſi denarijs quadringentis Cupidinem illum putaret, commiſiſſet, vt propter eum in ſermonem hominum, atque in tantam vituperationem veniret. Quis veſtrũ igitur neſcit, quanti hæc æſtimentur? in auſtione ſignum æneum non magnum H-S. cxx. millibus venire non vidimus? quid ſi velim nominare homines, qui aut non mino-

ris, aut etiam pluris emerent? nonne possum? etenim qui modus est in his rebus cupiditatis, idem est æstimationis. difficile est enim finem facere præti; nisi libidini feceris. Video igitur Heium, neque voluntate, neque difficultate aliqua temporis, neque magnitudine pecuniæ adductum esse, ut hæc signa venderet, teque ista simulatione emptionis, vi, metu, imperio, fascibus, ab homine eo quem vna cum ceteris socijs non solum potestati tuæ, sed etiam fidei populus Rom. commiserat, eripuisse, atque abstulisse. Quid mihi tam optandum, iudices, potest esse in hoc crimine, quam ut hæc eadem dicat ipse Heius? nihil profecto. sed ne difficilia optemus. Heius est Mamertinus. Mamertina ciuitas istum publice communi consilio sola laudat. omnibus ipse ceteris Siculis odio est. ab his solis amatur. eius autem legationis, quæ ad istum laudandum missa est, princeps est Heius. Etenim est primus ciuitatis: ne forte, dum publicis mandatis seruiat; de priuatis iniurijs reticeat. hæc cum scirem & cogitarem, commisi tamen me iudices Heio. produxi eum prima actione: neq; id tamen vlllo periculo feci. Quid enim poterat Heius respondere, si esset improbus? si sui dissimilis? signa illa domi suæ esse, non apud Verrē? qui poterat quidquam eiusmodi dicere? ut homo turpissimus esset, impudentissimēq; mētiretur, hoc diceret, illa se habuisse venalia, eaq; sese quanti voluerit, vendidisse. Homo domi suæ nobilissimus, qui vos de religione sua, ac dignitate vere existimare maxime vellet, primo dixit se istū publice laudare, quod sibi ita mandatum esset; deinde, neque se illa habuisse venalia, neq; vlla condicione, si ytrum vellet, liceret, adduci vmq̃ potuisse, ut venderet illa, quæ in sacrario fuissent a maioribus suis relicta, & tradita. Quid sedes Verres? quid expectas? quid te a Centuripina ciuitate, a Catinenſi, ab Halesina, Tyndaritana, Ennensi, Agyrinensi, ceterisque Sici-

liæ ciuitatibus circumueniri, atque opprimi dicis? tua te altera patria, quæadmodum dicere solebas, Messana circumuenit. tua inquam, Messana, tuorum adiutrix scelestum, libidinum testis, prædaram ac furtorum receptrix. adest enim vir amplissimus eius ciuitatis, legatus huiusce iudicij causa domo missus, princeps laudationis tuæ, qui te publice laudat. ita enim mandatum, atque imperatum est. tamen rogatus de Cybea, tenetis memoria quid responderit: ædificatam publicis operis publice coactis, eique ædificandæ publice Mamertinum senatorem præfuisse. Idem ad vos priuatim, iudices, confugit: vititur hac lege, qua iudicium est communis, & priuatæ rei sociorum. tamen si lex est de pecunijs repetundis, ille se negat pecuniam repetere, quam ereptam non tantopere desiderat: sacra se maiorum suorum repetere abs te dicit; deos penates a te patrios reposcit. Ecqui pudor est? ecqua religio, Verres? ecqui metus? habitasti apud Heium Messanæ: res illum diuinas apud eos deos in suo sacratio prope quotidie facere vidisti, non mouetur pecunia: denique quæ ornamenti causa fuerunt non * requirit: habe Canephoras: deorum simulacra restitue. quæ quia dixit, quia, tempore dato, modeste apud vos socius, amicusque populi Romani questus est, quia religioni suæ non modo in dijs patriis repetundis, sed etiam in ipso iureiurando, ac testimonio proximus fuit; hominem missum ab isto scitote esse Messanam de legatis vnum, illum ipsum, qui nauis istius ædificandæ publice præfuit, qui a senatu peteret, ut Heius ignominia afficeretur. Homo amentissime, quid putasti? te impetraturum? quanti is a ciuibus suis fierit, quanti auctoritas eius haberetur, ignorabas? verum fac te impetrauisse: fac aliquid grauius in Heium statuisse Mamertinos: * quantum putas auctoritatem laudationis eorum futurum, si iam eum quem cõstet verum pro testimonio dixisse, pecuniam

poenam * constituerent? tametsi quæ est ista laudatio, cum laudator interrogatus laudat necesse est? Quid? isti laudatores tui, nonne testes mei sunt? Heius est laudator; læsit grauissime. producam ceteros: reticebunt, quæ poterunt, libenter: dicent quæ necesse erit * ingratius. Negent isti onerariam nauem maximam ædificatam esse Messanæ? negent, si possint. negent ei nauis faciundæ senatorem Mamertinum publice præfuisse? utinam negent. Sunt etiam cetera, * quæ malo integra reseruare; ut quam minimis sit illis temporis ad meditandum confirmandumque periurium. hæc tibi laudatio procedat in numerum. hi te homines auctoritate sua subleuent, qui te neque debent adiuuare, si possint: neque possunt, si velint: quibus tu priuatim iniurias plurimas contumeliasque imposuisti: quo in oppido multas * familias in perpetuum infantes tuis stupris, flagitijsque fecisti. At publice commodaſti. non sine magno quidem reipub. provinciarque Siciliae detrimento. Tritici modium Lx. millia empta populo Romano dare debebant, & solebant. abs te solo remissum est. Resp. detrimentum fecit, quod per te imperij ius vna in ciuitate imminutum est: Siculi, quod hoc non de summa frumenti detractum est; sed translatum in Centuripinos, & Haleſinos immunes populos: & hoc plus impositum, quam ferre possent. Nauem imperare ex fœdere debuisti: remisisti in triennium. militem nullum vmquam poposcisti per tot annos. fecisti item uti prædones solent: qui cum communes hostes sint omnium; tamen aliquos sibi insitunt amicos, quibus non modo parcant, verum etiam præda quos augeant: & eos maxime, qui habent oppidum oportuno loco: quo sæpe ad eundem sit nauibus; nonnunquam etiam necessario. Phaselis illa, quam cepit P. Seruilius, non fuerat vrbs ante Cilicium, atque prædonum: Lycij illam Græci homines incolebant. sed quod erat eiusmodi loco, at-

que ita proiecta in altum, vt & exeuntes e Sicilia prædones sæpe ad eam necessario deuenirent; & cū ex hisce se locis reciperent, eodem deferrentur: afficiuerūt illud sibi oppidum piratæ, primo, commercio; deinde etiam societate. Mamertina ciuitas improba antea non erat; etiam erat inimica improborū: quæ C. Catonis illius, qui consul fuit impedimēta retinuit, at cuius hominis? clarissimi, potentissimiq; qui tamen cum consul fuisset, condemnatus est.* Ita? C. Cato duorum hominum clarissimorum nepos, L. Paulli, & M. Catonis, & P. Africani sororis filius: quo damnato, tum cum seuera iudicia fiebāt, M. S. X VII I. milibus lis æstimata est, huic Mamertini irati non fuerunt: qui maiorem sumptum, quam quanti Catonis lis æstimata est, in Timarchidis prædium sæpe fecerunt. Verum hæc ciuitas isti prædoni, ac piratæ Siciliensi Phaselis fuit. huc omnia undique deportabantur: apud istos relinquebantur: quod celari opus erat, habebant sepositum, ac reconditum: per istos, quæ volebat, in nauem clam imponenda, occulte exportanda curabat: nauem denique maximam, quam onustam furtis in Italiam mitteret, apud istos faciendam, ædificandamq; curauit, pro hisce rebus vacatio data est ab isto sumptus, laboris, militiæ, rerum denique omnium, per triennium soli non modo in Sicilia, verum, vt opinio mea fert, his quidem temporibus, in omni orbe terrarum, vacui, expertes, soluti, ac liberi fuerunt ab omni sumptu, molestia, munere. hinc illa Verrea nata sunt: hinc in conuiuium Sext. Cominium protrahi iussit; in quem scyphum de manu iacere coactus est: quem obtorta gula de conuiuiō in vincula, atque in tenebras abripi iussit. hinc illa crux, in quam ciuem Rom. iste multis inspectantibus sustulit: quam non ausus est vsquam defigere, nisi apud eos, quibuscum omnia scelera sua, ac latrocinia * communicasset. Laudatum etiam vos quem-

quemquam venire audetis? qua auctoritate? vtrum
quam apud senatorium ordinē; an quam apud po-
pulum Romanum habere debetis? Ecqua ciuitas
est, non modo in prouincijs nostris, verum in vlti-
mis nationibus, aut tam potens, aut tam libera, aut
etiam tam immanis, ac barbara? rex denique ecquis
est, qui senatorem populi Romani tecto ac domo
non inuitet? qui honos non homini solum habetur;
sed primum populo Romano, cuius beneficio nos
in hunc ordinem venimus; deinde ordinis auctori-
tati. quæ nisi grauis erit apud socios, & exteras na-
tiones, vbi erit imperij nomen & dignitas? Mamerti-
ni me publice non inuitarunt. me cum dico, leue
est. Senatorem populi Romani si non inuitarunt,
honorem debitum detraxerunt, non homini, sed or-
dini. Nam ipsi Tullio patebat domus locupletissi-
ma, & amplissima Cn. Pompeij Basilici: quo etiam
si esset inuitatus a vobis, tamen diuertisset. erat et-
iam Percenniorum, qui nunc item Pompeij sunt,
domus honestissima: quo L. frater meus summa il-
lorum voluntate diuertit. Senator populi Romani
quod in vobis fuit, in vestro oppido iacuit, & per-
noctauit in publico. nulla hoc ciuitas vmquam alia
commisit. Amicum enim nostrum in iudicium vo-
cabas. tu, quid ego priuatim negotij geram, inter-
pretabere in* minuendo honore senatorio? verum
hæc tum queremur, si quid de vobis per eum ordi-
nem agetur, qui ordo a vobis adhuc solis con-
tempus est, in populi Rom. quidem conspectum,
quo ore vos commisistis? nec prius illam crucem,
quæ etiam nunc ciuis Rom. sanguine redundat, quæ
fixa est ad portum, urbemque vestram, reuellistis;
neque in profundum abiecitis, locumque illum
omnem expiastis; quam Romam, atque in horum
conuentum adiretis? In Mamertinorum istius crude-
litis constitutum est. vestrane vrbs electa est, ad

quam qui adirent ex Italia, crucem ciuis Romani prius, quam quemquam amicum populi Romani viderent? quam vos Rheginis, quorum ciuitati inuideris, item incolis vestris, ciuibus Rom. ostendere soletis; quo minus sibi arrogent, minusque vos despiciant, cum videant ius ciuitatis, illo supplicio esse maētatum. Verum hæc emissē te dicis. Quid illa Attalica, tota Sicilia nominata, ab eodem Heio peripetasmata emere oblitus es? licuit eodem modo, vt signa. quid enim actum est? an literis pepercisti? Verum hominem amentem hoc fugit. minus clarum putauit fore, quod de armario, quam quod de sacrario esset ablatum. At quomodo abstulit? non possum dicere planius, quam ipse apud vos dixit Heius. cum quæsissem nunquid aliud de bonis eius peruenisset ad Verrem, respondit, istum ad se misisse, vt sibi mitteret Agrigētum peripetasmata, quæsiui an misisset: respondit id, quod necesse erat, scilicet dicto audientem fuisse prætori misisse. rogaui peruenissentne Agrigētum: dixit peruenisse. * quæsiui an domum reuertissent: negauit adhuc reuertisse. risus populi atque adinurmuratio omnium facta est. Hic tibi in mentem non venit, iubere, vt hæc quoque referret H. S. VI. mill. se tibi vendidisse: metuisti ne æs alienum tibi cresceret, si H. S. VI. millib. tibi constarent ea, quæ tu facile poties vendere H. S. C. C. millib. fuit tanti, mihi crede. haberes quod defenderes: nemo quæreret, quanti illa res esset: si modo te posses docere emissē, facile cui velles tuam causam, & factum probares. nunc de peripetasinatis quemadmodum te expedias, nō habes, Quid? a Philarcho Centuripino homine locuplere, ac nobili phaleras pulcherrime factas, quæ regis Hieronis fuisse dicuntur, vtrum tandē abstulisti, an emisti? in Sicilia quidem cum essem, sic a Centuripinis, sic a ceteris audiebam (non enim parum res erat clara) tam te has phaleras a Philarcho

Centu-

Centuripino abstulisse dicebant, quam alias item nobiles, ab Aristo Panormitano, quā tertias a Cratippo Tyndaritano. Etenim si Philarchus vendidisset, non ei postea quam reus factus es, redditurum te promissiles. quod quia vidisti plures scire, cogitasti, si ei reddidisses, te minus *inuidiæ habiturum, rem nihilominus testatam futuram: non reddidisti. dixit Philarchus pro testimonio, se, quod nosset tuum istum morbum, ut amici tui appellant, studiose cupisse te celare de phaleris: cum abs te appellatus esset, negasse habere sese: apud aliū *quoque eas habuisse depositas, nequa inuenirentur: * tuam tantam fuisse sagacitatem, ut eas per illum ipsum inspiceres, ubi erant depositæ: tum se deprehensum negare non potuisse ita ab se inuito ablatas phaleras gratis. Iam ut hæc omnia reperire ac perterutari solitus sit, iudices, est operæ pretiū cognoscere. Cybiratę sunt fratres quidam, Tlepolemus, & Hiero: quorum alterum fingere opinor e cera solitum esse, alterum esse pictorem. hosce, opinor, Cybiræ, cum in suspicionem venissent suis ciuibus, sanum expilasse Apollinis; veritos pœnam iudicij ac legis, domo profugisse. quod Verrem artificij sui cupidum cognouerant tum, cum iste, id, quod ex tectibus didicistis, Cybiram cum inanibus syngraphis venerat: domo * profugientes ad eum se exules, cum iste esset in Asia, contulerunt. habuit secum eos ab illo tempore, & in legationis prædis atq; furtis, multum illorum opera, consilioque usus est. hi sunt illi, quibus, in * tabulis retulit sese Q. Tadius dedisse iussu istius, Græcis pictoribus. eos iam bene cognitos & reprobatos secum in Siciliam duxit. Quo posteaquam venerunt; mirandum in modum canes venaticos diceret: ita odorabantur omnia, & peruestigabant, ut ubi quidquid esset, aliqua ratione inuenirent. aliud minitendo, aliud pollicendo, aliud per seruos, aliud per liberos; per amicū aliud,

aliud per inimicum inueniebant. quidquid illis placuerat, perdendum erat. nihil aliud optabant, quoniam poscebatur argentum, nisi ut Hieroni, & Tlepolemo displiceret. Vere, mehercules, hoc, iudices, dicam. memini Pamphilum Lilybætanum hospitem meum, & amicum, nobilem hominem, mihi narrare: cum iste ab seise hydriam Boeti manu factam, præclaro opere, & grandi pondere, per potestatem abstulisset; se sane tristem, & conturbatum domum reuertisse; quod vas eiusmodi, quod sibi a patre, & a maioribus esset relictum, quo solitus esset uti ad festos dies, ad hospitem aduentum a se esset ablatum. Cum sederem, inquit, domi tristis, accurrit Venerius; iubet me scyphos sigillatos ad prætorem statim afferre. permotus sum, inquit: binos habebam: iubeo promi utrosque; ne quid plus mali nasceretur: & mecum ad prætoris domum ferri. eo cum venio, prætor quiescebat: fratres illi Cybiratione inambulabant, qui, simul ut me viderunt, Vbi sunt Pamphile, inquit, scyphi? ostendo tristis: laudant: incipio queri, me nihil habiturum quod alicuius esset pretij, si etiam scyphi essent ablati. tum illi, ubi me conturbatum vident: quid vis nobis dare, isti abs te ne auferantur? ne multa, u. s. c. * c. me, inquit, poposcerunt: dixi me daturum e. vocat interea prætor: scyphos poscit. tum illos cœpisse prætori dicere, putasse se, id quod audissent, alicuius prætij scyphos esse Pamphili: luteum negotium esse, non dignum, quod in suo argento Verres haberet. at ille, idem sibi videri. ita Pamphilus scyphos optimos aufert. Et, mehercules, ego antea, tamen si hoc nescio quid nugatorium sciebam esse, ista intelligere; tamen mirari solebam, istum in his ipsis rebus aliquem sensum habere, quem scire nulla in re quidquam simile hominis habere. tum primum intellexi ad eam rem istos fratres Cybiratas fuisse, ut iste in furâdo manibus suis; oculis illorum uteretur.

retur. At ita studiosus est huius præclaræ existimationis, ut putetur in hisce rebus intelligens esse: ut nuper (videte hominis amentiam) posteaquam est comperendinatus, cum iam pro damnato, mortuoque esset, ludis Circensibus mane apud L. Sisennam virum primarium, cum essent triclinia strata, argentumque expositum in ædibus, cum pro dignitate L. Sisenne domus esset plena hominum honestorum, accesserit ad argentum, contemplari vnum quodque otiose, & considerare cœperit. mirari stultitiam alij, quod in ipso iudicio, eius ipsius cupiditatis, cuius insimularetur, suspicionem augeret: alij amentiam; cui comperendinato, cum tam multi testes dixissent, quidquam illorum * veniret in mentem. pueri autem Sisenne, credo qui audiissent, quæ in istum testimonia essent dicta, oculos de isto nusquam deicere, neq; ab argento digitum discedere. Est boni iudicis paruis ex rebus coniecturam facere vniuscuiusque & cupiditatis, & incontinentiæ, qui reus lege, & reus comperendinatus, re & opinione hominum pæne damnatus, temperare non potuerit maximo conuentu, quin L. Sisenne argentum tractaret, & consideraret: hunc in prouincia prætorem quisquam putabit a Siculorum argento cupiditatem, aut manus abstinere potuisse? Verum uti Lilybatum, vnde digressa est, oratio reuertatur, Diocles est Pamphili gener illius, a quo hydria ablata est, Popillius cognomine. ab hoc abaci vasa omnia, ut exposita fuerant, abstulit. dicat se * emisit. etenim hic propter magnitudinem furti sunt, ut opinor, literæ factæ. iussit Timarchidem æstimare argentum. quo modo? quo qui vniquam tenuissime in donatione histrionum æstimauit. Tametsi iamdudum erro, qui tam multa de tuis emptionibus verba faciam, & quæram, vtrum emeris, & quomodo, & quanti emeris: quod verbo transigere possum. Ede mihi scriptum, quid

argenti in prouincia Sicilia pararis, vnde quidq; aut quanti emeris. quid fit? quamquam non debebam ego abs te has literas poscere. me enim tabulas tuas habere, & proferre oportebat. verum negas te horum annorum aliquot confecisse. compone hoc, quod postulo, de argento: de reliquo videro. nec scriptum habeo, nec possum edere. Quid futurum igitur est? quid existimas hosce iudices facere posse? domus plena signorum pulcherrimorum tam etiam ante præturam; multa ad villas tuas posita; apud amicos multa deposita; multa aliis data atque donata: tabulæ nullum indicant emptum: omne argentum ablatum ex Sicilia est: nihil cuiquam, quod suum dici vellet, relictum, fingitur improba defensio, prætorem omne id argentum coemisse tamen id ipsum tabulis demonstrari non potest. si quas tabulas profers, in his, quæ habeas, quomodo habeas, scriptum non est, horum autem temporum, cum te plurimas res emisse dicas, tabulas omnino nullas proferas: nonne te & prolatis, & non prolatis tabulis condemnari necesse est? Tu a M. Cœlio equite Ro. lectissimo adolescente, quæ voluisti vasa argentea Lilybæi abstulisti: tu C. Caurij promptissimi hominis, & experientis, & in primis gratiosi, suppellectilem omnem auferre non dubitasti: tu maximam & pulcherrimam mensam citream a Q. Lutatius Diodoro, qui Q. Catuli beneficio a L. Sulla ciuis Romanus factus est omnibus scientibus Lilybæi abstulisti. Non tibi obiicio quod hominem dignissimum tuis moribus, Apollonium Niconis filium Drepanitanum, qui nunc A. Clodius vocatur, omni argento optime facto spoliasti, ac depeculatus es. taceo. non enim putat ille sibi iniuriam factam: propterea quod homini iam perditio, & collum in laqueum inferenti, subuenisti, cum pupillis. Drepanitanis bona patria erepta cum illo partitus es. gaudeo etiam, si quid ab illo abstulisti: & abs te
nihil

nil rectius factum esse dico. a Lisonē vero Lilybæano primo homine, apud quem diuersatus es, Apollinis signum ablatum certe esse non oportuit. At dicēs te emis̃se. scio H. S. M. ita opinor. scio inquam: proferam literas: & tamen id factum non oportuit. A pupillo Heio, cui Marcellus tutor est, a quo pecuniam grādem eripueras, scaphia cum emblematis Lilybæi vtrum empta esse dicis, an confiteris erepta? Sed quid ego istius in eiusmodi rebus mediocres iniurias colligo: quæ tantūmodo in furtis istius, & damnis eorum, a quibus auferebat, versatæ esse videantur? accipite si vultis, iudices, rem eiusmodi, vt amentiam singularem, vt furorem iam, non cupiditatem eius perspicere possitis. Melitensis Diodorus est, qui apud vos antea testimonium dixit. is Lilybæi multos iam annos habitat, homo & domi nobilis, & apud eos, quo se contulit, propter virtutem splendidus, & grātiosus. de hoc Verri dicitur, habere eum perbona toreumata: in his pocula duo quædam, quæ Heraclea nominantur, Mentoris manu summo artificio facta quod iste vbi audiuit, sic cupiditate inflammatus est non solum inspicundi, verum etiam auferendi, vt Diodorum ad se vocaret, ac posceret. ille, qui illa non inuitus haberet, respondit se Lilybæi non habere: Melitæ apud quenquam propinquum suum reliquisse. tum iste continuo mittit homines certos Melitam: scribit ad quosdam Melitenses, vt ea vasa perquirant: rogat Diodorum, vt ad illum suum propinquum det literas. nihil ei longius videbatur, quam dum illud videret argentum. Diodorus homo frugi, ac diligens, qui sua seruare veller, propinquo suo scribit, vt iis, qui a Verre venissent, responderet, illud argentum se paucis illis diebus misisse Lilybæum. ipse interea recedit. abesse ab domo paulisper maluit, quam præsens illud optime factum argentum amittere. Quod vbi audiuit iste, vsque eo est com-

motus, vt sine vlla dubitatione insanire omnibus, ac furere videretur. quia non potuerat argentum eripere, ipse a Diodoro erepta sibi vasa optime facta dicebat. minitari absenti Diodoro: vociferari palam: lachrymas interdum vix tenere. Eriphalam accepimus in fabulis ea cupiditate, vt cū vidisset monile, vt opinor, ex auro & gemmis; pulchritudine eius incensa salutem viri proderet, similis istius cupiditas: hoc etiam acrior atq; insanior: quod illa cupiebat id, quod viderat: huius libidines non solum oculis, sed etiam auribus excitabantur. conquiri Diodorum tota prouincia iubet. ille ex Sicilia castra iam mouerat, & vasa collegerat. Homo, vt aliquo modo illum in prouinciam reuocaret, hanc excogitauit rationem, si hæc ratio potius, quam amētia nominanda est: apponit de suis canibus quendam, qui dicat se Diodorum Melitensem rei capitalis reum velle facere. primo mirum omnibus videri, Diodorum reum, hominem quietissimum, ab omni non modo facinore, verum etiam minimi errati suspicione remotissimum: deinde esse perspicuū, fieri omnia illa propter argentum. Iste non dubitat iubere nomen deferri. & tum primum, opinor, istum absentis nomen recepisse. Res * clara Sicilia tota, propter cælati argenti cupiditatem reos fieri rerum capitalium: neq; solū præsentēs reos fieri, sed etiam absentes. Diodorus Romæ fordidatus circum patronos atq; hospites cursare: rem omnibus narrare. literæ mittuntur isti a patre vehementes? ab amicis item, videret quid ageret de Diodoro, quo progrediretur: rem claram esse, & inuidiosam: insanire hominem, periturum hoc vno crimine, nisi cauisset. iste etiam tum patrem, si non in parentis, at in hominum numero putabat: ad iudicium nondum se satis instruxerat: primus annus erat prouinciæ: non, vt in Sthenio, iam refertus pecunia. itaque furor eius paululum non pudore, sed metu,

ac timore repressus est. cōdemnare Diodorum non audet: absentem de reis eximit. Diodorus interea, prætoris isto, prope triennium prouincia, domoque caruit. ceteri non solum Siculi, sed etiam ciues Romani hoc statuerant: quoniam iste tantum cupiditate progredieretur, nihil esse quod quisquam putaret se, quod isti paullo magis placeret, conseruare, aut domi retinere posse. postea vero quam intellexerunt, isti virum fortem, quem summe prouincia expectabat, Q. Arrium non succedere: statuerunt se nihil tam clausum, neque tam reconditum posse habere, quod non istius cupiditati apertissimum, promptissimumque esset. Tum iste ab equite Rom. splendido, & gratioso Cn. Calidio, cuius filium sciebat senatorem populi Romani & iudicem esse, equuleos argenteos nobiles, qui Q. Maximi fuerant, aufert. Imprudens huc incidi, iudices, emit enim, non abstulit. nollem dixisse iactabit se, & in his equitabit equuleis. emi: pecuniam solui. credo. etiam tabulæ proferentur. est tanti. cedo tabulas. dilue sane crimen hoc Calidianum, dum ego tabulas aspicere possim. Verumtamen quid erat, quod Calidius Romæ quereretur, se, cum tot annos in Sicilia negotiaretur, abs te solo ita esse contemptum, ita despectum, vt etiam cum ceteris Siculis despoliaretur: si emeris quid erat, quod confirmabat, se abs te argentum esse repetiturum, si tibi sua volūrate vendiderat? tu porro posses facere, vt Cn. Calidio non redderes? præsertim cum is L. Sisenna defensore tuo, tam familiariter vteretur, &, cum ceteris familiaribus Sisennæ reddidisses? deinde non opinor negaturum esse te, homini honesto, sed non gratiosiori quam Cn. Calido est, L. Cordio te argentum per Potamonem amicum tuum reddidisse. qui quidem ceterorum caussam apud te difficiliorem fecit. Nam cum te compluribus confirmasses redditurum; posteaquam Cordius pro testi-

monio dixit, te sibi reddidisse, finem reddendi fecisti: quod intellexisti te, præda de manibus amissa, testimonium tamen effugere non posse. Cn. Calidio equiti Romano per omnes prætores licuit argentum habere beneficium. licuit posse domesticis copiis, cum magistratum aut aliquem superiorem inuaderet; ornare, & apparare conuiuium. multi domi Cn. Calidij cum imperio, ac potestate fuerunt: nemo inuentus est tam amens, qui illud argentum tam præclarum, ac tam nobile eriperet: nemo tam audax, qui posceret: nemo tam impudens, qui postularet, ut venderet. Superbum est enim, iudices, & non ferendum, dicere prætorem in prouincia homini honesto, locupleti, splendido, Vende mihi uasa celata. hoc est enim dicere, Non es dignus tu, qui habeas, quæ tam bene facta sint: meæ dignitatis ista sunt. Tu dignior, Verres, quam Calidius? qui, ut non conferam vitam, atque existimationem tuam cum illius (neque enim est conferenda, hoc ipsum conferam, quo tu te superiorem fingis: quod h. s. lxx x. millia diuisoribus, ut prætor renuntiarere, dedisti: trecenta accusatori, ne tibi odiosus esset. ea re contemnis equestrem ordinem, ac despicias? ea re indignum tibi visum est, quidquam, quod tibi placeret, Calidium potius habere, quam te? Iactat se iamdudum de Calidio: narrat omnibus, se emisisse. Num etiam de L. Papyrio viro primario, locuplere, honestoq; equite Romano turibulum emisisti? qui pro testimonio dixit te, cum inspiciendum poposcisses, auulso emblemate remisisse: ut intelligatis, in homine intelligentiam esse, non auaritiam, artificij cupidum, non argenti fuisse. Nec solum in Papyrio fuit hac abstinencia: tenuit hoc institutum in turibulis omnibus, quæcumque in Sicilia fuerunt. incredibile est autem, quam multa & quam præclara fuerint. credo tum, cum Sicilia florebat opibus, & copiis, magna artificia fuisse in ea insula.

Nam

Nam domus erat ante istum prætorem nulla paullo locupletior, qua in domo hæc non essent, etiam si præterea nihil esset argenti: patella grandis, cum sigillis, ac simulacris deorum, patera, qua mulieres ad res diuinas vterentur, turibulum: hæc autem omnia antiquo opere, & summo artificio facta: ut hoc liceret suspicari, fuisse aliquando apud Siculos peræqua proportionem cetera: sed quibus multa fortuna ademisset, tamen apud eos remansisse ea, quæ religio retinisset. Dixi, iudices, multa fuisse fere apud Siculos omnes: ego idem confirmo, nunc ne vnum quidem esse. Quid hoc est? quod monstrum, quod prodigium in provinciam misimus? nonne vobis id egisse videtur, ut non vnus libidinem, non suos oculos, sed omnium *auarissimorum insanias, cum Romanam reuertisset, expleret? qui simul atque in oppidum quodpiam venerat; immittebantur illi continuo Cybiratici canes; qui inuestigabant, & perscrutabantur omnia. si quod erat grande vas, & maius opus inuentum, lati auferebant. si minus cuiusmodi quippiam venari poterant; illa quidem certe pro lepisculis capiebantur, patellæ, pateræ, turibula. Hic quos putatis fletus mulierum? quas lamentationes fieri solitas esse in hisce rebus? quæ forsitan vobis paræ esse videantur: sed magnum & acerbum dolorem commouent, mulierculis præsertim, cum eripiuntur e manibus ea, quibus ad res diuinas uti consueuerunt; quæ a suis acceperunt; quæ in familia semper fuerunt. Hic nolite expectare dum ego hoc crimen agam ostiatim, ab Aeschilo Tyndaritano istum pateram abstulisse, a Thrasone item Tyndaritano patellam, a Nymphodoro Agrigentino turibulum. cum testes ex Scilia dabo, quem volet eligat, quem ego interrogem de patellis, pateris, turibulis: non modo oppidum nullum, sed ne domus quidem paullo locupletior expers huius iniuriæ reperietur. * quin cum in conuiuium

venisset, si quidquam calati aspexerat, manum abstinere iudices, non poterat. Cn. Pompeius est, Philo, qui fuit Tyndaritanus. is cenam isti dabat apud villam in Tyndaritano. Fecit quod Siculi non audebant. ille, cuius Rom. quod erat, impunius id se facturum putavit. apposuit patellam, in qua sigilla erant egregia. iste continuo ut vidit, non dubitavit illud insigne penatium, hospitaliumque deorum ex hospitali mensa tollere. sed tamen, quod antea de istius abstinentia dixeram, sigillis aulis reliquum argentum sine ulla avaritia reddidit. Quid? Eupolemo Calatino, homini nobili, Lucullorum hospitali, ac perfamiliari, qui nunc apud exercitum cum L. Lucullo est, non idem fecit? cenabat apud eum. argentum * illi ceterum purum apposuerat, ne purus ipse relinqueretur: duo pocula non magna, verum tamen cum emblematis, * hic quasi festivum acroama, ne sine corollario de conuiuio discederet ibidem, conuiuiis inspectantibus, emblemata auellenda curauit. Neque ego nunc istius facta omnia enumerare conor: neque opus est, nec fieri villo modo potest. tantummodo vniuscuiusque de vario improbitate generis indicia apud vos. & exempla profero. neque enim ita se gessit in his rebus, tamquam rationem aliquando esset redditurus; sed prorsus ita, quasi aut reus numquam esset futurus; aut quod plura abstulisset; eo minore periculo in iudicium esset venturus: qui hæc, quæ dico iam non occulte, non per amicos, atque interpretes, sed palam de loco superiore ageret pro imperio & potestate. Catinam cum venisset, oppidum locuples, honestum, copiosum, Dionysiarchum ad se Proagorū, hoc est, summum magistratum vocari iubet: ei palam imperat, ut omne argentum, quod apud quemque esset Catinæ, conquirendum curaret, & ad se * afferendum. Philarchum Centuripinum primarium hominem genere, virtute, pecunia, non hoc idem iuratum

iuratum dicere audistis? sibi istum, negotium dedisse, atque imperavisse, ut Centuripis in ciuitate totius Siciliae multo maxima, & locupletissima, omne argentum conquireret, & ad se comportari iuberet. Agyrio similiter istius imperio vasa Corinthia per Apollodorum, quem testem audistis, Syraculas deportata sunt. Illa vero optima, quod cum Haluntium venisset prætor laboriosus, & diligens, ipse in oppidum * accedere noluit, quod erat difficili ascensu, atque arduo: Archagathum Haluntinum, hominem non solum domi suæ, sed tota Sicilia in primis nobilem vocari iussit. ei negotium dedit, ut quidquid Haluntij esset argenti celati, aut si quid etiam Corinthiorum, id omne statim ad mare ex oppido deportaretur. ascendit in oppidum Archagathus homo nobilis, qui a suis & amari, & diligere vellet, ferebat grauius, illam sibi ab isto prouinciam datam: nec quid faceret, habebat. pronuntiat quid sibi imperatum esset: iubet omnes proficere, quæ haberent: metus erat summus: ipse enim tyrannus non discedebat longius: Archagathum & argentum in lectica cubans ad mare intra oppidum expectabat. quem concursum factum in oppido putatis? quem clamorem? quem porro fletum mulierum? qui viderent, equum Troianum introductum, urbem captam esse dicerent. efferri sine thecis vasa, extorqueri alia de manibus mulierum, effringi multorum fores, reuelli claustra. Quid enim putatis? scuta si quando conquiruntur a priuatis in bello, ac tumultu; tamen homines inuiti dant, etsi ad salutem communiem dari sentiunt: ne quem putetis sine maximo dolore argentum celatum domo, quod alter eriperet, protulisse. omnia deferuntur. Cybiratæ fratres vocantur, pauca improbant: quæ probant, iis crustæ, aut emblemata detrahuntur. Sic Haluntini excussis deliciis, cum argento puro domum reuerterunt. Quod vniquam,

iudices, huiuscemodi euerriculum vlla in provincia fuit? auertere aliquid de publico quam obscurissime per magistratum solebant: etiam aliquid de priuato nonnunquam occulte auferiebant: & illi tamen condemnabantur. & si quæritis, vt * ipse de me detrahā: illos ego accuatores puto fuisse, qui huiusmodi hominum furta odore, aut aliquo leuiter presso vestigio persequiebantur. Nam nos quidem quid facimus in Verre, quem in luto volutatum totius corporis vestigiis inuenimus? permagnum est in eum dicere aliquid, qui præteriens lectica paulisper deposita, nō per præstigias, sed palam per potestatem, vno imperio, ostiatim totum oppidū compilarit? At tamen, vt possit se dicere emisse, Archagatho imperat, vt aliquid illis, quorum argentum fuerat * nummorum dicis causa daret. inuenit Archagathus paucos qui vellēt accipere: his dedit. eos nummos tamen iste Archagatho non reddidit. voluit Romæ petere Archagathus: Cn. Lentulus Marcellinus dissuasit, sicut ipsum dicere audistis. atque hac tota de re audistis Archagathi & Lentuli testimonium. Et ne forte hominem existimetis hanc tantam vim emblematum sine causa coarceruare voluisse; videte quanti vos, quanti existimationem populi Ro. quanti leges & iudicia, quanti testes Siculos, negotiatoresque fecerit. posteaquam tantam multitudinem collegerat emblematum, vt ne vnum quidem cuiquam reliquisset: instituit officinam Syraculis. in regiam maximā, palam artifices omnes, cælatores, ac vasculares conuocari iubet: & ipse suos complures habebat. eo conducit magnam hominum multitudinem. menses octo continuos opus his non defuit, cum vas nullum fieret, nisi aureum. tum illa, ex patellis, & turibulis, quæ vellerat, ita scite in aureis poculis illigabat, ita apte in scyphis aureis includebat, vt ea ad illā rem nata esse diceret. ipse tamen prætor, qui sua vigilantia pacem in Sicilia

lia dicit fuisse, in hac officina maiorem partem diei cum tunica pulla sedere solebat, & pallio. Hæc ego iudices, non auderem proferre, ni vereretur ne forte plura de isto ab aliis in sermone, quam a me in iudicio audisset vos diceretis. Quis enim est, qui de hac officina, qui de vasis aureis, qui de istius pallio, tunica pulla non audierit? quem voles de conuentu Syracusanorum virum bonum nominato. producam. nemo erit, quin hoc se aut vidisse, aut audisse dicat. O tempora, o mores! nihil nimium vetus proferam. Sunt vestrum iudices, quam * multi qui L. Pisonem cognouerunt, huius L. Pisonis, qui prætor fuit, patrem, is cum esset in Hispania prætor, qua in prouincia occisus est; nescio quo pacto, dum armis exercetur, annulus aureus, quem habebat, fractus est, & cōminutus. cum vellet sibi anulū facere; aurificem iussit vocari in foro, ad sellā, Cordubæ, & ei palam appendit aurum. hominem in foro sellam iubet ponere, & facere anulū omnibus præsentibus. Nimiū fortasse dicet aliquis hunc diligentem hætenus reprehendat, si quis volet: nihil amplius. verum fuit ei concedendū. filius enim L. Pisonis erat eius, qui primus de pecuniis repetundis legem tulit. Ridiculum est nunc de Verre me dicere, cum de Pisone frugi dixerim. verumtamen quantum intersit, videte. iste cum aliquot abacorum faceret vasa aurea; non laborauit, *quin non indo in Sicilia, verum etiam Romæ in iudicio * audiret: ille in auri semuncia totam Hispaniam scire voluit, vnde prætori anulus fieret. nimirum vt hic nomen suum comprobauit, sic ille cognomen. Nullo modo possum omnia istius facta aut memoria consequi, aut oratione complecti: genera ipsa cupio breuiter attingere: vt hic modo me commouit Pisonis anulus, quod totū effluxerat. Quam multis istum putatis hominibus honestis, de digitis anulos aureos abstulisse? numquam dubitauit, quotiescumq; alicuius aut gemma, aut anulo delectatus

est. Incredibilem rem dicam, sed tam claram, ut ipsum negaturum non arbitrer. Cum Valentio eius interpreti epistola Agrigento allata esset; casu si-
gnum iste animaduertit in cretula: placuit ei: exqui-
siuit, unde esset epistola: respondit Agrigento, iste li-
teras ad quos solebat, misit, ut is anulus ad se primo
quoque tempore afferretur, ita literis illius patris fa-
milias L. Titio cuidam civi Rom. anulus de digito
detractus est. Illa vero eius cupiditas incredibilis
est, nam ut in singula conclauia, quæ iste non modo
Romæ, sed omnibus in villis habet tricenos lectos
optime stratos cum ceteris ornamenti conuiuij qua-
teret: nimium multa comparare videretur, nulla do-
mus in Sicilia locuples fuit, ubi iste non textrinam
instituerit. Mulier est Segestana perdiues, & nobilis,
Lamia nomine per triennium isti plena domo tela-
rum, stragulam vestem confecit, nihil nisi conchylio
tinctum. Attalus homo pecuniosus, * nec de vulgo
Lilybæi, Crotolaus Ennæ, Syracusis Aeschrio, Cleo-
menes, Theomnastus. Pelori Archonides, Megi-
stus, vox me citius defecerit, quam nomina. Ipse da-
bat purpuram tantum: amici operas. credo, iam enim
non libet omnia criminari, quasi vero hoc mihi non
satis sit ad crimē, habuisse tam multum quod daret:
voluisse deportare tam multa: hoc denique quod cō-
cedit amicorum operis esse in huiusmodi rebus
vsum. Iam vero lectos æratos, & candelabra ænea
num cui præter istum Syracusis per triennium facta
esse existimatis? emebat: credo, sed tantum vos cer-
tiores, iudices, facio, quid iste in provincia prætor
egerit; ne cui forte nimium negligens fuisse videatur,
neque se satis, cum potestatem habuerit, instruxisse &
ornasse. Venio nunc non iam ad furtum, non ad a-
uaritiam, non ad cupiditatem, sed ad eiusmodi faci-
nus, in quo omnia nefaria contineri mihi atque in-
esse videatur: in quo dii immortales violati, existi-
matio atque auctoritas nominis populi Rom. immit-
tuta

nuta, hōspitium spoliatum, ac proditum, abalienati
celere istius a nobis omnes reges amicissimi, natione-
neq; quæ in eorum regno, ac ditioe sunt. Nam reges
Syriæ, regis Antiochi filios pueros scitis Romæ
nuper fuisse: qui venerant non propter Syriæ reg-
num (nam id sine controuersia obtinebāt, vt a pa-
tre, & a maioribus acceperant) sed regnum Aegyp-
ti ad se, & ad Selenen matrem suam pertinere arbi-
trabantur. hi postquam temporibus populi Ro. ex-
clusi, per senatum agere, quæ voluerant, non potue-
runt, in Syriam in regnum patrium profecti sunt. eo-
rum alter, qui Antiochus vocatur, iter per Siciliam
facere voluit. itaq; isto prætore venti Syracusas. hic
Verres hereditatem sibi venisse arbitratus est, quod
in eius regnum, ac manus venerat is, quæ iste & au-
dierat multa secum præclara habere, & suspicaba-
tur. mittit homini munera satis large, hæc ad vsum
domesticum, vini, olei, quod visum erat: etiam triti-
ci, quod satis esset, de his decumis. deinde ipsum re-
gem ad cenam vocauit. exornat ample, magnifice-
que triclinium: exponit ea, quibus abundabat, pluri-
ma ac pulcherrima vasa argentea. namq; hæc aurea
nondum fecerat. omnibus curat rebus instructum, &
& paratum vt sit conuiuium. Quid multa? Rex ita
discessit, vt & istum copiose ornatum, & se honori-
fice acceptum arbitraretur. vocat ad cenam deinde
ipse prætorem: exponit suas copias omnes, multum
argentum, non pauca etiam pocula ex auro; quæ vt
mos est regius, & maxime in Syria, gēmis erant di-
stincta clarissimis. Erat etiam vas vinarium ex vna
gemma pergrandi, trulla excauata * cum manubrio
aureo: de qua credo, satis idoneū, satis grauē testem
Q. Minuciū dicere audistis. iste vnumquodq; vas in
manus sumere, mirari. Rex gaudere prætori populi
Ro. satis iucundum, & gratum illud esse conuiuium.
posteaquā inde discessit, cogitare iste, nihil aliud,
quam id, quod res ipsa declarauit, quemadmodū re

gem ex prouincia spoliatum, expilatumq; dimitte-
ret. mittit rogatum vasa ea, quæ pulcherrima apud
illum viderat: ait se suis cælatoribus velle ostende-
re. Rex qui istum non nosset, sine vlla suspitione li-
bètilime dedit. mittit etiam trullam gemmeam ro-
gatum: velle eam se diligentius cōsiderare. ea quoq;
ei mittitur. Nunc reliquum, iudices, attēdite, de quo
& vos audistis, & populus Ro. non nūc primum au-
diēt, & in exteris nationibus vsque ad vltimas te. ras
peruagatum est. Cādelabrum e gemmis clarissimis,
opere mirabili perfectum, reges hi, quos dico, Ro-
mam cum attulissent, vt in Capitolio ponerēt. quod
nondum etiam perfectum templum offenderāt, ne-
que ponere, neq; vulgo ostendere, ac proferre vo-
luerunt; vt & magnificētius videretur, cum suo tem-
pore in cella Iouis opt. max. poneretur; & clarius,
cum pulchritudo eius recens ad oculos hominum,
atque integra perueniret. statuerunt id secum in Sy-
riam reportare: vt cum audissent simulacrum Iouis
opt. max. dedicatum, legatos mitterent, qui cum ce-
teris rebus illud quoq; eximiū, atq; pulcherrimum
donum in capitolium afferēt. peruenit res ad istius
aures nescio quomodo. nam rex id celatum volue-
rat: non quo quidquam metueret, aut suspicaretur;
sed ne vt multi illud ante perciperent oculis, quam
populus Ro. Iste petit a Rege, & cum pluribus ver-
bis rogat, vt ad se mittat: cupere se dicit inspicere,
neque se aliis videndi potestatem esse facturum.
Antiochus, qui animo & puerili esset, & regio, ni-
hil de istius improbitate suspicatus est: imperat
suis, vt id in prætorium inuolutum quam occultissi-
me deferrent, quo posteaquam attulerunt, inuolu-
crisque reiectis constituerunt: iste clamare cœpit,
dignam rem esse regno Syriæ, dignam regio mu-
nere, dignam Capitolio. Etenim erat eo splendore,
qui ex clarissimis, & plurimis gemmis esse debe-
bat: ea varietate operum, vt ars certare videretur

cum

cum copia: ea magnitudine, vt intelligi posset, non ad hominum apparatus, sed ad amplissimi templi * ornamentum esse factum. quod cum satis iam perspexisse videretur; tollere incipiunt, vt referrent. iste ait, se velle illud etiam, atque etiam considerare; nequaquam se esse satiatum. iubet illos discedere, & candelabrum relinquere. sic illi tum inanes ad Antiochum reuertuntur. Rex primo nihil metuere, nihil suspicari. dies vnus, alter plures: non referri. cum mittit rex ad istum, si sibi videatur, vt reddat, iubet iste posterius ad se reuerti. mirum illi videri. mittit iterum: non redditur. ipse hominem appellat: rogat, vt reddat. Os hominis, insignemque impudentiam cognoscite. quod sciret, quodq; ex ipso rege audisset in Capitolio esse ponendum, quod Ioui optimo maximo, quod populo Romano seruari videret, id sibi vt donaret, rogare, & vehementer petere cœpit. Cum ille se & religione Iouis Capitolini, & hominum existimatione impediri diceret; quod multæ nationes testes essent illius operis; ac muneris: iste homini minari acerrime cœpit. Vbi videt eum nihilo magis minis, quàm precibus permoueri; repente hominem de prouincia iubet ante noctem * discedere ait se comperisse, ex eius regno piratas in Siciliam esse venturos. Rex maximo conuentu Syraculis, in foro (ne quis forte me in crimine obscuro versari atque affingere aliquid suspicione hominum arbitretur) in foro inquam Syraculis stans, deos, hominesq; contestans, clamare cœpit, candelabrum factum e gemmis, quod in Capitolium missurus esset, quod in templo clarissimo, populo Ro. monumentum suæ societatis, amicitiaq; esse voluisset, id sibi C. Verrem abstulisse. de ceteris operibus ex auro, & gemmis, quæ sua penes illum essent, se non laborare: hoc sibi eripi miserum esse, & indignum. id etsi antea iam mente & cogitatione sua, trauisq; sui consecratum esset; tamen

tum se in illo conuentu ciuium Romanorum dare, donare, dicare, consecrare Ioui optimo maximo, testemque ipsum Iouem suæ voluntatis ac religionis adhibere. Quæ uox? quæ latera? quæ vires huius unius criminis querimoniam possint sustinere? Rex Antiochus, qui Romæ ante oculos omnium nostrum biennium fere comitatu regio, atque ornatu fuisset, is, cum amicus, & socius populi Romani esset, amicissimo patre, auo, maioribus, antiquissimis, & clarissimis, regibus, opulentissimo & maximo regno, princeps e provincia populi Romani exurbatus est. quemadmodum hoc accepturas nationes exteræ? quemadmodum huius tui facti famam in regna aliorum, atque in ultimas terras peruenturam putasti, cum audierint a prætore populi Romani in provincia violatum regem, spoliatum hospitem, eiectum socium populi Ro. atque amicum? Nomen vestrum, populiq; Romani odio atque acerbitati scitote nationibus exteris, iudices, futurum, si istius hæc tanta iniuria impunita discesserit. sic omnes arbitrabuntur, præsertim cum hæc omnino fama de nostrorum hominum auaritia & cupiditate percrebuerit; non istius folius hoc esse facinus; sed eorum etiam, qui approbarint. Multi reges, multæ Libere ciuitates multi priuati opulenti, ac potentes, habent profecto in animo Capitolium sic ornare, ut templi dignitas, imperiique nostri nomen desiderat. qui si intellexerint, interuerso regali hoc dono, graviter vos tulisse; grata fore vobis populoque Ro. sua studia, ac dona arbitrabuntur. sin hoc vos in rege tam nobili, in re tam eximia, in iniuria tam acerba neglexisse audierint; non erunt tam ames ut operam, curam, pecuniam impendant in eas res, quas vobis gratas fore non arbitrentur. Hoc loco, Q. Catule, te appello: loquor enim de tuo clarissimo, pulcherrimoque monumento: non iudiciis solum severitatem in hoc crimine, sed prope inimici atque accusatoris vim suscipere

suscipere debes. tuus est enim honos in illo templo senatus populi que Romani beneficio: tui nominis æterna memoria simul cum templo illo consecratur: tibi hæc cura suscipienda, tibi hæc opera sumenda est, ut Capitolium, quomodo magnificentius est restitutum, sic copiosius ornatum sit, quam fuit: ut illa flamma diuinitus extitisse videatur, non quæ deleret Iouis optimi maximi templum, sed quæ præclarius magnificentiusque deposceret. Audisti Q. Minucium Rufum dicere, domi suæ diuersatum esse Antiochum regem Syracusis: se illud scire ad istum esse delatum, se scire non redditum. audisti, & audies omnes e conuentu Syracusano, qui ita dicant, sese audientibus, illud Ioui optimo max. dicatum esse ab rege Antiocho, & consecratum. Si iudex non es, & hæc ad te delata res esset, te potissimum hoc persequi, te petere, & agere oporteret. Quare non dubito, quo animo iudex huius criminis esse debeas; qui apud alium iudicem multo acrior, quam ego sum, actor, accusatorq; esse deberes. Vobis autem, iudices, quid hoc indignius, aut quid minus ferendum videri potest? Verre ne habebit domi suæ candelabrum Iouis optimi maximi e gemmis auroq; perfectum? cuius fulgore collucere, atq; illustrari Iouis optimi maximi templum oportebat, id apud iustum in eiusmodi conuiuijs constitueretur, quæ domesticis stupris flagitijsq; flagrabunt? in istius lenonis turpissimi domo simul cum ceteris Chelidonis hereditarijs ornamentis Capitolij ornamenta ponentur? Quid huic sacri vniquam fore, aut quid fuisse religiosi putatis, qui nunc tanto scelere se obstrictum esse non sentiat? qui in iudicium veniat? ubi ne precari quidem Iouem optimum maximum, atque ab eo auxilium petere more omnium possit? a quo etiam dii immortales sua repetunt in eo iudicio, quod hominibus ad suas res repetundas est constitutum. Miramur Athenis Mi-

neruam, Deli Apollinem, Iunonem Sami, Pergæ Dianam, multos præterea ab isto deos tota Asia, Græciaque violatos, qui a Capitolio manus abstinere non potuerit? quod priuati homines de suis pecunijs ornant, ornaturique sunt, id C. Verres ab regibus ornari non est passus. itaque hoc nefario scelere concepto, nihil postea tota in Sicilia neque facri, neque religiosi esse duxit. ita sese in ea prouincia per triennium gessit, ut ab isto non solum hominibus, verum etiam dijs immortalibus bellum indictum putaretur. Segesta est oppidum peruetus in Sicilia, iudices, quod ab Aenea fugiente a Troia, atque in hæc loca veniente, conditum esse demonstrant. itaque Segestam non solum perpetua societate, atque amicitia, verum etiam cognatione se cum populo Ro. coniunctos esse arbitrantur. Hoc quondam oppidum, cum illa ciuitas cum Pœnis suo nomine ac sua sponte bellaret, a Carthaginienfibus uicaptum, atque deletum est: omniaque quæ ornameto urbi esse possent, Carthaginem sunt ex illo loco deportata. fuit apud Segestanos ex ære simulacrum Dianæ, cum summa atque antiquissima prædium religione: tum singulari opere, artificioque perfectum. Hoc translatum Carthaginem locum tantum, hominesque mutarat: religionem quidem pristinam conseruabat. nam propter eximiam pulchritudinem etiam hostibus digna, quam sanctissime coleretur, uidebatur. aliquot sæculis post, P. Scipio bello Punico tertio Carthaginem cepit. qua uictoria (uideate hominis uirtutem & diligentiam, ut & domesticis præclarissimæ uirtutis exemplis gaudeatis, & eo maiore odio dignam istius incredibilem audaciam iudicetis) cōuocatis Siculis omnibus, quod diutissime sæpissimeque; Siciliam vexatam a Carthaginienfibus cognouerat, iubet omnia conquiri. pollicetur sibi magnæ curæ fore, ut omnia ciuitatibus, quæ cuiusque fuissent, restituerentur, tum illa, quæ quondam

quondam fuerant Himera sublata, de quibus antea dixi, Thermitanis sunt reddita; tum alia Gelsenibus, alia Agrigentinis; in quibus etiam ille nobilis taurus, quem crudelissimus omnium Tyrannorum Phalaris habuisse dicitur, quo viuos supplicij causa demittere homines, & subicere flammam solebat, quem tantum Scipio cum redderet Agrigentinis, dixisse dicitur, æquum esse illos cogitare, vtrum esset Siculis vtilius, fuisse seruire, an populo Romano obtemperare: cum idem monumentum & domesticæ crudelitatis, & nostræ mansuetudinis haberent. Illo tempore Segestanis maxima cum cura hæc ipsa Diana, de qua diximus, redditur: reportatur Segestam: in suis antiquis sedibus summa cum gratulatione ciuium, & lætitia reponitur. hæc erat posita Segestæ, sane excelsa in bati: in qua grandibus literis P. Africani nomen erat incisum, eumque Carthagine capta, restituisse perscriptum. colebatur a ciuibus: ab omnibus aduenis visebatur. cum quæstor essem, nihil mihi ab illis est demonstratum prius. Erat admodum amplum, & excelsum signum cum stola: veruntamen inerat, in illa magnitudine ætas, atque habitus virginalis. sagittæ pendebant ab humero. sinistra manu retinebat arcum: dextra ardentem facem præferebat. Hanc cum iste sacrorum omnium hostis, religionumque prædo vidisset: quasi ipsa illa face percussus esset, ita flagrare cupiditate, atque amentia cœpit. Imperat mægistratibus iste, vt eam demoliantur, & sibi dent: nihil sibi gratius ostendit futurum. illi vero dicere, id sibi nefas esse; seque cum summa religione, tum summo metu legum, & iudiciorum teneri. iste tum petere ab illis, tum minari, tum spem, tum metum ostendere. opponebant illi interdum nomen Africani: donum populi Rom. illud esse dicebant: nihil se in eo potestatis habere, quod imperator clarissimus, vrbe hostium capta, monumentum victoriae populi Ro-

mani esse voluisset. cum iste nihilo remissius, atque etiam multo vehementius instaret quotidie; res agitur in senatu: vehementer ab omnibus reclamatur. Itaq; illo tempore ac primo istius aduentu pernegatur. postea quidquid erat oneris in nautis, remigibusque exigendis, in frumento imperando, Segestanis præter ceteros imponebat, aliquanto amplius, quam ferre possent. præterea magistratus eorum euocabat: optimum & nobilissimum quemque ad se accersebat: circum omnia provinciae fora rapiebat: sigillatim unicuique calamitati fore se denuntiabat * vniuersam se funditus illam eversurum esse ciuitatem minabatur. itaque aliquando multis malis, magnoque metu vici Segestani, prætoris imperio parendum esse decreuerunt. Magno cum luctu, & gemitu totius ciuitatis, multis cum lacrymis & lamentatione virorum, mulierumque omnium, simulacrum Dianæ tollendam locatur. Videte quanta religione fuerit, apud Segestanos repertum esse, iudices, scitote neminem, neque liberum, neq; seruum, neque ciuem, neque peregrinum, qui illud signum auderet attingere. Barbaros quosdam Lilybæo scitote aduocatos esse operarios. hi denique illud, ignari totius negotij, ac religionis, mercede accepta, sustulerunt. quod cum ex oppido * exportaretur, quem conuentum mulierum factum esse arbitramini? quem fletum maiorum natu? quorum nonnulli etiam illum diem memoria tenebant, cum illa eadem Diana Segestam Carthagine reuecta, victoriam populi Rom. reditu suo nuntiaffet. quam dissimilis hic dies illi tempori videbatur! tum imperator populi Rom. vir clarissimus deos patrios reportabat Segestanis, ex vrbe hostium recuperatos: nunc ex vrbe sociorum prætor eiusdem populi turpissimus, atque impurissimus eosdem illos deos nefario scelere auferrebat. Quid hoc tota Sicilia est clarius, quam omnes Segestanas matronas, & virgines conuenisse

uenisse, cum Diana exportaretur ex oppido, vnxisse
vnguentis, complexis coronis, & floribus, ture, o-
doribusq; incensis vsq; ad agri fines profecutas es-
se? Hanc tu tantam religionem, si tum in imperio
propter cupiditatem, atq; audaciam non pertimes-
cebas, ne nunc quidem in tanto tuo liberorūq; tuo-
rum periculo perhorrescis? Quem tibi aut hominē,
inuitis dijs immortalibus, aut vero deum tantis co-
rum religionibus violatis, auxilio futurum putas?
Tibi illa Diana in pace, atq; in otio religionem nul-
lam attulit? quæ cum duas vrbes, in quibus locata
fuerat, captas, incensasq; vidisset, bis ex duorū bel-
lorum flamma ferroq; seruata est: quæ Carthagini-
ensium victoria loco mutato, religionem tamen nō
amisit: P. Africani virtute religionem simul cum
loco recuperavit. Quo quidem scelere suscepto, cū
inanis esset basis, & in ea P. Africani nomen inci-
sum, res indigna atq; intoleranda videbatur omni-
bus non solum religiones esse violatas; verum eti-
am P. Africani viri fortissimi rerum gestarum glori-
am, memoriam virtutis, monumenta victoriæ C.
Verrem sustulisse. Quod cum isti renuntiaretur de
basis ac literis; existimauit homines in obliuionem
totius negotij esse venturos, si etiam basis, tam-
quam indicem sui sceleris, sustulisset. itaque tollen-
dam istius imperio locauerunt. quæ vobis locatio
ex publicis Segestanorum literis priore actione re-
citata est. Te nunc, P. Scipio, te, inquam, lectissimū,
ornatissimūq; adolescentem appello: abs te offi-
cium tuum debitum generi, & nomini requiro, &
flagito. Cur pro isto, qui laudem, honoremq; fami-
liæ vestræ depeculatus est, pugnas? cur eū defensum
esse vis? cur ego tuas partes suscipio? cur tuum *o-
nus sustineo? M. Tullius P. Africani monumenta re-
quirit? P. Scipio eum, qui illa sustulit, defendit. eni-
mos a maioribus traditus sit, vt monumenta maio-
rum suorum ita quisq; defendat, vt ea ne ornari qui-

dem nomine alieno finat; tu isti aderis, qui non* obtrusit aliqua ex parte monumenta P. Scipionis, sed funditus fustulit ac deleuit? Quisnam igitur per deos immortales tuebitur P. Scipionis memoriam mortui? quis monumenta, atque indicia virtutis, si tu ea * relinquis, ac deseris? neque solum spoliata illa pati, sed etiam eorum spoliatorem, vexatoremque defendes? adsunt Segestani clientes tui, socij populi Romani atque amici: certiore te faciunt P. Africanum, Carthagine deleta, simulacrum Dianæ maioribus suis restituisse: idque apud Segestanos eius imperatoris nomine positum ac dedicatum fuisse; hoc Verrem demolientum, & asportandum, nomenque omnino P. Scipionis delendum, tollendumque curasse: orant te, atque obsecrant, ut sibi religionem, generi tuo laudem, gloriamque restituas: ut, quod ex urbe hostium per P. Africanum recuperarint, id per te ex prædonis domo conservare possint. Quid aut his respondere honeste potes, aut illi facere, nisi, ut te, ac fidem tuam implerent? adsunt, & implorant, potes domesticæ laudis amplitudinem, Scipio, tueri, potes, omnia in te sunt, quæ aut fortuna hominibus, aut natura largitur, non præcerpo fructum officij tui: non alienam mihi laudem appeto: non est pudoris mei, P. Scipione florentissimo adolescēte viuo & incolumi, me propugnatorem monumentorum P. Scipionis, defensoremque profiteri, quam ob rem si suscipis domesticæ laudis: atrociniū, me nō solum silere de vestris monumentis oportebit, sed etiam lætari, P. Africani eiusmodi esse fortunas mortui, ut eius honos ab ijs, qui ex eadem familia sint, defendatur, neque ullum aduentitium requiratur auxilium. sin istius amicitia te impedit: si hoc, quod abs te postulo, minus ad officium tuum pertinere arbitraberis: succedam ego vicarius tuo muneri, & suscipiam partes, quas alienas esse arbitrabar: * ut ista præclara nobilitas

nobilitas desinat queri, populum Romanum hominibus nouis atq; industriis libenter honores mādare semperq; mandasse. non est querendum in ea ciuitate, quæ propter virtutem omnibus nationibus imperat, virtutem plurimum posse. Sit apud alios imago P. Africani: ornentur alij mortui virtute, ac nomine. talis ille vir fuit, ita de populo Rom. meritus est, vt non vni familiæ, sed vniuersæ ciuitati, cōmendatus esse debeat. Est aliqua mea pars virilis, quod eius ciuitatis sum, quā ille amplam, illustrem, claramque reddidit; præcipuæ quod in his artibus pro mea parte versor, quarum ille princeps fuit, æquitate, industria, temperantia, defensione miseriorum, odio improborum. quæ cognatio studiorum, & artium propemodum non minus est coniuncta, quam ista, qua vos delectamini, generis, & nominis. Repeto abs te, Verres, monumentum P. Africani: causam Sicularum, quam suscepi relinquo: iudicium de pecuniis repetundis, ne sit hoc tempore: Segestanorum iniuriæ negligantur: basis P. Africani restituatur: nomen inuictissimi imperatoris incidatur: signū pulcherrimum* Carthagine captum reponatur. hæc abs te non Sicularum defensor, non tuus accusator, non Segestani postulant, sed is, qui laudem, gloriamque P. Africani tuendam, conseruandamque suscepit. Nam vereor, ne hoc officium meum P. Seruilio iudici non probem: qui cum res maximas gesserit, monumentaque suarum rerum maxime constituat, atque in his elaboret: profecto volet hæc non solum suis posteris, verum etiam omnibus viris fortibus, & bonis ciuibus defendenda, non spolianda improbis tradere. Non vereor ne tibi Q. Catule, displiceat, cuius amplissimum in orbe terrarum, clarissimumque monumentum est, quam plurimos esse custodes monumentorum, & putare omnes bonos alienæ gloriæ defensionē ad officium suum pertinere. Equidem ceteris istius furtis, atque

flagitiis ita moueor, vt ea reprehendenda tantum
putem: hic vero tanto dolore afficior, vt nihil mihi
indignius ferendum videatur. Verres Africani mo-
numentis domum suam plenam stupri, plenam fla-
gitij, plenam dedecoris, ornabit? Verres tempera-
tissimi, sanctissimi que viri monumentum, Dianæ si-
mulacrum virginis in ea domo collocabit, in qua
semper meretricum, lenonumq; flagitia versantur?
At hoc solum Africani monumentum violasti, quid?
a Tyndaritanis nō eiusdem Scipionis beneficio po-
situm simulacrum Mercurij pulcherrime factum su-
stulisti? at quemadmodum dii immortales! quam
audacter quam libidinoſe, quam impudenter? au-
distis nuper dicere legatos Tyndaritanos, homines
honestissimos, ac principes ciuitatis: Mercurium,
qui sacris anniuersariis apud eos, ac summa religio-
ne coleretur, quem P. Africanus, Carthagine capta,
Tyndaritanis non solum suæ victoriæ sed etiam il-
lorum fidei, * societatis monumentum, atque indi-
cium dedisset, huius vi, scelere, imperioque esse
sublatum. qui vt primum in illud oppidum venit,
statim, tamquam ita fieri non solum oporteret, sed
etiam necesse esset; tamquam hoc senatus man-
dasset, populusque Romanus iussisset; ita continuo
signum vt demolirentur, & Messaniam deportarent,
imperauit. Quod cum illis, qui aderant, indignum,
qui audiebant, incredibile videretur: non est abi-
sto primo illo aduentu perseueratum. discedens
mandat Proagoro Sopatro, cuius verba audistis, vt
demoliat. cum recusaret, vehementer minatur. ita
tum ex illo oppido proficiscitur. Proagorus re-
fert rem ad senatum: vehementer vndique recla-
matur. ne multa: iterum iste aliquanto post ad il-
los venit: quærit continuo de signo. respondetur ei,
senatum non permittere; pœnam capitis constitu-
tam, si iniussu senatus quisquam attigisset. simul re-
ligio commemoratur. tum iste, Quam mihi religio-
nem

hem narras? quam pœnam? quem senatum? viuum te non relinquam: moriere virgis, nisi signum traditur. Sopater iterum flens ad senatum defert istius cupiditatem; minasque demonstrat. Senatus Sopatro responsum nullum dat; sed commotus, perturbatusque discedit. ille prætoris accersitus nuntio, rem demonstrat: negat vlllo modo fieri posse. Atque hæc (nihil enim prætermittendum de istius impudentia videtur) agebantur in conuentu palam, de sella, ac de loco superiore. erat hiems summa, tempestas, vt ipsum Sopatrum dicere audistis, perfrigida, imber maximus: cum iste imperat licitoribus, vt Sopatrum de porticu, in qua ipse sedebat, præcipitem in forum deiiciant, nudumque constituent. vixerat hoc plane etiam imperatum, cum illum spoliatum, stipatumque licitoribus videres. omnes ideo putabant, vt miser, atque innocens virgis caderetur, fefellit hæc omnes opinio, virgis iste caderet sine causa socium populi Romani atque amicum? non vsque eo est improbus: non omnia sunt in eo vno vitia: numquam fuit crudelis. leniter hominem, clemēterq; accepit. Equestres sunt medio in foro Marcellorum statua, sicuti fere ceteris in oppidis Sicilia: ex quibus iste C. Marcelli statuum delegit: cuius officia in illa ciuitate, totaque prouincia recentissima erant, & maxima: in ea Sopatrum hominem tum domi nobilem; tum summo magistratu præditum, diuaticari, ac deligari iubet. quo cruciatus sit affectus venire in mentem necesse est omnibus; cum esset vincus, nudus, in * aëre, in imbri, in frigore. neque tamen finis huic iniuriæ crudelitati que fiebat, donec populus, atque vniuersa multitudo atrocitate rei, misericordiaque commota, senatum clamore coëgit, vt ei simulacrum illud Mercurij polliceretur. clamabant fore, vt ipsi sese dii immortales vleiscerentur: hominem interea perire innocentem non oportere.

tum frequens senatus ad istum venit. pollicetur signum. Ita Sopater de statua C. Marcelli, cum iam pæne obriguisset, vix viuus auferitur. Non possum dispoſite istum accusare, si cupiam. opus est non solum ingenio, verum etiam artificio quodam singulari. Vnum hoc crimen videtur esse, & a me pro vno ponitur, de Mercurio Tyndaritano: plura sunt: sed ea quo pacto distinguere, ac separare possim nescio. est pecuniarum captarum, quod signum a sociis pecuniæ magnæ iustulit: est peculatus, quod publice populi Romani signum de præda hostium captum, positum imperatoris nostri nomine, non dubitauit auferre: est maiestatis, quod imperij nostri gloria, rerumque gestarum monumenta euertere, atque asportare ausus est: est sceleris, quod religiones maximas violauit: est crudelitatis, quod in hominem innocentem, in socium nostrum, atque amicum, nouum ac singulare supplicij genus excogitauit. Illud vero quid sit iam non queo dicere: quo nomine appellem, nescio, quod in C. Marcelli statua. Quid est hoc? patronusne quod erat? quid tum? quo id spectat? vtrum ea res ad opem, an ad calamitatē clientium atque hospitem valere debebat? an vt hoc ostenderes contra vim tuam in patronis præsidij nihil esse? quis hoc non intelligeret, in improbi præsentis imperio maiorem esse vim, quam in bonorum absentium patrocínio? an vero ex hoc illa tua singularis significatur insolentia, superbia, contumacia? detrahare videlicet aliquid te de amplitudine Marcellorum putasti? itaque nunc Siculorum Marcelli non sunt patroni: Verres in eorum locum substitutus est. quam in te tantam virtutem esse, aut dignitatem arbitratus es, vt conarere clientelam tam illustrem, tam splendidae prouinciæ, traducere ad te, auferre a certissimis, antiquissimisque patronis? tu ista stultitia, nequitia, inèrtia, non modo totius Siciliæ, sed vnius tenuissimi Siculi clientelam
tueri

tueri potes? tibi Marcelli statua pro patibulo in
 clientes Marcellorum fuit? tu ex illius honore in
 eos ipsos, qui honorē illi habuerant, supplicia qua-
 rebas? Quid postea? quid tandem tuis statuis fore
 arbitrabare? an vero id quod accidit? Nam Tynda-
 ritani statuam istius quam sibi propter Marcellos
 altiore etiam basi poni iusserat, deturbauerunt si-
 mulac successum isti audierūt. Dedit igitur tibi for-
 tuna Siculorum C. Marcellum iudicem, ut cuius ad
 statuam Siculi te prætore alligabantur, eius religio-
 ni te eundem victum, astrictumque dedamus. Ac
 primo, iudices, hoc signū Mercurij dicebat iste Tyn-
 daritanos C. Marcello huic Aesernino vendidisse:
 atque hoc sua causa etiam Marcellum ipsum spera-
 bat esse dicturum. quod mihi numquam verisimile
 visum est adolescentem illo loco natum, patronum
 Siciliae, nomen suum isti ad translationem criminis
 comodaturum. verumtamen ita res mihi tota* pro-
 uisa, atque praecautā est, uti si maxime esset inuentus,
 qui in se suscipere istius culpam, crimenque cupe-
 ret; tamen is proficere nihil posset. eos enim testes
 deduxi & eas literas deportaui, ut de istius facto
 dubium nemini esse posset. publicae literae sunt, de-
 portatum esse Mercurium Messanam sumptu pu-
 blico. dicunt, quanti: praefuisse huic negotio publi-
 ce legatum Poleam. Quid is? ubi est? praesto est:
 testis est. Proagori Sopatri iussu. quis est hic? qui
 ad statuam astrictus est. quid is? ubi est? testis est.
 vidistis hominem, & verba eius audistis. demolien-
 dum curauit Democritus Gymnasiarchus, quod is
 ei loco praerat. quid? hoc nos dicimus? immo ve-
 ro ipse praesens: Romae nuper ipsum esse pollicitum,
 sese id signum legatis esse redditurum, si eius rei te-
 stificatio tolleretur, cautumque esset, eos testimo-
 nium non esse dicturos. dixit hoc apud vos Zosip-
 pus, & Hismenias homines nobilissimi, & principes
 Tyndaritanę ciuitatis. Quid Agrigento? nonne eius-

tum frequens senatus ad istum venit. pollicetur signum. Ita Sopater de statua C. Marcelli, cum iam pæne obliguisset, vix viuus auferitur. Non possum disposite istum accusare, si cupiam. opus est non solum ingenio, verum etiam artificio quodam singulari. Vnum hoc crimen videtur esse, & a me pro vno ponitur, de Mercurio Tyndaritano: plura sunt: sed ea quo pacto distinguere, ac separare possim nescio. est pecuniarum captarum, quod signum a sociis pecuniæ magnæ sustulit: est peculatus, quod publice populi Romani signum de præda hostium captum, positum imperatoris nostri nomine, non dubitauit auferre: est maiestatis, quod imperij nostri gloria, rerumque gestarum monumenta euertere, atque asportare ausus est: est sceleris, quod religiones maximas violauit: est crudelitatis, quod in hominem innocentem, in socium nostrum, atque amicum, novum ac singulare supplicij genus excogitauit. Illud vero quid sit iam non queo dicere: quo nomine appellem, nescio, quod in C. Marcelli statua. Quid est hoc? patronusne quod erat? quid tum? quo id spectat? vtrum ea res ad opem, an ad calamitatē clientium atque hospitem valere debebat? an ut hoc ostenderes contra vim tuam in patronis præsidij nihil esse? quis hoc non intelligeret, in improbi præsentis imperio maiorem esse vim, quam in bonorum absentium patrocinio? an vero ex hoc illa tua singularis significatur insolentia, superbia, contumacia? detrudere videlicet aliquid te de amplitudine Marcellorum putasti? itaque nunc Siculorum Marcelli non sunt patroni: Verres in eorum locum substitutus est. quam in te tantam virtutem esse, aut dignitatem arbitratus es, ut conarere clientelam tam illustrem, tam splendidæ provinciæ, traducere ad te, auferre a certissimis, antiquissimisque patronis? tu ista stultitia, nequitia, inèrtia, non modo totius Siciliæ, sed vnius tenuissimi Siculi clientelam
tueri

tueri potes? tibi Marcelli statua pro patibulo in
clientes Marcellorum fuit? tu ex illius honore in
eos ipsos, qui honorē illi habuerant, supplicia qua-
rebas? Quid postea? quid tandem tuis statuis fore
arbitrabare? an vero id quod accidit? Nam Tynda-
ritani statuam istius quam sibi propter Marcellos
altiore etiam basi poni iusserat, deturbauerunt si-
mulac successum isti audierūt. Dedit igitur tibi for-
tuna Siculorum C. Marcellum iudicem, ut cuius ad
statuam Siculi te prætore alligabantur, eius religio-
ni te eundem victum, astrictumque dedamus. Ac
primo, iudices, hoc signū Mercurij dicebat iste Tyn-
daritanos C. Marcello huic Aesernino vendidisse:
atq; hoc sua causa etiam Marcellum ipsum spera-
bat esse dicturum. quod mihi numquam verisimile
visum est adolescentem illo loco natum, patronum
Siciliæ, nomen suum isti ad translationem criminis
cōmodaturum. verumtamen ita res mihi tota* pro-
uisa, atq; præcauta est, uti si maxime esset inuentus,
qui in se suscipere istius culpam, crimenque cupe-
ret; tamen is proficere nihil posset. eos enim testes
deduxi & eas literas deportaui, ut de istius facto
dubium nemini esse posset. publicæ literæ sunt, de-
portatum esse Mercurium Messanam sumptu pu-
blico. dicunt, quanti: præfuisse huic negotio publi-
ce legatum Poleam. Quid is? ubi est? præsto est:
testis est. Proagori Sopatri iussu. quis est hic? qui
ad statuam astrictus est. quid is? ubi est? testis est.
vidistis hominem, & verba eius audistis. demolien-
dum curauit Democritus Gymnasiarchus, quod is
ei loco præerat. quid? hoc nos dicimus? immo ve-
ro ipse præsens: Romæ nuper ipsum esse pollicitum,
se id signum legatis esse redditurum, si eius rei te-
stificatio tolleretur, cautumque esset, eos testimo-
nium non esse dicturos. dixit hoc apud vos Zosip-
pus, & Hismenias homines nobilissimi, & principes
Tyndaritanæ ciuitatis. Quid Agrigento? nonne eius-

dem P. Scipionis monumentum, signum Apollinis pulcherrimum, cuius in semine literulis minutis argenteis nomen Myronis erat inscriptum, ex Aesculapij religiosissimo fano sustulisti? quod iste, indices, cum clam fecisset; cum ad suū scelus illud, furtumque nefarios quosdam homines, improbos duces, atque adiutores adhibuisset: vehementer commota ciuitas est. vno eodem tempore Agrigentini beneficium Africani, religionem domesticam, ornamentum vr̄bis, indicium victoriæ, testimoniū societatis requirebant: itaque ab illis, qui principes in ea ciuitate erāt, præcipitur, & negotium datur quaestoribus, & ædilibus, vt noctu vigilias agerent ad ædes sacras. etenim iste Agrigēti (credo propter multitudinem illorum hominum, atq; virtutem, & quod ciues Romani viri fortes ac strenui, & honesti permulti in illo oppido, cōiunctissimo animo cum ipsis Agrigentinis viuunt, ac negotiantur) non audebat palam tollere, aut pōscere, quæ placebant, Herculis templum est apud Agrigentinos, non longe a foro, sane sanctum apud illos, & religiosum. ibi est ex ære simulacrum ipsius Herculis; quo non facile quidquam dixerim me vidisse pulchrius (tametsi nō tam multum in istis rebus intelligo, quam multa vidi) vsque eo, iudices vt * rictum eius, ac mentum paullo sit attritius, quod in præcibus, & gratulationibus non solum id venerari, verum etiam osculari solent. Ad hoc templum, cum esset iste Argenti, duce Timarchide, repente nocte intempesta feruorum armorum fit concursus, atque impetus. clamor a vigilibus, fanique custodibus tollitur. qui primo cum obistere ac defendere conarētur, male mulctati clauis, ac fustibus repelluntur. postea conuulsis repagulis, effractisque valuis, demoliri signum, ac vectibus labefactare conantur. Interea ex clamore fama rota vr̄be percubuit, expugnari deos patrios, non hostium* aduentu neque repentino prædonum impetu,

petu, sed ex domo atque cohorte prætoriam manum fugitiuorum instructam armatamque venisse. nemo Agrigenti neque ætate tam affecta, neque viribus tam infirmus fuit, qui non illa nocte eo nuntio excitatus surrexerit, telumque quod cuique * fors offerebat, arripuerit. itaque breui tempore ad fanum ex vrbe tota concurritur. Hora * amplius iam in demoliendo signo permulti homines moliebantur, illud interea nulla lababat ex parte; cum alij vectibus subiectis conarentur commouere, alij deligatum omnibus membris rapere ad se funibus. repete Agrigentini concurrunt: fit magna lapidatio: dant sese in fugam istius præclari imperatoris nocturni milites. duo tamen sigilla perparuula tollunt, ne omnino inanes ad istum prædonem religionum reuerterentur. Numquam tam male est Siculis, quin aliquid facete, & commode dicant: velut in hac re: aiebant in labores Herculis non minus hunc immanissimum Verrem, quam illum aprum Erymanthium referri oportere. Hanc virtutem Agrigentiuorum imitati sunt Assorini postea viri fortes & fideles; sed nequaquam ex tam ampla, neque tam ex nobili ciuitate. Chrysa est amnis, qui per Assorinorum agros fluit. is apud illos habetur deus, & religione maxima colitur fanum eius est in agro propter ipsam viam, quæ Assoro itur Ennam. in eo Chrysa est simulacrum præclare factum e marino-re. id iste poscere Assorinos propter singularē eius fani religionem non ausus est. Tlepolemo dat, Hieronique negotium. Illi noctu facta manu, armatique veniunt: fores ædis effringunt: æditimi, * custodesq; mature sentiunt: signum, quod erat notum vicinitati, buccina datur: homines ex agris concurrunt: eiicitur fugaturque Tlepolemus: neque quidquam ex fano Chrysa, præter vnum perparuulum signum ex ære, desideratum est. Matris magnæ fanum apud Enguinis est (iam enim mihi non modo breuiter

de vnoquoque dicendum est, sed etiam prætereūda videntur esse permulta, vt ad maiora istius, & illustriora in hoc genere furta, & scelera veniamus) in hoc fano loricas, galeasque æneas, cælatas opere Corinthio, hydriaeque grandes simili in genere, atque eadem arte perfectas, idem ille P. Scipio vir omnibus rebus præcellentissimus posuerat, & suum nomen inscripserat. Quid iam de isto plura dicam, aut querar? omnia, illa, iudices, abstulit: nihil in religiosissimo fano, præter vestigia violatæ religionis, nomenq; P. Scipionis reliquit: hostium spolia, monumenta imperatorum, decora, atq; ornamenta fanorum posthac his præclaris nominibus amissis, in instrumento, ac supellectili C. Verris numerabuntur. Tu videlicet solus vasis Corinthiis delectaris? tu illius æris temperationem, tu operum lineamenta sollertissime perspicis? hæc Scipio ille non intelligebat, homo doctissimus, atque humanissimus? tu sine vlla bona arte, sine humanitate, sine ingenio, sine literis, intelligis, & iudicas? vide ne ille non solum temperantia, sed etiam intelligentia, te atque istos, qui se elegantes dici volunt, vicerit. nam quia, quam pulchra essent, intelligebat, idcirco existimabat ea, non ad hominum luxuriam, sed ad ornamentum fanorum, atque oppidorum esse facta: vt posteris nostris monumenta religiosa esse videantur. Audite etiam singularem eius, iudices, cupiditatem, audaciam, amentiam, in his præsertim sacris poluendis, quæ non modo manibus attingi, sed ne cogitatione quidem violari fas fuit. Sacrarium Cereis est apud Catinenfes eadem religione, qua Romæ, quia in ceteris locis, quia prope in toto orbe terrarum in eo sacrario intimo fuit signum Cereris perantiquum: quod viri, non modo cuiusmodi esset, sed ne esse quidem sciebant. aditus enim in id sacrarium non est vitis: sacra per mulieres, ac virgines confici solent. hoc signum noctu clam istius ferui,

ui, ex illo religiosissimo, atque antiquissimo fano sustulerunt. postridie sacerdotes Cereris atque illius fani * anustitæ, maiores natu, probatæ ac nobiles mulieres, rem ad magistratus suos deferunt. omnibus acerbum, indignum, luctuosum denique videbatur. tum iste permotus illa atrocitate negotij, ut ab se sceleris istius suspicio remoueretur, dat hospiti suo cuidam negotium, ut aliquem reperiret, quem ea fecisse insimularet; daretque operam, ut is eo crimine damneretur, ne ipse esset in crimine. res non procrastinatur. nam cum iste Catinam profectus esset, serui cuiusdam nomen deferitur: is accusatur: ficti testes in eum dantur: rem cunctus senatus Catinensium legibus iudicat. Sacerdotes vocantur: ex his queritur secreto in curia, quid esset factum, quemadmodum arbitrarentur signum esse ablatum respondent illæ, prætoris in illo loco seruos esse visos. res quæ esset antea non obscura, sacerdotum testimonio perspicua esse cœpit. itur in consilium: seruus ille innocens omnibus sententiis absoluitur: quo facilius vos hunc omnibus sententiis condemnare possetis. Quid enim postulas Verres? quid speras? quid * spectas? quem tibi aut deorum, aut hominum auxilio putas futurum? eone tu seruos ad spoliandum fanum immittere ausus es, quo liberos adire ne oradi quidem causa fas erat? hinc rebus manus afferre non dubitasti, a quibus etiam oculos cohibere te religionum iura cogeant? tamen ne oculis quidem captus in hanc fraudem eam sceleratam, ac tam nefariam * decidisti. nam id concupisti, quod numquam videras: id, inquam, adamasti, quod antea non aspexeras. auribus tu tantam cupiditatem concepisti, ut eam non metus. non religio, non deorum vis, non hominum existimatio cōtineret. At ex viro bono, credo, audieras, & bono auctore. qui id potest; qui ne ex viro quidem audire potueris? Audisti igitur ex muliere, quoniam id viri neque vidisse

neq; nosse poterant. qualem porro illam feminam fuisse putatis, iudices? quam pudicā, quæ cum Verre loqueretur, quam religiosam, quæ sacrarum spoliandi ostenderet rationem? at minime mirum, quæ sacra per summam castimoniam virorum, ac mulierum fiant, eadem per istius stuprum ac flagitium esse violata. Quid ergo? hoc solum auditione expectere cœpit, cum id ipse non vidisset? immo vero alia complura, ex quibus eligam spoliationem nobilissimi, atq; antiquissimi fani de qua priore actione testes dicere audistis. nunc eadem illa quæso audite, & diligenter, sicut adhuc fecistis, attendite. Insula est Melita, iudices, satis lato ab Sicilia mari, periculososq; disiuncta: in qua est eodem nomine oppidum, quo iste numquam accessit. quod tamen isti texstrinum per triennium ad muliebrem vestem conficiendam fuit. Ab eo oppido non longe in promontorio fanum est Iunonis antiquum: quod tanta religione semper fuit, vt non modo illis Punicis bellis, quæ in his fere locis nauali * copia gesta, atq; versata sunt; sed etiam in hac prædonum multitudine semper inuiolatum sanctumque fuerit. Quin etiam hoc memoriæ proditum est, classe quondam * Massanissæ regis ad eum locū appulsa, præfectum regium dentes eburneos incredibili magnitudine e fano sustulisse, & eos in Africam portasse, Massanissæq; donasse. Regem quidem primo delectatum esse munere: post, vbi audisset vnde essent, statim certos homines in quinquere mi misisse, qui eos dentes reportarent. Itaque in his inscriptum literis Punicis fuit, regem Massanissam imprudentem accepisse: recognita, reponendos restituendosque curasse. Erat præterea magna vis eboris, multa ornamenta, in quibus eburnæ victoriæ antiquo opere, ac summa arte perfectæ. Hæc iste omnia, ne multis morer, vno impetu, atq; vno nuntio per seruos Venerios, quos eius rei causa miserat, tollenda atq; asportanda curauit.

rauit. Pro dii immortales, quem ego hominem ac-
 cuso? quem legibus ac iudiciali iure persequor? de
 quo vos sententiam per tabellam fereis? dicunt le-
 gati Melitenses publice, spoliatum templum esse Iu-
 nonis: nihil istum in religiosissimo fano reliquisse:
 quem in locum classes hostium sepe accesserint, vbi
 pirata fere quotannis hiemare soleant: quod neq;
 prædo violarit antea, neq; hostis attigerit id ab vno
 isto sic spoliatum esse, vt nihil omnino sit relictum.
 hic nunc aut iste reus, aut ego accusator, aut hoc iu-
 dicium appellabitur? criminibus enim coarguitur,
 aut suspicionibus in iudicium vocatur? dii ablati,
 fana vexata, nudata vrbes reperiuntur. earum au-
 tem rerum nullam sibi iste neq; inficiandi rationem,
 neque defendendi facultatem reliquit: omnibus in
 rebus coarguitur a me, conuincitur a testibus, urge-
 tur confessione sua, manifestis in maleficiis tenetur:
 & manet etiam, ac tacitus facta mecum sua reco-
 gnoscat. Nimirum mihi diu videor in vno genere ver-
 sari criminum. sentio, iudices, occurrendum esse fa-
 tietati aurium, animorumque vestrorum. quam ob
 rem multa prætermittam. ad ea autem, quæ dictu-
 rus sum, reficite vos quæso, iudices, per deos im-
 mortales, per eos ipsos, de quorum religione iam-
 diu dicimus; dum id eius facinus commemoro, &
 profero, quo prouincia tota commota est. de quo si
 paullo altius ordiri, ac repetere memoriam religio-
 nis videbar, ignoscite. rei magnitudo me breuiter
 perstringere atrocitatem criminis non sinit. Verus
 est hæc opinio, iudices, quæ constat ex antiquissi-
 mis Græcorum literis, atque monumentis, insulam
 Siciliam totam esse Cereri, & Liberæ consecratam.
 hoc cum ceteræ gentes sic arbitrantur, tum ipsis Si-
 culis tam persuasum est, vt animis eorum insitum,
 arque innatum esse videatur. Nam & natas esse has
 in his locis deas; & fruges in ea terra primum
 repertas arbitrantur: & raptam esse Liberam,

quam eandem Proserpinam vocant, Ennensium nemore: qui locus, quod in media est insula situs, umbilicus Siciliae nominatur. quam cum inuestigare, & conquirere Ceres vellet; dicitur inflammasse tēdas ijs ignibus, qui ex Aetne vertice erumpunt: quas sibi cum ipsa praeferret; orbem omnium peragrassē terrarum. Enna autem, ubi ea, quae dico, gesta esse memorantur. est loco * præcelso, atque edito: quo in summo est æquatae agri planities, & aquae perennes, tota vero * omni aditu circumcisa, atque dirempta est. quam circa lacus lucique sunt plurimi, & lectissimi flores omni tempore anni: locus ut ipse raptum illum virginis, quem iam a pueris accepimus, declarare videatur. Etenim * propter est spelunca quaedam, conuersa ad Aquilonem, infinita altitudine, * qua Ditem patrem ferunt repente cum curru exstitisse, abreptamque ex eo loco virginem secum asportasse, & subito non longe Siraculis penetrasse sub terras, lacumque in eo loco repente exstitisse: ubi usque ad hoc tempus Syracusani festos dies anniuersarios agunt, celeberrimo virorum, mulierumque conuentu. Propter huius opinionis vetustatem, quod eorum in his, locis vestigia, ac prope incunabula reperiuntur deorum; mira quaedam tota Sicilia priuatim ac publice religio est Cereris Ennensis. Etenim multa saepe prodigia vim eius numenque declarant: multis saepe in difficillimis rebus presens auxilium eius oblatum est, ut hæc insula ab ea non solum diligi, sed etiam incoli, custodiri que videatur. Nec solum siculi, verum etiam ceteræ gentes, nationesque Ennensem Cererem maxime colunt. etenim si Atheniensium sacra summa cupiditate expetuntur, ad quos Ceres in illo errore venisse dicitur, frugesque attulisse: quantam esse religionem conuenit eorum apud quos eam natam esse, & fruges inuenisse constat? Itaque apud patres nostros atroci, ac difficili reipub. tempore, cum Tib. Grac-

co occiso, magnorum periculorum metus ex ostentis portenderetur, P. Mucio, L. Calpurnio coss. aditum est ad libros Sibyllinos: in quibus iuuentum est, Cererem antiquissimam placari oportere. tum ex amplissimo collegio decemvirali sacerdotes populi Romani, cum esset in urbe nostra Cereris pulcherimum, & magnificentissimum templum, t. men usque Ennam profecti sunt. tanta enim erat auctoritas & vetustas illius religionis, ut cum illuc irent, non ad ædem Cereris, sed ad ipsam Cererem proficisci viderentur. Non obtundam diutius aures vestras: * iamdudum vereor, ne oratio mea aliena ab iudiciorum ratione, & quotidiana dicendi consuetudine esse videatur. hoc dico, hanc ipsam Cererem, antiquissimam, religiosissimam, principem omnium sacrorum, quæ apud omnes gentes, nationesque sunt a C. Verre ex suis templis, ac sedibus esse sublatam. Qui accessistis Ennam, vidistis simulachrum Cereris e marmore, & in altero templo Liberæ. sunt ea perampla, atque præclara, sed non ita antiqua. Ex ære fuit quoddam modica amplitudine, ac singulari opere, cum facibus, perantiquum; omnium illorum quæ sunt in eo fano, multo antiquissimum. id sustulit. * ac tamen eo contentus non fuit. ante ædem Cereris in aperto ac propatulo loco signa duo sunt, Cereris vnum alterum Triptolemi, & pulcherima, & perampla. his pulchritudo periculo, amplitudo salutis fuit: quod eorum demolitio atque asportatio perdifficilis videbatur. infisteat * in manu Cereris dextra simulacrum pulcherime factum Victoriæ. hoc iste e signo Cereris auellendum, asportandum. que curavit. Qui tandem istius animus est nunc in recognitione scelerum suorum, cum eo ipse in commemoratione eorum non solum animo commovear, verum etiam corpore perhorrescam? venit venit mihi fani, loci, religionis illius in mentem: versantur ante oculos omnia; dies ille, quo ego En-

nam cum venissem præsto mihi sacerdotes Cereris cum infulis, ac verbenis fuerunt, concio, conuentusque ciuium in quo ego cum loquerer tanti fletus, gemitusque fiebant, vt acerbissimus tota vrbe luctus versari videretur. non illi decumarum imperia, non bonorum direptiones, non iniqua iudicia, non importunissimas istius libidines non vim, non contumelias, quibus operti, oppressique erant, conquirebantur: Cereris numen, sacrorum vetustatem, fani religionem, istius sceleratissimi atque audacissimi supplicio expiari volebant: omnia se cetera pati, ac negligere dicebant. Hic dolor erat tantus, vt Verres alter Orcus venisse Ennam, & non Proserpinam asportasse, sed ipsam abripuisse Cererem videretur. Etenim vrbs illa non vrbs videtur, sed fanum Cereris esse: habitare * apud sese Cererem Ennenses arbitrantur: vt mihi non ciues illius ciuitatis, sed omnes sacerdotes, omnes accolæ, atq; antistites Cereris esse videantur. Ennæ tu simulacrum Cereris tollere audebas? Ennæ tu de manu Cereris Victoriâ diripere, & deam dextrâ detrahere conatus es quorum nihil violare. nihil attingere ausi sunt, in quibus erant omnia, quæ sceleri propiora sunt, quam religioni. tenuerunt enim P. Popillio, P. Rupilio c o s s . Illum locum serui fugitiui, barbari, hostes. sed neque tam serui illi dominorum, quam tu libidinum: neque tam fugitiui illi a dominis, quam tu a iure, & a legibus: neque tam barbari lingua, & natione illi, quam tu natura & moribus: neque illi tam hostes hominibus, quam tu diis immortalibus. Quæ depræcatio est igitur ei reliqua, qui indignitate seruos, temeritate fugitiuos, scelere barbaros crudelitate hostes vicerit? Audistis Theodorum, & Numinium, & Nicasionem legatos Ennenses publice dicere, sese a suis ciuibus hæc habere mandata, vt ad Verrem adirent, & cum simulacrum Cereris, & Victoriæ reposcerent: id si impetrassent

petraſſent, tum vt morem veterem Ennensium conſeruarent, publice in eum, tametſi vexaſſet Siciliam, tamen quoniam hæc a maioribus conſtituta accepiſſent, teſtimonium ne quod dicerent: ſin autem ea non reddidiſſet; tñm vt iudicio adeſſent. tum vti de eius iniurijs iudices docerent, ſed multo maxime de religione quererentur. quas illorum quærimonias nolite per deos immortales aſpernari? nolite contemnere, ac negligere, iudices, Aguntur iniuriæ ſociorum: agitur vis legum: agitur exiſtimatio, veritasque iudiciorum. quæ ſunt omnia permagna: verum illud maximum: tanta religione obſtricta tota prouincia eſt, tanta ſuperſtitio ex iſtius factio mentes omnium Siculorum occupauit. vt quæcumque accidunt publice vel priuatim incommoda, propter eam cauſam * ſcelere iſtius euenire videantur. Auditiſtis Centuripinos, Agyrinenſes, Catinenſes, Herbitenſes, Ennenses, complures alios publice dicere, quæ ſolitudo eſſet in agris quæ vaſtitas, quæ fuga aratorum; quam deſerta, quam inculta, quam relictæ omnia. ea tametſi iſtius multis & varijs iniurijs acciderunt; tamen hæc vna cauſa in opinione Siculorum plurimum valet, quod Cerere violata, omnes cultus, fructusque Cereris in his locis interiſſe arbitrantur. Medemini religioni ſociorum, iudices: conſeruate * veſtram auctoritatem. Neque enim hæc externa nobis eſt religio, neque aliena, quod ſi eſſet, ſi ſuſcipere eam noletis; tamen in eo, qui violaeſſet. ſancire vos velle oporteret. Nunc vero, in communi omnium gentium religione, inque his ſacris, quæ maiores noſtri ab exteris nationibus adſcita atque accepta coluerunt, quæ ſacra vt erant re vera, ſic appellari Græci voluerunt, negligentes ac diſſoluti ſi cupiamus, eſſe qui poſſumus? Vnius etiam vrbs omniũ pulcherrimæ, atque ornatiffimæ Siracularum direptionem commemorabo, &

nam cum venissem præsto mihi sacerdotes Cereris cum infulis, ac verbenis fuerunt, concio, conuentusque ciuium in quo ego cum loquerer tanti fletus, gemitusque fiebant, vt acerbissimus tota vrbe lucet versari videretur. non illi decumarum imperia, non bonorum direptiones, non iniqua iudicia, non importunissimas istius libidines non vim, non contumelias, quibus operti, oppressique erant, conquerebantur: Cereris numen, sacrorum vetustatem, sani religionem, istius sceleratissimi atque audacissimi supplicio expiari volebant: omnia se cetera pati, ac negligere dicebant. Hic dolor erat tantus, vt Verres alter Orcus venisse Ennam, & non Proserpinam asportasse, sed ipsam abripuisse Cererem videretur. Etenim vrbs illa non vrbs videtur, sed fanum Cereris esse: habitare * apud sese Cererem Ennenses arbitrantur: vt mihi non ciues illius ciuitatis, sed omnes sacerdotes, omnes accolæ, atq; antistites Cereris esse videantur. Ennæ tu simulacrum Cereris tollere audebas? Ennæ tu de manu Cereris Victoriâ diripere, & deam deâ detrahere conatus es quorum nihil violare, nihil attingere ausi sunt, in quibus erant omnia, quæ sceleri propiora sunt, quam religioni. tenuerunt enim P. Popillio, P. Rupilio c o s s. Illum locum serui fugitiui, barbari, hostes. sed neque tam serui illi dominorum, quam tu libidinum: neque tam fugitiui illi a dominis, quam tu a iure, & a legibus: neque tam barbari lingua, & natione illi, quam tu natura & moribus: neque illi tam hostes hominibus, quam tu diis immortalibus. Quæ depræcatio est igitur ei reliqua, qui indignitate seruos, temeritate fugitiuos, scelere barbaros crudelitate hostes vicerit? Audistis Theodorum, & Numinium, & Nicasionem legatos Ennenses publice dicere, sese a suis ciuibz hæc habere mandata, vt ad Verem adirent, & cum simulacrum Cereris, & Victoriæ reposcèrent: id si impetrassent

petraſſent, tum vt morem veterem Ennensium conſeruarent, publice in eum, tametſi vexaſſet Sicilian, tamen quoniam hæc a maioribus conſtituta accepiſſent, teſtimonium ne quod dicerent: ſin autem ea non reddidiſſet; tñm vt iudicio adeſſent. tum vt de eius iniurijs iudices docerent, ſed multo maxime de religione quererentur. quas illorum quærimonias nolite per deos immortales aſpernari? nolite contemnere, ac negligere, iudices, Aguntur iniuriæ ſociorum: agitur vis legum: agitur exiſtimatio, veritasque iudiciorum. quæ ſunt omnia permagna: verum illud maximum: tanta religione obſtriſta tota prouincia eſt, tanta ſuperſtitio ex iſtius facto mentes omnium Siculorum occupauit. vt quæcumque accidunt publice vel priuatim incommoda, propter eam cauſam * ſcelere iſtius euenire videantur. Audiſtis Centuripinos, Agyrinenſes, Catinenſes, Herbitenſes, Ennenſes, complures alios publice dicere, quæ ſolitudo eſſet in agris quæ vaſtitas, quæ fuga aratorum; quam deſerta, quam inculta, quam relictæ omnia. ea tametſi iſtius multis & varijs iniurijs acciderunt; tamen hæc vna cauſa in opinione Siculorum plurimum valet, quod Cerere violata, omnes cultus, fructusque Cereris in his locis interiſſe arbitrantur. Medemini religioni ſociorum, iudices: conſeruate * veſtram auctoritatem. Neque enim hæc externa nobis eſt religio, neque aliena, quod ſi eſſet, ſi ſuſcipere eam noletis; tamen in eo, qui violaſſet. ſancire vos velle oporteret. Nunc vero, in communi omnium gentium religione, inque his ſacris, quæ maiores noſtri ab exteris nationibus adſcita atque accepta coluerunt, quæ ſacra vt erant re vera, ſic appellari Græci voluerunt, negligentes ac diſſoluti ſi cupiamus, eſſe qui poſſumus? Vnius etiam vrbis omnia pulcherrimæ, atque ornatiffimæ Siracularum direptionem commemorabo, &

in medium proferam, iudices: ut aliquando totam huius generis orationem concludam, ac definiam. Nemo fere vestrum est, quin quemadmodum captæ sint a M. Marcello Syracusæ, sæpe audierit; nonnumquam etiam in annalibus legerit conficere haud pacem cum illo bello: huius prætoris aduentum, cum illius imperatoris victoria: huius cohortem impuram, cum illius exercitu iniuncto: huius libidines, cum illius continentia: ab illo, qui cepit, conditas: ab hoc, qui constitutas accepit, captas dicetis Syracusas. Ac iam illa omitto, quæ d. sperse a me in multis locis dicentur, ac dicta sunt: forum Syracusanorum, quod introitu Marcelli a * plurima eade servatum est, id aduentu Verris Siculorum innocentium sanguine redundasse: portum Syracusanorum, qui tum & nostris classibus, & Carthaginensium clausus fuisset, cum, isto prætore, Cilicum myoparoni, prædonibusque patuisse: mitto adhibitam vim ingenuis, matres familias violatas: quæ tum vrbe capta, commissa non sunt neque odio hostili, neque licentia militari, neque more belli, neque iure victoriæ: mitto, inquam, hæc omnia, quæ ab isto per triennium perfecta sunt. ea, quæ coniuncta cum illis rebus sunt, de quibus ante dixi, cognoscite, Urbem Syracusas maximam esse Græcarum urbium, pulcherrimamque omnium sæpe audistis. est, iudices, ita, ut dicitur nam & situ est cum munito, tum ex omni aditu vel terra, vel mari præclaro ad aspectum: & portus habet prope in ædificatione aspectuque urbis inclusos: qui cum diuersos inter se aditus habeant. in exitu coniunguntur, & consuunt, eorum coniunctione pars oppidi. quæ appellatur Insula, mari disincta angusto, ponte rursum * adiungitur, & continetur. Ea tanta est vrbs, ut ex quatuor urbibus maximis constare dicatur. quare una est ea, quam dixi, insula: quæ duobus portibus cincta, in utriusque portus ostium aditumque proiecta est: in qua domus

est quæ regis Hieronis fuit: qua prætores vti solent. in ea sunt ædes sacræ complures; sed duæ, quæ longe ceteris ante cellunt, Dianæ vna, & altera, quæ fuit ante istius aduentum ornatissima, Mineruæ. In hac insula extrema est fons aquæ dulcis, cui nomen Arethusa est, incredibili magnitudine, plenissimus piscium, qui fluctu totus operiretur, nisi * munimine, ac mole lapidum a mari disiunctus esset. Altera autem est vrbs Syracusis, cui nomē Acradina est: in qua forum maximum, pulcherrimæ porticus, ornatissimum prytaneum, amplissima est curia, templūque egregium Iouis Olympij: ceteræque vrbs partes vna lata via perpetua, multisque transuersis diuisæ, priuatis ædificiis continentur. Tercia est vrbs, quæ, quod in ea parte Fortunæ fanum antiquum fuit, Tyche nominata est: in qua & gymnasium amplissimum est, & complures ædes sacræ: coliturque ea pars, & habitatur frequentissime. Quarta autem est vrbs, quæ, quia postrema ædificata est, Neapolis nominatur: quam ad summam theatrum est maximum: præterea duo templa sunt egregia, Cereris vnum, alterum Liberæ: signumque Apollinis qui Tēnites vocatur, pulcherrimum & maximum: quod iste si portare potuisset, non dubitasset auferre. Nūc ad Marcellum reuertar, ne hæc a me sine causâ commemorata esse videantur. qui cum tam præclaram vrbem vi, copiisque cepisset; non putauit ad laudem populi Ro. hoc pertinere, hanc pulchritudinem, ex qua præsertim nihil periculi ostendebatur, delere, & extinguere. itaque a disiciis omnibus, publicis, & priuatis, sacris, & profanis sic pepercit, quasi ad ea defendenda cum exercitu, non expugnanda venisset. in ornatu vrbs habuit victoriæ rationem; habuit humanitatis. victoriæ putabat esse, multa Romam deportare, quæ ornamento vrbi esse possent: humanitatis, non plane spoliare vrbeni; præsertim quam conseruare voluisset. in hac parti-

titione ornatus, non plus victoria Marcelli populo
 Rom. appetiuit, quam humanitas Syracusano refer-
 uauit. Romam quæ asportata sunt, ad ædem Hono-
 ris atque Virtutis, itemq; aliis in locis videmus. ni-
 hil in ædibus, nihil in hortis posuit, nihil in subur-
 bano. putauit, si vrbis ornamenta domum suam non
 contulisset, domum suam vrbis ornamento futuram.
 Syracusis autem permulta, atque egregia reliquit:
 deum vero nullum violauit; nullum attigit. Con-
 ferre Verrem, non vt hominem cum homine com-
 paretis; nequa tali viro mortuo fiat iniuria; sed vt
 pacem cum bello, leges cum vi, forum & iurisdic-
 tionem cum ferro, & armis, aduentum & comita-
 tum cum exercitu & victoria conferatis, Aedes Mi-
 neruæ est in insula, de qua ante dixi; quam Marcel-
 lus non attigit, quam plenam atq; ornatam reliquit,
 quæ ab isto sic spoliata, atque direpta est, non vt ab
 hoste aliquo, qui tamen in bello religionum, & cō-
 suetudinis iura retineret; sed vt a barbaris prædo-
 nibus vexata esse videatur. Pugna erat equestris A-
 gathoclis regis in tabulis picta præclare. his autem
 tabulis interiores templi parietes vestiebantur. ni-
 hil erat ea pictura nobilius, nihil Syracusis, quod
 magis visendum putaretur. has tabulas M. Marcel-
 lus, cum omnia illa, victoria sua profana fecisset;
 tamen religione impetitus non attigit. iste, cum il-
 la tam propter diuturnam pacem, fidelitatemque
 populi Syracusani sacra religiosaque accepisset; om-
 nines eas tabulas abstulit: parietes, quorum orna-
 tus tot sæcula manserat, tot bella effugerat, nudos
 ac deformatos reliquit. Et Marcellus, qui, si Syracu-
 sas cepisset, duo templa se Romæ dedicaturum vo-
 uerat; id quod erat ædificaturus, his rebus ornare,
 quas ceperat, noluit. Verres, qui non Honori, neque
 Virtuti, vt ille, sed Veneri & Cupidini vota deberet;
 is Mineruæ templum spoliare conatus est. ille deos,
 ædiorum spoliis ornare noluit: hic ornamenta Mi-
 neruæ

neruæ virginis in meretriciam domum transtulit. Viginti & septem præterea tabulas pulcherime pietas ex eadem æde sustulit: in quibus erant imagines Siciliæ regum ac tyrannorum: quæ non solum pictorum artificio delectabant; sed etiam commemoratione hominum, & cognitione formarum. Ac videte, quâto tetrior hic tyrannus Syracusanis fuerit, quam quisquam superiorum: cum illi tamen ornarint tēpla deorum immortalium; hic etiam deorum monumenta, atque ornamenta sustulerit. Iam vero quid ego de valuis illius templi commemorem? vereor, ne hæc qui non viderunt, omnia me nimis augere, atq; ornare arbitrentur. quod tamen nemo suspicari debet, tam esse me cupidum, vt tot viros primarios velim, præsertim ex iudicum numero, qui Syracusis fuerint, qui hæc viderint, esse temeritati & mendacio meo conscios. Confirmare hoc liquido, iudices, possum, valuas magnificentiores ex auro atq; ebore: perfectiores nullas vmquam villo tempore fuisse. incredibile dictu est, quam multi Græci de valuarum harum pulchritudine scriptum reliquerint. nimium forsitan hæc illi mirentur atque efferant: esto. verumtamen honestius est reipub. nostræ, iudices, ea, siue illis pulchra esse videantur, imperatorem nostro in bello reliquisse, quam prætorem in pace abstulisse. Ex ebore diligentissime perfecta argumenta erant in valuis: ea detrahenda curauit omnia. Gorgonis os pulcherrimum, crinitum anguibus, reuellit, atque abstulit: & tamen iudicauit, se non solum artificio, sed etiam pretio, quæstusq; duci. nam bullas omnes aureas ex his valuis, quæ erant & multæ, & graues, non dubitauit auferre: quarum iste non opere delectabatur, sed pondere. Itaque eiusmodi valuas reliquit, vt quæ olim ad ornandum templum erant maxime, nunc tantum ad claudendum factæ esse videantur. Etiamne gramineas hastas? vidi enim vos in hoc

non minime, cum testes dicerent, ecommoueri: quod erant huiusmodi, vt semel vidisse satis esset: in quibus neque manu factum quidquam, neque pulchritudo erat vlla; sed tantum magnitudo incredibilis: de qua vel audire satis esset: nimium, videre plus, quam semel etiamne id concupisti? Nam Sappho, quæ sublata de prytaneo est, dat tibi iustam excusationem, prope vt concedendum atq; ignoscendum esse videatur.* M. Syllanionis opus tam perfectum, tam elegans, tam elaboratum, quisquam non modo priuatus, sed populus potius haberet, quam homo elegantissimus atque eruditissimus Verres? nimirum contra dici non potest. nostrum enim vnusquisque, qui tam beati, quam iste est, non sumus, tam delicati esse non possumus. si quando aliquid istiusmodi videre volet; eat ad ædem Felicitatis, ad monumentum Catuli, in porticum Metelli: det operam vt admittatur in alicuius istorum Tusculanum: spectet eorum ornatum, si quid iste suorum ædilibus accommodauit. Verres hæc habeat domi: Verres ornamentis fanorum atque oppidorum habeat plenam domum, villas refertas. Etiamne huius operarij studia, ac delicias, iudices, perferetis? qui ita natus est, ita educatus, ita factus & animo, & corpore, vt multo appositior ad * deferenda, quam ad, auferenda signa esse videatur. Atque hæc Sappho sublata quantum desiderium sui reliquerit, dici vix potest. nam cum ipsa fuit egregie facta, tum epigramma Græcum pernobile incisum habuit in basi; quod iste eruditus homo, & Græculus, qui hæc subtiliter iudicat, qui solus intelligit, si vnā literam Græcam scisset, certe non sustulisset. nunc enim quod inscriptum est inani in basi, declarat quid fuerit, & id ablatum indicat. Quid? signum * Pæanis ex æde AEsculapij præclare factum sacrum, & religiosum non sustulisti? quod omnes propter pulchritudinem visere, propter religionem

gionem colere solebant. Quid? ex æde Liberi simulacrum Aristæi non tuo imperio palam ablatum est? Quid? ex æde Iouis, religiosissimum simulacrum Iouis imperatoris, quem Græci Vrion nominant, pulcherime factum, nonne abstulisti? Quid? ex æde Liberi paruum illud capud pulcherimum quod visere solebamus, num dubitasti tollere? Atque ille Pæan sacrificijs anniuersarijs simul cum Aesculapio apud illos colebatur. Aristæus qui vt Cræci ferunt, Liberi filius inuentor olei esse dicitur, vna cum Libero patre apud illos eodem erat in templo consecratus Iouem autem imperatorem quanto honore suo templo fuisse arbitramini? hinc * colligere potestis. si recordari volueritis, quanta religione fuerit eadem specie atque forma signum illud quod ex Macedonia captum in capitolio posuerat Flamininus. Etenim tria ferebantur in orbe terrarum signa Iouis imperatoris vno in genere pulcherrime facta: unum, illud Macedonicum, quod in capitolio videmus: alterum, in ponti ore & angustijs tertium, quod Syracusis ante Verrem prætorem fuit. illud Flamininus ita ex æde sua sustulit, vt iu capitolio, hoc est, in terrestri domicilio Iouis poneret. Quod autem est ad introitum Ponti, id cum tam multa ex illo mari bella emerferint, tam multa porro in Pontum inuecta sint, vsque ad hanc diem integrum, inuiolatumque seruatum est. hoc tertium, quod erat Syraculis, quod M. Marcellus armatus & victor viderat, quod religioni concesserat, quod ciues atque incolæ Syracusani colere, aduenæ non solum visere, verum etiam venerari solebant: id Verres ex templo Iouis sustulit. Vt sepius ad M. Marcellum reuertar iudices. sic habetote: plures esse a Syracusanis istius aduentu deos, quam victoria Marcelli homines desideratos. Etenim ille requisisse dicitur etiam Archimedem illum summo ingenio hominem ac disciplina: cumq; cum audisset interfectum,

permolestè tulisse. Iste omnia, quæ requisivit, non ut seruaret, verum ut asportaret, requisivit. Iam illa, quia leuiora videbuntur, si hoc loco * dicerentur, ideo præteribo, quod iste mensas Delphicas e marmore crateras ex ære pulcherrimas, vim maximam vasorum Corinthiorum ex omnibus ædibus sacris Syracusis abstulit. Itaq; iudices, hi qui hospites ad ea quæ visenda sunt, ducere solent, & vnumquidque ostendere, quos illi Mystagogos vocant, conuersam iam habent demonstrationem suam. nam ut ante demonstrabant, quid ubiq; esset, * ita nunc, quid vndique ablatum sit, ostendunt. Quid tum? mediocrine tandem dolore eos affectos esse arbitramini? non ita est, iudices: primum, quod omnes religione mouentur; & deos patrios quos a maioribus acceperunt, colendos sibi diligenter, & retinendos esse arbitrantur: deinde hic ornatus, hæc opera, atque artificia, signa, tabulæ pictæ, Græcos homines nimio opere delectant. Itaq; ex illorum querimoniis intelligere possumus, hæc illis acerbissima videri, quæ forsitan nobis leuia, & contemnenda esse videantur. mihi credite, iudices (tamen si vosmetipsos hæc eadē audire certo scio) cum multas acceperint per hosce annos focij, atque exteræ nationes calamitates, & iniurias; nullas Græci homines grauius tulerūt, nec ferunt, quam huiusmodi spoliaciones sanorum, atque oppidorum. Licet iste dicat emisisse se, sicuti solet dicere: credite hoc mihi, iudices, nulla vniquam ciuitas tota Asia, & Græcia signum vllum, tabulam pictam, nullum denique ornamentum virbis, sua voluntate cuiquam vendidit. nisi forte existimatis, posteaquam iudicia seuera Romæ fieri desierint, Græcos homines hæc * vendere cœpisse; quæ tum non modo non vendebant, cum iudicia fiebant, verum etiam coemebant. * nisi arbitramini L. Crasso, Q. Scauolæ, C. Claudio potentissimis hominibus, quorum ædilitates ornatissimas vidimus, commercium

cium istarum rerum cum Græcis hominibus non fuisse: his qui post iudiciorum dissolutiones ædiles facti sunt, fuisse. Acerbiorem etiam scitote esse ciuitatibus falsam istam & simulatam emptionem, quam si quis clam surripiat; aut eripiat palam, atque auferat. nam turpitudinem summam esse arbitrantur, referri in literas publicas, pretio adductam ciuitatem, & pretio paruo, ea, que acceperat a maioribus, vendidisse, atque * alienasse. etenim mirandum in modum Græci rebus istis, quas nos contemnimus, delectantur. itaque maiores nostri facile patiebantur, hæc esse quam plurima apud socios, ut imperio nostro quam ornatissimi florētissimiq; essent. apud eos autem, quos vectigales, aut stipendiarios fecerant, tamen hæc relinquebant, ut illi, quibus ea iucunda sunt, quæ nobis leuia videbantur, haberēt hæc oblectamēta, & solatia seruitutis. Quid arbitramini Rheginos, qui iam ciues Romani sunt, merere velle, ut ab iis marmorea Venus illa auferatur? quid Tarentinos, ut ne Europam in Tauro sedentem amittant? ut Satyrum qui apud illos in æde Vestæ est? ut cetera? quid Thespienses, ut Cupidinis signum, propter quod vnum visuntur Thespiæ? quid Gnidios, ut Venere in marmoream? quid ut pictam, Coos? quid Ephesios, ut Alexandrum? quid Cyzicenos, ut Aiace, aut Medeam? quid Rhodios, ut Ialysium? quid Athenienses, ut ex marmore Iacchum, aut Parhalum pictum, aut ex ære Myronis buculam? Longum est, & non necessarium commemorare, quæ apud quosque visenda sunt tota Asia & Græcia. verum illud est, quamobrem hæc commemorarim; quod existimare vos hoc volo, mirum quemdam dolorem accidere iis, ex quorum urbibus hæc auferantur. Atque ut ceteros omittamus, de ipsis Syracusanis cognoscite. ad quos ego cum venissem, sic primo existimabam, ut Romæ ex istius amicis acceperam, ciuitatem Syracusanam propter

Heraclij hereditatem, non minus esse isti amicam, quam Mamertinam propter prædarum, ac furtorum omnium societatem: simul & verebar, ne mulierum nobilium, & formosarum gratia, quarum iste arbitrio præturam per triennium gesserat, virorumque quibus cum illæ nuptæ erāt, nimia in istum non *lenitudine, sed etiam liberalitate oppugnerer, si quid ex literis Syracusanorum conquirerem. itaque Syracusis cum ciuibus Romanis eram, eorum tabulas *exquirebam, iniurias cognoscebam, cum diutius in eo negotio, curaque fueram, vt quiescerem, curamque animi remitterem, ad Carpinatij præclaras tabulas reuertebat: vbi cum equitibus Rom. ex illo conuentu honestissimi, illos Verrutios, de quibus ante dixi, explicabam: a Syracusanis prorsus nihil adiumenti neq; publice, neque priuatim exspectabam: neque erat in animo postulare. Cum hæc agerem repente ad me venit Heraclius is, qui tum magistratum Syracusis habebat, homo nobilis, qui Sacerdos Iouis fuisset: qui honos apud Syracusanos est amplissimus. agit mecum & cum fratre meo vt si nobis videretur, adiremus ad eorum senatum: frequentes esse in curia: se iussu senatus a nobis petere, vt veniremus. Primo nobis fuit dubium, quid ageremus: deinde cito venit in mentem, non esse vitandum nobis illum conuentum & locum. itaque in curiam venimus. honorifice sane confurgitur: nos rogatu magistratus assedimus. incipitis loqui, qui & auctoritate, & ætate, & vt mihi visum est, vsu rerum antecedebat, Diodorus Timarchides: cuius omni oratio hanc habui primo sententiam, Senatam, populumque Syracusanum moleste, grauiterque ferre, quod ego cum in ceteris Siciliae ciuitatibus senatum, populumque docuissem, quid eis vtilitatis, quid salutis afferrem; &, cum ab omnibus mandata, legatos, literas, testimoniaque sumpsissem, in illa ciuitate nihil eiusmodi facerem. respondi, Neq;

Romæ

Romæ in conuentu Siculorum cum a me auxilium communi omnium legationum consilio petebatur, causâque totius ad me Siciliæ deferebatur, legatos Syracusanorum affuisse: neq; me postulare, vt quidquam contra C. Verrem decerneretur in ea curia, in qua inauratam C. Verris statuam viderem. Quod posteaquam dixi, tantus est gemitus factus aspectu statuæ, & commemoratione, vt illud in curia positum monumentum scelerum, non beneficiorum videretur. Tum pro se quisque quantum dicendo assequi poterat, docere me cœpit ea, quæ paullo ante commemoravi, spoliata vrbem, fana direpta, ex Heraclij hereditate, quam palæstritis concessisset, multo maximam partem ipsum abstulisse: neq; postulandum fuisse vt ille palæstritas diligeret. qui etiam inuentorem olei deum sustulisset: neque illam statuam esse ex pecunia publica, neque publice datam: sed eos qui hereditatis diripiendæ participes fuissent, faciendam statuendamque curasse: eosdem Romæ fuisse legatos, illius adiutores improbitatis, socios furtorum, conscios flagitiorum: eo minus mirari me oportere, si illi communi legatorum voluntati, & salutis Siciliæ defuissent. Vbi eorum dolorem ex illius iniuriis non modo non minorem, sed prope maiorem quam ceterorū Siculorum esse cognoui: tum meum animum in illos, tum mei consilij, negotijque totius suscepti causam rationemq; proposui, tum eos hortatus sum, vt causæ communi, salutisq; ne deessent, vt ei illam laudationem, quam se vi, ac metu coactos paucis illis diebus decreuisse dicebant, tollerent. Itaq; iudices, Syracusani hæc faciunt istius clientes atque amici: primum mihi literas publicas, quas in ætario sanctiore conditas habebant, proferunt: in quibus ostendunt omnia, quæ dixi ablata, esse perscripta; & plura etiam, quam ego potui dicere, perscripta autē hoc modo, Quod ex æde Mineræ hoc & illud abesset, quod

ex æde Iouis, quod ex æde Liberi, vt quisque eis rebus tuendis, conseruandisque præfuerat, ita perscriptum erat, cum rationem ex lege redderet, & quæ acceperat, deberet tradere: petisse, vt sibi, quod hæ res abessent, ignosceretur. itaque omnes liberatos discessisse; & esse ignotum omnibus, quas ego literas obsignandas publico signo, deportandasque curauī. De laudatione autem ratio sic reddita est. primum cum a Verre literæ aliquanto ante aduentum meum de laudatione venissent; nihil esse decretum: deinde, cum quidam ex illius amicis commonerent, oportere decerni, maximo esse clamore & conuitio repudiatos: &, posteaquam meus aduētus appropinquaret, imperasse eum, qui summam potestatem haberet, vt decernerent: decretum ita esse, vt multo plus illi laudatio mali, quam boni possit asferre. Id adeo, iudices, vt mihi ab illis demonstratum est, sic vos ex me cognoscite. Mos est Syracusis, vt si qua de re ad senatum referatur, dicat sententiam, qui velit: nominatim nemo rogatur. & tamen, vt quisque honore & ætate antecedit, itaque primus solet sua sponte dicere: idque a ceteris ei cōceditur. si quando taceant omnes, tunc sortito coguntur dicere. Cum hic mos esset; refertur ad senatum de laudatione Verris: in quo primum, vt aliquid esset moræ, multi interpellant: de Sext. Peduceo, qui de illa ciuitate, totaque prouincia optime meritus esset, sese antea, cum audissent ei negotium facessitum, cumque cum publice pro plurimis eius, & maximis meritis laudare cuperent; a C. Verre prohibitos esse: iniquum esse, tametsi Peduceus eorum laudatione iam non vteretur; tamen non id prius decernere, quod aliquando voluissent, quam quod tum cogerentur. Conclamant omnes, & approbant ita fieri oportere: refertur de Peduceo: vt quisque ætate, & honore antecederet, ita sententiam dixit ex ordine. Id adeo ex ipso s. c. cognoscite.

gnoscite. nam * principio sententiæ perferri solet.
Recita. QVOD VERBA FACTA SVNT DE
SEX. PEDVCEO. Dicit qui primi suaserint, decer-
nitur. refertur deinde de Verre. dic quæso quomo-
do? QVOD VERBA FACTA SVNT DE C.
VERRE. quid postea scriptum est? CVM SVR-
GERET NEMO NEQVE SENTENTIAM DI-
CERET. quid hoc est? SORS DVCITVR.
quamobrem? nemo erat voluntarius laudator præ-
turæ tuæ? defensor periculorum tuorum? præfer-
tim cum inire a prætore gratiam posset? nemo. ipsi
illi tui coniux, consiliarij & conscij, verbum face-
re non audebant. in qua curia statua tua stabat, &
nuda in ea filij, nemo fuit, quem ne nudus quidem
filius, in nuda provincia commouerit. Atque etiam
hoc me docent. Eiusmodi senatusconsulto sese fe-
cisse laudationem, vt omnes intelligere possent,
non laudationem, sed potius irrisiōem esse illam,
quæ commonefaceret * istius turpem, calamitosam-
que præturam. Etenim scriptum esse ita: QVOD i-
ste virgis neminem cecidisset: a quo cognoscitis no-
bilissimos homines, atque innocentissimos securi
esse percussos: QVOD vigilanter provinciam ad-
ministrasset: cuius omnes vigilias in stupris constat
adulteriisque esse consumptas. hoc autem scriptum
etiam, quod proferre non auderet reus; accusator
recitare non desineret: QVOD prædones procul
ab insula Sicilia prohibuisset Verres: quos etiam
intra Syracusanam insulam recepisset. Quæ postea-
quam ex illis cognoui? discessi cum fratre e curia,
vt nobis absentibus, si quid vellent, decernerent.
decernunt statim: primum, vt L. fratri hospitium
publice fieret; quod is eandem voluntatem erga Sy-
racusanos suscepisset, quam ego semper habuissem.
id non modo non scripserunt, verum etiam in ære
incisum nobis tradiderunt. Valde, hercule, te Syra-
cusani tui quos crebro cōmemorare soles, diligunt:

qui cum accusatore tuo satis iustam causam coniungendæ necessitudinis putant; quod te accusaturus sit; & quod ad * inquirendum in te venerit. postea decernitur, ac non varie, sed prope * coniunctis sententiis, ut laudatio, quæ C. Verri decreta esset, tolleretur. * Atque adeo cum iam non solum discessio facta esset, sed etiam perscriptum, atque in tabulas relatum, prætor appellatur. at quis appellat? magistratus aliquis? nemo. senator? ne id quidem, Syracusanorum aliquis? minime. quis igitur prætorem appellat? qui quæstor istius fuerat, Cæcilius. o rem ridiculam, o desertum hominem, o desperatum, ac relictum a magistratu Siculo. ne s. c. Siculi homines facere possent, ne suum ius, suis moribus, suis legibus obtinere possent, non amicus istius, non hospes, non denique aliquis Siculo, sed quæstor prætorem appellat. Quis hoc vidit? aut quis audiuit? Prætor æquus, & sapiens dimitti iubet senatum. concurrit ad me maxima multitudo. primum senatores clamare, eripi sibi ius, eripi libertatē. populum senatum laudare, gratias agere: ciues Rom. a me nusquā discedere. quo quidem die nihil ægrius factum est multo labore meo, quam ut manus ab illo appellatore abstinerentur. Cum ad prætorem in ius adissemus, excogitat sane diligenter, & caute, quid decernat. nam ante quam verbum facerem, desella surrexit, atque abiit. itaque tum de foro, cum iam advesperasceret, discessimus. Postridie mane ab eo postulo, ut Syracusanis liceret s. c. quod pridie fecissent, mihi reddere. Ille enimvero negat: & ait indignū facinus esse, quod ego in senatu Græco verba fecissem. quod quidem apud Græcos Græce locutus essem, id * fieri nullo modo posse. Respondi homini, ut potui, ut volui, ut debui: tum multa; tum etiam hoc me meminī dicere, facile esse perspicuū, quantum inter hunc, & illum Numidicum verum & germanum Metellum interesset: illum noluisse sua laudatione

laudatione iuuare L. Lucullum sororis virum, qui-
cum optime conuenisset hunc homini alienissimò,
a ciuitatibus laudationes per vim & metum compa-
rare. Quod vbi intellexi, multum apud illum recen-
tes nuntios, multum tabulas non commendatitias,
sed tributarias valuisse: admonitu ipsorum Syracusa-
norum impetum in eas tabulas facio, in quibus sin-
gula perscripta erant. Ecce autem noua turba, atque
rixa. ne tamen istum omnino Syracusis sine amicis,
sine hospitibus plane nudum esse, ac desertum pu-
tetis: retinere cœpit tabulas Theomnastus quidam;
homo ridicule insanus, quem Syracusani Theora-
stus vocant, qui illic eiusmodi est, vt eum pueri se-
dentur: vt omnes, cum loqui cœperit, irrideant.
Huius tamen insania, quæ ridicula est aliis, mihi tū
molesta sane fuit. nam cum spumas ageret in ore,
arderēt oculi, voce maxima vim me sibi afferre cla-
maret: copulati in ius peruenimus. Hic ego postu-
lare cœpi, vt mihi tabulas obsignare, ac deportare
liceret: ille * contra, instare ego mihi omnium ta-
bularum, & literarum fieri potestatem oportere.
Contra ille furiosus vrgeret, nihil ad se nostras leges
pertinere. Prætor intelligens negare sibi placere,
quod s. c. ratum esse non deberet, id me Romam de-
portare. Quid multa? nisi vehementius homini mi-
natus essem; nisi legum sanctionem, pœnamque re-
citassem; tabularum mihi potestas facta non esset.
ille autem insanus, qui pro isto contra me vehemē-
tissime declamasset; postquam non impetrauit: cre-
do, vt in gratiam mecum rediret, libellum mihi dat,
in quo istius furta Syracusana perscripta erant; quæ
ego antea iam ab illis cognoram, & acceperā. Lau-
dent te sane iam Mamertini, qui ex tanta prouincia
soli sunt, qui te saluum velint: ita tamen laudent vt
Heius, qui eius princeps legationis est, adfuerit lau-
dent, vt ea quæ rogati erunt mihi parati sint respo-
dere. Ac ne iudicio a me opprimantur, hæc sunt ro-

gaturus : nauem debeantne ? fatebuntur. præbuerintne prætore C. Verre ? negabunt. ædificarintne nauem onerari a maximam publice, quam Verri dederunt ? negare non poterunt. fumentumne ab his sumpsit Verres, quod populo Ro. mitteret, sicuti superiores ? negabunt. quid militum, aut nautarum per triennium dederint ? nullum datum dicent. fuisse Messaniam omnium istius furtorum, ac prædaram recepticem ? negare non poterunt. per multa multis nauibus illinc exportata ? hanc denique nauem maximam a Mamertinis datam, onustam cum isto prætore profectam ? fatebuntur. Quamobrem tibi habere sane istam laudationem Mamertinam. Syracusanam quidem ciuitatem, vt abs te affecta est, ita in te esse animatam videmus: apud quos etiam Verrea illa flagitiosa sublata sunt. etenim minime conueniebat, ei deorum honores haberi, qui simulacra deorum sustulisset. Etiam, mehercule, illud in Syracusanis merito reprehenderetur, si, cum diem festum ludorum de fastis suis sustulissent celeberrimum & sanctissimum, quod eo ipso die Syracusæ a Marcello captæ esse dicuntur; iidem diem festum Verris nomine agerent, cum iste Syracusanis quæ ille calamitosus dies reliquerat, ademisset. At vide te hominis impudentiam, atque arrogantiam, iudices, qui non solum Verrea hæc turpia, ac ridicula ex Heraclij pecunia constituerit; verum etiam Marcellea tolli imperarit: vt ei sacra facerent, quotannis, cuius opera omnium annorum sacra, deosque patrios amiserant: eius autem familiæ dies festos tollerent, per quam ceteros quoque festos recuperarent.

ACCV-



ACCUSATIONIS

IN C. VERREM

LIBER VII.

ORATIO DECIMA.



EMINI video dubium esse, iudices, quin apertissime C. Verres in Sicilia sacra, profanaque omnia & priuatim & publice spoliarit, verlatusque sit line vlla non modo religione verū etiam dissimultione in omni genere furandi, atq; predan-

di. sed quādam mihi magnifica, & præclara eius defensio ostenditur cui quemadmodum resistā, multo mihi ante est, iudices, prouidendum. ita enim causā constituitur, prouinciam Siciliam virtute * eius, & vigilantia singulari, dubiis formidolosisque temporibus a fugitiuis, atq; a belli periculis tutam esse seruātam. Quid agam, iudices? quo accusationis meæ rationem conferam? quo me vertam? ad omnes enim meos impetus, quasi murus quidam, boni nomen imperatoris oppositur. noui locum: video vbi se iactaturus sit Hortensius. belli pericula, tempora reip. imperatorum penuriam commemorabit: tum deprecabitur a vobis, tum etiam pro suo iure contēdet, ne patiamini talem imperatorem populi Ro. Siculorum testimoniis eripi, neue obtinere laudē imperatoriam criminibus avaritiæ velitis. Nō possum dissimulare, iudices: timeo, ne C. Verres propter hanc virtutem ex miam in re militari, omnia quæ fecit, impune fecerit. venit enim mihi in mentem,

in iudicio M. Aquillij quantum auctoritatis . quantum momenti oratio M. Antonij habuisse existimata sit qui vt erat in dicendo non solum, sapiens, sed etiam fortis, caussa prope perorata, ipse arripuit M. Aquillium, constituitque in conspectu omnium, tunicamque eius a pectore abscidit, vt cicatrices populus Ro. iudicesque aspicerent, aduerso corpore exceptas: simul & de illo vulnere, quod ille in capite ab hostium duce acceperat, multa dixit, eoque adduxit eas qui erant iudicaturi, vehementer vt vererentur, ne quem virum fortuna ex hostium telis eripuisset, cum sibi ipse non pepercisset, hic non ad populi Ro. laudem, sed ad iudicum crudelitatem videretur esse serua us. Hæc eadem nunc ab illis defensionis ratio, viaque tentatur: idem quæritur, sit fur, sit sacrilegus, sit flagitiorum omnium, viciorumque princeps: at est bonus imperator, & felix, & ad dubia reip tempora reseruandus, Non agam summo iure tecum: non dicam id quod debeam forsitan obtinere: cum iudicium certa lege sit constitutum, non quid in re militari fortiter feceris, sed quem admodum manus ab alienis pecunijs abstinueris, abs te docere oportere: non, inquam, sic agam, sed ita quæram, quemadmodum te velle intelligo, quæ tua opera, & quanta fuerit in bello. Quid dices? an bello fugitiuorum Siciliam virtute tua liberatam? magna laus * honesta oratio. sed tamen quo bello? nos enim post * id bellum, quod M. Aquillius confecit, sic accepimus, nullum in Sicilia fugitiuorum bellum fuisse. At in Italia fuit. fateor, & magnum quidem, ac vehemens: num igitur ex eo bello partem aliquam laudis appetere conaris? num tibi illius victoriæ gloriam cum M. Crasso, aut Cn Pompeio communicandam putas? non arbitror hoc etiam deesse tuæ impudentiæ, vt quidquam eiusmodi dicere audeas. obstitisti videlicet, ne ex Italia transire in Siciliam fugitiuorum copiæ possent. vbi? quando? qua ex parte

parte? cum autem nauibus, aut ratibus conarentur accedere? nos enim nihil umquam prorsus audiui-
 mus:& illud audiuius, M. Crassi fortissimi viri vir-
 tute, consilioque factum, ne ratibus coniunctis freto
 fugitiui ad messaniam transire possent: a quo illi co-
 natu non tantopere prohibendi fuissent, si vlla in
 Sicilia praesidia ad illorum aduentum opposita pu-
 tarentur. At * tum in Italia bellum tam prope a Si-
 cilia tamen in Sicilia non fuit. Quid mirum? ne, cum
 in Sicilia quidem fuit, eodem intervallo pars eius
 belli in Italiam vlla peruasit. Etenim propinquitas
 ad vtram partem hoc loco profertur? vtrum, aditum
 facilem hostibus, an contagionem imitandi eius belli
 periculosam fuisse? aditus omnium hominibus sine vlla
 facultate nauium, non modo disiunctus, sed etiam
 clausus fuit: vt illis, quibus Siciliam propinquam fu-
 isse dicis, facilius fuerit ad Oceanum peruenire,
 quam ad Peloridem accedere. contagio autem ista
 seruilis belli, cur abs te potius, quam ab his omnibus
 qui ceteras provincias obtinuerunt, praedicatur? an
 quod in Sicilia iam ante bella fugitiuorum fuerunt?
 at ea ipsa causa est cur ipsa provincia minimo in
 periculo sit, & fuerit. Nam posteaquam illinc M. A-
 quillius decessit, omnium instituta atque edicta
 praetorum fuerunt eiusmodi, vt ne quis cum telo
 seruus esset. Vetus est quod dicam, & propter seue-
 ritatem exempli nemini fortasse vestrum inauditum:
 L. Domitium praetorem in Sicilia, cum aper in-
 gens ad eum allatus esset, admiratum requisivisse,
 quis eum percussisset: cum audisset pastorem cuius-
 dam fuisse, eum ad se vocari iussisse illum cupide ad
 praetorem, quasi ad laudem, atque praemium accur-
 risse: quassisse Domicium, qui tantam bestiam per-
 cussisset? illum respondisse, venabulo. statim deinde
 iussu praetoris in crucem esse sublatum. durum hoc
 fortasse videatur, neq; ego vllam in partem disputo:
 tantum intelligo, maluisse Domicium crudelem in

animaduertendo, quam in prætermittendo dissolu-
 tum videri. Ego his institutis provinciæ iam tum cū
 bello fugitiuorum tota Italia arderet, homo non a-
 cerrimus, nec fortissimus, Cn. Norbanus in summo
 otio fuit, perfacile enim sese Sicilia tuebatur, ne
 quod in ipsa bellum posset existere. etenim cum ni-
 hil tam coniunctum sit, quam negotiatores nostri
 cum Siculis, vsu, re, ratione concordia: & cum ipsi
 Siculi res suas ita constitutas habeant, vt his pacem
 expediat esse; imperium autem populi Ro. sic dili-
 gant, vt id imminui, aur commutari minime velint;
 cumq; hæc ab seruorum bello pericula, & prætorū
 institutis, & dominorum disciplina prouisa sint: nul-
 lum est malum domesticum, quod ex ipsa provincia
 nasci possit, Quid igitur? nulline motus in Sicilia ser-
 uorum Verre prætor? nullane consensiones factæ
 esse dicuntur? nihil sane quod ad s. p. q. r. peruenerit:
 nihil, quod iste Romam publice conscripserit: & ta-
 men ceptum esse in Sicilia moueri aliquot locis ser-
 uitium suspicor. id adeo non tam ex re quam ex isti-
 us factis: decretisq; cognosco. Ac videte, quam non
 inimico animo sim acturus: ego ipse hæc, quæ ille
 querit, quæ adhuc numquam audistis, commemo-
 rabo, & proferam. In* Triochalino, quem locum fu-
 gitiuū iam ante tenuerunt, Leonidæ cuiusdam Siculi
 familia in suspicionem vocata est coniurationis: res
 delata ad istum statim (vt par fuit) iussu eius homi-
 nes, qui nominati erant, comprehensi sunt, adducti-
 que Lilybrum: domino denuntiaturum est, vt adesset:
 causa dicta, damnati sunt. Quid deinde? quid conse-
 tis? furtum forasse, aut prædam expectatis, aliquam?
 nolite vsquequaq; eadem querere. in metu belli, fu-
 randi qui locus potest esse? etiam si qua hic fuit in
 hac re occasio, prætermissa est tum potuit a Leoni-
 da nummorum aliquid auferre, cum denuntiavit, vt
 adesset. fuit nundinatio aliqua, & isti non noua, ne
 causam diceret, etiam alter locus, vt absoluerentur.
 damnatis

damnatis quidem seruis, quæ prædandi* potest esse ratio? produci ad supplicium necesse est. testes enim sunt, qui in consilio fuerunt: testes publicæ tabulæ: testis splendidissima ciuitas Lilybætana: testis honestissimus, maximusque conuentus ciuium Romanorum. nihil potest. producendi sunt. itaq; producuntur, & ad palum alligantur. Etiam nunc mihi expectare videmini, iudices, quid deinde factum sit: quod iste nihil vmquam fecit sine aliquo quæstu atq; præda, quid in eiusmodi re fieri potuit? quod commodum est? expectate facinus, quam vultis improbum: vincam tamen expectationem omnium* nomine scele-
ris, coniurationisq; damnati, ad supplicium traditi, ad palum alligati, repente multis millibus hominum inspectantibus soluti sunt, & Leonidæ illi domino redditi. Quid hoc loco potes dicere, homo amentissime nisi id quod ego non quæro: quod deniq; in re tam nefaria, tametsi dubitari non potest tamen ne si dubitetur quidem, quæri oporteat: quid, aut quantum, aut quomodo acceperis, remitto tibi hoc totum, atque ista te cura libero. neq; enim metuo, ne hoc cuiquam persuadeatur: vt ad quod facinus nemo præter te vlla pecunia adduci potuerit; id tu gratis suscipere conatus sis, verum de ista furandi prædandique ratione nihil dico: de hac imperatoria iam tua laude disputo. Quid ais bone custos, defensorque provincie? tu quos seruos arma capere, ac bellum facere in Sicilia voluisse cognoras, & de consilij sententia iudicaras: hos ad supplicium iam more maiorum traditos, & ad palum alligatos, ex media morte eripere ac liberare ausus es? vt quam damnatis seruis crucem fixeras, hanc indemnatis ciuibus Romanis reseruares? Perditæ ciuitates, desperatis omnibus rebus, hos solent exitus exitiales habere vt damnati in integrum restituantur, vinciti soluantur, exules reducantur, res iudicatæ rescindantur, quæ cum accidunt, nemo est, quin intelligat, ruere il-

Iam remp. hæc vbi eueniunt, nemo est, qui vllam spem salutis reliquam esse arbitretur atque hæc sicubi facta sunt; facta sunt vt homines populares, aut nobiles supplicio, aut exilio leuantur: at non ab his ipsis qui iudicassent; at non statim; at non eorum facinorum damnati, quæ ad vitam, & omnium fortunas pertinerent, hoc vero nouum, & eiusmodi est, vt magis propter reum, quam propter rem ipsam credibile esse videatur, vt homines seruos, vt ipse qui iudicaret, vt statim e medio supplicio demiserit, vt eius facinoris damnatos seruos, quod ad omnium liberorum caput, & sanguinem pertineret. O præclarum imperatorem, nec iam cum M. Aquillio fortissimo viro, sed vero cum Paulis, Scipionibus, Marijs conferendum! tantumne vidisse in metu, periculoque prouinciæ? cum seruitiorum animos in Sicilia suspensos propter bellum Italiæ fugitiuorum videret? nequis se commouere auderet, quantum terroris iniecit? comprehendi iussit. quis non pertimescat? causam * dicere dominos quid seruis tam formidolosum? fecisse videri pronunciauit. exortam videtur flammam paucorum dolore, ac morte restinxisse. Quid deinde sequitur? verbera atq; ignes, & illa extrema ad supplicium damnatorum, metum ceterorum cruciatus & crux, hisce omnibus supplicijs sunt liberati. Quis dubitet, quin seruorum animos summa formidine oppresserit? cum viderent ea facilitate prætorem, vt ab eo seruorum, sceleris, coniurationisque damnatorum vita, vel ipso carnifice internuncio, redimeretur. Quid? hoc in Apolloniensi Aristodamo? quid? in Leonte Megarensi non idem fecisti? quid? iste motus seruorum, bellique fabita suspicio, vtrum tibi tandem diligentiam custodiendæ prouinciæ, an nouam rationem improbissimi quæstus attulit? Haliciensis Eumenidæ nobilis hominis & honesti, magnæ pecuniæ villicus cum impulsu tuo insinulatus esset, h. s. l. x. millia a domi-

no accepisti: quod nuper ipse iuratus docuit, quem-
admodum gestum esset. Ab equite Rom. C. Matri-
nio absente, cum esset Romæ, quod eius villicos, pa-
storesque tibi in suspicionem venisse dixeras, h-
s. centum millia abstulisti. dixit hoc L. Flavius, qui ti-
bi eam pecuniam numeravit, procurator C. Matri-
nij: dixit ipse C. Matrinius, dicet vir clarissimus Cn.
Lentulus censor, qui Matrini honoris causa, re-
centi negotio ad te litteras misit, mittendasque cu-
ravit: Quid? de Apollonio Diocli filio Panormitano
cui Gemino cognomen est: præteriri potest? ecquid
hoc tota Sicilia clarius? ecquid indignius? ecquid
manifestius proferri potest? quem is, vi Panormum
venit ad se vocari, & de tribunali citari iussit, con-
cursu magno, frequentiaque conuentus. homines
statim loqui, mirari, quod Apolonius homo pecuni-
osus tamdiu ab isto maneret integer: excogitavit?
nescio quid attulit. profecto homo diues repente a
Verre non sine causa citatur: expectatio summa
omnium, quidnam id esset: cum exanimatus subito
ipse accurrit cum adolescente filio: nam pater gran-
dis natu iamdiu lecto tenebatur. nominat iste seruū,
quem magistrum pecoris esse diceret: cum dicit
coniurasse, & alias familias concitasse. is omnino
seruus in familia non erat. eum statim exhiberi iu-
bet. Apollonius affirmat, seruum se omnino illo no-
mine habere neminem. iste hominem arripi a tribu-
nali, & in carcerem conijci iubet. ille clamare, cum
raperetur, nihil se miserum fecisse, nihil commi-
sisse: pecuniam sibi esse in nominibus, numeratam
in præsentia non habere, hæc cum maxime summa
hominum frequentia testificaretur, ut quiuis intelli-
gere posset, eum quod pecuniam non dedisset, id-
circo illa tam acerba iniuria affici: cum maxime, ut
dico, hoc de pecunia clamaret, in vincla coniectus
est Videte constantiam prætoris, & eius prætoris,
qui nunc reus non ita defendatur, ut mediocris præ-

tor; sed ita laudetur, vt optimus imperator. cum seruorum bellum metueretur, quo supplicio dominos indemnatas acciebat; hoc seruos damnatos liberabat. Apollonium locupletissimum hominem, qui, si fugitiui bellum in Sicilia facerent, amplissimas fortunas amitteret; belli fugitiuorum nomine, indicta causa, in vincula coniecit: seruos quos ipse cum consilio belli facendi causa consensisse iudicauit; eos sine consilij sententia sua sponte omni supplicio liberauit. Quid, si ab Apollonio aliquid commissum est, quamobrem iure in eum animaduertetur, tamenne hanc rem sic agemus, vt crimini, aut inuidia reo putemus esse oportere, si quo de homine seuerius iudicauit? Non agam tam acerbè: non vt ista accusatoria consuetudine, si quid est factum clementer, vt dissolute factum criminer si quid vindicatum seuerè est, vt ex eo crudelitatis inuidiam colligam. non agam ista ratione: tua sequar iudicia: tuam defendam auctoritatem, quoad tu voles. simul ac tute corperis tua iudicia rescindere, mihi succensere desinito. meo enim iure contendam eum qui suo iudicio condemnatus sit, iuratorum iudicij sententis damnari oportere. Non defendam Apollonij causam, amici atque hospitis mei, ne tuum iudicium videar rescindere: nihil de hominis frugalitate, virtute, diligentia dicam: prætermittam illud etiam de quo antea dixi: fortunas eius ita constitutas fuisse, familia, pecore, villis, pecuniis creditis, vt nemini minus expediret, vllum in Sicilia tumultum, aut bellum commoueri nō dicam ne illud quidem, si maxime in culpa fuerit Apollonius, tamen in hominem, honestissimum, ciuitatis honestissimæ, tam grauiter animaduerti causa indicta non oportuisse: nullam inuidiam in te, ne ex illis quidem rebus concitabo. cum esset talis vir in carcere, in tenebris, in squalore, in fordibus, tyrannicis interdictis tuis patri exacta ætate, & adolefcenti filio adeundi ad illum

illum miserum potestatem numquam esse factam. etiam illud præteribo, quoriefcunque Panoimum veneris illo anno, & sex mensibus (nam tamdiu fuit in carcere Apollonius) toties ad te senatum Panormitanum adisse supplicem cum magistratibus, sacerdotibusque publicis, orantem, atque obsecrantem, ut aliquando ille miser, atq; innocens calamitate illa liberaretur. relinquam hæc omnia: quæ si velim persequi, facile ostendam tua crudelitate in alios, omnes tibi aditus misericordiæ iudicum iam pridem esse præclusos. omnia igitur ista concedam, & remittam. prævideo enim, quid sit desensurus Hortensius. fatebitur apud istum, neque senectutem patris, neq; adolescentiæ filij, neq; lacrymas vtriusq; plus valuisse, quam utilitatem, salutemque provinciae: dicet remp. administrari sine metu, ac severitate non posse: quæret quamobrem fascēs prætoribus præferantur? cur secures datae? cur carcer ædificatus? cur tot supplicia sint in improbos more maiorum constituta? quæ cum omnia graviter, severeque dixerit; quæram cur hunc eundem Apollonium Verres idem, repente, nulla nova re allata, nulla defensione, sine causa de carcere emitti iusserit? tantumq; in hoc crimine suspicionis esse affirmabo, ut iam ipsis iudicibus sine mea argumentatione coniecturam facere permittam, quod hoc genus prædandi, quam improbum, quam indignum, quamque ad magnitudinem quæstus immensum, infinitumq; esse videatur. Nam quæ iste in Apollonio fecit, ea primum breviter cognoscite quot & quanta sint: deinde hæc expendite, atq; æstimate pecunia reperietis, idcirco hæc in vno homine pecunioso tot constituta, ut ceteris formidines similium incommodorum, atque exempla periculorum preponerentur. Primum insimulatio est repentina, capitalis, atque invidiosi criminis: statuite, quanti hoc putetis, & quam multo redemisse. Deinde crimen sine accusa-

tore, sententia sine consilio, damnatio sine defensione. æstimate harum rerum omnium pretia & cogitate in his, iniquitatibus vnum hæsisse Apollonium, ceteros profecto multos ex his incommodis pecunia se liberasse. Postremo tenebræ, vincula, carcer, inclusum supplicium, atque a conspectu parentum, ac liberum, deniq; a libero spiritu, & communi luce seclusum. Hæc vero, quæ vel vita redimi recte possunt, æstimate pecunia non quæo. hæc omnia sero redemit Apollonius, iam mœrore, ac miseris perditus: sed tamen ceteros docuit, ante istius auaritiæ, ac secleri occurrere. Nisi vero existimatis hominem pecuniosissimum sine aliqua causâ quæstus * iniectum ad tam incredibile crimen; aut sine eadem causâ repente e carcere emissum; aut hoc prædandi genus ab isto in illo vno adhibitum, ac tentatum; & non per illum omnibus pecuniosum. Siculis metum propositum, & iniectum. Cupio mihi, iudices, ab illo subiici, quoniã de militari eius gloria dico, si quid forte prætereo. Nam mihi vide de omnibus iam rebus eius gestis dixisse; quæ quidem ad belli fugitiuorum pertinerent suspicionem: certe nihil sciens prætermisi. Habetis hominis consilia, diligentiam, vigilantiam, custodiam, defensionemque prouinciæ. summa illuc pertinet, vt sciatis quoniam plura genera sunt imperatorum, ex quo genere iste sit. Ne diutius in tanta penuria virorum fortium talem imperatorem ignorare possitis; non ad Q. Maximi sapientiam, neque ad illius superioris Africani in regerenda celeritatem, neque ad huius, qui postea fuit singulare consilium, neque ad Paulli rationem, ac disciplinam, neque ad C. Marij vim * atq; virtutem, sed * ad aliud genus imperatorum sane diligenter retinendum & conservandum, quæso cognoscite. Itinerum primum laborem, qui vel maximus est in re militari, iudices, & in Sicilia maxime necessarius, accipite quã facilem sibi iste,

& iucundum ratione, consilioque reddiderit. Primum temporibus hibernis, ad magnitudinem frigorum, & ad tempestatum vim atque imbrium, præclarum sibi hoc remedium comparat. urbem Syracusas elegerat: cuius hic situs, atque hæc natura esse loci, cælique dicitur, ut nullus unquam dies tam magna turbulentatque tempestate fuerit, quin aliquo tempore solem eius diei homines viderent. hic ita vivebat iste bonus imperator hibernis mensibus, ut eum non facile, non modo extra tectum, sed extra lectum quidem quisquam videret. ita diei breuitas conuiuiis, noctis longitudo stupris & flagitiis conterebatur. cum autem ver esse cõperat, cuius initium iste non a Fauonio, neque ab aliquo astro notabat; sed cum rosam viderat, tunc incipere ver arbitrabatur; dabat se labori, atque itineribus: in quibus usque; eo se præbebat patientem, atque impigrum, ut eum nemo unquam in equo sedentem videret. Nam, ut mos fuit Bithyniæ regibus, lectica * hexaphoro ferebatur: in quo puluinus erat pellucidus Meliteni rosa fartus: ipse autem coronam habebat unam in capite, alteram in collo: reticulūque ad nares sibi * admonebat tenuissimo lino, minutis maculis plenum rosæ. Sic cõfecto itinere, cum ad aliquod oppidum venerat; eadem lectica usque in cubiculum deferrebat. eo veniebant Siculorum magistratus; veniebant equites Rom. id quod ex multis iuratis audistis: controuersiæ secreto deferrebantur, paullo post palam decreta auferebantur. deinde ubi paulisper in cubiculo pretio, non æquitate iura descripserat; Veneri iam, & Libero reliquum tempus debere arbitrabatur. quo loco mihi non prætermittenda videtur præclari imperatoris egregia, ac singularis diligētia. Nam scitote esse oppidum in Sicilia nullum ex iis oppidis, in quibus cõsistere prætores, & conueniunt agere soleant, quo in oppido non isti ex aliqua familia non ignobili delecta ad libi-

dinem mulier esset. itaq; nonnullæ ex eo numero in conuiuium adhibeantur palā, si quæ castiores erant, ad tempus veniebant, lucem, cōuentumq; vitabant. erant autem conuiuia non illo silentio prætorum, atq; imperatorum, neq; eo pudore, qui in magistratum conuiuiis versari solet; sed cum maximo clamore, atq; * conuitio nonnumquā etiam res ad manus, atq; ad pugnam veniebat. iste enim prætor seuerus, ac diligens, qui populi Ro. legibus numquam paruisset, illis diligenter legibus, quæ in poculis ponebantur obtēperabat. itaq; erant exitus eiusmodi, vt alius inter manus e conuiuiō tamquam e prælio, auferretur, alius tamquam occisus relinqueretur: pleriq; fusi sine mente, ac sine vllō sensu iacerent: vt quiuis cum aspexisset, non se prætoris conuiuiū, sed * vt Cannensem pugnam nequitiaē videre arbitraretur. Cum vero æstas summa esse iam cæperat, quod tēpus omnes Siciliae semper prætores in itinere consumere consueuerunt, propterea quod tum putant obeundā esse maxime prouinciā, cum in arēis frumenta sunt, quod & familiae congregantur, & magnitudo seruitij perspicitur, & labor operis maxime offenditur, & frumenti copia commouet, tempus anni non impedit: tum inquam, cum concurrant ceteri prætores, iste nouo quodam ex genere imperato, pulcherrimo Syracusarum * loco statua sibi castra faciebat. nam in ipso aditu, atque ore portus, vbi primum ex alto sinus ad urbem ab litore inflectitur, tabernacula carbasseis intenta velis collocabat. huc ex illa domo prætoria, quæ regis Hieronis fuit, sic emigrabat, vt per eos dies nemo ipsum extra illum locum videre posset. in eum autē ipsum locum aditus erat nemini, nisi qui aut socius, aut minister libidinis esse posset. huc omnes mulieres, quibus cum iste consueuerat, conueniebant: quarū incredibile est quanta multitudo fuerit Syracusis: huc homines digni istius amicitia, digni vitā illa, conuiuiisq;

uiuisq; veniebant.inter eiusmodi viros, ac mulieres
adulta ætate filius versabatur: vt eum, etiamsi na-
tura a parentis similitudine abriperet; consuetudo
tamē, ac disciplina, * patri similem esse cogeret. huc
Tertia illa perducta per dolum, atq; insidia, ab Rho-
dio tibicine, maximas in istius castris effecisse tur-
bas dicitur: cum indigne pateretur vxor Cleomenis
Syracusani nobilis mulier, itēq; vxor Aeschionis,
honesto loco nata, in cōuentum suum mimi Isidori
filiam venisse. iste autem Hannibal, qui in suis ca-
stris virtute putaret oportere, nō genere certari, sic
hanc Tertiam dilexit, vt eam secum ex prouincia
* exportaret. Ac per eos dies, cū iste cū pallio pur-
pureo, talariq; tunica versaretur in conuiujs mu-
liebribus, nō offendebar̃ homines in eo, neq; mo-
leste ferebant, abesse a foro magistratum, non ius
dici, non iudicia fieri: * locū illum litoris percrepare
totum mulierum vocibus, cantuque symphonix: in
foro silentium esse summum causarum atque iuris,
non ferebant homines moleste. non enim ius abesse
videbatur a foro, neq; iudicia; sed vis, & crudelitas,
& bonorum acerba, atq; indigna direptio. Hunc tu
igitur imperatorem esse defendis, Hortensi? huius
furta, rapinas, cupiditatē, crudelitatem, superbiam,
scelus, audaciā, rerum gestarum magnitudine, atq;
imperatoris laudibus tegere conaris? Hic scilicet
est metuendum, ne ad exitum defensionis tuæ vetus
illa Antoniana dicendi ratio, atq; auctoritas profe-
ratur: ne excitetur Verres, ne denudetur a peccatore,
ne cicatrices populus Ro. aspiciat, ex mulierū mor-
su, vestigia libidinis atq; nequitix. Dij faciāt, vt rei
militaris, vt belli mentionem facere audeas. cogno-
scentur enim omnia istius æra illa vetera, vt non
solum in imperio, verum etiam in stipendiis qualis
fuerit intelligatis. renouabitur prima illa militia,
cum iste e foro abduci, nō, vt ipse prædicat, perduci
solebat. aleatoris Placentini castra cōmemorabun-

tur: in quibus cum frequens fuisset; tamen ære dirutus est. multa eius in stipendiis damna proferentur; quæ ab isto ætatis fructu dissoluta, & compensata sunt. Tam vero cum in eiusmodi patientia turpitudinis aliena, non sua satietate obduruisset; qui vir fuerit, quot præsidia, quam munita pudoris, & pudicitiae, vi & audacia ceperit, quid me attinet dicere; aut coniungere cum istius flagitio cuiusquam præterea dedecus? non faciã, iudices, omnia vetera prætermittam: duo sola recẽtia sine cuiusquam infamia ponam: ex quibus coniecturam facere de omnibus possitis. vnum illud, quod ita fuit illustre, notumque omnibus, ut nemo tam rusticanus homo L. Lucullo, & M. Cotta coss. Romam ex vlllo municipio vadimonij causa venerit, quin sciret iura omni populi Rom. nutu, atque arbitrio Chelidonis meretriculæ gubernari: alterũ quod cum paludatus exisset, votaq; pro imperio suo, communiq; populi Ro. nũcupasset; noctu stupri causa lætica in urbem introferri solitus est ad mulierem, nuptã vni propositam omnibus, contra fas, contra auspicia, contra omnes diuinas, atque humanas religiones. O dii immortales, quid interest inter mentes hominum, & cogitationes! ita mihi meam voluntatem, spemq; reliquæ vitæ vestra populiq; Ro. existimatio comprobet; ut ego, quos adhuc mihi magistratus populus Ro. mādauit, sic eos accepi, ut me omniũ officiorũ obstringi religione arbitrarer. Ita quæstor sum factus, ut mihi honorem illum tum non solũ datum, sed etiam creditum ac commissum putarẽ. sic obtinui quæsturam in prouincia Sicilia, ut omnium oculos in me vnum coniectos arbitrarer: ut me quæsturamq; meã, quasi in aliquo orbis terræ theatro versari existimarem: ut omnia semper, quæ iucunda videntur esse, non modo his extraordinariis cupiditatibus; sed etiam ipsi naturæ, ac necessitati denegarem. Nunc sum designatus ædilis. habeo rationem quid a populo Ro. accepe-

acceperim: mihi ludos sanctissimos maxima cum
ceremonia Cereri, Libero, Liberæque faciendos:
mihi Floram matrem populo plebiq; Ro. ludorum
celebritate placandam: mihi ludos antiquissimos,
qui primi Romani sunt nominati, maxima cum dig-
nitate, ac religione Ioui, Iunoni, Minervæque esse
faciendos: mihi sacrarum ædium procurationem
mihi totam urbem tuendam esse commissam: ob ea-
rum retum laborem, & sollicitudinem fructus illos
datos, antiquiorem in senatu sententiæ dicendæ lo-
cum, togam prætextam, sellam curulem, ius imagi-
nis ad memoriam, * posteritatemque prodendam.
Ex his ego rebus omnibus, iudices, ita mihi deos
omnes propitios esse velim, vt tametsi mihi iucun-
dissimus est honos populi; tamen nequaquam tan-
tum capio voluptatis, quantum sollicitudinis, & la-
boris: vt hæc ipsa ædilitas, non quia necesse fuerit,
alicui candidato data, sed quia sic oportuerit, recte
collocata, & iudicio populi digno in loco posita
esse videatur. Tu cum esses prætor renunciatus quo-
quo modo (mitto enim, & prætereo, quid tum sit a-
ctum) sed cum esses renunciatus. vt dixi non ipsa
præconis voce excitatus es, qui te toties seniorum,
iuniorumque centurijs illo honore affici pronun-
ciavit, vt hoc putares, aliquam reip. partem tibi credi-
tam? annum tibi illum vnum domo carendum esse
meretricis? Cum tibi forte obtrigisset, vt ius diceres:
quantum negotij, quid oneris haberes, numquam
cogitasti: neque illud rationis habuisti, si forte ex-
perges facere te posses, eam provinciam, quam tueri
singulari sapientia, atque integritate difficile esset,
ad summam stultitiam, nequitiamque venisse. Itaq;
non modo domo tua Chelidonem in prætura * ex-
trudere noluisti, sed in Chelidonis domum præturā
tuam totam detulisti. Secuta provincia est in qua ti-
bi numquam venit in mentem, non tibi idcirco fa-
sces, & secures, & tantam imperij vim, tantamque

ornamentorum omnium; dignitatem datam, ut earum rerum vi, & auctoritate omnia repagula iuris, pudoris, & officij perfringeres: ut omnium bona prædam tuam duceres: nullius res tuta, nullius domus clausa, nullius vita septa, nullius pudicitia munita contra tuam cupiditatem, & audaciam posset esse in qua tu te ita gessisti, ut, cum omnibus tenere rebus, ad bellum fugitiuorum confugas: ex quo iam intelliges non modo tibi nullam defensionem, sed maximam vim criminum exortam, nisi forte Italici belli fugitiuorum reliquas, atque illud Tempstanum incommodum proferes ad quod recens cum te peropportune fortuna obtulisset, si quid in te virtutis atque industria fuisset. idem, qui semper fueras, inuentus es, Cum ad te Valentini venissent, & pro his homo disertus & nobilis M. Marius loqueretur, ut negotium susciperes? ut cum penes te prætorium imperium, ac nomen esset, ad illam paruam manum extinguendam, ducem te principemque præberes: non modo id refugisti, sed eo ipso tempore, cum esses in littore, Tertia illa tua, quam tecum deportabas, erat in omnium conspectu. Ipsis autem Valentinis ex tam illustri nobilique municipio, tantis de rebus responsum nullum dedisti? cum esses cum tunica palla & pallio. Quid hunc proficiscentem, quid in ipsa prouincia fecisse existimatis? qui cum iam ex prouincia, non ad triumphum, sed ad iudicium decederet, ne illam quidem infamiam fugerit, quam sine ulla voluptate capiebat: O diuina senatus frequentis in æde Bellonæ admurmuratio! Memoria tenetis, iudices, cum aduersperascerit, & paulo ante esset de hoc Tempstano incommodo nuntiatum? cum inueniretur nemo qui in illa loca cum imperio mitteretur, dixisse quendam Verrem esse non longe a Tempsta: quam valde vniuersi admurmurant quam palam principes contradixerint. Et is tot criminibus, testimonijsque conuictus, in eorum tabel-
lis

lis spem sibi aliquam ponit, quorum omnium palam
caussa incognita, voce damnatus est? Esto: nihil ex
fugitiuorum bello, aut suspicione belli laudis adep-
tus est: quod neque bellum eiusmodi, neque belli
periculum fuit in Sicilia, neque ab isto prouisum
est, ne quod esset. At vero contra bellum prædonum
classem habuit ornatam: * diligentiamque singula-
rem itaque isto prætore, præclare defensa prouincia
est. Sic de bello prædonum, sic de classe Siciliensi, iu-
dices, dicam, ut hoc iam ante confirmem, in hoc
vno genere omnes inesse culpas istius maximas a-
uaritiæ, maiestatis* diminutæ, libidinis, crudelitatis.
hæc dum breuiter expono, quæso ut fecistis adhuc,
diligenter attendite. Rem naualem primum ita dico
esse administratam, non uti prouincia defenderetur;
sed ut classis nomine pecunia quæreretur, Superio-
rum prætorum consuetudo cum hæc fuisset, ut na-
ues ciuitatibus, certusque numerus nautarum, mili-
tumq; imperaretur: maximæ, & locupletissimæ ciui-
tati Mamertinæ nihil horum imperauisti. ob * hanc
rem quid tibi Mamertini clam dederint pecuniæ,
post si * videbitur, ex ipsorum litteris, & testibus
quæremus. nauem vero Cybeam maximam, trire-
mis instar, pulcherrimam, atq; ornatissimam, palam
ædificatam sumptu publico, sciante Sicilia, per ma-
gistratum senatumque Mamertinum tibi datam do-
natamque esse dico. hæc naus onusta præda Sicili-
ensi, cum ipsa quoque esset ex præda, simul cum iste
decederet, appulsa Veliam est, cum plurimis rebus,
& ij quas ante Romam mittere cum ceteris furtis
noluit, quod erant carissimæ, maximeque eum dele-
ctabant. Eam nauem nuper egomet vidi Veliam, mul-
tiq; alij viderunt, pulcherrimam, atq; ornatissimam
iudices. quæ quidem omnibus, qui eam aspexerant
prospicere iam exilium, atq; explorare fugam do-
mini videbatur. Quid mihi hoc loco respondebis;
nisi forte id, quod tamen si probari nullo modo po-

test? tamen dici quidem iniudicio de pecunijs re-
 tuudis necesse est: de tua pecunia constare ædifica-
 tam esse eam nauem. Aude hoc saltem dicere, quod
 necesse est. noli metuere, Hortensi, ne quæram, qui
 licuerit ædificare nauem senatori. antiquæ sunt istæ
 leges, & mortuæ, quemadmodum tu soles dicere,
 quæ vetant.* fuit ista respub. quōdam, fuit ista seue-
 ritas in iudicijs, vt istam rem accusator in magnis
 criminibus obijciendam putaret. Quid enim tibi
 naue opus fuit, cui si quo publice proficisceris, &
 præsidij, & vecturæ causâ, sumptu publico nauigia
 præberentur? priuatim autem nec proficisci quoquā
 potes, nec accersere res transmarinas ex ijs locis, in
 quibus tibi habere, mercari nihil licet. Deinde cur
 quidquam contra leges parasti? valeret hoc crimen
 in illa veteri seueritate, ac dignitate reip. nunc non
 modo te hoc crimine non arguo; sed ne illa quidem
 communi vituperatione reprehendo. Postremo tu
 tibi hoc numquam? criminofum, numquam iniudio-
 tum fore putasti, celeberrimo loco palam tibi ædifi-
 cari onerariam nauem in ea prouincia, quam tu cum
 imperio obtinebas? Quid eos loqui, qui videbant,
 quid existimare eos, qui audiebant, arbitrabare? ina-
 nem te nauem esse in Italiam de ducturum? naucu-
 lariam te, cum Romam venisses, esse facturum? ne
 illud quidem quisquam poterat suspicari, te habere
 in Italia maritimum fundum, & ad fructus depor-
 tandos onerariam nauem comparare. cuiusmodi de
 te voluisti sermonem esse omnium palam vt loque-
 rentur, te illam nauem parare, quæ prædam ex Sici-
 lia deportaret, & quæ ad ea furta, quæ reliquisses,
 commearet? Verum hæc omnia si doces nauem de
 tua pecunia ædificatam, remitto, atque concedo,
 sed hoc. homo amentissime non intelligis priore a-
 ctione ab istis ipsis Mamertinis tuis laudatoribus
 esse sublatam? Nam dixit Heius princeps ciuitatis,
 princeps islius legationis, quæ ad tuā laudationem
 missa

missa est, nauem tibi operis publicis Mamertinorum esse edificatam, eiq; faciendę senatorem Mamertinum publice præfuisse. Reliqua est materies. hanc Rheginis, vt ipsi dicunt (tamen si tu negare non potes) publice, quod Mamertini materiem non habent imperauisti. Si & ex quo fit nauis, & qui faciunt, imperio tibi tuo, non precio præsto fuerunt; vbi tandem isthuc latet, quod tu de tua pecunia dicis impensum? At Mamertini in tabulis nihil habent. primum video potuisse fieri, vt ex ærario nihil darēt (etenim vel Capitolium, sicut apud maiores nostros factum est publice*gratis coactis fabris, operisq; imperatis exædificari, atq; effici potuit) deinde id quoq; perspicio,*quod & ostendam cum istos produxero, ipsorum ex litteris multas pecunias isti erogatas in operum locationes falsas atq; inanes esse perscriptas. Nam illud minimé mirum est, Mamertinos, a quo summum beneficium acceperant, quem sibi amiciorum, quam populo Romano esse cognouerant, eius capiti litteris suis pepercisse. Sed si argumento est Mamertinos pecunias tibi non dedisse, quia scriptū non habent; sit argumento tibi gratis constare nauem, quia, quid emeris, aut quid locaueris, scriptum proferre non potes. At enim idcirco nauē Mamertinis non imperasti, quod sunt fæderati. dii approbent. habemus hominem in fecialium manibus educatum, vnum præter ceteros in publicis religionibus fæderum sanctum, & diligentem. omnes, qui ante te prætores fuerunt, dedantur Mamertinis, quod ijs nauem contra pactiōem fæderis imperarint. Sed tamen tu sancte homo, ac religiose, cur Taurominitanis item fæderatis nauem imperasti? an hoc probabis, in æqua causā populorū sine pretio varium ius, & disparē cōdiciōē fuisse? Quid si eiusmodi esse hæc duo fædera duorū populorū, iudices, doceo, vt Taurominitanis nominatim cautū & exceptū sit fædere, ne nauē dare debeāt. Mamertinis

in ipso fœdere sanctum, atq; perscriptum sit, uti nauem dare necesse sit? istum autem contra fœdus & Taurominitanis imperasse, & Mamertinis remisisse? num cui dubium poterit esse, quin, Verre præ-tore, plus Mamertinis Cybea, quam Taurominitanis fœdus opitulatum sit? Recitentur fœdera. isto igitur tuo quemadmodum ipse prædicas, beneficio, ut res indicat, pretio atque mercede, minuisti maiestatem * populo Rom. minuisti auxilia recip. minuisti copias maiorum virtute ac sapiëntia comparatas: sustulisti ius imperij, condicionē sociorum, memoriam fœderis. Qui ex fœdere ipso nauem vel vsque ad Oceanum, si imperassemus, sumptu, periculoque suo armatam, atque ornatam mittere debuerunt, hi, ne in freto ante sua testā & domus nauigarent, ne sua mœnia portusque defenderent, pretio abs te ius fœderis, & imperij condicionem * emerunt. Quid censetis in hoc fœdere faciundo voluisse Mamertinos impedere laboris, operæ, pecuniæ, ne hæc biremis ascriberetur, si id vllō modo possent a nostris maioribus impetrare? nam cum hoc munus * imperaretur tam graue ciuitati, inerat nescio quo modo in illo fœdere societatis, quasi quædam nota feruitutis. Quod tum recentibus suis officiis, integrare, nullis populi Rom. difficultatibus a maioribus nostris fœdere assequi non potuerunt; id nunc nullo nouo officio suo, tot annis post, iure imperij nostri quotannis vsurpato ac semper retento, summa in difficultate nauium a C. Verre pretio assecuti sunt. At non hoc solum assecuti, ne nauē darent: ecquem nautam, ecquē militem, qui aut in classe, aut in præsidio esset, te præ-tore, per triennium Mamertini dederunt? Deniq; cum ex senatusconsulto, itemq; ex lege Te. entia, & Cassia frumētum æquabiliter cni ab omnibus Sicilia ciuitatibus oporteret; id quoq; munus leue, atq; commune Mamertinis non remisisti. Dices frumentū Mamertinos non debere. quomodo

modo non debere? an, vt ne venderent? non enim erat hoc genus frumenti ex eo genere, quod exigeretur, sed ex eo, quod emeretur. Te igitur, autore, & interprete, ne foro quidem & commeatu Mamertini populum Ro. iuuare debuerunt. Quæ tandem ciuitas fuit, quæ deberet? qui publicos agros arant, certū est quid ex lege cenſoria dare debeant, cur iis quidquā præterea ex alio genere imperauisti? Quid decumani? nūquid præter ſingulas decumas ex lege Hieronica debent? cur iis quoq; ſtatuisti, quantū ex hoc genere frumenti empti darent? qui ſunt immunes, ij certe nihil debent. at iis non modo imperaſti; verum etiam, quo plus darent quam poterant, hæc ſexagena millia modiū, quæ Mamertinis remiſſeras, addidiſti. Neq; hoc dico, ceteris nō recte imperarum eſſe. Mamertinis, qui erant in eadē cauſa, & quibus ſuperiores omnes prætores item vt ceteris, imperarant; pecuniamque ex ſenatusconſulto, & ex lege diſſoluerāt, his dico non recte remiſſum. * at vt hoc beneficium quemadmodum dicitur, trabali clauo figeret, cū conſilio cauſam Mamertinorū cognoscit; & de conſilij ſententia Mamertinis ſe frumentum non imperare pronunciar. Audite decretum mercenarij prætoris ex ipſius commētario, & cognoscite, quanta in ſcribendo grauitas, quanta in conſtituendo iure ſit auctoritas. Recita * commentarium. Libenter ait ſe facere: itaq; perſcribit. Quid ſi hoc verbo non eſſet uſus, libenter? nos uidelicet inuitum te queſtum facere putaremus? Ac de conſilij ſententia, præclarum recitari conſilium iudices audiſtis. vtrum vobis conſilium recitari tandem prætoris videbatur, cum audiebatis nomina? an prædonis improbiſſimi ſocietas, atq; comitatus? En ſcæderū interpretes, ſocietatis paſtores, religionis auctores. numquam in Sicilia frumentum publice eſt emptum, quin Mamertinis pro portione imperaretur, ante quam hoc delectum, præclarūq;

consilium iste dedit, vt ab his nimios acciperet, ac sui similis esset. Itaque tantum valuit istius decreti auctoritas, quātum debuit eius hominis, qui, a quibus frumentum emere debuisset, iis decretum vendidisset. Nam statim L. Metellus, vt isti successit, ex C. Sacerdotis & Sex. Peducei instituto, ac literis, frumentum Mamertinis imperauit. tum illi intellexerunt, se id, quod a malo auctore emissent, diutius obtinere non posse. Age porro tu, qui te tam religiosum existimari voluisti interpretem fœderum, cur Tauronimitanis frumentum, cur Netinis imperasti? quarum ciuitatum vtraque fœderata est. ac Netini quidem sibi non defuerūt. nam simulac pronuntiaſti libenter te Mamertinis * quidem remittere; te adierunt, & eandem suam causam fœderis esse docuerunt. tu aliter decernere eadem in causa non potuisti pronuntias Netinos frumentum dare non oportere: & ab his tamen exigis. Cedo mihi eiusdem prætoris literas, & rerum * decretarum frumenti imperati, & rerum decretarum tritici empti. Quid potius in hac tanta, ac tam turpi inconstantia suspicari possumus, iudices, quam id, quod necesse est, aut isti a Netinis pecuniam, cum posceret, non datam: aut id esse actum, vt intelligerent Mamertini, bene se apud istum tam multa pretia ac munera collocasse, cum idem alij iuris ex eadem causa non obtinerent? Hic mihi etiam audebit mentionem facere Mamertinæ laudationis? in qua quam multa sint vulnera, quis est vestrum, iudices, quin intelligat? * primum, in iudiciis, qui decem laudatores dare non potest, honestius est ei, nullum dare, quam illum quasi legitimum numerum consuetudinis non explere. tot in Sicilia ciuitates sunt, quibus tu per tricinium præfuiſti; arguunt ceteræ: paucæ, & paræ metu repressæ silent: vna laudat. hoc quid est, nisi intelligere, quid habeat utilitatis vera laudatio? sed tamen ita, Verres, prouinciæ præfuiſti,

vt hac vtilitate necessario tibi sit carendum. Deinde, id quod alio loco ante dixi, quæ est ista tandem laudatio, cuius laudationis legati principes, & publice tibi nauē ædificatam, & priuatim se ipsos abs te spoliatos, expilatosque esse dixerunt? Postremo quid aliud isti faciunt, cum te soli ex Sicilia laudant, nisi testimonio nobis sunt, te omnia sibi esse largitum, quæ tu de rep. nostra detraxeris? Quæ colonia est in Italia tam bono iure? quod tam immune municipium, quod per hos annos tam commoda vacatione sit vsum omnium rerum, quam Mamertina ciuitas per triennium? soli ex lædere quod debuerunt, non dederunt: soli, isto prætore omnium rerum immunes fuerunt: soli, in istius imperio in ea condicione vitæ fuerunt, vt populo Rom. nihil darent, Verri nihil denegarent. Verum vt ad classē, quo ex loco sum digressus, reuertar: accepisti a Mamertinis nauem contra legem; remisisti contra scædera, ita in vna ciuitate bis improbus fuisti: cum & remisisti, quod non oportebat; & accepisti, quod non licebat. exigere te oportuit nauem, quæ contra prædones; non quæ cum præda nauigaret: quæ defenderet, ne prouincia spoliaretur; non * quæ noua prouinciæ spolia portaret. Mamertini tibi & urbem, quo furta vndique portares; & nauem qua exportares, præbuerunt. illud tibi oppidum receptaculum prædæ fuit: illi homines testes, custodesque furtorum: * illi tibi & locum furtis, & furtorum vehiculum comparauerunt. Itaque ne tum quidem, cum classē auaritia, ac nequitia tua perdidisti, nauem Mamertinis imperare ausus es: quo tempore in tanta inopia nauium tantaque calamitate prouinciæ, etiamsi precario essent rogandi; tamen ab his impetraretur. reprimēbat enim tibi & imperandi vim, & rogandi conatum præclara illa non populo Rom. reddita biremis, sed prætori donata Cybea. ea fuit merces imperij, auxilij, iuris, consuetudinis,

fœderis. Habetis vnus ciuitatis firmum auxilium
 amissum, ac venditum pretio, cognoscite nunc no-
 uam prædandi rationem, ab hoc primum excogita-
 tam. Sumptum omnem in classem frumento, stipen-
 dio, ceterisque rebus, suo quoque nauarcho ciuitas
 semper dare solebat. is neque vt accusaretur a nau-
 tis committere audebat; & ciuibus suis rationem
 referre debebat: * ille in omni negotio, non modo
 labore, sed etiam periculo suo versabatur. Erat hoc,
 vt dico, factitatum semper, nec solum in Sicilia, sed
 in omnibus prouinciis etiam in sociorum, & Lati-
 norum stipendio, ac sumptu; tum cum illorum au-
 xiliis vti solebamus. Verres post imperium consti-
 tutum primus imperauit, vt ea pecunia omnis a ci-
 uitatibus sibi adnumeraretur: vt is eam pecuniam
 tractaret, quem ipse præfecisset. cui potest esse du-
 bium, quamobrem & omnium consuetudinem ve-
 terem primus immutaris, & tantam utilitatem per
 alios tractandæ pecuniæ neglexeris, & tantam dif-
 ficultatem cum crimine, molestiam cum suspicio-
 ne susceperis? Deinde alij quæstus instituuntur ex
 vno genere nauali; videte quam multi: accipere a
 ciuitatibus pecunias, ne nautas darent: prætio cer-
 to missos facere nautas: missorum omne stipen-
 dium lucrari: reliquis quod deberet, non dare. Hæc
 omnia ex ciuitatum testimoniis cognoscite. Reci-
 ta testimonia ciuitatum. Hunc cine hominem? hanc-
 cine impudentiam iudices? hanc cine audaciam?
 ciuitatibus pro numero militum pecuniarum sum-
 mas describere, * certum pretium sexcētenos num-
 mos nautarum missioni constituere. quos qui de-
 derat cōmeatum totius ætatis abstulerat. iste quod
 & nautæ nomine pro stipendio, frumentoque acce-
 perat, lucrabatur. itaque quæstus duplex, vnus mis-
 sione fiebat. Atque hæc homo amentissimus in tan-
 to prædonum impetu, tantoque periculo prouin-
 ciæ sic palam faciebat, vt & ipsi prædones scirent,

& tota prouincia testis esset. Cum propter istius hanc tantam auaritiam, nomine classis esset, in Sicilia, re quidem vera naues inanes, quæ prædâ prætori, non quæ prædonibus metum afferrent? tamen, cum P. Cefecius & P. Tadius decem nauibus his semiplenis nauigarent; nauem quandam piratarum præda refertam non ceperunt, sed abduxerunt onere suo plane captam, atque depressam. Erat ea nauis plena iuuentutis formosissimæ, plena argenti facti atque signati, multa cum stragula veste. Hæc vna nauis a classe nostra non capta est, sed inuenta ad Megaridem: qui locus est non longe a Syracusis. quod vbi isti nuntiatum est, tametsi * noctu cū mulierculis iacebat ebrius; erexit se tamen, & statim quæstori, legatoq; suo custodes misit complures, vt omnia sibi integra quam primum exhiberentur. Appellitur nauis Syracusas: expectatur ab omnibus: supplicium sumi de captiuis putatur. iste quasi præda sibi aduecta, non prædonibus captis: si qui senes aut deformes erant, eos in hostium numero ducit? qui aliquid formæ, ætatis, artificiiq; habebant, abducit omnes: nonnullos scribis suis, filio, cohortiq; distribuit: symphoniacos homines sex cuidâ amico suo Romam muneri misit, nox illa tota exinanienda naui consumitur. Archipiratam ipsum videt nemo, de quo supplicium sumi oportuit: hodieque omnes sic habent persuasum (quid eius sit, vos coniectura quoq; assequi debetis) istum clam a piratis ob hunc archipiratam pecuniam accepisse. Coniectura bona est. iudex esse bonus nemo potest, qui suspicione certa non mouetur. hominē nostis, consuetudinemque omniū tenetis: qui ducem prædonum, aut hostium ceperit, quam libet cum palam, ante oculos omnium esse patiatur. Hominem in tanto conuentu Syracusis vidi neminem, iudices, qui archipiratam captum vidisse se diceret; cum omnes, vt mos est, vt solet, fieri, cūcurrerent, quærerent, videre cuperent.

Quid accidit, cur tãtopere iste homo occultare ur, vt cum ne casu quidem quisquam aspicere posset? * erant homines maritimi, Syraculis, qui cum * sepe istius ducis nomen audissent, cum eum sepe timuissent, cum eius cruciatu atque supplicio pascere oculos, animumque exaturare vellent: potestas aspicendi nemini facta est. Vnus plures prædonum duces viuos cœpit P. Seruilus, quam omnes antea. Ecquando igitur isto finctu quisquam caruit, vt videre piratam captum non liceret? At contra, quacumque iter fecit, hoc incurdissimum spectaculum omnibus victorũ, captorumq; hostium præbebat. Itaq; concursus vndiq; fiebant, vt non modo ex his oppidis, qua ducebantur, sed etiam ex finitimis visendi causa conuenirent. Ipse autem triumphus quãobrem omnium triumphorum gratissimus populo Rom. fuit, atque iucundissimus? quia nihil est victoriæ dulcius: nullum est autem testimonium victoriæ certius, quam quos sepe metueris, eos te victos ad supplicium duci videre. Hoc tu quamobrem non fecisti? quamobrem ita iste pirata * celatus est, quasi eum * aspicere nefas esset? quamobrem supplicium non sumpisti? quam ob causam hominem reseruasti? ecquem audisti in Sicilia antea captum archipiratam, qui non securi percussus sit? vnum cedo auctorem tui facti: vnus profer exemplum. viuũ tu archipiratam seruabas, quem per triumphum, credo, quem ante currum tuum duceres. neq; enim quidquam erat iam reliquum, nisi vt classe populi Rom. pulcherrima amissa, prouinciaque lacerata, triumphus naualis tibi decerneretur. Age porro, custodiri ducem prædonum nouo more, quam securi feriri omnium exemplo magis placuit. Quæ sunt istæ custodiæ? apud quos homines? quemadmodum est asseruatus? Latomias Syracusanas omnes audistis, plerique nostis. opus est ingens, magnificum regum ac tyrannorum: totum est ex saxo in mirandam

dam altitudinem depresso, & multorū operis penitus exciso. nihil tam clausum ad exitus, nihil tam se-
 -ptum vndiq; nihil tam tutum ad custodias nec fieri,
 - nec cogitari potest. in has Latomias, si qui publice
 - custodiendi sunt, etiam ex ceteris oppidis Siciliae de-
 - duci imperantur. Eo quod multos captiuos ciues
 Ro. coniecerat, & quod eodem ceteros piratas * cō-
 - trudi imperarat; intellexit, si hunc subdititium ar-
 - chipiratam in eandem custodiam dedisset; fore vt a
 multis illis in Latomias verus ille dux quæreretur.
 itaque hominem huic optimæ, tutissimæq; custodiæ
 non audet committere. denique Syraculas totas timet
 - amandat hominem: quo? Lilybæum fortasse.
 video: tamen homines maritimos non plane reformidat.
 minime, iudices. Panormum igitur? audio.
 quāquam Syraculis quoniam in Syracusano captus
 erat, maxime, si minus supplicio affici, at custodiri
 oportebat. ne Panormum quidem. Quid igitur? quo
 putatis? ad homines a piratarum metu, & suspicio-
 ne alienissimos, a nauigando rebusq; maritimis re-
 motissimos, ad Cēturipinos, homines maxime me-
 diterraneos, summos aratores, qui nomē numquam
 timuissent maritimi prædonis; vnū te prætorē hor-
 ruissent Apronium terrestrem archipiratam. Et, vt
 quiuisset facile perspiceret, id ab isto actū esse, vt ille
 suppositus facile & libēter se illū, qui non erat, esse
 simularet imperat Centuripinis, vt is victu, ceterisq;
 rebus quā liberalissime, commodissimeq; habeatur.
 Interea Syracusani homines petiti, & humani, qui
 non modo ea, quæ perspicua essent, videre, verum
 etiam occulta suspicari possent; habebant rationem
 omnes quotidie piratarum, qui securi ferirentur:
 quam multos esse oporteret, ex ipso nauigio, quod
 * erat factum sex remorum numero, coniciebant.
 Ille, quod omnes, qui artificij aliquid habuerant,
 aut formæ, remouerat, atque abduxerat; reliquos si,
 vt cōsuetudo est, vniuersos ad palum alligasset, cla-

morem populi fore suspicabatur; cum tanto plures abducti essent, quam relictī. propter hanc causam cum instituisset alios alio tempore producere; tamen in tanto conuentu nemo erat, quin rationem, numerumque haberet, & reliquos non desideraret solum, sed etiam posceret, & flagitaret. Cum maximus numerus deesset; tum iste homo nefarius in eorum locum, quos domum suam de piratis abduxerat, substituere, & supponere cœpit ciues Romanos; quos in carcerem antea coniecerat. quorum alios Sertorianos militis fuisse insimulabat, & ex Hispania fugientes ad Siciliam appulso esse dicebat: alios, qui a prædonibus erant capti, cum mercaturis facerent, aut aliam ob causam nauigarent, sua voluntate cum piratis fuisse arguebat. Itaque alij ciues Rom. ne cognoscerentur, capitibus obuolutis e carcere ad palum, atque ad necem rapiabantur: alij cum a multis ciuibus Rom. recognoscerentur, ab omnibus defenderentur; securi feriebantur. Quorum ego de acerbissima morte, crudelissimoq; cruciatu dicam, cum eum locum tractare cœpero; & ita dicam, ut si me in ea querimonia, quam sum habiturus, de istius crudelitate, & de ciuium Rom. indignissima morte, non modo vires, verum etiam vitam deficiat, id mihi præclarum & iucundum putem. Hæc igitur est gesta res, hæc victoria præclara. myoparone piratico capto, dux liberatus, symphoniaci Romam missi, formosi homines, & adoloscētes, & artifices domum abducti: in eorum locum, & ad eorum numerum ciues Rom. hostilem in modum cruciati, & necati: omnis vestis ablata: omne aurum, & argentum & ablatum, & auersum. At quemadmodum ipse sese induit priore actione? qui tot dies tacuisset, repente in M. Annij hominis splendidissimi testimonio cum is ciues Rom. dixisset, & archipiratam negasset securi esse percussum, exiuit conscientia sceleris, & furore ex maleficiis
concepto

concepto excitatus: dixit se, quod sciret sibi crimini datum iri, pecuniā accepisse, neq; de vero archipirata sumptisse suppliciū; ideo securi non percussisse: domi esse apud sese archipiratas dixit duos. O clementiam populi Rom. seu potius patientiam miram, ac singularem. ciuem Ro. securi esse percussum, Annii eques Rom. dicit taces. archipiratam negat: fateris. sit in eo gemitus omnium, & clamor: cum tamen a presenti supplicio tuo se cōtinuit populus Rom. & repressit, & salutis tuæ rationem iudicum severitati referuauit. Qui sciebas tibi crimini datum iri? quamobrem sciebas? quamobrem etiam suspicabare? inimicum habebas neminem. si haberes, tamen non ita vixeras, vt metum iudicii propositum habere deberes. An te, id quod fieri solet, cōscientia timidum, suspiciosumque faciebat: qui igitur, cum esses cum imperio, iam tum iudiciū & crimen horrebas: reus cū tot testibus coarguare, potes de damnatione dubitare? Verum si crimen hoc metuebas, ne quis abs te suppositum esse diceret, qui pro archipirata securi ferretur; vtrum tandem tibi ad defensionem firmitus fore putasti, in iudicio, coactu, atq; efflagitatu meo producere ad ignotos, tanto post, eum, quem archipiratam esse diceres, an recenti re, Syracusis apud notos, inspectante Sicilia p̄ne tota, securi ferire? vnde, quid intersit, vtrum faciendum fuerit. in illo reprehensio nulla esse potuit: hic defensio nulla est. itaque illud semper omnes fecerunt: hoc quis ante te, quis prater te fecerit, quero. Piratam viuum tenuisti. quem ad finem? dum cum imperio fuisti. quamobrem? quam ob causam? quo exemplo? cur tamdiu? cur inquam ciuib; Romanis, quos piratæ ceperant, securi statim percussis, ipsis piratis lucis vsuram tam diuturnam dedisti? Verum esto. sit tibi illud liberum omne tempus, * quod cum imperio fuisti: etiamne priuatus, etiamne reus, etiamne p̄ne damnatus, hostium

duces priuata in domo reuiniſti? Vnum, alterum menſem, prope annum: denique domi tuæ piratæ, a quo tempore capti ſunt, quoad per me licitum eſt, fuerunt, hoc eſt, quoad per M. Acilium Glabrimonem licitum eſt, qui poſtulant me, produci, atque in carcerem condi imperauit. Quod eſt huiusce rei ius? quæ conſuetudo? quod exemplum? hoſtem acerrimum, atq; infeſtiſſimum populi Romani, ſeu potius communem hoſtem gentium, rationumque omnium, quiſquam omnium mortalium priuatus intra mœnia domi ſuæ retinere poterit? Quid ſi pridie, quam a me tu coactus eſ conſiteri, ciuibus Ro. ſecuri percuſſis prædonum ducem viuere, apud te habitare: ſi, inquam, pridie domo tuæ profugiſſet, ſi aliquam manum contra populum Romanum facere potuiſſet: quid diceres? apud me habitauit: mecum fuit: ego illum ad iudicium meum, quo facilius crimen inimicorum diluere poſſem, viuum atque incolumem reſeruau. Itane vero? tu tua pericula communi periculo defendes? tu ſupplicia, quæ debentur hoſtibus victis, ad tuum, non ad *populi Romani tempus conferes? populi Romani hoſtis priuatis cuſtodiis aſſeruabitur? At etiam qui triumphant, eoq; diutius viuos hoſtium duces ſeruant, vt his per triumphum ductis pulcherrimum ſpectaculum, fruſtumque victoriæ populus Rom. percipere poſſit: tamen eum de foro in Capitolium currum flectere incipiunt, illos duci in carcerem iubent: idemque dies & victoribus imperij, & victis vitæ finem facit. * Et nunc credo eſſe dubium, quin tu id commiſſurus non fueris? præſertim, cum ſtatuiffes, vt ais, tibi cauſam eſſe dicendam; vt ille archipirata non potius ſecuri feriretur, quam quod erat ante oculos poſitum, tuo periculo viueret. Si enim eſſet mortuus, tu qui crimen ais te metuiffe, quæro, cui probares? cum conſtaret, iſtum Syracuſis ab nullo viſum eſſe Archipiratam, ab omni-

bus

bus desideratum: cum dubitaret nemo, quin abs te pecunia liberatus esset: cum vulgo loqueretur, suppositum in eius locum, quem pro illo probare velles: cum tute factus esses, te id crimen tanto ante metuisses: si eam diceres esse mortuum, quis te* audiret? *qui nunc cum viuum istum nescio quem produces, tamen te irrideri vides. Quid, si aufugisset? si vinclarupisset? ita vt Nico ille nobilissimus pirata fugit, quem P. Seruilius, quia felicitate ceperat, eadem recuperauit, quid diceres? Verum hoc erat: si ille semel verus archipirata securi percussus esset, pecuniam illam non haberes: si hic falsus esset mortuus, aut profugisset, non esset difficile alium in suppositi locum supponere. Plura dixi, quam volui, de illo archipirata, & tamen ea quæ certissima sunt huius criminis argumenta, prætermisi. volo enim mihi totum esse crimen hoc integrum. est certus locus, certa lex, certum tribunal, quo hoc referretur. Hac tanta præda auctus, mancipiis argento, veste locupletatus, nihilo diligentior ad classem ornandam, milites reuocandos, atendosque esse cæpit: cum ea res non solum prouinciæ salutis, verum etiam ipsi prædæ esse posset. Nam æstate summa, quo tempore ceteri prætores obire prouinciam, & circumcursare consueverunt, aut etiam in tanto prædonum metu, & periculo ipse nauigare: eo tempore ad luxuriam, libidinesque suas domo sua regia, quæ Regis Hieronis fuit, qua prætores vti soleat, contentus non fuit. tabernacula, quemadmodum consueuerat temporibus æstiuis, quod antea iam demonstravi, carbaseis intentea velis collocari iussit in litore: quod est litus in insula Syracusis post Arethusa fontem, propter ipsum introitum, atque ostium portus amœno sane & a) arbitris remoto loco. Hic dies æstiuos sexaginta prætor populi Ro. custos, defensorque prouinciæ sic vixit, vt muliebria quotidie conuiuia essent; vir accumberet nemo, præter ipsum & prætex-

tatum filium, tametsi recte sine exceptione dixeram virum, cum isti essent, neminem fuisse. nonnumquam etiam libertus Timarchides adhibebatur: mulieres autem nuptæ nobiles præter vnam mimi Isidori filiam, quam iste propter amorem ab Rhodio tibicine abduxerat, Pippa quædam vxor Aeschrionis Siracusani: de qua muliere plurimi versus qui in istius cupiditatem facti sunt, tota Sicilia percelebratur: erat & Nice facie eximia ut prædicatur, vxor Cleomenis Siracusani. hanc Cleomenes vir amabat verumtamen huius libidini aduersari nec poterat, nec audebat: & simul ab isto donis, beneficiisq; plurimis deuinciebatur illo autem tempore iste, tametsi ea est hominis impudentia, quam nostis ipse tamen cum vir esset Siracusis, vxorem eius parum poterat animo soluto ac libero * tot in acta dies secum habere. itaque excogitat rem singularem. naues, quibus legatus præfuerat, Cleomeni tradit: classi populi Ro. Cleomenem Siracusanum præesse iubet atque imperat. hoc eo facit, ut ille non solum abesset a domo tum, cum nauigaret: sed etiam libenter cum magno honore, beneficioque abesset: ipse autem remoto, atque ablegato viro, non liberius quam ante (quis enim vnquam istius libidini obstitit?) sed paulo solutiore tamen animo secum illam haberet, si non tanquam virum, at tanquam æmulum remouisset. Accipit naueis sociorum, atq; amicorum Cleomenes Siracusanus. Quid primum aut accusum aut querar, iudices; Siculone homini legati, quaestoris, prætoris denique potestatem, honorem auctoritatem dari; Si te impediēbat ista conuiuiorum, mulierumque occupatio: vbi quaestores? vbi legati? vbi ternis denariis estimatū frumentum? vbi muli? vbi tabernacula? vbi tot tantaque ornamenta magistratibus & legatis a senatu populoque Ro. permissa & data? denique vbi præfecti & tribuni tui? si ciuis Rom. dignus isto negotio nemo

mo fuit, quid ciuitates, quæ in amicitia, fideque populi Ro. perpetuo manserant? vbi Segestana? vbi Centuripina ciuitas, quæ tum officijs, fide, vetustate, tum etiam cognatione populi Ro. nomen attingunt? O dij immortales! quid si harum ipsarum ciuitatum militibus, nauibus, nauarchis, Syracusanus Cleomenes iussus est imperare? non omnis honos ab isto dignitatis, æquitatis, officijque sublatu est? Ecquod in Sicilia bellum gessimus, quin Centuripinis socijs, Syracusanis hostibus vteremur atque hæc omnia ad memoriam vetustatis, non ad contumeliam ciuitatis referri volo. Itaque ille vir clarissimus, sumusq; imperator M. Marcellus, cuius virtute captæ misericordia conseruatæ sunt Siracuse, habitare in ea parte vrbis, quæ insula est, Syracusanum neminem voluit. hodie inquam Syracusanum in ea parte habitare non licet. est enim locus, quem vel pauci possunt defendere committere igitur cum non fidelissimis hominibus noluit: simul quod ab illa parte vrbis nauibus aditus ex alto est, quamobrem qui nostros exercitus sæpe excluderant, ijs claustra loci committenda non existimauit. Vide quid intersit inter tuam libidinem, maiorumq; auctoritatem: inter amorem furoremque tuum, & illorum consilium, atq; prudentiam illi aditum litoris Syracusanis ademerunt: tu maritimum imperium concessisti illi habitare in eo loco Syracusanum, quo naues accedere possent, noluerunt: tu classi & nauibus Syracusarum præesse voluisti. quibus illi vrbis suæ partem ademerunt, ijs tu nostri imperij partem dedisti: &, quorum sociorum opera Syracusani nobis dicto audientes sunt; eos Syracusanis dicto audientes esse iussisti. Egreditur Centuripina quadriremi Cleomenes e portu: sequitur Segestana nauis, Tyndaritana, Herbitensis, Heracliensis Apolloniensis, Haluntina, præclara classis in speciem, sed inops & infirma propter dimissionem propugnatorum,

atque remigum. tamdiu in imperio suo classem iste prator diligens vidit, quamdiu conuiuium eius flagitiosissimum prateruecta est. ipse autem, qui visus multis diebus non esset, tum se tamen in conspectu nautis paulisper dedit. stetit soleatus prator populi Rom. cum pallio purpureo, tunicaque talari, muliercula nixus in littore. Iam hoc ipsum istum vestitu Siculi ciuesque Romani permulti sæpe viderunt, Posteaquam paulum prouecta classis est, & Pachynum quinto die denique appulsa est: nautæ fame coacti, radices palmarum agrestium, quarum erat in illis locis, sicut in magna parte Siciliæ, multitudo colligebant; & his miseri perditique alebantur. Cleomenes autem, qui alterum se Verrem cum luxuria, atque nequitia, tum etiam imperio putaret: similiter totos dies, in litore tabernaculo posito perportabat. Ecce autem repente, ebrio Cleomene, esurientibus ceteris nuntiatur, piratarum naues esse in portu Edissæ. nam ita is locus nominatur. nostra autem classis erat in portu Pachini. Cleomenes, autem quod erat terrestre præsidium non re, sed nomine, sperabat iis militibus, quos ex eo loco deduxisset, explere se numerum nautarum, & remigum posse. reperta est eadem istius hominis auarissimi ratio in præsidiis, quæ in classibus. nam erant perpauca reliqui; ceterique dimissi. princeps Cleomenes in quadriremi Centuripina malum erigi, vela fieri, præcidi anchoras imperauit: & simul, ut se ceteri sequerentur, signum dari iussit. hæc Centuripina nauiserat incredibilis celeritate velis. nam scire, isto pratore, nemo poterat, quid quæque nauis remis facere posset: etsi in hac quadriremi propter honorem & gratiam Cleomenis minime multi remiges, & milites deerant. Euolarat iam e conspectu fere fugiens quadriremis, cum etiam tunc ceteræ naues: suo in loco moliebantur. Erat animus in reliquis. quamquam erant pauci, quoquo modo sese res habebat,

bebat, pugnare tamen se velle clamabant: & quod reliquum vitæ viriūque fames fecerat, id ferro potissimum reddere volebant. * Quod si Cleomenes non tanto ante fugisset; aliqua tamen ad resistendum ratio fuisset. erat enim sola illa naus constructa, & ita magna, vt propugnaculo ceteris posset esse. quæ, si in prædonum pugna versaretur, urbis instar habere, inter illos piraticos myoparones videretur. sed tunc inopes relictī à duce, præfectoque classis, eundem necessario cursum tenere cœperūt. Pelorum versus, vt ipse Cleomenes, ita ceteri nauigabant: neque ita tamen tam prædonum fugiebant impetum, quam imperatorem sequebantur. Tum vt quisq; in fuga postremus, ita * periculo princeps erat. postremam enim quamq; nauem piratæ primā adoriebantur. ita prima Haluntinorum naus capitur, cui præerat Haluntinus homo nobilis Philarchus; quem ab illis prædonibus Locrenses postea publice redemerunt: ex quo vos priore actione iurato rem omnem, causamq; cognoscite. deinde Apolloniensis naus capitur, & eius præfectus Anthropinus occiditur. Hæc * dum aguntur, interea Cleomenes iam ad Pelori litus peruenerat: iam sese in terram e naui eiecerat, quadrirememq; in salo fluctuantem reliquerat. Reliqui præfecti nauium, cum in terram imperator exisset; cum ipsi neq; repugnare, neque mari effugere, vllō modo possent; appulsis ad Pelorum nauibus Cleomenem persecuti sunt. Tunc prædonum dux Heracleo, repente, præter spem, non sua virtute, sed istius avaritia, nequitiaq; victor, classē pulcherrimā populi Ro. in litus expulsam, & eiectam, cum primum aduersperasceret, inflammari, incendiūq; iussit. O tempus miserum atq; acerbū provinciæ Siciliæ! o calum illum multis innocentibus calamitosum, atque funestum! o istius nequitiam, ac turpitudinem singularem! vna atque eadem nox erat, quæ prætor amo-

ris turpissimi flamma, ac classis populi Rom. prædonum incendio conflagrabat. affertur nocte intempesta grauis huiusce mali nuncius Syracusas: curritur ad prætorium, quo istum e conuiuium illo præclaro reducerant paullo ante mulieres cum cantu, atq; symphonia. Cleomenes, quanquam nox erat; tamē in publico esse non audet includit se domi: neque aderat vxor, quæ consolari hominem in malis posset. Huius autem præclari imperatoris ita erat seueræ domi disciplina, vt in re tanta, in tam graui nuntio nemo admitteretur, nemo esset, qui auderet aut dormientem excitare, aut interpellare vigilantem. Iam vero res ab omnibus cognita, concursabat vrbe tota maxima multitudo non enim, sicut antea consuetudo erat, prædonum aduentum significabat ignis e specula sublatus, aut tumultus: sed flamma ex ipso incendio nauium, & calamitatem acceptam, & periculum reliquum nuntiabat. Cum prætor quæreretur, & constaret ei neminem nuntiassse: fit ad domum eius cum clamore concursus, atq; impetus. Tum istæ excitatus exit: audit rem omnem ex Timarchide: sagum sumit. lucebat iam ferre: procedit in medium, vini, somni, stupri plenus. Excipitur ab omnibus eiusmodi clamore, vt ei Læpæaceni periculi similitudo versaretur ante oculos. hoc etiā maius videbatur; quod in odio simili multitudo hominum hæc erat maxima. tum istius acta commemorabantur, tum flagitiosa illa conuiuia: tū appellabantur a multitudine mulieres nominatim, tum quærebatur ex ipso palam tot dies continuos, per quos numquam visus esset, vbi fuisset, quid egiisset: tū imperator ab isto præpositus Cleomenes flagitabatur: neq; quidquā propius est factū, quā vt illud Vticense exemplum de Hadriano transferretur Syracusas, vt duo sepulcra duorum prætorū improborum duabusq; in prouinciis cōstituerentur. verum habita est a multitudine ratio temporis, ha-

bita

bita est tumultus,habita etiam dignitatis existima-
tionisq; communis: quod is est conuentus Syracu-
sis ciuium Rom.vt non modo illa prouincia,verum
etiam hac rep.dignissimus existimetur.Confirmant
ipsi se,cum is etiam tum semisomis stuperet:arma
capiunt totum forum atque insulam, quæ est vrbis
magna pars,complent. Vnam illam solam noctem
prædones ad Pelorum commorati, cum fumantes
etiam nostras naues reliquissent; accedere incipiūt
ad Syracusas,qui videlicet sæpe audissent,nihil esse
pulchrius,quam Syracusarū mœnia, ac portus:sta-
tuerāt sese,si ea Verre prætorē, non vidissent,num-
quam esse visuros. ac primo ad illa æstiuæ prætoris
accedunt,ipsam illam ad partem litoris,vbi iste per
eos dies tabernaculis positis,castra luxuriæ collo-
carat,quem, postea quam inanem locum offende-
runt, & prætorē commouisse ex eo loco castra
senferunt; statim sine vllō metu in portum ipsum
penetrare cœperunt. Cum in portum dico iudices
(explanandum est enim diligentius eorum causa,
qui locum ignorant) in urbem dico, atque in vrbis
intimam partem venisse piratas. non enim portu
illud oppidum clauditur; sed vrbe portus ipse cin-
gitur,& concluditur: non vt alluantur a mari mœ-
nia extrema, sed influat in vrbis sinum portus. Hic
te prætorē, Heracleo Archipirata cum quattuor
myoparonibus paruis ad arbitrium suum nauiga-
uit. Pro dij immortales.piraticus myoparo, cum
impériū populi Rom.nomen, ac fasces essent Sy-
racusis,viq; ad forum,& ad omnes vrbis crepidiues
accessit: quo neq; Carthaginiensium gloriosissimæ
classes,cum mari plurimum poterant, multis bellis
sæpe conatæ,vmquam aspirare potuerunt:neq; po-
puli Rom.inuicta ante te prætorē gloria illa na-
ualis,vmquam tot Punicis, Siciliensibusq; bellis
penetrare potuit: qui locus eiusmodi est, vt ante
Syracusani in mœnibus suis,in vrbe,in foro hostem

armatum ac victorem, quam in portu vllam hostiū nauem viderent. hic, te prætor, prædonum nauicula peruagata sunt, quo Atheniensium classis sola post hominum memoriam c. c. nauibus vi, ac multitudine inuasit: quæ in eo ipso portu, loci ipsius, portusq; natura victa, atq; superata est: hic primum opes illius ciuitatis victæ, comminutæ, depressæque sunt: in hoc portu Atheniensium nobilitatis, imperij, gloriæ naufragium factum existimatur. eo ne pirata penetrauit, quo simul atq; adisset, non modo a latere, sed etiam a tergo magnam partem vrbs relinqueret? Insulam totam præteruectus est: quæ est vrbs magna pars Syracusis suo nomine, ac mœnibus. quo in loco maiores (vt ante dixi) Syracusanum quemquam habitare vetuerunt: quod qui illam partem vrbs tenerent, in eorum potestatem portum futurum intelligebant. At quemadmodum est peruagatus? radices palmarum agrestium, quas in nostris nauibus inuenerat, iaciebat, vt omnes istius improbitatem, & calamitatem Siciliæ possent cognoscere. Siculosne milites, aratorumne liberos, quorum patres tantum labore suo frumenti exarabant, vt populo Rom. totique Italiæ suppeditare possent: eosne in insula Cereris natos, vbi primum fruges inuentæ esse dicuntur, eo cibo esse vfos, a quo maiores eorum, ceteros quoq; frugibus inuentis, remouerūt? Te prætor, Siculi milites palmarum stirpibus, prædones Siculo frumento alebatur. O spectaculum miserum, atque acerbum. ludibrio esse vrbs gloriam, populi Rom. nomen, * hominum conuentum, atque multitudinem, piratico myoparoni! in portu Syracusano de classe populi Rom. triumphum agere piratam, cum prætoris nequissimi, inertissimique oculos prædonum remi respicerent. Posteaquam e portu piratæ non metu aliquo affecti, sed societate exierunt, tum cœperūt quætere homines, causam illius tantæ calamitatis.

dicere

dicere omnes, & palam disputare, minime esse mirandum, si militibus, remigibusq; demissis, reliquis egestate, & fame perditis, prætor tot dies cum mulierculis perpotante, tanta ignominia, & calamitas esset accepta. hæc autem istius vituperatio, atq; infamia confirmabatur eorum sermone, qui à suis ciuitatibus illis nauibus præpositi fuerant: qui ex illo numero reliqui Syracusas classe amissa refugerant. dicebant, quos ex sua quisque nauì missos sciret esse. res erat clara: neque solum argumentis, sed etiam certis testibus istius audacia tenebatur. homo certior sit, agi nihil in foro, & conuentu toto die, nisi hoc quæri a nauarchis, quemadmodum classis esset amissa: illos respondere, & docere vnumquemq; missione remigum, fame reliquorum, Cleomenis timore, & fuga. Quod posteaquam iste cognouit, hanc rationem habere cœpit. causam sibi dicendam esse statuerat iam ante, quam hoc vsu * veniret, ita vt ipsum priore actione dicere audistis. videbat illis nauarchiis testibus, tantum hoc crimen sustinere se nullo modo posse. consilium capit primo stultum, verumtamen clemens: Cleomenem, & nauarchos ad se vocari iubet: veniunt. accusat eos, quod huiusmodi de se sermones habuerint: rogat, vt id facere desistant: & in sua quisque nauì dicat se tantum habuisse nautarum, quantum oportuerit, neq; quemquam esse demissum. Illi enim vero se ostendunt, quod vellet, esse facturos. Iste nō procrastinat: aduocat amicos statim: quærit ex his sigillatim, quot quisq; nautas habuerit: respondit vnusquisque vt erat præceptum. iste in * tabellas refert. obsignat signis amicorum prouidens homo: vt contra hoc crimen, si quando opus esset, hæc videlicet testificatione vteretur. Derisum credo esse hominem amentem a suis consiliariis, & admonitum, hæc ei tabellas nihil profuturas: etiam plus ex nimia prætoris diligentia suspicionis in eo crimine

futurum. Iam iste erat hac stultitia multis in rebus
 vsus, vt publice quoque quæ vellet, in ciuitatum
 litteris & tolli,* & referri iuberet: quæ omnia nunc
 intelligit sibi nihil prodesse, post ea quam certis
 litteris, testibus, auctoritatibusque conuincitur,
 vbi hoc videt, illorum confessionem, testificationē
 suam,* tabellas sibi nullo adiuumento futuras; init
 consilium, non improbi prætoris (nam id quidem
 esset ferendum) sed importuni, atq; amentis tyran-
 ni. statuit, si hoc crimen extenuare vellet (nam om-
 nino tolli posse non arbitrabatur) nauarchos om-
 nes testes sui sceleris vita esse priuandos. Occurre-
 bat illa ratio: quid Cleomeni fiet? poterone ani-
 maduertere in eos, quos dicto audientes esse iussi?
 missum facere eum, cui imperium, potestatemque
 permisi? poterone eos afficere supplicio, qui Cleo-
 menem secuti sunt? ignoscere Cleomeni, qui secum
 fugere, & se cōsequi iussit? poterone in eos esse ve-
 hemens, qui naues inanes non modo habuerūt, sed
 etiam apertas? in eum dissolutus, qui solus habuerit
 constratam nauem, & minus exinanitam? pereat
 Cleomenes vna. vbi fides? vbi execrationes? vbi
 dextrę, complexusque? vbi illud contubernium mu-
 liebris militiæ in illo delicatissimo litore? fieri nul-
 lo modo poterat, quin Cleomeni parceretur. Cleo-
 menem vocat. dicit ei, se statuisse animaduerrere
 in omnes nauarchos: ita sui periculi rationes ferre,
 ac postulare. tibi vni parcam, & totius istius culpæ
 crimen, vituperationemq; inconstantix potius sus-
 cipiam, quam aut in te sim crudelis, aut tot, tam
 graues testes viuos, incolumesque esse patiar. agit
 gratias Cleomenes: approbat consilium dicit, ita
 fieri oportere. admonet tamē illud, quod istum su-
 gerat, in * Phalargum Centuripinum nauarchum
 non posse animaduerti. propterea quod secum fu-
 isset vna in Centuripina quadriremit. Quid ergo? i-
 ste homo ex eiusmodi ciuitate, adolescens nobilis-
 simus

simus, testis relinquetur? In praesentia, inquit Cleomenes, quoniam ita necesse est: sed post aliquid videbimus. ne iste nobis obstare possit. Hæc postea quam acta & constituta sunt, procedit iste repente e prætorio inflammatus scelere, furore, crudelitate: in forum venit: nauarchos vocari iubet. qui nihil metuerent, nihil suspicarentur, statim accurrunt. Iste hominibus miseris, innocentibusque iniici catenas imperat. implorare illi fidem populi Romani, & quare id faceret, rogare. tunc iste hoc causæ dicit; quod classem prædonibus prodidissent. Fit clamor, & admiratio populi, tantâ esse in homine impudentiam, atq; audaciam, ut aut aliis causam calamitatis attribueret, quæ omnis propter avaritiam ipsius accidisset: aut, cum ipse prædonum socius putaretur, aliis proditionis crimen inferret: deinde, hoc quinto decimo die crimen esse natum, postquam clâssis esset amissa. Cum hæc fierent, quærebatur, ubi esset Cleomenes: non quo illum ipsum, cuiusmodi esset, quisquam supplicio propter illud incommodum dignum putaret. nam quid Cleomenes facere potuit (non enim possum quemquam insimulare falso) quid inquam, magnopere potuit Cleomenes facere, istius avaritia nauibus exinanitis? atque eum vident sedere ad latus prætoris, & ad aurem familiariter, ut solitus erat insusurrare, tum verò omnibus indignissimum visum est, homines honestissimos, electos ex suis ciuitatibus, in ferrum atque in vincla coniectos: Cleomenem propter flagitiosum, ac turpitudinis societatem familiarissimum esse prætoris. apponitur his tamen accusator Nænius Turpio quidam, qui C. Sacerdote prætoris, iniuriarum damnatus est, homo bene appositus ad istius audaciam: quem iste in decumis, in rebus capitalibus, in omni calumnia, præcurso-rem habere solebat & emissarium. Veniunt Syracusas parentes, propinqui que miserorum adolescen-

tium, hoc repentino calamitatis suæ commoti nuntio: vinctos aspiciunt catenis liberos suos, cum istius avaritiæ pœnam collo, & ceruicibus suis sustineant: adfunt, defendunt, proclamant, fidem tuam quæ nusquam erat, nec vîquam fuit, implorant. Pater aderat Dextio Tyndaritanus homo nobilissimus, hospes tuus, cuius tu domi fueras, quem hospitum appellaras. cum eum illa auctoritate, & miseria videres præditum, non te eius lacrymæ, non senectus, non hospitij ius, atque nomen a scelere aliquam ad partem humanitatis reuocare potuit. Sed quid ego hospitij iura in hac tam immani bellua commemoro? qui Sthenium Thermitanum hospitum suum, cuius domum per hospitium exhaustit & exinanivit, absentem in reos retulerit, causa indicta capite damnavit; ab eo nunc hospitiorum iura, atque officia quæramus? cum homine enim crudeli nobis res est; an cum fera atque immani bellua? te patris lacrymæ de innocentis filij periculo non mouebant? cum patrem domi reliquisses, filium tecum haberes: te neque præsens filius de liberorum caritate, neque absens pater de indulgentia patria commonebat? catenas habebat hospes tuus Aristæus, Dextionis filius. quid ita? prodiderat classem. quod ob præmium? deseruerat exercitum. quid Cleomenes? ignavus fuerat: an cum tu ob virtutem corona aurea donaras. dimiserat nautas: at ab omnibus tu mercedem missionis acceperas. Alter parens ex altera parte erat Herbitensis Eubulida, homo domi suæ clarus & nobilis: qui, quia Cleomenem in defendendo filio læserat, nudus pæne est destitutus. Quid erat autem quod quisquam diceret, aut defenderet? Cleomenem nominare non licet. at causa cogit. mori. si appellaris. numquam enim iste est cuiquam mediocriter minatus: At remiges non erant. prætorem tu accusas? frange ceruicem. Si neque prætorem, neq; præ-

toris æmulum appellare licebit, cum in his duobus
rota caussa sit, quid futurum est? Dicit etiam caus-
sam Heraclius Segestanus homo domi suæ summo
loco natus. Audite, vt vestra humanitas postulat
iudices: audietis enim de magnis incommodis, in-
iuriisq; sociorum. Hunc scitote fuisse Heraclium in
ea caussa, qui propter grauem morbum oculorum
tum non nauigarit, & iussu eius qui potestatem ha-
buit, * cum commeatu Syracusis remanserit. Iste
certe neq; prodidit classẽ, neq; metu perterritus
fugit, neq; exercitũ deseruit. etenim tunc esset hoc
animaduersum, cum classis Syracusis proficisceba-
tur. is tamen in eadem caussa fuit, quasi esset in ali-
quo manifesto scelere deprehẽsus, in quem ne falso
quidem caussa conferri criminis potuit. Fuit in illis
nauarchis Heracliensis quidam Furius (nam ha-
bent illi nonnulli huiusmodi Latina nomina) ho-
mo, quamdiu vixit, domi suæ non solum post mor-
tem, tota Sicilia clarus. & nobilis: in quo homine
tantum animi fuit, non solum vt istum libere læde-
ret (nam id quidem, quoniam moriendum videbat,
sine periculo se facere intelligebat) verum morte
proposita, cum lacrymans in carcere mater noctes,
diesque assideret, defensionem causæ suæ scripsit:
quam nunc nemo est in Sicilia, quin habeat, quin
legat, quin tui sceleris, & crudelitatis ex illa oratio-
ne commonefiat. in qua docet, quot a ciuitate sua
nautas acceperit; quot, & quanti quemque dimise-
rit: quot secum habuerit; item de ceteris nauibus
dicit. quæ cum apud te diceret, virgis oculi verbe-
rabuntur ille morte proposita, facile dolorem cor-
poris patiebatur. clamabat, id quod scriptum reli-
quit, facinus esse indignum, plus impudicissima
mulieris apud te de Cleomenis salute, quam de sua
vita lacrymas matris valere. deinde etiam illud vi-
deo esse dictum, quod, si recte vos populus Roma-
nus cognouit, non falso ille iam in ipsa morte de

vobis prædicauit: Non posse Verrem testes interficiendo, crimina sua extinguere. grauiorem apud sapientes iudices se fore ab inferis testem, quam si viuus in iudicium produceretur. tum auaritiæ solum, si viueret: nunc, cum ita esset necatus, sceleris, audaciæ, crudelitatis testem fore. Iam illa præclara: Nō testium modo cateruas, cum tua res ageretur, sed tum a diis manibus innocentium pœnas, sceleratorumq; furias in tuum iudicium esse venturas: sese ideo leuiorem casum suum fingere, quod iam ante aciem securium tuarum, Sestiiq; tui carnificis vultū, & manum vidisset, cum in conuentu ciuium Rom. iussu tuo securi ciues Rom. ferirentur. Ne multa, iudices, libertatem quam vos focis dedistis, hac ille in acerbissimo supplicio miserrimæ seruitutis abusus est. Condemnat omnes de consilij sententia. tamen neque iste in tanta re, tot hominum, totq; ciuium causa P. Vectium ad se accersit quaestorem suum, cuius consilio vteretur: neque P. Ceruium talem virum legatum, qui, quia legatus isto prætore in Sicilia fuit, primus ab isto iudex reiectus est; sed de latronum, hoc est, de comitum suorum sententia condemnat omnes. Hic cuncti Siculi fidelissimi, atq; antiquissimi socij, plurimis affecti beneficiis a maioribus nostris, grauius commouentur, & de suis periculis, fortunisque omnibus pertimescunt: illam clementiam, mansuetudinemq; nostri imperij in tantam crudelitatem, inhumanitatemq; esse conuersam? condemnari tot homines vno tempore. nullo crimine? defensionem suorum furtorum prætorem improbum ex indignissima morte innocentium quaerere? Nihil addi iam videtur iudices ad hanc improbitatem, amentiam, crudelitatemque posse; & recte nihil videtur. nam si cum aliorum improbitate certet, longe omnes, multumque superabit. sed secum ipse certat: id agit, vt semper superius suum facinus nouo scelere vincat.* Phalar-

gum

gum Centuripinum dixeram exceptum esse a Cle-
 omene, quod in eius quadriremit Cleomenes ve-
 ctus esset: tamen quia pertimuerat adolescens,
 quod eandem suam causam videbat esse, quam illo-
 rum, qui innocentes peribant: ad hominem accedit
 Timarchides: a securi negat esse ei periculum: virgis
 ne caderetur, monet ut caueat. Ne multa, ipsum di-
 cere adolescentem audistis, se ob hunc virgarum
 metum, pecuniam Timarchidi numerasse. Leuia sunt
 hæc in hoc reo crimina. metum virgarum Nauar-
 chus nobilissimæ ciuitatis pretio redemit: humanum.
 alius ne condemnaretur, pecuniam dedit: usitatum
 est. non vult populus Romanus obsoletis crimini-
 bus accusari Verrem: noua postulat, inaudita desi-
 derat: non de prætoris Sicilia, sed de crudelissimo
 tyranno fieri iudicium arbitrat. includuntur in
 carcerem condemnati: supplicium constituitur in
 illos: sumitur de miseris parentibus * nauarchorum:
 prohibentur adire ad filios suos: prohibentur libe-
 ris suis cibum, vestitumq; ferre. patres hi quos vi-
 detis, iacebant in limine: matresq; miseræ perno-
 ctabant ad ostium carceris, ab extremo complexu
 liberum exclusæ: quæ nihil aliud orabant, nisi ut fi-
 liorum extremum spiritum * ore excipere sibi lice-
 ret. Adeiat ianitor carceris, carnifex prætoris,
 mors, terrorq; sociorum & ciuium, licitor Sestius, cui
 ex omni gemitu, doloreq; certa merces compara-
 batur. ut adeas, tantum dabis; ut cibum tibi * vesti-
 tumque intro ferre liceat, tantum. nemo recusa-
 bat. Quid, ut vno ictu securis asseram mortem filio
 tuo, quid dabis? ne diu crucietur? ne sæpius feria-
 tur? ne cum sensu doloris aliquo, aut cruciatu spi-
 ritus auferatur? Etiam ob hanc causam pecunia li-
 citori dabatur. O magnum, atque intolerandum
 dolorem; o grauem acerbamq; fortunam! non vi-
 tam liberum, sed mortis celeritatem pretio redi-
 mere cgebantur parentes, atque ipsi etiam ado-

lescentes cum Sestio de eadem plaga, & de vno illo icū loquebantur: idque postremum parentes suos liberi orabant, vt leuandi cruciatus sui causa licetori pecunia daretur. Multi & graues dolores inuenti parentibus, & propinquis: multi verumtamen mors sit extrema. non erit. estne aliquid ultra, quo progredi crudelitas possit? reperietur. Nam illorum liberi cum erunt securi percussi ac necati, corpora feris obiciuntur. hoc si lucuosum est parenti, redimat pretio sepeliendi potestatem. Onasum Segestanū hominem nobilem dicere audistis, se ob sepulturam Heraclij nauarchis pecuniam Timarchidi dinumerasse. hoc ne possis dicere. patres enim veniunt amissis filiis irati vir primarius, homo nobilissimus, dicit: neq; de filio dicit. Iam hoc, quis tum fuit Syracusis, qui non audierit, quin sciat, has per Timarchidem pactiones sepulturæ cum viuis etiam illis esse factas? non palam cum Timarchide loquebantur? non omnes hominum propinqui adhibebantur? non palam virorum funera locabantur? Quibus rebus omnibus actis, atque decis, producuntur e carcere, & deligantur ad palum. Quis tam fuit illo tempore durus, & ferreus? quis tam inhumanus, præter vnum te, qui non illorum ætate, nobilitate, miseria commoueretur? ecquis fuit, quin lacrymaretur? quin ita calamitatem putaret illorum, vt fortunam tamen non alienam, periculum autem commune agi arbitraretur? Feriuntur securi. letaris tu in omnium gemitu, & triumphas: testes auaritiæ tuæ gaudes esse sublatos. Errabas Verres, & vehementer errabas, cum te maculas furtorum, & flagitiorum tuorum, sociorum innocentium sanguine eluere arbitrare: præcepta amentia ferebare, qui te existimares auaritiæ vulnera crudelitatis remediis posse sanare. Etenim quamquam illi sunt mortui sceleris tui testes, tamen eorum propinqui neque tibi,

neque

neque illis defunt: tamen ex illo ipso numero nauarchorum aliqui viuunt & abfunt: quos, vt mihi videtur, ab illorum innocentium pœna fortuna ad hanc caufam referuauit. adest Philarchus Haluntinus, qui, quia cum Cleomene non fugit, oppreffus a prædonibus, & captus eft. cui calamitas faluti fuit: qui nifi captus a piratis efferet in hunc prædonem sociorum incidiffet. dicit is pro testimonio de militione nautarum, de fame, de Cleomenis fuga. adest Centuripinus Phalargus, in ampliffima ciuitate, ampliffimo loco natus. eadem dicit: nulla in re difcrepat. Per deos immortales, iudices. quo tandem animo * feretis? aut hæc quemadmodum auditis? Vtrum ego defipio, & plus quam fatis opus eft, doleo in tanta calamitate, miferiaque sociorum? an vos quoque his acerbiffimus innocētium cruciatus, & mæror pari fenfu doloris afficit? Ego enim cum Herbitenfem, cum Heraclienfem securi efferre percuffum dico; verfatur mihi ante oculos indignitas calamitatis. eorumne populorum ciues, eorumne agrorum colonos, ex quibus maxima vis frumenti quotannis plebi Rom. illorum operis, ac laboribus quæritur, qui a parentibus fpe noftri imperij, noftræq; æquitatis fufcepti, educatique fiunt, ad C. Verris nefariam immanitatem, & ad eius securem funeftam efferre feruatos? Cum mihi Tyndaritani illius venit in mentem, cum Segestani, tum iura fimul ciuitatum, atque officia confidero. quas vrbes P. Africanus etiam ornandas efferre fpolijs hoftium arbitratus eft, eas C. Verres non folum illis ornamentis, fed etiam viris nobiliffimis nefario scelere priuauit. En quod Tyndaritani libenter prædicent: Nos in feptemdecim populis Siciliae non * eramus: nos femper in omnibus Punicis, Sicilienfibusque bellis amicitiam, fidemque populi Romani fecuti fumus: a nobis omnia populo Romano femper & belli adiumenta, &

pacis ornamenta * administrata sunt, Multum vero hæc his iura profuerunt in istius imperio, ac potestate. Vestros quondam nautas contra Carthaginem Scipio duxit: at nunc naues contra prædones pæne inanes Cleomenes ducit. vobiscum Africanus hostium spolia, & præmia laudis communicauit: at nunc per me spoliati, naue a prædonibus abducta, ipsi in hostium numero, locoque ducemini. Quid vero illa Segestanorum non solum litteris tradita, neque commemorata verbis, sed multis officiis illorum vsurpata, & comprobata cognatio, quos tandè fructus huiusce necessitudinis in istius imperio tulit? nempe hoc fuit iure, iudices, vt ex sinu patris nobilissimus adolescens, & e complexu matris creptus innocens filius istius carnifici Sestio dederetur. Cui ciuitati maiores nostri maximos agros atque optimos concesserunt, quam immunè esse voluerunt; hæc tanta apud te cognationis, fidelitatis, vetustatis auctoritate, ne hoc quidem iuris obtinuit, vnus honestissimi, atque innocentissimi ciuis mortem & sanguinem deprecaretur. Quo confugient socii? quem implorabunt? qua spe denique vt viuere velint, tenebuntur, si vos eos deseritis? ad senatum * deuenient, qui de Verre supplicium sumat? non est vsitatum, non senatorum. ad populum Rom. confugient? facile est causa populi. legem enim sociorum causa iussisse, * & vos ei legi custodes, ac vindices præposuisse dicet. hic locus est igitur vnus, quo perfugiant hic portus, hæc arx, hæc ara sociorum: quo quidem nunc non ita confugiunt. vt antea in repetundis rebus solebant. non argentum, non aurum, non vestem, non mancipia repetunt: non ornamenta, que ex urbibus, fanisque crepta sunt: metuunt homines imperiti, ne iam hæc populus Rom. concedat, & * iam fieri velit. patimur enim iam multos annos, & filemus, cum videamus ad paucos homines omnes omnium nationum pecunias

cunias peruenisse. quod eo magis ferre æquo animo, atq; concedere videmur; quia nemo istorum dissimulat, nemo laborat, ut obscura sua cupiditas esse videatur. In vrbe nostra pulcherrima, atq; ornatissima, quod signum, quæ tabula picta est, quæ nõ ab hostibus victis capta, atq; *apportata, sit? at istorum villæ sociorum fidelissimorum & plurimis, & pulcherrimis spoliis ornatae, refertæq; sunt. vbi pecunias exterarum nationum esse arbitramini, quibus nunc omnes egent; cum Athenas, Pergamum, Cyzicum, Miletum, Chion, Samon, totam denique Asiam, Achaiam, Græciam, Siciliam, iam in paucis villis inclusas esse vidcatis? Sed hæc, ut dico, omnia iam socij vestri relinquunt, & negligunt, iudices, ne publice a populo Rom. spoliarentur, officii ac fide prouiderunt: paucorum cupiditati, tû, cum obsistere non poterant, tamen sufficere aliquo modo poterant. Nunc vero iam adempta est non modo resistendi, verû etiam suppeditandi facultas. Itaque res suas negligunt: pecunias, quo nomine iudicium hoc appellatur, nõ repetunt; relinquunt, & negligunt. hoc iam ornatu ad vos confugiunt. aspiciate, aspiciate, iudices, squalorem, sordisque sociorum, est Sthenius hic Thermitanus cum hoc capillo, atq; veste: domo sua tota expilata, mentione tuorum furtorum non facit: sese ipsum abs te repetit, nihil amplius. totum enim tua libidine, & scelere ex sua patria, in qua multis virtutibus & beneficiis *floruit princeps, sustulisti. Dexio hic, quem videtis, non quæ publice *Tyndari, non quæ priuatim sibi eripuisti, sed vnicum miser abs te filium optimum, atque innocentissimum flagitat. non ex litibus estimatis tuis pecuniam domum, sed ex tua calamitate cineri, atque ossibus filij sui solatiû vult aliquod *deportare. Hic iam grandis natu Eubolida, hoc tantû, exacta ætate, laboris, itinerisq; susceperit, ut non aliquid ex suis bonis recuperaret, sed

ut quibus oculis cruentas ceruices filij sui viderat, iisdem te condemnatum videret. Si per L. Metellū licitum esset, iudices, matres illorum, vxores, sororesque veniebant. quarum vna, cum ego ad Heracliam noctū accederem, cum omnibus matronis eius ciuitatis, & cum multis facibus mihi obuiam venit; & ita me suam salutem appellans, te suum carnificem nominans, filij nomen implorans, mihi ad pedes misera iacuit; quasi ego excitare filium eius ab inferis possem. faciebant hoc idem in ceteris ciuitatibus grandes natu matres, & idem paruuli liberi miserorum: quorum vtrorumq; ætas laborem & industriam meam, fidem & misericordiam vestram requirebat. Itaque ad me, iudices, præter ceteras haec querimoniam Sicilia detulit, * lacrymis ego ad hoc non gloria inductus accessi: ne falsa damnatio, ne carcer, ne catenæ, ne verbera, ne secures, ne cruciatus sociorum, ne anguis innocentium, ne denique etiam ex anguium corpora mortuorum, ne mœror parentum, ac propinquorū magistratibus nostris quæstui posset esse. Hunc ego si metum Siciliæ, damnatione istius per vestram fidem, & seueritatem dei ecero, iudices, satis officio meo, satis illorum voluntati, qui a me hoc petiuerunt, factum esse arbitrabor. Quapropter si quem forte inueneris, qui hoc nauale crimen conetur defendere, * ista defendat: illa communia, quæ ad causam nihil pertinent, prætermittat: me * tibi culpam fortunæ assignare, calamitatem crimini dare, me amissionem classis obiiicere; cum multi viri fortes in communi, incertoque periculo belli, & terra & mari sæpe offenderint. Nullam tibi obiiicio fortunam: nihil est, quod ceterorum res minus commode gestas proferas: nihil est, quod multorum naufragia fortunæ colligas. ego naues inanes fuisse dico: remiges, nautasque dimissos: reliquos stirpibus vixisse palmarum: præfuisse classi populi Romani

mani Siculum; perpetuo sociis, atque amicis Syracusanum: te illo tempore ipso, superioribusque diebus omnibus in litore cum mulierculis perpotasse dico. harum rerum omnium auctores, testesque produco. Num tibi insultare in calamitate, num intercludere * perfugium fortunæ, num casus bellicos exprobrare, aut obiicere videor? tæti solent isti fortunam sibi obiici nolle, qui se fortunæ commiserunt; qui in eius periculis sunt, ac varietate versati. istius quidem calamitatis tua fortuna particeps non fuit. homines enim in præliis, non in cōiuiis belli fortunam tentare, ac periclitari solent: in illa autem calamitate, non Martem fuisse communem; sed Venerem possumus dicere. quod si fortunam obiici tibi non oportet: cur tu fortunæ illorum innocentium veniam, ac locum non dedisti? Etiam illud * præcidas licet; quod supplicium more maiorum sumpseris, securique percusseris, idcirco a me in crimen, & inuidiam vocari, non in supplicio crimen meum vertitur: non ego securi nego quemquam feriri debere: non ego metum ex re militari, non securitatem imperij, non pœnam flagitij tolli dico oportere: fateor non modo in socios, sed etiam in ciues, militesque nostros persæpe esse seuerè, ac vehementer vindicatum. quare hæc quoque permittas licet. Ego culpam non in nauarchis, sed in te fuisse demonstro: * pretio milites remigesque dimisisse arguo. hoc nauarchi reliqui dicunt; hoc Netinorum fœderata ciuitas publice dicit; hoc Herbitenses, hoc Amestratini, hoc Ennenses, hoc Agyrinenses, Tyndaritani, Locrenses publice dicunt: tuus denique testis, tuus imperator, tuus hospes Cleomenes hoc dicit, sese in terram esse egressum, vti Pachyno, è terrestri præsidio milites colligeret, quos in nauibus collocaret, quod certe non fecisset, si suum numerum naues haberent, ea est enim ratio instructarum, ornatarumque nauium, vt non modo plures, sed ne sin-

guli quidem possint accedere. Dico præterea, illos ipsos reliquos nautas fame, atq; inopia rerum omnium confectos fuisse, ac perditos. dico, aut omnes extra culpam fuisse, aut, si vni attribuenda culpa sit, in eo maximam fuisse, qui optimam nauem, plurimos nautas haberet, summum imperium obtineret: aut, si omnes in culpa fuerint, non oportuisse Cleomenem constitui spectatorem illorum mortis, atque cruciatus. dico etiam, in illo supplicio, mercedem lacrymarum, mercedem vulneris, atq; plagæ, mercedem funeris ac sepulturæ constitui nefas fuisse. Quapropter si mihi respondere voles, hæc dicito, classem instructam, atq; ornatam fuisse; nullum propugnatorem absuisse; nullum vacuum transtrum remigi fuisse; rem frumentariam esse suppeditatam; mentiri nauarchos; mentiri tot, & tam graues ciuitates, mentiri etiam Siciliam totam; proditum te esse a Cleomene, qui se dixerit exisse in terram, vt Pachyno deduceret milites; animum illis, non copias defuisse; Cleomenem acerrime pugnatem ab his relictum esse atque desertum; nummum ob sepulturam datum nemini. quæ si dices, tenebere: sin alia dices, quæ a me dicta sunt, non refutabis. Hic tu etiam dicere audebis: est in iudicibus ille familiaris meus, est paternus amicus ille? non vt quisque maxime est, qui cum tibi aliquid sit, ita tui huiuscemodi criminis maxime cum pudet? Paternus amicus est, ipse pater si iudicaret, per deos immortales, qui id facere potest, cum tibi hæc diceret tu in pronincia populi Ro. prætor, cum tibi maritimum bellum esset administrandum, Mamertinis, ex sædere quam deberent nauem, per triennium remisisti: tibi apud eosdem priuatim nauis oneraria maxima publice est ædificata: tu a ciuitatibus pecunias classis nomine coegisti: tu pretio remiges demisisti: tu, cum nauis esset a quaestore, & ab legato capta prædonum, archiparatam ab omnium oculis

oculis remouisti: tu, qui ciues Ro. esse dicerentur, qui a multis cognoscerentur, securi ferire potuisti: tu tuam domum piratas abducere, in iudicium archiparatam domo producere ansus es. tu in prouincia tam splendida, apud socios fidelissimos, ciues Ro. honestissimos, in metu periculoque prouinciæ, dies continuos complures in littore, conuiuisque iacuisti: te per eos dies nemo domi tuæ conuenire, nemo in foro videre potuit: tu sociorū, atque amicorum ad ea conuiuia matres familias adhibuisti: tu inter eiusmodi mulieres prætextatum tuum filium, nepotem meum collocauisti: ut ætati maxime lubricæ, atque incertæ exempla nequitia parentis vita præberet: tu prætor in prouincia cum * tunica t. lari pallioq; purpureo visus es: tu propter amorē libidinemq; tuam, imperium nauium legato populi Rom. ademisti, Syracusano tradidisti: tui milites in prouincia Siciliae frugibus, frumentoque caruerunt: tua luxuria atque auaritia classis populi Romani a prædonibus capta: & incensa est: post Syracusas conditas quem in portum numquam hostis accesserat, in eo, te prætore, primum piratæ nauigaerunt, neque hæc tot tantaque dedecora dissimulatione tua, neque obliuione hominum, ac taciturnitate tegere uoluisti: sed etiam nauium præfectos sine ulla causa de complexu parentum suorum, hospitemq; tuorum, ad mortem, cruciatumq; rapuisti neq; in parentum luctu atque lacrymis te mei nominis commemoratio mitigauit: tibi hominum innocentium sanguis non modo voluptati, sed etiam quæstui fuit. Hæc si tibi tuus parens diceret; posses ab eo ueniam petere? posses ut tibi ignosceret postulare? Satis est factum Siculis, satis officio ac necessitudini, iudices, satis promisso nostro, ac muneri recepto reliqua est ea causa, iudices, quæ non iniuncta, sed innata, neq; delata ad me, sed innata, sensuq; meo penitus * affixa, atq; inuicta.

non ad sociorum salutem, sed ad ciuium Romano-
rum, hoc est ad vniuscuiusque nostrum vitam, &
sanguinem pertinet. In qua nolite à me, quasi du-
bium sit aliquid, argumenta, iudices, expectare.
omnia, quæ dicam de supplicio ciuium Ro. sic erūt
clara, & illustria, vt ad ea probanda totam Sici-
liam testem adhibere possim. furor enim quidam
sceleris & audaciæ comes. istius effrenatum ani-
mū, importunamque naturā tanta oppressit amen-
tia, vt numquam dubitaret in conuentu, palam sup-
plicia, quæ in conuictos maleficij seruos constituta
sunt, ea in ciues Ro expromere, Virgis quam mul-
tos ceciderit, quid ego commemorem? tātum bre-
uissime dico, iudices: nullum fuit omnino, isto præ-
tore, in hoc genere discrimen. Itaque iam consue-
tudine ad corpora ciuium Ro. etiam sine istius nutu
ferebatur manus ipsa liëtoris. Num potes hoc ne-
gare Verres? in foro Lilybæi, maximo conuentu. C.
Seruiliū ciuem Rom. in conuentu Panormitano
veterem negotiatorē, ad tribunal. ante pedes tuos.
ad terram virgis & verberibus abiectum? aude hoc
primum negare, si potes. nemo Lilybæi fuit, quin
viderit: nemo in Sicilia, quin audierit. Plagis con-
fectum dico à liëtoribus tuis ciuem Ro. ante oculos
tuos cōcidisse.* ob quam causā dii immortales?
tametsi iniuriam facio communi causæ & iuri ciui-
tatis. quasi enim possit esse vlla causa, cur hoc cui-
quam ciui Ro. iure accidat, ita quæro, quæ in Ser-
uilio causa fuerit. ignoscite in hoc vno, iudices. in
ceteris enim nō magnopere causas requiram. Lo-
cutus erat liberius de istius improbitate, atque ne-
quitia. quod isti simul ac renuntiatum est, hominem
iubet Lilybæum vadimonium Venerio seruo pro-
mittere. promittit. Lilybæum venit. cogere cum
cæpit, cum ageret nemo, nemo postularet, n. s.
duobus millibus sponsonem facere cum liëto-
re suo, ni furtis cūctum faceret. Recuperatores de
cohorte

cohorte sua dicit se daturum. Seruilius & recusare, & deprecari, ne iniquis iudicibus, nullo aduersario, iudicium capitis in se constitueretur. Hæc cum maxime loqueretur, sex lictores circumstant valentissimi, & ad pulsandos verberandosque homines exercitatissimi: cædunt acerrime virgis: denique proximus lictor (de quo sæpe iam dixi) Sestius conuerso bacillo oculos misero tundere vehementissime cœpit. itaque ille, cum sanguis os, oculoque complexer, concidit; cum illi nihilo minus iacenti latera tunderentur, vt aliquando spondere se diceret. sic ille affectus illinc tum pro mortuo sublatus, breui postea est mortuus. Iste autem homo veneratorius, & affluens omni lepore, & venustate de bonis illius in æde Veneris argenteum Cupidinem posuit sic etiam fortunis hominum abutebatur ad nocturna vota cupiditatum suarum. Nam quid ego de ceteris ciuium Ro. suppliciis sigillatim potius, quam generatim atque vniuerse loquar? Carcer ille, qui est à crudelissimo tyranno Dionysio factus Syracusis, quæ Latomiæ vocantur, in istius imperio domicilium ciuium Rom. fuit. vt quisque istius animum, aut oculos offenderat, in Latomias statim coniciebatur. Indignū hoc video videri omnibus, iudices: & id iam priore actione, cum hæc testes dicerent, intellexi. retineri enim putatis oportere iura libertatis non modo hic, vbi tribuni plebis sunt, vbi ceteri magistratus, vbi plenum forum iudiciorum, vbi senatus auctoritas, vbi existimatio populi Romani & frequentia; sed vbi cumque terrarum, & gentium violatum ius ciuium Rom. sit, statuitis id pertinere ad communem causam libertatis, & dignitatis. In externorum hominum, & maleficorum, sceleratorum, in prædonum, hostiumque custodias tantum numerum ciuium Rom. includere ausus es? numquamne tibi iudicij, numquamne concionis, numquamne huius tantæ frequentiæ, quæ nunc

animo te iniquissimo infestissimoque intuetur, venit in mentem? nunquam tibi populi Romani absentis dignitas, numquam species ipsa huiusmodi multitudinis, in oculis animoque versata est? numquam te in horum conspectum rediturum, numquam in forum populi Romani venturum, numquam sub legum & iudiciorum potestatem casurum esse putasti? At quæ erat ista libido crudelitas exercendæ? quæ tot scelerum suscipiendorum causa? nulla iudices, præter prædandi novam singularemque rationem. Nam ut illi, quos a portis accepimus, sinus quosdam obsedisse maritimos, aut aliqua promontoria, aut prærupta saxa tenuisse dicuntur, ut eos qui essent appulsi nauigiis, * intercepte possent: sic iste in omnia maria infestus ex omnibus Siciliæ partibus imminebat. quæcumque navis ex Asia, quæ ex Syria, quæ Tyro, quæ Alexandria venerat, statim certis indicibus & custodibus tenebatur: vectores omnes in Latomias coniciebantur: onera atque merces in prætoriam domum deferrebantur. Versabatur in Sicilia longo intervallo alter, non Dionysius ille, nec Phalaris (tulit enim illa quondam insula multos & crudeles tyrannos) sed quoddam novum monstrum, ex vetere illa immanitate, quæ in iisdem locis versata esse dicitur. non enim Charybdis tam infestam, neque Scyllam nautis, quam istum in eodem freto fuisse arbitror: hoc etiam iste infestior, quod multo se pluribus & maioribus canibus succinxerat. Cyclops alter, multo importunior. hic enim totam insulam obtinebat: ille Aetnam solam, & eam Siciliæ partem tenuisse dicitur. At quæ causa tum subiciebatur ab ipso, iudices, huius tam nefariæ crudelitatis? eadem quæ nunc in defensione commemorabitur. Quicumque accesserant ad Siciliam paullo pleniores, eos Sertorianos milites esse, atque a Diano fugere dicebat. illi ad deprecandum periculum proferebant alij purpuram

purpuram Tyriam, tus alij, atque odores, vestemq;
 lineam, gemmas alij, & margaritas, vna nonnulli
 Græca, venalesque Asiaticos: vt intelligeretur ex
 mercibus, quibus ex locis nauigarēt, non intelligen-
 bant eas ipsas sibi cauſas eſſe periculi, quibus ad-
 iumentis ſe ad ſalutem vti arbitrabantur. iſte enim
 hæc eos ex piratarum ſocietate adeptos eſſe dice-
 bat: ipſos in Latomias abduci imperabat: naues eo-
 rum atque onera diligenter aſſeruanda curabat. His
 inſtitutis cum completus iam mercatorum carcer
 eſſet, tum illa fiebant, quæ L. Suetium equitum Ro-
 lectiſſimum virum dicere auდიſtis; quæ ceteros au-
 dietis, ceruices in carcere frangebantur indigniſſi-
 me ciuium Ro. vt etiam illa vox, & imploratio, Ci-
 uis Romanus ſum, quæ ſæpe multis in vltimis terris
 opem inter barbaros & ſalutem tulit, ea mortem
 illis acerbiorē, & ſupplii cium maturius ferret. Quid
 eſt Verres? quid ad hæc cogitas reſpondere? num
 mentiri me? num fingere aliquid? num augere cri-
 men? num quid horū dicere iſtis deſenſoribus tuis
 audes? Cedo mihi quæſo ex ipſius ſinu litteras Sy-
 racuſanorum, quas iſte ad arbitrium ſuum cōfectas
 eſſe arbitrat: cedo rationē carceris, quæ diligen-
 tiſſime conficitur, quo quiſque die clatus in cuſto-
 diam, quo mortuus, quo necatus ſit. LITTERAE
 SYRACUSANORVM. Videtis ciues Romanos
 gregatim coniectos in Latomias: videtis indi-
 gniffimo in loco coaceruatam multitudinem ve-
 ſtrorum ciuium. quærite nunc veſtigia, quibus
 exitus illorum ex illo loco compareant; nulla
 ſunt. omneſne mortui? ſi ita poſſet defendere, ta-
 men fides huic deſenſioni non haberetur. ſed ſcri-
 ptum eſt in iſſdem litteris, quod iſte homo bar-
 barus, ac diſſolutus neque attendere umquam, ne-
 que intelligere potuit. *Εὐνοῖον* inquit, hoc eſt.
 vt Sicili loquantur, ſupplicio affecti, ac neca-
 ti ſunt. Si quis rex, ſi qua ciuitas exterarum

gentiū, si qua natio fecisset aliquid in ciuē Ro. eiuf-
 modi, nonne publice vindicaremus? non bello per-
 sequeremur? possemus hanc iniuriam, ignominiam-
 que nominis Romani inultam, impunitamque di-
 mittere? quot bella maiores nostros, & quanta su-
 scepiſſe arbitramini, quod ciues Romani iniuria af-
 fecti, quod nauicularij retenti, quod mercatores
 spoliati dicerentur? at ego retentos nō quæror: spo-
 liatos ferendum puto: nauibus, mancipiis, mercibus
 ademptis, in vincula coniectos eſſe mercatores, &
 in vinculis ciues Ro. necatos eſſe arguo. Si hæc apud
 Scythas dicerem, non hic in tanta multitudine
 ciuium Ro. nō apud ſenatores leſtiſſimos ciuitatis,
 non in foro populi Romani de tot & tam acerbis
 ſuppliciis ciuium Romanorum: tamē animos etiam
 barbarorum hominum permouerem. tāta enim hu-
 ius imperij amplitudo, tanta nominis Ro. dignitas
 eſt apud omnes nationes, vt iſta in nostros homi-
 nes crudelitas nemini conceſſa videatur. Num ego
 tibi vllam ſalutem, vllum perſugium putem. cum te
 implicatum ſeueritate iudicū, circumretitum fre-
 quentia populi Romani eſſe videam? Si, me hercu-
 les (id quod fieri intelligo non poſſe) ex his laqueis
 te exueris, ac te aliqua vi hac ratione explicaris:
 in illas tibi maiores plagas incidendum eſt; in qui-
 bus te ab eodem me, ſuperiore ex loco confici, &
 concidi neceſſe eſt. Cui ſi etiam id, quod defendit,
 velim concedere; tamē illa ipſa deſenſio nō minus
 eſſe ei pernicioſa, quam mea vera accuſatio debeat.
 Quid enim defendit? ex Hiſpania fugientes ſe ex-
 cepiſſe, & ſupplicio affeciſſe dicit. Quis tibi id per-
 miſit? quo id iure feciſti? quis idem fecit? qui tibi
 id facere licuit? forum plenum, & basilicas iſtorum
 hominum videmus, & animo æquo videmus. ciui-
 lis enim diſſenſionis, & ſiue amentię, ſiue fati, ſeu
 calamitatis. non eſt iſte moleſtus exitus, in quo re-
 liquos ſaltē ciues incolumes licet conſeruare. Ver-
 res

res ille vetus proditor consulis, translator quaestura, auersor pecuniae publicae, tantum sibi auctoritatis in repub. suscepit, ut quibus hominibus per senatum, per populum Rom. per omnes magistratus in foro, in suffragiis, in hac urbe, in rep. versari liceret; iis omnibus mortem acerbam crudelemque proponeret, si fortuna eos ad aliquam partem Siciliae detulisset. Ad Cn. Pompeium clarissimum virum, & fortissimum permulti, occiso Parperna, ex illo Sertoriano numero militum confugerunt. quem non ille summo cum studio saluum, incolumemque seruauit? cui cui supplici non illa dextera inuicta & fidem porrexit, & spem salutis ostendit? Itane vero? quibus fuit portus apud eum, contra quem arma tulerunt; iis apud te, cuius nullum in repub. vniquam monumentum fuit, mors, & cruciatus erat constitutus? Vide, quam commodam defensionem excogitaris. malo, malo, mehercules, id quod tu defendis, his iudicibus, populoque Ro. quam id, quod ego insimulo, probari malo, inquam te isti generi hominum, quam mercatoribus, & nauiculariis inimicum, atque infestum putari. meum enim crimen auaritiae te nimiae coarguit: tua defensio furoris cuiusdam, & immanitatis, & inauditae crudelitatis, & pene nouae proscriptionis. Sed non licet me isto tanto bono, iudices, uti, non licet. adsunt enim Puteoli tot: frequentissimi venerunt ad hoc iudicium mercatores, homines locupletes, atque honesti; qui partim socios suos partim libertos ab isto spoliatos, in vincla coniectos, partim in vinculis necatos, partim securi percussos esse dicent, Hic vide quam me sis vsurus aequo. cum ego P. Granium te stem produxero. qui suos libertos a te securi percussos esse dicat; qui a te nauem suam, merces repetat. refellito si poteris: meum testem deferam; tibi fauebo. te inquam, adiuvabo. ostendito illos cum Sertorio fuisse, & Dianio fugientes ad Sciciliam esse delatos,

nihil est quod te malim probare. nullum enim facinus quod maiore supplicio dignum sit reperiri, neque proferri potest. reducam iterum equitem Rom. L. Flauium: si voles: quoniam priore actione, ut patroni tui dictitant, noua quadam sapientia, ut omnes intelligunt, conscientia tua, atque auctoritate meorum testium, testem nullum interrogasti: interrogetur Flauius, si voles, qui nā fuerit L. Herennius, quem ille argentariam Lepti fecisse dicit: qui cum amplius centum ciues Rom, haberet ex conuentu Syracusarum, qui cum non solum cognoscerent, sed etiam lacrymantes, ac te implorantes defenderent; tamen a te, inspectantibus omnibus * Syracusanis securi percussus est. hunc quoque testem meum refelli; & illum Herennium Sertorianum fuisse abs te demonstrari, & probari volo. Quid de illa multitudine dicemus eorum, qui capitibus inuolutis in piratarum, captiuorumque numero producebantur, ut securi ferirentur? quā ista noua diligentia? quam ob causam abs te * cogitata? an te L. Flauij, ceterorumque de L. Herennio vociferatio commouebat? an M. Annij grauissimi, atque honestissimi viri summa auctoritas paullo te diligentiolem, timidioremque fecerat? qui nuper pro testimonio, nō adueniam nescio quem, nec alienum; sed cum ciuem Romanum, qui omnibus in illo conuentu notus, qui Syracusis natus esset, a te securi percussus esse dixit. Post hanc illorum vociferationem, post hanc communem famam, atque querimoniam, non mitior in supplicio, sed diligentior esse cœpit. capitibus inuolutis ciues Rom. ad necem producere instituit: quos tamen idcirco necabat palam, quod homines in conuentu (id quod antea diximus) nimium diligenter prædonum numerum requirebāt. Hæcne plebi Romanæ te prætoris est constituta conditio? hæc negotij gerendi spes? hoc capitis, viteque discrimen? parumne mul-

ta mercatoribus sunt necessario pericula subeunda fortunæ, nisi etiam hæc formidines ab nostris magistratibus, atque in nostris prouinciis impendebunt? ad eamne rem fuit hæc suburbana ac fidelis prouincia, plena optimorum sociorum, & honestissimorum ciuium Romanorum, quæ cines Rom. omnes suis ipsa sedibus libentissime semper accepit; ut qui usque ex vltima Syria, atque Aegypto nauigarent, qui apud barbaros propter togæ nomen in honore aliquo fuissent, qui ex prædonum insidiis, qui ex tempestatum periculis profugissent, in Sicilia securi ferirentur, cum se iam domum venisse arbitrarentur? Nam quid ego de P. Gauio Consano municepe dicam, iudices? aut qua vi vocis, qua grauitate verborum, quo dolore animi dicam? tametsi dolor me non deficit: ut cetera mihi in dicendo digna re, digna dolore meo suppetant, magis elaborandum est: quod crimen eiusmodi est, ut, cum primum ad me delatum est, usurum me illo non putarem. tametsi enim verissimum esse intelligebam; tamen credibile fore non arbitrabar. coactus lacrimis omnium ciuium Rom. qui in Sicilia negotiantur, adductus Valentinorum hominum honestissimorum testimoniis, omniumque Rheginorum, multorumque equitum Rom. qui casu tum Messanæ fuerunt, dedi tantum priore actione *testimonium, res ut nemini dubia esse posset. Quid nunc agam? cum iam tot horas de vno genere ac de istius nefaria crudelitate dicam: cum prope omnē vim verborum eiusmodi, quæ scelere istius digna sunt, aliis in rebus cōsumpserim, neq; hoc prouiderim, ut varietate criminū vos attentos tenerem? quemadmodū de tanta re dicam? opinor vnus modus, atq; vna ratio est, rem in medio ponam: quæ tantum habet ipsa grauitatis, ut neq; mea, quæ nulla est, neque cuiusquam, ad inflammandos vestros animos eloquentia requiratur. Gaius hic, quem dico, Cōsanus, cū illo

in numero ab isto in vincula coniectus esset, & nescio qua ratione clam e Latomiis profugisset, Messanamque venisset; qui prope iam Italiam & mœnia Rhegynorum videret, & ex illo metu mortis, ac tenebris, quasi luce libertatis, & odore aliquo legum recreatus, reuixisset; loqui Messanæ cœpit, & quæri, se ciuem Rom. in vincla esse coniectum: sibi recta iter esse Romam; Verri se præsto aduenienti futurum. non intelligebat miser, nihil interesse, utrū hæc messanæ, an apud ipsū in prætorio loqueretur. Nam, vt ante vos docui, hanc sibi iste urbem delegerat, quam haberet adiutricem scelerum, furtorum receptricem, flagitiorum omnium sociam. Itaque ad magistratum Mamertinū statim deducitur Gaius: eoque ipso die casu Messanam Verres venit res ad eum deferitur, esse ciuem Romanū qui se Syraculis in Latomiis fuisse quæreretur: quem iam ingredientem nauem, & Verri nimis atrociter minitantem, a se retractum esse, & asseruatum, vt ipse in eum statueret, quod videtur. Agit hominibus gratias, & eorum erga se beneuolentiam, diligentiamque collaudat. ipse inflammatus scelere, & furore, in forum venit, ardebant oculi: toto ex ore crudelitas * emicabat. expectabant omnes, quo tandem progressurus, aut quidnam acturus esset; cum repente hominem proripi, atque in foro medio nudari. ac deligari, & virgas expedire iubet clamabat ille miser, se ciuem esse Romanum, municipem Confanum, meruisse se cum L. Pretio splendidissimo equite Romano qui Panormi negotiaretur, ex quo hæc Verres scire posset. tum iste se comperrisse ait, eum speculandi causa in Siciliā ab ducibus fugitiuorum esse missum: cuius rei neq; index neq; vestigium aliquod, neque suspicio cuiquam esset villa deinde iubet vndique hominem proripi, vehementissimeq; verberari. Cædebatur virgis in medio foro Messanæ ciuis Romanus, iudices, cum interea
nu l'us

nullus gemitus, nullavox alia istius miseri inter dolorem, crepitumque plagarum audiebatur, nisi hæc, Cuius Romanus sum. hac se commemoratione ciuitatis omnia verbera depulsurum, cruciatumque à corpore deiecturum arbitrabatur. is non modo hoc non perfecit, vt virgarum vim deprecaretur: sed cum imploraret sæpius, vsui paretque nomen ciuitatis, crux, crux, inquam infelici, & ærumnoso, qui nunquam istam potestatem viderat, comparabatur. O nomen dulce libertatis: ô ius eximium nostræ ciuitatis: ô lex Porcia, legesque Sempromiæ: ô grauitèr desiderata, & aliquando reddita plebi Romanæ tribunitia potestas. huccine tãdem omnia reciderunt? vt cuius Rom. in prouincia populi Romani oppido fœderatorum, ab eo qui beneficio populi Rom. fasces, & secures haberet, deligatus in foro virgis caderetur? Quid, cum ignes. * candentesque laminæ, ceterique cruciatus admovebantur? si te illius acerba imploratio, & vox miserabilis, non * inhiibat: ne ciuium quidẽ Romanorum, qui tum aderant, fletu & gemitu maximo commouebare? in crucem tu agere ausus es quemquam, qui se ciuem Romanum esse diceret? Nolui tam vehementer agere hoc prima actione, iudices, nolui. vidisti enim vt animi multitudinis in istum dolore, & odio, & communis periculi metu concitarentur, statui egomet mihi, tum modũ orationi meæ, & C. Numitorio equiti Romano * primo homini testi meo: & Glabionem, id quod sapientissime fecit, facere lætatus sum? vt repente consilio in medio testem dimitteret. etenim verabatur, ne populus Rom. ab isto eas pœnas vi repetisse videretur; quas veritus esset, ne iste legibus, & vestro iudicio non esset peroluturus. Nunc quoniã iam exploratum est omnibus, quo loco causã tua sit, & quid de te futurum sit, sic tecum agam. Gauium istumquem repentinum speculatorem fuisse

dicis, ostendam in Latomias Syraculis à te esse cōiectum: neque id solum ex litteris ostendam Syracusanorum, ne possis dicere me, quia sit aliquis in litteris Gaius, hoc fingere, & eligere nomen, ut hunc illum esse possim dicere; sed secundum arbitrium tuum testes dabo; qui istum ipsum Syraculis abs te in Latomias coniectum esse dicant. producā etiam Confanos, municipes illius ac necessarios, qui te nunc sero doceant, iudices non sero, illum P. Gaium quem tu in crucem egisti, ciuem Rom. & municipem Confanum, non speculatorem fugitivorum fuisse. Cum hæc omnia, quæ polliceor, cumulate tuis * proximis plana fecero: tū istuc ipsum tenebo, quod abs te mihi datur: eo contentum me esse dicam. Quid enim nuper tu ipse, cum populi Rom. clamore, atque impetu per turbatus exiisti, quid inquam locutus es? illum, quod moram supplicio quæreretur, ideo clamitasse, se esse ciuem Romanum sed speculatorem fuisse. Iam mei testes veri sunt. Quid enim dicit aliud C. Numitorius? quid M. & P. Cotij nobilissimi homines ex agro Taurominitano? quid Q. Luceius, qui argentariam Rhegij maximam fecit? quid * enim ceteri? adhuc enim testes ex eo genere à me sunt dati, non qui novisse Gaium, sed qui se vidisse dicerent; cum is, qui se ciuem Ro. esse clamaret, in crucem ageretur. Hoc tu, Verres, idem dicis, hoc tu confiteris, illum clamitasse se ciuem esse Romanum, apud te nomen civitatis ne tantum quidem valuisse, ut dilationem aliquam crucis, ut crudelissimi, tæterrimique supplicij aliquam parvam morā salutem posset afferre. Hoc teneo, hic hæreo, iudices, hoc sum contentus vno: omitto, ac negligo cetera: sua confessione induatur, ac iuguletur necesse est. qui esset ignorabas? speculatorem esse suspicabere? nō quæro, qua suspitione: tua te accuso oratione. ciuem Rom. se esse dicebat si tu apud Persas, aut in extre-

ma India deprehensus, Verres ad supplicium ducere, quid aliud clamitares, nisi te ciuem esse Romanum? & si tibi ignoto apud ignotos, apud barbaros, apud homines in extremis, atq; vltimis gentibus positos, nobile & illustre apud omnes nomen tuæ ciuitatis profuisset: ille quisquis erat, quē tu in crucem rapiebas, qui tibi esset ignotus, cum ciuē se Rom. esse diceret, apud te prætorem si non effugiū ne moram quidem mortis, mētione, atq; vsurpatione ciuitatis assequi potuit? Homines tenues, obscuro loco nati nauigant: adeunt* ad ea loca, quæ nunquā antea viderunt vbi neq; noti esse iis, quo venerūt; neq; semper cum cognitoribus esse possunt: hac vna* tamē fiducia ciuitatis, non modo apud nostros magistratus, qui & legum, & exstimationis periculo continentur; neque apud ciues solum Rom. qui & sermonis, & iuris, & multarum rerum societate iuncti sunt, fore se tutos arbitrantur; sed quocumq; venerint, hanc sibi rem præsidio sperant* esse futuram. tolle hanc spem, tolle hoc præsidium ciuibus Romanis. cōstitue nihil esse opis in hac voce. Ciuis Rom. sum: posse impune prætorem aut aliū quemlibet, suppliciū, quod velit, in eum constituere, qui se ciuem Rom. esse dicat, quod quis ignoret: iā omnes prouincias. iam omnia regna: iam omnes liberas ciuitates, iam omnē orbem terrarum, qui semper nostris hominibus maxime patuit, ciuibus Ro. ista defensione præcluseris. Quid, si L. Pretium equitem Rom. qui tum in Sicilia negociabatur, nominabat? etiamne id magnum fuit, Panormum litteras mittere, asservasse hominem, custodiis Mamertinorum tuorum vinctum, clausum habuisse, dum Panormo Pretius veniret? cognosceret hominem: aliquid de summo supplicio remitteres. si ignoraret: tum, si ita tibi videretur, hoc iuris in omnes constitueres, vt qui neq; tibi notus esset, neq; cognitorē locupletem daret, quāuis ciuis Rom. esset, in crucē

tolleretur. Sed quid ego plura de Gaudio? quasi tu Gaudio tum fueris infestus, ac non nomini, generi, iuri civium hostis. non illi, inquam, homini, sed causae communi libertatis inimicus fuisti. Quid enim attulit, cum Mamertini more, atque instituto suo crucem fixissent post urbem in via Pompeia, te iubere in ea parte figere, quae ad fretum spectaret, & hoc addere, quod negare nullo modo potes, quod omnibus audientibus dixisti palam, te idcirco illum locum diligere, ut ille qui se civem Rom. esse diceret, ex cruce Italiam cernere ac domum suam prospicere posset? Itaque illa crux sola, iudices, post conditam Messanam illo in loco fixa est. Italiae conspectus ad eam rem ab isto delectus est, ut ille in dolore, cruciatuque moriens, per angustum freto diuisa servitutis, ac libertatis iura cognosceret: Italia autem alumnū suum, servitutis extremo, summoque supplicio affectū videret. Facinus est, vinciri civem Rom. scelus, verberari: prope paricidium, necari: quid dicam in crucem tollere? verbo satis digno tam nefaria res appellari nullo modo potest. non fuit his omnibus iste contentus. Spectet, inquit, patriam: in conspectu legum, libertatisque moriatur. non tu hoc loco Gaudium, non vnum hominem nescio quem civem Rom. sed communem libertatis, & civitatis causam in illum cruciatum, & crucem egisti. Iam vero videte hominis audaciam. nonne eum grauius tulisse arbitramini, quod illam civibus Rom. crucem non posset in foro. non in comitio, non in Rostris defigere? * quod enim his locis in provincia sua celebritate simillimum, regione proximum potuit, elegit: monumentum sceleris, audaciaeque suae voluit esse in conspectu Italiae, vestibulo Siciliae, praeteruentione omnium, qui ultro, citroque nauigarent. Si haec non ad ciues Rom. non ad aliquos amicos nostrae civitatis, non ad eos, qui populi Rom. nomen audissent: denique, si non ad homines; verum ad bestias aut etiam

etiam, vt longius progrediar, si in aliqua desertissima solitudine ad saxa, & ad scopulos hæc conqueri, & deplorare vellem; tamen omnia muta, atque inanima tanta & tam indigna rerum atrocitate commouerentur. Nunc vero cum loquar apud senatores populi Rom. legum, iudiciorumque, & iuris auctores; timere non debeo, ne non vnus iste ciuis Rom. illa cruce dignus; ceteri omnes simili periculo indignissimi iudicentur. Paulo ante, iudices, lacrymas in morte misera, atque indignissima nauarchorum non tenebamus: & recte, ac merito fociorum innocentium miseria commouebamur. quid nunc in nostro sanguine tandem facere debemus? nam ciuium Rom. sanguis coniunctus existimandus est: quoniam id & salutis omnium ratio, & veritas* postulat. omnes hoc loco ciues Ro. & qui adsunt, & qui vbicumque sunt, vestram seueritatē desiderant, vestram fidem implorant, vestrum auxilium requirunt: omnia sua iura, commoda, auxilia, totam denique libertatem in vestris sententiis versari arbitrantur. A me tametsi satis habent; tamen si res aliter acciderit, plus habebunt fortasse, quam postulant. nam & si qua vis istum de vestra seueritate eripuerit, id quod neque metuo, iudices, neque vllō modo fieri posse video: sed si in hoc me ratio fefellerit, Siculi causam suam periisse querentur, & mecum pariter modeste ferent: populus quidem Romanus breui, quoniam mihi potestatem apud se agendi dedit, ius suum, me agēte, suis suffragiis ante Kal Feb. recuperabit. Ac si de mea gloria & amplitudine quæritis, iudices, non est alienum meis rationibus, istum mihi ex hoc iudicio ereptum ad illud populi Rom. iudicium reseruari. Splendida est illa causa, probabilis mihi & facilis, populo grata, atque iucunda. Denique si videor hic, id quod ego non quæsiui, de vno isto voluisse crescere; isto absoluto, quod sine multorum scelere fieri nō potest,

de multis mihi crescere licebit: Sed me hercules, vestra, rei que publicae causa, iudices, nolo in hoc delecto consilio tantum flagitium esse commissum: nolo eos iudices, quos ego probarim, atque delegerim, sic in hac vix notatos, isto absoluto, ambulare, ut non cera, sed caeno obliti esse videantur. Quamobrem te quoque, Hortensi, quia monendi locus est, ex hoc loco moneo; videas etiam atque etiam, & consideres quid agas, quo progrediare, quem hominem, & qua ratione defendas. neque de illo quidquam tibi praesidio, quo minus ingenio mecum, atque omni dicendi facultate contendas. cetera, si qua putas te occultius extra iudicium, quae ad iudicium* pertinent, facere posse, si quid artificio, consilio, potentia, gratia, copiis, istius moliri cogitas: magnopere censeo desistas; & illa quae tentata iam, & accepta ab isto sunt, a me autem peruestigata, & cognita, moneo ut extinguas, & longius progredi ne sis. magno tuo periculo peccabitur in hoc iudicio; maiore quam putas. Quod enim te liberatum iam existimationis metu, defunctum honoribus, designatum a consensu civis: mihi crede, ornamenta ista, & beneficia populi Romani non minore negotio retinentur quam comparantur. tulit haec civitas, quoad potuit, quoad necesse fuit, regiam istam vestram dominationem in iudiciis, & in omni republica: tulit sed quo die populo Romani tribuni plebis restituti sunt, omnia ista vobis (si forte nondum intelligitis) adempta, atque erepta sunt. omnium, nunc oculi coniecti sunt hoc ipso tempore in unum quemque nostrum, qua fide ego accusem, qua religione hi iudicent, qua tu ratione defendas. de omnibus nobis, si quis tantulum de recta regione deflexerit; non illa tacita existimatio, quam antea contemnere solebatis, sed vehemens ac liberum populi Romani iudicium consequetur. nulla tibi Quincte cum isto cognatio est, nulla necessitudo: quibus excusationibus ante rimium in aliquo iudicio

iudicio studium tuum defendere solebas, earum habere in hoc homine nullam potes, quæ iste in provincia palam dictitabat, cum ea quæ faciebat, tua se fiducia facere dicebat; ea ne vera putetur, tibi maxime est providendum. Ego mei iam rationem officij confido esse omnibus iniquissimis meis perfolutam, nam istum paucis horis primæ actionis, omnium mortalium sententiis condemnari, reliquum iudicium non iam de mea fide, quæ perspecta est: neque de istius vita, quæ damnata est; sed de iudicibus, & vere ut dicam, de te, futurum est, at quo tempore futurum est? nam id maxime providendum est, etenim cum omnibus in rebus, tum in rep. permagni momenti est, ratio atque inclinatio temporum, nempe eo, cum populus Ro. aliud genus hominum, atque alium ordinem ad res iudicandas requirit, nempe ea lege de iudiciis, iudicibusque nobis promulgata, quam nō is promulgavit, cuius nomine proscriptam videtis; sed hic reus, hic, inquam, sua spe atque opinione, quam de vobis habet, legē illam scribendam, promulgandamque curavit. Ita, quæ cum primo agere cœpimus, lex non erat promulgata, cum iste vestra severitate permotus multa signa dederat, quamobrem responsurus non videretur; mentio de lege nulla fiebat: postea quam iste recreari, & confirmari visus est, lex statim promulgata est: cui legi cum vestra dignitas vehementer aduersetur; istius spes falsa, & insignis in prudentia maxime suffragatur. Hic si quid erit commissum a quoquam vestrū, quod reprehendatur; aut populus Ro. iudicabit de eo homine, quæ iam antea iudicis indignum putavit; aut ij qui propter offensionē iudiciorū de veteribus iudicibus lege nova, novi iudices erunt constituti, mihi porro, ut ego non dicā, quis omnium mortalium non intelligit, quā longe progredi sit necesse? Potero silere, hortens? potero dissimulare? cū tantū resp. vulnus acceperit, ut expilare

prouinciæ, vexati focij, dii immortales spoliati, ei-
ues Rom. cruciati, & necati impune, me actore esse
videantur? potero hoc ego onus tantum aut in hoc
iudicio deponere, aut diuſius tacitus ſuſtinere? non
agitanda res erit? non in medium proferenda? non
populi Ro. fides imploranda? non omnes, qui tan-
to ſe ſcelere obſtrinxerint, vt aut fidem ſuam cor-
runpi paterentur, aut iudicium corrumperent, in
diſcrimen ac iudicium vocandi? Qneret aliquis for-
taſſe, Tantumne igitur laborem, tantas inimicitias
tot hominum ſuſcepturus es? non ſtudio quidem,
hercule, vlllo, neque voluntate; ſed non idem mihi
licet quod iis, qui nobili genere nati ſunt: quibus
omnia populi Ro. beneficia dormientibus deferun-
tur: longe alia mihi lege in hac ciuitate, & condi-
cione viuendum eſt. venitenim mihi in mentem M.
Catonis hominis ſapientiffimi: qui cum ſe virtute,
non genere, populo Ro. commendari putaret, cum
ipſe ſui generis initium ac nominis ab ſe gigni &
propagari vellet; hominum potentiffimorum ſuſce-
pit inimicitias; & maximis in laboribus vſque ad
ſummam ſenectutē, ſumma cum gloria vixit. Poſt-
eaque Pompeius humili, atque obſcuro loco natus
nonne plurimis inimicitiiſ maximisque ſuis pericu-
lis, ac doloribus ampliffimos honores eſt ade-
ptus? Modo L. Fimbriam, C. Marium, C. Cælium vi-
dimus, non mediocribus inimicitiiſ, ac laboribus
cōtendere. vt ad iſtos honores peruenirēt, ad quos
vos per ludum & per negligentiam perueniſtis. hæc
eadem eſt noſtræ rationis regio & via: horum nos
hominum ſectam, atque inſtituta perſequimur. Vi-
demus quanta ſit in inuidia, quātoque in odio apud
quosdam homines nobiles nouorum hominum vir-
tus & induſtria; ſi tantulum oculos deiecerimus,
præſto eſſe inſidias; ſi vllum locum aperuimus ſuſ-
picioni aut crimini accipiendū eſſe ſtatim vulnus,
eſſe nobis ſemper vigilandum, ſemper laborandum
videmus

videmus. Inimicitiae sunt, subeantur : labores, suscipiantur. Etenim tacitae magis, & occultae inimicitiae timendae sunt, quam indictae, & apertae. Hominum nobilium non fere quisquam nostrae industriae fauer: nullis nostris officiis beneuolentiam illorum alligere possumus: quasi natura, & genere dissociati sint, ita dissident a nobis animo ac voluntate. Quare quid habent eorum inimicitiae periculi; quorum animos iam ante habueris inimicos, & inuidos, quam vllas inimicitias susceperis? Quamobrem mihi iudices, optandum est illud, in hoc reo finem accusandi facere, cum & populo Ro. satisfactum, & receptum officium Siculis necessariis meis erit persolutum. Deliberatum autem est, si res opinionem meam, quam de vobis habeo, fefellerit; non modo eos persequi, ad quos maxime culpa * corrumperendi iudicij; sed etiam illos, ad quos conscientiae contagio pertinebit. Proinde si qui sunt, qui in hoc reo aut potentes, aut audaces, aut artifices ad corrumperendum iudiciū velint esse, ita sint parati vt disceptante populo Ro. mecum sibi rem videant futuram &, si me in hoc reo, quem mihi inimicum Siculi dederunt, satis vehementem, satis perseuerantem, satis vigilantem esse cognorunt, existiment in his hominibus, quorum ego inimicitias populi Rom salutis causa suscepero, multo grauiorem, atque acriorem futurum. Nunc te Iupiter optime maxime, cuius iste donum regale, dignum tuo pulcherrimo templo dignum Capitolio, atque ista arce omnium nationū, dignum regio munere, tibi factum ab regibus, tibi dicatum atque promissum per nefarium scelus de regis manibus extorsit; cuiusque sanctissimum & pulcherrimum simulacrum Syraculis fustulit: teque Iuno regina, cuius duo sana duabus in insulis posita sociorum, Melitae & Sami, sanctissima, & antiquissima simili scelere idem iste omnibus donis, ornamentisque nudauit: teque Minerua, quam item iste

duobus in clarissimis, & religiosissimis templis ex-
pilauit Athenis, cum auri grande pondus, Syraculis
cum omnia præter tectum & parietes abstulit: teq;
Latona, & Apollo, & Diana, quorum iste Deli non
fanum, sed vt hominum opinio & religio fert, sedē
antiquam, diuinumque domicilium nocturno la-
trocinio atque impetu cōpilauit: etiam te Apollo,
quem iste Chio sustulit: teque etiam, atque etiam,
Diana, quam Pergæ spoliauit, cuius simulacrū san-
ctissimum Segestæ, bis apud Segestanos consecratū
semel ipsorum religione, iterū P. Africani victoria,
tollendum asportandūque curauit: teque, Mercu-
ri, quem Verres in villa, & in priuata aliqua palestra
posuit, P. Africanus in vrbe lociorum, & in gymna-
sio Tyndaritarum iuuentutis illorum custodem,
& præsidem voluit esse: teque, Hercules, quem iste
Agrigenti nocte intempesta, seruatorum instructa &
comparata manu, conuellere ex suis sedibus, atque
auferre conatus est: teque, sanctissima mater Idæa,
quam apud Enguinos augustissimo, & religiosissi-
mo in templo sic spoliatam reliquit, vt nunc nomen
modo Africani, & vestigia violatæ religionis ma-
neant; monumenta victoriæ, fanique ornamenta
non existent: vosque omnium rerum forensium, con-
sistorum maxime rerum, legum, iudiciorumque arbi-
tri, & testes, celeberrimo in loco prætorij locati,
Castor, & Pollux, quorum e templo quæstū sibi iste
& prædam maximam improbitissime cōparauit: om-
neque dii, qui vehiculis tensorum solennes cœtus
Iudorum initis, quorum iter iste ad suum quæstum,
non ad religionum dignitatem, faciendum, exigen-
dūque curauit: teque, Ceres, & Libera, quarum
sacra, sicut opiniones hominū, ac religiones ferunt,
longe maximis, atq; occultissimis caeremoniis con-
tinentur; a quibus initia vitæ, atque victus, legum,
morum, mansuetudinis, humanitatis exempla homi-
nibus, & ciuitatibus data, ac dispersita esse dicuntur;
quarum

quarum sacra populus Ro. a Græcis ascita, & accepta, tanta religione & publice & priuatim tuetur, non ab aliis huc allata, sed vt ceteris hinc tradita esse videantur: quæ ab isto vno sic polluta, & violata sunt, vt simulacrum Cereris vnum, quod a viro non modo tangi, sed ne aspici quidem fas fuit, e sacrario Catinæ conuellendum, auertendumque curauerit: alteram autem Ennæ ex sua sede, ac domo sustulerit: quod erat tale, vt homines, cum viderent, aut ipsam videre se Cererem, aut effigiem Cereris non humana manu factam, sed cælo delapsam arbitrentur: vos etiam atque etiam imploro & appello, sanctissimæ deæ, quæ illos Ennentes lacus, lucosque colitis, cunctæque Siciliæ, quæ mihi defendenda tradita est, præsidetis: a quibus, inuentis frugibus, & in orbem terrarum distributis, omnes gètes: ac nationes vestri religione numinis continentur: ceteros item deos, deasque omnes imploro, atque obtestor quorum templis & religionibus iste nefario quodam furore, & audacia instinctus, bellum sacrilegum semper, impiumque habuit indictum; vt, si in hoc reo, atque in hac causâ, omnia mea consilia ad salutem sociorum, dignitatem populi Rom. fidem meam spectauerunt; si nullam ad rem, nisi ad officium & veritatem omnes meæ curæ, vigiliæ, cogitationesque laborarunt; quæ mea mens in suscipienda causâ fuit, fides in agenda, eadem vestra in iudicanda sit. * deinde vti C. Verrem, si eius omnia sunt inaudita, & singularia facinora sceleris, audaciæ, perfidiæ, libidinis, auaritiæ, crudelitatis, dignus exitus eiusmodi, vita atque factis, vestro iudicio consequatur. vtque res pub. meaque fides vna hac accusatione mea contenta sit: mihi que posthac

bonos potius defendere liceat,
quam improbos accusa-
re necesse sit.



PRO M. FONTEIO,

ORATIO XI.

Desunt permulta.



oc prætoris oppressam esse ære alieno Galliam. A quibus versuras tantarum pecuniarum factas esse dicunt? a Gallis? nihil minus. A quibus igitur? a ciuibus Romanis, qui negotiantur in Gallia. Cur eorum verba non audimus? cur eorum tabulæ nullæ proferuntur? Insector vltro, atq; iusto accusatori, iudices: insector inquam, ac flagito testibus. Plus ego in hac causâ laboris, & operæ consumo in poscendis testibus, quam ceteri defensores in refutandis. Audacter hoc dico, iudices, non temere confirmo. Recta Gallia negotiatorum est, plena ciuium Romanorum. Nemo Gallorum sine ciue Ro. quidquam negotij gerit: nummus in Gallia nullus sine ciuium Ro. tabulis commouetur. Videte quo descendam, iudices, quam longe videar a consuetudine mea, & cautione ac diligentia discedere. Vnæ tabulæ proferantur, in quibus vestigium sit aliquod, quod significet pecuniam Fonteio datam: vnū ex toto negotiatorum, colonorum, publicanorum, aratorum, pecuariorum numero testem producant: vere accusatum esse cōcedam. Pro dij immortales, quæ est hæc causâ? quæ defensio? Prouinciæ Galliæ M. Fonteius præfuit; quæ constat ex his generibus hominum, & ciuitatum, qui (vt vetera mittā) partim nostra memoria bella cum populo Ro. acerba ac diuturna gesserunt: partim modo ab nostris imperatoribus

ribus subacti, modo bello domiti, modo triumphis,
ac monumentis notati, modo ab senatu agris, vrbi-
busque multati sunt: partim qui cum ipso M. Fōteio
ferrum, ac manus cōtulerunt, multoque eius sudo-
re, ac labore sub populi Ro. imperium, ditionemq;
ceciderunt. Est in eadem prouincia Narbo Martius,
colonia nostrorum ciuium, specula populi Romani
ac propugnaculum istis ipsis nationibus oppositū,
& obiectum. Est item vrbs Massilia, de qua ante di-
xi, fortissimorum, fidelissimorumque sociorum, qui
Gallicorum bellorum * pericula a populo Roma-
no copiis, armisque propulsarunt. est præterea nu-
merus ciuium Romanorū maximus hominum ho-
nestissimorum. Huic prouinciæ, quæ ex hac * gen-
tium varietate constaret, M. Fonteius (vt dixi) præ-
fuit: qui erant hostes, subegit: qui * proximi fuerant,
eos ex iis agris, quibus erāt multati, decedere coe-
git. ceteris, qui idcirco magnis sæpe erant bellis su-
perati, vt semper populo Ro. parerent, magnos e-
quitatus ad ea bella, quæ tum in toto orbe terrarū
a populo Ro. gerebantur, magnas pecunias ad eo-
rum stipendium, maximum frumenti numerum ad
Hispaniense bellum tolerādum, imperauit. * Is, hæc
qui gessit, in iudicium vocatur. vos qui in re non in-
terfuiſtis, causſam vna cum populo Romano cogno-
ſcitis. dicunt contra, quibus inuitissimis imperatum
est: dicunt, qui ex agris ex M. * Fonteij decreto de-
cedere sunt coacti: dicunt, qui ex bello cæde, & fu-
ga nunc primum audent contra M. Fonteium iner-
men cōsistere. Quid coloni Narbonenses? quid vo-
lunt? quid existimant? Hunc per vos volunt: se per
hunc incolumes existimant esse. Quid Massilien-
sium ciuitas? hunc præsentem iis affecit honoribus,
quos habuit amplissimos: vos autem absens orat,
atque obsecrat, vt sua religio, laudatio, auctoritas
aliquid apud vestros animos momenti habuisse vi-
deatur. Quid? ciuium Rom. quæ voluntas est? nemo

est ex tanto numero, quin hunc optime de provincia, de imperio, de sociis & ciuibus meritum esse arbitretur. Quoniam igitur videtis, qui oppugnent Marcum Fonteium, cognoscitis quid defensum velint: statuite nunc, quid vestra æquitas, quid populi Romani dignitas postulet: vtrum colonis vestris, negotiatoribus vestris, amicissimis atque antiquissimis sociis & credere, & consulere malitis: an his, quibus neque propter iracundiam, fidem; neque propter infidelitatem, honorem habere debetis. Quid, si maiorem etiam hominum honestissimorum copiam assero, qui huius virtuti, atque innocentie testimonio possint esse? tamenne plus Gallorum confessio valebit, quam summa auctoritas omnium? Cum Gallia Fonteius præflet, scitis, iudices, maximos populi Romani exercitus in duabus Hispaniis, clarissimosque imperatores fuisse. quam multi equites Romani, quam multi tribuni militum, quales & quot, & quoties * legati ad eos exercitus! præterea Gn. Pompeius vir maximus, atque ornatissimus hiemavit in Gallia, M. Fonteio imperante. Satisne vobis multos, satis idoneos testes, & confcios videtur ipsa fortuna esse voluisse earum rerum, quæ, M. Fonteio prætor, gereretur in Gallia? *quem ex tanto hominum numero testem in hac causa producere potestis? *quis est ex eo numero, qui vobis auctor placeat? eo nos iam laudatore, & teste vtemur. Dubitabitis etiam diutius, iudices, quin illud quod initio vobis proposui, verissimum sit? aliud per hoc iudicium nihil agi, nisi ut, M. Fonteio oppresso testimoniis eorum, quibus multa reipublicæ causa inuidissimis imperata sunt, segniores post hac ad imperandum ceteri sint, cum videant eos oppugnari, quibus oppressis populi Romani imperium incolume esse non possit. Obiectum est etiam, quæstum M. Fonteium ex viatum munitione

ne feciffie: vt aut ne cogeret munire; aut id quod munitum effer, ne improbaret. Si & coacti funt munire omnes, & multorum opera improbata funt, certe vtrumque falſum eſt: & ob vacationem pretium datum, cum inuicis nemo fuerit; & ob probationem, cum multa improbata ſint. Quid? ſi hoc crimen * optimis hominibus delegare poſſumus. & ita, vt non culpam in alios transferamus, ſed vti doceamus, eos iſti munitioni præſuiſſe, qui facile officium ſuum, & præſtare, & probare poſſunt: tamenne vos omnia in M. Fonteium, iratis teſtibus freti conferetis? Cum maioribus reip. negotiis M. Fonteius impediretur, & cum ad remp. pertineret, viam Domitiam munire, legatis ſuis primariis viris C. Annio Bellieno, & C. Fonteio negotium dedit. itaque præſuerunt: imperauerunt pro dignitate ſua, quod viſum eſt, & probauerunt. quod vos, ſi nulla alia ex re ex litteris quidem * veſtris, quas ſcripſiſtis, & miſiſis, & allatis certe ſcire potuiſtis. quas ſi antea non legiſtis; nunc ex nobis quid de iſis rebus Fonteius ad legatos ſuos ſcripſerit, quid ad eum illi reſcripſerint, cognoscite. LITTERAR
 *AD C. ANNIVM LEGATVM, AD C. FONTEIVM LEGATVM. LITTERAR
 A C. ANNIO LEGATO, A C. FONTEIO LEGATO. Satis opinor eſſe perſpicuum, iudices, hanc rationem munitionis. neque ad M. Fonteium pertinere; & ab his eſſe tractatam, quos nemo poſſit reprehendere. Cognoscite nunc de crimine vicario, quod illi inuidioſiſſimum, & maximum eſſe voluerunt. Crimen a Pletorio, iudices, ita conſtitutum eſt: Fonteio non in Gallia primum veniſſe in mentem, vt portorium vini inſtitueret, ſed in Italia hac poſita ratione Roma proſectum. Itaque Titurium Tolofæ quaternos denarios in ſingulas vini amphoras portorij nomine exigiſſe * Crodimi Porcium, & * Numium ternos Vi-

Ætioratos. Vulchalone Serueium binos, & Victoriatos mille. atque in his locis se* Crodimi & Vulchalone ab his portorium esse exactum, si qui Cobiamacho (qui vicus inter Tolosam & Narbonem est) diuerterentur, neque Tolosam ire vellent; cum Elefiodolus tantum senos denarios ab his, qui ad hostem portarent, exegisset. video, iudices, esse crimen, & crimē genere ipso magnum: (vectigal enim esse impositum frugibus nostris dicitur) & pecuniā permagnam ratione ista cogi potuisse confiteor, & *inuidiam. vel maxime enim inimici hanc rem sermonibus diuulgare voluerūt. Sed ego ita existimo, quo maius crimen sit; id quod ostendatur esse falsum, hoc maiorem ab eo iniuriam fieri, qui id confingat. Vult enim magnitudine rei sic occupare animos eorum, qui audiunt, vt difficilis aditus veritati relinquatur.

Desiderantur quæ de crimine vinario erant reliquæ: necnon quæ ad bellum Vocontiorum, & dispositionem hi-bernorum pertinebant.

At hoc Galli negant. At ratio rerum. & vis argumentorum coarguit. Potest igitur testibus iudex nō credere cupidis, & iratis, & coniuratis, & ab religione remotis? non solum potest, sed etiam debet. Etenim si, quia Galli dicunt, id circo M. Fonteius nocēs existimandus est. quid mihi opus est sapiente iudice? quid æquo quæsitore? quid oratore non stulto? dicunt enim Galli. negare non possumus. hic si ingeniosi, & periti, & æqui iudicis has partes esse existimatis, vt quoniam quidem testes dicunt, sine vlla dubitatione credendum sit, salus ipsa, virorum fortium innocentiam tueri non potest. sin autem in rebus iudicandis, non minimam partem ad vnamquamque rem existimandam, momentoque suo ponderandam, sapientia iudicis tenet: næ multo vestræ maiores, grauiioresque partes sunt ad cogitandum,

tandum, quam ad dicendum meæ. Mihi enim semper vnaquaque de re testis non solum semel; verum etiam breuiter est interrogandus, & sæpe etiā non interrogandus, ne aut irato facultas ad dicendum data, aut cupido auctoritas attributa esse videatur: vos & sæpius eandem rem animis agitare, & diutius* vnoquoque de teste cogitare potestis: & si quem nos interrogare noluimus, quæ causa nobis tacendi fuerit, existimare debetis. Quamobrem si hoc,* iudices, præscriptum lege, aut officio putatis, testibus credere nihil est, cur alius alio iudice melior, aut sapientior existimetur. Vnum est enim, & simplex aurium iudicium, & promiscue, & communiter stultis, ac sapientibus ab natura datū. Quid est igitur, vbi elucere possit prudentia? vbi discerni stultus auditor & crudelis, ab religioso & sapienti iudice? nimirum illud, in quo ea, quæ dicuntur a testibus,* coniecturæ & cogitationi traduntur, quantæ auctoritate, quanta animi æquitate, quanto pudore, quanta fide, quanta religione, quanto studio existimationis bonæ, quanta cura, quanto timore dicantur. An vero vos id in testimoniis hominum barbarorum dubitabitis, quod persæpe & nostra, & patrum memoria sapientissimi iudices de clarissimis nostræ ciuitatis viris dubitandum non putauerunt? qui Cn. & Q. Cæpionibus, L. & Q. Metellis testibus in Q. Pompeium hominem nouum nō crediderūt: quorum virtuti, generi, rebus gestis, fidem, & auctoritatem in testimonio, cupiditatis atque inimicitiarum suspicio derogauit. Ecquem hominē vidimus, ecquem vere cōmemorare possumus parem consilio, grauitate, constantia, ceteris virtutibus, honoris, ingenij, rerum gestarum ornamentis, M. Aemilio Scauro fuisse? tamen huius, cuius iniuriati nutu prope terrarum orbis regebatur, iurati testimonio, neque in C. Fimbriam, neq; in C. Memmium creditum est. Noluerunt ij, qui iudicabant,

bant, hanc patere inimicitias viam, quem quisque
 odisset, ut cum testimonio posset tollere. Quantus
 in L. Crasso pudor fuerit, quod ingenium, quanta
 auctoritas, quis ignorat? tamen is, cuius etiam ser-
 mo testimonij auctoritate habebat, testimonio ip-
 so, quæ in M. Marcellum inimico animo dixit, pro-
 bare non potuit. Fuit, fuit illis iudicibus diuinum ac
 singulare, indices, consilium, qui se non solum de
 reo, sed etiam de accusatore, de teste iudicare arbi-
 trabantur. quid fictum, quid fortuna, ac tempore al-
 latum, quid pretio corruptum, quid spe, aut metu
 deprauatum, quid a cupiditate aliqua aut inimi-
 citiis profectum videretur. quæ si iudex non ample-
 ctetur omnia consilio; non animo, ac mente circum-
 spiciet; si quidquid ex illo loco dicitur, ex oracu-
 lo aliquo dici arbitrabitur: profecto satis erit, id
 quod dixi antea, non surdum iudicem, huic muneri
 atque officio præesse. nihil erit quamobrem ille ne-
 scio quis sapiens homo, ac multarum rerum peri-
 tus ad res iudicandas requiratur. An vero illi equi-
 tes Rom. quos nos vidimus; qui nuper in republi-
 ca iudiciisque maximis floruerunt, habuerunt tan-
 tum animi, tantum roboris, ut M. Scauro testi non
 crederent? vos *Vulgarum atque Allobrogum te-
 stimoniis non credere timetis? Si inimico testi cre-
 dere non oportuit, inimicior Marcello Crassus, aut
 Fimbriæ Sczurus ex civilibus studiis atque obre-
 ctatione domestica, quam huic Galli? quorum, qui
 optima in causa sunt, equites, frumentum, pecuniâ
 semel, atque iterum, ac sæpius inuitissimi dare co-
 acti sunt: ceteri, partim ex veteribus bellis agro mul-
 tati, partim ab hoc ipso, bello superati, & oppressi.
 Si, qui ob aliquod emolumentum suum cupidius ali-
 quid dicere videtur, iis credi non cõuenit: credo ma-
 ius emolumentum Capionibus, & Metellis proposi-
 tum fuisse ex Q. Pomp. damnatione, cum studiorum
 suorum obrectatore sustulissent, quâ cunctæ Gal-
 liæ

lir ex M. Fonteij calamitate, in qua, illa provincia prope suam immunitatem, ac libertatem positam esse arbitratur. An, si homines ipsos spectare conuenit (id quod in teste profecto valere plurimum debet) non modo cum summis ciuitatis nostræ viris, sed cum infimo ciue Romano quisquam amplissimus Galliæ comparandus est? scit Indiciomarus quid sit testimoniū dicere? mouetur eo timore, quo nostrum vnusquisque, cum in eum locum productus est? Recordamini iudices, quantopere laborare soleatis, non modo quid dicatis pro testimonio, sed etiam quibus verbis utamini, ne quod minus moderate positum, ne quod ab aliqua cupiditate prolapsum verbum esse videatur. Vultu denique laboratis, nequā significari possit suspicio cupiditatis: vt &, cum proditis, existimatio sit quædam tacita de vobis pudoris ac religionis; &, cum disceditis, ea diligenter conseruata ac retenta videatur. Crêdo hæc eadem Induciomarum in testimonio timuisse, aut cogitasse: qui primum illud verbum cōsideratissimum nostræ consuetudinis, Arbitror, quo nos etiam tunc utimur, cum ea dicimus iurati, quæ comperta habemus, quæ ipsi vidimus, ex toto testimonio suo sustulit, atq; omnia se scire dixit. Verebatur enim videlicet, nequid apud vos populumq; Romanum de existimatione sua deperderet: nequa fama consequeretur eiusmodi, Induciomarum talem virum, tam cupide, tam temere dixisse. non intelligebat, se in testimonio nihil præter vocem, & or, & audaciam, neque ciuib; suis, neque accusatoribus nostris præstare debere. An vero istas nationes religione iurisiurandi, ac metu deorum immortalium in testimoniis dicendis commoueri arbitramini? quæ tantum a ceterarum gentium more, ac natura dissentiant, quod ceteræ pro religionibus suis bella suscipiunt; istæ contra omnium religiones. Illæ in bellis gerendis ab diis immortalibus pa-

cem, ac veniam petunt: istæ cum ipsis diis immortalibus bella gesserunt. Hæ sunt nationes, quæ quodam tam longe ab suis sedibus, Delphos vsque ad Apollinem Pythium, atque ad oraculum orbis terræ vexandum, ac spoliandum profectæ sunt. Ab iisdem gentibus sanctis, & in testimonio religiosis, ob sessum Capitolium est, atque ille Iupiter, cuius nomine maiores nostri * sanctam testimoniorum fidem esse voluerunt. Postremo his quidquam sanctum, ac religiosum videri potest? qui etiam, si quando aliquo metu adducti deos placandos esse arbitrantur, humanis hostiis eorum aras, ac templa funestant: ut ne religionem quidem colere possint, nisi eam ipsam prius scelere violarint. Quis enim ignorat eos vsque; hac hanc diem retinere illam immanem, ac barbaram consuetudinem hominum immolatorum? quamobrem, quali fide quali pietate existimatis esse eos, qui etiam deos immortalitate arbitrentur hominum scelere, & sanguine facile posse placari? cum his vos testibus vestram religionem coniungetis? ab his quidquam sancte, aut moderate dictum putabitis? hoc vestræ mentes tam castæ, tam integræ sibi suscipient, ut cum omnes legati nostri, qui illo triennio in Galliam venerunt, omnes equites Romani, qui in illa prouincia fuerunt, omnes negotiatores eius prouinciæ, denique omnes in Gallia: qui sunt socii populi Rom. atque inimici, M. Fonteium incolumem esse cupiant, iurati priuatim & publice laudent vos * tamen cum Gallis iurare malitis? quid ut secuti esse videamini? voluntatem hominum? grauior ne igitur vobis erit hostium voluntas quam ciuium? an dignitatem testium? potestis igitur ignotos notis, iniquos æquis, alienigenas domesticis, cupidos moderatis, mercenarios gratuitis, impios religiosis, inimicissimos huic imperio, ac nomini, bonis, ac fidelibus & sociis, & ciuibus anteferre? An vero dubitatis, iudices. quin

infitas,

institas inimicitias istæ gentes omnes & habeant, & gerant cum populi Rom. nomine? sic existimatis eos hic sagatos, brachatosq; versari animo demisso atque humili, vt solent ij, qui affecti iniuriis, ad opem iudicum supplices, interioresq; confugiunt? nihil vero minus. hi contra vagantur læti atque erecti passim toto foro, cū quibusdam minis, & barbaro atque immani terrore verborum: quod ego profecto non crederem, nisi aliquoties ex ipsis accusatoribus nobiscum simul, iudices, audissem: cum præciperent, vt caueretis, ne hoc absoluto, nouum aliquod bellum Gallicum concitaretur. Si M. Fontetium, iudices, in causâ deficerent omnia; si turpi adolescentia, vita infami, magistratibus quos ante oculos vestros gessit, legationibus flagitiose obitis, * conuictus virorum honorum testimoniis, * inuisus suis omnibus in iudicium vocaretur; si in eo iudicio colonorum populi Ro. Narbonensium, fidelissimorum sociorum, Massiliensium, ciuium Ro. omnium testimoniis, tabulisque premeretur; tamē esset vobis magnopere prouidendum, ne quos ita afflictos a vestris patribus maioribusque accepissetis, vt contemnēdi essent; eos vertimuisse, & eorum minis, & terrore commoti esse videremini. Nunc vero cum lædat nemo bonus; laudent omnes vestri ciues atque socij; oppugnent ij, qui sæpissime hanc urbem, & hoc imperium oppugnarunt: cumque inimici M. Fontetij vobis, ac populo Romano minentur, amici ac propinqui supplicent vobis: dubirabitis non modo vestris ciuibus, qui maxime gloria, ac laude ducuntur; verum etiam ceteris nationibus ac gentibus ostendere, vos in sententiis ferendis ciui parcere, quam hosti cedere maluisse? Magna, mehercule, causâ iudices absolutionis cum ceteris causis hæc est, nequa insignis huic imperio macula, atq; ignominia suscipiatur, si hoc ita perlatum erit in Galliam, * senatores equitesque populi Ro.

mani non testimoniis Gallorum, sed minis commotos, rem ad illorum libidinem iudicasse. Ita vero, si illi bellum facere conabuntur, excitandus nobis erit ab inferis C. Marius, qui Induciomaro isti minaci, atque arroganti par in * belligendo esse possit: excitandus Cn. Domitius, & Q. Maximus, qui nationem Allobrogum, & reliquias suis iterum armis conficiat, atque opprimat: aut, quoniam id quidem non potest, orandus erit nobis amicus meus M. Pletorius, ut suos novos clientes a bello faciendo deterreat, ut eorum iratos animos, atque horribiles impetus deprecetur; aut, si non poterit, M. Fabium subscriptorem eius rogabimus, ut Allobrogum animos mitiget, quoniam apud illos Fabiorum nomen amplissimum; ut velint isti, aut quiescere, id quod victi aut subacti solent; aut cum minantur, intelligere, se populo Romano non metum belli, sed spem triumpho ostendere. Quod si in turpi reo patiendum non esset, ut quidquam isti se minis profecisse arbitrarentur: quid faciendum vobis in M. Fonteio a iudicari? de quo homine, iudices (iā enim mihi videtur hoc, prope causa duabus actionibus perorata, debere dicere) de quo vos homine iudices, ne ab inimicis quidem vilum fictum probrosum non modo crimē, sed ne maledictum quidem audistis. Ecquis unquam gens, praesertim in hac vitæ ratione versatus, in honoribus petendis, in potestatibus, in imperiis gerendis, sic accusatus est, ut nullum probum, nullum factum, nulla turpitudine, quæ a libidine, aut a perulancia, aut ab audacia nata esset, ab accusatore obficeretur, si non vera, attamen ficta, cum aliqua ratione ac suspitione? M. Aemilium Scaurum summum nostræ civitatis virum scimus accusatum a M. Luto: exstant orationes, ex quibus intelligi potest, multa in illum ipsum Scaurum esse dicta. falso quis negat? verum tamen ab inimico di-

& obiecta. Quam multa M'. Aquilius audiuit in
 suo iudicio? quam multa L. Coita? denique P.
 Rutilius? qui, etsi damnatus est, mihi videtur ta-
 men inter viros optimos, atq; innocentissimos esse
 numerandus. Ille igitur ipse homo sanctissimus, ac
 temperatissimus, multa audiuit in sua causa, quæ ad
 suspicionem, stuprum, ac libidinem pertinerent.
 existat oratio hominis (vt opinio mea fert) nostro-
 rum hominum longe ingeniosissimi, atq; eloquen-
 tissimi, C. Gracchi, qua in oratione permulta in L.
 Pisonem turpia ac flagitiosa dicuntur. at in quem
 virum? qui tanta virtute, atq; integritate fuit, vt e-
 tiam illis optimis temporibus, cum hominem inue-
 nire nequam neminem posset, solus tamen Frugi
 nominaretur. quem cum in concionem Gracchus
 vocari iuberet, & viator quæreretur, quem Piso-
 nem, quod erant plures; cogis me, inquit, dicere
 inimicum meum, Frugi. Is igitur vir, quem ne ini-
 micus quidem satis in appellando significare pote-
 rat, nisi ante laudasset, qui vno cognomine declara-
 batur, non modo quis esset, sed etiam qualis esset:
 tamen in falsam atque iniquam proborum insimu-
 lationem vocabatur. M. Fonteius ita duabus ac-
 cusionibus accusatus est, vt obiectum nihil sit, quo
 significari vestigium libidinis, petulantia, crudeli-
 tatis, audacia possit. non modo nullum facinus hu-
 ius protulerunt: sed ne dictum quidem aliquod re-
 prehenderunt. Quod si aut quantam voluntatem
 habent ad hunc opprimendum, aut quãtam ad ma-
 ledicendum licentiam, tantum haberent aut ad e-
 mentiendum animi, aut ad fingendum ingenij non
 meliore fortuna ad probra * non audienda Fonte-
 ius, quam illi, de quibus antea commemoravi, fuis-
 set. Frugi igitur hominem iudices, frugi inquam, &
 in omnibus vitæ partibus moderatum, ac temperã-
 tem, plenum pudoris, plenum officij, plenum reli-
 gionis videtis positum in vestra fide, ac potestate, atq;

ita vt commissus sit fidei; permissus potestati. Vide-
te igitur, vtrum sit æquius, hominem honestissimū,
virum fortissimum, ciuem optimum dedi inimicis-
simis, atque immanissimis nationibus, an reddi a-
micis? præsertim cum tot res sint, quæ vestris ani-
mis pro huius innocentis salute supplicent: primum
generis antiquitas, quā Tuscūlo ex clarissimo mu-
nicipio profectam in monumentis rerum gestarum
incisam ac notatam videmus: tum autem continuę
præturæ, quæ & ceteris ornamentis, & existimatio-
ne innocentiae maxime floruerunt: deinde recens
memoria parentis, cuius sanguine non solum Ascu-
lanorum manus, a qua interfectus est; sed totum il-
lud sociale bellum macula sceleris imbutum est: po-
stremo ipse, cum in omnibus vitę partibus honestus
atque integer, tum in re militari cum summi con-
siliij, & maximi animi, tum vero vsu quoque bello-
rum gerendorum in primis eorum hominum, qui
nunc sunt,* exercitatus. Quare, si etiam monendi
estis a me, quod non estis, iudices, videor hoc leui-
ter pro mea auctoritate vobis præcipere posse, vt
ex eo genere, homines, quorum cognita virtus, in-
dustria, felicitas in re militari sit, diligenter vobis
retinendos existimetis. fuit enim maior talium vi-
rorum in hac rep. copia: quæ cum esset, tamen eo-
rum non modo salutis, sed etiam honori consuleba-
tur. Quid nunc vobis faciendum est, studiis militari-
bus apud iuuentutem obsoletis: hominibus autem,
ac summis ducibus partim ætate, partim ciuitatis
discordiis hac reipub. calamitate consumptis? cum
tot bella aut a nobis necessario suscipiantur, aut su-
bito atque improvisa nascantur; nonne & hominē
ipsum ad dubia reipub. tempora reseruandum, &
ceteros studio laudis, ac virtutis inflammandos pu-
tatis? Recordamini, quos legatos nuper in bello
L. Iulius, quos P. Rutilius, quos L. Cato, quos Cn.
Pompeius habuerit: scietis fuisse tum M. Cornu-
tum,

tum, L. Cinnam, L. Sullam prætorios homines, belli gerendi peritissimos: præterea C. Marium, P. Didium, Q. Catulum, P. Crassum non litteris homines ad rei militaris scientiam; sed rebus gestis, ac victoriis eruditos. Age vero hunc * inferte oculos in curiam; introspicite penitus in omnes reipub. partes: vtrum videtis nihil posse accidere, vt tales viri desiderandi sint? an, si acciderit, eorum hominum copia populum Romanum abundare? Quæ si diligenter attendetis, profecto, iudices, virum ad labores belli impigrum, ad pericula fortem, ad vsum ac disciplinam peritum, ad consilia prudentem, ad casum, fortunamq; felicem domi vobis ac liberis vestris retinere, quam inimicissimis populi Romani nationibus, & crudelissimis tradere & * condonare maletis. At infestis prope signis inferuntur Galli in Fonteium, & instant atque vrgent summo cum studio, summa cum audacia: * nos vero, iudices, & multis, & firmis præsidis, vobis adiutoribus isti immani, atque intolerandæ barbariæ resistemus. Primum obicitur contra istorum impetus Macedonia fidelis, & amica populo Romano provincia: quæ, cum se, ac suas vrbes non solum consilio, sed etiam manu Fonteij conseruatam esse dicat, vt illa per hunc a Thracum aduenru, ac depopulatione defensa est; sic ab huius nunc capite Gallorum impetus, terroresque depellit. Constituitur ex altera parte vltior Hispania; quæ profecto non modo religionis sua resistere istorum cupiditati potest; sed etiam sceleratorum hominum periuria test. moniis, ac laudationibus suis refutare. Atque ex ipsa etiam Gallia, fidelissima, & grauissima auxilia sumuntur. Venit huic subsidio misero, atque innocenti Massiliensium cuncta ciuitas; quæ non solum ob eam causam laborat, vt huic, a quo ipsa seruata est, parem gratiam referre videatur, sed etiam, quod ea conditione, atque eo facto se in his terris collocatam esse

arbitratur; ne quid nostris hominibus istæ gentes nocere possint.* Pugnat pariter pro salute M. Fonteij Narbonensis colonia; quæ per hunc ipsa nuper obsidione hostium liberata, nunc eiusdem miseriis ac periculis commouetur. Denique, ut oportet bello Gallico, ut maiorum iura, moresque præscribunt, nemo est ciuis Romanus, qui sibi illa excusatione utendum putet, omnes illius provinciæ publicani, agricolæ, pecuarii, ceteri negotiatores, vno animo M. Fonteium, atque vna voce defendunt. Quid si tantas auxiliorum nostrorum copias Induciomarus ipse despexerit, dux Allobrogum, ceterorumq; Gallorum; num etiam de matris hunc complexu lectissimæ miserrimæque feminae vobis inspectantibus auellet, atque abstrahet? præsertim cum virgo Vestalis ex altera parte germanum fratrem complexa teneat, vestramq; iudices, ac populi Romani fidem imploret: quæ pro vobis, liberique vestris tot annos in diis immortalibus placandis occupata est; ut ea nunc pro salute sua, fratrisque sui, animos vestros placare possit: cui miseræ, quod præsidium, quod solatium reliquum est, hoc amissio? nã ceteræ feminae gignere ipsæ sibi præsidia, & habere domi fortunarum omnium socium, participemque possunt; huic vero virgini, quid est præter fratrem, quod aut iucundum, aut carum esse possit? Nolite pati, iudices, aras deorum immortalium, Vestæque matris, quotidianis virginis lamentationibus de vestro iudicio commoueri. Prospicite ne ignis ille æternus nocturnis Fonteia laboribus, vigilisq; seruatus, sacerdotis Vestæ lacrymis extinctus esse dicatur. Tendit ad vos virgo Vestalis manus supplices easdem, quas pro vobis diis immortalibus rendere consuevit, cauete ne periculosum, superbumq; sit eius vos obsecrationem repudiare, cuius preces si dii aspernarentur, hæc salua esse non possent. Videtisne subito iudices, virum fortissimum M. Fonteium

teium parentis, & sororis commemoratione lacry-
 mas profudisse? qui numquam in acie pertimuerit,
 qui se armatus sæpe in hostium manum, multitudi-
 nemque immiserit, cum in eiusmodi periculis ea-
 dem se solatia suis relinquere arbitraretur, quæ su-
 us pater sibi reliquisset; idem nunc perturbato a-
 nimo, pertimescit, ne non modo ornamento & ad-
 iumento non sit suis, sed etiam cum acerbissimo lu-
 ctu dedecus æternum miseris atque ignominiam
 relinquat. O fortunam longe disparem, M. Fonteij,
 si deligere potuisses, ut potius telis tibi Gallorum,
 quam periuriis intereundum esset. tum enim vitæ
 focia virtus, mortis comes gloria fuisset: nunc ve-
 ro qui est dolor, victoriæ te, atque imperij pœnas
 ad eorum arbitrium sufferre, qui aut victi armis
 sunt, aut inuitissimi paruerunt? A quo periculo de-
 fendite, iudices, ciuem fortem, atque innocentem:
 curate ut nostris testibus plus, quam alienigenis
 credidisse videamini; plus saluti ciuium, quam ho-
 stium libidini consuluisse: graniorem duxisse eius
 obsecrationem, quæ vestris sacris præsit, quam
 eorum audaciam, qui cum omnium sacris
 delubrisque bella gesserunt. postremo
 prospicite iudices, id, quod ad di-
 gnitatem populi Rom. maxime
 pertinet, ut plus apud vos pre-
 ces virginis Vestalis, quam
 minæ Gallorum valu-
 isse videantur.

* *



PRO A. CÆCINA

ORATIO XI.



‘I quantum in agro, locisque desertis
audacia potest, tantum in foro, atq;
in iudiciis impudentia valeret, non
minus in causâ cederet A. Cæcina
Sex. Aebutij impudentiæ, quam tum
in vi facienda cessit audaciæ. verum
& illud considerati hominis esse putauit, qua de re
iure decertari oporteret, armis non contendere; &
hoc constantis, qui cum vi, & armis certare noluis-
set eum iure iudicioque superare. At mihi quidem
cum audax præcipue fuisse videtur Ebutius in con-
uocandis hominibus & armandis, tum impudens in
iudicio: non solum quod in iudicium venire ausus
est) nam id quidem, tametsi improbe fit in aperta
re, tamen malitia est iam vsitatum) sed quod non
dubitauit id ipsum, quod arguitur, confiteri. nisi for-
te hoc rationis habuit, quoniam si facta * vis esset
moribus, superior in possessione retinenda non fu-
isset: quia contra ius, moremq; facta fit, A. Cæcinâ
cum amicis metu perterritû profugisse. nunc quo-
que in iudicio, si causâ more, institutoque omnium
defendatur; nos inferiores in agendo non futuros:
sin a consuetudine recedatur, se quo impudentius
efferit, hoc superiorem discessurum. quasi vero aut
in iudicio possit idem improbitas, quod in vi confi-
dentia; aut non eo libentius tum audaciæ cesserim-
us, quo nunc impudentiæ facilius obfisteremus.
Itaq; longe alia ratione, recuperatores, ad agendâ
causâ hac actione venio, atq; initio veneram. tû

cniia

enim nostræ causæ spes erat posita in defensione mea; nunc in confessione aduersarij: tum in nostri, nunc vero in illorum testibus: de quibus ego antea laborabam, ne si improbi essent, falsi aliquid dicerent; si probi existimarentur, quod dixissent, probarent: nunc sum animo æquissimo. si enim sunt viri boni, me adiuuant, cum id iurati dicunt, quod ego iniuratus insimulo: si autem minus idonei, me non lædunt: cum siue creditur his hoc ipsum, quod nos * arguimus, siue fides non habetur, de aduersarij testium fide derogatur. Verumtamen cum illorum causæ actionem considero; non video quid impudentius dici possit. cum autem vestram in iudicando dubitationem; vereor ne id quod videntur impudenter fecisse, astute, & callide fecerint. Nam si negassent vim hominibus armatis esse factam; facile honestissimis testibus in re perspicua tenerentur: si confessi essent, & id quod nullo tēpore iure fieri potest, tum ab se iure factum esse defenderent; spectarunt id quod assecuti sunt, se iniekturos nobis causam deliberandi, & iudicandi iustam moram, ac religionem. simul illud, quod indignissimum est, futurum arbitrati sunt, vt in hac causa non de improbitate Sexti. Aebutij, sed de iure ciuili iudicium fieri videretur. Qua in re, si mihi esset vnus A. Cæcinæ causa agenda; profiterer satis idoneū esse me defensorem; propterea quod fidem meam, diligentiamq; præstarem. quæ cum sunt in actore causæ, nihil est, in re præsertim aperta, ac simplici, quod excellens ingenium requiratur. sed eum de eo iure mihi dicendum sit, quod pertineat ad omnes, quod constitutum sit a maioribus, conseruatum vsq; ad hoc tempus, quo sublato non solum pars aliqua iuris deminuta, sed etiam vis ea, quæ iuri maxime est aduersaria, iudicio confirmata esse videatur; vide o summi ingenij causam esse; non vt demonstretur, quod ante oculos est, sed ne,

si quis vobis error in tanta re sit obiectus, omnes potius me arbitrentur causæ, quam vos religioni vestræ defuisse. Quamquam ego mihi sic persuadeo recuperatores, non vos tam propter iuris obscuram dubiamque rationem bis iam de eadem causâ dubitasse, quam quod videtur ad summam illius existimationem hoc iudicium pertinere, moram ad cõdemnationem acquisisse, simul & illi sparium ad se colligendum dedisse. Quod quoniam iam in consuetudinem venit, & id viri boni vestri similes in iudicando faciunt; reprehendendum fortasse minus, querendum vero magis etiam videtur: ideo quod omnia iudicia aut distrahendarum controversiarum, aut puniendorum maleficiorum causâ reperta sunt: quorum alterum leuius est, propterea quod & minus lædit, & persæpe disceptatore domesticò diiudicatur: alterum est vehemētissimis, quod & ad grauiiores res pertinet; & non honorariam operam amici, sed seueritatem iudicis, ac vim requirit. quod est grauius, & cuius rei causâ maxime iudicia constituta sunt; id iam mala consuetudine dissolutum est. nam, vt quæque res est turpissima, sic maxime, & maturissime iudicanda est: at ea, de qua existimationis periculum est, tardissime iudicatur. Qui igitur conuenit, quæ causâ fuerit ad constituendum iudicium, eandem, moram esse ad iudicandum? Si quis, quod respondet, qua in re verbo se non obligauit, id non facit, maturo iudicio, sine vlla religione iudicis condemnatur: qui per tutelam, aut societatem aut rem mandatam, aut fiduciæ rationem fraudauit quempiam, in eo, quo delictum maius est, eo pena est tardior. Est enim turpe iudicium. vt factum quidem turpe. Videre igitur quam inique accidat; quia res indigna sit, ideo turpem existimationem sequi: quia turpis existimatio sequatur, ideo rem indignam non iudicari, At si quis mihi hoc iudex, recuperatorue dicat, Po-

tuiti

tuisti enim leuiore actione configere: potuisti ad tuum ius faciliore, & commodiore iudicio peruenire: quare aut muta actionem, aut noli mihi instare, ut iudicem: tamen is aut timidior videatur, quam fortem; aut cupidior, quam sapientem iudicem esse æquum est, si aut mihi præscribat, quemadmodum meum ius persequar, aut ipse id, quod ad se delatum sit, non audeat iudicare. Etenim si prætor is, qui iudicia dat, nunquam petitori præstituit, qua actione illū uti velit; videte quam iniquum sit, constituta iam re, iudicem quid agi potuerit, aut quid possit, non quid actum sit querere. Verumtamen nimis vestre benignitati pareremus, si alia ratione ius nostrum recuperare possemus. Nūc vero, quis est, qui aut vim armatis hominibus factam relinqui putet oportere; aut eius res leuiorem actionem nobis aliquam demonstrare possit? ex quo genere peccati, ut illi clamitāt, vel iniuriarum, vel capitis iudicia constituta sunt; in eo potestis atrocitatem nostram reprehendere, cum videatis nihil aliud actum, nisi possessionem per interdictum esse repetitam? Verum siue vos existimationis illius periculum, siue iuris dubitatio tardiores fecit adhuc ad iudicandum; alterius rei causam vosmetipsi iam vobis sæpius prolato iudicio sustulistis; alterius ego vobis hodierno die causam profecto auferam; ne diutius de controuersia nostra, ac de communi iure dubitetis. Et si forte videbor altius initium rei demonstrandæ petisse, quam me ratio iuris, & ius, de quo iudicium est, & natura causæ coegerit, quaeso ut ignoscatis. non enim minus laborat A. Cæcina, ne summo iure egisse, quam ne certum ius non obtinuisse videatur. M. Fulcinius fuit, recuperatores, e municipio Tarquinienis, qui & domi suæ cum primis honestus existimatus est, & Romæ argentariam non ignobilem fecit. Is habuit in matrimonio Ceseñiam

eodem e municipio summo loco natam, & probatissimam feminam; sicut & viuis multis ipse rebus ostendit; & in morte sua testamento declarauit. huic Cesenniae fundum in agro Tarquinienſi vendidit temporibus illis difficillimis solutionis. cum vteretur dote vxoris numerata, quo mulieri eſſet res caucior, curauit vt in eo fundo dos collocaretur. aliquanto post argentaria dissoluta, Fulcinius huic fundo vxoris continentia quædam prædia, atque adiuncta mercatur. moritur Fulcinius (multa enim quæ sunt in re, quia remota sunt a causa, præmittam) testamento facit heredem, quem habebat e Cesennia filium: vsum fructum omnium bonorum suorum Cesenniae legat, vt frueretur vna cum filio. magnus honos viri iucundus mulieri fuisset, si diuturnum eſſe licuiſſet. frueretur enim bonis cum eo, quem suis bonis heredem eſſe cupiebat; & ex quo maximum fructum ipsa capiebat. sed hunc fructum mature fortuna ademit. nam breui tempore M. Fulcinius adoleſcens mortuus eſt, heredem P. Cesennium fecit: vxori grande pondus argenti matricque partem bonorum maiorum legauit. itaque in partem mulieres vocatæ sunt. Cum eſſet hæc auctio hereditaria constituta; Aebutius iste, qui iamdiu Cesenniae viduitate, ac ſolitudine aleretur, ac ſe eius in familiaritatem inſinuauit hac ratione, vt cum aliquo ſuo compendio negotia mulieris. ſiqua acciderent, controuerſiaſque ſuſciperet: verſabatur quoque eo tempore in his rationibus auctoris, & partitionis; atque etiam ſe ipſe inferebat, & intrudebat, & in eam opinionem Cesennium adducebat, vt mulier imperita nihil putaret agi callide poſſe vbi non adeſſet Aebutius. quam perſonam iam ex quotidiana cognoviſſis vita recuperatos, mulierum aſſentatoris, cognitoris viduarum deſenſoris nimium litigioſi, conciti ad rixam, inepti, ac ſtulti inter viros, mulieres periti

iuris

iuris, & callidi; hanc personam imponite Aebutio. is enim Cefennix fuit Aebutius: ne forte quærat is nū propinquus? nihil alienius. amicus, aut a patre, aut a viro traditus? nihil minus. Quis igitur ille; quē supra deformaui, voluntarius amicus mulieris, non necessitudine aliqua, sed ficto officio, simulatq; sedulitate coniunctus, magis opportuna opera non nūquam, quam, aliquando fideli. Cum esset, vt dicere institueram, constituta auctio Romæ; suadebant amici cognatq; Cefennix id, quod ipsi quoq; mulieri in mentē veniebat. quoniam potestas esset emendi fundum illum Fulcinianū, qui fundo eius antiquo continens esset; nullam esse rationē, amittere eiusmodi occasionē: cum præsertim pecunia ex partitione deberetur: nusquā eam posse melius collocari. itaq; mulier facere constituit. mandat, vt fundū sibi emat. cui tandem? cui putatis? an non in mentē venit omnibus hominis illius ad hoc munus, & ad omnia mulieris negotia parati? sine quo nihil satis caute, nihil satis callide agi posset? recte attenditis. Aebutio negotium datur. adest ad tabulam. licetur Aebutius: deterrentur emptores multi, partim gratia Cefennix, partim etiam pretio. fundus addicitur Aebutio: pecuniam argentario promittit Aebutius: quo testimonio nunc vir optimus vitur, sibi emptum esse. quasi vero aut nos ei negemus addictum; aut tum quisquam fuerit, qui dubitarit, quin emeretur Cefennix; cum id pleriq; scirent, omnes fere audissent, hi coniectura assequi possent: cum pecunia Cefennix ex illa hereditate deberetur: eam porro in prædiis collocari maxime expediret: esset autem prædia quæ mulieri maxime conuenirent: ea venirent: liceretur is quem Cefennix dare operam nemo miraretur; sibi emere nemo posset suspicari. Hæc emptione facta, pecunia soluitur a Cefennia. cuius res putat iste rationem reddi non posse; quod ipse tabulas auerterit: se autem habere ar-

gentarij tabulas, in quibus sibi expensa pecunia lata sit, acceptaque relata: quasi id aliter fieri oportuerit. Cum omnia ita facta essent, quemadmodum nos defendimus, Cescennia fundum possedit, locavitq; neque ita multo post A. Cæcinæ nupsit: ut in pauca conferam, testamento facto mulier moritur. facit heredem ex deunce & semuncia Cæcinam, ex duabus sextulis M. Fulcinium libertum superioris viri: Aebutio sextulam aspergit. hanc sextulam illa mercedem isti esse voluit assiduitatis, & molestiæ; siquam susceperat. Iste autem hac sextula se aniam retinere omnium controuersiarum putat. iam principio ausus est dicere, non posse heredem esse Cescenniæ Cæcinam, quod is deteriore iure esset, quam ceteri ciuēs, propter incommodum Volaterranorum, calamitatemq; ciuilem. Itaq; homo timidus, imperitusq;, qui neq; animi, neq; consilij satis haberet, non putauit esse tanti hereditatem, ut de ciuitate in dubiū veniret: concessit credo, Aebutio quantum vellet de Cescenniæ bonis ut haberet nimmo, ut viro forti ac sapienti dignum fuit, ita calumniam stultitiamq; obtruit, ac contudit. In possessione bonorum cum esset, & cum ipse sextulam suam nimium exaggeraret; nomine heredis arbitrum familiæ erciscundæ postulauit. Atque illis paucis diebus, posteaquam videt nihil se ab A. Cæcina posse litium terrore abradere; homini Romæ in foro denuntiat, fundum illum, de quo ante dixi, cuius istum emptorem demonstraui fuisse mandato Cescenniæ, suum esse, seq; sibi emisse. quid ais* tuus ille fundus est, quem sine vlla controuersia quadriennium, hoc est, ex quo tempore fundus venit, quoad vixit, possedit Cescennia? vsus enim inquit, eius, & fructus fundi testamento viri, fuerat Cescenniæ. Cum hoc nouæ litis genus tam inuitiose intenderet; placuit Cæcinæ de amicorum sententia, constituere, quo die in rem præsentem veniretur,

& de fundo Cæcina moribus deduceretur. collo-
quantur: dies ex vtriusq; commodum sumitur, .Cæ-
cina cum amicis ad diem venit in castellum Axiām.
* ex quo loco fundus is, de quo agitur, non longe
abest. Ibi certior sit a pluribus, homines permultos
liberos, atque seruos coegisse, & armasse Aebutium.
Cum id partim mirarentur, partim non crederent;
ecce ipse Aebuius in castellum venit; denuntiat
Cæcinæ se armatos habere; abiturum eum non esse,
si accessisset. Cæcinæ placuit, & amicis, quoad vide-
retur, salvo capite, fieri posse, experiri. tum de ca-
stello descendunt: in fundum proficiscuntur. Viden-
tur temere commissum. verum, vt opinor, hoc fuit
causæ: tam temere istum re commissurum, quam
verbis nuntiabatur, nemo putauit. Atq; iste ad om-
nes introitus, qua adiri poterat, non modo in eum
fundum, de quo controuersia fuerat; sed etiam in
illum proximum, de quo nihil ambigebatur, arma-
tos homines opponit. Itaq; primo cum in antiquū
fundum ingredi vellet, quod ea proxime accedi po-
terat; frequentes armati obstitērunt. quo loco de-
pulsus Cæcina, tamen qua potuit ad eum fundum
profectus est, * ex quo ex conuentu vim fieri oport-
tebat. eius autem fundi extremam partem oleæ di-
recto ordine desiniunt, ad eas cum accederetur, iste
cum omnibus copiis præsto fuit. seruūq; suum no-
mine Antiochum ad se vocauit, & clara voce im-
perauit, vt eum, qui illum olearum ordinem intras-
set, occideret. Homo mea sententia prudentissimus
Cæcina, tamen in hac re plus mihi animi, quam
consilij videtur habuisse. nam cum & armatorum
multitudinem videret, & eam vocem Aebutij, quā
commemorauit, audisset; tamen accessit propius, &
iam ingrediens intra finem eius loci, quē oleæ ter-
minabant, imperum armati Antiochi, ceterorumq;
tela, atq; incurfus refugit, eodem tempore se in su-
gam conferunt vna amici, aduocatique eius metu

perterriti; quemadmodum illorum testem dicere audistis. His rebus ita gestis, P. Dolabella prætor interdixit, ut est consuetudo, de vi hominibus armatis, sine vlla exceptione, tantum, ut inde deiecisset, restitueret, restituisse se dixit. sponsio facta est. hæc de sponsione vobis indicandum est. Maxime fuit optandum Cæcinæ, recuperatores, ut controuersiæ nihil haberet; secundo loco, ut ne cum tam improbo homine; tertio, ut cum tam stulto haberet. Etenim non minus nos stultitia illius subleuat, quam lædit improbitas. improbus fuit, quod homines coegit armavit, coactis armatisque vim fecit. læsit in eo Cæcinam. subleuauit ibidem. nam in eas ipsas res, quas improbiissime fecit, testimonia sumpsit, & eis in causâ testimoniis utitur. Itaque mihi certum est, recuperatores, antequam ad meam defensionem, meoque testes venio; illius uti confessione, & testimoniis. Quid confiteretur, atque ita libenter confitemur, ut non solum fateri, sed etiam profiteri videamur, recuperatores? conuocaui homines, coegi, armaui: terrore mortis, ac periculo capitis, ne accederes, obstiti: ferro (inquit) ferro (& hoc dicit in iudicio) te reieci, atque perterrui. Quid? testes quid aiunt? P. Vetilius propinquus Aebutij, se Aebutio cum armatis seruis venisse aduocatum, quid præterea? fuisse complures armatos, quid aliud? minatum esse Aebutium Cæcinæ. Quid ego de hoc teste dicam, nisi hoc, recuperatores? ut
 * idcirco non minus credatis, quod homo minus idoneus habetur, sed ideo credatis quod ex illa parte id dicit, quod illi causæ maxime est alienum. A. Terentius alter testis, non modo Aebutium, sed etiam se ipsum arguit, in Aebutium hoc dicit, armatos homines fuisse. de se autem hoc prædicat, Antiocho Aebutij seruo imperasse, ut in Cæcinam aduenientem ferro inuaderet. Quid loquar amplius hoc de homine? in quem ego dicere, cum rogarer

a Cæcina, numquam volui, ne arguere illum rei capitalis viderer; de eo dubito nunc, quomodo aut loquar, aut taceam, cum ipse hoc de se iuratus prædicet. Deinde L. Cælius non solum Aebutium cum armatis dixit fuisse compluribus; verum etiam cum aduocatis perpaucis eo, venisse Cæcinam. de hoc ego teste detraham, cui æque, atque meo teste ut credatis, postulo? P. Memmius secutus est, qui suum non paruum beneficium commemorauit in amicos Cæcinæ; quibus sese viam per f. attris sui fundum dedisse dixit, qua effugere posset, cum essent metu omnes perterriti. huic ego testi gratias agam; quod & in re misericordem se præbuit, & in testimonio religiosum. A. Atilius, & eius filius L. Atilius, & armatos ibi fuisse, & se suos armatos adduxisse dixerunt. etiam hoc amplius, cum Aebutius Cæcinæ malum minaretur; ibi tum Cæcinam postulasset, ut moribus deductio fieret hoc idem P. Rutilius dixit & eo libetius dixit, ut aliquo in iudicio eius testimonio creditum putaretur. Duo præterea testes nihil de vi, sed de re ipsa, atque emptione fundi dixerunt: P. Cæsennius auctor fundi, non tam auctoritate grauis, quam corpore; & argentarius Sextius Clodius, cui nomen est Phormio, nec minus piger nec minus confidens, quàm ille Terentianus est Phormio: nihil de vi dixerunt, nihil præterea, quod ad vestrum iudicium pertineret. Decimo vero loco testis expectatus, & ad extremum reservatus dixit senator populi Rom. splendor ordinis, decus atque ornamentum iudiciorum, exemplar antiquæ religionis Fidiculanus Falcula: qui cum ita vehemens, acerque venisset, ut non modo Cæcinam periurio suo deiceret, sed etiam mihi videretur in aser. ita enim placidum, mollemque reddidi, ut non auderet, sicut meminitis, iterum dicere quor. millia fundus suus abesset ab vrbe. Nam cum dixisset minus abesse * LIII. populus cum risu acclamauit ipsa esse,

meminerant enim omnes, quantum in Albiano iudicio accepisset. In eum quid dicam, nisi id, quod negare non possit, venisse in consilium publicæ quæstionis, cum eius consilij iudex non esset; & in eo consilio, cum causam non audisset, & potestas esset ampliandi, dixisse sibi liquere? * dum incognita re, iudicare veluisset, maluisse condemnare, quam absolvere? cum si vno minus damnarent, condemnari reus non posset, non ad cognoscendam causam, sed ad explendam damnationem præsto fuisse? Vtrum grauius aliquid in quempiam dici potest, quàm ad hominem condemnandum, quem numquam vidisset, neque audisset, adductum pretio esse? an certius quidquam obici potest, quam quod is, cui obicitur, ne nutu quidem infirmare conatur? Verumtamen is testis, vt facile intelligeretis, eum non adfuisse animo, cum ab illis causa ageretur, testesque dicerent, sed tantisper de aliquo reo cogitasse: cum omnes ante eum dixissent testes, armatos cum Aebutio fuisse complures; solus dixit non fuisse, visus est mihi primo veterator intelligere præclare, quid causa optaret; & tantummodo errare, quod omnes testes infirmaret, qui ante eum dixissent: cum subito ecce idem qui solet, suos solos feruos armatos fuisse dixit. quid huic tu homini facias? nonne concedas inrerdum, vt excusatione summæ stultitiæ, summæ improbitatis odium depreceatur? Vtrum recuperatores, his testibus non credidistis, cum quid liqueret, non habuistis? at controuersa non erat, quin verum dicerent. an in coacta multitudine, in armis, in telis, in præsentī metu mortis perspicuo periculo cædis, dubiū vobis fuit an * esse vis aliqua videtur, uecne? quibus igitur in rebus vis intelligi potest, si in his non intelligeretur? An vero illa defensio vobis præclara visa est: non deieci, sed obstiti. non enim te sum passus in fundum ingredi: sed armatos homines opposui: intellegeres, si

in fundo pedem posuisses, statim tibi esse pereundum. Quid ais? is qui armis perterritus, fugatus, pulsus est, non videtur esse delectus? posterius de verbo videbimus: nunc rem ipsam ponamus, quam illi non negant, & eius rei ius, actionemq; quæramus. Est hæc res posita quæ ab aduersario non negatur. Cæcinam, cum ad constitutam diem, tempusq; venisset, ut ius ac deductio moribus fieret, pulsus, prohibitumq; esse vi, coactis hominibus, & armatis. Cum hoc constet, ego homo imperitus iuris, ignarus negotiorum, ac litium, hanc puto me habere actionem, ut per interdictum, meum ius teneam, atque iniuriam tuam persequar. fac in hoc errare me, nec vlllo modo posse per hoc interdictum id assequi, quod velim. te uti in hac re magistro volo. Quæro sitne aliqua huius rei actio, an nulla? conuocari homines propter possessionis controuersiam non oportet: armari multitudinem iuris retinendi causa non conuenit. nec iuri quidquam tam inimicum, quam vis; nec equitati quidquam tam infestum est, quam conuocati homines, & armati. Quod cum ita sit, resque eiusmodi sit, ut in primis a magistratibus animaduertenda esse videatur; iterum quæro, sitne eius rei aliqua actio, an nulla? nullam esse dices? audire cupio, qui in pace, & otio, cum manum fecerit, copias pararit, multitudinem hominum coegit, armarit, instruxerit, homines inermes, qui ad constitutum experiundi iuris gratia venissent, armis, viris, terrore, periculoque mortis repulerit, fugarit, uerterit, hoc dicat, Feci equidem, quæ dicis, omnia, & ea sunt & turbulenta, & temeraria, & periculosa. quid ergo est? impune feci. nam quod agas mecum ex iure ciuili, ac prætorio nō habes. Itane vero, recuperatores? hoc vos audietis? & apud vos dici patiemini sapius? cum maiores nostri tanta diligentia, prudentiaque fuerint, ut omnia omnium, non modo tantarum re-

rum, sed etiam tenuissimarum iura statuerint, per-
 secutique sint, ut * hoc genus vnum vel maximum
 pratermitterent, ut si qui me exire domo mea coe-
 gissent armis, haberem actionem: si qui introire
 prohibuissent, non haberem? Nondum de Cæcinæ
 causa disputo, nondum de iure possessionis nostræ
 loquor; tantum de tua defensione, C. Piso, queror:
 quando ita dicis, & ita constituis, Si Cæcina, cum in
 fundo esset, inde deiectus esset, tum per hoc in-
 terdictum eum restitui oportuisse: nunc vero deie-
 ctum nullo modo esse inde, ubi non fuerit: hoc in-
 terdicto nihil nos assecutos esse: quæro, si te hodie
 domum tuam redeuntem coacti homines, & ar-
 mati non modo limine tectoque ædium tuarum, sed
 primo aditu vestibuloque prohibuerint, quid actur-
 us sis? monet amicus meus te L. Calpurnius, ut i-
 dem dicas, quod ipse antea dixit, iniuriarum. quid
 ad causam possessionis? quid ad restituendum eum,
 quem oportet restitui? * quid denique ad ius ciui-
 le, aut actoris ad notionem, & ad animaduersionem
 ages iniuriarum? plus tibi ego largiar. non so-
 lum egeris, verum etiam condemnaris licet: num-
 quid magis possidebis? actio enim iniuriarum non
 ius possessionis assequitur; sed dolorem imminutæ
 libertatis iudicio, pœnaque mitigat. Prætor interea
 Piso tanta de re tacebit? quemadmodum te resti-
 tuat in ædes tuas non habebit? qui dies rotas aut
 vim fieri vetat, aut restitui factam iubet: quid de
 fossis, de cloacis, de minimis aquarum, itinerumq;
 controuersis interdictis repente obmutescet? in
 atrocissima re quid faciat, non habebit? & C. Pi-
 sone domo tectisque suis prohibito, prohibito, in-
 quam, per homines coactos & armatos, prætor
 quemadmodum more & exemplo opitulari possit
 non habebit? quid enim dicet? aut quid tu tam
 insigni accepta iniuria postulabis? unde vi prohi-
 bitus sis, nemo unquam interdixit. nouum est,
 non

non dico inusitatum, verum omnino inauditum. unde deiectus? quid proficies, cum illi hoc respondunt tibi, quod tu nunc mihi armatos se tibi obstitisse ne in aedes accederes: deieci porro nullo modo potuisse, qui non accesserit. Deicior ego, inquis, si quis meorum deicitur. omnino. iam bene agis. a verbis enim recedis, & aequitate vteris. nam verba ipsa si sequi volumus; quomodo tu deiiceris, cum seruus tuus deicitur? Verum ita est uti dicis: te deiectum debeo intelligere, etiamsi tactus non fueris. nonne? age nunc, si ne tuorum quidem quisquam loco motus erit, atque omnes in aedibus adseruati, ac retenti, tu solus prohibitus, & a tuis aedibus vi atque armis perterritus: utrum hanc actionem habebis, qua nos vti sumus? an aliam quampiam? an omnino nullam? nullam esse actionem dicere in re tam insigni, tamque atroci, neque prudentiae, neque auctoritatis tuae est. alia siqua forte est, quae nos fugerit, dic quae sit: cupio discere. haec si est, qua nos vti sumus, te iudice vincamus necesse est. non enim vercor ne hoc dicas, in eadem causa eodem interdicto te oportere restitui, Caecinam non oportere. Etenim cui perspicuum non sit, ad incertum reuocari bona, fortunas, possessiones omnium, si vlla ex parte sententia huius interdicti deminuta, aut infirmata sit? si auctoritate virorum talium, vis armatorum hominum iudicio approbata videatur: in quo iudicio non de armis dubitatum, sed de verbis quaesitum esse dicatur? isne apud vos obtinebit causam suam, qui se ita defenderit: eieci ego te armatis hominibus, non deieci: ut tantum facinus non in aequitate defensionis, sed in vna littera latuisse videatur? huiusce rei vos statuistis: nullam esse actionem? nulli experiundi ius constitutum? quod obstiterit armatis hominibus, qui multitudine coacta non introitu, sed omnino aditu quempiam prohibuerit? Quid ergo? hoc quam habet vim, ut illa

res aliquid aliqua ex parte differre videatur? vtrum, pedem cum intulero, atque in possessionem vestigium fecero, tum expellar atque deliciar; an * cum eadem vi, atque iisdem armis mihi ante occurratur, ne non modo intrare, verum etiam aspicere, aut aspirare possim? qui hoc ab illo differt? ut ille cogatur restituere, qui ingressum expulerit: ille qui ingredientem repulerit, non cogatur? Videte per deos immortales, quod ius nobis, quam conditionem vobismetipsis, quam denique ciuitati legem constituere velitis. huiusce generis vna est actio, per hoc interdictum, quo nos vti sumus, constituta. ea si nihil valet, aut si ad hanc rem non pertinet; quid negligentius, aut quid stultius maioribus nostris dici potest? qui aut tantæ rei prætermiserint actionem; aut eam constituerint, quæ nequaquam satis verbis causam, & rationem iuris amplecteretur? Periculosum est dissolui hoc interdictum: captiosum est omnibus rem vllam constitui eiusmodi, quæ cum armis gesta sit, rescindi iure non possit. verumtamen est turpissimum illud, tantæ stultitiæ prudentissimos homines condemnari, ut vos iudicetis, huius rei interdictum atque actionem in mentem maioribus nostris non venisse. Queramur, inquit, licet; tamen hoc interdicto Aebutius non tenetur, quid ita? quod vis Cæcinæ facta non est. dici in hac causa potest. vbi arma fuerint, vbi coacta hominum multitudo? vbi instructi, & certis locis cum ferro homines collocati, vbi minæ, pericula, terroresque mortis, ibi vim non fuisse? Nemo, inquit, occisus est, neque saucius. quid ais? cum de possessionis controuersia, & de priuatorum hominum contentione iuris loquamur, tu vim negabis esse factam, si cædes, & occisio facta non erit? Ego exercitus maximos sæpe pulsos, & fugatos esse dico, terrore ipso impetuque hostium, sine cuiusquam non modo morte, verum etiam

etiam vulnere. Et enim, recuperatores, non ea sola vis est, quæ ad corpus nostrum, vitamque peruenit; sed etiam multo maior ea, quæ periculo mortis iniecto, formidine animum perterritum loco sæpe, & certo de statu demouet. itaque faucij sæpe homines, cum corpore debilitantur, animo tamen non cedunt, neque cum relinquunt locum, quem statuerint defendere: aut alij pelluntur integri: ut non dubium sit, quin maior adhibita vis ei sit, cuius animus sit perterritus, quam illi cuius corpus vulneratum sit. Quod si vi pulsos dicimus exercitus esse eos, qui metu ac tenui sæpe suspitione periculi fugerunt, & si non solum impulsu scutorum, neque conflictu corporum, neque ictu comminus, neque coniectione telorum, sed sæpe clamore ipso militum, aut instructione, aspectuque signorum magnas copias pulsas esse & vidimus, & audiuius: quæ vis in bello appellatur, ea in otio non appellabitur? & quod vehemens in re militari putatur, id leue in iure civili iudicabitur? & quod exercitus armatos mouet, id aduocationem togatorum non videbitur inouisse? & vulnus corporis magis istam vim, quam terror animi declarabit? & fauciatio quaeritur, cum fugam factam esse constabit. tuus enim testis hoc dixit, metu perterritis nostris aduocatis, locum qua effugerent demonstrasse. qui non modo ut fugerent, sed etiam ipsius fugæ tutam viam quaesierunt, his vis adhibita non videbitur? Quid igitur fugiebant? propter metum? quid metuebant? vim videlicet. potestis igitur principia negare, cum extrema conceditis? fugisse perterritos confitemini: causam fugæ dictis eandem, quam omnes intelligimus, arma, multitudinem hominum, incurSIONem, atque impetum armatorum: hæc ubi conceduntur esse facta, ibi vis facta negabitur? At vero hoc quidem iam verus est, & maiorum exemplo multis in rebus vsitatum:

cum ad vim faciendam veniretur, si quos armatos quamuis procul conspexissent, ut statim testificati discederent, optime sponsonem facere possent. Ni aduersus edictum prætoris vis facta esset. Itane vero? scire esse armatos satis est ut vim factam probes: in manus eorum incidere non est satis? aspectus armatorum ad vim probandam valebit; incursus & impetus non valebit? qui abierit, facilius sibi vim factam probabit, quam qui effugerit? At ego dico hoc: si ut * primo in castello Cæcinæ dixit Aebutius, se hominem coegisse, & armasse, neque illum, si eo accessisset, abiturum, statim Cæcina discessisset: dubitare vos non debuisset, quin Cæcinæ facta vis esset: si vero, simulac procul conspexit armatos, recessisset: eo minus dubitaretis. omnis enim vis est, quæ periculo aut decedere nos alicunde cogit, aut * prohibet accedere. Quod si aliter statuetis; videte ne hoc vos statuatis, qui viuis discesserit, ei vim non esse factam: ne hoc omnibus in possessionum controuersis præscribatis, ut confugendum sibi, & armis decertandum putent: ne, quemadmodum in bello pœna ignavis ab imperatoribus constituitur, sic in iudiciis deterior causa sit eorum, qui fugerint, quam qui ad extremum usque contenderint. Cum de iure, & legitimis hominum controuersis loquimur, & in his rebus vim nominamus, pertenuis vis intelligi debet. vidi armatos, quamuis paucos: magna vis est. decessi vnus hominis telo perterritus: deiectus detrususque sum. hoc si ita statuetis, non modo non erit, cur depugnare quisquam posthac possessionis causa velit; sed ne illud quidem, cur repugnare. sin autem vim sine cæde; sine vulneratione, sine sanguine nullam intelligetis; statuetis, homines possessionis cupidiores, quàm vitæ esse oportere. Age vero, de vi te ipsum habebō iudicem, Aebutī: responde, si tibi videtur in fundum Cæcinæ vtrum noluit tandem, an non potuit accedere?

dere? cum te obstitisse, & repudiasse dicis; certe hunc voluisse concedis. potes igitur dicere, non ei vim fuisse impedimento; cui cum cuperet, eoq; consilio venisset, per homines coactos non sit licitum accedere? Si enim id, quod maxime voluit, nullo modo potuit; vis protecto quædam obstiterit necesse est. aut tu dic quamobrem cum vellet accedere, non accesserit. Iam vim factam negare non potes. deiectus quemadmodum sit, qui non accesserit, id quaeritur. demoueri enim, & depelli de loco necesse est eum, qui deiiciatur. id autem accidere ei qui potest, qui omnino in eo loco, unde se deiectum esse dicit, numquam fuit? * Quod si fuisset, & ex eo loco metu permotus fugisset, cum armatos vidisset; diceretne esse deiectum? Opinor, an tu, qui tam diligenter, & tam callide verbis controuersias, non æquitate diiudicas, & iura non utilitate communi, sed litteris exprimis, poterisne dicere deiectum esse, eum, qui tactus non erit? Quid? detrusum diceres? nam eo verbo antea prætores hoc interdicto uti solebant. Quid ais? potestne detrudi quisquam, qui non attingitur? nonne, si verbum sequi volumus, hoc intelligamus necesse est? eum detrudi, cui manus afferantur? necesse est, inquam si ad verbum rem volueris * attingere, neminem * statu detrusum, qui non adhibita vi, manu demotus, & actus præceptis intelligatur. Deiectus vero qui potest esse quisquam, nisi in inferiorem locum de superiore motus? potest pulsus, fugatus, eiectus denique: illud vero nullo modo potest, deiectus esse quisquam, non modo qui tactus non sit, sed ne æquo quidem & plano loco. Quid ergo? hoc interdictum putamus eorum esse causa compositum, qui se precipitatos ex locis superioribus dicerent? eos enim vere possumus dicere esse deiectos. an non, cum voluntas, & consilium, & sententia interdicti intelligatur, impudentiam summam, aut stultitiam singularem pu-

tabimus, in verborum errore versari: rem & causam, & vtilitatem communem non relinquere solum, sed etiam proderet? An hoc dubium est, quin neque verborum tanta copia sit, non modo in nostra lingua, quæ dicitur esse inops, sed ne in alia quidem vlla, res ut omnes suis certis ac propriis vocabulis nominentur? neque vero quidquam opus sit verbis, cum ea res cuius causa verba quaesita sint, intelligatur? Quæ lex, quod senatusconsultum, quod magistratus edictum, quod fœdus, aut pactio, quod (ut ad priuatas res redeam) testamentum, quæ iudicia aut stipulatores, aut pacti, & * conuenti formula non infirmari, aut conuelli potest, si ad verba rem deflectere velimus, consilium autem eorum, qui scripserunt, & rationem, & auctoritatem relinquamus? Sermo hercule & familiaris, & quotidianus non cohærebit, si verba inter nos aucupabimur. denique imperium domesticum nullum erit, si seruulis hoc nostris concesserimus, ut ad verba nobis obediant, non ad id, quod ex verbis intelligi possit, obtemperent. Exemplis nunc uti videlicet mihi necesse est harum rerum omnium? non occurrit vnicuique vestrum aliud alij in omni genere exemplum, quod testimonio sit, non ex verbis totum pendere ius, sed verba seruire hominum consiliis, & auctoritatibus? Ornate & copiose L. Crassus homo longe eloquentissimus, paullo ante, quam nos in forum venimus, iudicio centumuirali hanc sententiam defendit, & facile, cum contra eum prudentissimus homo Q. Mucius diceret, probauit omnibus M. Curium, qui heres iustitutus esset ita, mortuo postumo filio, cum filius non modo non mortuus, sed ne natus quidē esset, heredem esse oportere. Quid? verbis satis hoc cautum erat? minime. quæ res igitur valuit? voluntas. quæ si tacitis nobis intelligi posset; verbis omnino non vteremur: quia non potest, verba reperta sunt, non quæ impedirent, sed quæ

quæ indicarent voluntatem. Lex vsum, & auctoritatem fundi iubet esse *biennium, at vtimur eodem iure in ædibus, quæ in lege non appellantur. Si via sit imminuta, iubet quæ velit, agere iumentum. potest hoc ex verbis intelligi, licere, si via sit in Brutiis immunita, agere, si velit, iumentum per M. Sauri Tusculanum? Actio est in auctorem præsentem his verbis, Quandoquidem te in iure conspicio, hac actione Appius ille cæcus uti non posset, si tam seuerè homines verba confectarentur, quam rem, cuius causa verba sunt, non considerarent. Testamento si recitatus heres esset pupillus Cornelius, isque iam annos x x. haberet, vobis interpretibus amitteret hereditatem? Veniunt in mentem mihi per multa, vobis plura certo scio. verum ne nimium multa complectamur, atque ab eo quod propositum est, longius aberret oratio: hoc ipsum interdictum de quo agitur, consideremus. intelligetis enim in eo ipso, si in verbis ius constituamus, omnem utilitatem nos huius interdicti, dum versuti, & callidi volumus esse, amissuros. VNDE TV, AVT FAMILIA, AVT PROCVRATOR TVVS. Si me villicus tuus solus deiecisset: non familia deiecisset, ut opinor, sed aliquis de familia, recte igitur diceres te restituisse? quippe. quid enim facilius est, quam probari iis, qui Latine sciant, in vno seruulo familiæ nomen non valere? si vero ne habeas quidem seruum præter eum, qui me deiecerit; clames videlicet, si habeo familiam, a familia mea fateor te esse deiectum. neque dubium est, quin si ad rem iudicandam verbo ducimur, non re, familiam intelligamus, quæ constet ex seruis pluribus: quin vnus homo familia non sit. verbum certe hoc non modo postulat, sed etiam cogit. At vero ratio iuris, interdictique vis, & prætorum voluntas, & hominum prudentium consilium, & auctoritas, respuat hanc defensionem, & pro nihilo

putet. Quid ergo? isti homines Latine non loquuntur? immo vero tantum loquuntur, quantum est satis ad intelligendam voluntatem: cum sibi hoc proposuerint ut siue me tu deieceris, siue tuorum quispiam, siue seruorum, siue amicorum, ut seruos non numero distinguant, sed appellent vno familiaris nomine. de liberis autem, quisquis est procuratoris nomine appelletur: non quo omnes sint, aut appellentur procuratores, qui negotii nostri aliquid gerant; sed * in hac re, cognita sententia interdicti, verba exquiri omnia noluerunt. Non enim alia causa est æquitatis in vno seruo, & in pluribus: non alia ratio iuris in hoc genere duntaxat, utrum me tuus procurator deiecerit is, qui legitime procurator dicitur omnium rerum eius, qui in Italia non sit, absitue rei publicæ causa, quasi quidem pæne dominus, hoc est, alieni iuris vicarius; ac tuus colonus, aut vicinus, aut cliens, aut libertus, aut quiuis, qui illam vim, deiectionemque tuo rogatu, aut tuo nomine fecerit. Quare si ad eum restituendum, qui vi deiectus est, eandem vim habet æquitatis ratio: ea intellecta, certe nihil ad rem pertinet, quæ verborum vis sit, ac nomen tam restitues, si tuus me libertus deiecerit, nulli tuo prepositus negotio, quam si procurator deiecerit: non quo omnes sint procuratores, qui aliquid nostri negotii gerunt, sed quod id in hac re quæri nihil attinet: tam restitues, si vnus seruulus, quam si familia deiecerit vniuersa: non quo idem sit seruulus quod familia, verum quia, non quibus verbis quidque dicatur, quæritur, sed quæ res agatur. Etiam ut iam longius a verbo recedamus, ab æquitate ne tantulum quidem: si tuus seruus nullus fuerit, & omnes alieni, ac mercenarii: tamen & ipsi tuæ familiæ & genere, & nomine continebuntur. Perge porro hoc idem interdictum sequi. HOMINIBVS COACTIS. Neminem coegis, ipsi conuenerint

conuenerint sua sponte : certe cogitis, qui congregat homines, & conuocat. Coacti sunt ij, qui ab aliquo sunt vnum in locum congregati, si non modo conuocati non sunt, sed ne conuenerunt quidem, sed ij modo fuerunt, qui etiam antea, non vis ut fieret, verum colendi, aut pascendi causa esse in agro consueuerant. defendes homines coactos non fuisse : & verbo quidem superabis, me ipso iudice, re autem ne consistes quidem illo iudice. * vim enim multitudinis restitui voluerunt, non solum conuocata multitudinis : sed quia plerumque, vbi multitudine opus est, homines cogi solent ; ideo de coactis compositum interdictum est. quod etiam si verbo differre videbitur, re tamen erit vnum, & omnibus in causis idem valebit, in quibus perspicitur vna atque eadem causa æquitatis. **ARMATIS VERO** quid dicemus ? armatos, si Latine loqui volumus, quos appellare vere possumus ? opinor eos, qui sentis, telisque parati, ornatique sunt. Quid igitur ? si glebis, aut saxis, aut fustibus aliquem de fundo præcipitem egeris, iussusque sis ; quem hominibus armatis deieceris, restituere : restituisse te dices ? verba si valent, si causæ, non ratione, sed vocibus ponderantur ; me auctore dicito. vinces profecto non fuisse armatos eos, qui saxa iacerent, quæ de terra ipsi tollerent : non esse arma cæspites, neque glebas : non fuisse armatos eos, qui prætereuntes ramum defringerent arboris : arma esse suis nominibus, alia ad tegendum, alia ad nocendum : quæ qui non haberint, eos inermes fuisse vinces. Verum si quidem erit armorum iudicium, tum ista dicito : iuris iudiciū cum erit, & æquitatis, caue in ista tam frigida, tam ieiuna calumnia delitescas. non enim reperies quemquam iudicem, aut recuperatorem, qui, tamquam si arma militis inspicienda sine, ita probet armatum ; sed perinde valebit, quasi armatissimi fuerint, si reperientur ita parati fuisse, ut vim vitæ,

aut corpori potuerint afferre. Atq; vt magis intelligas, quam verba nihil valeant; si tu solus, aut quis vnus vnus cum scuto, cum gladio impetum in me fecisses, atque ego ita delectus essem; auderesne dicere, interdictum esse de armatis hominibus: hic autem hominem armatum vnum fuisse? non opinor tam impudens esses. atqui vide, ne multo nunc sis impudentior. nam tum quidem omnes mortales implorare posses, quod homines in tuo negotio Latine loqui obliuiscerentur: quod inermes armati iudicarentur: quod, cum interdictum esset de pluribus, commissæ res esset ab vno: vnus homo plures esse homines iudicarentur. verum in his causis non verba veniunt in iudiciũ, sed ea res, cuius causa verba hæc in interdictum coniecta sunt. Vim, quæ ad caput & ad vitam pertinet, restitui sine vlla exceptione voluerunt. ea fit plerumq; per homines coactos, armatosque: quæ si alio consilio eodem periculo facta sit, eodem iure esse voluerunt. non enim maior est iniuria, si tua familia, quam si tuus villicus: non, si tui serui, quam si alieni, ac mercenarij: non, si tuus procurator, quam si vicinus, aut libertus tuus: non, si coactis hominibus, quam si voluntariis, aut etiam assiduis, ac domesticis: non si armatis, quam si inermibus, qui vim haberent armatorum ad nocendum: non, si pluribus, quam si vno armato. Quibus enim rebus plerumque vis fit, eiusmodi hæc res appellantur interdicto: si per alias res eadem facta vis est, ea, tametsi verbis interdicti non concluditur, tamen sententia iuris, atque auctoritate retinetur. Vnio nunc ad illud tuum; Non deieci, si non tui accedere. puto te ipsum, Piso, perspicere, quanto ista sit angustior, iniquiorque defensio, quam si illa vterere. Non fuerunt armati: cum fustibus & saxis fuerunt. Si, mehercule, mihi non copioso homini ad dicendum, optio detur, vtrum malim defendere
non

non esse deiectum eum, cui vi & armis ingredi-
ti sit occursum; an armatos non fuisse eos qui, sine
scutis, ac sine ferro fuerint: omnino ad probandum,
vtramque rem videam infirmam, negatoriamque
esse: ad dicendum autem, in altera videar mihi a-
liquid reperire posse, non fuisse armatos eos, qui
neque ferri quidquam, neque scutum vllum habue-
rint: hic vero hæream, si mihi defendendum sit. eum
qui pulsus, fugatusque sit, non esse deiectum, At-
que illud in tota defensione tua mihi maxime mi-
rum videbatur. te dicere, iurisconsultorum aucto-
ritati obtemperari non oportere. Quod ego tamen
si non nunc primum, neque in hac causa solum
audio; tamen admodum mirabar, abs te quam ob
rem diceretur. nam ceteri tum ad istam * oratio-
nem decurrunt; cum se in causa putant habere æ-
quū, & bonum, quod defendant: si contra verbis,
& litteris, & (vt dici solet) summo iure contem-
ditur; solent eiusmodi iniquitati & boni, & æqui
nomen dignitatemque opponere. * tum illud, quod
dicitur, sic venire * irrident: tum aucupia verbo-
rum, & litterarum tendiculas in inuidiam vocant:
tum vociferantur, ex æquo & bono, non ex callido
versutoque iure rem iudicari oportere: scriptum
sequi, calumniatoris esse: boni iudicis, volunta-
tem scriptoris, auctoritatemque defendere. In ista
vero causa, cum tu sis, qui te verbo, litteraq; defen-
das; cum tuæ sint ex partes, vnde deiectus es? an
inde, quo prohibitus es accedere? eiectus, es uō de-
iectus: cum tua sit hæc oratio, Fateor me homines
coegisse, fateor armasse, fateor tibi mortem esse mi-
nitatum, fateor hoc, interdicto prætoris vindicari, si
voluntas & æquitas valeat; sed ego inuenio in in-
terdicto verbum vnum, vbi delitescam non deieci
te ex eo loco, quē in locum prohibui ne venires; in
ista defensione accusas eos, qui contumaciter quod
æquitatis censeant rationem, non verbi haberi

oportere. Et hoc loco Scæuulam dixisti causam apud centumuiros non tenuisse: quem ego antea commemorauimus; quod idem faceret, quod tu nunc: tametsi ille in aliqua causa faciebat; tu in nulla facis: * ramen non probasse memini quod defendit, quia verbis oppugnare æquitatem videbatur. Cum id miror, te hoc in hac re alieno tempore, & contra quem ista causa postulasset, defendisse; tum illud vulgo in iudiciis, & nonnunquam ab ingeniosis hominibus defendi mihi mirum videri solet, nec iurisperitis concedi, nec ius civile in causis, semper valere oportere. Nam qui hoc disputant, si id dicunt, non recte aliquid statuere eos qui consulantur: nec hoc debent dicere, iure civili, sed hominibus stultis, obtemperari non oportere. sin illos recte respondere concedunt, & aliter iudicari dicunt oportere; male iudicari oportere dicunt. neque enim fieri potest, ut aliud iudicari de iure, aliud responderi oporteat; nec ut quisquam iuris numeretur peritus, qui id statuatur esse ius, quod non oporteat iudicari. At est aliquando contra iudicatum. primum utrum recte, an perperam? si recte, id iuit ius, quod iudicatum est: sin aliter, non dubium est, utrum iudices, an iurisperiti vituperandi sint: deinde si de iure vario quippiam iudicatum est; non potius contra iurisperitos statuunt, si aliter pronuntiatum est, ac Mucio placuit, quam ex eorum auctoritate, si ut Manilius statuebat, sic est iudicatum. Etenim ipse Crassus non ita causam apud centumuiros egit, ut contra iurisperitos diceret; sed ut hoc doceret, illud quod Scæuula defendebat, non esse iuris, & in eam rem non solum rationes afferret; sed etiam Q. Mucio socero suo, multisque peritis hominibus auctoribus videretur. Nam qui ius civile contemnendum putat, is vincula non iudiciorum, sed etiam utilitatis, vitæque communis.

nis. qui autem interpretes iuris vituperat ; si imperitos iuris esse dicit, de hominibus, non de iure, civili detrahit: sin peritis non putat esse obtemperandum, non homines lædit, sed leges, ac iura labefactat. quod vobis venire in mentem profecto necesse est. nihil enim in ciuitate tam diligenter, quam ius civile retinendum. etenim hoc sublato, nihil est, quare exploratum cuiquam possit esse, quid suum, aut quid alienum sit: nihil est, quod equabile inter omnes, atque vnum omnibus esse possit. Itaque in cæteris controuersijs atque iudicijs, cum quæritur aliquid factum, necne sit; verum, an falsum proferatur; & fictus testis subornari solet, & imponi falsæ tabulæ: nonnumquam honesto ac probabili nomine bono viro iudici error obliici; improbo, facultas dari, vt cum sciens perperam iudicarit, testamentum aut tabulas secutus esse videatur. In iure nihil est eiusmodi, recuperatores, non tabulæ falsæ non testis improbus, denique nimia ista, quæ dominatur in ciuitate, potentia, in hoc solo genere quiescit: quid agat, quomodo aggrediatur iudicem, qua denique digitum proferat, non habet. Illud enim potest dici iudici ab aliquo non tam verecundo homine, quam gratiofo, Iudica hoc factum, esse, aut numquam esse factum, vel cogitatum: crede huic testis. has comproba tabulas. hoc non potest. cui filius agnatus sit, eius testamentum non esse ruptum, iudica: quod mulier sine tutore auctore promiserit, deberi, non est aditus ad huiusmodi res neque potentia cuiusquam, neque gratia. denique quo maius hoc, sanctiusque videatur, ne pretio quidem corrupti iudex in eiusmodi causa potest. Iste vester testis, qui ausus est dicere, secisse videri eum, de quo ne cuius rei argueretur quidem scire potuisset, ipse numquam auderet iudicare, deberi viro dotem, quam mulier nullo auctore dixisset. O rem præclaram, vo-

bisque ob hoc retinendam, recuperatores. quod enim est ius ciuile? quod neque inflecti gratia, neque perfringi potentia, neque adulterari pecunia possit. quod si non modo oppressum, sed etiam desertum, aut negligentius adseruatum erit; nihil est, quod quisquam sese habere certum, aut a patre accepturum, aut relicturum liberis arbitretur. Quid enim refert, ædes, aut fundum relictum a patre, aut alia ratione habere bene partum, si incertum sit quæcumque tua iure macipij sint, ea possisne retinere? si parum sit communitum ius? si ciuili, ac publica lege contra alicuius gratiam teneri non potest? quid inquam, prodest fundum habere, si quæ decentissime descripta a maioribus iura finium, possessionum, aquarum, itinerumque sint hæc perturbari aliqua ratione, commutarique possunt? Mihi credite, maior hereditas venit unicuique vestrum in iisdem bonis a iure, & a legibus, quam ab iis, a quibus illa ipsa bona relicta sunt. nam ut perueniat ad me fundus, testamento alicuius fieri potest: ut retineam quod meum factum sit, si ne iure ciuili non potest. Fundus a patre relinqui potest: at vsucapio fundi, hoc est finis sollicitudinis, ac periculi litium, non a patre relinquitur, sed a legibus. Aquæductus, haustus, iter, actus, a patre; sed rata auctoritas harum rerum omnium a iure ciuili sumitur. Quapropter non minus diligenter ea, quæ a maioribus accepistis, publica patrimonia iuris, quam priuatæ rei vestræ retinere debetis: non solum quod hæc iure ciuili septa sunt; sed etiam, quod patrimonium vnus incommodo dimittitur; ius amitti non potest sine magno incommodo ciuitatis in hac ipsa caussa, recuperatores, si hoc nos non obtinebimus, vi armatis hominibus deiectum esse eum, quem vi armatis hominibus pulsum, fugatumque esse constet: Circinarem non amitteret: quam ipsam animo forti. ~~et~~ pus ita ferret, amitteret

teret in possessionem in praesentia non restitueretur: nihil amplius. populi Romani causa, ciuitatis ius, bona, fortuna, possessionesque in dubium, incertumque reuocabuntur: vestra auctoritate hoc constituetur, hoc praescribetur: qui cum tu posthac de possessione contendes, eum, si ingressum modo deieceris, in praedium restituas oportebit: sin autem ingredienti cum armata multitudine obuius fueris, & ita venientem repuleris, fugaris, auerteris, non restitues. tum statueritis vim in eade solum, non etiam in animo: nisi cruor appareat, vim non esse factam; iniuriarum delictum esse: qui prohius sit, nisi ex eo loco, ubi vestigium impresserit, deiici neminem posse. iuris retinere sententiam, & aequitatem plurimum valere oportere, an verbo ac littera ius omne torqueri, vos statuite recuperatores, utrum vtilius esse videatur. Hoc loco percommode accidit, quod non adest is, qui paullo ante affuit, & adesse nobis frequenter in hac causa solet vir ornatissimus C. Aquillius. nam ipso praesente, de virtute eius. & prudentia timidius dicerem, quod & ipse pudore quodam afficeretur, ex sua laude, & me similis ratio pudoris a praesentis laude tardaret. cuius auctoritati dictum est ab illa causa concedi nimium non oportere. * vereor de tali viro ne plus dicam, quam vos aut sentiat, aut apud vos commemorari velitis. quapropter hoc dicam, numquam eius auctoritatem nimium valere, cuius prudentiam populus Ro. in cauendo, non in decipiendo perspexerit: qui iuris ciuilis rationem numquam ab aequitate seiunxerit; qui tot annos ingenium, laborem, fidem suam populo Ro. promptam, expositamque praebuerit: qui ita iustus & bonus vir est, ut natura non disciplina consultus esse videatur ita peritus ac prudens, ut ex iure ciuili, non scientia solum quaedam, verum etiam bonitas nata esse videatur: cuius tantum est ingenium, ita prom-

pra fides, vt quidquid inde haurias, purum, liquidumque te haurire sentias. Quare permagnam initis a nobis gratiam, cum eum auctorem nostrae defensionis esse dicitis. Illud autem miror, cur vos aliquid contra me sentire dicatis; cum eum auctorem vos pro me appelletis, nostrum nominetis. Verumtamen quid ait iste noster auctor? omnibus, quidquid verbis actum, pronuntiatumque sit, conuenit. Ego ex isto genere consolatorum non nominem, vt opinor, istum ipsum, quo nos auctore rem istam agere, & defensionem causae constituere vos dicitis: qui cum istam disputationem mecum ingressus esset, non posse probare quemquam esse deiectum, nisi ex eo loco in quo fuisset: rem & sententiam interdicti mecum facere fatebatur, verbo me excludi dicebat: a verbo autem posse recedi non arbitrabatur. Cum exemplis vterer multis, etiam illa materia aequitatis ab verbo & ab scripto: plurimis saepe in rebus aequi bonique rationem esse seiunctam: semperque id ius valuisse plurimum, quod in se auctoritatis habuisset, aequitatisque plurimum: consolatus est me, & ostendit in hac ipsa causa nihil esse, quod laborarem. Nam verba ipsa sponsionis facere mecum, si vellem diligenter attendere, quonam inquam modo? quid certe, inquit, deiectus est Cæcina vi hominibus armatis aliquo ex loco: si non ex eo loco, quem in locum venire voluit, at ex eo certe, vnde fugit. quid tum? Pretor inquit interdixit, vt vnde deiectus esset, eo restitueretur, hoc est quicumque is locus esset, vnde deiectus esset. Aebutius autem, qui fatetur aliquo ex loco deiectum esse Cæcinam, is, quomodo se restituisse dixit, necesse est male fecerit sponsionem. Quid est, Piso? placet tibi pugnare verbis? placet causam iuris, & aequitatis, & non nostrae possessionis, sed omnino possessionum omnium constituit in verbo? Ego quod mihi videretur, quod a maioribus factitatum, quod horum auctoritate,

ritate quibus iudicandū est, dignum esset, ostendi id verū, id æquum, id vtile om̃ibus esse; spectari quo consilio, & qua sententia, non quibus quidque verbis esset actum. Tu me ad verbum vocas? non ante venio, quam recusaro. nego oportere, nego obtineri posse, nego vllam rem esse, quæ aut comprehendi satis, aut caueri, aut excipi possit, si aut præterito aliquo verbo, aut ambigue posito, sentētia, & re cognita, non id intelligitur, sed id quod dicitur, valebit. Quoniam satis recusaui, venio iam quo vocas, quæro abs te, si mne deiectus, nō de Fulciniano fundo neque enim prætor, si ex eo fundo essem deiectus, ita me restitui* iussit: sed eo vnde deiectus essem. sum ex *proximo vicini fundo deiectus, qua adibam ad istum fundum: sum de via, sum certe aliunde, siue de priuato. siue de publico. eo restitui sum iussus: restituisse te dixisti: nego me ex* decreto prætoris restitutum esse. Quid ad hæc dicimus? aut tuo, quemadmodum dicitur, gladio, aut nostro defensio tua conficiatur necesse est. Sed ad interdicti sententiam confugis; & de quo fundo actum sit tū, cum Aebutius restituere iubebatur, id quærendum esse dicis; neque æquitatem rei verbi laqueo capis putas oportere: in meis castris, præsidis que verlaris mea, mea est ista defensio: ego hoc vociferor, ego omnes homines, deosque testor: cum maiores vim armatam nulla iuris defensione texerint, non vestigium eius, qui deiectus sit, sed factū illius, qui deiecerit, in iudicium venire: deiectum esse qui fugatus sit: vim esse factam, cui periculum mortis sit iniectum. Istum locum fugis, & reformidas; & me ex hoc, vt ita dicam, campo æquitatis ad istas verborum angustias, & ad omnes litterarum angulos reuocas. in iis ipsis intercludere insidiis, quas mihi conaris opponere. non deieci, sed eieci. peracutum hoc tibi videtur, hic est mucro defensionis tue: in eum ipsum causa tua incurrat necesse est. Ego e-

nim tibi refero, si nō sum ex eo loco deiectus, quo prohibitus sum accedere; at ex eo sum deiectus, quo accessi, vnde fugi. Si prætor non distinxit locū, quo ne restitui iuberet, & restitui iussit; non sum ex * decreto restitutus. Velim, recuperatores, hoc totum si vobis versutius, quam mea consuetudo defendendi fert, videbitur, sic existimetis: primum, alium, non me cogitasse: deinde huius rationis non modo non inuentorem, sed ne probatorem quidem esse me: idque me non ad meam defensionem attulisse, sed illorum defensionem retulisse: me posse pro meo iure dicere, * neque in hac re, quam ego protuli, quæri oportere, quibus verbis prætor interdixit, sed de quo loco sit actum, cum interdixit: neque in vi armatorum spectari oportere, in quo loco sit facta vis, verum sitne facta: te vero nullo modo posse defendere, in qua re tu velis, verba spectari oportere: in qua re nolis, non oportere. Verumtamen ecquid mihi responderetur ad illud, quod antea dixi, non solum re, & sententia, sed verbis quoque hoc interdictum ita esse compositum, vt nihil commutandum videretur? Attendite diligenter, quæso, recuperatores. est enim vestri ingenij, non meam, sed maiorum prudentiam cognoscere. non enim sum id dicturus, quod ego inuenerim; sed quod illos non fugerit. Cum de vi interdicatur, duo genera causarum esse intelligebant, ad quæ interdictum pertineret: vnum, si qui ex eo loco, in quo esset; alterum si ab eo loco quo veniret, vi deiectus esset. & horum vtrumque, neque præterea quidquam potest accidere, recuperatores. id adeo, si placet, considerate. Si qui meam familiam de meo fundo deiecerit, ex eo me loco deiecerit. si qui mihi præsto fuerit cum armatis hominibus extra meum fundum, & me introire prohibuerit, non ex eo, sed ab eo loco me deiecerit. ad hæc duo genera rerum, vnum verbum, quod satis declararet
vtrasque

utrasque res, inuenerunt: ut siue ex fundo, siue a fundo deiectus essem, vno atque eodem interdicto restituerer, Vnde TV. hoc verbum Vnde vtrumque declarat, & ex quo loco, & a quo loco. unde * deiectus est Cinna? ex vrbe. unde deiectus Carbo? ab vrbe, unde deiecti Galli? a Capitolio. unde qui cum Graccho fuerunt? ex Capitolio. videtis igitur in hoc vno verbo significari res duas, & ex quo, & a quo loco. Cum autem eo restitui iubet, ita iubet: ut si Gallia maioribus nostris postularent, ut eo restituerentur, unde deiecti essent, & aliqua vi hoc assequi possent: non opinor eos in cuniculum, qua aggressi erant, sed in Capitolium restitui oportere. hoc enim intelligitur. Vnde tu deiecisti, siue ex quo loco, siue a quo loco; eo restituas. hoc iam simplex est, in eum locum restituas: siue ex hoc loco deiecisti, restitue in hunc locum: siue ab hoc loco, restitue in eum locum, non ex quo sed a quo deiectus. Ut si qui ex alto, cum ad patriam accessisset, tempestate subito reiectus optaret, * ut unde esset deiectus, eo restitueretur: hoc, opinor, optaret, ut a quo loco depulsus esset, in eum se fortuna restitueret, non in salutem, sed in ipsam urbem, quam perebat: sic (quoniam vim verborum necessario similitudine rerum aucupamur) * qui postulat, ut a quo loco deiectus est, eo restitatur, hoc postulat, ut unde deiectus est, eo restitatur. cum verba nos eo ducunt, tum res ipsa hoc sentire atque intelligere cogit. Etenim Piso (redeo nunc ad illa principia defensionis meae) si quis te ex aedibus tuis vi hominibus armatis deiecerit, quid ages? opinor, hoc interdicto, quo nos vti sumus, persequere. Quid si quis iam de foro redeuntem armatis hominibus domum tuam te introire prohibuerit? quid ages? vtere eodem interdicto. Cum igitur praetor interdixerit, Vnde deiectus es, ut eo restituaris, tu hoc idem quod ego dico, & quod perspicuum est, interpreta-

bere: cum illud verbum. Vnde, in vtramque rem valeat, eoque tu restitui sis iussus, tam te in ædes tuas restitui oportere, si e vestibulo, quam si ex interiore ædium parte deiectus sis. Vt vero iam, recuperatores, nulladu bitatio sit, siue rem, siue verba spectare vultis, quin secūdum nos iudicetis: exoritur hic iam obrutis rebus omnibus, & perditis, illa defensio, eū deiici posse qui tum possideat, qui non possideat, nullo modo posse: itaque si ego sim a tuis ædibus deiectus, restitui non oportere: si ipse sis, oportere. Numera quam multa in ista defensione facta sint, Piso: ac primum illud attende, te iam ex illa ratione esse depulsum, quod negabas quemquam deiici posse, nisi qui in eo loco fuerit: nunc qui possideat, eum, eūam si non fuerit in eo loco, deiici posse cōcedis. Cur ergo aut in illud quotidianum interdictum, Vnde ille me vi deiecit, additur, Cum ego possiderem: si deiici nemo potest, qui non possidet? aut in hoc interdictum, De hominibus armatis, non additur, si oportet quæri possederit, necne? negas deiici, nisi qui possideat. ostendo, si sine armatis, coactisue hominibus deiectus quisquam sit, eum, qui fateatur se deiecisse, vincere sponsonem, si ostendat eum non possedisse. negas deiici, nisi qui possideat. ostendo ex hoc interdicto De armatis hominibus, qui possit ostendere non possedisse eum, qui deiectus sit, condemnari tamen sponsonis necesse esse, si fateatur esse deiectum. Dupliciter homines deiiciuntur, aut sine coactis, armatisque hominibus aut per eiusmodi rationem, & vim. Ad duas dissimiles res, duo deuincta interdicta sunt. illa vi quotidiana non satis est, posse docere se deiectum, nisi ostendere possit, eum possideret, tum deiectum, ne id quidem satis est, nisi docet ita se possedisse, vt nec vi, nec clam, nec precario possederit. itaque is, qui se restituisse *dixit magna voce sæpe cōfiteri solet, te *vi deiecisse: verum illud addit, Non possidebat: vel

vel etiā, cum hoc ipsum concessit, vincit tamē spon-
sione, si planū facit, ab se illum, aut vi, aut clam, aut
precatio possedisse. Videtisne quorū defensionibus
eum, qui sine armis, ac multitudine vim fecerit, vti
posse maiores voluerunt? hunc vero qui ab iure, of-
ficio, bonis moribus, ad ferrum, ad arma, ad eadē
cōfugerit, nudum in causā, destitutumque videtis?
vt, qui armatus de possessione contendisset, inermis
plane de sponsione certaret? Ecquid igitur interest
Piso inter hęc interdicta? ecquid interest utrū hoc
additum, Cum A. Caecina possederit, necne? ecquid
te ratio iuris, ecquid interdictorum dissimilitudo,
ecquid auctoritas maiorum commouet? si esset ad-
ditum de eo quæri oporteret. additum non est, ta-
men oportebit? Atque ego in hoc Caecinam non
defendo, possedit enim Caecina recuperatores: & id
tametsi extra causā est, percurram tamen breui,
vt non minus hominem ipsum, quam ius commune
defensum velitis. Cesenniam possedisse, propter v-
sum fructum non negas. qui colonus habuit condu-
ctum de Cesennia fundum, cum idem ex eadē con-
ductione fuerit in fundo, dubium est, quin si Cesen-
nia tum possidebat, cum erat colonus in fundo, post
eius mortem heres, eodem iure possederit? deinde
ipse Caecina, cum circuiret prædia, venit in istum
fundum, rationes a colono accepit, sunt in eam rem
testimonia, postea cur Aebuci de isto potius fundo,
quam de alio, si quem habes, Caecinæ denuntiabas,
si Caecina non possidebat? ipse porro Caecina cur se
moribus deduci volebat: idque tibi de amicorum,
etiā de ipsius C. Aquillij sententia responderat?
At enim Sulla legem tulit.* Vt nihil de illo tempo-
re, nihil de calamitate reipub. quærar, hoc tibi re-
spondeo, ascripsisse eundem Sullam in eandem le-
gem, si quid ius non esset rogari, eius ea lege nihi-
lum rogatum, quid est, quod ius non sit, quod popu-
lus iubere, aut vetare non possit? & ne longius ab

eam, declarat ista ascriptio esse aliquid. non nisi esset, hoc in omnibus legibus non ascriberetur. Sed quæro abs te, putefne, si populus iusserit me tuum, aut item te meum seruum esse, id iussum ratum atque firmum futurum? *perspicias* hoc nihil esse, ut in ceteris, quæ rogari non possunt. Primum* ergo illud concedis, non quidquid populus iusserit, ratum esse oportere: deinde nihil rationis affers, quam obrem si libertas adimi nullo modo possit, ciuitas possit. nam & eodem modo de vtraque re traditum nobis est: & si semel ciuitas adimi potest, retineri libertas non potest. Qui enim potest iure Quiritum liber esse is, qui in numero Quiritum non est? Atque ego hanc adolescentulus causam cum agerem contra hominem disertissimum nostræ ciuitatis Cottam, probaui. Cum Arretinæ mulieris libertatem defenderem, & Cotta decemuiris religionem iniiecisset, non posse sacramentum nostrum iustum iudicari, quod Arretinis adempta ciuitas esset, & ego vehementius contendissem ciuitatē adimi non potuisse: decemuiro prima actione non iudicauerunt: postea re quæsitā, & deliberata, sacramentum nostrum iustum iudicauerunt. Atque hoc, & contradicente Cotta, & Sulla viuo iudicatum est. Iam vero in ceteris, ut omnes, qui in eadem causa sunt, & lege agant, & suum ius persequantur: & omnes iure ciuili sine cuiusquam aut magistratus, aut iudicis, aut periti hominis, aut imperiti dubitatione vtantur, quid ego commemorem? dubium nemini vestrum est. Certe quæri hoc solere me non præterit (ut ex me ea, quæ tibi in mentem non veniunt, audias) quemadmodum, si ciuitas adimi non possit, in colonias Latinas sæpe nostri ciues profecti sint. aut sua voluntate, aut legis multa profecti sunt: quam multam si fufferre voluissent, tum manere in ciuitate potuissent. Quid? quem pater patratu dedit, aut suus pater, populusue vendidit.

quo

quo is iure amittit ciuitatem? vt religione ciuitas soluatur, cuius Romanus traditur: qui cum est acceptus. est eorum, quibus est deditus: si non accipiunt, vt Mancinum Numantini, retinet integram causam, & ius ciuitatis. Si pater vendidit eum, quem in suam potestatem susceperat, ex potestate dimittit. Iam populus, cum eum vendidit, qui miles factus non est, non adimit ei libertatem, sed iudicat non esse eum liberum, qui vt liber sit, adire periculum noluit. cum autem incensum vendidit, hoc iudicat: cum is qui in seruitute iusta fuerit, censu liberetur, eum, qui cum liber esset, censeri, noluerit, ipsum sibi libertatem abiudicasse. Quod si maxime iis rebus adimi libertas, aut ciuitas potest, non intelligunt qui hæc commemorant, si per has rationes adimi maiores posse voluerunt, alio modo noluisse. Nam vt hæc ex iure ciuili protulerunt, sic afferant velim, quibus lege, aut Romana ciuitas. aut libertas erepta sit. Nam quod ad exilium attinet, perspicue intelligi potest quale sit. Exilium enim non supplicium est. sed profugium portusque supplicij. nam qui volunt pœnam aliquam subterfugere, aut calamitatem, eo solum vertunt, hoc est, sedem ac locum mutant. Itaque nulla in lege nostra reperietur, vt apud cæteras ciuitates, maleficio, yllum exilio esse multatum. Sed cum homines, vincla, necesse, ignominiasque vitant, quæ sunt legibus constitutæ; confugiunt, quasi ad aram, in exilium, qui si in ciuitate legis vim subire velent. non prius ciuitatem, quam vitam amitterent: quia nolunt, non adimitur his ciuitas, sed ab his relinquitur, atque deponitur. Nam cum ex nostro iure duarum ciuitatum nemo esse possit, tum amittitur hæc ciuitas denique, cum is, qui profugit, receptus est in exilium, hoc est in aliam ciuitatem. Nō me præterit, recuperatores, tametsi de hoc iure multa prætereo, tamē me lōgius prolapsū esse quā

ratio vestri iudicij postularit. verum id feci, non quod vos in hac caussa hanc defensionem desiderare arbitrarer, sed vt omnes intelligerent, nec ademptam cuiquam ciuitatem esse, nec adimi posse. hoc cum eos scire volui, quibus Sulla voluit iniuriam facere; tum omnes ceteros nouos, veteresq; ciues. neque enim ratio asferri potest, cur si cuiquam nouo ciui potuerit adimi ciuitas, non omnibus patriciis, omnibus antiquissimis ciuibz possit. Nam ad hanc quidem caussam nihil hoc pertinuisset, primū ex eo intelligi potest, quod vos ea de re iudicare non debetis: deinde quod Sulla ipse ita tulit de ciuitate, vt non sustulerit horum nexa atque hæreditates, iubet enim eodem iure esse, quo fuerint Ariminenses: quos quis ignorat duodecim coloniarum fuisse, & a populo Ro. hereditates capere potuisse? Quod si adimi ciuitas A. Cæcinæ lege potuisset, magis illam rationem tamen omnes boni quæreremus, quemadmodum spectatissimum, prudentissimumq; hominem, summo consilio, summa virtute, summa auctoritate domestica præditum, leuatum iniuria ciuem retinere possemus, quam vti nunc, cum de iure ciuitatis nihil potuerit deperdere, quisquam existat, nisi tui, Sexte, similis & stultitia, & impudētia, qui huic ciuitatem ademptam esse dicat. Qui quoniam, recuperatores, suum ius non deseruit, neque quidquam illius audaciæ, petulantiaque concessit ** derelinquo iam communem caussam, populiq; Ro. ius in vestra fide ac religione depono. Is homo ita se probatum vobis vestrique similibus semper voluit, vt id non minus in hac caussa* laboraret, nec contenderit aliud, quam ne ius suum dissolute relinquere videretur: nec minus veretur, ne contemnere Ebutium, quam de eo contemptus esse existimaretur. Quapropter si quid extra iudicium est, quod homini tribuendum sit, habetis hominem singularem pudore, virtute cognita, & expectata fide,

amplis

amplissimum Etruriæ totius in vtraque fortuna cognitum multis signis & virtutis, & humanitatis. Si quid in contraria parte in homine offendendum sit, habetis eum, vt nihil dicam amplius, qui se homines coegisse fateatur. Sin hominibus remotis, de causâ quæritis, cum iudicium de vi sit. is qui arguitur, vim se hominibus armatis fecisse fateatur: verbo se, non æquitate defendere conetur: id quoque ei verbum ipsum ereptum esse videatis: auctoritatem sapientissimorum hominum facere nobiscum in iudicium non venire, vtrum Cæcina possederit, nec ne: tamen doceri possedisse: multo etiâ minus quæri, A. Cæcinnæ fundus sit, nec ne. me tamen id ipsum docuisse, fundû esse Cæcinæ: cum hæc ita sint, statuite quid vos tempora reipub. de armatis hominibus, quid illius confessio de vi, quid nostra decisio de æquitate, quid ratio interdicti de iure admo-
neant, vt iudicetis.

F I N I S.

IOAN. MICHAEL

BRVTVS LECTO-
RI S. D.

NON est nostrum consilium, lector, quantopere a nobis elaboratum sit Ciceronis orationibus emendandis longiore oratione explicare. Superuacuum enim est, cum re posui quod velis probare, de eo verbis fidem facere conari. Illud quidem te admonitum volumus, quod ad rem pertinere videtur, in hoc animaduersionum libello, quaecumque a nobis afferantur, quae a vulgata lectione dissentiant, iis, nisi qui eorum auctor sit a nobis edatur, tantum tribuas, quantum auctoritati doctorum hominum a quibus manant, tribuendum existimes: ea prima habearis, & antiquissima, quae certa ratio tueatur, atque ubi illa non pugnet, quae veterum aut scriptorum auctoritas, aut exemplarium consensus, & fides, quae a labe integra, & iniuria temporum sint: id quod tamen raro vsuuenire solet. Nemini enim ita utile suum ingenium est, ut malit alterius iudicio, quam suo stare, ubi se niti ratione aduersus auctoritatem adinaduerstat. Itaque prudenter fecerunt Victorius, Manutius, Faernus, Sigonius, Hotomanus, ut alios omittam, qui in iis etiam quae coniectura assequerentur, loco modo demonstrato, facultatem integræ eius restituendi aliorum industria minime praeceptam, quasi suo iure, ea sibi vindicata laude voluerunt. Iam & illud te minime fugere volumus, locos esse nonnullos a nobis animaduersos, qui cum in scholijs notati sint, suo loco in orationibus non aque indicati certa praescripta nota atque insigni conspiciantur eos, cum haud sint negligendis, paruo labore defunctus suo loco restituias licebit.

IOAN.



IOAN. MICHAELIS

BRVTI ANIMADVER-

SIONES IN M. TVL.

lij orationem pro P.

Quinctio.

16. 27 id quoque me in hac causâ deficit, Alij habent; quæ est propria, atque elegans in primis scribendi ratio.

17. 5. viris lectissimis ciuitatis.

26. disertissimos, florentissimos, ornatissimos.

18. 12. audisset. libri veteres integra verba habent, audiuisset, amauisset, & alia huiusmodi, quæ fere contrahi solent in vulgatis.

19. 23. arbitrio pro socio, Lamb. Hotom. arbitrium legit, sed tamen adductus ratione, arbitrio, legendum putat, arbitrium, omnes fere excusi habent.

26. commemorare: nam tametsi, Lamb. ceteri, vt noster, commemorare, tametsi.

32. moritur repentino. Man. Hot. Lamb.

20. 27. nisi a quæstoribus quæsissem id quod ratio postulat, putat Hot. legendum: quod si fit, facilius elicitur sensus.

21. 13. in auctione venderet. Lamb. auctione. sine, in, præpos. Hot. legi oportere existimat.

22. 9. ante diem 11. Lam. atque ita Hot. legendum putat, vt ratio dierum constet.

18. Tum Næuius pueros.

22. testificatur iste P. Quinctium non se stitisse, & se stitisse. Hot. ex vetusto codice.

23. tabulæ maximæ. Hot.

23. 4. quod

23. 4. quod si facere nolit, atque imbiberit.
Lamb. instituerit Hotom. emendat.

8. edicta pratorum, legit Hotom. & recte ille
quidem.

10 C. Aquilli, modo, & ratione, vt Hoto. emen-
datum edidimus.

28 Venit Romam Quinctius ad vadimonium.
sistit se. L. venit Romam Quinctius, vadimonium si-
stir, vt habet noster, & Hotom.

24. 3. iubet P. Quinctiū aut satisfacere, aut spon-
sionem. Hotom.

4. nisi bona sua ex edicto possessa non essent,
Lamb. at Hot. si bona vt noster.

25. 34. in ea verba sponsio facta est. ostendam.
Lamb.

26. 29. quod viri optimi faciunt, & si qui. Lāb.
Aliter Hot. Quod iure optimo faciunt, si qui, &c.
vt videtur, optimam rationem secutus.

30. necessarios, claros putat Hot. legendum.

27. 16. at aliquanto.

30. annum plus vixit, legit Hoto. ex manuscri-
ptorum codicum auctoritate.

28. 15. perorarit, Hot. emendat.

25. numquid præterea. Hotom.

29, 6. id proinde quasi factum sit.

15. qui postea quam vadimonium missum fece-
rit, hunc per insidias vi de agro communi deiecerit
ita Lamb. locum emendat.

21. repudiet qui fateatur.

26. atque ingratia. Lambin. quo modo veteres
loquebantur; Plaut. in his saepe.

30. 1. nihil igitur. Manut. Hotom.

17. Quid vero, legunt alij, non male.

22. at non nemo, emendat Hoto. qui totum lo-
cum commode atque erudite explicat.

31. mandatur, quidam legunt sed male.

31. 33. Si dupondius, vnus ageretur, ex veru-
stis

stis codicibus manuscriptis & excusis. emendat. Si de prædiis legas, nullus elici sensus queat, qui satis probari possit.

36. cucurrisses, alij legunt.

32. 2. non modo C. Aquillium,

11 qua tibi hora.

13 Ego pro te nunc consulo.

30. extremam, nec necessariam Hot. legit. adductus ratione, & coniectura non mala.

37 quærant: quemadmodum natus. Lam.

31. profectus vna, Man. & eadem linea, cum primis honestus, Hottom.

34. 11 In causa superior, videtur legendum.

19. commissum nihil esset. Lam. quod haberi in nonnullis exemplar. Hottom. affirmat. sed tamen ut ita esse probet, codicis ab Aldo excusi auctoritate adducitur.

20. possidere potuisse, Man. possideri, habet. Hottom. adscriptum in margine.

23. nisi latitant, qui ad negotium suum, relicto procuratore. proficiscuntur. Hottom. Man.

26. Dici id non potest. QVI ABSENS IUDICIO DEFENSUS NON FVERIT. ne id quidem. Hæc omnia verba ait Hotomanus, se ex libro manuscripto restituisse, quæ sunt inter verbum, VERTERIT, & Quo tempore, interponenda: quæ eadem Lambinus agnoscit: qui etiam aliquid in principio addit, Dici hoc de Quintio non potest. postrema verba, ne id quidem non habet.

33. quod prætor non ex edicto suo fieri iubeat, Lambinus quod prætor fieri, sed non ex edicto suo fieri iubeat. Hottomanus quomodo edidimus.

35. 4. adimit, ut sub. patitur, & mox, curat acceperit, videtur legi debere, ut congruat cum, responderit.

22. fatisdares, Lamb.

21. iubebare Hotom.

33. inter verbum recusasse, &, ita tamen lacunam Lambinus. interponit: omiffa autem hæc verba putat, cum fatisdare iuberetur, recusasse aut similia.

37. cuius procurator omnia iudicia acceperit, sublata, non negandi nota Hotomani legendum putat

36. a prætorere tribunos, non, vt antea, ad tribunos. Hotom.

3. eius bona, alij.

4. ignaro omnia fortunarum, ex vetusto libro Hot. edidit.

25. iudicium quod edat. ex veterum cod. auctoritate, alij legunt,

37. 11. Erat enim, inquit, Hotom.

13. cederet, Hotom. adiumento excusi libri Lugduni, restituit, cum antea hæreret, legeretur.

14. item volebat.

27. potentissimus erat Nænius.

388. at ea de re controuersia est. Lamb.

22. Hæc est iniqua certatio, qua huic ne vbi constiterit quidem contra te, locum reliquisti: non illa qua tu contra Alphenum velitabaris. Ita Lamb. legendum putat.

39. 2. Qui, cum ipsi nihil deberetur, vltro quasi. Lamb. vulgata lectio est plane corrupta.

42. 11. quin ex ipsius decreto. Lamb.

12. & iudicium acceperat. Lamb.

29. collocares? Omnia sunt, C. Aquilli, eiusmodi, quiuis vt perspicere possit, in hac causa improbitatem, & gratiam cum inopia, & veritate contendere. Atque hæc proinde loquar, quasi, si ipso illo tempore, cum te prætor iussisset ex edicto possidere, in possessionem misisses; debueris, aut potueris Publium, Quinctium possessione deturbare. Hæc duæ

ANIMAD.

dux periodi ita ordine conuerso a Lambino collocantur, atque inter verbum, deturbare, & quod sequitur, Prætor te, &c. spatium relinquitur.

43. 20. vis non afferatur, Lamb. ius non auferatur, Hotom. A duobus illis verbis, hoc dico, vsque ad illam periodon cuius est principium, Neuium ne appellasse, multa desiderantur. Hotom. quidem ait in libro non peruectusto, se hæc verba ad marginem adscripta inuenisse. Nam in vetusto exemplari duo folia inuenire abscissa.

46. 25. tamen posse consistere. Hotoman. Manutius.

35. quæstu prostitit. Hot. Lamb. quæstum præstitit habent vulgati, sed perperam.

47. 4. non prætorem modo a quo ius impetraret, atque adeo, vnde arbitrato suo postularet, inuenire non potuit: sed ne amicus quidem, &c. Lamb.

12 præhendit.

17. misericordia caperentur: aliquam si. Lambin.

IN ORAT. II. PRO

Sex. Roscio Amerino.

48. 12. Surrexerim, is, qui, &c. Manut. & alij illum secuti, Lamb. Hot. qui tamen ait pronomen, is, ab omnibus quos viderit, libris abesse; sed tamen non deesse suo iudicio.

49. 19 electus vnus. Manut. Hot. Lamb.

50. 9. & ad hanc suam. Lamb.

51. 30. omnes hanc quæstionem, te prætor, de manifestis maleficiis ante admissis, quotidianoque sanguine sperant futurum. Lamb. cetera vt nosse. futurum pro futuram, reponit ex ingenio Hotom.

54. 29. & ea, quæ præterita sunt reparet, & ea, quæ videntur instare præparet. Locum se re-

situisse Lam. ait ex vetusto libro manuscripto longe optimo.

55. 2. vt est. Lamb.

supplicium paricidarum, quæ verba vulgati habent, inter vocem, culeum, & illa per summum dedecus, interiecta, recte Hotom. tollit: in margine enim rei significandæ causâ adscripta, librarius imperitus tanquam Ciceronis essent, interposuit.

57. 24. desunt. Lamb. & Hot.

62. 8. nostram vitæ, male in vulgatis legitur.

63. 30. nec mirum, quem neque in vrbe videret, neque rure vocaturus esset. ita Manut. quam lectionem probat Hot. vt ait, libris omnibus dissidentibus. lectio cum vulgata flagitiosa: Nec mirum, qui neque in vrbe viueret, neque, &c.

31. euocaturus, legi mauult Hotomanus, facili errato, e, prima vocali, in postremam antecedentis remigrante.

65. 26. eas omnes, quod male vulgati habebant, Hot. sustulit, & alias omnes reposuit.

66. 36. prudentiam: aut confitere te ita recte locum ex ingenio Hot. emendat, cum antea perperam prudentiam, confitere huc, &c. legeretur.

67. 36. Quid postea? erat sane suspiciosus. Ho.

37. neutrum sensisse Hot.

68. 12. sed ne respirare quidem.

70. 9. terram non tangant. Hot.

10. alluantur, Hot.

72. 5. Meministisne T. Roscium recusare? Hotoman.

67. 34. cuiusmodi. non cuiusmodi, vt vulgati fere omnes legendum.

80. 27. nihil opus fuit te istic sedere, emendat Hot.

81. 24. num quisquam præterea? Hot.

82. 17. aliqua fretus aua, ex vetustis codicibus

A N I M A D.

bus Hot. emendat, & recte ille quidem.

83. 7. quod duas res. Manut. editionem secuti edidimus; in aliis dictio, duas desideratur.

18. in crimen mandati que iudicium infame revocatur, emendat Hot. Veteres enim omnes libros quos viderit, manuscriptos, ita habere testatur, in crimen mandati iudiciumque infamia: quam lectionem corruptam esse nemo non videt sed ex qua tamen vera, ac germana lectio effici possit.

88. 11. nulla redierunt, habet in margine Hot. aitque ita legi in omnibus antiquis & manuscriptis libris: quam lectionem probat: ut ex consuetudine Latini sermonis, nulla redierunt, sit pro, non redierunt.

17. rediuiam Hot. emendat, Festi auctoritatem secutus.

89. 12. pernicipij Hot. ex Gellio, antiquo more; ut dies dij, acies acij.

I N O R A T. P R O Q.

Roscio Comædo.

98. 8. Paullo ante. Locum corruptum ita Hotom. emendat, Paullo ante M. Perperna, C. Piso argentarij tabulas poscebamus. Antea sic legebatur, Paullo ante a M. Peperna P. Saturi tabulas poscebamus.

23. indignari de tabulis, Hot.

99. 65. coniecta, cum in libris vulgatis legere-
tur, Hot. ex vetustis exemplaribus, quæ, deiecta, habent, ex ingenio, disiecta, restituit.

99. 16. accepti, & expensi, rectius legi Hoto. putat.

100. 10. Si peteret H. s. 1000. dari male antea legebatur, cum, pateret, legendum esset. Locum Hotom. restituit: qui in huiusmodi formulis, veteres vfos verbis patere, & apparere, & quod in iuris in-

ANIMAD.

institution. habetur, parere ait.

101. 15. res eius est. reus is est, idem legendū censet.

103. 2. qui nostis, male excusi habent, vtrumque nostis, Hotom. ita autem res docet hoc loco legi oportere.

104. 32. accommodetur, Hotom.

105. 3. proprium non erat iudicium, male legitur in impressis. nemo enim, non videt, non esse tollendum. Hotomanus.

14. tetigit, Hot. Manut.

108. 28. ab hinc annis xv. corrigit Hot. xv. si legas, manifestum erratum.

qui cognitorem dat. scđum labem hinc Hotomanus sustulit, & locum restituit, qui cognitor est datus.

IN DIVINATIONEM

in Verrem.

115. 22. descenderim, videtur ex Asconij auctoritate legendum: qui tota hac periodo ait speciem solœcismi contineri.

116. 5. isse oporteret, nonnulli legunt.

6. in eum me locum adduci. alij habent.

119. 26. mallet de his, alij habent, & probāt. & mox, me vt mallet quam neminem. nobis nulla causa est visa vulgatam lectionem improbandi.

121. 19. vocem, Hortensius, tanquam e glossmate immigrarit, quidam putant tollendam.

122. 5. in iudiciis diutius dominari alij.

123. 30. H-S. 11. Manut. cum pudendo errato antea H-S. v. legeretur, recte reposuit.

126. 1. Mihi, mihi crede: noli, &c. Ita legit Manutius pronomine repetito, quem securi, iumus.

4. perficiendum. Manut. alij.

29. tem

ANIMAD.

29. temporis.

128. 3. subire inuidiæ, ex Asconio, vt Virgilius
in v. 1. subeuntque feretro. Idem lib. 9. Iamque pro-
pinquabant castris, muroque subibant.

19. in omnibus enim rebus. Hotoman. ex Af-
conio.

28. at ne is quidem.

32. vt tamen. Hotoman. Nam vocem tamen,
ex Nonij Marcelli auctoritate aliquando pro tan-
dem solere vsurpari a veteribus, nemo non no-
uit.

131. 1. vt hoc quaestori alij.

132. 31. publici muneris.

134. 22. M. Silano Hot. legit. Decimo Silano,
habent vulgati.

IN ACTIONEM II.

in Verum.

138. 20. vt is idem alij.

139. 23. prætor indicauit, male alij legunt. ex
Asconio, populus Romanus iam pridem Manut.
ediderat.

25. constitueret, alij malunt legi.

140. 5. pro quaestor alij.

9. depeculatio, alij legunt.

14. ita vastauit, vexauit, ac perdidit, alij.

141. 34. iudices, vobis exponam. & ead. pag.
fortuna reip. & paullo post, pro. condicio, condu-
ctio. Itæ olim Man. ediderat ex Asconio.

143. 24. perditu hominis, alij. & ead. pag. do-
mum mitteret.

144. 8. iam antea. Hot. paullo post, comit. de-
inde continuo esse, &c.

11. quantam vellent pecuniam, alij.

13. putare id perfici. Hotoman. sublato verbo
posse.

ANIMAD.

18. fuisse eandem. Hot. & alij.

33. arcesserentur, alij.

34. non venisse. Vide Asconium.

145. 17. eam reddidisse alij.

21. Arcessit, Ascon. ita autem fere semper in lib. manuscrip. legitur, ubi in vulgatis, accersit; neq; adeo in his solum, sed in omnibus etiam veterum scriptis.

146. 35. & dicendo, & recusando, alij.

148. 22. inimicum odiosum, accusatorem assiduum, acerbum aduersarium, legit Lamb.

149. 11. nulla, Hot. emendat ex Ioannis Luca-nij emendatione, cum, nullo, in omnibus & excusis, & manuscr. legatur.

15. in vnumquemque vestrum, alij legunt.

16. xxx. M. alij habent, Asconius tricies. quam lectionem Hoto. etsi non satis probat, sequitur ta-men tamquam veriolem.

151. 27. nostrum, alij. vestrum Hot.

153. 2. qui sis, quo loco, quod in omnibus vul-gatis est, Aldus olim ex Ascanio, quo loco sis, emen-dauerat.

31. responderi. & sequenti linea, diuturnitate, non diuturnitatis, legendum; vt emendauit Ioachi-mus Camerarius, ex auctoritate veterum librorum. quam lectionem reiiicit Hot.

154. 17. nunc id quod facimus, ea ratione fa-cimus, corrupta lectio & deprauata, ex Asco. emen-datur, vno verbo, facinus, quod secundo loco est positum sublato.

IN ACTIONEM III.

in Verrem.

155. 10. esse, apud Hot. & alios.

156. 25. aliqua ex parte mea diligentia con-stituta, auctoritas iudiciorum viderentur. Postre-mo,

ANIMAD.

mo, vt hoc esset iudicatum, vt finis aliquando iudicariæ controuersiæ constitueretur. Hæc scde corrupta in omnibus vulgatis, Hot. coniectura restituta, edidimus.

30 reus est homo, Hot. legit. Apud Ascon. Reus est enim, habetur: quomodo Manutius & ante illum Ald. edidit.

157. 9. quod iste inuentus est. Hoto. quod iste vnus inuentus est, ex Prisc.

158. 4. quam eos qui istum, alij.

19. poterimus, Lamb. edidit.

162. 34. nostri ordinis, Lamb.

164. 29. C. Sacerdote, ait, Hot. in manuscripto libro se inuenisse.

29 Messaniam alij habent.

165. 11 eos nummos sami, in nonnullis legitur

16. ex criminibus, Lamb.

166. 3. hoc si ego, alij.

33. productorum, habent plerique. Hotom. ex Ascanio, perductorum, quod etiam ante illum Manut. viderat.

167. 16. beneficiis. officiisque omnibus: Man. habet Hoto. verbum omnibus, tollendum putat. ita enim ait legi in vetustis exemplaribus.

168. 7. DECIES, alij habent.

26. RES RATIONVM, quod est in vulgatis, VERBIS RATIONVM Hoto. probabili coniectura emendat.

169. 30. prospicere, alij legunt.

173. 30. subfortiturus, ex coniectura, Hot. cum antea subfortitus, legeretur.

175. 4. cupiam, alij malunt,

178. 16. sed eam, Hot. & paullo post, ne quid ipse in se offenderit, quomodo edidimus.

31. tamen ipsos tantum Hoto. quem secuti, sumus: tum ipsos tantum, alij habent: alij, tum ipsos tamen.

179. 31. primus, Hotoman. alij primarius malunt, & paulo ante, domo. pugna inter seruos. In alijs vox, pugna, abest, minime illa tamen necessaria.

180. 8. audiret. Lamb. Videret, alij vulgati non male.

25. ignemque Lamb. Alij ignem.

181. 16. Sed hoc tū dixit. L. In alijs abest particula, sed.

182. 24. de creditoribus; habent vulgati. nos ex Asconio, & ex creditoribus, reposuimus.

37. concursationes, cum antea male, concursiones legeretur, ex Hotoman. emendatione edidimus.

183. 25. Iam iam Dolabella, neque me tui, neque liberum miserit, ita Hotoman. ex Ascanio, & Quint.

184. 22. Recita ex Verris litteris ad Neronem. EX LITTERIS C. VERRIS AD C. NERONEM. hæc verba quæ in omnibus vulgatis desiderabantur, ex Hot. reponenda curauimus. Ratio autem vincit ita esse legendum.

25. Lampfaci ciuitas facere conabatur? deficere ab imperio, ac nomine nostro volebat? ita legi in omnibus vetustis exemplaribus Hotoman. affirmat: Sed minime ex Latini sermonis consuetudine. quis enim, Romæ ciuitas; aut Carthaginis ciuitas Latine se dici posse putet?

186. 15. contulisse, Hotom. & paulo post, insimularis, quo modo Lamb. legit.

21. Scribit Ald. sed male.

26. recita in vulgatis quibusdam deest.

187. 23. accipite vero. Lamb.

37. L. Rabio allj habent. L. Fannio est ex Asconio legendum.

189. 2. qui tamen mensē Februarium. &

ANIMAD.

c o s s. designatorū nomen expectant. Ita cum antea legeretur, Hotoman. ex Asconij auctoritate locum restituit. quam lectionem probauimus.

34. a multis Lamb.

36 corruptum, & fœde deprauatum locum egregie Lambinus ex Asconio restituit.

190. 15. præbuisse Lamb.

21. sed Malleolus a me productus, & mater. Lamb

24. ipse Malleolus.

191. 14. PECVNIAQVE POPVLO ROM, REDACTA.

34 fecerunt. Ita est. sed ego Lambin. & paullo post protogaretur vt iam pridem edidit Manut.

192. 25 quod plus frumenti. partim ex Hotomani emendatione, partim ex Lamb. locum restitutum, cum præpostero ordine vsque ad verbum, hinc legeretur, edendum curauimus.

195. 4. quid potius Manut. atque alij impressi habent.

9. EA TESTAMENTVM FECIT, FECERIT. Lamb.

12. alij habent, quod; alij, quæ, æque bene.

20. Q. habet Lambin. Fuit autem Q. Voconius Saxa tribunus plebis Cæpione, & Philippo c o s s. Vide Hot. de leg.

29. vocentur. testamentaria, nummaria. ita legit Lamb. sublato verbo, Cornelia. Vide Hot. comment. Idem paullo post, in populum, legit.

36 patiatur? Lamb.

37. Fuffias, in nonnullis abest. Hot. Lamb.

196. 18. tum, alij, legi malunt. alij, tantum, vt Hotom.

23. mercenarioque, Lambin. alij, quæ, non habent.

30. Iam hoc. Lamb. Itaque alij.

197. 36. oporteret: si is intestato mortuus esset, ita secundum, &c. a verbo si, usque ad, ita, recte censet Hot. verba omnia tollenda, tanquam ex Asconij interpretatione in Cicer. orationem immigrarint.

204. 2. censoribus, vt recte censet Hot. plane legendum.

205. 7. Iam, cum in vulgatis legeretur, Nam, Hot. edidit: quam lectionem haberi ait in omnibus suis manuscriptis.

33. præpretio, legit Lamb.

208. 16. EX OPERE FACIENDO PV-
PILLI IVNII QVÆ. Hot.

19. censorie, Lambin. quæ mihi magis lectio probatur.

209. 13 RESCIDERIT, legit Lamb.

26. HOC OPVS BONVM, quod nonnulli habent credit Hot. male ex Asconio sumptum: cui assentior.

41. manupretium machinæ Hoto. manupretij Lamb.

210. 29 Hac condicione, si quis de populo redemptor accessisset, cum die ceteros redemptores exclusisset, tum in eius arbitrium & potestatem venire nolebat, qui sibi ereptam prædam arbitraretur. Ita in vulgatis habetur. Quæ verba ita Lambinus corrigit: Hac condicione, si quis de populo redemptor accessisset, non esset vltus: cum die ceteros redemptores exclusisset; tum in eius arbitrium ac potestatem venire nolebat, qui sibi ereptam prædam arbitraretur. Diuersam rationem secutus eadem secus Hoto. emendat, quem secuti sumus.

211. 9. & fletisse cum patruo, &c. Lamb.

114. 16. quam largissimam fieri edidit. Asconius.

ANIMAD.

8. cum iis quos iste annuerat, emendat Hot. ex Ascanio. Lambinus, cum eos quibus innuerat.

IN ACTIONEM IIII.

in Verrem.

216. 14. multo locupletioribus, Lamb.

217. 6. postquam Hotom. & postea, ex Asconio, Lamb.

220. 27. euerrenda recte cēset Hot. legi oportere, ut sit allusio ad Verris nomen.

221. 28. hunc hominem Lamb.

224. 32. Quid vero si aliud quoque accedet, &c. alij.

225. 11. QVI CIVIS. Locum fœde antea corruptum ex Hotomani, & Lambini coniectura restitutum excudi curauimus.

228. 20. Quid hoc homine facias? Lamb.

229. 17. quoniam apud Hot. & Lamb. vacat.

232. 14. ne ille quidem. Lamb.

17. discessit, alij, quam lectionem videtur Hor. probare.

233. 24. Siracusanos, alij.

29. Iam, habent vulgati Nos ex Hot. & Lamb. Sed iam, edidimus.

234. 11. ea etiam intestata mortua. Lamb.

27. res occultari satis non posse, cum alij tum Manutius habet alij, cum res occultari satis non posset. Res occultari satis non potest. quæ lectio in veteribus omnibus habetur, Hotomano & Lambino assensu, excudi curauimus.

235. 12. Verres refert illam summan, Nos Hotoman coniectura probata, Verres refert se ad illā suam rationem Siracusanam, edidimus.

237. 31. quisquis erat aditus, legit Lamb.

39. 13. dedisset, noster habebat. Hot. & Lamb. prabuisset.

ANIMAD.

24. millibus Hot.Lam.
 241. 20. cum cupiditate.Lamb.
 34. condemnat.Lamb.
 243. 20. istum de vobis iudicem, alij habent: in
 his Manut.
 6. tam, vacat apud Lamb.habent alij.
 245. 8. attendite diligenter, inuenietis enim,
 Lamb.editio.& ead.pag.affabre facti.
 29. angebatur. Lambin. & paullo post, per-
 uagata, & eadem pagina. humanitatem & æquita-
 tem.
 248. 9. a cupiditate omni.
 250. 28. cum tibi integra.
 252. 33. cedo quæso.
 253. 20. hoc probabitis? Hoto. hoc probabis?
 Lambinus.
 23. ante te. alij.
 254. 5. periculo, Lamb.
 15. obtinebat.Hor.
 17. videretur, & qui.
 21. dubitabitis.
 255. 35. arcefferetur.Lamb.quo de verbo ali-
 bi diximus.
 256, 15. a communi Siciliae Hot.legendum pu-
 tat: vt alibi commune Miliadum, & infra, vt ij pro
 parte in commune Siciliae conferrent.
 27. aut in Erico monte, quod reposuimus aut
 in Ericino, vt Horomanus censet, legendum
 videtur. Erico male in nonnullis vulgatis habe-
 tur.
 259. 32. sancta sunt Hot.Lamb.
 36. essent in senatu ex colon. & mox veterum.
 & paullo post, quispiam senator. & non ita multo
 inf.hic amplior numerus.
 261. 17. Cephaledij, Lamb.
 263. 30. Huius vero hæc erat.Hot.
 265. 27. cum in te prætorem.Lamb.
 265. 27. Quid

ANIMAD.

266. 18. Quid enim vis constitui? Hot.

34. arcessat. Lamb.

269. 31. cupiat omnino. Lamb.

270. 29. tandem Hot.

271. 2. at huius alij. Hot. Huius.

29. a communi Siciliae. Hot.

272. 6. huc conueniunt, Hot. Lamb.

274. 15. sed aliorum commune, & conuentus illius, &c.

22. atque illam rem. Lamb.

275. 1. testimonio publice. Lam.

10. reponuntur: decreta Centuri pinorum quæ de statutis erant facta, non tolluntur. Hic ego. quæ verba interiecta sunt inter verbum, reponuntur, & Hic ego, Lambinus habet: in aliorum edition, ab- sunt.

276. 28. demonstratum est Lamb.

277. 1. bene an male. Hot. legendum putat.

11. humanum antea legebatur, in vetustis libris hominum habetur.

281. 5. ne quid in te fingam, habent alij.

281. 5. & vt verum scire possitis, emendat Hot. cum antea copula, & desideraretur.

12. tacito cetera intelligetis, Lamb.

14. an non istum, Hot.

19. vlla vi aut ratione absolui potest? Hotomani coniecturam secuti excudendum curauimus. nulla vi, Manutius sine interrogandi nota.

35. qui per eos annos magistri istius societatis fuissent, apud quos tabulæ fuissent. sciebam &c. ita habet Lamb.

282. 10. Nec erant hæc, corrigit Hotom. Erant hæc Lamb. sublata negaudi nota. Nos vulgatam lectionem retinuimus.

18. LIBELLVS CANVLEII. Hotom. LIBELLI CANVLEII. Lamb.

ANIMAD.
IN ACTIONEM V.
in Verrem.

287. 23. adduxeris in iudicium Lamb.

288. 34. arbitrarere, cum antea legeretur arbitrare, edidimus, probata Hot.coniectura.

289. 5. omnium clarorum, atque nobilium virorum.

292. 3. hereditatem a liberis ad alienos, edidimus. In aliis impressis male desiderari verbum a liberis, videtur.

24. CES S. alij habent. Hot. adi. & rursus paulo infra, ead. pag.

293. 26. conuerteret, alij; in his Manut. conuerterit, legi mauult Hotomanus, & auctoritate veterum codicum, & ratione adductus.

31. multorum prætorum legit Lambinus. nisi autem vocem illam, prætorum, adscribas, locus mâcus esse videatur.

195. 12. quid, quid est hoc? Hot. Lamb.

23. quæ vectigalia sunt. corruptum fœde locū Hotomanus ita emendat, vt qua, vno modo commutata littera legendum putet. Lambinus, quæ ipsa vectigalis sit, vt ad Italiam referatur, qua non erat vectigalium immunis.

296. 5. iugis in vulgatis legitur, quam lectionem tuetur Hotomanus, Varronis, & Plinij auctoritate. Lamb. iugeris, legi mauult.

298. 36. quod poposcerint. Lamb. & ead. pag. lynceus, quod in omnibus fere vulgatis hæserat. pro eo Hot. ex Aldi editione, & luteus legendum recte censet.

299. 34. vi, Hot. & alij, vt ad Verrem referatur verbum coerceat.

36. opponitur, Lamb. legit.

300. 2. prohibitio, vbi alij, cohibitio.

12. calumniandi, noster ante habebat. Pro
co,

eo, calumniandis, Hot. assensu edidimus.

301. 1. constituisse, quod male hærebat in omnibus vulgatis, secuti Hot. coniecturam in verbum, reperisse conuertimus, cum in aliis irrupisse haberetur.

302. 32. ferant. In beneficio populi Romani hoc petit, hoc est, quod commodo sit, atque vsui populo Romano futurum: ita legit Lamb. Hot. nulla distinctionis nota interposita, ferant in beneficio populi Romani, legi mauult: itaque rem interpretatur, in agris quos beneficio populi Romani cum publicati essent, possident.

303. 23. assequi potuit, Lamb.

34. nunc alij legunt: in his Hotomanus. tunc, quod mauult Lambinus, & docet ratio, ipsi excudi iussimus.

307. 3. edicti pœna alij. edicta, noster, edicti autem probauimus Hotomano assensu.

13. id quod satis erat, alij impressi habent: nos, id quod in satis erat, Manutio, atque Hotomano assensu, edi curauimus.

14. vxoris esse, Lamb.

17. Cossutius, alij.

33. vt Xeno audiret, Lamb.

310. 35. nemo abs te productus. hæc verba Hotom. ex Nonio restituit, cum antea desiderarentur. ita enim legebatur, nemo tuorum amicorum, nemo abs te interrogatus.

312. 22. Aliam ciuitatem occurrere, Manut.

314 1. præclara hominum honestissimorum, legit Lamb. quæ cum vsitatio, tum elegantior dicendi ratio est.

31. medimna xxx. 11. male antea legebatur. in vetustis libris scripta hæc vox inuenitur nota non obscura MED. vt cum, medimnum, significet, intelligendum sit, quemadmodum, cum de sestertijs mentio sit, vocem hanc, millia, eleganter

ANIMAD.

desiderari. Vide Hot. à quo hæc scripsimus.

315. 2. medimnum x x x i i i. millia postea.

6. ut probaret hoc triticum, quod ei dabatur, imperat, &c. Lamb.

9. lucri nomine imperato, Lamb. quæ lectio magis probatur.

34. Pyragri, cum in omnibus vulgatis fere excusum esset, religio visa est quidquam immutare: atque adeo, etiam si me non fugit, Pyragro legendum ex certa, & magis usitata loquendi consuetudine. Pyragro nomen est, legit Lamb.

316. 7. iniuriæ Lamb.

8. non una te tantum, sed &c.

21. medimnum x x x v i i. Hot. alij v i i. ut Lã. qui vocem modium retinet.

28. x x. millibus, Lamb.

31. xvi. millia, Lamb.

317. 19. addicuntur medimnum c c i o o c c i o o c c i o o. 1 o o legit Lambinus. Tu lege in contextu nostro, addicuntur, pro qua voce corrupte excusum est, adiciuntur.

25. medimnum c i o c i o c i o c i o. Hotomanus medimnum c i o c i o c i o 1 o o.

319. 15. ab ipso partarum. Lamb. perperam autem in vulgatis antea, a populo factarum legebatur: ipsi ex Hot. coniectura, ab ipso factarum, excudi curauimus. Ibidem, alij legunt & posset, & esset, ut noster, Hotomanus ut populo Rom. esset pro lege. Vide illius comment.

28. Ecestenium, corrigendum Hotom. ex Plinio suspicatur: & infra Ecestenenses, & Ecestenium.

34. Tritici modium quinque millia, & accessiorem, legit Manut.

320. 1. 1 o o o. Lamb.

15. v. millia, Lamb. bis eadem pag.

27. venisse, Hot. veniuisse, alij.

321. 11. Tiflensisibus, & paulo infra, Tiflenses.

ANIMAD.

ses, Lamb.

13. Diognotum curauimus imprimendum Ho.
assensu eadem pag. Sed, Lambi. legit, & paulo post,
Tissinenses, & sequenti linea, x x. millia.

19. CIO CIO CIO medimnum, edidimus assen-
si Hot. antea perperam legebatur H. s. M M. modiu.

26. Tissinensium. Lamb. & paulo etiam infra
TISSINENSIVM.

322. 3. XXII. millia, Manut. quomodo & ipsi
edidimus.

19. DCCCL. Lambin & seq. pagina, linea 14.
CC. & paulo post, duo millia.

313. 21. H. s. XVI. millia, & medimna IO. CLIV.
legit Lamb.

334. 15. prudentes, antea perperam in nostro
hæserat, vt in aliis etiam vulgatis; cum pudentes le-
gendum ratio doceat.

325. 15. Addicuntur Venuleio tritici modium
VI I I. millibus. Lamb. & non multo post, tritici mo-
dii DC.

22. Acharenses. Lamb. & vbiq; semper.

30. IOOO CCIOO CCIOO & H. s. III. millia,
alij legunt.

326. 7. Mutyensem ex Hot. correctione emen-
dauimus; cum & Muticensem antea, & Motu-
ensem legeretur. Ita autem apud Plin. legitur, in
melioris notæ exemplaribus.

20. SERV O. Recita ex litteris publicis. ita edi-
dimus Hot. secuti: cum hæc verba, Recita ex litte-
ris publicis, antea desiderarentur, haud ita tamen
grauis iactura.

25. acerbissimas, Lamb.

32. diligentissimorumq; & locupletissimorū
hominum querimonias.

37. amicissimorumq; populi Rom. agros.

327. 4. decumarum, Lamb.

11. superfuisse si cui. Lam. & infra eadem pag.

ANIMAD.

15. Aetnensem, & Leontinum.

329. 14. consignata. meæ diligentiae pensum magis in agro Leontino est exigendum. Ita emendat hunc locum, & quidem egregie Lamb. ut mihi videtur. Vulgati habent, consignata, mea diligentia. pensum magis, &c.

330. 15. improbitatem, Lamb. quæ mihi lectio elegantior videtur: ut sit, quod respondeat voci, improbus. Manut. iniquitatem, habet.

25. se tuum, non suum Lamb.

331. 21. atqui ex vetusto codice Hot. emendat, cum, atque in vulgatis legatur. quam lectionem probauimus.

332. 16. reliquæ sunt, tritici c c c x x i i i i. millia. Lamb. Sane nisi verbum substituas, manca oratio, & imperfecta videatur. duriuscule enim desideratur.

26. singula nummum, hoc est millia, Hot.

334. 1. Cui h. s. dena merces esset, Manut.

335. 21. minores remansisse, locum hunc veluti mancum Lamb. asterisco notat. timore remansisse Hot. legendum censet: cuius coniecturam secuti sumus.

336. 28. Dicit quanti, Hot. corrigit ex vetusto libro, & manuscripto, Dicit deinde quanti.

36. & præsentem confirmasse, ait, se Hot. legisse in optimo exemplari, & perantiquo.

37. tantum quod, Lamb. & Hotom.

337. 11. Et post nostram, patrumque memoriam Manut.

13. interito. Lamb. ex Nonij auctoritate legit. Hot. receptam vulgo lectionem retinet.

31. sentis, antea, nos, non sentis excudendum curauimus ex Hotom.

341. 12. hominum, Lamb. & alij. Veteres idem quod noster, habent, populi Romani. in his Hotom. eadem pagina dedecore, ne verbo, Lamb. habet, & mox,

ANIMAD.

mox, atque: pro quo, neque Manut. edidit.

342. 1. videres? Lamb. & Hotomanus ita legendum putat; vt totam hanc periodum *εἰς πρὸς τὴν* effere^{ndam} contendat, abiecta interrogandi nota, quam quidam habent Manut. quem sequimur, non habet.

19. erat, Lamb.

343. 23. in prouincia. Lamb. paullo infra, spon-
sionem acceptam missam facere, existimat Hotom.
legendum.

344. 19. profiterere, Lamb.

15. ex hoc. in aliis, ex, abest.

34. litteras, res manifestas quæris, corrigit Ho-
tom. cum antea hæc vox, res, desideraretur.

347. 4. quam maximi ex Hot libro manuscri-
pto, cum male antea, quam maximam, legeretur, e-
didimus.

348. 16. cupioque te ita illud Lamb.

350. 20. APPONE, alij legunt, & quidam eti-
am impressi ita habent.

23. DA, PROFVNDE, SI VELIS VIN-
CERE, Lamb. dare, profundere, opponere, si velis
vincere. Manut.

33. CONFICIES.

352. 6. impuro, Lamb. & eadem pag. ex qua in
aratorem recuperatores nulli dabantur.

14. sunt. O Timarchide, Hot. legit.

353. 4. esset ex inerti, Lamb.

12. quamuis, Hotom.

354. 6. terni, non ternos docet Hotom. legen-
dum, & ratione, & auctoritate veteris codicis, inni-
xus.

7. bis & tricies probata in primis Hot. conie-
ctura, edidimus.

23. nihil cuiquam probari, Lamb.

355. 17. scripturæ & eius societatis. Hotom.
scripturæ & societatis. Lamb.

ANIMAD.

18. quas ego Syracusis in litterarum missarum libris apud magistrum Tullium familiarem meum inueni. Ita legit Lamb.

357. 16. hexagena, Lamb.

24. frumentum improbare, suum probare, cum suum probasset, pretium ei frumento constituere. Lamb. idem paullo infra.

28. gradus? si singulis insistere velim, progressi ipse non possum.

358. 9. efferrent, Lamb.

9. cur ex eodem, Lamb.

28. Vtrum te lex Terentia, Siculorum, an populi Rom. pecunia, frumentum a Siculis emere iussit? Lamb.

359. 16. non interpolatis. Lamb.

360. 6. auertisse Lamb. conuertisse, alii.

16. cum a Dolabelia, Lamb.

37. quod multis est testimoniis. Lamb.

361. 13. in singula medimna. Lamb.

24. qui tibi vel. Lamb.

362. 5. auerteret, Lamb.

31. adduxerit, Manut. aduexerit. Lamb.

32. adire alij, male alij, abire, & adesse.

363. 18. quattuordecies Lamb. bis ead. pag.

364. 36. donatus. Hotom. dono datus, Lamb.

365. 6. tum vero, alij emendant, ex, te vero. non ster quidem habet, & vero, quam lectionem, ut credimus, meliorem retinuimus: facilis vero fuit lapsus a copula, &, in pronomen, te.

366. 7. defensionis. Instituerunt. hanc probat lectionem Lamb.

367. 31. esset modius H-s. binis Lamb.

368. 26. nam speraueram, ex Hotom. emendauimus, cum antea, non speraueram legeretur, sed perperam.

369. 1. dic, dic, inquit. Lamb. & eadem pag. hoc deerrat iniuriæ, & sequentis paginae lin. 8. in quo elaborasset.

ANIMAD.

laborasset.

26. vt & arator. Lamb.

371. 25. pro sua parte, alii legunt.

372. 8. non ex lege, non ex eo quod oportue-
rit, non ex eo quod licuerit. Lamb.

10. Fecerunt alii. Lamb.

374. 19. præcipue lex, non, præcipua recte Ho.
legendum existimat.

35. proconsulibus. Lamb.

375. 4. quam possit defendere, Lamb. quam si
posset defendere. Hot. quem sumus secuti.

376. 4. erat, Lamb.

15. dicitis? Lamb.

377. 14. angustis. Hotom.

30. erit comprobatum. Lamb. & linea sequët.

31. ternis denariis æstimari licere, denis non li-
cere.

478. 5. non est satis.

29. præclaros viros: præclaros vero Lamb.
quæ multo nobis lectio elegantior videtur.

379. 7. auertatur, Lamb. & eadem linea. vltio
modo. quæ nobis magis lectio probatur, siue ille
coniectura adductus, siue ex vetere exemplari ita
locum corrigendum censuit.

15. Vellem negare posset æstimatione se vsu,
Lamb.

380. 15. vix ipsæ, Lamb. & paullo post, & con-
suetudine detrahantur.

IN ACTIONEM VI IN

Verrum.

381. 35. suo, non uominis nondere. Lamb. qui
ita legi ait in omnibus quos viderit manuscriptis.
Hotom. receptam vulgo lectionem tuetur.

382. 9. conquisierit Lamb.

382. 18. quod ad oculos animumq; acciderit,

ANIMAD.

Lamb.& eadem pagina, perhospitalis.

383. 17. & certe est. Lamb. Idem mox legit. Item ante hosce deos erant arulæ, quam lectionem ait, in ali. uot manuscriptis exemplaribus haberi.

386. 6. multis, esse, Manut. & alij.

386. 19. v. i. mil. & d. ex Hotomani coniectura, edidimus.

388. 22. requirit, tibi habe. Lamb.

388. 35. quam putas. Lamb. & n. ox, constituerint, pro, constituerent.

389. 6. ingratiis. paullo post, quæ modo integra referuare volui, vt. ita haberi Hot. in suis veter. exemplaribus ait, quæ lectio minime esse ab surda videtur.

389. 16. multas familias in perpetuum, auctorem secuti Hotom. excudi curauimus, cum antea, familias totas in perpetuum, iegeretur.

390. 10. Hunc locum Manut. tamquam corruptum asterisco notat. Ita autem legit, Itane vero? C. Cato, &c,

390. 37. communicauit, Lamb.

391. 26. imminuendo. alij.

392. 20. Quemadmodum habent vulgati; ex qua voce deprauata, Man. mirifica coniectura tres efficit, Quæsiui an domum, in primis huic loco aptas.

393. 6. minus habiturum, & Manut. & alij legunt, minus inuidiæ habiturum, vt noster, Hotom. quam lectionem retinuimus.

393. 11. apud alium eas. Lamb. & mox, istius tantum fuisse.

393. 26. domo fugientes.

393. 30. in tabulas. Lamb.

394. 24. cc. millia legit Lamb. Hotom. festerios cc. putat legendum: quæ summa est coronatorum quinque. nam cc. millia, summam numum aureorum v. mill. efficiunt: quanti vix verisimile est,

ANIMAD.

est, scyphos æstimatos esse.

395. 14. illorum non veniret in mentem, Lambinus. Negationem, nec Manut. nec Vict. neque alij excusi habent.

30. dicat licet se emisse. Lamb.

398. 24. res clara Sicilia tota. Lamb. pro reclam. Sicilia tota; quod omnes vulgati habent.

401. 15. cupidissimorum infanias, Lamb.

37. qui cum. alij Hotom.

402. 15. argentum ille. Lamb. & pag. seq. lin. 2. iste quasi. & lin. 20. transferendum, Hotom. legit.

403. 9. ascendere, Lamb.

10. Artagathum alij legi malunt; Archagatum, Manut. habet.

404. 5. vt egomet mihi detraham, cum alij, tum noster. Hot. ita ex Nonio emendat; vt ipse de me detraham; quam lectionem, auctoritate etiam veteris exemplaris tuetur.

16. nummorum dicis causa, quid sit, docet multis exemplis doctissime Hot. ita autem interpretatur, falsa specie rei obiecta, per speciem solutionis. nummulum legit Lamb.

405. 11. aliquam multi. Lamb. & eadem pag. quid. quemadmodum ratio vincit legi oportere. ex lectione enim vulgata sensus huius loci nullus elici potest. Paulo post, audiretur Hot legit.

407. 31. excauata, manubrio aureo, alij.

409. 3. ornatum. Lambin. Alij excusi, ornatum.

24. decedere, Lamb. magis vsitato verbo hoc loco.

414. 12. vniuersis. Lamb. Vniuersam, alii habent æque bene.

25. exportabatur. vbi alii impressi, exportaretur.

415. 33. munus. Lamb. & paulo post, obtruiuit. & eadem pag. relinques, ac deferes, Lamb.

ANIMAD.

416. 37. ne ista præclara, Lambin. vt ista Ald.
417. 22. Carthagine capta, recuperatum Lam-
binus.

418. 19. societasque. Lamb.

419. 31. in ære, in imbri, Lamb.

421. 18. Præuisa, atque præcauta, Man. & ex-
cusi alij, habent: sed, prouisa omnino videtur legē-
dum.

422. 25. riētum eius ac mentum. Hor. ex Non.
emendat in voce, Riētum: quod esse neutri gene-
ris exemplo etiam Lucretij, præter hunc Ciceron-
is locum, ostendit.

37. aduentu necopinato, neque repentino. &
paullo infra, fors offerebat.

433. 7. Horam amplius, alij.

31. æditimi custodesque, emendat Hotom ex
Aul. Gellij auctoritate: qui ita affirmat se legisse in
fidelissimis exemplaribus: quam lectionem secuti
sumus. In vulgatis omnibus æditui habetur.

425. 3. antistitæ, non antistites, excudendum
curauimus. Ita autem legi ait Hotom. in omnibus
veteribus libris, quos viderit; itaque legendum
præterea Plauti, Gellij, Prisciani auctoritate con-
tendit.

23. quid expectas? alij, nos, spectat edidimus
atque præclare sensu. Recte autem dicitur de hæsi-
tante, & cui videntur omnia auxilia defutura.

30. incidisti, alij excusi, decidisti.

426. 20. prælio, alij legunt: copia, nos quidem
quod noster habet, & impressi alij, retinuimus. quā
lectionem facile videmur posse tueri veterum au-
thoritate; qui nonnumquam copia, pro copiis v-
tuntur.

428. 8. perexcēlso, alij legunt: præcelso a-
lii.

10. ab omni aditu, in excusis abest particula,
ab.

14. prope

ANIMAD

14. prope est spelunca. propter excusi habent.
16. ex qua Dicem patrem. in aliis, ex non habetur.

429. 12. vestras: etenim iamdudum, alii.

24. nec tamen eo contentus, fuit. ac tamen eo contentus non fuit.

29. e manu. in manu, alii excusi omnes.

430. 16. habitare Cererem apud sese.

431. 16. scelusque istius. alij, scelere, malunt.

quibus stant alij vulgat. omnes.

27. vestram. neque enim, &c. ut ad vocem religionem referatur.

432. 13. purum a cæde. alij legunt: quæ nobis lectio ne plane probetur, Liuius facit, qui datam urbem militi diripiendam, in direptione, multa iræ, multa inuidiæ, multa auaritiæ exempla edita, atque interfectum Archimedes prodidit: quæ vna res possit probare cuius haud purum a cæde forum Syracusarum fuisse: plurima cæde fuisse.

33. coniungitur, alij habent, & munitione, eadem pag.

436. 9. videatur, Syllanionis. alij sic. videatur. An Syllanionis, &c.

25. ferenda. ad deferenda, alij habent.

35. scriptum est: alij inscriptum.

36. Pæconis. & infra, Pæcon, linea 33. Pæanis impressi alij.

437. 13. conicere: colligere, alij vulgati, haud malo sensu.

438. 3. dicentur: vbi alij, dicerentur.

11. Item nunc. alij, ita nunc.

33. venditare: vendere, alij.

35. coemebant, aut nisi: vbi alij, coemebant nisi.

439. 9. abalienasse: legunt alii.

440. 6. non modo lenitudine.

10. exscribendam. nos, exquirebam. quæ vulgata lectio est non mala.

443. 1. principium sententiæ, & Manutius & alij vulgati habent. nos, principio, vt est ab Hotomano emendatum, edidimus. Lamb. quidem ait, principū sententiæ, se in duobus manuscriptis legisse, commonefaceret de istius turpi, calamitolaque prætura. nos lectionem vulgatam retinuimus.

444. 3. inquisitum, aliis magis probatur.

4. prope cunctis: prope coniunctis, alij vulgati habent, præclare, hoc est, minime variantibus, atque vnum & idem decernentibus.

6. Atque adeo cum iam non solum: noster habet: quam lectionem cur mutarem, nulla causa est visa, alij, At vero cum iam, in his Hot. cum iam id non solum, &c. Lamb.

33. id ferre nullo modo posse. Manut. quæ mihi magis lectio probatur.

445. 20 ille contra dicere, negare illud s. c. in quo prætor appellatus esset mihi tradi oportere: ego legem recitare: omnium mihi tabularum & litterarum fieri potestatem oportere: contra, ille furiosus vrgeri nihil ad se nostras leges pertinere. Ita esse legendum contendit Lamb. qui locum plane corruptum, ex ingenio, vt videtur, restituit, atque ex auctoritate veterum exemplarium.

IN ACTIONEM VII.

in Verrem,

448. 28. magna laus & honesta oratio.

29 post illud bellum.

449. 8. At cum esset in Italia bellum.

405. 24. cum Tricalino hætenus in vulgatis legeretur, Triocalino excudi curauimus, ex Hotomani emendatione, & quorum ille vtitur auctoritate, Volaterrano, & Silio. huius autem hoc citat carmen

Et

ANIMAD.

Et mox seruili vastata Triocala bello.

451. 1. posset esse potest, alii.

12. homines sceleris. Lamb. nomine alii excusi.

452. 20. dicere: quid, alii, & vero dictio, dominos videtur redundare.

456. 14. obiectum.

33. sed ad aliud genus imperatorum esse referendum, saneque diligenter retinendum, & conseruandum quæso cognoscite. Locum corruptum feliciter se restituisse Lamb. ait, sed non sine ope veterum codicum. Nos quidem asterisco notandum, tanquam perobscurum, cum Hotomano duximus.

457. 19. octophoro, præter nostrum omnes habent, in quo, exaphoro legitur.

23. admouebat ex Nonio, Hotomano assensu edidimus, qui locum notauit.

458. 7. Conuicium per, c. litteram scribendum, ut recte Labeo censet, quidquid secus Valla statuerit, locus hic Ciceronis declarat. Conuicium dicitur a concitatione, vel a conuentu, hoc est a collatione vocum. cum enim in vnum plures voces conferuntur, conuicium appellatur, quasi conuocium. ita labeo apud Vipianum.

16. sed Cannensem, sine, ut, legendum.

26. pulcherrimo Syracusarum luco nonnulli. quam lectionem probat Hotomanus.

459. 4. patris: alii legunt: vulgat. patri habet.

13. deportaret: alii.

17. lucum illum litoris percrepare. Ita legunt nonnulli: in iis Manut.

46. 12. posteritati alii legunt ex coniectura, minime probato Nonii exemplo, apud quem eundem Ciceronis locum corruptum aiunt. Hadrianus Iunius qui nuper emendatum in primis Nonium edidit, lectionem eandem tuetur, quam & ipsi retinimus.

33. excludere noluisse: extrudere in omnibus aliis impressis legitur.

463. 4. diligentiamque adhibuit in eo. in aliis verbum abest.

12. maiestatis deminutæ, Hotomanus emendat: antea, dementiæ, legebatur.

20. ob quam rem.

22. post si videbitur ex Lam. edidimus multo enim lectio esse clarius videtur: elegantior certe est vulgata.

464. 7. Fuit ista reprehensio quoddam, alii habent. Fuit reipublicæ ratio, vel religio quondam, alij quam emendationem Lamb. Memmio viro clarissi. & doctissimo attribuit ipse diuersa coniectura, Fuit ista reipublicæ dignitas quondam. noster, Fuit ista respub. quondam. quam lectionem minime improbandam duximus. Perinde enim est, ac si dicat, Fuit ista quondam reipub. administrandæ ratio.

19. nunquam turpe, nunquam criminofum.

465. 13. publice coactis: alij: quibus ego assentior, videtur enim vox, grati, adiecta sedulo, rei significandæ causa.

14. quod & ostendam non ut antea, & quod ostendam: quemadmodum in aliis impressis legebatur.

466. 9. Hactenus in vulgatis præpostere editum est, maiestatem reip. minuisse. auxilia populi Rom. Ita autem est emendandus locus, maiestatem populi Ro. minuisse. auxilia reipub. quod vidit etiam Lam.

21. imponebatur.

30. At hoc solum sunt affecti, ne nauem daret, Lamb. quæ mihi valde lectio probatur.

467. 20. Et, ut hoc, At ut hoc. noster habet: quam lectionem Hotomanus ex vetusto codice agnoscit.

26. recita decretum ex commentario. DECRE-
TVM

TVM EX COMMENTARIO Lambinus.

468. 14. Mamertinis remittere. Alii ante verbum, remittere, quidem, habent. & paullo post, & ab his tamen exegisti. & rerum decretarum, & frumenti imperati, & tritici empti. Lamb.

30. primum, vt in iudiciis. Nos particulam vt, probata Hotomani coniectura, tamquam superuacaneam, tollendam curauimus.

469. 23. non quæ provinciarum spolia, alij abiecta dictione, noua legunt; alii pro noua, nostræ; forte non male, Non vulgatam lectionem retinuimus.

28. custodesque furtorum fuerunt: illi tibi, &c.

470. 8. debbat: & in illo omni negotio.

30. certo pretio. hæcenus in omnibus fere vulgaris excusum est. nos, certum pretium ex Hot. restituiimus.

471. 13. in acta. Lamb. hoc est iu littore. vbi vulgati habent, noctu locum autem ait se ex veterum codicum auctoritate restituisse.

472. 3. posset! homines maritimi. & mox, qui sæpe.

21. pirata occultatus est. & mox, aspici nefas esset.

473. 7. condi, alii legunt. contrudi fere vulgati omnes.

34. quod erat ceptum, & ex remorum numero.

475. 36. quoad cum imperio fuisti

476. 21. reip, tempus.

30. Et nunc credo cuiquam dubium.

477. 5. si eum diceret esse mortuum, quis te audiret? nunc cum viuum istum nescio quem produces, tamenne id credi voles? Ita legit Hotomanius, & Lambinus. nobis quidem nulla causa satis idonea visa est vulgatam lectionem mutandi,

ANIMAD.

478. 16. totos in lecto dies, corrigit Hotom.
nos quidem, vt noster, vt alii, tot in acta dies, edidi-
mus. Seruii testimonio adducti, apud quem ita hic
locus citatus exstat. In acta enim, hoc est in litore.
Nemini vero dubium esse potest, quin Cicero vt a-
liquando Græcis vocibus consueuerit, atque adeo
vbi illi mentio rerum Græcarum esset facienda: vt
in oratione pro Flacco, psephismata dixit; in Ver-
rem, pro agorus; pro Rabirio, dicecetes.

481. 3. Quod nisi Cleomenes tanto ante.

14. ita in periculo.

22. Dum hæc aguntur.

482. 27. tum illius acta commemorabatur, hoc
est comissationes, conuiuia, cenæ, cantus, sympho-
nia, quibus acta hoc est litus personabat. Ita edidit
Lambinus: nos vulgatam lectionem retinuimus,
neque malam illam quidem, neque improbandam.

484. 30. hominum conuentum, ac multitudi-
nem, piratico myoparoni? ita ait Lambinus se lo-
cum emendasse fretum veterum codicum auctori-
tate. atque feliciter ille quidem, vt mihi videtur.

485. 19. venit: & paullo post; in tabulas.

486. 3. & in eas referri: & non multo post; ta-
bular.

34. Phararchum, alii.

489. 9. in comœatu.

490. 37. Phararchum.

491. 18 nauarchorum, in quibusdam vacat.

24. ore excipere, ex Hot. edidimus; cum vox
illa, ore, in nostro hactenus desideraretur.

28. vestitumque adiecimus. ita locū ex Quin-
tiliano, corrigente Hotomano, expleuimus.

493. 13. sedetis. alii.

34. numeramur, alii efficiunt, ex duabus, voci-
bus, non eramus.

494. 1. ministrata sunt, alii.

24. venient; & paullo infra, & ei legi: & ea-
dem

dem pagina, & ita fieri

495. 6. deportata.

29. princeps fuit.

30. Tyndaride: & paullo post, reportare.

496. 16. detulit lacrymis. Ego ad hoc, Hotomanus & alii impressi habent: Lambinus, detulit lacrymans. Ego huc, &c. ex Memmii coniectura. noster ita habet, detulit. Lacrymis ego ad hoc, non gloria inductus accessi: quam lectionem cur nobis improbandam putaremus, nulla causa est visa. Nam quod sequitur, sed ne falsa damnatio, ne carcer, & quæ sequuntur, vocem illam, sed tollendam censemus, ut census constet. Quod tamen totum iudicio eruditorum hominum permittimus.

27. defendere, is ista defendat.

28. me tibi culpam, edidimus. quod etiam vidit Lambinus. male enim, tibi, antea desiderabatur.

497. 16. perfugia, alii legunt.

16. Etiam illud præcidas licet. Lambin. ita autem esse legendum, & ratio docet, & quod paullo post Cicero ait, Quare hæc quoque prætermittas licet.

27. te pretio remiges.

499. 14. talari addidimus, quæ antea vox in vulgatis deerat, ex emendatione Hotomani, qui fretus vetusti codicis auctoritate locum restituit.

34. satis promissio muneri ac recepto, habent a Manutio excusi.

37. defixa, atque insita.

500. 25. at quam ob causam.

502. 14. intercipere, probata Lambini coniectura edendum curauimus; cum perperam antea, interficere, legeretur.

506. 13. Syracusis.

20. excogitata.

507. 26. testium, alii legendum putant.

508. 24. emanabat apud Gell. libro x. capite

A N I M A D.

111. emicabat apud Quintil. lib. x. cap. 11. quam lectionem probat Hotomanus. eminebat habent fere excusi omnes.

509. 18. ardentes. alii.

20. leniebat, est apud Gell. quam lectionem recte Hotomanus censet reiciendam.

28. primario habent vulgati fere omnes in his Manut. primo, olim Ald. edidit.

510. 23. quid ceteri?

511. 11. nauticant ad ea loca.

14. hac una tantum apud Gell. lib. 1. capite 111. legitur. Hotomanus vulgatam lectionem sequitur veterum codicum auctoritate corroboratam.

19. esse futurum, ex Hotomani emendatione edi curauimus: qui ita legendum ex Gellio existimat.

33. si cognosceret hominem.

512. 30. quem enim locum in prouincia sua celebritate simillimum, &c.

513. 16. vocem, omnium Hotomani assensu sustulimus, quem eo loco vacare nemo non videt. ita enim legebatur: quoniam id, & salutis omnium ratio, & veritas omnium postulat.

514. 13. perrineant.

516. 25. laboribus.

517. 16. corrupti.

519. 14. incolitis.

28. denique Hot.

I N O R A T. P R O

M. Forteio.

521. 11. pericula, populi Romani copiis armisque. ita in excusis antea legebatur. nos ex Hotomani coniectura, pericula a populo Romano: Faernus ex antiquo libro secus; pericula populo Romano copiis,

ANIMAD.

cōpiis, armisque compensarunt.

14. Generum varietate, habet Faerni editio.

16. proxime fuerant: Hotom. coniectura, quæ perbelle loco quadrare videtur. Qui proximi, tamen Faernus legit, ut nos edidimus.

23. Hæc qui gessit, ita antea legebatur. Faernus ex vetere exemplari, is qui gessit, curauit edendum.

27. M. Fonteii, cum ad hunc diem fere in omnibus vulgatis, Cn. Pompeii pertinaciter hæssisset, ex Hotoman. auctoritate edidimus; cui Faernus se ait assentiri, atque adeo, quamquam repugnante suo vetere exemplari, in quo Cn. Pompeii legitur.

523. 20. legati ad eos? exercitus præterea Cn. Pompeii maximus atque, &c. ita legit Faern. ex suo vetere libro.

25. ecquem ex tanto.

27. ecquis est?

523. 7. Quid? si hoc crimen optimis nominibus, nonnulli, quod præter Hotomanum etiam Faernus agnoscit: qui ita ait in Vaticani libro haberi, Hotomanus tamen vulgatam lectionem tuetur, exemplo Cælii ad Ciceronem fretus. Non videtur hoc loco esse prætereunda viri doctissimi coniectura: qui non ita magna litterarum commutatione sic locum emendare conatur. Suspiciatur enim, litteram c. quæ eadem quidem esse postrema huius vocis, hoc, ad litteram, r, temere hæssisse, quæ esset huius vocis reipublic. nota: ex reliquis autem litteris vnus, e, vocalis mutatione in u, alteram vocalem, facile, munus, confici posse. Ita multo commodius, hoc reipub. munus delegare, quam hoc crimen videri posse enuntiari. Nam quæ mox verba sequuntur, adiuuant hanc coniecturam. sed uti doceamus eos isti munitioni præfuisse, qui facile officium suum, & præstare, & probare possunt, &c.

18 nostris.

23. Litteræ M.F. ad C. Annium legatum.

37. Crodimi nonnulli legunt, Croduni Faernus. locum autem hunc totum cum deprauatus esset, plane restituit. Idem pro Seruium, Seruū legit.

37. Munium.

524. 5. Deuerterentur Faerne.

11. inuidiosam, Alii habent. Ita quidem legendum ratio docet, & quæ mox sequuntur verba, Vel maxime enim inimici hanc rem sermonibus diuulgare voluerunt.

525. 7. vno de teste. Faernus contendit legi oportere, ut scriptum inueniri ait in antiquo libro, quo optimo utitur.

10. iudici, alii ediderant.

18. coniecturæ, & cogitationi, cum antea coniectura, & cogitatione legeretur, approbata Hotomani emendatione, ex eudendum curauimus.

526. 1. si ut quidque Faernus.

24. Vulgarum, non, Belgarum legendum credidimus, & rationem, & Faerni emendationem secuti: sunt autem Volgæ seu Vulgæ Prouinciæ populi non procul ab Arecomicis.

528. 8. vincam testimoniorum fidem, Faernus legi affirmat. in vetustissimo codice Vaticano quæ maxime sequitur in hac oratione emendanda.

29. facillime, Faernus.

29. cum Gallis iurare malitis. Faern. cuius verba adscribi placuit: Vos tamen Gallis credere malitis. in codice Vatic. legitur: vos tamen cum Gallis iurare malitis. nam & Galli iurati testimonium dixerant in Fonteium, & iudices, antequam de eo sententiam ferrent, iuraturi erant quod si condemnassent, visi essent iurare cum Gallis. conuictis virorum bonorum testimoniis. locum hunc fœde corruptum Ho. feliciter emendauit: legationibus flagitiose obitis, conuictus virorum bonorum testimoniis,

37. secatores

ANIMAD.

37. senatores ex Faerno edidimus, cum senatū antea legeretur.

530. 7. belli gerendo; ait Faern. in codice Vaticano legi: vt recte bello gerendo, emendari posse existimet.

32. deficta Faer. conficta alii.

531. 32. non audienda, Faerno assensu excudi curauimus; qui locum ex cod. Vatin, emendat: nunc enim, antea male legebatur.

542. 19. pro exercitus Faern. auctorem secuti edidimus.

533. 5. inserite oculos; Faern. legit vulgati habent inferte.

15. condonare, vt Faern. non condemnare legendum videtur.

18. nos vero, iudices, non & multis & firmis præfidiis, vobis adiutoribus. isti immuni, atque intolerandæ barbariæ resistemus? ita habet Hotom.

534. 2. propugnat Faern.

IN ORATIONEM PRO

A. CACINA.

536. 19. si facta vis non esset moribus, nos Hotomani auctoritate adducti, negationem tollendam curauimus.

537. 10. quod nos arguimus, confitentur, siue fides. &c. Ita legendum putat Hotomanus, non mala coniectura.

542. 30. Quid ais? istius ille fundus est. locum deprauatum feliciter Hotomanus ex ingenio restituit. Quid ais? tuus ille fundus est? Idem sequenti pag. a quo loco, legit.

543. 23. e quo ex conuento.

544. 29. vt idcirco minus.

545. 37. XLCIO.

ANIMAD.

546. 6. eum incognitare.

32. dubium vobis fuit, esse vis aliqua videre-
tur, nec ne.

548. 2. sint, hoc genus.

19. Quid denique ad ius ciuile, aut ad actoris
notionem, & ad animaduersionem ages iniuriarū?
Locum perobscurum, vt potuit ex ingenio Hoto-
manus restituit. Quid deniq; ad ius ciuile, aut acto-
ris, ad notionem, & ad animaduersionem ages iniu-
riarum?

550. 3. in eadem vi, Hotomanus, qui tamen in
vetustis codicibus legi ait, an cum eadem vi.

552. 10. vt primum.

552. 17, aut aliquo prohibet.

553. 13. Quod si.

26. adstringere. & mox, statuit.

554. 12. pacti conuenti.

555. 2. biennem Hot. putat esse legendum: qui
totum hunc locum a Budæo dissentiens pererudite
interpretatur, non, biennium. Idē paullo ante, vsum,
auctoritatem, coniuncte legendum docet.

556. 20. sed quia in hac re.

557. 9. vim enim multitudinis. hunc locum
Manu, tamquam corruptum asterisco notat, sed eo-
dem genere dicendi pagina etiam insequēti vtitur.

559. 15. pro, orationem, alij hortationem ha-
bent; equidem, rationem legēdum puto. Idem pro
P. Quin&. Dici vix potest, quam multa sint, quæ re-
spondeatis ante fieri oportere, quam ad hanc ra-
tionem extremam, necessariam deuenire.

20. tum illud quod dicitur *locum mancum, &
deprauatum si vlla spes sit restituendi, sic Hotoma-
nus restitui posse putat, tum illud quod dicitur, Vti
lingua nuncupasset. Vide illius comment.

560. 5. Tamen probasse nemini, legit Manut.
Alij negationem retinent, &, non probasse nemini
legunt. Nam probabile est, e centumviris fuisse,
quibus

ANIMAD.

quibus Scæuula causam probarit.

561. interponi, pro imponi, ex Hotomano edendum curauimus.

16. testimonium, non, testamentum, quod antea excusum erat, legendum Hot. docet.

563. 25. Non vereor.

564. 3. nostræ defensionis, Hotomanus legit: id quod libri ab Aldo excusi habent, & veteres omnes. Cur enim aduersarij querantur, nimum tribui Aquillij auctoritati? si vestræ, non nostræ legas? Itē infra, nostrum nominetis, & noster auctor, & rursus, quo nos auctore, est legendum.

17. e iam illa * materia, æquitatis: habent vulg. etiam illa me tueri æquitate, Hot. sed ita, vt fateatur locum mendo non carere.

18. plurimis sæpe in rebus ius, æqui bonique rationem esse seiunctam, semperque id valuisse. Hunc locum scæde corruptum ita restituit Hotoman. plurimis sæpe in rebus æqui bonique rationē esse seiunctam, semperque id ius valuisse plurimum Arbitratur enim, vocem ius, e suo remotam loco in hunc postea alienum immigrasse.

565. 13. iussit, non iussisset, contendit Hot. legendum.

14. proximo, non vt antea, proximi. Hot.

17. ex decreto emendat Hot. quod antea erat ex edicto. Et rursus pag. seq. lin. 2.

566. 12. neque in hac re. Mannt. Hotoman. alij. noster minime in hac re. sed neque, est legendum, vt hinc illud infra respondeat, neque in vi & c.

567. 5. vt cum esset a patria deiectus. Hot. locum esse corruptum existimat, atque ita corrigi oportere vt vnde esset deiectus. cuius quidem coniectura optima ratione niti videtur.

567. 25. qui postulat, vt a quo loco deiectus est, hoc est vnde deiectus est, eo restituatur, cum, verba nos co-ducunt &c. Locum deprauatum

ANIMAD.

adiutus ope veterum codicum , ita Hotomannus
emendat: Qui postulat, vt a quo loco deiectus est,
restituatur: hoc postulat, vt vnde deiectus est, eo
restituatur cum verba non ea ducunt &c.

569. 32. dicit, alij legunt.

574. 5. perspicis hoc nihil esse, vt in ceteris
quæ rogauj.

6. Primum illud, alij.

F I N I S.



